



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



1. The first part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them. The list is organized into two columns, with names on the left and addresses on the right.

2.



3.







LUDOVICI ANTONII

MURATORII

*OPERA OMNIA.*

~~SECRET~~

SECRET

SECRET

SECRET

SECRET

~~SECRET~~

ANTIQUITATES  
ITALICAE  
MEDIÆ AEVĬ,  
SIVE  
DISSERTATIONES.

De Moribus, Ritibus, Religione, Regimine, Magistratibus, Legibus, Studiis  
Literarum, Artibus, Lingua, Militia, Nummis, Principibus, Libertate,  
Servitute, Foederibus, aliisque faciem & mores Italici Populi referenti-  
bus post declinationem Rom. Imp. ad Annum usque MD.

OMNIA ILLUSTRANTUR ET CONFIRMANTUR  
INGENTI COPIA DIPLOMATUM  
ET CHARTARUM VETERUM,

*Nunc primum ex Archivis Italiae depromptarum,*

ADDITIS ETIAM  
NUMMIS, CHRONICIS, ALIISQUE MONUMENTIS  
NUNQUAM ANTEA EDITIS.

AUCTORE  
LUDOVICO ANTONIO MURATORIO  
SERENISSIMI DUCIS MUTINAE  
BIBLIOTHECAE PRAEFECTO.

*Arretino Seminario & Collegio Ecclesiasticorum Castilionensi Episcopali-  
bus alteram hanc editionem curantibus.*

TOMUS QUARTUS.



ARRETI MDCCCLXXIV.

Typis MICHAELIS BELLOTTI Impress. Episcop. sub signo PETRARCAE.

SUPERIORIBUS PERMITTENTIBUS.

246 . h . 253

10/10/10

10/10/10

10/10/10

10/10/10

10/10/10

10/10/10

10/10/10

10/10/10

10/10/10

10/10/10

10/10/10



10/10/10



S E R E N I S S I M O  
F R I D E R I C O,  
R E G I O P O L O N I A E,  
E T  
E L E C T O R A L I S A X O N I A E  
P R I N C I P I.



Lementissimo Poloniae Regi AUGUSTO Parenti tuo Tomum Primum hujus Operis dicatum qua par erat veneratione obtuli. Sine nunc quæso, Regie ac humanissime Princeps, ut alterum hunc præclarissimo Nomine tuo signatum, tibi sistam, quo palam testari pergam, quale sit meum erga tuam quoque Regalem Celsitudinem obsequium. Ex quo enim Italiam ingressus ad nobilissimum Siciliae ac Neapolis Regem CAROLUM adduxisti elegantissimam Conjugem & Reginam MARIAM AMALIAM, Sororem tuam, omnium oculi, aut animi, meus vero potissimum, in te conversi fuerunt.

runt. Mirata autem fuit magnificentissima Urbs Neapolis, mirata deinde est egregias tuas dotes vel ipsa Urbium princeps Roma. Nempe hic ille est (concordi voce omnes ajunt) qui Catholicae Religionis documenta alte in praecordiis infixata tenens, tam accuratè Pietatis ubique officia implet, ut reliquis exemplo in cultu, reverentia, ac timore Numinis esse jam possit. Hic ille, qui passim splendida Munificentiae suae vestigia relinquit. Hic etiam, cui, quamvis numquam praecellae Dignitatis suae modum oblito, ea tamen est suavitas morum, comitas affabilitasque sermonis, quae omnium secum colloquentium animos sibi conciliet, egregiaeque formae, vultus sui lineamentis probe respondeat. Neque mihi aliunde petendi testes tum tui felicissimi ingenii, tum animi meliora quaeque aemulantis. Te egomet teneo, quantaque sit Virtutum tuarum ubertas ac soliditas, experimento meo edoctus, aliis testari jam possum. Quum enim Mutinam deductus XI. Kal. Decembris, atque a Serenissimo FRANCISCO Duce hero meo summa cum exultatione exceptus, incomparabiles Picturas, Statuas, Numismata, Bibliothecam, ceteraque Estensis Palatii, & Mutinensis Urbis ornamenta, non cursim, sed mirabili attentione perpenderes, & memoriae singula mandares, me quoque ad alloquium tuum non semel pro tua benignitate admissum voluisti, ac discedens mihi illustre Liberalitatis tuae pignus reliquisti.

Proinde haec omnia, Serenissime Princeps, tibi gratulor, sed illud potissimum, quod te noverim etiam erga Literas amore ferri, eisque operam dare lubenti animo. Scilicet mature jam agnovisti, illas, quoties in Principes coeant, plurimum laudis conferre, atque ad bene  
 regen-

regendos Populos grandi illis adjumento esse posse. Ad eas vero addiscendas nihil certe tibi Natura negavit. Non mentis perspicaciam, cujus adeo frequenter tum in quotidiano sermone, tum in arduis quaestionibus intelligendis specimina praebes; non Memoriam, quum jam praeter maternam Theutonicam Linguam, familiares tibi effeceris Italicam, Gallicam, & Polonam; Latine quoque non lento gradu prosequaris. Reliqua praetereo ornamenta, viro Principe, & ad grandia nato, perquam digna, quae aut tibi egregia educatio a praestantissimo Comite de Wackerbart adhibita, aut bonae indolis cultura pepererunt.

Sed quando apud nos versaris, ut mores Italico-  
rum, amplissimique Regni hujus amoenitates ac magnificenciam, non ex ore aliorum, sed tuis ipse oculis addiscas: liceat mihi in laudabile consilium tuum me quoque ingerere. Jam tot antiquae Italiae pretiosa splendidaeque monumenta, in Urbe aeterna praesertim, spectasti, a Romanis olim rerum dominis ad nos usque profecta. Quale sit etiam praesentis Italiae decus, quotidie intueris. Quid si & ego te adducam ad dignoscendum, qualis quoque fuerit Italiae facies temporibus iis, quae Barbarica nunc appellamus? Non injucundum profecto fuerit, neque inutile tibi, hanc etiam Eruditionis Historicae partem perspexisse: eâ praecipue de causâ, quod ubi Italiam spectaveris, inconditis rudibusque moribus olim viventem, non alium Germaniae tuae aspectum tunc fuisse, certum tibi futurum sit. Eadem vero tempora qui cum nostris componit, oblectetur necesse est, dum tantam rerum mutationem animadvertit in Literis, in Militia, in Artibus, aliisque humanae vitae com-  
modis

VII

modis ac virtutibus. Et quamvis ne nos quidem vitiis, improbisque moribus careamus: innumera tamen sunt, quae Saeculum nostrum prae antiquis commendant, nosque gaudere jubent, quod aevo illo nati sumus, quo & Virtuti majus pretium, & moribus temperantia uberior atque elegantia accessit. Reliquum ergo est, clementissime Princeps, ut qua soles benignitate Librum hunc, ejusque argumentum excipias. Si non in Gloriam tuam augmentum (quod tamen ante oculos habui) meum hoc Opus, qualecumque sit, redundabit: praesentes saltem ac posteros monebit, me tui Nominis, tuarum Virtutum, tuaeque Regalis gentis, non postremum fuisse admiratorem atque cultorem. Haec autem venerabundus, & omnia tibi e Caelo fausta precatus, scribebam

REGIAE CELSITUDINIS TUAE

Mutinae Prid. Non. Junias. A. C. MDCCXL.

*Humillimus, Obsequensissimus, & perpetuus famulus*  
Ludovicus Antonius Muratorius.

DE TRIBUTIS,  
VECTIGALIBUS,

ALIISQUE

ONERIBUS PUBLICIS

MEDII AEVI.

DISSERTATIO  
DECIMANONA.



1000



# DISSERTATIO

## DECIMANONA.



Ed quibusnam quæso Fiscus olim alebatur? Nemini umquam Principum libris aut magistris opus fuit, ut rationem addicerent exigendæ colligendæque a Populo pecuniæ, tum ad sustinendam dignitatem, tum ad belli necessitates, ac tutelam Regni. Ars hæc facilis unicuique, dum Populos habeat subiectos atque morigeros, & ferendo iugo adfuetos. Idcirco uti olim, ita & tempore Langobardorum, Francorum, aliorumque Italiae dominantium in usu fuisse *Tributa*, quæ a Populo vel in pecunia numerata, vel in agrorum fructibus exsolvebantur. Præterea *Vestigalia*, quæ ex mercium, rerumque venalium invectione & exportatione capiebantur, sive ad portus & portas, sive in viis, pontibus, & ad flumina: quæ etiam *Portoria* veteres appellarunt. Ad hæc, ut in præcedenti Dissertatione ostendi, *Mul-*

*tae* non leves, nec paucae ad Acrium Principis deferebantur. Quibus adde *Census & Fundos*, qui in privato aut publico Regum patrimonio numerabantur, non secus ac privatorum Allodia, uti Cortes, Silvae, Prata, aliaque id genus prædia, tum Salinae, Metallorum fodinae, Lacus, & Flumina piscosa &c. Denique alia erant *Onera publica*, quæ nil sane pecuniæ Fisco pariebant, nihilo tamen secius multum auri & argenti, aut multum incommodi ac laboris e Populo extorquebant. De singulis nunc aliquid est nobis differendum. Romani Populi Vestigalia qui rescire cupit, adeat Librum hæc de re editum a Cl. V. Petro Burmano. Ad *Capitationem* sive *Censum capitum* quod attinet, sive ex animalium, sive ex ipsorum hominum capitibus exigeretur, ea certe sub Romanis rerum dominis nota ac usurpata fuit, uti viri docti jamdiu animadvertunt, quos enumerare superfluum puto. Eiusmodi oneris ne nostris quidem temporibus ignota est gravitas in quibusdam Populis. Ple-

beji tantum ejusmodi tributo olim obnoxii. Sed & Nobiles ab iis minime immunes, Apollinaris Sidonius aevo suo ostendere videtur. An autem & Seculis posterioribus Italia, sub Barbaris posita, obnoxia eidem tributo fuerit, mihi sane sub nubilo res est: nihil enim horum habent Langobardicae Leges, & nimis pauca ejus aevi monumenta ad nos pervenere. Certe Graeci non ignorarunt. Namque Anastasius in Vita Vitaliani Papae de Constantino, seu Constante Augusto ad Annum DCLXVIII. haec habet: *Habitavit in Civitate Syracusana, & talem afflictionem posuit in Populo, seu habitatoribus Calabriae, Siciliae, Africae, Sardiniae, per diagrapha, seu capita, atque nauticationes per annos plurimos, quales a saeculo numquam fuerant. Testagium a Bonifacio VIII. Papa Lib. 4. Epist. 217. memoratum, idem est atque Capitatio. Ad haec affirmare non ausim, an sub Langobardis & Francis Tributa a terrarum possessoribus in Italia penderentur. Existit quidem Ludovici Pii Augusti Lex Langobardica 31. his verbis concepta: *Quicumque Tributariam terram, unde Tributum ad partem nostram exire solebat, vel ad Ecclesiam, vel cuilibet alteri tradiderit, is, qui eam suscepit, Tributum, quod inde solebat solvere, omnimodis ad partem nostram solvat, nisi forte talem firmitatem habeat de parte nostra, per quam ipsum Tributum sibi perdonatum possit ostendere. Sed haec tributaria terra nil aliud est quam censualis terra, in subsequenti Lege 32. ejusdem Augusti memorata, hoc est, quae colonis tradebatur, ut annum censum redderent. Incolendae autem terrae dabantur aut Servis, aut Aldionibus, interdum quoque Liberis hominibus, annuo Censu constituto. Cujus con-**

A luetudinis exempla habentur complura in Chronicis Vulturnenfi, & Farsensi, atque in his ipsis Libris. Statutum fuit in Lege Salica Tit. 43. de homicid. ingenuor. Cap. 8. *Si quis Romanum tributarium occiderit, millecentingentis Denariis culpabilis judicetur.* Pithoeus in Glossar. Leg. Salicae inde hausit, *Romanos tributarios* fuisse appellatos; *nee enim Franci ingenui pendebant Tributum.* Gregorium Turonensem testem adducit, qui Lib. VII. Cap. XV. Histor. Francicae scribit: *Ipse multos de Francis, qui tempore Childeberti Regis senioris ingenui fuerant, publico tributo subegit.* Pithoeo subscribit Du-Cangius. An Romani tantum, hoc est descendentes ex iis, qui ante Francorum adventum Galliam incolebant, Tributo obnoxii fuerint, Franci verò Ingenui omnes Immunes ab eo, sat firmis rationibus nondum fortasse demonstratum est. Unum ego nunc contendo: nempe ex eo Salicae Legis loco nihil certi effluere ad confirmandam ejusmodi sententiam. *Romanus tributarius* ibi, si quid video, hominem tantummodo significat Romanae Legi addictum a quo tributarium aliquod praedium excolebatur. *Beneficarii* quoque appellabantur, qui Censum seu Tributum domino praedii reddebant. Haec autem Aldiones significari, non verò Liberos & ingenuos homines, Lex anterior satis indicat. Nam *Romani tributarii* caedes luitur *quadraginta quinque Solidis.* Si verò *Romanus homo possessor*, hoc est qui res proprias possidet (id autem significat Nobilem seu ingenuum) occisor, *Solidis centum culpabilis judicetur.* Ergo non hinc inferendum, Romanos quoslibet in Regno Francorum *Tributarios* fuisse, hoc est tributa percoluisse, a quibus Franci ingenui

genui absoluti forent; sed *Tributarii* vox illic explicanda est, ut modò dictum est *de terra Tributaria*. Possem hoc aliis Auctoribus confirmare, sed illud duntaxat, quod supra statui *de terra tributaria*, sive *cenfuali*, exemplo uno roboratum volo, videlicet Placito, cujus apographum olim vidi in Archivo Capituli Canonicorum Cremonensium, simulque in

A vetusto Regesto Episcopii ejusdem Urbis. Contendebat Advocatus Fisci Regii, Curtem Auce obnoxiam esse tributo, seu censui annuo decem Solidorum auri. Tunc Landus Episcopus in Placito coram Miffo Berengarii Regis exeruit Diploma Caroli Crassi Augusti, per quod eadem Curtis ab omni Tributo immunis ostendebatur.

Landus Episcopus Cremonensis coram Gaucone Miffo Berengarii Regis in Placito Cremonensi sententiam obtinet, ne censum annuum pro duabus Curtibus persolvat Camerae Regiae, Anno 910.

D Um in Dei nomine Civitate Cremona, ubi Dominus Berengarius gloriosissimus Rex preerat, ad domum Episcopii ipsius Cremonensis Ecclesie... resideres Gaufo Vassus & Miffo Domini Regis ex hac causa constitutus, residentibus cum eo Ambrosius Cancellarius, Gualbertus, Sichardus Judex..... Cremonensis, Leo Archipresbyter, Petrus, Lambertus, Rampertus Presbyteris, Lupus Archidiaconus, Aldo, Oldebertus Diaconis, Cardines ipsius Episcopii, Rodelandus, Vulmanus.... & reliqui plures..... Landus Episcopus ejusdem Sedis, una Adelbertus Vasallo & Advocato suo, & ostendit ibi Preceptum unum, ubi continebatur in eo ab ordine, ut hìc subter legitur: In nomine sancte & individue Trinitatis. Karolus divina favente clementia Imperator Augustus. Si petitionibus Sacerdotum justis & rationalibus annuimus, & necessitudinem injustam sublevamus, id nobis procul dubio ad eternam beatitudinem capeffendam pertinere confidimus, quia decet Imperiale fastigium sibi subditam partem oppressam pravitatem..... erigendo, & ad proprium Deo fa-

B vente statum redintegrando perducere. Quapropter omnium Sanctae Dei Ecclesiae fidelium, nostrorumque presentium scilicet ac futurorum comperiat industria, quia venientibus nobis Ravennam ad colloquium spiritualis Patris nostri Domini Johannis videlicet summi Romani Pontificis &c. (a) Data XI. Kalendas Martii, Anno Incarnationis Domini DCCCLXXXII. Indictione XV. Anno verò Imperii Domni Karoli Secundo. Actum Ravennae Civitate in Dei nomine feliciter. Amen. *Est* Preceptum ipsum firmatum manu propria idem Domni Karoli Imperatoris, & ad ejus anulum sigilatum. Preceptum ipsum hostensum, & ab ordine relictum. Interrogati sunt ipsi Landus Episcopus & Adelbertus Advocatus, pro quod Preceptum ipsum hostendisset, qui dixit: Ideo Preceptum ipsum hìc vestri presentia hostensi, ut nec quilibet dicere possit, quod pars hujus Episcopii Cremonensis eum silens aut occulte aut conludiose abuiffem aut detenuiffem; & quod plus est, ut audivimus, iste Lupus filius quondam Ariperti, abitor hujus Civitatis

(a) Ut in Privilegio Arretii existente, & supra edito in Dissert. XV.

tatis Cremonensis, Advocatis Curtis Domni Regis Auce, que dicitur Magiore, & Castenedulo, qui hinc presens est, querit nobis Censum Solidorum Septem & dimidio, pro silvis & terris a parte ipsius Curtis Auce, que dicitur Magiore, seu Castenedulo annualiter persolvendum; quod nos iuxta superscriptum Preceptum da pars ipsius Episcopii nullum Censum nec ullam redibitionem dare nec persolvere debemus. Querimus, ut dicat, si ipsum Censum a pars ipsius Curtis Auce, que dicitur Magiore, & Castenedulo aliquod pertinet, an non. Qui & ipse Lupus Advocatus dixit, & professus est: Vere Preceptum ipsum, quam hinc ostendisti, bonum & verax est; & Censum ipsum Solidorum septem & dimidio, quod vos dicitis, a parte ipsius Curtis Castenedulo, nec jam dicta Curte Auce, que dicitur Magiore, iuxta ipsum Preceptum nihil pertinet ad querendum, nec pertinere debet cum lege: & ipsum Censum da pars ipsius Episcopii ne quesivimus, ne querimus, quia cum lege non possumus. His peractis, & manifestatio ut supra facta, paruit supradictis Auditoribus esse recte, & judicaverunt, ut iuxta eorum altercationem, & eidem Luponi Advocatori professione & manifestatione, ipse Lupus Advocatus, & pars Regia, & ipsius Curtis Auce, que dicitur Magiore, & Castenedulo, maneat de predictum Censum iuxta ipsum Preceptum taciti & contenti, & pars ipsius Episcopii sint exinde soluti & indemnes. Et finita est causa. Et hac noticia pro securitate parte ipsius Episcopii fieri iussimus.

Quidem & ego Rotifredus Notarius Domni Regis ex iussione Domni Regis, & ammonitione superscriptorum Judicum scripsi, Anno Regni Domni Berengarii

A Regis Deo propitio Vigesimo Tertio, Mense Novembris, Indictione Quartadecima.

Andreas Diaconus & Capellanus Domni Regis interfuit.

Johannes Clericus de Verona interfuit.

Ego Ambrosius Diaconus & Cancellarius Domni Regis interfui & subscripsi. Gausus interfui.

B Gualpertus Judex Domni Regis interfuit.

Sichardus Judex Domni Regis interfuit.

Bisonius Judex Domni Regis interfuit.

Petrus Notarius interfuit.

C \*\*\* Signum manibus superscriptorum Bernardi, & Pagani, seu Reginerii Vassi Domni Regis, qui interfuerunt.

\*\*\* Signum manibus superscriptorum Beboni, & Miloni item Vassi Domni Regis, qui interfuerunt.

\*\*\* Signum manibus superscriptorum Oderici, Ingelrimi, similique Vassi Domni Regis, qui interfuerunt.

D Chartae hujus ope Chronologiam Episcoporum Cremonensium apud Ughellium Tom. 4. Ital. Sac. vitiatam restituere licebit. Exhibet ille nobis ab Anno DCCCCIV. usque ad Annum DCCCCXIII. Landulphum Episcopum Cremonensem, qui, ut is ait, ab Hugone Italiae Rege retulit confirmationem omnium Privilegiorum. Heus bone Ughelli: potuitne Landulphus, ut putas, Anno DCCCCXIII. e vivis sublatus, impetrare Privilegia ab Hugone, qui Anno tantum DCCCCXXVI. Rex Italiae renuntiatus fuit? Ughellius tamen agnovit & ipse Landonem Cremonensem Antistitem, eumque Cathedram ascendisse censuit Anno DCCCLXXVI. & circiter Annum DCCCCIV. naturae debitum persolvere. Fallitur tamen. En Landonem Anno quoque DCCCCX.



DCCCCX. viventem: ac proinde Landulfus ille Episcopus inter Landonem & Johannem ab eo memoratus, aut idem fuit atque Lando, aut Episcopus est per errorem confectus; & si verus is fuit, alio in loco reponendus. Ceterum *Glandatici*, *Herbatici*, *Escatici* &c. scilicet Censum, non verò tributi, mentio est in veterum Chartis: quem censum reddebant in terris alienis aut publicis colligentes glandem, seu escam pro suis animalibus. In Capitulari Sicardi Principis Beneventani apud Peregrinium, Caput Vigesimo nonum jam deperditum ita inscribitur: *Ut non tollatur a Terriatoribus Excussaticum & Porcos*. Sunt qui legendum ibi censeant *Excussaticum*: alii *Exclusaticum*, conjecturis aegre probandis. Restituendum ibi *Escaticum & Porcos*. Nam *esca* pro glande & porcorum cibo ab antiquis usurpata est; & *Escaticum* saepe occurrit. In Chronico Vulturnenfi Charta Anni DCCCC-LXXII. pag. 435. habet: *Qui verò*

A *porcos habuerint, ex eis dent Escaticum de undecim porcos unum*. Qui ad etiam *pascua publica*, hoc est ad Fiscum Regis spectantia, suos porcos, aliave sua animalia ducebat, Censum exinde, seu vestigal persolvere cogebatur. Ab ipso onere Farfenses Monachos immunes reddidit Ludovicus Pius, ut in Chronico ejusdem Coenobii legitur, Part. II. Tomi II. Rer. Italicar. pag. 380. Scilicet ait Scriptor Monachus, *omnia animalia hujus Monasterii in finibus Ducatus Spoletani per pascua publica omni tempore pabulare debeant vel nutriri (similiter hominum nostrorum) sine Datico, Herbatico, Escatico, vel Glandatico*. In Diplomate Ottonis Magni Augusti pro eodem Monasterio Monachis iis conceditur jus pabulandi *sine omni Datione* (nunc *Dazio*) *Castaldatico*, censu nempe: quem pro se exposcebant Castaldii Regii, *Escatico, Erbatico, Glandatico*. Est etiam mentio *Alpatici* in monumentis Ecclesiae Pistoriensis, unde subsequens Diploma hausi.

Ottonis III. Augusti Praeceptum, quo jura ac Privilegia cuncta confirmat Antonino Episcopo Pistoriensi, ejusque Ecclesiae, Anno 998.

IN nomine Sanctae & individuae Trinitatis. Otto Dei gratia Romanorum Imperator Augustus. Omnibus nostris fidelibus notum sit, quomodo nos pro Dei amore, nostraeque anime remedio, Episcopatus Pistoriensi in honore Sanctorum Zenonis, Rufini, & Felicis, omnes res & proprietates sibi pertinentes, hoc est, terram vacuum, ubi Mercatum est ipsius Civitatis, quae tenet unum caput in Gardingo & aliud caput in via Regis: unum latus in terra casa Sancti Zenonis, & in terra tarsimannatika: aliud latus in Via Regis; Villam de

D Pavano; & Montem Leonefse; & Curtem in Saturnana; Curtem Sanctae Mariae in Braina; Curtem Vinatbiam; Curtem Wisajrec; Villam de Runco; Curtem Celleri; Curtem Cumugnatum; Curtem de Fastano; Curtem de Tabiano; Curtem de Sarano; Curtem in Neure; Curtem in Piscia; Curtem de Lizano; Curtem de Mucillo; Curtem Sanctae Cristinae; Curtem in Sena, ubi Modini & Vicocona vocatur; Curtem in Brajanico; Curtem de Sero; Curtem a Burgo Cornio; Curtem ad Sanctum Justum; cum omnibus pertinentiis

tiis & adjacentiis earum: Plebes etiam de Tabiano, de Sancto Stefano in Urbaria, in Creti, in Artimino, Secano, in Quarrata de Sancto Paulo, de Sancto Iusto, de Lecore, de Burgo, de Sancto Laurentio, de Sancto Ipolito, quae vocatur Vistia, de Saturnana, de Sancto Georgio, de Celle, de Massa, de Fursulo, de Lizano, de Sancto Iohanne de Villiano: & ubicumque inventae fuerint, cum omnibus pertinentiis & adjacentiis earum; cum servis & ancillis, pratis, pascuis, campis, silvis, stalaveis, terris cultis & incultis, aquis aquarumque decursibus, molendinis, piscationibus, ripaticis, toloneis, mercatis, sibi & Antunino ejusdem Sedis Episcopo suisque successoribus omnia, sicut supra scripta sunt, vel Deus in futuro augeri ibidem voluerit, nostra Proceptali auctoritate roboramus, & ponitus in proprium statum confirmamus: eo videlicet ordine, ut ita permaneat sine om-

A nium hominum contradictione, molestatione, & diminoratione. Precipientes denique jubemus, ut nullus Dux, Archiepiscopus, Episcopus, Marchio, Comes, Vicecomes, Sculdafius, Kastaldio, nullaue nostri Regni magna parvaue persona, praedictam sanctam Dei Ecclesiam, vel Episcopos per tempora ibidem ordinatos, inquietare, molestare, aut de omnibus, quae supra leguntur, disvestire; vel supra terram ejusdem residenti-  
B bus fodrum, aut toloneum, vel ripaticum, vel Alpaticum tollere presumat. Si quis igitur hujus nostrae donationis, & confirmationis Praeceptum rumpere temptaverit, componat mille Libras auri optimi, medietatem Camere nostrae, & medietatem jam dictae Ecclesiae, suisque  
C Rectoribus. Quod ut verius credatur, & ut diligentius ab omnibus observetur, manu propria roborantes, sigilla nostro sigillare iussimus.

Signum Domini Ottonis



invictissimi Imperatoris Augusti.

Eribertus Cancellarius vice Petri Cumani Episcopi recognovit.

Data V. Kalendas Marcii, Anno Dominicae Incarnationis DCCCCXCVII. Indictione XI. Anno Tertii Ottonis Regni XV. Imperii II.

Actum Romae feliciter.

Ego Ranuccius causarum Patronus, & Judex, Tabellioque Imperialis vidi & legi autenticum scriptum, & ex eo hoc aliud probabiliter exemplavi, in tempore Ildibrandi Episcopi.

Ego Ildibrandus Notarius & Judex autenticum illud vidi & manu mea subscripsi.

Pro Anno DCCCCXCVII. scribendum utique est DCCCCXCVIII. Nam isto Anno decurrebat Indictio XI. & Annus Secundus Ottonis Tertii. Terraticum vero Censum fuit, quem ex cultura agri alieni reddebant villici, puta tot modios triti-

D ci, hordei, milii &c. Interdum tamen tributum publicum genus fuit. Comes Rogerius de Ariano, uti Falco Beneventanus tradit ad Annum MCXXXVII. Tomo V. Rer. Italicar. pag. 123. iurjurando pollicitus est, se a Beneventanis non ablaturum deinceps

deinceps de cunctis eorum hereditatibus fidantias, angarias, Terraticum, olivas, vinum, salutes, nec ullam Dationem scilicet de vineis, terris aspris, silvis, castanetis, & Ecclesiis. Et liberam facultatem tribuit in hereditatibus Beneventanorum venandi, aucupandi &c. Refert idem Falco Privilegium eisdem Beneventanis a Rogerio Rege Anno ipso MCXXXVII. concessum, in quo eis dimittit fidantia, videlicet denariorum redditus, salutes, angarias, Terraticum, Herbatum, Carnaticum, Kalandaticum, vinum, olivas, relevum &c. Ita Anno MXXIX. Conradus I. Augustus, ut est in Tom. V. Ital. Sac. Aemoniensi Episcopo Villam Sancti Laurentii confirmat cum Placitis & Distributibus, Collectis & Angariis, Foro, Suffragio, Herbatum, Escatico, ce-

A terisque publicis fluctuationibus (legendum opinor functionibus) & pertinentiis. Quot genera Angariorum, Vestigalium, sive Tributorum tunc in usu forent, hinc intelligas. Arimani etiam, seu Milites quartum de terris suis perfolvisseprehenduntur, ut infra videbimus in Privilegio Frederici I. Augusti. Fuit & Plateaticum, tributum videlicet, quod pendebatur a venundare volentibus in Platea, quamquam ea vox translata fuerit ad alias tributorum species. Ejus mentio est in Charta, quam decerpit e MSto Codice Cencii Camerarii, ubi agitur de praestandis Romano Pontifici a Civibus Castellii Nymphae. Haec autem dicitur excerpta e Regesto Pascalis II. Pontificis.

Charta de fidelitate & servitiis a Nymphis Romanae Ecclesiae faciendis. Circiter Annum 1108.

Haec sunt, quae facient Nymphis. Fidelitatem facere beato Petro & Domino Paschali Papae, ejusque successoribus, quos meliores Cardinales & Romani elegerint. Hostem & Parlamentum, cum Curia praeceperit. Servitium, quod assueti sunt facere, & Placitum & Bannum faciant beato Petro & Papae. Quartam, quam reddere debent, deinceps reddant ad mensuram Romani modii: & si Minister praecipit, conducant eam usque Tiberiam, vel Cisternam. Glandaticum solvant in festo Sancti Martini. Bradones bonos bonos in festo Sancti Thomae. De carico uniuscujusque sandali solvant denarios sex. Fidantiam in unoquoque anno. In Mense Medio Libras triginta de Papia bonorum. Platiaticum, quod extranei debent solvere Curiae, solvantur. Foderum,

D quod debuerant Domino Papae uno die, dent duobus. Molendina, quae Dominus Papa nunc tenet, scilicet duodecim, quae sunt extra, & unum, quod est supra Lacum, quietam dimittant. Morum Civitatis destruant secundum praecceptum Curiae, nec sine ejus licentia cum aedificent.

E Testes sunt hi: Dominus Petrus Leonis: Petrus de Franco: Leo de Domino Petro de Leo: Ubicio Seni Miles: Beneincasa Piscatore: Constantius Dapifer: Zoffo de Cajaze: Gisalso Romanus de Calvo: Ugirone de Johanne Tiniofo: Paganus.

Sed praecipue intelliges, quid jus Plateae, sive Plateaticum fuerit, ex Charta, quam e Tabulario Monasterii Cavenensis depromptam exhibeo.

Gisulfi II. Principis Salernitani Diploma, per quod Alphano I Archiepiscopo Salernitano omnia jura ac bona confirmat, Anno 1058.

**I**N nomine Sancte & individue Trinitatis. Gisulfus divina favente clementia Longobardorum gentis Princeps. Nos ab omnium Conditorum dignas mercedem credimus accepturi, si sanctis ac venerabilibus locis curam & sollicitudinem impenderimus, & quod ab eorum cultoribus postulati fuerimus, in eisdem sanctis locis, pro ut possumus, adimpleverimus. Idcirco amore & timore ipsius Conditoris ac nostri Redemptoris compulsus, qui pro salute nostra mortem sumere & patibulum Crucis subire non dedignatus est, ut nos a morte liberaret, & propriam vitam tribueret, & pro salute hujus nostre Salernitane Patrie, & per interventum tuum, o Domine Archiepiscopo Alfane reverendissime ipsius Salernitani Archiepiscopatus spirituali patri nostro, & per postulationem Domine Gemme carissime Genitricis nostre, confirmamus in ipso Archiepiscopio integram Ecclesiam Sancti Martiris Viti, que constructa est intra hanc Civitatem facus Plateam, que pergit ad Portam, que Elinus dicitur, & in ipsa Platea mercimonium conficitur. Et omnes terras & casas ipsi Ecclesie pertinentes intra hanc Civitatem: & omnes res stabiles ipsi Ecclesie pertinentes foris hac Civitate, cum omnibus, que intra ipsas Ecclesias, terras & casas & eas sunt, cunctisque earum pertinentiis, & cum vice de Plateis, & viis & anditis suis, & cum muniminibus ex eo contententibus. Et cum omnibus rebus mobilibus ipsi Ecclesie pertinentibus, ea ratione, ut totum, quod dictum est, semper sit in potestate tua Domni Alfani & successorum tuorum, & pars ipsius Archiepiscopii; & tu, & successores

**A** tui, & pars jam dicti Archiepiscopii licentiam habeatis de eo facere quod volueritis. Et confirmamus in eodem Archiepiscopio omnes terras & casas & potestas, ipsi Archiepiscopio quomodocumque pertinentes intra hanc Civitatem juxta ipsam Plateam, in qua, ut dictum est, ipsum mercimonium conficitur, cum omnibus, que intra eas sunt, cunctisque earum pertinentiis, & cum vice de ipsa Platea, & de anditis suis; ut semper sit in potestate tua, Domine Archiepiscopo, & successorum tuorum, & pars ipsius Archiepiscopii, ad faciendum de eo tu & successores tui, & pars ipsius Archiepiscopii quod volueritis. Et concedimus in eodem Archiepiscopio, ut quando tu & successores tui & pars jam dicti Archiepiscopii volueritis intra ipsas terras & casas & potestas in ipsa Platea plancas, & secus eas ponere faciatis & habere quantas volueritis, & in ea ligamina rigere & habere, & super eas edificia qualiter volueritis; & in ipsis terris & casis & potestibus & planis, quot volueritis, homines ordinare licentiam habeatis: & carnes & alia mercimonia in eis mercimoniare & vendere & emere, qualiter tibi, tuisque successoribus & pars ipsius Archiepiscopii placuerit. Et ullo tempore a pars nostre Reipublice aliquod Tributum vel Census aut Servitium seu Pensionem illis omnibus tollere aut exigere querat vel imponere faciat: neque Portaticum seu Plateaticum in hac nostra Civitate, & foris per totum nostrum Principatum Salerni non dent. Sed omne Tributum & Census & Servitium, Portaticum & Pla-

& Plateaticum & Pensionem, quod per annum pars ipsius nostri sagri Palatii illi, qui in eis, ut dictum est, mercimoniaverint & vendiderint & emerint, facere & persolvere debuerint, tibi tuisque successoribus & parti ipsius Archiepiscopii faciant & persolvant. Et confirmamus in eodem Archiepiscopio omnia, quae per Romanorum Pontificum Privilegia ac Decreta, & per Imperatores & Reges ac per Principes predecessores nostros antecessoribus vestris, vobis, & in ipso Archiepiscopio confirmata & concessa per quemlibet modum fuerunt, & omnia, quae in ipso Archiepiscopio ab aliis hominibus per quemlibet modum data fuerunt, ut semper sint in potestate tua & successorum tuorum, & pars ipsius Archiepiscopii, ad faciendum ex eo quod volueritis. Et neque a nostris Iudicibus, Comitibus, Castaldeis, neque a quibuscumque actoribus nostre Reipublice, & quolibet tempore tu & successores tui & pars ipsius Archiepiscopii habeatis ex hoc, quod in dicto Archiepiscopio concessimus & confirmamus, aliquam contrarietatem. Et semper & in perpetuum illud tu & successores tui, & pars ipsius Archiepiscopii securiter habeatis & faciatis ex eo quod volueritis.

Textum verò harum confirmationum & concessionum scribere precipimus tibi . . . . . prandum Levitam & Scribam huius nostri sacri Palatii, Anno nobis a Deo concessi Principatus Sepuimodecimo, mense Majo concurrente, Indictione XI.

Quod infra in Dissertat. XXXIII. de Origin. Voc. Italicar. dicam, hoc est, enatam videri vocem nostram *Panca*, sive *Banca*, non ex *Abacus*, sed ex *Planca* apud veteres Latinos usurpata, hinc etiam confirmari potest. Occurrunt heic *Plancae*, super

A quibus in Mercato homines confidebant, aut suas merces exponebant. Eisdem nunc appellamus *Panche*, *Banche* &c. Redeo ad *Plateaticum* Salernitanae Ecclesiae datum. Pensionem persolvebant negotiatores, quicumque in Mercato exponebant merces suas. Eiusdem verò *Plateatici* mentio est in Diplomate, quod Johannes Baptista Bolvitus a se visum tradit in Archivo Cathedralis Ecclesiae Sancti Andreae Amalphiae, adhuc Sigillo plumbeo munitum, & Anno Domini MLXXX. scriptum: in quo Dominus Marinus Sebastos Dux Amalphitanorum concessit Sergio filio Johannis, filii Landonis Comitis de Prato, consanguineo suo, totum *Plateaticum* de omnibus piscibus, & septem loca pro construendis *Planchis* iuxta locum, ubi carnes & pisces venduntur in Amalfia: & apothecam cum sua via super Flumine majori subtus ejus Palatium prope mare. *Plateatici* quoque mentio est in altera Charta Romana, ex praclaudo Cencii Camerarii MSto Codice excerpta, in qua enumerantur alia Tributa, ac multae, quae in Fiscum Pontificium inferebantur. Praeter ceteris verò ibi commemorantur *Foraturae*, idest, *Forisfacturae*, quo nomine significantur multae, quae pro delictis criminalibus exigebantur: & *Scadentiae peregrinorum & extraneorum*: & *Scadentia Beneventanorum tota*. Ducangius *Excadentiam* ita interpretatur: *Bona caduca*, quae in Fiscum cadunt, seu ex commissio, seu alia quavis ratione. Mihi tantummodo ea vox significat Hereditates hominum sive Civium, sive Peregrinorum atque advenarum, decedentium sine postremis tabulis, & sine heredibus a Legge praescriptis. Haec Fisco deferbantur.



## Proprietas quae remansit Curiae de Regalibus Beneventanis.

**H**aec sunt, quae in Dominatu Papae remanserunt. Quatuor Molendina de Donno: Duo Molendina de Sancta Barbara, & Molendina de Burgo: Turres, & Plateaticum Portae summae: Hortos, & de Turre Corvula. Plaza de Pontemajori, & omnes Plancas cum Platiatico piscium & foliorum. Tigna Judaeorum. Platiaticum de Ponticello & Pontili. Domos, quae sunt circa Palatium: Alanetum totum & Salicetum totum de Ponte Leproso, & Vineas Scutlais, & vineam de Nardia, & vineas de Cirlo, & vineas Principis: Ischia de Cellarulo: Camposta: Pratum Dominicum: Viridarium: Balneum & Furnum: Planca Piscium, & Curatura de Brudo Portae Rufinae: Vineam de Cantaro: Terra de Vineae Veterana: Ecclesias omnes: Vineam de Cellarulo medietatem: Donum Christiani de Burgo Portae Aureae: Monetam & Eleham, idest bannum: Medietas reddituum de Placitis, de Forfaturis & Scadentiis Peregrinorum & Extraneorum. Scadentia Beneventanorum tota.

Et profecto qui sine Heredibus a Lege statutis, ac sine postremis tabulis decedebant, Fiscum successorem

**A** habebant. Non unum exemplum bonorum ad Fiscum devolutorum, ex eo quod homines sine herede suum obiissent diem, habes in Chronico Monasterii Beneventani apud Ughellium Tomo 8. Durior autem Peregrinorum olim atque Exterorum fuit conditio. Si enim sine postremis tabulis decedebant, Fiscus in eorum bona statim involabat, atque ex illius unguibus eripere raro Heredes a legibus vocati poterant. Quod tamen minime mirandum, quum nostris quoque temporibus non Urbes dicam & Castella, sed Regna sint, in quibus nullus exteris personis relinquitur locus ad hereditatem Agnatorum sive Cognatorum, & quidem etiam si testamento heredes scribantur, Fisco omnia vorante. Quum Sutrii olim Sacerdotes Peregrinis aegrotantibus falsum rumorem insurrarent, a Fisco eorum res capiendas, si sine testamento decederent, suasque ea occasione Ecclesias curarent heredes ab iis instituendas: quomodo consultum fuerit ejusmodi avaritiae sequens Chartula docebit, ex eodem Codice Cencii Camerarii depromta.

## Consuetudines &amp; jura, quae habet Dominus Papa in Burgo Sutrino, Circiter Annum 1220.

**I**stae sunt consuetudines & jura, quae Dominus Papa habet in Burgo Sutrino. Quum aliquis Peregrinus in Burgo Sutrino fuerit infirmatus, si Sacerdos pro danda sibi poenitentia vocatus ad ipsum accesserit, debet secum habere Castaldum Curiae. Quem si habere ne-

**E** quiverit, duos ad minus legales Vassallos Ecclesiae Romanae secum habebit, in quorum praesentia peregrinus de suis bonis pro sua voluntate disponat. Si aliter actum fuerit, peregrini dispositio non valebit. Quod ideo noscitur esse statutum, quoniam Sacerdotes solitarii pere-

peregrinos advenientes, proponebant eis, quod nisi de rebus suis omnia disponerent, Curia sibi omnia judicaret.

Quod tamen omnium maxime barbaricam crudelitatem Saeculorum praetitorum arguit, impia illa contuetudo fuit, qua plurimis in locis naufragorum bona Fiscus capiebat. Lagan seu Laganum, iniquum jus istud appellabatur, ad quam vocem consule Du-Cangium in Glossario Latino, qui erudite ostendit, pravam hunc morem & Graecis & Romanis

A antiquis, ac deinde reliquis fere Nationibus familiare fuisse. Ego ejus vestigia in Italia quoque deprehendi, quae tamen mitius quam reliqua Regna hac in re semper se habuit. Accipe Chartam, quam ex Tremetenfis Monasterii Canonorum Regularium Lateranensium Tabulario descriptam ad me misit pro suo erga me amore doctissimus P. Pompejus Alexander Bertius Lucensis e Congregatione Matris Dei.

Donatio Civitatis Gaudiae facta a Tesselgrado Comite Larinenfi Alberico Abbati Monasterii Tremetenfis, Anno 1045.

I N nomine Domini. Anno Quadragesimo primo Principatus Domini Pandolfi gloriosi Principis, & Septimo Anno Principatus Domini Landolfi filii eximii Principis filii ejus, mense Julii, XIII. Indictione. Postquam a Paradisi gaudiis humanum genus in primo Parente expulsum esset, & casibus atque ruinis plurimis crebrescentibus una mors rapit homines mille modis, & nonnumquam praevenit mors languorem, antequam languor praeveniat mortem; & quidem, ut experimento cognovimus, est ordo nascendi, & non moriendi: haec tamen omnia pertractans ego Tesselgardus Comes filius bonae memoriae Tesselgardi Comitis ex Civitate Benevento, ex corde sollicito cogitare cepi, & ante oculos mei cordis haec omnia jugiter constitui. Et cum essem incolumis & sanam . . . . . habens mentem, & recte loqui me profiteor . . . . . Edicti tenorem, subito inspiratus divina clementia, compunctusque mente consideravi, qualiter mea commissa celare non valerem, nisi elemosinis & misericordiarum operibus. Quapropter ego praedictus Tesselgardus bona mea voluntate ante

C presentiam Johannis Judicis aliisque subter scriptis testibus offero atque concedo in Monasterio, quod situm est in Insulis, quae vocantur Tremiti, cujus vocabulum est sanctae Dei genitricis Mariae, & cujus regimen annuente Domino gubernat, & regit Dominus Albericus venerabilis & religiosus Abas, ipsam Civitatem, quae vocatur Gaudia, quae videtur esse pertinentem nostri Comitatus Larinenfis, habente hos fines. De prima parte incipit ab fonte fluminis Fortoris cum medietate aquae, & sicut pergit per littorem maris, & vadit usque ad Stagnum Fansinae, quae facit Vallonem de Vena de Causa, & ascendit per ipsum Vallonem per medietatem aquae usque in Castellaro vetere de Vena de Causa, & deinde revolvente per ipsam viam Carraram, & pervenit in ipso Casale Genistrino, & descendente in ipso Colle Petri . . . . . eo quo modo descendit per ipsam viam & pervenit in ipso Molino Roffrinae fratris mei, & vadit in vetere Ponte Fortoris flumine, & descendit per medietatem ipsius fluminis usque in foce maris. Et cum omnibus suis pertinentiis, & cum transitis.

Arvis & exilibus suis, & cum terris cultis & incultis, vineis, vinealis, cum arboribus fructiferis & infructiferis, silvis, aquis, pratis, pascuis cum inferioribus & superioribus, & cum omnibus infra se habentibus. Et haec omnia offero & trado praedictae Ecclesiae, & tibi Domino Alberico venerabilis Abbas & tuis successoribus, & omnibus Fratribus secum degentibus, quantum pertinet mihi; tali igitur ordine, ut perpetuis temporibus potestatem habeas tu, & tuis successoribus conducere homines ibi ad habitandum, & Civitatem construendam, & Molina in ipsa aqua fluminis faciendam, & vineas propagandum, & pastinandum. Et omnia, quae & qualiter vestra voluntas fuerit, sine contrarietate mea, meisque heredibus, & de omnibus hominibus; excepto portum Fortoris, quod reservavi in mea potestate hoc revere: ut si voluntate Dei ex hoc migravero seculo ego Tesselgardus, & si filios relinquo, & si filii mei filios dimiserint, habeant illum; si autem filios non habuerint, revertatur ad supradictam Ecclesiam. Parentes vero alii nullam ibi habeant potestatem loquendi ex eo aut ereditandi. Et si naufragium patiatur quilibet navis in ipso mare, quantum pertinet in nostrae offeritionis, obligo me ego Tesselgardus, ut nullam exinde tollam, sed tuae sit potestati, tuisque successoribus, liberos eos dimittere absque omni lesione.

Et hanc nostram offeritionem, sicut superius legitur, & cum omnibus, quae supra diximus, optulimus & offerimus pro anima patris mei Tesselgardi, & genitricis meae Mariae, & Bertae Materterae meae, & pro anima mea, qui supra, Tesselgardi, meorumque uxorum mortuis & vivis; quarum nomina sunt, Marada, & pro anima filiorum meorum Tesselgardi & Bernardi, &

A Potum: necnon & fratrum meorum Roffria & Malfria. Et ex his omnibus nihil eis, vel nobis reservavimus potestatem, sed omnia tradimus tibi supradicto Domino Abbati tuisque successoribus ad possidendum & dominandum & faciendum quaecumque volueritis. Excepto hoc, quod volumus, ut quotiescumque necesse nobis fuerint equitantes ad proeliandum vel ad loquendum ab ista parte fluminis, in qua habitamus nos, omni tempore sequantur nos quanti equitantes inventi fuerint contra Graecos vel contra Apulos & finitimas Civitates. Obligo me meosque heredes aliquando illos non querere . . . . . quando uxor mea Beneventum itura est, omnibus temporibus habitatores Civitatis illius dent illis duos equos pro isto itinere, quos iterum recipient apud. Quoniam ego mulier nomine Alarada Comitissa filia Magenolfi Comitis, quae sum uxor praedicti Tesselgardi Comitis similiter offero atque concedo coram praescripto Iudice & testibus, qui subter scripti sunt, totam & integram meam Cartulam, quam & in praefata Civitatem & pertinentiis ejus habere videoor, consentiente mihi & una mecum tradente ipso praedicto Viro & Mandualdum meum, in qua legitur praephata nostra offeritione, quam pro salute animae nostrae, nostrorumque parentum fecimus. Nec ego Tesselgardus Comes, nec ego Alarada Comitissa reservavimus aliquam potestatem nec nostris heredibus, neque quibuscumque hominibus, sed totam & integram, sicut superius legitur, hanc nostram offeritionem, securo nomine habere & possidere valeatis. De qua igitur ante ipsum praephatum Joannem Iudicem, & aliis bonis hominibus, qui subter scripti sunt, Gaudia dedimus nos Tesselgardo & Alverada tibi Domino Alberico Abbati, & una tecum assistentibus atque recipientibus Sifredo filius Adam-

Adammi Advocatore tuo. & mediatorem tibi posumus Roffria & Malfria fratres meos pro eadem Gaudia, & jam dicto Mediatore pfecto obligamus nos qui s. Tesselgardus & Alarada & nostros heredes tibi Domino Alberico, tuisque successoribus, ut ipsa supradicta nostra offerrentia ab omnibus hominibus antestemus & defendamus eam vobis. Quod si antestare vel defendere eam non potuerimus, aut si nos ex eadem nostra offerrentione vobis accusaverimus, aut vestris successoribus contendere voluerimus, vel de predicto Monasterio subtrahere voluerimus, omni tempore omnes nostras quaestiones sint tacitas. Et insuper nos & nostros heredes vobis vestrisque successoribus Orda Monachorum centum Libras auri componamus, obligamus, & omnia adimpleamus, sicut superius legitur. Unde ipsi qui s. mediatores obligaverunt se & suos heredes ad pignorum tibi Magnifico Domino Alberico venerabili Abbati, tuisque successoribus, vel cui ipsam Cartulam nostrae offerrentionis in manu erit pro parte vestra, sanctique Monasterii omnia suorum pignora legitima & illegitima per appositos boves seu caballas, servi vel ancillae, castis & vineis, sic nos qui s. Tesselgardus & Alarada obligavimus nos nostrosque heredes ad pignorum supradictos Mediatores eosque heredes ad pignorum, donec perveniat ad verum finem. Et hanc Cartulam offerrentionis subscripsi ego Petrus Diaconus & Notarius eo quod interfui.

Acta intus in Castello de Serra, Mense & Indictione superius scriptis feliciter,

✠ Signum manus Tesselgardi Comitiss, qui hanc Cartulam offerrentionis fieri rogavi.

✠ Ego Dauferius Comes.

✠ Ego Sennualdus Judex.

✠ Ego qui supra Joannes Judex signavi manu mea.

A ✠ Ego Vernardus Pacer me subscripsi.

✠ Signum manus Isebarði filius Comiconi.

Civitatem istam Gaudiam quispiam suspicetur non aliam ab ea, quae ab Anonymo Ravennate Lib. 4. Cap. 33. appellatur Gaudium, hoc est Caudia Hirpinorum Oppidum. Sed quum Civitas maritima censenda sit, ejusmodi suspicio inanis deprehenditur. An Civitas a Mare hoc nomine designetur, alii inquirent. Interim tu verba illa perpende, quibus Tesselgardus Comes ait: Et si naufragium patiat quaelibet navis in ipse mare, quantum in nostrae offerrentionis, obliga me ego Tesselgardus, ut nullam exinde tollam, sed tuae sit potestati, tuisque successoribus liberos eos dimittere absque omni laesione. Haec satis produnt, renuntiasse Comitem in finibus Civitatis dono datae nefando juri suo in naufragorum bona. Verum tanta vi Romani Pontifices & Concilia in adeo inhumanam consuetudinem inveci sunt, ut melius sapere didicerint Secula posteriora. Nunc autem in Bulla Coenae Domini pergunt iidem Pontifices anathema dicere in naufragantium spoliatores. Regredior ad justos redditus, quos olim Principes percipiebant. Atque heic producenda Charta Romana, per quam discimus, quos e Reatinis Civibus olim colligeret Camera Pontificia, hoc est Placita, Banna, Ferisfacta, Sanguinem, Plaxam, & Scorta, & Passagium. Passagii nomine nescio an significetur tributum exolvendum transitu mercium aut viatorum, an pro recuperanda aut conservanda Terrâ Sanctâ. Plaxae autem vox ambiguum sensum exhibet. Du-Cangius meminit quidem in suo Glossario Latino Placiae, & Plaxiae: sed quid significat.

carit, decernere ausus non est. Certum est, fuisse redditum Fiscalem. Utrum verò *Plaza* fuerit *Piazza*, an *Piaggia*, dubitare quisquam possit. Mihi verisimilius est, significatam fuisse hac in Charta *Plateam*: nam Italicum *Piazza* non rectè ad nos venit e Latino sive Graeco *Platea*, sed ex Germanico *Platz*, idem significante. Quod an efformatum fuerit ex ipsa Latina voce, aliis inquiren-

A dum relinquo. Pro *Platz* Itali dixerunt primo *Platza*, tum *Plaza*, denique *Piazza*: uti & Galli ac Britanni *Place*, & Hispani *Plaza*. Aliunde autem, hoc est a *Plagia*, descendit vocabulum *Piaggia* & *Spiaggia*. Domino autem *Plateae* conferebatur tributum, quod, ut nuper vidimus, *Plateaticum* appellatum fuit. En Chartam ipsam.

B

### Instrumentum de juribus, quae debent Ecclesiae Reatini. Anno 1198.

I N nomine Domini nostri Jesu Christi. Anno suae Incarnationis Millesimo Centesimo Nonagesimo Octavo, Indictione Prima, Anno Primo Pontificatus Domini Innocentii III. Papae, Mensis Augusti die XIV. Judex Berardus Spanigonus Potestas Reatinae Civitatis, de communi consilio & voluntate Matthaei Sinibaldi, Dedonis Berardi, Pasinelli, Rainucii Montis Gurmari, Sinibaldi Hurtelli, Raynaldi Adamagonis, Marmontis & aliorum bonorum virorum Reatinae Civitatis, solvit Domino Papae tresdecim Solidos parvorum & triginta denarios Lucensium, de justitiis Curiae Romanae, & promisit de cetero reddere Domino Papae & Ecclesiae Romanae medietatem de Placitis, & Bannis, & Forisfactis, & de Sanguine, & de Plaza, & Scorto, & Passagio, & Ponte Reatinae Civitatis. Quod vice Domini Papae Frater Ricardus Domini Papae Camerarius recepit, & in scriptum redigi jussit, praesentibus & rogatis testibus, scilicet Judice Romoaldo, Bono Johanne Vercellensi Domini Papae Subdiacono, Bartholomaeo Pallianensi, Johanne Francisco, & Sarzo.

Et ego Albertinus sanctae Romanae Ecclesiae Scriniarius de mandato ejusdem Domini Papae, & Camerarii scripsi, & solito signo signavi.

C

D

E

Quod est ad *Vestigalia*, *Portoria*, atque alia ejusmodi, quae nunc *Pedaggi*, *Gabelle*, *Dazj* &c. appellantur, certe illa vetustis Seculis minime defuere. Diversi autem generis extitere. *Telonei* vox generale fuisse videtur nomen vestigialis cujuscunque. *Gabella* nunc nobis idem significat, vox e Saxonica vel Arabica Lingua ad nos derivata. *Pedagii* vocabulum (nam & haec vox antiqua est) etsi videatur *Vestigalia* quaeque olim complexum fuisse, attamen singulari significatione Tributa designabat pendenda a transeuntibus per vias publicas, pontes, & flumina. *Vestigal* verò ad pontes persolvendum *Pontaticum* appellari consuevit: *Portaticum* ad portas. Sed quando *Pedatici* facta mentio est, ejus significationem tibi explicabit Cardinalis Aragonius in Vita Sancti Gregorii VII. Papae, Tomo III. Rer. Italicar. pag. 305. ubi de Cencio Romano scribit: Hic supra Pontem Sancti Petri construxerat excelsam Turrim, & a transeuntibus de novo *Pedaticum* jugiter extorquebat. Appellatum fuit *Pedaticum*, quod aliis est *Pedagium*. In Diplmate Ottonis II. Augusti Anno DCCCCLXXXIII. pro Vultur-

turnensi Coenobio pag. 464. Part. II. Tomi I. Rer. Italicar. legitur: *Neque Placiticum* ( pro Platea ) *Portaticum* ( pro Portis ) *Pontanicum* ( pro Pontibus ) *Casaticum* ( pro Domibus ) *quisquam homo, aut publicae rei exactor tollere aut exigere praesumat*. In Diplomatis verò Francorum Augustorum memorata video *Rotaticum, Pulveraticum, Cespitaticum, Exclufaticum, Nautaticum, Roliaticum, Modiaticum, Viaticum, Salutaticum, Tranaticum, Coenaticum, Foraticum, Mutaticum, Laudaticum*, aliaque *Veſtigalium* aut *Tributorum* hispida nomina, quae libens praetereo, quod nesciam, an in Italiam

A investita unquam fuerint. Certe *Pascuarium* *veſtigal* fuit *Fisco* persolvendum, neque dissimile, ut reor ab *Escatico* aut *Herbatico*, ob animalium pasturam in Regiis nemoribus, aut census domino sylvae pendendus. *Agarii* quoque mentio est, nempe tributum seu census, persoluti, ut videtur, a Pastoribus ob ovium pascua in agris publicis aut privatis, dum eas itineri longo committerent. *Veſtigalis* aut *Oneris* istius mentio est in subsequenti Diplomate, quod mihi procuravit bonarum Literarum amantissimus Comes Ludovicus Caissottus, Senatus Taurinensis Praefes.

Immunitas a publicis *Veſtigalibus* concessa hominibus Monasterii  
Novaliciensis a Carlomanno Francorum Rege  
Anno Ch. 768. aut 769.

„ **C**arlomannus gratia Dei Rex  
„ Francorum, Vir illustris, omnibus Episcopis, Abbatibus, Comitibus, Vicariis, Centenariis, vel omnes *Missos* nostros ubique discurrentibus. Illud enim ad stabilitatem Regni nostri proficere credimus, si id quod Sacerdotes per opportunitatem auribus Serenitatis nostrae suggererint, libenti animo obtemperamus, & ad effectum perducimus. Igitur omnium fidelium nostrorum magnitudo comperiat, qualiter nos pro mercedis nostrae augmentum taliter ad petitionem venerabili viri Domno *Asinario Abbati ad Casa Sancti Petri Novalicio Monasterii* concessimus, ut infra Regna Deo propicio nostra, ubicunque ipsi homines Monasterii pro ejus utilitatem negotiandum perexerint, aut de quocumque loco aliquid pro necessitate ipsis Monachis conferre  
Tam. IV.

C „ ad ipso Monasterio, aut adducere  
„ videntur, nullo *Theloneo* nec *Pontatico*, aut ulla redibitione de hoc, quod *Fiscus* noster recipere vel sperare poterat, tam de *Curru*, quamque de *Saumas*, sive de *Navali*, *Remigio*, & quod ad dorsa usque homines comportare videntur, aut de eorum pecora, vel de quibushibet causis nulla, ut diximus, exinde solvere nec reddere non debeant. Propterea per praesentem auctoritatem nostram jubemus, atque omnino praecipimus, ut nullus quislibet de vobis aut de *Judiciaria* potestate, sive de *Missis* nostris, ut diximus, ipsos homines memorato Abbati, ejusque Successoribus, qui ad ipso Monasterio aspicunt, nullo, ut diximus, *Theloneo*, nec *Pontatico*, sive *Portatico*, aut quod in *Saumas*, vel in dorsa comportare videntur, requirere nec exactare non faciat,  
C „ nec

„ nec de eorum ovibus pro pascuis  
 „ discurentibus Pontatico nec Agra-  
 „ rio non exactetis, sed nec ad am-  
 „ bulandum aut revertendum pro ipsa  
 „ pascua eis contrarietatem non fa-  
 „ ciatis, nisi sicut in nostra elemo-  
 „ sina ipsum beneficium ad praedi-  
 „ cta Ecclesia concessimus, ita ab-  
 „ sque ullius repetitione nostris &  
 „ futuris temporibus ad ipsum Mo-  
 „ nasterium perduretur. Et ut haec  
 „ auctoritas firmior habeatur, vel in  
 „ antea melius conservetur, de an-  
 „ nulo nostro subtus sigillare studui-  
 „ mus.

A „ Signum Carlomanno gloriosissi-  
 „ mo Rege.  
 „ „ Maginarius recognovi.  
 „ „ Data in Mense Octobris in An-  
 „ no Primo Carlomanno gloriosissi-  
 „ mo Rege.  
 „ „ Actum Codmoniaci, Palatio pu-  
 „ blico, in Dei nomine feliciter.  
 B Alterum ejusdem Regis Diploma  
 addere heic juvat, pro ipso Mona-  
 sterio Novaliciensi, sed erroribus foe-  
 datum innumeris, quos in vetustum  
 descriptorem rejiciendos unusquisque  
 fatebitur. Ego nihil immutatum  
 volui.

Ejusdem Carlomanni Francorum Regis Diploma, per quod Afinario  
 Abbati Monasterii Novaliciensis immunitates, jura, ac bona  
 quaeque confirmat. Anno Ch. 769. aut 770.

C Carlomannus gratia Dei Rex Fran-  
 corum, Vir illustris. Opportet e-  
 nim clementiae Regale, ut intercessorum  
 petitionis Sacerdotibus debeat benigna  
 accommodare aurem, ut quod pro timo-  
 rem divini nominis postulatur, ponatur  
 procul dubium ad effectum, ut fiat in  
 mercedem conjunctio, dum pro quiete  
 servorum Dei congrua praestolatur peti-  
 tio, quia fides perfecta non dubitat ad  
 Altissimi gratiam pertinere, quod se-  
 cundum sacro colloquio praecipui ad do-  
 mesticis fidei devota mente impenditur,  
 quia scriptum est: Beati pauperes spi-  
 ritu, quoniam ipsorum est Regnum  
 Coelorum. Ergo dum & Abbo una  
 cum consensu & adiutorium Valcuni  
 Episcopi, Monasterio in honore bea-  
 torum Apostolorum Petri & Andreae,  
 seu ceterorum Sanctorum, in loco nun-  
 cupante Novalicis in Valle Sigufina,  
 in proprietatis suae visi sunt edificasse,  
 ubi ad praesens venerabilis vir Afina-  
 rius Abbas una cum Congregatione Mo-  
 nachorum sub Regula Sancti Benedicti,

C seu ceterorum Sanctorum Patrum, prees-  
 se dignoscitur, missa petitione clemen-  
 tiae nostrae, pro quietem ipsorum servo-  
 rum Dei, praeeptionem vigoris nostri  
 placuit propalare; sub quo tranquillitatis  
 ordine, Domino protegente ipsi Monachi  
 juxta Religionis normam perpetui va-  
 leant residere, elegimus, ut unica series  
 debeat plenius declarare, quia nihil de  
 Canonica institutione convellitur, quid-  
 quid ad domesticis fidei pro tranquili-  
 tatis pace concidetur, ne nobis aliquis  
 detrahendum estimet in id nova decer-  
 nere carmina, dum antiquitus juxta  
 constitutionem Pontificum per Regalem  
 sanctionem Monasteria Sanctorum in Re-  
 gno nostro sub libertatis privilegium vi-  
 dentur consistere, etiam & iste ad prae-  
 sens, adjuvante Domino, valeat consi-  
 stere. Et ut adsolet humana fragilitas,  
 quandoquidem Abbatem de ipso Mona-  
 sterio de hac luce Dominus migrare jus-  
 serit, cujus de ipsa Congregatione ma-  
 xime compertum Regulae & vitae me-  
 ritis congruentem ipsa Congregatio ele-  
 gerit,

geris, ipsum promoveant Abbatem. Et si qua inibi in Villis, agris, mancipiis, vel reliquis quibuscumque, atque corporibus, aut Regio munere, seu supradicto Abbate, vel a quibuscumque libet hominibus est dellegatum, aut deinceps fuerit additum ad praefato Monasterio, juxta quod eorum continetur Privilegiis; unde ipse Asinarius Abbas confirmatione Domno & bonae memoriae Genitore nostro Pipino quondam gloriosissimi Regis, nobis protulit ad recensendum, sancitum esse cognovimus, nullus Episcoporum, ut diximus, nec praesens neque futuris Successoris, seu Arcidiaconus, vel eorum Ordinatores qualibet persona posset quoque de loco ipso aliquid contra rationis ordine auferre, aut aliqua Potestate de ipso Monasterio, vel rebus ibidem aspicientibus praeter id, quod scriptum est, adoptare, seu aliquid quasi pro commutationis modo invaleat minuere, aut de Monasterio ornamentorum assertionem in Altario inlicite tollere, nec ad ipso Monasterio Celolas quoque usu, nisi tantum pro logranda \* orationem, aut sacris benedictionibus, vel Altaria consecrando, si invitati fuerint, absque dispendio vel commodo de ipso Monasterio accadat, penitus non praesumant: quod facilius solvendum dellegationibus votum ipsius formae auctoritatem ad ipso Monasterio, absque illius inquietudine, ibidem cuncta proficiant in augmentis adicientis; ut nulli penitus Judicum cujuslibet & hominum licentia sit de rebus praefati Monasterii absque voluntatem ipsorum servorum Dei in aliquos iniqua cupiditate defraudare, aut temerario spiritu suis usibus usurpare, nec quam primitus est Dei iram incurrat & nostram offensam, & a Fisco grave damnum sustineat. Illud nos pro integra mercede nobis placuit addendum serenitas, ut tamquam ex nostra largita-

A te, quam deliberationem ipsius supradicto Abbate, aut a quibuscumque libet hominibus ad ipso sancto loco fuerit colatum quoquam tempore, nulla judicaria Potestas nec praesens nec succidenda temporum ad causas audiendum, vel aliquid exactandum ibidem non praesumant ingredi, sed sub omni emunitate, quot a nostris meruerunt oraculis, hoc ipsum Monasterium vel Congregatio sua sibi cum omnibus fœdibus concessis valeant possidere. Et quidquid exinde Fiscus noster forsitan de eorum hominibus, aut de ingenuos, aut servitores, vel publicis in eorum agros commanentes, vel ad ipso sancto loco aspicientes, undique poterat sperare ex indulgentia nostra in luminibus ipsis sancti loci in stipendia ipsorum, tam nostris in Dei nomine temporibus quam & futuris succidentibus; pro mercedis compendium debeant cuncta proficere, ut pro aeterna salute, pro faelicitate Patriae, seu Regum stabilitate delectetur ipsis Monachis immensam Domini pietatem jugiter implorare. Quem Praeceptum decretus nostri, Christo in omnibus sufragante, ut firmior habeatur, & perenniter conservetur.

Signum Carlomanno gloriosissimi Regis. Maginarius recognovi.

Datum sub die quod felix Mensis Junius dies Viginti, & est Anno Secundo regnante Domno Carlomanno Rege.

Neumgo in Palatio publico in Dei nomine feliciter.

E De navibus autem Ripaticum solvebatur, Transitura, sive Trastura, Palificura, Portonaticum. Sunt & alia nomina, quae idem fortasse significant, ut Navium ligatura &c. Scilicet nautis vestigal erat pendendum in certis locis, quoties transibant, aut ad ripas navem consistendi causâ advehebant, ibique palos ad eam continendam figebant. In



Tomo V. Ital. Sacr. Berengarii I. Italiae Regis Diploma legitur, in quo is largitur Rigoldo Episcopo Cenetensi portum in fluvio *Liquentia*, & de ambabus partibus ripae per quindecim pedes palis *fi. larum* (idest, *Pali. fi. larum*) *Ripaticum*, *Toloneum* &c. Ibi verò Ughellii negligentiam excusare non possum, dum Diploma hoc datum scribit IX. Augusti, Anno Dominicae Incarnationis DCCCCXVI. Regni Domni Berengarii piissimi Regis XXI. Inditione IX. & disertis verbis monet, Rigoldum successisse in Episcopatu Cenetensi Siccardo, qui Anno DCCCCLXII. floruit. Vel tyrones noscere possunt, Diploma illud referendum esse ad praelaudatum Berengarium ineunte Seculo Decimo regnantem, atque ibi scribendum Anno Dominicae Incarnationis DCCCCVI. non verò DCCCCXCVI. Si numeros Romanos retinisset Ughellius, quales in antiquis Diplomatis

A occurrunt, non verò numeris, ut appellare solemus, Arabicis uti voluisset, errorem e vestigio deprehendisset, nec annum 906. in 996. tam facile convertisset. *Ripaticum* verò explicatum videas in Diplomate Caroli Magni, quod non sine mendis pro more suo protulit idem Ughellius in Episcopis Veronensibus. Ibi praecipitur, ut Monachi Sanctae Mariae ad Organum neque *Navalia telonia*, quae *Ripaticos* vocant, atque *terrestria*, neque in *transitibus Portarum*, vel *Pontis Urbis Veronae*, &c. *persolvere* cogantur. Me autem nunc ad se invitat Regestum MStum Episcopii Cremonensis, in quod olim curâ Sichardi Episcopi circiter Annum MCCXX. illata fuere Diplomata & Chartae praecipuae ad illum Episcopatum spectantes. Ibi Constitutionem Caroli Magni ego legi, simulque descripsi, quam publici juris nunc facio.

Caroli Magni Francorum & Langobardorum Regis Constitutio  
de Censu a Comaclensibus solvendo per varios  
Italiae portus, Anno 787.

Constitutio Karoli de Censu Portorum instituto per Regem Liuthprandum.

K Arolus gratia Dei Rex Francorum & Langobardorum, ac Patricius Romanorum. Omnibus Episcopis, Abbatibus, Ducibus, Comitibus, Actionariis, & reliquis Fidelibus nostris tam praesentibus, quam & futuris, comperit sit, qualiter vir venerabilis Vitalis Episcopus Comaclensis, seu & ceteri homines fideles nostri Comaclo Civitate commanentes Regni nostri suggerunt, eo quod..... per Portora nostra infra Regnum a Deo nobis concessum & datum Italiae in tali tenore, sicut per anteriores Reges Antecessoribus

D nostris negotia \* avertant, minime habuissent licentiam negotiandi, quia dixerant illicitas occasiones, vel violentias multas per homines nostros passi fuissent ad Mantuam Civitatem, quamque per reliqua loca, & ut maiorem modium de ipsis exactare \* recensint, quam illius sucti fuissent per Libras quadraginta quinque. Nos vero audientes eorum altercationes, pertraximus, qualiter Missos nostros per Portora nos mittere deberemus, ut in omnibus veritatem nobis exinde indicare debent, sicut visi sunt fecisse. A veteribus autem Missi nostri

nostri omnia quomodo aut qualiter temporibus antecessorum nostrorum Liuthprandi & ceterorum consuetudinem habuerant, nobis id ipsum significasse. Unde cognovimus veritatem, & quod homines nostri Mantuenses de superscripto modio, sicut consuetudinem ipsi Comaclenses habuerant dandi, ita, sicut fuit veritas, dixerunt. Tamen nos pro mercedis nostrae augmento concessimus eis, in elemosinam videlicet nostram, ut in tali tenore ipsum modium dare deberent, sicut & illi a nostris hominibus accipiebant, & nullatenus maiorem, idest per Libras triginta. Et hoc nos visum una cum ipsis Comaclensibus instituisse, ut quaecumque homines nostri eis iustitiam habuerint querendum, ut placitum ab eis institutum super notas viginti una, aut per quatuordecim, vel, quod minus esset, super septem, eorum, ut diximus, iustitiam secundum legem accipere debeant. Et si aliter fuerit, tunc praecipimus, ut licentiam habeant Co..... i Comaclenses pignori..... iustitiam pleniter secundum legem accipiant. Propterea hanc praecceptionem nostram conscribere iussimus, per quam omnino iubemus, ut nullus quislibet ex fidelibus nostris, seu de Iudiciaria potestate, praefatos Co-

A maclenses de causis superioribus infer-  
tis inquietare, aut calompniam generare quoquo tempore praesumant: sed, ut diximus, ubicumque infra Regnum nostrum Italiae negotiandum conveni-  
runt, quod superius intimavimus, ab-  
sque cujuslibet impedimento licentiam habeant negotiandi, & a nemine violentiam nec inquietudinem habere non debeant; sed in omnibus conservati, sicut  
B superius scripsimus, esse debeant. Et ut haec praecceptio nostris futurisque temporibus inviolabilis valeat perdurare, de anulo nostro subterius sigillare praecipimus.

Data Idibus Martii, Tertiodecimo, & Septimo Regni nostri.

C Actum Parmae in Dei nomine feliciter.

Ego Iohannes Sacri Palatii Notarius illius exemplar exempli vidi & hic scripsi.

Ego Girardus Notarius huius exempli exemplar vidi, & sententiam non mutata rogatus scripsi & descripsi.

D Praecedentem alteram Constitutionem Liutprandi Regis memoratam heic vides: & quoniam in supra laudato Regeſto Cremonensi eadem quoque legitur, ipsam adtexo.

Liutprandi Langobardorum Regis Decretum, quo statuuntur Census  
persolvendi a Comaclensibus in Sale advehendo per Portus  
Langobardiae, Anno 715. vel 730.

I N nomine Domini Dei Salvatoris nostri Jesu Christi, die X. mensis Martii, Indictione XIII. Ticino, tempore Liutprandi Regis. Capitolare porrecta a nobis cunctis spbi \* Langobardorum, vobis Lupiano venerabili Presbitero, simulque Bertarenae Magistro Militum, Mauro & Stephano Comitibus, & pro vobis cunctis habitatoribus Coma-

E clo, qualiter debeatis vestrum peragere negotium homines vestri in partibus nostris, seu in modis, quamque in precibus, simulque Ripatico, pro quod antiqua consuetudo ab Aſtoribus nostris praeferam \* Judicia homines nostri pararunt. Nunc quidem Deo auxiliante remota sunt, ut pacis temporibus parti perfruamur. In primis Porto Mantuano

tuano providemus confirmare Riparios tres; & quicquid Miles habuerit ad vescendum, hoc & Riparii cum eis comedere debeant. Modio verò pensato Libras triginta, cum quod suum peragat negotium. Decimas verò dare debeant Sale Modios Decem & octo, & tremisse uno palo solvendum tantummodo. Item in Campo Marcio transitura debeat dare binos tremisses per singulas Naves. Scaramantico verò nihil providemus dare, sed libenter transire praecipimus. Item in Porto Brixiano Riparios IV. instituimus sequendum antiquum. Decimas verò dare debeant Sale Modios Quindecim, & palo solvendum tremisse uno, & Modio pensato de Libris triginta cum ipsa Decima dare debeant. Item in Porto, qui vocatur Cremona, providemus confirmare duos Riparios. Decimas verò dare debeant Sale Modios Quindecim, & tremisse uno palo solvendum. Et qui vult sursum ascendere, debet Transitura solito medio tremisse Modia duo. Et si venundaverit ad sex Modia, det tria. Nam amplius non debetur, nisi quod precia posita fuerit. Et cum quale Modio venundaverit, cum ipso Decimas detur, tantum est. Item Porto, qui appellatur Parmisiano, providimus duos confirmare Riparios. Ripatico verò & palo solitura simul munus dare providimus Solido uno, Oleo verò Libra una, Garo Libra una, Piper Onxias duas. Item Porto, qui dicitur Addua, Riparios confirmare providimus duos. Decima verò dare debeat Sale Modios Duodecim, & tremisse palo solvendum..... Simulque Porto, qui dicitur Lambro & Placentia, qualiter Adda labuerit, hoc & ipsi consequire debeant seu in Ripariis, quamque in Decimis tantummodo.

Ego Iohannes Notarius huius exempli exemplar vidi & hic subscripsi.

A

Ego Girardus Notarius huius exempli exemplar vidi, & sententiâ non mutata hic scripsi, & descripsi.

B

Ego Sychardus Dei gratia Cremonensis Episcopus has duas institutiones Comacensium a Liutprando & a Karolo factas, ideo scribi fecimus, quoniam ex eis colligitur, quod Cremonensis Portus, de quo saepe in superscriptis Privilegiis agitur, sit Portus antiquus a Liutprando Rege antea institutus, & per Karolum confirmatus: & quia de his institutionibus mentio continebitur in sequentibus.

C

Vide apud Ughellium Tom. 4. Ital. Sacr. in Episcop. Cremonens. mentionem ejusmodi Diplomatum, in Diplomate Ludovici II. Augusti Anno DCCCL. primo Imperii ejusdem Ludovici: ubi Milites Comacenses debitum Reipublicae, quod est Ripaticum & Palisuram persolvere jubentur in Portu Cremonae. Qui vero Portus heic appellantur, & Portora, locum significant, in quo naves per Padum, & alia flumina advectae consistere, & mercatum Salis facere consueverunt. Erant autem Portus Mantuanus & Campus Martius, quo nomine an Portus Veronensis designetur, aliis inquirendum relinquo: tum Portus Brixienfis, Cremonensis, Parmensis, & Abauae, idest Laudensis, & Placentinus. Quid ergo vestigialium pro Salis mercatura pendendum foret, heic statutum habes. Nam pro

E

Scaramanticis nihil solvebatur, quo nomine quid significetur, ignoro. Hoc unum novi, pannos fuisse olim, e quibus vestes conficiebantur, Scaramangae appellatae. Proventus autem, qui ex Cremonensi Portu percipiebantur, donati subinde fuerunt Episcopis illius Urbis ab ipso Carolo Magno: ideoque ad hoc ipsum argumentum spectant alia duo Diplo-

plomata, unum Ludovici II. Augusti, & alterum Lotharii I. Augusti ejus patris, eodem Anno data, a quibus curavit Benedictus Episcopus Cremonensis, ut eadem donatio ac

A Privilegium confirmaretur. Ergo & haec ipsa accipe deprompta e saepe laudato Regesto Cremonensis Episcopi.

Ludovicus II. Imperator Benedicto Cremonensi Episcopo sententiam confirmat a Judicibus promulgatam pro jure Cremonensis Episcopatus in Portum Padi, & in alia loca, Anno 852.

**I**N nomine Domini nostri Jesu Christi Dei eterni. Hludovicus gratia Dei Imperator Augustus, invictissimi Domini Imperatoris Hlotharii filius. Si enim ea, quae Dei ministri nostrae pietati notescant, effectuosam deliberatione suscipimus, id nobis eternale premium mansurum non dubitamus. Quapropter cunctorum Fidelium Sanctae Dei Ecclesiae, nostrorumque compariat solertia, quia vir venerabilis Benedictus Sanctae Cremonensis Ecclesiae Praeful nostris obrutibus ostendit Precepta antiquorum Regum Hliutprandi, & venerande memorie Karoli Aethvi nostri, nec non Hludovici serenissimi Imperatoris, Aui scilicet nostri, & Domini Genitoris nostri Hlotharii prestantissimi Imperatoris. Quodum recognovissemus, omni sanctione suae Ecclesiae confirmatum comperimus Portum Cremonensem & Vulpariolus. De quibus dum a quibusdam loci consistentibus oriretur intentio, & ad hoc subtiliter inquirendum strenuos dirigere Missos Theodoricum sacri Palatii nostri Obmatem, omni inquisitione adinvenimus eundem Portum sub omni integritate eidem Ecclesiae pertinere, & cujuscumque loci vel gentis ripa palum figere, quandoque devenerit in sortem stare, & Riparios juxta Portum pascere, & debere reddere per unamquamque navem decimum Modium Salis, & Palisfictura Denarios quatuor. Venetici etenim suum censum, sicut consuevi sunt, reddere de-

A bent. Transitus enim navium debita exactione persolvantur. De qua & querela iusta..... terminationes sententiam Judicatum bonorum hominum manibus roboratum, adscriptum est. Sed pro integra firmitate petitis eundem Judicatum nostram confirmare auctoritatem, sicuti & fecimus. Quapropter per hanc nostram auctoritatem precipimus, ut absque alicujus refragatione aut contrarietate pars predicti Episcopi deinceps juxta predicta Precepta & eundem Judicatum, quod legibus vindicavit in eisdem Portoris, & Molinis de Porto sine Vulpariolis transitorio usque Caput Adde censum & potestatem petiatur, nulla contradicente persona tam de Comaclensis, quamque de cujuscumque gentis, seu de transuentibus navibus, vel de Veneticorum adventantibus, vel transuentibus. Et ut hec nostrae auctoritatis plenioris in Dei nomine obtineat vigorem, manu propria subter eam firmavimus & anuli nostri impressione adsignari jussimus.

Signum Hludovici gloriosissimi Augusti. Raberius Notarius Domini Imperatoris ad vicem Drutemiri recognovi.

D Data IV. Kalendas Februarii, Anno Christi propicio Imperii Domini Hlotharii pii Imperatoris XXXII. & Hludovici gloriosissimi Augusti in Italia II. Indictione XV.

Actum Sex Pils Curte Regia, in Dei nomine feliciter. Amen.

Lotha-

Lotharius I. Augustus Benedicto Cremonensi Episcopo Portum in Pado confirmat, postquam inquisitione facta deprehendit, ipsum revera pertinere ad Ecclesiam Cremonensem, Anno 852.

**I**N nomine Domini nostri Jesu Christi Dei eterni. Hlotharius divina ordinante providentia Imperator Augustus. Si rationabilibus precibus Sacerdotum diligenter clementie nostrae aurem accommodamus, misericordiam divinam nobis propitiandam minime diffidimus, omniumque nostrorum fidelium animos in nostris obsequiis promtiores reddimus. Quapropter omnium fidelium sancte Dei Ecclesie nostrorumque presentium & futurorum noverit industria, quia venerabilis sancte Cremonensis Ecclesie Episcopus Benedictus nomine per Missum suum significare studuit mansuetudini nostrae, quod Dominus & piissimus Avus noster Carolus Augustus per emolumentum anime suae Portum in ipsa Civitate consistentem ad eandem Ecclesiam eo modo condonasset, ac delegasset, ut quicquid pars publica inde sperare poterat, totum in luminaribus ipsius Ecclesie deveniret. Sed interveniente quadam occasione ipsa delegatio postea a non religiosis viris disrupta extitit. Unde nos a Panchoardo quondam ipsius Ecclesiae Episcopo moniti, nostrae serenitatis Legatum inquisitionem veridicam facere jussimus. Qui inquisita rei veritate nobis manifestare curavit, eundem Portum ad ipsum sanctum locum, secundum predictam concessionem legibus pertinere. Nos vero divino tacti amore illud ad praefatam Ecclesiam reddidimus, & per Preceptum nostrum confirmavimus, sicut nostrae celsitudini intimatum est, idem Episcopus a quibusdam hominibus contra nostram auctoritatem non modicas exinde patitur contraversas. Quamobrem obnixè petiit idem Benedictus Episcopus clementiam

**A** nostram, ut nos iterum ei nostrae confirmationis auctoritatem inde fieri jubermus. Cujus petitioni pro amore Dei & reverentia ipsius sancti loci libenter adquiescentes, has nostrae serenitatis Litteras fieri decrevimus: per quas statuentes decernimus atque jubemus, ut nullus Judex publicus, vel quislibet Reipublice Minister, vel alia quolibet persona de predicto Portu memorato Episcopo, aut successoribus suis ullam deinceps inferre presumat molestiam aut contrarietatem: set secundum pactum, quod olim tempore Liutprandi Regis Longobardorum inter Comacenses & Longobardos actum est, & nostram inquisitionem, ipse & successores sui per hanc nostram auctoritatem ad partem ipsius Ecclesiae teneant, & pro suo lubito absque ullius contradictione disponant. Et ut haec nostrae confirmationis auctoritas rata ac stabilis perseveret, manu propria subter firmavimus, & anuli nostri impressione assignari jussimus.

Signum Hlotharii serenissimi Augusti.

Erconbaldus Notarius ad vicem Hlotharii recognovi.

**D** Data VI. Idus Septembris, Anno Christo propitio Imperii Domni Hlotharii piissimi Augusti in Italia XXXII. in Francia XII. Indictione XV.

Actum Gundulfi in Villa Palacio Regio in Dei nomine feliciter. Amen.

**E** Alio etiam nomine designabatur olim vestigal, quod e Mercatis exigebatur, nempe Curaturae. Atque ea vox in vetustis Chartis interdum occurrit. Apud Ughellium in Catalog. Episcoporum Cremonens. Tom. 4. legitur Diploma Berengarii I. concessum

sum Johanni Cremonensi Episcopo, & erroribus pro more scatens. Ibi scriptum *curatam publiciter exigere*: sed scribendum *Curaturam publiciter exigere*. Infra illic scriptum est *quidquid creaturae, telonei, aut portatici*. Sed scribendum *Curaturae*. Ita apud Puricellium in Monumentis Basilicae Ambrosianae pag. 519. legitur *Colonen*, quod vulgo *Turadia* dicitur, sive *Portenaticum*. At emendandum ita: *Toloneum* quod *Curadia*, seu potius, *Curatura*, dicitur. *Portenaticum* verò quod nescio fuerit ne vestigal persolvendum ad *Portus*, an ad *Portas*, quod postremum *Portatici* nomine, ut jam monui, signabatur, solumque fuit ab invehentibus in Urbem per *Portas* comestibilia, merces, aliasve res vestigalibus obnoxias: cujus

A vocis exempla congeſta habes apud Du-Cangium in Glossario Latino. In Diplomate Ottonis II. Augusti pag. 464. Chronici Vulturſenſis habetur: *Neque Placiaticum* ( fortasse *Plateaticum*, aut *Plagiaticum* a *Plagia* ) *Portaticum*, *Pontanum*, *Casaticum*, *quisquam homo*, aut *publicae Rei Exactor* tollere aut exigere praesumat. B Inde verò *Curaturae* nomen emerſiſſe conjicio, quod homines in loco mercatus ſtatuerentur, qui curarent & cuſtodirent mercatorum merces: aut quod conſtitutae forent aedes ac officinae, in quibus earumdem mercium cura & cuſtodia haberetur. Hujus *Curaturae*, quae a *Teloneo* & *Ripatico* diſtincta videtur, mentio eſt in Placito Cremonenſi, quod ex eodem Regeſto ego olim deſcripſi. C

Odelricus Cremonensis Episcopus coram Cessone Miſſo Ottonis III. Imperatoris in Placito Cremonenſi tuetur jura ſua in Ripam Padi, & cauſam obtinet contra quosdam ſibi reluſtantes: Anno 998.

D Um in Dei nomine, Civitate Cremona, in Domo ipſius Civitatis in laubia majore ipſius Domus, per datam licentiam Domni Odelrici Episcopi ejusdem Cremonenſis Eccleſie, in judicio reſideret Domnus Ceſſo Diaconus & Miſſus Domni Ottonis Imperatoris, ſingulorum hominum juſtitias faciendas ac deliberandas, reſidentibus cum eo Autecberius, Johannes, Leo, Arbez, Radaldus, Judices ſacri Palatii, Johannes, Auderulſus, Albertus, Odelio, Lampertus de ſupraſcripta Cremona, & reliqui plures. Ibiſque venerunt preſentia ipſe Domnus Odelricus Episcopus, & Rogerius ipſius Episcopi Advocatus reſulerunt. „ Habemus & „ detinemus a parte ipſius Episcopii „ proprietatem fluvio Padi da caput

Tom. IV.

D „ fluvio Addua uſque ad Vulpariolo „ ſeu Ripa juxta ipſo fluvio, non „ longe ad iſtam Civitatem Cremonae, ubi in ipſa Ripa antiquo „ Mercato eſſe videtur cum Teloneo, & Curatura, ſeu Ripaticum „ de ipſa Ripa tam de navis & „ omnibus aliis negotiis, ſeu molitura de omnibus molendinis, que „ in ipſo fluvio Padi eſſe videntur „ a parte ipſius Episcopii. Unuſqueſque annuſ data & collecta fiunt, „ & ſicut actenus fuit per unuſquiſque „ molendinum granum modias quinque, & per unamquamque navem „ Salis Orales quattuor, ſeu & de „ aliis conſuetudinis vel reſtitutio „ Eccleſiarum, que ad ipſius Episcopii „ pertinet vel pertinere debet. D „ Si

„ Si ullus homo versùs nos, seu  
 „ pars ipsius Episcopii aliquid di-  
 „ cere vult, parati sumus cum eo  
 „ ad rationem standum & exinde le-  
 „ gitime finiendum. Et quod plus  
 „ est, querimus ut dicant isti Pe-  
 „ trus filius quondam Leoni & Mar-  
 „ cus filius Gariverti, seu Benedi-  
 „ ctus Sadenelli, quod Lanzo filio  
 „ Rezani, & Ubertus, & reliqui  
 „ plures, qui hic presentes sunt, si  
 „ jam dicto fluvio Padi da capud  
 „ fluvio Addue usque ad Vulpario-  
 „ lum, seu ipsa Ripa cum Teloneo  
 „ & Ripaticum &c. si proprii ipsius  
 „ Episcopii sunt & esse debent cum  
 „ lege &c. (a) Eo modo finita est  
 „ causa. Et hanc notitiam pro securitate  
 „ ejusdem Domni Odelrici Episcopi, suo-  
 „ rumque successorum, seu partis ipsius  
 „ Episcopii fieri ammonuerunt.

Quidem & ego Dominicus Notarius  
 ex jussione prefati Missi & Judicum

A ammonitionem scripsi, Anno Imperii  
 ipsius Domni Ottonis Tertii Imperatoris  
 Tertio, mense Octuber, Inditione XII.

Cello gloriosissimi Ottonis Romanorum  
 Imperatoris Missus atque Diaconus sub-  
 scripsi.

Autecherius Judex Sacri Palatii in-  
 terfui.

B Leo, qui & Bente, Judex Domni  
 Imperatoris interfui.

Saxo Judex Domni Imperatoris in-  
 terfui.

LECTOREM VERO non pigebit edisce-  
 re, quid olim Ferrariensis Populus  
 pro Ripatico a Mercatoribus per Pa-  
 dum navigantibus exigeret, quoties  
 isti mercandi causâ ad ripam appel-  
 lerent. Hac de re Anno MCC-  
 XXVIII. exortae sunt controversiae,  
 occasione, ut opinor, nundinarum,  
 & subinde complitae sunt Decreto,  
 quod Archivum Estense mihi suppe-  
 ditavit.

### Concordia Ripatici solvendi a mercatoribus extraneis ad Ripam Ferrariae, facta Anno 1228.

A Nno Domini Millesimo Ducentesi-  
 mo Vigesimo Octavo, tempore Gro-  
 gorii Papae, & Federici Imperatoris,  
 die Mercurii XI. intrante mense Octu-  
 bri, Inditione I. Ferrariae. Nos Or-  
 landinus de Bononia, Pax de Gualletta,  
 Bancius de Guigla, Bonasmercatus de  
 Guidone Scaglola, Gogolus Albergitti de  
 Gogolo, Cyrtianus Zapulini, & Petri-  
 cinus Guidonis Robosae, electi pro Com-  
 muni Ferrariae ad providendum super  
 ordinamentis Ripae Ferrariae, quibus  
 multae oriuntur discordiae inter Ferra-  
 rienses & Commune Ferrariae, & ha-  
 bitatores aliarum Civitatum & loco-  
 rum, in melius reformandis, cum sacra-

D mento noviter facto teneamur, ne de co-  
 tere aliquod pessimum passagium sive so-  
 lonem extorqueatur, sed idoneum &  
 honestum, ita super his providimus &  
 firmavimus videlicet. Quod Francigena  
 undecumque veniat sive de rufum, sive  
 de sursum cum quacumque negotiatione,  
 in suo adventu, quocumque veniat aut  
 vadat, solvat de avere a Soma supe-  
 rius. Et dicimus quod si semel de eo  
 solverit, quod de eodem non plus sol-  
 vat; nec etiam de mercadandaria emta  
 de denariis habitis de illo avere & in-  
 vestitis. Si vero majorem investitionem  
 fecerit, solvat pro parte illius investi-  
 tionis, quod credatur sacramento ipsius.

& va-

(a) Formulam adjudicationis causae eidem Episcopo Olderico omisi, quum eadem sit ac  
 illa, quam toties in aliis hujusmodi documentis repetitam legimus in hoc ipso Opere.

Et valeat illud sacramentum Francigenae per totum annum. Et si minus de Soma fueris avere, solvat duos Solidos Imperiales, vel si fuerit Soma. Et si de una nave faceret plures naves, si de priori solutum fuerit, non solvatur de aliis, nec solvat nisi tantum de una nave. De Theotonicis, Januensibus, & Pisanis hoc idem dicimus. Papienses veniendo Ferrariam, & vendendo ibi suum avere, solvant de fundo navis. Si vadunt Romagnam, aut Tuscanam, solvant de qualibet Soma duodecim Imperiales. Et si vadunt Venetias, de fundo navis tantum. Et si de una nave facerent plures naves, si de priori solvissent, ut dictum est, nihil solvant de aliis navibus. De investitione mercadandariae, & solutione, & de sacramento ipsorum, idem dicimus, quod in Francigenis diximus. Placentini, si veniunt Ferrariam, solvant de fundo navis. Et si Romagnam aut Tuscanam, de qualibet Soma solvant duodecim Imperiales. Et si vadunt Venetias, solvant duodecim Imperiales. De cationando duo milliaria subtilia unum carrum. A Papia in sursum solvant, sicut Papia usque Segusiam. Et in sua reversione nisi duxerint majus avere quam portaverint, solvant tantum duodecim Imperiales de fundo navis pro avere quod portaverint, aut de alio quod emerint. Si verò majorem quantitatem haberent, solvant iterum, sicut ante solverunt pro illa majori quantitate. Quod credatur sacramento Placentini in facto navium idem, quod in Papiensibus. Mediolanenses quocumque vadant, aut veniant, solvant duodecim Imperiales de carro. Et si venderent in Ferraria, solvant tantum duodecim Imperiales de fundo navis. In facto navium & investitionis mercadandariae & solutione & praestatione sacramenti,

A idem dicimus, quod in Francigenis. Cremonenses veniendo Ferrariam, solvant duodecim Imperiales de fundo navis. Et stando Ferrariae, vel eundo Venetias, de avere nihil solvant. Si verò irent in Tusciam vel Romagnam vel Marchiam, solvant de Soma duodecim Imperiales. Et si de una nave facerent plures naves, & solvissent de priori nave, non solvant de fundo aliarum. De investitione averis, quam fecissent, & solutione & sacramento idem dicimus, quod in Francigenis. De Parmensibus idem dicimus quod de Cremonensibus. De Bergamaschis dicimus, quod de quolibet Torsello solvant, eundo versus Venetias vel Ravennam. Si vadunt Bononiam, de fundo navis duodecim Imperiales. Et in Romaniam per Galeriam sive per Duglolum, de Torsello alios duodecim Imperiales. Et hoc debent solvere in Ferraria. De investitura facta prius & solutione & de navibus & de sacramento, hoc idem quod in Theotonicis & Francigenis. Homines de Regio solvant de quolibet fundo navis, quam ducerent, octo Imperiales tam in reversione, quam in eundo. Et si irent in Romagnam aut Tusciam, de qualibet Soma solvant duodecim Imperiales, & de fundo navis octo Imperiales. De navibus & investitione & solutione & de sacramento idem quod in Francigenis. Brixienfes quocumque vadant aut veniant, de fundo navis solvant duodecim Imperiales, & de carro averis sex Imperiales tam in reversione, quam in adventu, & de quacumque navi facerent. Et in reversione dicimus de navi. Et si facerent plures naves, & de una solvissent, non solvant de aliis, sed tantum de una. Veronenses solvant tantum tres Veronenses de fundo navis, & non aliud. Tota Marchia Trivisana solvat tres Solidos



Veronenses de carro, & non plus. Bononienses, quando veniunt cum vino de suo districtu, solvant octo Imperiales de fundo navis & unum starrum vini de qualibet vegete. Si veniunt de ultra mare, aut de Lombardia, solvant de Soma octo Imperiales, & octo Imperiales de fundo navis, vadant quocumque volunt, & in reversione octo Imperiales. Et si de una navi facerent plures naves, si de priori solvissent, non solvant de aliis. In facto investitionis, si quam fecerint, & solutione, & sacramento ipsorum idem quod in Francigenis.

Imolenses solvant duodecim Imperiales de fundo navis in eundo & redeundo, & duodecim Imperiales de soma tantum in veniendo. Et si portant vinum, de qualibet vegete duodecim Imperiales, si portatur a Ferraria supra. In facto investitionis, & in facto navium & in sacramento, idem quod in Francigenis. Faventini similiter, & tota Romagna. Ariminenses de fundo navis solvant octo Imperiales in eundo & redeundo. Tota Tuscanica solvat duodecim Imperiales de fundo navis in eundo & redeundo, & de soma octo Imperiales, quando veniunt. Et si semel solverint de avere, quod non plus solvant de eodem, nec de avere emto de denariis illius averis, de quo solvissent prius. Si majorem investitionem fecissent, solvant de illa majore investitione. Quod credatur sacramento ipsius per totum annum, & solvant tantum de una nave. Tota Marchia Anconae solvat de fundo navis duodecim Imperiales in eundo & redeundo, & unum orceum olei de viginti quinque Libris, quando veniunt, de qualibet navi, & de quolibet avere. Tota Apulia solvat pro qualibet nave duos orceos olei de viginti quinque Libris pro urceo. De quoli-

bet avere autem Bizantium unum, & duas caligas: & hoc in electione Rivariorum; & decimam de nappis & scutellis, exceptis illis de Matera. Veneti, si vadunt a Ferraria supra, solvant de milliario sex Imperiales. Et si veniunt in Ferrariam, de fundo navis tres Venetos tantum. Omnis extraneus solvat unum Imperialem de centenario Piscium, quocumque emit, praeter illos, quibus remissum est a Comuni Ferrariae. Romani solvant unum Lucensem de omni avere, quod emunt in Ferraria, aut ducunt. Quicumque emit ficus Ferrariae, solvat de centenario unum Imperialem. Quicumque emit Vallaniam, sive Foglam, aut semen Lini, solvat quatuor Imperiales de modio, praeter illos, quibus remissum est. Quicumque ducit bestias minutas aut grossas Ferrariam, solvat de qualibet bestia unum Imperialem. Item omnis Forensis, qui emit avere da penso, aut ad staderam, de quocumque avere solvat de centenario unum Imperialem. Et omnis Forensis debet facere rationem sub Misso Domini Papae, & sub Rivariis Communis Ferrariae, & solvat Rivariis, Canonicis, & Episcopo duodecim Imperiales de Libra, & de Libra fracta unum Imperialem de Soldo. Et a sententia ipsius Missi Domini Papae & Rivariorum nemo se appellet. Et de iudicaturis fori Olivarum habeat Episcopus & Canonici medietatem; & de alia medietate de Octo Denariis habeat Nuntius Domini Papae tres Denarios, & Commune Ferrariae Denarios tam ab eo, qui amittit, quam ab illo qui obtinet. Et de Stazonatico de foro Sancti Martini nil habeat Episcopus & Canonici, sed Commune habeat quinque Denarios de octo Denariis cum Misso Domini Papae. Omnis forensis, qui facit stationem in Mercatis Ferrariae, &

di-

disceat suum habere, non solvat Ripaticum sed Stazonaticum. Item quod una Statio fiat pro Rivariis in foro, ubi Nuntius Domini Papae, & Rivarii faciant rationem tam forensibus quam Civibus: & nullus Judex se intromittat, nisi pro Domino Papa & ipsis Rivariis. Item placet, quod omnis forensis, qui venerit Ferrariam cum avere in duobus majoribus Mercatis annualibus pro quindecim diebus ante forum, & ad forum steteris cum ipso avere, nihil solvat pro Ripatico; & quod quilibet possit recedere a mercatis sine Ripatico, & sine sigillo Rivariorum. Item quod de lignamine, lapidibus, masinis, blava & vino non auferatur Ripaticum pro soma vel carro, sed solvatur de fundo navis, ut dictum est. Si qua questio oriretur inter forenses & Rivarium de facto Ripae, & sententiatum fuerit contra Rivarium, Rivarius teneatur reficere forensi expensas, quas pro lite pro illo facta fecisset. Quae omnia valeant, salvo tamen pacto cum aliqua Civitate

A factis. In eodem Millesimo & Indictione, die Jovis XII. intrante Octubri, in pleno Consilio generali ad campanam, superiora capitula omnia firmata sunt, concionante Domino Guidone de Bilieno Milite Potestatis, in praesentia Domini Salinguerrae, Ubertainelli, Johannini de Bovaria de Contrada Sancti Johannis, Guidonis Vicedomini, Lodeini, Georgii, & aliorum multorum.

B Et ego Armannus Dei gratia imperialis Aulac, & tunc Communis Ferrariae Notarius, ut statutum fuit per praedictos, ita scripsi, in Potestaria Domini Jacobi de Prendiparte.

C Atqui inter Mutinenses ac Ferrarienses causa ipsius Ripatici ac Tolonei complures antea fuerant controversiae. Hisce in Isnardum Contrarium compromissis, is Decretum suum Anno MCLXXIX. promulgavit, quod e vetustissimo Regeſto Reipublicae Mutinensis excerptum, nunc publici juris facio.

### Compromissum & Laudum inter Commune Mutinae & Commune Ferrariae pro Ripatico & Toloneo, Anno 1179.

I N Christi nomine. Anno Dominice Nativitatis MCLXXIX. tempore Alexandri Pape & Frederici Imperatoris, die XIV. introeunte Mense Novembri, Indictione XII. in Ecclesia Sancti Stephani de Ferraria. Ego Isnardus Contrarius electus a Domino Guidone de Landriano Ferrariae Potestate, & a Consulibus ejusdem Civitatis, videlicet a Bonjohanne de Rugatino, & a Vitaliano, & a Hugone de Toffania pro se & pro aliis Consulibus Ferrariae ex una parte, & a Domino Gerardo Rangune Mutinae Potestate pro se & Consulibus sue Civitatis ex altera parte, de lite, quae vertebat inter eos per Ferrariam &

D Mutinam de Tolloneo & Ripatico, quod accipiebatur Mutinensibus in Ferraria & in Bondeno. Quod Toloneum & Ripaticum Guido de Landriano Ferrariae Potestas & Consules ejusdem Civitatis dicebant, quod ipsi debebant eum accipere in Ferraria, & in Bondeno. Et e contrario Gerardus Rangune Mutinae Potestas dicebat, quod nec Ferraria nec Bondeno aliquid Mutinensibus auferre debet. Unde Guido de Landriano Ferrariae Potestas & ejusdem Civitatis Consules, & Gerardus Rangune Mutinae Potestas pro se & Consulibus sue Civitatis, in me Isnardum Contrarium per concordiam se posuerunt ad audien-

dum

dum & observandum, quod inter eos per concordiam dicerem. Undo habito consilio multorum Sapientum per concordiam Mutinam a Toloneo & Ripatico Bondeni absolvo, & eos per unamquamque navem venientem Ferraris cum avere, vel pergentem a Ferraria sursum cum avere, tres Imperiales Comuni Ferrarie dare condempno, salvo eo tantum quod accipitur pro Sale & Pisce. Et quia per testes datos ex parte Girardi Rangune Mutine Potestatis cognovi, quod Ferrarienses nullum Datium vel Toleum aliquo tempore in Mutina vel in districtu Mutine dederant, ideo ab omni Datione & ab omni Tolloneo in Mutina vel in districtu Mutine dare Ferrarienses absolvo: & quod Ferrarienses nullum Datium in Mutina vel in districtu Mutine tribuant, per concordiam conlaudo. Et ita attendere sub pena centum librarum Imperialium inter Ferrarienses & Mutinenses precipio. Que omnia attendere per suum Commune Guido de Landriano Ferrarie Potestas, & Johannes de Albano Ferrarie Consul, pro se & aliis Consulibus Ferrarie, Gerardo Rangune Mutine Potestati & Rainerio de Bocabadata Mutine Consulo pro suo Communi sub pena centum Librarum Imperialium promiserunt. Et Gerardus Rangune Potestas & Rainerio Consul Mutine sub pena centum Librarum Imperialium pro se & suo Communi omnia supradicta attendere Guidoni de Landriano Ferrarie Potestati, & Johanni de Albano Ferrarie Consulo pro suo Communi promiserunt. Ad hoc presentes fuerunt testes Presbiterinus Ferrariensis, Guilielmus de Marchesella, Albericus de Fontana, Adegerius Tarcuvulus, Can . . . . . petrus Comadator pro Guilielmo de Ato, Saracinus de Guilielmo, Stephanus Judex, Petrus de Pacifico, Rolandus de Richel-

mo, & alii quamplures, & Albertus de Aldgerio.

Et ego Magister Presbiterinus Dei gratia Imperialis Aule Notarius & Scriba Potestatis, ad hec omnia presens voluntate Potestatum & Consulum utriusque Civitatis, ut audiui, scripsi atque complevi.

Destinati verò ad colligenda cuncta haec Vestigalia fuere *Tolonearii*, quorum frequens mentio in antiquis Diplomatis. *Actionarii* quoque pro Fiscis redditibus vigilasse videntur. Immo & ad ipsos *Duces* atque *Comites* spectabat cura Fiscalium reddituum colligendorum, eorumque in Regis aerarium inferendorum. Sed pergendum est. De *Multis*, sive *Mulctis*, hoc est poenis pecuniariis, quae etiam *Freda* appellabantur, uti & *Lendis*, sive *Leudum* interdum nuncupata est compositio pro Homicidio: etsi in praecedenti Dissertat. XVII. aliquid indicatum est, adhuc tamen res poscit, ut fusius agatur. Si quid enim video, ex hoc fonte non mediocre emolumentum Regalis olim Fiscus percipiebat. Quod enim praecipue animadvertendum est, pluribusque stupori erit, conferentibus leges & mores nostrorum temporum cum antiquis: olim vix ullum delictum capitale fuit. Certe si pauca in Regem aut Rempublicam patrata, & caedem domini aut mariti sui, excipias, cetera crimina componere licebat, hoc est pecuniâ statutâ in Legibus redimebantur; ita ut qui Presbyterum occidisset, DC. Solidis, qui Episcopum, DCCCC. Solidis persolveris, liber & illaesus evaderet, uti habetur in lege 101. Langobard. Caroli Magni, & in Legibus Ludovici Pii. Ita & homicidia nobilis viri, aut uxoris immerentis, aut Sculdascii, sive \* *Auitoris* Regii &c. & incendiar-

\* *Auitoris* Regii potiusquam *Auitoris*, legendum placet Du-Cangio in Legibus Ludov. Imp. & quidem recte, ut videtur.

rius, & fur, & latro ad compositionem admittebantur, aut Fiscus non solventium bona capiebat. Haec autem consuetudo non Langobardis tantum, sed omnibus ferme Populis e Septemtrionali plaga in Meridionalem illapsis placuit. Vide Legem Salicam, Ripuariam, Bajoaricam, & alias. Immo posterioribus etiam Seculis mitissimas poenas a Fisco exactas pro Homicidio ac Furto deprehendentes. In Bulla Gregorii IX. Pa-

A pae, duntaxat Solidi Provenientes five Provefini XX. Fisco Pontificio exsolvebantur pro Homicidii crimine, relictâ domino homicidae facultate faciendae contra eum iustitiae & vindictae. Pro Furto diurno Solidi V. tantum accipiebantur: pro nocturno X. Digna est, quae in lucem efferatur Charta illa, utpote quae alias eorum temporum consuetudines nobis servavit. Hanc autem exscripsi e saepe laudato MSto Regesto Cencii Camerarii.

Gregorii IX. Papae Bulla, per quam decernit Tributa & Censuræ Apostolicae persolvendos, nec non & poenas pro delictis, ab hominibus Castri Serronis, circiter Annum 1230.

**G**regorius &c. Hominibus de Serrone fidelibus nostris. Justis petentium &c. Consuetudines Terrae vestrae hactenus observatas, auctoritate vobis Apostolica confirmamus, & praesentis scripti pagina communimus. Ne vero de consuetudinibus ipsis valeat dubitari, eas fecimus praesenti inseri; quae sunt tales. Quilibet habitator de qualibet Mansa debet solvere annuatim Curiae Serronis duas minulas de frumento. Quod Frumentum Nuntius Curiae accipiat ab eo melius quod voluerit ipse Nuntius. Item quilibet pro Mansa debet solvere unum Utrum musti puri & boni: & in collum suum portare usque ad vegetem Curiae, & mittere in vegetem Curiae. Item quilibet pro Mansa debet respondere Curiae annuatim in una opera in metendo vel tritulando, & alia in seminando personaliter cum duobus bubus. Et Curia debet dare sibi prandium & merendam, si voluerit ille, qui dat operam. Sed coenam non debet dare ei. Item quilibet extraneus emens debet solvere Curiae de duobus Solidis unum Denarium pro Plateatico. Nec ullus ha-

C bitator dicti Castri potest emere, ut vendat alicui extraneo sine licentia Curiae. Item Curia pro qualibet Mansa debet accipere de Vinenis unam cistram inter uvas & alios fructus. Item olim quando Curia ibat in exercitum, recipiebat ab hominibus Serronis sex Castratos; sed modo Curia debet ab eis recipere annuatim viginti Solidos Provenientes pro Castratis ipsis, five Curia vadat in exercitum, five non, quia ita ordinatum fuit inter Curiam & ipsos. Item si porcus invenitur in damno, debet occidi porcus ab illo, cui damnum fit & medietas porci debet per eum mitti ad Curiam, & alia medietas cum capite debet remanere penes eum, qui passus est damnum. Item si bos, asinus, equus, vel alia bestia damnum dat cum voluntate illius, cuius est bestia, debet ipse solvere Curiae XII. Denarios. Si autem sine voluntate illius, debet solvere Curiae VI. Denarios. Si vero capra vel ovis in damno invenitur, Curia capit eam; & ille cuius est capra vel ovis, componit cum Curia secundum Curiae voluntatem. Item si aliquis committit homicidium, vel

vel facit alicujus membri incisionem, debet solvere Curiae XX. Solidos Provenientes. Et ille, qui est specialis Dominus ejus, debet facere inde justitiam & vindictam. De sanguine vero debet solvere Curiae X. Solidos. Item si aliquis committit furtum intra Castrum de die, debet solvere Curiae V. Solidos: si de nocte X. Solidos. Si autem extra Castrum, V. Solidos. Item si quis furatur uvas vel consimilia, debet solvere Curiae XII. Denarios. Nulli ergo &c.

Tanta Legum indulgentia, & efferi tunc atque adeo turbulenti ho-

A minum mores, quot criminibus ac delictis aditum aperirent, nullo negotio quisque intelligat. Ita reorum spoliis Fiscus longe lateque dirabatur. Et non solum pecuniae, sed & fundi, & Cortes integrae, & Castella aerario Regis identidem adjungebantur. Ad haec e rebellantium bonis non modicum roris Fisco obveniebat. In Antiquitat. Estens. Par. I. Cap. 14. pag. 113. memoratum mihi Diploma fuit, quod huc inferendum reor, desumptum ex antiquo apographo existente in Archivo Estensi.

Henricus I. Imperator Curtem Trecentulae & alia, quae Fiscus abstulerat Berengario & Hugoni filiis Sigefredi Comitis, Imperii rebellibus, concedit Richildae Comitissae, Anno 1016.

IN nomine Sancte & individue Trinitatis. Henricus Dei favente clementia Romanorum Imperator Augustus. Legibus cautum & jure statutum esse constat, quod hi, qui Imperatori suo rebelles existunt post promissam fidem, sub expoliatione omnium bonorum, qua possidere videntur, publica proscriptione debent condemnari; in fide vero promissa perseverantes sit dignissimum exaltari. Quapropter omnibus Sancte Dei Ecclesie, nostrisque fidelibus, presentibus scilicet ac futuris notum fieri volumus, quod interventu ac digna petitione Henrici venerabilis Parmensis Episcopi, nostrique fidelis dilectissimi, hac nostri Precepti pagina concessimus Richilde Comitisse medietatem Cortis Trecentule, cum medietate Castelli & Capelle & Campi Ducis, Campique de Credario, hac Rupteobsure, & Fosse Muclene. cum silvis & aquis, aquarumque decursibus, molendinis, piscationibus, campis, vineis, buscalibus, pratis, & omnibus ad medietatem predictae Cortis pertinen-

C tibus, sicut a Berengario & Hugone filiis Sigefredi Comitis, nostro Imperio rebellantibus hactenus visa sunt possideri. Ea videlicet ratione, ut predicta Richilda Comitissa, ejusque beredes ac proberedes debinc licentia hac per hoc nostre auctoritatis & concessionis Preceptum habeant tenendi, possidendi, perfruendi, ac donandi, vendendi, commutandi, ac pro anima judicandi, & quicquid voluerit faciendi. Precipientes itaque firmiter jubemus, ut nullus Dux, Marchio, Archiepiscopus, Episcopus, Comes, Vicecomes, Sculdascio, Gastaldio, nullaue totius Regni nostri magna parvaue persona supranominatam Richildam Comitissam disvestire, inquietare, vel molestare presumat, suosque beredes ac proberedes qualibet contentione molestat. Si quis vero, quod futurum minime credimus, temerario motu hoc nostre concessionis Preceptum infringere aut aliter immutare presumpserit, noverit se compositurum auri optimi Libras centum, medietatem Kamere nostrae,

stre, & medietatem superius nominate Ricilde Comitisse, ejusque heredibus ac proheredibus. Quod ut verius credatur, atque diligentius ab hominibus observe-

A tur, manus nostre inscriptione roborantes, Sigilli nostri impressione jussimus insigniri.

Signum Domni Henrici



Invisissimi & serenissimi Imperatoris Augusti.

Henricus Episcopus & Cancellarius vice Everardi Episcopi & Archicapellani recognovi.

Datum Anno Dominice Incarnacionis Millesimo Decimo Sexto, Indictione XIV. Anno Domni Henrici Regni XIII. Imperii vero ejus III.

Actum Pavenbero feliciter. Amen.

Ricilda Comitissa eadem fuit, quae Bonifacio Marchioni & Duci Tusciae nupsit. Berengarius & Hugo filii Sigefredi Comitis in aliis veterum monumentis occurrunt, uti in eodem Cap. 14. Par. I. Antiquit. Estens. monui. Ita Curtem Ubiani Willae Re-

B giniae, uxori suae, Berengarius II. Italiae Rex contulit, quam Fiscus nescio cui Rogo rebeli abstulerat. Autographum, ut videbatur, exstat in Archivo antiquissimi Monasterii Benedictinorum Ticinensium Sancti Salvatoris.

Berengarius II. & Adelbertus Italiae Reges curtem Ubiani concedunt Willae Raginae ejusdem Berengarii uxori, Anno 960.

IN nomine Sancte & individue Trinitatis: Berengarius & Adelbertus divina providente clementia Reges. Si ratis nostrorum fidelium petitionibus prebemus assensum, fideles eos fore minime dubitamus. Quocirca omnium sancte Ecclesie fidelium, nostrorumque, presentium scilicet ac futurorum industria noverit, qualiter interventu ac petitione Widonis Marchionis, nostrique dilecti filii, seu Robonis Judicis nostri fidelis, per hoc nostrum Preceptum, prout juste & legaliter possumus, concedimus, donamus atque largimur Willae Reginae nostraeque dilectae coniugi & confor-

Tom. IV.

C ti Regni nostri, Cortem Ubiani cum omnibus rebus mobilibus & immobilibus eidem Corti pertinentibus, una cum massariis, vineis, terris, campis, silvis, staliis, montibus, vallibus, planitiis, aquis, aquarumque decursibus, molendinis, piscationibus, aldionibus, & aldiabus, servis & ancillis, omnibusque rebus, quae dici vel nominari possunt ad predictam Cortem integre pertinentibus, nec non & a nostro jure & dominio in ejus jus & dominium omnino transfundimus ac delegamus. Eo scilicet tenore, ut habeat, teneat, firmiterque possideat ipsa suique heredes, habearique

E

post-

potestatem tenendi, donandi, vendendi, commutandi, alienandi, pro anima iudicandi, & quicquid eorum decreverit animus satiendi, omnium hominum contradictione remota. Idcirco hanc predictam Cortem nostre preceptaliter fecimus Conjugi, quia volumus omnibus nostris fidelibus esse notum, hunc Rogum, cujus hec hereditas legaliter visa fuit, in nostri fidelitatem omnino decidisse, quodque statum Regni nostri, no-

A strasque personas, tractando penitus consensit in nihilum redigere, nostrisque se copulavit inimicis; ab huius Regni volens potestate pellere. Si quis igitur huius nostri Precepti violator extiterit, sciat se compositurum auri optimi Libras mille, medietatem Kamerac, & medietatem prefatae Conjugi nostrae, suisque hereditibus. Quod ut verius credatur &c.

Signa serenissimorum



Berengarii & Adelberti Regum.

Locus Sigilli ✱ cerei deperditi.

Hubertus Cancellarius ad vicem Widonis Episcopi & Archicancellarii recognovi & subscripsi.

Data VIII. die Kalendas Novembris, Anno Dominicae Incarnationis DCCCCLX. Indictione IV. Regni vero Domnorum Berengarii & Adelberti Regum X.

Actum vero Papiac feliciter. Amen.

Profecto si qui cornua in Regem, sive Augustum, erigebant, Fiscus in eorum sive Beneficia, sive Allodia manus injiciebat. Quod quum Tarvisinus Comes ausus fuisset, bona illius sub Banno Regio posita fuere,

C quamquam postea restituta, ut fides faciet subsequens Charta ex Archivo praestantissimi viri Antonii Rambaldi Comitis de Collalto invictissimi nostri Caesaris intimi Consiliarii depromta.

Henricus V. Rex, IV. Imperator, Ansedisio & Guidoni filiis Rambaldi Comitis Tarvisiensis suam gratiam restituit, & eorum jura confirmat, Anno 1116.

IN nomine Sanctae & individuae Trinitatis. Henricus divina favente clementia Quartus Romanorum Imperator Augustus. Omnibus Christi, nostrisque fidelibus tam futuris, quam praesentibus notum fieri volumus, qualiter nos ob interventum dilectae consularis

D nostrae Mathildis Reginae, & aliorum Principum nostrorum, Episcoporum Gevehardi Tridentini Episcopi, Gumboldi Tarvisiensis Episcopi, Turingi Vicentini Episcopi, Rainaldi Belumnensis Episcopi, Arsonis Feltrensis Episcopi, Ducum quoque Henrici Du-

Ducis de Carinthia, Henrici fratris Welfonis Ducis, nec non & Comitum Henrici Comititis, Alberti Comititis de Verona: Ansedisio & Widoni, fratribus filiis Rainbaldi Tarvisiensis Comititis gratiam nostram reddidimus, & quicquid pater eorum, vel ipsi erga patrem nostrum beatae memoriae Imperatorem Henricum, vel erga nos deliquerunt, eis condonavimus, & omnem querimoniam, quam super eos usque nunc habuimus, eis remittimus. Insuper omnia bona, quae Pater eorum, dum vixit, habuit & tenuit, quae etiam sub Banno nostro posita, vel aliquo modo deventa fuerunt, per hoc ipsum

A Praeceptum reddidimus, & eis tenendum, possidendum, vel quicquid deinceps inde voluerint, faciendum concessimus cum omnibus appenditiis sive pertinentiis suis, Castris, Turribus, Villis, Ecclesiis, & utriusque sexus familiae, terris, massariis, silvis, venationibus, pratis, pascuis, aquis, piscationibus, acquisitis & acquiendis, cum omnibus etiam finibus  
B. & terminis earum, & cum omni utilitate, quae inde ulterius exire vel pervenire poterit. Praecipimus itaque, ut nullus Episcopus, Dux, Marchio, Comes, Vicecomes, Sculdafius, Gastaldio, aut aliqua Regni nostri &c.

Signum Domni Henrici



Quarti Romanorum Imperatoris invictissimi.

Burchardus Cancellarius & Monasteriensis Episcopus recognovi.

Datum . . . . . Indictione IX. Anno Dominicae Incarnationis MCXVI. Regnante Henrico Quarto Rege Romanorum, Anno X. Imperante V.

Actum est Treviris in Christo feliciter. Amen.

Sed & alia emolumenta hauriebat Fiscus ex Bannis, hoc est poenis impositis aut criminibus, aut violentibus Privilegia. Alia quoque lucra capiebat ex privatorum hominum hereditatibus. Id supra innui. Nunc cum morem aliqua ratione confirmatum volo. Decretum est in Lege 158. Rotharis Regis, ut si quis moriens post se filias legitimas & filios naturales relinquebat, proximi parentes, idest consanguinei, uncias duas ex illius asse perciperent. Et si parentes

C non fuerunt, Curtis Regia ipsas duas uncias suscipiat. Praeterea ex Lege 224. ejusdem Rotharis, moriente aliquo sine heredibus, res ipsius ad Curtem Regis perveniebant. Heredes autem erant usque ad septimum geniculum, sive gradum. Hujus moris, quem adhuc tempora nostra servant, aut mitiorem, aut duriorum secundum Statuta ac Leges diversas, exemplum dabo ex Archivo eximii Monasterii Cavenis depromptum.  
D



Donatio facta a Guaimario I. Principe Salernitano Ecclesiae Sancti  
Maximi in Civitate Salernitana sitae, Anno 886.


**I**N nomine Domini Dei Salvatoris Je-  
su Christi. Concessimus nos vir glo-  
riofissimus Guaimarius, Dei providentiâ  
Langobardorum gentis Princeps, per po-  
stulationem Domine Landasæiche ma-  
tris mee, in Ecclesia Sancti Maximi,  
quam Dominus Guaiferius Princeps,  
pater meus intus hanc Civitatem Sa-  
lerni a novo construxit fundamine, in-  
tegras res Benenati & Ademarii,  
cum omnibus illorum pertinentiis, ubi-  
que exinde fuerint inventum, eo quod  
sine heredibus mortui sunt, & Sacri  
nostri Palatii pertinent, de loco supra

**A** ipsam Fistulam, ubi proprie Puteo-re-  
gente vocatur, Nucerie finis, & perti-  
net de Alfo Salernitano. In ea videli-  
cet, ut amodo & deinceps per hoc no-  
strum roborem Preceptum cuncta ea,  
que supra leguntur, in eadem sancta  
Sede permaneant, ejus Rectoribus do-  
minanda in perpetuum; & a nullo ex  
nostris Judicibus, idest Comitibus, Gua-  
staldis, vel a quibuscumque agentibus  
numquam habeat aliquam requisitionem,  
sed perpetuo tempore in suprascripta san-  
cta Ecclesia permaneat.

Quod verò Preceptum concessionis ex jussione superscripte Potestatis scripsi ego Do-  
dedi Notarius.

Actum Salerni, Decimo Anno, mense Magius, Quarta Indictione.

Sigillum cereum Guaimarii.



Ceterum nemo non intelligit, ma-  
gnam praediorum vim fuisse Regibus  
Italicis, sive quod ea spectarent ad  
Fisci jus, sive quod emta, aut per-  
mutata, aut per hereditatem, aut  
per alios titulos essent conquesta.  
Propterea in Ecclesiarum Archivis,  
quae ferme una e vetustis injurias

**C** temporis evasere, tam saepe occur-  
runt donationes Cortium ab Impera-  
toribus ac Regibus factae locis Deo  
sacris, aut etiam Saecularibus vi-  
ris. Cortes autem (quod nomen adhuc  
in hisce regionibus, atque eadem si-  
gnificatione usurpatum perdurat) com-  
plectebantur multa praedia, ac saepe  
Ca-

Castellum, itaut nunc multa, ne dicam innumera, Castella, immo & Oppida, olim *Cortes* tantummodo appellarentur. Quamquam istius rei veritatem in prope innumeris, atque in ipsis Operis huius Chartis, ac praecipue in Dissert. XI. de Alodiis, quisque vel me tacente perspi-

A cere possit, attamen exemplo rem ipsam confirmare placet, nempe Diplomate, quod debeo insigni Placentino Archivo Monachorum Casinensium Sancti Sixti, ubi archetypum venustum, ac prorsus illaesum adservatur.

Rodulphi Italiae Regis Diploma pro Monasterio Monialium  
Sancti Syxti Placentini, Anno 924.


**I**N nomine Domini Dei aeterni. Rodolphus divina favente clementia Rex. Si petitionibus fidelium nostrorum libenter annuimus, devotiores eos ad nostrae fidelitatis obsequia reddimus. Quocirca omnium universalis Ecclesiae fidelium nostrorum, videlicet praesentium ac futurorum noverit industria, qualiter Lantpertus Mediolanensis Archiepiscopus, & Adalbertus sanctae Sedis Bergomensis Episcopus, nec non & Bonifacius Marchio inclitus, nostram suppliciter exoraverunt Majestatem, quatenus ob amorem supernae remunerationis, per nostri Praecepti paginam quoddam Monasterium infra Civitatem Placentinam, a beatae videlicet memoriae Angilberga Imperatrice constructum, & in honorem Sancti Xysti dedicatum, Bertae gloriosissimae Abbatissae Con- sanguineae nostrae, cum omnibus suis pertinentiis confirmare dignaremur, simul quoque roborantes, & in perpetuum concedentes eidem Monasterio quasdam Curtes, Wardestallam scilicet, Luzariam, Lectora Paludana, Villolae, Piguniarias cum adjacentiis eorum, & omnia quaecumque memorata Imperatrix per institutionis suae paginam ubique idem Coenobium deffinivit habendum. Quorum petitionibus tota devotione faventes, id fieri annuimus, hoc nostrum Praeceptum scribi jubentes, per quod

**B** praelibatae Bertae idem Monasterium confirmamus, quatenus in sua sit potestate & dominio, quousque vixerit, & ibidem dominatrix & ordinatrix atque rectorix invigilet ac permaneat, donec ejus fuerit vita. Per quod etiam jam praescriptas venerabili loco concedimus, ac confirmamus omnes res ac possessiones mobiles ac immobiles, tam per Cartulas, quamque extra Cartulas, vel cui- cumque inscriptionis titulo ad partem ipsius Monasterii legibus adquisitas & adquirendas, seu quidquid per Regum vel Imperatorum antecessorum nostrorum Praecepta ad eundem sacrum locum collatum est: adque Cellulam quamdam, quae antiquitus Monasterium dicebatur, non procul a Placentina Urbe situm, **C** loco qui Caput Trebiae vocatur, in qua Ecclesia Apostolorum Principis honore dicata consistit, cum omnibus inibi pertinentibus, quemadmodum Karlomannus serenissimus Rex antiquitus eandem Cellulam cum universis suis appendiciis eidem Monasterio proprietario jure largitus est, praenominato venerabili loco per hoc nostrae Regalis auctoritatis Praeceptum ex integro perdonamus, largimur, confirmamus, ac modis omnibus corrob- **D** ramus. Familias quoque utriusque sexus & conditionis cum Curtibus & Capellis, earumque appendiciis cum omnibus **E** Castellis, Casis, vineis, campis, pascuis, pra-

pratis, silvis, saltibus, sationibus, paludibus, aquis, aquarumque decursibus, molendinis, fluminibus, piscationibus, ripis, rupinis, montibus, collibus, vallibus, ac planitiis, cultis & incultis, divisis & indivisis, mercationibus, vectigalibus, districtionibus, servis & ancillis, Aldiis & Aldianis, & omnibus, quae dici & nominari possunt, ad idem Monasterium juste & legaliter respicientibus, in integrum confirmamus. Ita videlicet, ut praelibata Abbatisa Bertha, quousque vixerit, hac nostra auctoritate roborata, de praescriptis rebus eidem Monasterio pertinentibus tam

A per Praeceptorum paginam, ut diximus; quamque aliarum Instrumenta Cartarum, & adquisitis & adquirendis, potestative faciat, omnium magnarum parvarumque personarum molestatione remota. Si quis vero hanc nostram auctoritatem violare temptaverit, centum quinquaginta Libras auri optimi componere cogatur, medietatem Camerae nostrae, & medietatem saepe fatae Berthae Abbatissae. Quod ut verius credatur, diligentiusque ab omnibus observetur, manu propria roborantes de anulo nostro iussimus insigniri.

Signum Domni



Rodulfi piissimi Regis.



Manno Cancellarius ad vicem venerabilis Beati Episcopi & Archicancellarii recognovi & subscripsi.

Data pridie Idus Novembris, Anno Incarnationis Dominicae DCCCCXXIV. Domini Rodulfi piissimi Regis in Italia III. Indictione XI.

Actum Veronae in Christi nomine feliciter. Amen.

Certum testem habes, quo confirmetur Chronologia Rodulphi Regis, quum constet hinc, ipsum Anno

C: Christi DCCCCXXII. Regem Italiae contra Berengarium Augustum fuisse a factione sua renuntiatum. Anno quip-

quippe DCCCCXXIV. *Annus Tertius* Regni ei decurrebat. Antea vero, atque eodem Anno DCCCCXXIV. Veronae (ubi Rodolphus Rex Diploma hoc dedit) sublatum e vivis fuisse Berengarium Imperatorem, non autem Anno DCCCCXXIII. ut Si-

gonius tradidisse videtur, recte Flo- doardus scripsit, quem Valesius & Pagius sequuti sunt. Liceat & mihi Chronologiae Regum Italiae lucem aliquam heic adjungere, produ- ctâ Chartâ, quam autographam vidi in Tabulario Archiepiscopii Lucensis.

Charta permutationis bonorum factae inter Petrum Episcopum Lu- censem & Flaipertum Scabinum, praecedente inquisitione fa- cta a Missis Widonis Ducis Tusciae, Anno 924.

**I**N nomine Domini nostri Jesu Christi Dei eterni. Regnante Domino nostro Berengarius gratia Dei Imperator Au- gustus, Anno Imperii ejus Nono, XII. Kalendas Aprilis, Indictione XII. Ma- nifestus sum ego Flaiperto Schabino filio bone memorie Flaiperti Clerici, quia convenit mihi una tecum Petrus gratia Dei hujus sancte Lucane Ec- clesie humilis Episcopus, ut inter nos de aliquantis casis & rebus cōmutatio- nem facere deberemus, sicut & factum est. Proinde ego qui supra Flaiperto Schabino in cōmutationem dare & tra- dere videor tibi ad pars Ecclesie vestre Sancti Petri sito infra Civitate ista Lucense, que dicitur ad Vincula, & ad pars Ecclesie Sancti Thome similiter infra Civitate ista Lucense, que sunt de sub potestatem ipsius Episcopatus vestri Sancti Martini, idest Casa mea il- la, quam abeo in ipsa Civitate ista Lucense prope Ecclesiam Sancti Petri, & prope suprascriptam Domum Episco- patui vestro Sancti Martini, cum fun- damenta seu Curte & Casalino, in qua fuit casa sive terra & puteo insimul amembratas, tenentes uno caput cum u- no lato in via publica, alio caput te- net in fundamento de casa, que fuit quondam Teudimundi Presbiteri, alio la- to tenet in classe & in Curte, que fuit jam dicti quondam Teudimundi Presbi-

**B**teri; Casa ipsa quod est solario cum fundamento & edificio suo, seu funda- mento in quo fuit casa & Curte seu puteo insimul amembratas, qualiter car- tulata est per designatas locas, quod est per mensura ad justa pertichas mensura- tas Sistariorum tres cum petie que sunt super ipsa terra in integrum tibi eas in cōmutationem dare & tradere vi- deor ad pars predictae Ecclesie vestre Sancti Petri & Sancti Thome, sive predicti Episcopatus vestri Sancti Mar- tini una petia de terra mea illa, quam abeo prope Silice, & prope Ecclesiam Domini & Salvatoris, qui uno caput tenet in terra Chunimundi, alia caput tenet in terra Teuperti lato uno tenet in terra suprascripti Chunimundi, & in terra Domni Regi, & in terra pre- dicti Teuperti, alio lato tenet in terra Friderici, de suprascripta petia de ter- ra, qualiter data est per designatas lo- cas, tibi exinde in cōmutationem dare & tradere videor ad pars predictae Ec- clesie vestre Sancti Petri, & Sancti Thome, sive predicti Episcopatus vestro Sancti Martini Sistariorum decem & novem, & Schala una per mensurata ad justa perticha mensuratas, cum fos- sis suis in integro, & pro suprascripta casa, quod est solario cum fundamenta & edificio suo seu fundamento in qua sunt Casa & Curte seu terra & puteo sive

sive predicta petia de terra, quas tibi in chomutationem dedi ad pars predictae Ecclesie vestre Sancti Petri, & Sancti Thome, sive predicti Episcopatus vestro Sancti Martini recepi ad te in chomutationem da pars suprascripte Ecclesie Sancti Petri & Sancti Thome Apostoli seu predicto Episcopatus vestro Sancti Martini, idest Casa illa hic infra Civitate ista Lucense prope Ecclesia Sancti Thome Apostoli, & prope muro istius Civitatis, ubi prope muro istius Civitatis fluvio Auferclo modo percurrit, quas Casa ipsa cum terra & orto pertinere videatur suprascripte Ecclesie vestre Sancti Petri, que dicitur ad Vincula, & est tenentes Casa ipsa cum fundamenti & edificio suo seu Curte & orto insimul amenbratas uno caput cum uno lato in muro istius Civitatis, alio caput tenet in terra & orto, que dicitur Curte Cicula, quod est pertinentes de Monasterio illo sita..... que dicitur Sancti Julii, & in terra Ecclesie vestre Sancti Thome Apostoli, que est de sup potestate ipsius Episcopatus vestro Sancti Martini: quas ipsas petia de terra per banc Cartula in chomutationem ad te recipere videor; & alio lato tenet in via publica, Casa ipsa cum fundamenti & edificia sua seu Curte & orto insimul amenbratas, qualiter circumdata est ab omnis parte per designatas locas, quod est mensura ad justa perticba mensuratas schalas triginta una & dimidia, in integrum ad te eas in chomutationem recepi de pars suprascripte Ecclesie vestre Sancti Petri & predicti Episcopatus vestro Sancti Martini. Sen & recepi ad te in chomutationem de pars suprascripte Ecclesie Sancti Thome Apostoli & predicti Episcopatus vestro Sancti Martini, idest suprascripta petia de terra, quod est orto infra Civitate ista Lucense, qui uno caput tenet in suprascripta petia de

A terra, quas ad te in chomutationem recepi, alio caput tenet in via, quod percurrit ad suprascripta terra, que dicitur Curte Cicula lato uno tenet in predicta terra, que dicitur Curte Cicula, ex alio lato tenet in via, petia ipsa de terra, quod est orto, qualiter circumdata est per designatas locas cum sepi & arboribus suis, quod est mensura ad justa perticba mensuratas Sistarum tres, & schala una in integrum ad te eas in chomutationem recepi de pars predictae Ecclesie Sancti Thome Apostoli, & suprascripti Episcopatus vestro Sancti Martini, adque te recepi ad te in chomutatione una alia petia de terra, quod est orto infra Civitate ista Lucense prope suprascripta terra, quas ad te in chomutationem recepi, pertinentes suprascripte Ecclesie Sancti Petri, que dicitur ad Vincula, qui uno caput cum uno lato tenet in via, alio caput tenet in terra Sancti Alexandri, alio lato tenet in terra Ecclesia Sancti Georgii, petia ipsa de terra qualiter circumdata est per designatas locas, quod est per mensura ad justa perticba mensuratas schalas tres in integrum, mibi ad te in chomutationem dedisti de pars suprascripte Ecclesie Sancti Petri, & iam dicti Episcopatus vestro Sancti Martini. Ubi super banc chomutationem secundum legem tu ipse, qui supra Petrus Episcopus direxisti Missos tuos, idest Gbifolfus filio bone memorie Georgii Notarii, Johannem filio bone memorie Adalberti Schabini, seu Durant Notario & Schabino filio Ropaldi Schabini, & Wido Dux direxit Missos suas Gbifalperto Schabino filio bone memorie Petri Notarii, & Adalmundo germano ipsius Gbifalperti Schabini, sive Afridi filio bone memorie Gbifulfi, una cum alios bonos & credentes homines ad..... chomutationem dedi ad pars predictae Ecclesie vestre Sancti Petri,

tri, & Sancti Thome..... & omni tempore hanc cōmutationem nostram firmam & stavilem permaneat. Unde ego promitto..... tibi, qui supra Petrus, & successoribus tuis, aut cui vos suprascripta Casa & res, quas tibi in cōmutatione dedi, dederitis, vel abere decreveritis ab omni homine defendere &c.

Et cōmutationis Chartula Teutpaldum Notarium scribere rogavimus.

Actum Luca.

Ego Flaipertus Schabinus in hac cōmutationis Chartula a me facta manus mea subscripsi.

Ego..... erto Schabinus, sicut de me supra legitur, me subscripsi.

Signum manus Gbisalperti Schabini, sicut supra legitur, Missus fui.

Ego Teutpaldus Notarius post tradita compleri & dedi.

Animadvertite heic originem nominis *Serchio*, ut ad deducendas etymologias exemplo isto utaris. *Auser* fluvius pone *Lucam* defluens, *Auserculus* postea appellatus est, tum *Auserclo*, ut in ista Charta: deinde abjectâ syllabâ priori *Au*, *Serclo*, & denique more Italicae Linguae evasit *Serchio*. Sed quod in primis heic perpendas velim, *Pagius V. Cl. in Critic. Baroniana ad Annum DCCCCXXIV.* Liutprandi Ticinensis auctoritate fretus scribit, *Rege Berengario defuncto*, Hungaros flammis dedisse *Ticinum*, idque accidisse *Anno DCCCCXXIV. sexto Idus Martias, Indictione XII.* proinde statuens, *Berengarii Augusti necem contigisse ante diem XII. Martii* ejusdem Anni. Sed heic mihi nurat Liutprandi narratio, aut in ejus textu mendum suspicari licet. Ut ille scribit: *Berengario defuncto*,

A Hungarorum rabies totam per Italiam dilatatur, adeo ut muros *Papiensis Civitatis* vallo circumdaret &c. Haec omnia non uno die absolvi potuere, atque adeo longe ante diem XII. Martii, quo *Ticinum* captum dicitur, obitus *Berengarii* evenisset. Sed *Lucensis Charta* scripta die XXI. Martii ejusdem Anni, *Berengarium* adhuc

B in vivis fuisse prodit, aut certe nondum nuntius mortis ejus *Lucam* adlatus fuerat. Quare vivente adhuc *Berengario* par est credere, *Ticinensem Urbem* ab *Hungaris* pressam, & in extremas calamitates adductam. Redeo ad nuper editum *Diploma Rodulphi Regis*, in quo memoratum videre potuisti *Bonifacium Marchionem*, illum videlicet, qui ductâ *Waldradâ* ejusdem *Rodulphi* sorore, *Spoletanis* & *Camerinis* praefuit, uti

C *Liutprandus* nuper memoratus *Lib. 3. Cap. 18.* certos nos facit. Illic autem recensentur *Cursus Wardestalla*, quae nunc *Guastalla* Civitas, & *Luzaria*, nunc nobile Castellum, ut reliqua omittam. Duplex ergo, uti

D nunc, ita & olim bonorum genus *Regibus Italiae* fuit: alterum ad *Fiscum*, sive ad *Coronam*, ut nonnulli ajunt, pertinens; alterum *patrimoniale*, sive, ut ajebant, *domnicatum*. De hisce *domnicatis rebus* saepe mentio occurrit in veterum Chartis, ac praecipue *Ecclesiarum*. Sed ut exemplum etiam adferatur de

E stantibus ad *Imperatores* & *Reges*, en *Diploma*, quod in *Tabulario antiquissimi Monasterii Veronensis Sancti Zenonis* archetypum sub oculis habui.

Caroli Crassi Imperatoris Diploma, quo Curtem Mauriaticam  
cum Ecclesia Sanctorum Firmi & Rustici largitur  
Johanni Presbytero, Anno 883.

**I**N nomine Domini nostri Jesu Christi Dei aeterni. Karolus opitulante divina clemencia Imperator Augustus. Ad promerendam probationem celestis misericordiae nobis prodesse confidimus, si servorum Dei precibus assensum praebentes, eorum necessitati consulimus, atque largimur presenti Johanni Presbytero dudum Rome inclauso Curtem nostram cum Basilica dedicata in honore Sanctorum Martyrum Firmi & Rustici, sita in loco, qui dicitur Mauriatica, cum suis certis finibus terminatam. Hii sunt Cona, Ponzevigulo, ac Padulemala, & Fossato Gianandoni, necnon & via nuncupante Cava, in mediis nostris Dominicatis rebus positam, cum decimis a priscis temporibus ad eandem Basilicam pertinentibus, cum districtis de omnibus nostris supradictis dominicatis rebus, ibique nobis remanentibus & pertinentibus: fide nostra Regni potestas ex integro intra & extra ipsam Curtem actenus remittit: una cum casis & silvis, cortis, arvis, vineis, terris, campis, pascuis, pratis, salu-

**A**ris, aquis, rivis, aquarumque decursibus, cum omnibus supradictis nostris rebus pertinentibus a priscis temporibus ad eandem Curtem vel Basilicam pertinentibus, cum suis usibus & certis inter adfinibus eidem Johanni Presbytero concedimus habendum, & in perpetuum possidendum, cuicumque donaverit, vel quolibet modo per scripturae paginam reliquerit, firmum & stabile permaneat. Quatenus exinde pro nobis & stabilitate Imperii nostri totiusque Christianitatis divinitus nobis commissae Majestatem etheream jugibus votis atque diebus videat exorare. Et ut hoc nostrae munificentiae largimentum ad securitatem praedicti Johannis Presbyteri, aut cuicumque dederit, firmiorem in Dei nomine obtineat vigorem, videlicet curatione, ut nullus Archiepiscopus, Episcopus, Dux, Marchio, Comes, Vicecomes, Sculdachio, seu aliqua magna vel parva Regni nostri persona banc nostri Praecepti oblationem aliquomodo violare presumat. Si quis igitur &c.

Signum



Karoli serenissimi Imperatoris.



*Liutfredus Notarius ad vicem Liutwardi Archicancellarii recognovi.*

*Data XVII. Kalendas Julii, Anno Incarnationis Domini nostri Jesu Christi DCCCLXXXIII. Anno Imperii nostri hic in Italia III. Indictione Prima. Feliciter.*

Animadvertite, nullum heic memorari locum, ubi datum fuerit Diploma. Alia verò bona Regibus ac Imperatoribus erant, propria Coronae,

A five Fisci; quod in altero Diplomate expressum intuebere. Illud ego authenticum vidi in Archivo sacrarum Virginum de Posterla Ticini.

**Donatio Villae Lavegii facta a Ludovico III. Imperatore  
Herrado Vasso, Anno 901.**

**I**N nomine Domini nostri Jesu Christi Dei eterni. Hludowicus divina favente clementia Imperator Augustus. Omnium fidelium sanctae Dei Ecclesiae nostrorumque, presentium scilicet ac futurorum comperiat industria, quoniam Leo-toardus venerabilis Episcopus, dilectusque Archicancellarius noster, nostram adiens excellentiam enixius postulavit, quatenus cuidam fideli viro nomine Herrado Vasso..... ima quandam Villam nomine Lavegium pariter cum Capella in honore Sanctae & intemeratae Virginis Mariae ipso in loco constructa, quae sunt in totum Mansa sex, pertinentem actenus de Fisco Imperiali Coriano, conjacentem in Comitatu Tartonense, cum omnibus pertinentiis & adjacentiis ad jam dictam Villam juste & legaliter pertinentibus, per Praeceptum nostrae auctoritatis jure proprietario concederemus. Cujus precibus assensum prebentes, hoc nostre serenitatis Praeceptum fieri decrevimus, per quod praedictus fidelis noster Herradus eandem Villam, quae vocatur Lavegium, cum Capella inibi in honore beatæ semper Virginis Mariae constructa, quae sunt in totum Mansa Sex; & cum omnibus adjacentiis ac pertinentiis, juste & legaliter ibidem pertinentibus, videlicet

**B** diversis territoriis, campis, vineis, pratis, pascuis, silvis, flariis, ripis, rupinis, montibus, planiciebus, molendinis, piscationibus, aquis, aquarumque decursibus, servis & ancillis, & familiis utriusque sexus, aldionibus & aldionibus, omnia omnino quicquid ad prefixam Villam, quae vocatur Lavegium, pertinentem actenus de Fisco Imperiali Coriano pertinet cum Capella jam superius comprehensa, vel pertinere videtur, totum & ad integrum futuris temporibus tam ipse Herradus quam sui heredes ac proberedes absque ullius contradictione perpetualiter possideant liberam quoque & firmissam in omnibus habeant potestatem donandi, ordinandi, comutandi, vendendi, seu quovis titulo inscriptionis alienandi, remota totius publicae potestatis inquietudine. Si quis autem contra hoc nostrae institutionis Praeceptum in aliquo violare aut inrumperere temptaverit, sciat se compositurum auri optimi Libras sexaginta, medietatem Palatio nostro, & medietatem praefato Herrado, suisque heredibus ac proberedibus. Et ut verius credatur ac diligentius ab omnibus observetur, manu propria subter roborantes, anuli impressione insigniri jussimus nostri.



Signum Domni Hludowici



serenissimi Imperatoris Augusti

Locus Sigilli ✠ cerei deperditi :

*Arnulfus Notarius ad vicem Leotoardi Archicancellarii recognovi & subscripsi.**Datum VII. Kalendas Octobris, Anno Dominicae Incarnationis DCCCCI. Anno  
verò Primo Imperante Domno Hludowico Imperatore Augusto.**Actum Papiac in Dei nomine feliciter.*

Jamdiu consignavit Pagius coronationem Romanam Ludovici III. Imperatoris ad Annum Christi DCCCC. Hanc autem fuisse peractam post Mensem Augustum ejusdem Anni is opinatur, quum Benedictus IV. Papa, a quo Ludovicus coronam accepit, Pontificatum ipso mense iniecit. Verum animadverti ego, etiam longe post fuisse ipsi Romanum diadema conlatum. Jam ex hoc Diplomate intelligis, *Annum Primum Imperii* Ludovici adhuc in cursu fuisse *VII. Kalendas Octobris Anni DCCCCI.* Ergo removenda est ab Augusto Mense Anni praecedentis DCCCC. Romana Ludovici coronatio. Nunc addo, in Tabulario Archiepiscopii Lucensis sese mihi obtulisse Chartam, in qua Petrus Episcopus illius Urbis bona quaedam in emphyteusim concedit. Exarata autem fuit *Anno Primo Ludovici Augusti, VII. Idus De-*

*cembris, Inditione V.* hoc est die septima Decembris Anni DCCCCI. ac proinde ne ineunte quidem Decembris Anni praecedentis DCCCC. Ludovicus III. inunctus fuerat Imperator. Id ergo referendum videtur vel ad Natalem Domini ejusdem Anni, vel ad Februarium aut Januarium Anni DCCCCI. uti luculentius infra ostendam in Dissertat. XXI. *de Italiae Statu.* Sed & nunc ajo, idem subducere posse ex mora, quam in ipsa Urbe traxit novus ille Augustus: plerique enim Imperatorum absolutâ coronatione, non diu post Româ recedere consueverunt; ipse verò adhuc Mense Martio Anni DCCCCI. Romae versabatur. Habeo in hanc rem Diploma luce dignum, quod archetypum vidi in Chartario Capituli Canonorum Aretii, & nunc profero.

**Renovatio Privilegiorum Ecclesiae Aretinae facta a Ludovico III.  
Imperatore, Anno 901.**

**I**N nomine Sanctae & individuae Trinitatis. Hludovicus divina favente clementia Imperator Augustus. Si peti-

*tionibus Sacerdotum Dei & Procerum  
nostrorum justis & rationabilibus an-  
nuimus, id nobis procul dubio ad aeternam*

ternam beatitudinem capefcendam pertinere confidimus, quia decet Regale faftigium Ecclefiarum Dei antecessorum noftorum dona tam Regum quàm & Imperatorum ad proprium ftatum affectumque etiam earum redintegrando renovare. Quapropter omnium fciacium sanctae Ecclefiæ, noftorumque, praefentium fcilicet & futurorum comperiat industria, quia venientibus nobis Romam ad sanctiffimum & coangelicum Patrem noftum Domnum Benedictum Papam, adiit Petrus venerabilis Epifcopus sanctae Aretinae Ecclefiæ, per eundem summum Pontificem & univerfalem Pa-

A pam, innotuit, quatinus res Aretinae Ecclefiæ a praecessorum noftorum, Regum videlicet & Imperatorum concessione, donatione, ~~noftorum confirmacione~~ atque Romani Privilegii sanctione concessas, nofta auctoritate conservare & renovare ibidem ftudiffemus. Ideoque praedicti patris noftri summo Pontifici deprecatione benivole moti, ob Dei omnipotentis ac praefatae Ecclefiæ reverentiam amoremque fuprafcripti patris noftri summo Pontifici Benedicti, concedentes concedimus, & consentientes consentimus &c. (a)

B

Signum

POL  
LILS

Domni Hludovici gloriosiffimi Imperatoris Augufti.



Arnulpbus Notarius ad vicem Liutuardi Epifcopi & Archicancellarii recognovi & fubfcripfi.

Data VI. Nonas Martii, Anno Incarnationis Dominicae DCCCCI. Indictione IIII. Anno verd Imperii Domni Hludovici gloriosi Imperatoris Augufti Primo.

Actum Romae.

Et heic animadvertere juvat, quomodo fcriptum fit nomen *Liutuardi Epifcopi* & *Archicancellarii*, quum tamen in fuperiori Diplomate legatur

C *Leotoardi Archicancellarii*. Si unus Arnulfus Notarius utrique Diplomati fubfcripfit, cur diversâ ratione idem nomen expreffit? Atque hic eft ille Epifco-

(a) Ut in altero Diplomate ejusdem Ludovici Augufti, edito in hoc Opere.

Episcopus, de quo Annalista Saxo ad hunc Annum DCCCCI. Reginone praeunte scribit: *Liutwardus Vercellensis Episcopus. assumptis thesauris, quibus supra modum abundabat, fugiens incidit super eos (scilicet Hungaros) moxque interficitur &c.* Scribe *Liutwardus*. Vidimus nuper *Curtem Lavegii* a Ludovico III. concessam *Herrado Vasso*. Nullum ibi *Feudalitatis*, ut appellant, seu *Vassallagii* vestigium. Immo concessioni adjungitur *potestas donandi, ordinandi, vendendi, seu quovis titulo inscriptionis alienandi, remota totius Publicae potestatis inquietudine*. Hoc est jure Allodii, non Feudi, conceditur eadem Villa. Adservatur autem Diploma illud apud Sanctimoniales Ticinenses, quod fortassis in earum ditionem eadem Villa deinde translata fuerit. Hac enim de causâ aliquot veterum Secularium Chartae ad nos usque pervenerunt, in sacris Tabulariis incolumes. Venio ad *Onera publica, Angarias, Parangarias, Factiones publicas*, & horum similia, quibus pariter, ne quid dissimulem, Saecula barbarica multum profecto abundarunt. Illud in primis grave, quod omnes homines ad arma apti in exercitum coire ac militare cogebantur, quoties aut tutela Regni contra externos hostes, & adversus intestinas seditiones, aut cupiditas proferendi imperii poscebat. Saepe verò difficillimis iis temporibus contingebat, ut ad arma consurgere opus foret. Qua ex re immensa incommoda in cultores agrorum, atque in artifices consequiebantur, quum durante expeditione bellica eorum opera & negotia quaeque quiescerent, & modica proinde agris cultura adhiberetur. Rigidissimae autem Leges in hanc rem promulgatae inter Langobardicas exstant, uti infra in Dis-

A fertat. XXVI. *de Militia* monebo: ita ut paucissimi exciperentur, qui tamen, dum Judices, sive Comites, & Sculdascii, & Saltarii in expeditione erant, eorum familiae, aut ipsis in itinere, operas suas commodare cogebantur. Si quis proclamata expeditione parere detrectabat, *Heribanni* poenâ multabatur; quod Missi Regii in Lege XXIII. Langobard. Caroli Magni *amodo exactare fideliter jubentur, absque ullarum personarum gratia, vel blanditia, seu terrore*. Et gravissima quidem ea poena fuit. Nam pro modo facultatum eadem multa exigebatur: & cui erant sex Librae in *auro & argento, bruneis* (idest armis) *ferramento, pannis, caballis, bobus, vaccis, aut peculiis*, tres Librae auferebantur; sed subditur, *ita ut uxores aut infantes non fiant exspoliati pro hac re de eorum vestimentis*. Verum ne Comites Fiscum in ejusmodi negotio fraudarent, Missi Regii statuebantur, quibus requirendi *Heribanni* cura esset, ut est in Lege 95. Langobard. Caroli Magni.

D Qui verò multas hasce colligebant, *Heribannatores* appellati sunt. Nullus tamen dubito, quin sensim plures sibi immunitatem procuraverint, aut emerint, atque inter cetera Privilegia hoc praecipue impetrarint *sacra Loca*, quae Regibus ac Reginis suam foundationem debebant. Cujus rei exemplum appono. Erexerat *Hirringardis Augusta*, conjux *Lotharii I.* Imperatoris Monasterium Domini Salvatoris in *Alina*: quo in loco situm, alii quaerant. Eidem Coenobio multa per eam impetrata fuisse Privilegia, nemo non intelligit. Praesertim verò curavit eadem *Augusta*, ut *Advocatis, Cancellariis, sive Notariis*, quibus Monasterium utebatur, atque insuper duodecim liberis homini-

minibus, videlicet excolentibus agros, aut eidem sacro loco famulantibus, immunitas a Militia concederetur. En ipsum Diploma, quod apud Monachos Benedictinos Sancti

A Sixti Placentiae adservatur, cui non subscribit Imperator, immo neque Cancellarius: quod postremum rarum revera videatur. Sed fortassis id tribuendum tenuitati rei.

Immunitas ab exercitali expeditione, aliisque publicis oneribus, concessa per Lotharium I. Augustum Advocatis, Cancellariis, & duodecim liberis hominibus Monasterii Sancti Salvatoris, in Alina, Anno 848.

**I**N nomine Domini nostri Jesu Christi Dei aeterni. Hlotharius divina ordinante providentia Imperator Augustus. Notum esse volumus cunctis fidelibus nostris; seu omnibus Rempublicam administrantibus, quia dilecta Conjux nostra Hirmingardis deprecata est nos pro duobus Advocatis suis, qui curam rerum Monasterii sui, quod est in Alina in nomine Domini Salvatoris constructum habetur, seu totidem Cancellariis, ac duodecim liberis hominibus, ut eos ab exercitali expeditione seu publicarum rerum functione immunes esse permetteremus. Cujus petitionem, ut dignum est, adimplere statuentes, hos excellentiae nostrae decrevimus fieri apices circa memoratum Monasterium, per quos duobus suis Advocatis, quibus idem Conjux nostra querelam ejusdem Monasterii commissam habet, & duobus Cancellariis, atque duodecim liberis hominibus, ab ea, seu Missis ejus electis concedimus omnem exercitalem expeditionem, seu publicarum rerum functionem, quatinus deinceps immunes exercitali expeditione, seu ceteris functionibus consistere, per hanc nostram auctoritatem liceat illis quiete residere, & utiliter ejusdem Monasterii in omnibus procurare. Et ut haec nostrae concessionis auctoritas firmior habeatur, de anulo nostro subter eam jussimus sigillari.

Locus Sigilli. & ceteri.

B Data XIII. Kalendas Aprilis Anno Christo propitio Imperii Domni Hlotharii pii Imperatoris in Francia IX. & in Italia XXIX Indictione XI.

Actum Aquisgrani Palatio Regio in Dei nomine feliciter. Amen.

C Ad ista accedat onus Heribergeri, unde Italica vox Albergo, nempè hospitium praestandi aut Regi, aut Judicibus & Actoribus Reipublicae, aut militibus, quoties occasio exigebat. *Albergariam* nostri olim appellabant. Quam qui negabat, *Heribannum*, sive multam nuper memoratam pendere cogebatur. In Lege 128: Langobard. Caroli Magni statuitur, ut nec pro waita &c. nec pro heribergare, nec pro alio banno, *Heribannum* Comes exactare praesumat, nisi Missus noster prius *Heribannum* ad partem nostram recipiat &c. Sed praecipue *Mansionatica* & *Mansiones*, *Paratica* & *Paratae* appellatae sunt expensae, quas Populi facere ex praeepto Regis consueverunt ad recipiendos Reges, eorumque Missos seu Legatos. *Pastus* & *Repastus* etiam commemoratos videas ad excipiendum Imperatorem aut ejus Ministros. Quae voces ideo usurpatae, quod Missis iis esset jus *Mansionis*, ubicumque sibi commodius videbatur. Ex hoc vocabulo efformatum fuit Gallicum *Maison*, atque Italicum *Magione*. Simul etiam *Paratae*

ratæ vox in usu fuit, quodd Populi parare juberentur supra memoratis Missis non solum domum, sed & viaticum. *Hospitationis* etiam nomen in usu erat. *Metatum* & *Stativa* apud Romanos idem significarunt; vetustissimum quippe est onus istud, atque illius meminit Livius Lib. 42. Historiar. Hoc autem ad universum Populum pertinebat, sive in Urbibus, sive ruri justitiam Missi ipsi ministrarent. Hospitium unus praebebat: reliqui illius Civitatis, aut pagi incolae *conjectum* faciebant, hoc est pro sua quisque virili parte conferebant ad persolvendas opportunas expensas. *Colletta* & *Contribuzione* vim vocis *Conjecti* exprimere nunc posse videntur. Est in hanc rem Lex 54. Langobard. Ludovici Pii, ubi decernitur, ut quoties Missi (sive Episcopi, sive Abbates, sive Comites ii sint) *infra suam Judiciariam vel terminum fuerint, nihil de aliorum Conjectu accipiant. Postquam verò inde longè recesserint* (hoc est extra suum Comitatum aut Dioecesim) *tunc accipiant secundum quod in sua Tractoria continetur. Vassi verò nostri, & Ministri alii, qui Missi sunt, ubicumque venerint, inde Conjectum accipiant.* Durum profecto visum fuerit Missis intra suam Judiciariam nihil exigere potuisse a Populo pro suo itinere ac labore. Atque hinc habes, in eorum *Tractoria* (quam vocem a Romanis mutuati sunt Franci: nos verò nunc *Patente* appellamus) hoc est in Regiis Literis, sigillatim expressum fuisse, quid Legatis contribuendum esset. Marculfus Lib. I. Formulâ undecimâ, exemplum Tractoriae nobis servavit, quod repetitum heic Lector, ut spero, lubenter accipiet. Ante tamen meminerit velim, sen-

A tentiam fuisse Cl. V. Hieronymi Bignonii, Marculfum floruisse circiter Annum Christi DCLX. Serius ipsum vixisse, suspicatus est Baluzius. Perpendendum, aevo-ne Merovingico, an Carolino ejusmodi Tractoria conveniat.

B Ille Rex (N. N.) omnibus agentibus. Dum & nos in Dei nomine Apostolico viro illo (N. N.) nec non & illustre viro illo (N. N.) (a) partibus legationis causâ direximus: ideo jubemus, ut locis convenientibus, eisdem a vobis Evectio simul & humanitas ministretur. Hoc est Veredos, sive Paraveredos tantos, Pane nitido modios tantos, Vino modios tantos, Cervisa &c. lardo &c. carne, porcos, porcellos, vervices, agnellos, aucas, fasianos, pullos, ova, oleo, garo, melle, aceto, cymino, pipere, costo, gariofile, spico, cinamo, granomastice, dactilas, pistacias, amandolas, cereos librales, casco, salis, olera, legumina, ligna carra tanta, \* facultas tantas, itemque victum ad caballos eorum, foeno carra tanta, suffuso modios tantos. Haec omnia diebus singulis tam ad ambulandum, quàm ad nos in Dei nomine revertendo, unusquisque vestrum per loca consuetudinaria eisdem ministrare & adimplere procuretis; qualiter nec moram habeant, nec injuriam perferant, si gratiam nostram optatis habere.

E Nemo sibi persuadeat, omnes haec rerum species Legatis Regiis contributas fuisse. Marculfus cuncta recensuit, ut quae postea aut necessaria, aut opportuna dignitati personarum, locis, ac tempori forent, feligerentur. Non negandum tamen, quin utilis, atque alibi a me laudata consuetudo Legatos istos mittendi, in Populorum incommodum, atque illud non leve, ex hac parte verge-

(a) Solebant enim ad Missaticum destinari duo, alter Ecclesiasticus, alter Saecularis.

vergeret. Erant etiam, qui onus ejulmodi, ingratum sane, detrectabant. Quare Ludovicus Pius Legem 24. inter Langobardicas promulgavit hisce verbis: *Si quis Literas nostras, idest Traforias, quas propter Missos nostros recipiendos dirigimus: aut honorem, quem habet (idest Beneficia & Ministeria) amittat; aut in eo loco, ubi praedictos Missos recipere debuit, tamdiu sedeat, & de suis rebus Legatos illuc venientes suscipiat, quousque animum nostrum satisfactum habeat.* Alia addit, quae omitto. Haec autem Comites etiam respiciunt ac feriunt, quibus interdum perquam molestus erat Missorum adventus

A atque auctoritas. Fortassis etiam Monachos ista respiciunt, ceterosque Ecclesiasticos viros, in quorum Monasteriis & aedibus, uti sine injuria temporum illorum opinari licet, ardentius quàm alibi mansionem Legati Regii eligebant atque statuebant. Ut ergo hanc a se molestiam depellerent tam Episcopi, quàm Abbates, solícite ab Augustis & Regibus immunitatem a Mansionibus ac Paratis sibi procurabant. Cujus rei etsi exempla non pauca prostant, duplex tamen adferre in praesentia juvat, quorum primum, ad Episcopum pertinens, archetypum vidi in Archivo Capituli Canonorum Patavii.

Ludovicus II. Imperator Rorigo Episcopo Patavino ejusque Ecclesiae vetera Privilegia & jura confirmat, Anno 855.

I N nomine Domini nostri Jesu Christi Dei eterni. Hludovicus gratia Dei Imperator Augustus, invictissimi Domni Imperatoris Hlutharii filius. Cum petitionibus servorum Dei justis & rationabilibus divini cultus amore favemus, superna gratia nos muniri non diffidimus. Igitur omnibus Christi fidelibus sanctae Dei Ecclesiae ac nostris, presentibus scilicet & futuris notum sit, quia adiens serenitatem culminis nostri vir venerabilis Rorigus Episcopus & Ecclesiae Sanctae Justiniae Patavenis, nostris ostendit optutibus beatae memoriae Karoli Avi nostri, nec & piissimi Genitoris nostri auctoritates, in quibus continebatur, qualiter predecessores ejus cum rebus & omnibus ad eandem Sedem respicientibus, sub sua receperit tuitione ac immunitatis defensione. Unde pro firmitatis studio sua etiam illis Praecepta contulerunt immunitatis. Deprecatus itaque est clementiam nostram prefatus Episcopus, ut pari modo suo quoque

Tom. IV.

C tempore memoratam Sedem sub nostre reciperemus tuitionis defensionem, nostramque etiam immunitatem fieri jubemus. Cujus precibus ob sui devotionem servitii libentissime adquiescentes, hoc nostrae sublimitatis Praeceptum fieri decrevimus, per quod jubemus, modisque omnibus sancimus stabiliendum, ut nullus Comes Gastaldius, vel Judex, seu quislibet Reipublicae Minister, vel quispiam ex judiciaria potestate in Ecclesiis, Senodochiis, aut loca vel agros, seu reliquas possessiones memoratae Ecclesiae, quas moderno tempore in quibuslibet pagis ac territoriis infra ditionem Imperii nostri juste & legaliter possidet, vel ea quae deinceps in jure ipsius sancti Loci voluerit divina pietas augeri, ad causas judiciario more audiendos, aut freda exigenda, aut Mansiones, vel Paratas faciendas, aut fidejussores tollendos, aut homines ipsius Sedis tam ingenuos quam & servos distringendos, nec ullas redibitiones aut

G

in-

inlicitas occasiones requirendas ullo unquam tempore ingredi audeat, vel ea quae supramemorata sunt, penitus exigere presumat. Sed liceat memorato Episcopo ejusque successoribus res praedictae Ecclesiae suae cum Ecclesiis baptismalibus, Oratoriis, Senodochiis, cum omnibus rebus & hominibus ad eam juste & legaliter aspicientibus quiete vivere ac residere, qualiter Praefules ejusdem Ecclesiae cum Clero & omni Populo sibi subiecto pro nobis atque stabilitate totius Imperii nostri, Domini misericordiam omnino exorare delectet. Quod si quis huic nostrae auctoritati contradicor

A extiterit & praefatae Ecclesiae vel Recloribus ejus quamlibet intulerit contrarietatis dampnitatem, in rebus videlicet mobilibus & immobilibus in Ecclesiis, Oratoriis, Senodochiis, seu hominibus vel agris ipsius Sedis bannum immunitatis nostrae, hoc est triginta Libras argenti se compositurum sciat. Et ut haec nostrae immunitatis auctoritas plenior in Dei nomine obtineat vigorem, & inconvulsam firmitatis stabilitatem, manu propria eam subter firmavimus, & anuli nostri inpressione assignari jussimus.

Signum

PO  
ELLS

Hludovici gloriosissimi Augusti.

Locus Sigilli ✠ cerei deperditi.

Rainus Notarius ad vicem Druemiri recognovi & subscripsi.

Data VI. Idus Februarias, Anno Christo propitio, Imperii Domni Hlotharii pii Imperatoris XXXVI. & Hludovici gloriosissimi Augusti in Italia VI. Indictione III.

Actum Mantuae Palatio Regio in Dei nomine feliciter. Amen.

Hinc habes, unde Chronologiam Patavinorum Praefulum apud Ughellium Tomo V. Ital. Sacr. luxatam restaures. Scribit ille, *Hercuradum* ejus Urbis Episcopum circiter Annum DCCCLII. electum, e vivis excessisse Anno DCCCLX. aut DCCCLXI. cui successor datus fuit *Rosius*. Ughellii errorem, hoc ipso Diplomate fretus, emendavit Sertorius Ursatus in *Hist. Patav.* pag. 178. Sed & ipse in alterum prolapsus est, *Rosium* seu *Rorium* Episcopum nobis exhibens ad Annum DCCC-

C XLIX. qui tamen, ut nuper vidimus, tantummodo memoratur ad Annum DCCCLV. Aberravit autem Ursatus, quod Sigonio sine ulla dubitatione adhaeserit, a quo hujus ipsius Diplomatis fragmentum adfertur ad eundem Annum DCCCXLIX. Sed fucum Sigonio fecit, qui vitiatum apographum ad eum misit, quasi datum Privilegium fuerit *Rorio Episcopo*, ut is scribit, Anno IV. *Ludovici Augusti*, Indictione XII. quum revera in archetypo mihi inspecto dilucide scriptum sit Indictione III.

Et

Et fallax quidem ejusmodi Indictio in caussa fuisse videtur, cur Siginus tradiderit, Ludovicum II. Anno DCCCXLIV. Imperiali corona decoratum fuisse; quod tamen falsum est, quum id Anno tantum DCCCL. contigerit. Itaque statuendum jam tandem vides, *Rorigum*, non verò *Rorium*, aut *Rosium*, Anno DCCC-LV. Patavinae Ecclesiae praefuisse; & ex hoc ipso Diplomate firmari ve-

A ram Epocham Imperii Ludovici II. Accedat nunc alterum exemplum immunitatis a *Mansionatico* & *Paratis*, concessae Ticinensi Parthenoni Sanctae Mariae *Theodatae*, nunc *de Posterla*. Apud eas Sanctimoniales autographum ego inspexi; atque hinc suppetet, unde Epocham Hugonis & Lotharii Regum Italiae luculentius intelligas.

Privilegiorum Monasterii Sanctae Mariae Theodotae Ticinensis confirmatio facta ab Hugone & Lothario Regibus Italiae, Anno 932.

I N nomine sanctae & individuae Trinitatis. Hugo & Lotharius divina favente clementia Reges. Si circa servos & ancillas Dei in venerabilibus locis famulantes, tuitionis nostrae magnificentiam, nostros predecessores immitantes, clementiam impendimus, & apud Deum veniam promereri, & Regni nostri statum divina ope fulciri non ambigimus. Omnium igitur fidelium sanctae Dei Ecclesiae, nostrorumque, presentium scilicet ac futurorum noverit industria, qualiter Sigefredus venerabilis Episcopus, & Sanson; nostri dilectissimi Consilarii obtutibus nostrae Majestatis obtulerunt Preceptum divinae memoriae Hlodovici Imperatoris nostra pietate collatum in Rixindam Abbatissam Monasterii, quod dicitur Theodatae, sito infra Urbem Ticinensem, suppliciter postulantes, ut iterum in Rixindam, quae nunc est in eodem Coenobio Abbatissa similiter nostrum emitteremus Preceptum. Quorum precibus nostre celsitudinis animum inclinantes, hoc immunitatis nostrae Preceptum conscribi jussimus, per quod omnino precipientes jubemus, ut eadem Abbatissam degens sub regula Sancti Benedicti id Monasterium cum omnibus adjacentiis jure & legaliter pertinentibus

C mobilibus atque immobilibus rebus adquisitis & adquirendis usque in finem vitae suae teneat atque possideat. Insuper etiam confirmamus omnes res quas cumque idem Monasterium longo tempore dinoscitur possedisse a Gregorio ipsius Monasterio fundatore, idest inter ceteras res Campus Zavani, quem ipse quondam tanti Monasterii fundator comparavit a Tatone & Laurentio cum Ecclesia in honore Sanctae Mariae, quae dicitur Corbellaria, & alia Ecclesia in honore Sancti Vincentii, in loco, quae dicitur Venerosaffi, cunctisque aliis rebus in omnibus locis atque vocabulis eidem sancto Coenobio a tanto fundatoris institutore concessis de jure parentum, seu & donatione, traditione Regum, aliorumque hominum comparatione quoque quarumcumque legalium conscriptione Cartarum, aut postea pretaxatum venerabilem Monasterium a donis Regum atque Imperatorum predecessorum nostrorum, aliorumque diversorum hominum emptione, donatione, fidelium quoque oblatione, traditione, comparatione, commutatione, libellariorum, cartarumque conscriptione adquisitis; ac deinceps jure & legaliter adquirere poterit, tranquillo jure per hoc nostrae auctoritatis Pre-



ceptum possideat, & ut liceat idem Coenobium secundam regulam Sancti Benedicti de propria Congregatione Abbatissam eligere. Sintque omnes res eidem Monasterii tam homines liberi & servi, quamque omnes res aliae sub nostra Regali defensione munitae atque defensae. Et si necesse fuerit de rebus & familiis ipsius Monasterii per inquisitionem circa manentium bonorum hominum, sicut de nostris regalibus veritas adprobatur. Hoc quoque statuimus, ut nullus Reipublice Minister, neque aliquis ex Judiciaria potestate, homines ejusdem Monasterii liberos aut servos deinceps inquietare presumat, vel loca, ad causas audiendas, freda exigenda aut tributa, aut Mansionaticum faciendum, vel Paratas faciendas, vel fidejussores tollendos, aut homines ejusdem Ecclesiae ingenuos vel servos super terram ipsius Coenobii commanentes distringendos, vel ullas redibiciones aut inlicitas hoccasiones requirendas ingredi audeat. & quidquid exinde Fiscus noster, vel Pars Publica sperare potuerit in eodem Monasterio secundum concessionem & confirmationem Regum & Imperatorum & predecessorum nostrorum, solemniter perpetua stabilitate firmamus pro mercede ac remedio animae nostrae, parentorumque nostrorum.

Damusque ei licentiam de Silva nostra Carbonaria & Gagio materiamentum ad reparationem ipsius Monasterii suscipere, ac ligna, sive cerros ad usum ignis habere juxta temporis oportunitatem, quantum necesse fuerit, & quandocumque necessitas . . . . . naves ejus per Ticinensem Portum, tam per Portum Buricum, quam per quemlibet alium discurrere possint absque alicujus contradictione, vel telonei exactione. Et quia contra voluntatem Dei aliquanta Monasteria a publica potestate propter navigium datio ad Regiam utilitatem in-

A quietantur, huic sancto loco funditus concedimus & largimur, ut deinceps in antea de ipsis navibus & de omnibus publicis functionibus quietus atque securus permaneat absque alicujus hominis inquietudine, & omnes rerum commutationes, quas praedicta Abbatissa Rixinda iusto ordine fecit, maneant inconvoltae. Haec autem omnia superius alligata, sicut a predecessoribus nostris Regibus & Imperatoribus concessa & confirmata sunt, concedimus & confirmamus eidem venerabili Coenobio perfruendum temporibus perpetuis jure firmissimo possidenda, ut sub ruicionis nostrae mundaiburdo secure perseverent. Insuper confirmamus praefato Monasterio pro remedio animae nostrae vadum unum in Padum ad piscandum, ubi nominatur Caputlahti, habentem in terminum superiorem in quo Cuzogepidasco inde percurrit ad eundem locum, ubi Agonia influit Padum. Stabilimus etiam praedicto Monasterio Insulas juxta praedictam piscationem ex utraque parte Padi, quidquid antiquo tempore idem Monasterium seu moderno obtinuit vel Padum invasit, aut in futurum ruperit, de propriis ipsius Monasterii rebus sine Nebiasco usque ad fluvium Agonia. Deinde ipse finis descendit in Padum a termino, qui vocatur Grindolato, percurrit in Melum insitum, deinde ad Portum Capudlahti, quantum ipso vado tenente usque ad rium, qui nominatur Alto, & ubi superius & inferius portum anticum fuit, uno capite tenente in viam publicam, sicut modò ipsum vadum ad piscandum manet vel in antea evenerit. Et alterum vadum juxta runco, que nominatur Sancti Petri, uno capite tenente in runco ipso, & alio ad locum, que nominatur retrorsum, sicut modò ipsum vadum manet vel in antea evenerit, ut habeat pars ipsius Monasterii ipsos vados & piscationem in integrum quaecumque

que voluerit faciendi, dumque ad homines ipsius Monasterii in predicto fluvio Pado & Ticino in quocumque loco voluerint, aut in vados nostros cum nostris piscatoribus licentiam piscandi sine aliqua contradictione. Precipientes ergo jubemus, ut nemo ex fidelibus nostris neque presentibus neque absentibus praedicti Monasterii de his omnibus, que supra inserta sunt, ullam presumat inferre molestiam aut contrarietatem; sed sub omni integritate sicut a nobis confirmata sunt perbenniter ibidem ad uti-

A litatem Monasterii ipsius sine aliqua diminutione permaneat. Si quis autem contra hujus nostri Precepti securitatem aliquam violentiam aut invasionem inferre temptaveris, sciat se compositurum auri optimi Libras centum, medietatem Palatio nostro, & medietatem partibus ejusdem Monasterii. Et ut verius credatur, ac diligentius ab omnibus observetur, manibus propriis subter roborantes, annuli nostri impressione insigniri jussimus.

Signum serenissimorum



Hugonis & Lotharii Regum.

Locus Sigilli cerei & deperditi.

Recco Cancellarius ad vicem Gerlanni Abbatis & Archicancellarii recognovi & subscripsi.

Data IV. Kalendas Madii, Anno Dominicæ Incarnationis DCCCCXXXII. Regni verò Domni Hugonis VI. Lotharii filii ejus II. Indictione V.

Actum Papiæ in Dei nomine, feliciter. Amen.

In Charta Comitissæ Mathildis scripta Anno MCIX. apud Bacchinum in Appendice Histor. Monast. Padolironensis, pag. 85. memoratur *Albergatio Villanorum*, & infra *Albergaria Villanorum*. Quid oneris, quid juris illud fuerit, alii inquirent.

C Ego onus rusticis impositum suspicor, ut hospitium darent (nunc il *Quartiere*) militibus Comitissæ, aut eisdem, aut ejusdem Ministris. Vide subsequentem Chartam, quam Estense Archivum mihi suppeditavit.

Dodo Episcopus Mutinensis homines Massæ immunes ab Albergariis Comitissæ Mathildis præstat, Anno 1107.

I N nomine Domini Dei & Salvatoris nostri Jesu Christi. Anno ab Incarnatione ejusdem Millesimo Centesimo Septimo. Kalendis Martii, Indictione XV. Cum Matilda gratiâ Dei Comitissa fi-

D lia quondam Bonifacii Ducis & Marchionis, apud Sancti Benedicti Cenobium inter Padum & Largonem sita esset una cum suis Nobilibus Militibus, quorum nomina hic subter leguntur, & ibi,

ibi secum Ugo Mantuanus Episcopus esset, venit ad eam Dodo Mutinensis Episcopus, cum Ardicione filio Borelli, & cum quibusdam viris Massae antiquioribus, eam deprecantibus, ut in Curte Massae Albergarias non faceret: quia dicebant, se hoc non usi esse, neque temporibus ejus, neque patris vel matris; & volebant inde jusjurandum ei facere. Sed ipsa renuit propter Quadragesimam accipere, & predicti viri valde inde doluerunt. Et illa dixit, transactâ Quadragesimâ se esse suscepturam, si ipsi facere vellent. Et transacto Quadragesimali tempore ipsi parati fuerunt ad jurandum. Sed ipsa pro amore & timore Dei, sanctique Geminiani dimisit jusjurandum ad illos, & per Cartulam in manu suprascripti Episcopi Dodonis, & Ardicionis, atque illorum vicinorum Masse supradictorum, qui ibidem cum Episcopo & cum Ardicione ac de causa venerant tam pro ipsis quam pro omnibus vicinis eorum, qui in suprascripta Corte Massa habitant, concessit, quod neque per se, neque per aliquem ab ea missum, eis Albergarias inferret. Si contra haec faceret, statuit, se penam composituram quinquaginta Libras Lucensium Denario-

A rum, & post poenae solutionem maneat haec pagina firma, quia sic inter eos convenit.

Acta in suprascripto loco Sancti Benedicti feliciter.

MA | TIL  
DA | DEI  
GRA | SI  
QID | EST

C Alteram Chartam pertinentem ad ipsam Comitissam & ad Albergarias profero, cujus antiquum apographum vidi in Tabulario Capituli Canoniorum Regiensium. Wibertus de Gonzaga in ea memoratus, unus e Vassibus Comitissae Mathildis fuisse videtur: ejusque mentio saepe occurrit in aliis Comitissae Chartis apud nuper laudatum Bacchinium. Fortasse recensendus est inter Majores amplissimae Familiae Gonzagae, quae olim Mantuae, nunc Wastallae dominatur.

Mathildis Comitissae Decretum, quo absolvit Guibertum de Gunzaga ab onere Albergariae in Corrigio. Anno 1109.

I N nomine Sancte & individue Trinitatis. Anno ab Incarnatione Domini nostri Jesu Christi Millesimo Centesimo Nono. Residente Comitissa Matilda apud Sanctum Caesarium, conquestus est Wibertus de Gunzaga, quod ipsa injuste ospitaret suos homines, scilicet Viencium & confratris ejus de Canusia, commorantes in Corrigio. At ipsa promisit ei justiciam facere. Et mittens Odaldum Judicem suum

E ut convocatis Ministris ejusdem loci, & bonis hominibus inquireret & inveniret ei veritatem. Qui jussa complens, venit in eodem loco, & fecit ad se venire Girardum Comitem illustrem, & Rolandum, & Mansfredum Bonisenioris, juratores ejusdem loci, & Cosbertum, & Albizum de Valleputrida, & Alegro Jobannis Robaldi, & Rodulfus de Canusia, & requisivit ab eis justiciam & veritatem ejus rei. Qui omnes testi-

testificati sunt, quod contra justiciam ospitati fuerunt, & non recte eos ospitare debere. *Experta ac veritate, Comitissa promissit, se ita observare, & omnibus suis Ministris mandavit & dedit preceptum, numquam amplius eos ospitare.*

*Signum manus. EGO COMITISSA MATILDA.*

*Signa manuum Girardi de Placia, Rolando, Manfredus, Segnorelli, Gomberto de Miliarina, Albezo, Alegro. Alii interfuerunt testes.*

*Ego Ato Notarius scribere postradita complevi & dedi.*

Nuper in formula Marculfi memoratos vidimus *Veredos & Paraveredos*. Et hoc inter publica onera nunc mihi enumerandum. Scilicet hisce vocibus tam equi designantur, in quibus equitatur, quam qui ad sarcinas deferendas necessarii erant, quos provinciales suppeditare cogebantur Regi, ejusque comitivae, aut Missis Regiis, aut Comitibus, aliisque Reipublicae Ministris, quoties ineundum erat aliquod iter. Ludovicus II. Augustus in mandatis ad Legatos, Part. II. Tomi I. Rer. Italicar. pag. 159. inquirendum jubet:

Lotharius I. Imperator Clericos Dioecesis Cremonensis conquerentes, quod *parafreda* & currus praestare coacti fuissent ad servitium Camerae Imperialis, factâ inquisitione justitiae, ab hujusmodi onere absolvit, Anno 835.

**I**N nomine Domini nostri Jesu Christi Dei eterni. Hlotharius divina ordinante providentia Imperator Augustus. Si petitionibus servorum Dei, in quas nostris auribus patefecerint, libenter annuimus, & eas ad effectum perducimus, hoc nobis procul dubio ad mercedis nostrae augmentum & eternam beatitudinem capefendam pertinere confidi-

**A** Ubi quum iter distaverit, Dominus Imperator recipi debeat per singula ministeria. Ubi ab eo directi Legati. Unde eis amministrentur obsequia (idest expensae ad viaticum & testum) Unde *Paraveredae*. De his crebra mentio est in Codice Theodosiano, & in Capitularibus Regum Francorum. Praeterea currus ab equis, aut saltem a bobus, ut opinor, trahendos, conferre oportebat in idem opus. Ab hujusmodi onere quum se immunes (qua de causa nescio) contenderent Clerici Cremonensis Dioecesis, tam de *Plebibus*, hoc est de Ecclesiis Parochialibus, ruri sitis, quamque & de *Oraculis*, vel *Oratoriis*, hoc est Ecclesiis non baptismalibus, ad Lotharium I. Imperatorem suas querelas ac preces detulere, eidem significantes *Parafreda* (idem est ac *Paraveredi*) & *carra* ad *Cameram* deportandam sibi injuste fuisse extorta. Controversiam istam post maturum examen diremerunt Ruftaldus sacri Palatii Capellanus, Maurinus Comes Palatii, & Adalgus Comes, ut ex ejusdem Lotharii Diplomate patebit, quod e Regesto Episcopalis Palatii Cremonensis descripsi.

**E** mus. Igitur notum sit omnibus fidelibus sancte Dei Ecclesie, nostrorumque, presentibus scilicet & futuris, quia omnes Presbiteri & Parochia Cremonensis tam de *Plebibus* quamque & de *Oraculis*, ante nostram venientes presentiam, nostrae innotuerunt celsitudini, quod *Parafreda* & *Carra* ad nostram *Cameram* deportandam injuste de-

dedissent. Quam causam diligenter Ru-  
 gualdo sacri Palatii Capellano no-  
 stro, nec non & Maurino Comiti  
 Palatii nostri, seu & Adalgi'o Co-  
 miti inquirere precepimus, si per justi-  
 tiam ipsa Parafreda vel ipsa Carra ad  
 nostrum servitium peragendum dare  
 debuissent, an non. Set diligentissime  
 hoc perquirentes nobis veniantiauerunt,  
 quod contra justitiam supra memorata  
 Parafreda vel eadem Carra ipsi Sacer-  
 dotes dedissent. Quapropter omnibus fi-  
 delibus nostris precipimus, ut nullus  
 deinceps eis de ipsis Parafredis vel  
 Carris nullam contrarietatem inferre  
 presumat, nec ad nostrum peragen-  
 dum servitium, nec etiam alicui per-  
 sone: sed liceat eis quidem possidere,  
 & pro nostra, & Uxoris & filiorum  
 nostrorum incolumitate Domini clemen-  
 tiam delectabilius exorare. Et ut hec  
 nostra auctoritas omni in tempore fir-  
 mior habebatur, & per futura tempora  
 inviolabiliter conservetur, de anulo no-  
 stro subter sigillari iussimus.

Non adeſt subscriptio Imperatoris.

Druſtemirus Subdiaconus atque No-  
 tarius ad vicem Abumari recognovi.

Data Nonas Martii, Anno Christo  
 propitio Imperii Domini Hlotharii pii  
 Imperatoris XVII. Indictione XIII.

Aſum Sexpilas Palacio regio, in  
 Dei nomine feliciter. Amen.

Neque infelicitati duntaxat tem-  
 porum illorum tribuendum hoc o-  
 nus. In usu fuit & sub Romanis  
 Imperatoribus, atque ab ipsius Au-  
 gusti tempore, *Cursus vehicularius*,  
 quem *Fiscalem* & *Publicum* alii ap-  
 pellant. Nobis nunc *la Poſta* dici-  
 tur. Dispositi nempe erant ad certa  
 passuum millia equi & carpenta, ut  
 literae e provinciis quamcitus ad  
 Principem deferrentur, & Magistra-  
 tus diligentius iter absolverent. Au-  
 relii Victoris sunt verba in Traja-

A no: Noscendis ocus, quae e Republica  
 gerebantur, admota media publici cur-  
 sus. Reliquos testes omitto, uti &  
 Leges Codicis Theodosiani ac Justi-  
 niani, ubi ejusmodi Angariae men-  
 tio non semel occurrit. Equos eju-  
 smodi ac vehicula Provinciales fere  
 semper praestare coacti. Interdum ve-  
 rò id onus a probis Imperatoribus  
 remissum, & a Fisco susceptum. Post  
 declinationem Imperii Romani sub  
 Langobardis & Francis idem Cursus  
 perduravit; ac dominantibus in Ita-  
 lia Gothis nihil de ejusmodi more  
 immutatum. *Veredos* & *Paraveredos*  
 ad hoc destinatos, sumtibus quidem  
 Provinciarum, Capitularia Regum  
 Francorum insinuare videntur. At  
 C olim minime licuit (quod nunc in  
 usu est) privatis personis *vehicularii*  
 cursus diligentia uti: & si quisquam  
 est usus, peculiari dono ac privile-  
 gio Principis id illi concedebatur.  
 In eam rem est Lex Honorii Augu-  
 sti jubentis: *Ne quis ibi deinceps Cur-  
 sum publicum privatus usurpet, nisi*  
 D *quum aut a nobis evocatur, aut a cle-  
 mentiae nostrae veneratione discedit.* E-  
 rant & ad hoc opus parata navigia  
 (*Dromones*, & *Naves cursorias* appel-  
 labant, eorumque mentio est apud  
 Sidonium Lib. I. Epistola V.) qui-  
 bus, si opus erat, per fluvios, per  
 lacus, per sinus advehebantur Ta-  
 bellarii, Magistratus, aliive in offi-  
 cio Principis positi: quem ritum  
 barbaricis quoque temporibus obser-  
 vatum, necessitas aut utilitas publi-  
 ci regiminis persuadet. Ulpianus i-  
 nexcusabilia onera haec appellat l. *fi-  
 deicommissum* ff. de *judiciis*. Ita in  
 formulis Lindebrogii Cap. 12. Epi-  
 scopo conceditur immunitas a *Nava-  
 li vel Carvali eveſtione*: quae verba  
 indicant, tunc onere isto gravatum  
 fuisse Populum. Accedat ad ista o-  
 nera

niera & Fodrum, quo nomine, ut notum est, designabatur annona praestanda militibus, aut Imperatori ipsi, sive Regi, ac ejus familiae, dum in itinere esset. In Vita Ludovici Pii Augusti haec habentur: *Inhibuit a plebejis ulterius annonas militares, quas vulgo Foderum vocant, dari.* Neque tantum hac voce significabatur com-  
 meatus militibus contribuendus, sed & alimentum equorum, ut foenum, palea &c. unde Italicum & Gallicum Foraggio & Fourage. Fridericus I. in celebri Pace Anno Domini MCLXXXIII. cum Lombardis Constantiae stabilita: *Nobis, inquit, in-  
 trantibus in Lombardiam Fodrum con-  
 suctum & Regale, qui solent & de-  
 bent, & quando solent & debent, praestabunt.* Non frustra ibi dictum, *qui solent & debent:* erant enim, quibus ab ejusmodi onere immunitas concedebatur, non sine gra-

A vi ceterorum incommodo, in quorum humeros credere par est exoneratum fuisse pondus aliis detractum. Certe ad Fodrum praestandum tum Seculares tum Ecclesiastici tunc adigebantur: Hadrianus ipse IV. Papa, controversia excitata cum eodem Friderico I. Augusto, ut est apud Radevicum Lib. 2. Cap. 30. de Gest. Friderici I. contendebat, *de dominicalibus* (hoc est patrimonialibus, sive praediis propriis) *Apostolici* (idest Papae) *Fodrum non esse colligendum, nisi tempore suscipiendae Coronae:* quod etiam mirum videatur. Sed non defuisse, quibus ex privilegio Tributum ejusmodi remittebatur, cum alia exempla, tum unum indicabit, quod mihi suppeditavit vetustissimum Veronense Coenobium Sanctae Mariae ad Organum, a Monachis Olivetanis excultum, ubi autographa membrana adservatur.

Exemptio a Fodro, Placito, aliisque publicis functionibus, concessa ab Henrico Rege II. Imperatore I. Monasterio Veronensi Sanctae Mariae ad Organum, Anno 1014.

**I**N nomine Sanctae & individuae Trinitatis. Heinrichus divina favente clementia Romanorum Imperator Augustus. Si petitionibus fidelium nostrorum assensum prebuerimus, fideliores eos nobis inde fore non dubitamus. Quapropter omnium fidelium Sanctae Dei Ecclesiae, nostrorumque, presentium scilicet ac futurorum sollicitia comperiat, qualiter nos pro Dei amore nostraeque remedio animae, etiam interventu ac petitione Cunigundae Imperatricis, nostraeque dilectae Conjugis, perdonamus, & per hoc nostrum Imperiale Preceptum in eternum stabilimus Monasterio Sanctae

D Mariae in Organo, sito Veronae, omne Fodrum, & Placitum, reddibicionem, angariam, seu quamcumque publicam functionem, quam famuli ejus hactenus nostrae Reipublicae persolvere visi sunt. Eo videlicet ordine, ut ab hac die & deinceps quiete, pacifice remaneant atque persistant, & nulli mortali de Placitis, aut Fodro, aut de publica functione aliquid persolvere cogantur. Proinde jubemus, ut nullus Reipublicae Minister vel Exactor eos de superscriptis causis molestare ulterius presumat. Si quis igitur &c.

*Signum Domini Heinrichi serenissimi  
Augusti.*



*& invictissimi Imperatoris*

*Locus Sigilli ✱ cerei deperditi.*

*Heinricus Cancellarius vice Everardi Episcopi & Archicancellarii recognovit.*

*Data IX. Kalendas Junii, Indictione XII. Anno Dominicae Incarnationis MXIV.  
Domni vero Heinrichi Imperatoris Regnantis Anno XII. Imperii vero e-  
jus Primo.*

*Actum Liciama feliciter.*

Accedat & alterum ejusmodi im-  
munitatis exemplum, hoc est Di-  
ploma, quod ex Archivo Monasterii  
Ravennatis Sanctae Mariae in Portu  
descriptum ad me misit Rugerius

A Calbius, vir tum professione Medi-  
cinae, tum literarum humaniorum  
studio, editisque etiam Libris com-  
mendandus.

**Friderici II. Imperatoris Diploma, quo Ecclesiae & Monasterio  
Sanctae Mariae in Portu Ravennatensi omnia illius  
bona & jura confirmat, Anno 1223.**

**I**N nomine Sanctae & individuae Tri-  
nitatis. Fridericus Secundus divina  
clementia Imperator semper Augustus Ro-  
manorum, & Rex Siciliae. Transitorii  
Regni dignitas, & Imperialis potestas  
ac sublimitas ad hoc potissimum ab om-  
nium Regum Domino nobis concessa est,  
ut suos, militesque Christi, quos pro-  
pria voluntas propter amorem Dei omni-  
potentis inopes fecit existere, atque in  
praesenti Seculo abjectos remanere, at-  
tentius debeamus defendere, & sub no-  
stra Imperiali protectione congruis hono-  
ribus resovere. Hoc etenim si fecerimus,  
cum Regnum terrenum defecerit, coele-  
stis & indeficientis Regni culmina pro-  
cul dubio sublimiter obtinere non ambi-  
gimus. Quocirca omnium Christi, Re-  
gnique fidelium noverit industria, qua-

B liter nos intuitu & petitione venerabi-  
lis ac dilecti Principis nostri Alberti  
sanctae Magdeburgensis Ecclesiae Ar-  
chiepiscopi, tunc, Imperii sacri Le-  
gati, Ecclesiam Sanctae Mariae in Por-  
tu cum omnibus suis obedientiis ad in-  
star divinae memoriae Avi nostri Roma-  
norum Imperatoris Augusti, quod ip-  
sius Privilegio eidem Ecclesiae concessa  
C solemniter declaratur, sub nostrae aucto-  
ritatis defensione, & Imperialis digni-  
tatis tuitione & mundiburdio suscipi-  
mus. Statuentes, ut quaecumque posses-  
siones seu jura possessionum, quaecumque  
bona in praesentiarum possidet, aut in  
futurum largitione Imperatorum aut Re-  
gum, concessione Pontificum, Principum,  
Marchionum, oblatione aliorum quarum-  
libet fidelium, seu aliis quibuscumque  
justis

justis & legitimis modis possis adipisci, nostra Imperiali auctoritate confirmata & corroborata usibus memoratae Ecclesiae & Fratribus ibidem Deo pro tempore famulantibus proficiant, de quibus quaedam propriis duximus exprimenda vocabulis. Insulam scilicet, in qua ipsa Ecclesia fundata est, quae est juxta litus Maris: & aliam Insulam, quae est posita ultra flumen Bidentis. Primum latus Bidentis: secundum latus Badalenum: tertium latus Classitellus descendens a via, quae est inter murellos de Civitate Classis in eodem Badaleno: quartum latus eadem via usque ad Portum Caesaris: quintum latus a Portu Caesaris usque in Bidentem, & locum qui vocatur Cirigolus, cum terris, vineis &c. Silvam quam habent in Comitatu Comacensi ab Episcopo & Comuni. Et quidquid adquisierunt ab Abbate Sancti Andreae ex partibus Istriae, sive in Bagnacaballo, sive in aliis locis. Et quidquid habent apud Gatulam. Quidquid etiam habent in Civitate Ravennae, & in ejus Exarchatu, Cefenae, Cerviae, Faventiae, Popiliensi, Imolensi, Livienti, Ariminensi, Pifaurensi, Fanensi, Senogallienti, & in Monte de Cruce a Federico & Guarnerio Marchionibus, seu ab aliis, Ferrariensi, Bononiensi, Mantuano, & Paduano, tam in Civitatibus, quam in earum Episcopatibus, seu in quibuscumque aliis locis, cum domibus, casis, terris &c. Addimus etiam & Imperiali beneficio perpetuo dono concedimus, ut sit libera facultas hominibus Sanctae Mariae in Portu omnibus temporibus de Silva Medicinae lingua pro restauratione domorum suarum, & necessitate ignis accipere, quotiescumque voluerint, sine omni hominum contradictione. Praeterea concedimus & Imperiali auctoritate decernimus, ut supradictae Ecclesiae Fratres liberam faculta-

A tem habeant a quolibet adipiscendi possessiones & recuperandi: videlicet, si possessiones quomodocumque pertinentes ab aliquo vel aliquibus injuste detineantur, & tertio a Fratribus, vel ab aliis ex nomine saepe dictae Ecclesiae, vel jam dicto peremptorio edicto a nostro Judice summonitus, si justitiam facere noluerit, liceat Fratribus ejusdem Ecclesiae Imperiali Privilegio munitis cum omni justitia & jure, nulla lege contradicente ipsas ingredi possessiones. Insuper indulgemus, & Imperiali edicto statuimus, ut nulla praescriptio nisi centum annorum eis opponatur. Ad haec decernimus, & Imperiali lege irrevocabiliter sancimus, ut nulli Clerici, nulli Laici Canonicae Sanctae Mariae in Portu, neque cujuscumque suae Obedientiae, per se aut per suos Advocatos, Sindicos, vel Oeconomos de cetero in quacumque controversia jusjurandum compellantur aliqua ratione subire: sed nostra Imperiali Lege ab omni juramento omnes perpetuo immunes existant, non obstante lege de jurejurando edita, qua cavetur sacramentum calumniae debere praestari, & non posse remitti: Sed ipsa Ecclesia cum suis Obedientiis ab omni infestatione, seu molestia immunis existens, nec Civitati nec alicui Potestati Collectas, Fodrum, Albergariam persolvat, sive ad muniendam Civitatem, sive ad Castrum aedificandum, sed nec pro adventu Imperiali, Regali, vel etiam alicujus Principis. Nulla denique gravamina alicujus occasionis obtentu sentiant. Nec in tota Insula, in qua est Ecclesia, nec in toto Portu persona aliqua capiat: nec res alicujus violenter auferatur, prout circumdantur a Flumine, Candiano scilicet, Isidento, Badaleno, & mari, nec in ipsorum littoribus, nec infra mare, seu a littoribus Fluminum ad unum miliarium. Praeterea ex no-



*stra gratia Imperiali hoc indulgendum duximus Fratribus antedictis, ut fructus possessionum suarum, in quocumque loco fuerint, Civitatibus, Castris, vel Villis, ad Ecclesiam suam, vel quocumque voluerint, sine omni dacione & sacramenti praestatione libere deserant & secure, non obstante Civitatis alicujus jurisdictione, privilegio, vel statuto. Haec autem omnia saepe dictae Ecclesiae & suis Obedientiis & Fratribus ibidem Deo pro tempore servientibus, omni contradictione procul remota, usibus proficere aeternaliter, statuentes Imperiali auctoritate jubemus, & sub poena centum Librarum auri purissimi prohibemus, ut nullus Archiepiscopus, Episcopus, Dux, Marchio, Comes, Vicecomes, Capitaneus, Vavassor, Consul,*

*A Rector &c. adhibitis testibus, quorum nomina haec sunt: Rodulfus Patriarcha Jerosolymitanus, Albertus Magdeburgensis Archiepiscopus, Bernardus Panormitanus Archiepiscopus, Albertus Tridentinus Episcopus, Henricus Gatmasiensis Episcopus, Conradus Hildensemensis Episcopus, Engelardus Hiwembernensis Episcopus, Gernandus Brandeburgensis Episcopus, Mainardus Ymnelemenensis Episcopus, Joannes Rex Jerosolimitanus, Robertus Magister Templi Jerosolimitani, Comes Henricus de Enester, Comes Guido de Modiliana, Comes Thadeus de Carpigna, Guilielmus Marchio Montisferrati, Dropindus Marchio de Vobur, Comes Thadeus de Montefeltrario.*

*Signum Domini Frederici Secundi Romanorum Imperatoris  
semper Augusti, & Regis Siciliae inclitissimi.*



*Haec acta sunt apud Capuam in Anno Dominicae Incarnationis MCCXXIII. & Tertio Anno Imperii ejus, Mense Februarii, Indictione XI.*

*Antea quoque Fridericus I. Augustus par eidem Monasterio Privilegium indulsit, cujus partem hanc tantum exhibeo.*

### Friderici I. Imperatoris Diploma pro Ecclesia Sanctae Mariae in Portu Ravennate, Anno 1155.

**I***N nomine Sanctae & individuae Trinitatis. Fridericus Primus divina clementia Imperator semper Augustus Romanorum & Rex Siciliae. Transitorii Regni dignitas, & Imperialis potestas ac sublimitas ad hoc potissimum &c. Quocirca omnium Christi Regnique fidelium noverit industria, qualiter nos intervenitu & petitione dilectorum Prin-*

*D cipum nostrorum Arnaldi Colonienfis Archiepiscopi Italiae nostri Regni Archicancellarii, & Anselmi Ravennatis Ecclesiae Archiepiscopi & Exarchi, Ecclesiam videlicet Sanctae Mariae in Portu, cum omnibus suis Obedientiis, sub nostrae auctoritatis defensione &c. (a) Sed ipsa Ecclesia cum suis Obedientiis ab omni infestatione*

ne

*(a) Ut in praecedenti Diplomate Friderici II. Imperatoris Anno 1223. quod alibi in hoc ipso Opere evulgatum fuit.*

ne seu molestia immunis existens, nec Civitati nec alicui Potestati Collectas, Fodrum, Albergariam persolvat, sive ad muniendam Civitatem, sive ad Castrum aedificandum: sed nec pro adventu Imperiali, Regali, vel etiam alicujus Principis. Nulla denique gravamina &c. adhibitis testibus, quorum nomina haec sunt: Peregrinus Aquilejensis Patriarcha, Hilnerinus Treverensis Archiepiscopus, Anselmus Ravennas Archiepiscopus, 1

A Everardus Bambergensis Episcopus, Enricus Lebdienfis Episcopus, Hermannus Colat. Episcopus, Ordib. Basilienfis Episcopus, Ubaldu Calezen. & Stabulen. Abbas, Torquatus Valdenfis Abbas, Berfous Dux Saxoniae, Bertholdus Dux de Zaringia, Henricus Dux Carintiae, Orto Palatinus de Bavaria, Odoacher Marchio de Stiria, Herimannus Marchio Veronensis, Bertoldus Comes de Ardet. 1

Signum Domini Friderici



Imperatoris Augusti.

Ego Arnoldus Colonienfis Archiepiscopus & Italici Regni Archicancellarius recognovi.

Haec autem acta sunt Romae apud Sanctum Petrum Anno Dominicae Incarnationis MCLV. Indictione IV.

Saepe verò pro speciebus conferendis nomine Fodri, pecunia offerebatur. Iter Romam versùs meditabatur Henricus VI. Romanorum Rex, ut ibi Imperialem Coronam reciperet. Quare Legatos per varias Provincias misit, quibus colligendi Fodri cura

C foret. En quid inter eos, & Gerardum Episcopum Patavinum hac de re constitutum fuerit. Chartam archetypam ego inspexi, atque descripsi, adservatam in Archivo Capituli Canoniorum Patavii.

**Concordia Gerardi Episcopi Patavini cum Legatis Henrici VI. Romanorum Regis de solvendo Fodro pro coronatione Romana ejusdem Henrici, Anno 1190.**

A Nno a Nativitate Domini Millefimo Centesimo Nonagesimo, Indictione VIII. die IX. exeunte Julio. His presentibus, qui dicentur inferius, Dominus Bonus-Johannes Vercellenfis Advocatus, & Domni nostri Henrici Romanorum Regis Legatus cum Domino Henrico Comite de Piano, ut ex Literis apertis sig. .... ejusdem

D Serenissimi Regis sigillatis patebat, ad Fodrum Regale, atque alia servicia requirenda & colligenda .... coronatione ipsius Domui Regis, Rome peragenda, vice sua & Comitibus Henrici de Piano, a quo generalem .... fruo concessionem habebat, sicut ex tenore instrumenti per Adam Notarium confecti a me Warino .... si & perfecti va-

les

let dignesci. *Que & idem Bonusjohannes* ita esse asserbat pro Romana expeditione, a Regali excell..... de proximo fieri sperabant, atque Fodro. Domno Wilhelmo de Osa Padue Potestate amicitabiliter interveniente, ad..... cum Domno Gerardo Paduano Episcopo pervenit concordiam. Supradictus namque Bonusjohannes super his cum praefato Episcopo vi..... Regis, & ex legatione, qua fungebatur, cum supradicto Episcopo conveniens atque paciscens, remisit eidem Episcopo presentem Regalem expeditionem, ac exercitum, quique de proximo fieri sperabant, atque Fodrum, ut neque ipse Episcopus ire, nec militem vel milites pro se dirigere teneatur, neque de terris, que in domnicatu Episcopatus erant, Fodrum prestare debeat, nec hii, qui pro Episcopatu tenebant, quia ad H. Episcopo adjutorium facere debent, pro eo quod pro Episcopatu tenebant, Fodrum Regi ad hanc expeditionem sive exercitum praestare teneantur. Siq[ue] Domno Episcopo stipulanti jam dictus Bonusjohannes se facturum hanc concordiam Domnum Regem laudare & confirmare promisit. Quod infra triiduum post completam universalem Curiam, quam Domnus Rex in Roncalia vel alibi in Lombardia tenebat, Domno Regi pro jam dicta remissione dabit centum Marchas argenti ad marchiam Cononensem. Ad hec Ugolinus Advocatus ejus..... Transfeldgardinus Vicedominus atque Gnanfus pro jam dictis centum Marchis, ut dictum est, persolvendis eidem..... vice Domni Regis, se pro Episcopo constituentes, eas solvere promiserunt. Itaque quisquis insolidum renunciato & auxil..... vi Adriani teneatur, & ut eo quod pro Ecclesia se constituant, nequaquam se tueri valeant. Promisit ergo Bonusjohannes Episcopo, quod faciet Domnum Regem precipere & distringere illos,

A qui Episcopo adjutorium facere debent..... ditione Romana, ad illud Episcopo prestandum, quemadmodum facere debent, si Episcopus in propria persona in expeditione..... nominati quoque remittens, quod Episcopus pro hac expeditione ad Curiam de Roncalia, vel alibi ubi ipsa Curia fieri, ire seu nuncios mittere non teneatur, nec pro jam dictis centum Marchis exsolvendis, ut dictum est, nuncios dirigere debet, vel nisi Rex alia de causa pro eo mitteret.

B Actum in Padua in Episcopali Capella. Testes interfuerunt Vitalianus Archidiaconus & Todeskinus & Ugolinus Padue Canonici, Magister Vivianus Episcopi Capellanus, Oldericus de Garzapano, Tebaldus Judex de Verona, Wido de Casalvalone, Manfredus Judex, Rolandinus de Malpilio, Clarellus, Parulfus, & Gusbertus de Orlando, atque Adam Notarius de..... & mihi Warino a partibus jussu fuit hec scribere.

C Ego Warinus Imperialis Domni F. tabellio interfui, & hoc jussu Domni..... & predictorum, qui pro eo se constituerunt, & Domni Boni-Johannis supradicti.

D Fodrum ergo, Paratae, Mansionaticae, Procurationes, aliaque hujusmodi nomina, quamquam respectu diverso diversa significarint, in multis tamen conveniebant, & ex iis aliqua a Vassallis, alia a Populo solvebantur. Fodri autem vox, potissimum post Annum Epochae Christianae Millesimum usurpata, significavit etiam alimenta sive com meatum, qui alicui Reipublicae Ministro jure aut injuriâ contribueretur. Vide in hanc rem, quid prae laudatus Fridericus I. scripserit in Diplomate, cujus apographum ad me misit praeclarissimus vir Antonius Rambaldus Comes de Collalto, intimus Augustissimi Caesaris Consiliarius.

Fri-

Friderici I. Imperatoris Privilegium concessum Manfredo & Schenellae  
Comitibus Tarvisinis, Anno 1155.

**I**N nomine Sancte & indivise Trinitatis. Fridericus divina clementia Romanorum Imperator Augustus. Si fidelium nostrorum petitionibus clementer annuimus, & eis profutura gratiose largimur, fideles eos in nostris & Imperii obsequiis reddere non dubitamus. Quapropter omnium Christi, Imperiique fidelium, praesentium scilicet & futurorum solerti noveris industria, qualiter nos omnes res & proprietates, quas fideles nostri Comites Tarvisini Manfredus videlicet & Scenella fratres paterno & materno jure, seu per Precepta a predecessoribus nostris Regibus aut Imperatoribus antecessoribus suis collata, vel per aliquas scriptiones Cartarum ab aliquibus hominibus iuste & legaliter tenent, vel de cetero conquirere poterint, aut tenere debent, Imperiali auctoritate Privilegia eorum renovando confirmamus. Concedentes eis quicquid Regii juris infra ambitum Civitatis Tarvisi invenitur, & piscationem fluminis Silavis, sicut ad nostram Imperialem pertinuit potestatem. Et ne homines residentes in praediis eorum ante Ducem vel Marchionem aut Comitem seu Vicecomitem sive Schuldasium veniant, aut ab ipsis constringantur, nisi a praefatis Comitibus, & eorum heredibus, vel ab Imperatoria Majestate. Et nec Fodrum neque Collectam, aut districtum, quod publicae exactioni pertineat, Duci, Marchioni, Archiepiscopo, Episcopo,

**A** Comiti, Vicecomiti, aut alicui alii personae magnae sive parvae, vel etiam Civitati, prebeant, Imperiali nostra auctoritate eisdem fratribus, eorumque heredibus indulgemus, omnium hominum tam censualium, quam super res & proprietates eorum residensium, omnia districtum, & quicquid publicum fuerit ab eis exigendi omni contradictione remota: salvo per omnia jura & iustitia Imperii, ita ut habeant supradicti fratres & eorum heredes ad fidelitatem Imperii. Si quis igitur, quod absit, hujus nostri Precepti paginam in aliquo violare presumpserit, Imperiali banno subiaceat, & mille Libras auri componat, medietatem Camerac nostrae, & alteram partem sacre di. His Comitibus, eorumque heredibus. Quod ut omni tempore in posterum ratum & inconvulsam usibus proficiat eorum, presentem paginam Sigilli nostri impressione commonimus, adhibitis testibus, quarum nomina haec sunt: Pelegrinus Aquileynsis Patriarcha, Hillinus Treverensis Archiepiscopus, Everhardus Bavenbergensis Episcopus, Orth... Basiliensis Episcopus, Wibaldus Stabulensis atque Corbejensis Abbas, Henricus Dux Saxoniae, Bertoldus Dux Ceringiae, Henricus Dux Karinthie, Odoacer Marchio de Stira, Hermannus Marchio de Verona, Wido Comes de Blandrada, Comes Wido Guerra.

Signum Domni Friderici



Romanorum Imperatoris invictissimi.

Ego

Ego Arnoldus Coloniensis Archiepiscopus & Italici Regni Archicancellarius recognovi.

*Actum juxta Montem Sirachi super ripam Tiberis, Kalendis Julii, Anno Dominice Incarnationis MCLV. Indictione III. Imperante Domino Friderico Romanorum Imperatore glorioso, Anno Regni ejus IV. Imperii Primo, in Christo feliciter. Amen.*

Quod etiam invenio, ab Augustis & Regibus non tantum immunitas a Fodro interdum concedebatur Ecclesiis, sed etiam in earum utilitatem Fodrum ab aliis persolvendum convertebatur. Ita Fodrum illud, quod Curtis, sive Castrum Sancti Step-

A ni in Dioecesi Regiensi persolvebat, pro Imperatoris receptu, ab Episcopis Regiensibus in usum proprium percipiebatur: quod e subsequenti Charta intelliges, adservata in Tabulario Capituli Canonorum Regiensium.

Ludovicus Regiensis Episcopus concessionem Curtis Sancti Stephani cum Plebe factam Canonicis Regiensibus & ipse confirmat, Anno 1093.

**I**N nomine Sancte & individue Trinitatis. Lodoicus divina ordinante providentia Sancte Regiensis Ecclesie Episcopus ac Provisor indignus. Nos quibus Ecclesiastici regiminis cura noscitur esse commissa, sicut ceteris bonore prestamus, sic ceteros bono operis exemplo debemus precedere. Erga subditos vero nostros ita nos decet esse benignos, ut studeamus affectu paternitatis potius diligere, quam dominatione timeri. Et quia hoc non aliter, nisi fidelibus benefaciendo, Clericos diligendo, eosque paterne corripiendo obtinere valeamus, fidelium nostrorum bona, que illis a predecessoribus nostris collata sunt, inviolabiliter observare, & observando, prout possumus, augere oportet. Hec igitur circa fideles facienda esse scientes, Curtem Sancti Stephani, quam cum Plebe, & omnibus suis pertinentiis a Sigefredo, Adelberio scilicet atque Volmario, Canonicis nostris per decretorum paginam novimus esse concessam, laudando firmamus, & in presentia Comitis Uberti & Familie nostre, & Civium nostro-

**B** rum, per hanc nostre concessionis paginam servandam esse sancimus. Preterea si quid de fisco, vel de rebus ad eandem Curtem vel Plebem pertinentibus a Predecessoribus nostris vel a nobis injuste ablatum est, ex toto remittimus, & illis jure perpetuo condonamus. Stipendium vero, quod pro Imperatoris receptu de Castro a nostris usque modo colligebatur, nobis, nostrisque Successoribus colligendi licentiam per hujus nostre institutionis paginam atque decretum nihilominus denegamus. Si quis divinum abiciens timorem &c. Hoc ut verius habeatur & firmiter ab omnibus Successoribus nostris credatur, & nos manu propria firmavimus, & Clero nostro obtulimus roborandum.

**D** Actum est hoc Anno Dominice Incarnationis MXCIII. Episcopatus vero Domini Lodoici Anno II. Indictione XV.

Hoc idem jus ab Augustis impetrare Cremonenses Episcopi, uti constabit e subsequenti Diplomate, quod e Regeſto Cremonensis Episcopii olim descripti.

Chon-

Chonradus I. Imperator Hubaldo Cremonensi Episcopo jura varia, & Comitatum ipsius Civitatis confirmat, Anno 1031.

**I**N nomine Sancte & individue Trinitatis. Chvonradus divina favente clementia Romanorum Imperator Augustus. Si sancta ac venerabilia loca sublimare ac defendere studuerimus ad Regni nostri statum hoc pertinere proculdubio non ambigimus. Quapropter nostrorum fidelium presentium scilicet ac futurorum noscat universitas, Hubaldum sancte Cremonensis Ecclesie venerabilem Antistitem, interventu dilectissime Conjugis nostre Gisle Imperatricis, nostram humiliter adiisse clementiam postulans, ut pro Deo & anime nostre remedio Precepta a decessoribus nostris sue Ecclesie concessa confirmavemus ac roboravemus. Cujus dignis petitionibus annuentes, prout iuste & legaliter possumus, ea firmamus & corroboramus. Ita ut quicquid Curature, Tolonei, Portatici, seu Ripatici, & Comitatum infra prenominatam Civitatem, seu extra per quinque miliariorum spatia, sicut in ejusdem Ecclesie Preceptis continetur, teneat, habeat, firmiterque possideat tam ipse quam & sui successores. Preterea alias consuetudines, quas sui antecessores ad illam potestatem pertinentes, & Angarias quondam habuerunt, & Fotrum de ipsa Civitate, quod ad nostrum servitium colligi usus fuit, & porcos Arimannorum, & Albergarias; similiter preci-

**A** pimus, ut ipse, suisque successores perpetuis temporibus exigant. Precipimus itaque atque jubemus, ut nullus Dux, Comes &c.

Signum Domni Chvonradi serenissimi Imperatoris Augusti.

Bruno Cancellarius ad vicem Aribonis Magontini Archiepiscopi & Archicancellarii recognovi.

**B** Datum III. Kalendas Martii Anno Dominice Incarnationis MXXXI. Indictione XIV. Anno autem Domni Chvonradi VI. Regnantis, Imperantis vero IV.

Actum Goslarie feliciter. Amen.

**C** Quid autem pro Fodro pendendum foret singulis in locis, quum Rex sive Imperator in Italiam descendebat, statutum & constans fuisse videtur. Castellum, sive Villa Sacci, perquam opulenta, in Patavino districtu, septem Libras monetae Venetiarum in adventu Regis in Regnum Italicum exsolvebat. Istud patebit ex Diplomate Henrici IV. Regis, quod e Collectaneis MStris Peregrini Prisciani in Estensi Bibliotheca adservatis excerpti. De nomine Episcopi Patavini, initiali tantum litera indicati, disceptandum aliis relinquo. Pro **D.** fortassis in autographo fuerit V. tunc enim Udelricus Ecclesiae illi praeerat.

Confirmatio Privilegiorum & jurium Episcopo Patavino, ejusque Ecclesiae facta ab Henrico IV. Rege, Anno 1079.

**I**N nomine Sancte & individue Trinitatis. Henricus divina favente clementia Rex. Quoniam Regie vel Imperatorie dignitatis officium esse constat, ut Ecclesie Deo & Sanctis dicat, ob divini cultus augmentum, novis semper

**E** ratorie dignitatis officium esse constat, ut Ecclesie Deo & Sanctis dicat, ob divini cultus augmentum, novis semper  
I Pri-

Privilegiis contra omnes infestantium incurSIONES muniantur: idcirco notum esse volumus omnibus fidelibus nostris tam presentibus quam futuris, qualiter vir venerabilis D. Paduane Ecclesie Episcopus serenitatis nostre clementiam audiens postulavit, ut eidem Ecclesie sibi commissae, in honore Sancte Dei genitricis Marie constructe, immunitatis & libertatis Preceptum fieri decerneremus, per quod res & proprietates, que suo Episcopo subdi videntur, vel subdi iure debentur, firmitus & plenius habere valuisset. Cujus petitioni ob amorem Domini nostri Jesu Christi assensum prebentes, ita fieri decrevimus, & hoc Preceptum inde conscribi iussimus, firmiter precipientes, ut Presulis jam dicti Sedes sancta perpetuo per hoc nostrum Preceptum, Deo opitulante constet firmiter stabilita. Confirmamus etiam per hanc nostri Precepti paginam & firmiter corroboramus omnia Precepta & mundiburdia Imperatorum sive Regum, que eadem Ecclesia habere videtur. Stabilimus etiam per hoc Preceptum quicquid eadem Ecclesia habere videtur, vel quicquid ei iure habere debetur. Nominatim Flumen, quod vocatur Retrone a Vado Silicis usque ad locum, quod intrat in flumen, quod vocatur Brenta: inde usque ad Fossam, que vocatur Baiba: & fossam cum flumine, que est a Capella Sancti Michaelis usque ad Portum de Ponte de Fossumba; ita ut nulli liceat molendinum at-

A edificare in predictis aquis & prenomi-  
natis locis, vel clusam, vel piscariam,  
vel aliquod edificium, vel obstaculum  
facere sine licentia ejusdem Episcopi, vel  
successorum suorum a parte predicti E-  
piscopii. Nominatim quoque Ladrum cum  
pratis & omnibus adjacentiis suis, &  
Pontem, qui dicitur Vicentinus, cum  
arcubus & molendinis omnibus, que ha-  
bere videtur predictum Episcopium, vel  
que ei iure debentur. Nominatim quo-  
que Ripaticum, Teloneum, Portus,  
Mercata omnia predicta in omnibus  
quecunque in finibus Paduae continen-  
tur. Nominatim insuper septem Libras  
monete Venetiarum, quas in nostro  
adventu in Regnum Italicum Sacen-  
ses una causa, quia Episcopus Padue  
est Comes Sacensis, & Precepto Pa-  
tris nostri dicunt se nobis debere.  
C Hec omnia per hanc nostri Precepti pa-  
ginam corroboramus atque firmamus, fir-  
miter precipientes, ut deinceps nullus  
Princeps, nullus Judex publicus, nullus  
Dux, nulla alia Judiciaria potestas aut  
Comes, vel Missi Dominici, nulla ma-  
gna vel parva persona hoc nostrum pre-  
ceptum infringere presumat. Si qua ve-  
ro persona magna vel parva hujus no-  
stri Precepti instituta vel concessa in a-  
liquo infringere, seu personis aut bonis  
prenominati Episcopii, sive predicto E-  
piscopo, suisque successoribus aliquan-  
do vim intulerit, componat centum Libras  
auri, medietatem Camere nostre, medie-  
tatem predicto Episcopo &c.

Signum Domni Henrici



Regis Quarti invictissimi.

Burcardus Cancellarius vice S. . . . . Archicancellarii recognovi.

Data X. Kalendas Augusti, Indictione II. Anno Dominice Incarnationis MLXXIX.  
Anno autem Regni Domni Regis Henrici Quarti XXIII.

Actum Ratisbone in Dei nomine feliciter. Amen.

Quae

Quae haftenus commemoravi publica Onera ac Tributa, nemo sibi suadeat implere universum chorum Vectigalium, *Factionum*, *Reddibitionum*, *Talliarum*, *Exactionum* &c. ut olim appellabant. Multa insuper erant, quorum nuda nomina tenemus, rem verò penitus ignoramus. Neque enim feliciora nostris barbarica illa tempora opinari licet. *Angarias* enim & *Perangarias* omnis aetas novit, simulque experta est. *Collectas* idem sunt, ac quae in Capitulari Sicardi Principis Beneventani & alibi appellantur *Collatae*, & in Edicto Theoderici Regis *Collationes*. Nunc breviate voce vulgariter vocantur *Colte*: tributum nempe persolvendum pro ratione proventuum ac reddituum cujuscumque liberi Civis. Antiquum est etiam Italicum vocabulum nostrum *Dazio*, quum & *Data*, & *Datia*, & *Dadea*, & *Dationes* in antiquis monumentis memorentur, ut multis exemplis ostendere possem. Unum tantummodo afferam, ut & *Dationis* nomen, & alia incognita Tributa ac onera veterum oblivioni eripiantur. Refert Margarinus Tom. 2. Constit. 20. Bullarii Casinens. Diploma Adelchisi Langobardorum Regis, in quo haec verba: *Verumtamen & concedimus per ipsa Monasteria omnes Scufias publicas, & Angarias, atque Operas, & Dationes, vel Collectas, seu Toloneo, & Siliquatico, de*

A *singulas Mercaturas, & Portoras, ut homines de supradicta Monasteria &c. ab omnibus supradictis Scufiis publicis & Angariis &c. pro nostra mercede liceat deservire.* Datum est Diploma die XI. Novembris, Anno XIV. Regni, Indictione XII. hoc est, ut Margarinus censet, Anno Christi DCC-LXXIV. Sed aut illud spectat ad Annum DCCLXXIII. aut de ejus fide dubitandum est, quum Novembri Mense Anni DCCLXXIV. jam excisum foret Regnum Langobardorum. Habemus heic non solum *Dationes*, sed & *Scufias publicas*. Quae postrema voce quid significetur, id fortasse mihi edifferent, quibus datum est in penetralia antiquae Germanicae Linguae descendere. Apud Germanos *Scaffa* appellabatur mensura quaedam annonae. Num *Scufias* idem fuere, hoc est, mensurae quaedam aridorum Fisco persolvendae? Quum vero in Diplomatis authenticis Henrici II. & IV. Augustorum apud Canonicos Cathedralis Cremonensis adservatis, & a me descriptis, eadem *Scufias* commemorantur, monumenta illa nunc accipe, ubi etiam animadvertas mentionem fieri *de porcis & vervecibus, operibus & albergariis*, quibus nominibus incertum est, significantur-ne publica, an privata onera, aut Tributa, sive census.

Henricus Rex III. Imperator II. Canonicis Ecclesiae Cremonensis omnia illorum bona confirmat, Anno 1055.

IN nomine Sancte & individue Trinitatis. Heinricus divina favente clementia Romanorum Imperator Augustus. Si illis, qui ad loca sacra destinati divinis officiis inserviunt, nostrae

E Imperialis munificentiae benivolentiam in suis petitionibus clementer ac benigne demonstramus, a Deo omnium rerum inspectore meritam & condignam retributionem nos recipere speramus. Unde om-




... Dei Ecclesiae, nostrorum-  
... iurorum quam pre-  
... industria noverit, qua-  
... animae nostrae, & ob  
... Conjugis nostrae dilectissi-  
... Imperatricis Agnetis, nec non  
... filii nostri karissimi  
Heinrici Quarti videlicet Regis, Ca-  
nonicorum sanctae Cremonensis Ecclesiae  
in honorem beatissimae Dei genitricis  
Mariae constructae necessitatibus provi-  
dentes illis confirmamus, ac nostra Im-  
periali auctoritate corroboramus Terras  
suas, quas prefatae Canonicae Presules  
eidem Ecclesiae vi & injuste tulerant,  
videlicet Butaninum, Castrumvetus, In-  
fulam, Raduldisum, Casanovam, Bu-  
talianum, Fontanellam, Capellam San-  
cti Salvatoris cum suis pertinentiis, necnon & ceteras Terras, quas Canoni-

A ci praedicti nunc vel in futuro iuste ac  
legaliter detinere videntur, cum distri-  
ctu, cum porcis & vervecibus, cum  
operibus. & omnibus Scuffis. Prete-  
rea sancimus atque precipimus, ut nul-  
lus Episcopus, Comes, Procurator aut  
Decanus de ipsa Canonica Fodrum,  
aut aliquam Dationem illis tollere,  
aut aliquomodo sine legali iudicio mole-  
stare vel disvestire praesumat. Si quis  
vero contra hujus nostrae confirmationis  
auctoritatem temerarius violator extite-  
rit, centum Libras auri optimi compo-  
nat, medietatem Kamere nostrae Imperia-  
li, & medietatem praedictis Canonicis.  
Quod ut verius credatur, diligentiusque  
ab omnibus observetur, hanc Cartam  
inde conscriptam manu propria subter  
corroborantes, Sigilli nostri impressione  
iussimus insigniri.

Signum Domini Heinrici Tercii Regis invictissimi



Secundi Romanorum

Imperatoris Augusti. 

Locus Sigilli ✠ cerei exstantis.

Guntberius Cancellarius vice Herimanni Archicancellarii recognovit.

Data Idus Octobris; Anno Dominicae Incarnationis MLV. Indictione VIII. Anno  
autem Domini Heinrici Tercii Regis, Imperatoris autem Secundi ordinationis  
ejus XXVII. Regni quidem XVII. Imperii vero IX.

Actum Mantuae in Dei nomine feliciter. Amen.

Henricus Rex V. & Imperator IV. Canonicis Ecclesiae Cremonensis  
privilegia confirmat, Anno 1111.

IN nomine Sancte & individue Tri-  
nitatis. Henricus divina favente  
clementia Quartus Romanorum Impera-  
tor Augustus. Quoniam a Deo omnium

D rerum inspectore meritam & condignam  
retributionem nos recipere minime dubi-  
tamus, si nostrae Regalis munificentie  
benivolentiam Deo devote servientium  
peti-

petitionibus clementer & benigne accom-  
modamus: Volumus, ut omnium sancte  
Dei Ecclesie, nostrorumque, fidelium tam  
futurorum, quam presentium diligens in-  
dustria noscat, qualiter nos pro remedio  
anime nostre, nostreque genitricis bea-  
te memorie Berte, & ob incrementum  
Regni nostri, Canonorum sancte Cre-  
monensis Ecclesie in honorem beatissime  
Dei genitricis Marie constructe necessita-  
tibus providentes, illis confirmamus ac  
nostra Regali auctoritate corroboramus  
terras suas, quas prefate Canonice Pro-  
sules ejusdem Ecclesie vi & injuste o-  
lim tulerant, scilicet Butanungum, Ca-  
strumvetus, Insulam Redaldiscum, Ca-  
samnovam, Butalianum, Acenellum,  
Fentanellam, Capellam Sancti Salva-  
toris, necnon Oratorium Sancti Mauri-  
tii cum eorum pertinentiis: Altare quo-  
que Sancti Imerii Confessoris, cum ejus-  
dem Altaris oblationibus, & omnibus  
ad idem pertinentibus. Nec minus &

A ceteras Terras, quas Canonici predicti  
in Cremonensi Episcopatu, vel alicubi  
secundum Instrumenta Cartarum vel do-  
cumenta legum, nunc vel in futuro ju-  
ste & legaliter per loca detinere vi-  
dentur, cum districtu, cum porcis &  
vervecibus, cum operibus & alber-  
gariis, & omnibus Scuphiis. Prete-  
rea sancimus atque precipimus, ut nul-  
lus Episcopus, Comes, Procurator aut  
Decanus aut Portinarius, de ipsa Cano-  
nica, aut de Terris ejusdem Canonice,  
Fodra aut aliquas Dationes, seu Al-  
bergariam illis tollere, aut eos de ip-  
sis terris, seu Altari predicto sine le-  
gali judicio molestare, vel disvestire pre-  
sumat. Si quis verò contra hujus nostre  
confirmationis auctoritatem temerarius vio-  
lator occurrerit, centum Libras auri o-  
ptimi componat, medietatem Imperiali  
Camere nostre, & medietatem predictis  
Canonicis. Hoc autem ut verius creda-  
tur &c.

Signum Domni Heinrici Quarti



Romanorum Imperatoris Augustissimi.

Locus Sigilli ✠ cerei deperditi.

Burcardus Monasteriensis Episcopus & Cancellarius vice Alberti Archicancellarii  
Maguntine Sedis Electi recognovit.

Data XIV. Kalendas Junii, Indictione IV. Anno Dominice Incarnationis MCXI.  
Regnante Heinrico Quinto Rege Romanorum Anno V. Imperante Primo, or-  
dinationis ejus XI.

Actum est Verone in Christo feliciter. Amen.

Friderico I. imperante controver-  
sia oborta est inter Procuratores Fi-  
sci Caesarei, & Cremensem Popu-  
lum propter Insulam Fulcherii. Re-  
galia ac tributa illius loci contende-  
bat Imperialis Camera ad se specta-

D re. Quae verò haec forent, e verbis  
ipsius Chartae ediscere praestat. In  
bis locis (ibi scriptum est) habuit  
& tenuit Dominus Imperator per suos  
Nuntios medietatem totius Vini: & de  
terris Militum quartum: de ceteris ve-

rd tertium; & plenam jurisdictionem, honorem plenum, & districtum: scilicet Fodrum, Placitum, Banna, Erbatium, Escaticum, Tensas, Malgas, Cacias, Piscaciones, Venationes, Silvas

A omnes, & cetera plenarie, quae pertinent ad honorem & districtum. Instrumentum hoc luce non indignum decerpsi ex antiquo Regesto Reipublicae Cremonensis.

Decretum Legati Imperialis in controversia, quam habet Fridericus I. Imperator cum Cremonensibus de Insula Fulcherii, an sit de Regalibus Imperatoris, & ab ipso possideatur, Anno 1188.

A Nno Dominice Incarnationis MC-LXXXVIII. Indictione VI. die Jovis, XIII. die Mensis Octobris, in Civitate Laude, in Palatio Episcopi. Gualfredus de Turricella de Papia, Advocatus in hac causa pro Domino Guilielmo Atquensis Advocato, Legato Domini Imperatoris, & specialiter ab eo constituto Procuratore ad causam de Insula Fulcherii, quam Dominus Imperator habet cum Cremonensibus, predicto Domino Guilielmo ei precipiente talia verba proposuit, presentibus Judicibus Curie, videlicet Syro Sallimbenus, Ydo de Terdona, Ottone Cendatario, constitutis ad hanc causam, dicens: Credit Dominus Guilielmus, & verum est, quod Insula Fulcherii cum omnibus suis pertinentiis est Regalia. Et credit, quod post destructionem Creme Dominus Imperator habuit & tenuit cum hoc ordine, habendo plenam jurisdictionem & dominium locorum infracriptorum, videlicet: Azanum, Torlinum, Palatium, Mons, Vallianum, Bagnolum, Clevum utrumque, Placianum, salvo jure Laudensium, quod habent in Placiano, Capreghanega, Credaria, Rovoretum, Moscacianum, Monstodunum, Gmedum, Rivoltella, & Rivolta, Umbrianum, Sanctus Laurentius, & Sanctus Andreas, & totum hoc, quod est extra fossatum & suburbium Creme. In his autem locis habuit &

B tenuit Dominus Imperator per suos Nuncios medietatem totius Vini, & de terris Militum Quartum; de ceteris vero Tertium: & plenam jurisdictionem, honorem plenum, & districtum: scilicet Fodrum, Placitum, Banna, Erbaticum, Escaticum, Tensas, Malgas, Cacias, Piscaciones, Venationes, Silvas omnes, & cetera plenarie, que pertinent ad honorem & districtum. Et hodie habet & possidet predicta. Quia vero Dominus Imperator non vult facere injuriam Cremonensibus, ideo paratus est Dominus Guilielmus jam dictus facere rationem Cremonensibus, si vellet dicere, se habere aliquod jus in predictis locis. C Ipsos quoque Cremonenses prefatus Dominus Guilielmus interrogavit sub prefatis Judicibus, si vellet dicere, se habere aliquod jus in predictis locis. Qui Cremonenses, habito concilio, dilationem super hoc petierunt, scilicet causa capiendi consilium cum Sapientibus Terre sue, & cum Sociis suis, si vellet rationem postulare, vel aliquod jus dicere se habere in predictis locis. E Nomina Cremonensium, qui venerant pro Communi Terre sue sunt hec: Bonusarius de Sablono, Benzo, Bonussenior Consules Creme, Dominus Benzonus, Guilielmus Goronus. Albericus Judex, Otto Gambazocca. Qui omnes ordinarunt cum sepe dicto Domino Guilielmo, & cum Judicibus Curie, ad terminum statu-

statutum venire bene instructi & consiliati, si vellent aliquod jus in predictis locis a Domino Imperatore postulare vel dicere se habere. Ibi Dominus Syrus, consilio predictorum Sociorum suorum, statuit eis terminum, & dilationem dedit, ut ab hodie usque ad octo dies essent Papie, & sequenti die Veneris consiliati essent, si velint aliquid proponere adversus Dominum Imperatorem in predictis locis. Prenominatus vero Dominus Syrus hanc Cartulam fieri precepit. Interfuerunt testes Guidottus de Sumaripa, Malsaxatus de Valezano, Ariolus Paucumallodium, Gerardus Moncius, Lanfrancus Capudcase, Ambroxius de Fuxirago, qui sunt de Laude. Bellonus de Curte, Bertramus Sallimbenus, qui sunt de Papia. Homodeus de Trezo, Oddo de Comite, atque Bocardus frater Episcopi de Cremona.

Millesimo Centesimo Octuagesimo Octavo, Indictione VI. die Veneris, XII. Kalendas Novembris, in Civitate Papie in Palatio Episcopi, presentibus Judicibus ab Imperatore delegatis, & in medio residentibus, & super hanc causam constitutis, videlicet Syrus Sallimbenus, Ydo Terdonensis, Aripandus Judex, Otto Cendatarius, Guido de Puteo, & presentibus Consulibus, de Crema, videlicet Comes Albertus de Palatio, & Cantelmus Benzonus, necnon & Albericus Judex, qui omnes venerant pro Communi Creme: Dominus Litifredus Imperialis Aule Capellanus, & ejusdem magnificentie Legatus, parabolâ Domini predicti Guillelmi socii sui, qui specialiter ad hanc causam a Domino Imperatore Procuratores sunt constituti, talia verba proposuit, dicens: se esse paratos audire, si ipsi Cremenses vellent aliquid in predictis locis a Domino Imperatore postulare, vel aliquid jus in predictis locis ad se pertinere dicere. Ipsi vero Cremenses sepe & sepius ha-

bito consilio, Albericus Judex de Crema, parabolâ & consensu predictorum Consulium Creme, & consilio Judicum suorum, videlicet Guilielmus Calciagrisia, Arnaldus de Superaquam, Nazarius de Rozano, qui sunt de Mediolano, & Adam de Mantua, tale dederunt responsum: videlicet quod Cremenses de predictis locis de Domino Imperatore nullam querimoniam facere volebant. Cumque ita audisset Dominus Litifredus, & Dominus Guilielmus, habito consilio Sapientum, talia verba dixerunt: videlicet quod predictus Dominus Guilielmus precipere fecit & precepit consensu predicti Domini Litifredi jam dictis Cremensibus nomine Communis Creme sub debito fidelitatis, ut de cetero de predictis locis nullo modo se intromittant, & Dominum Imperatorem, seu Nuntium vel Nuntios ejus quiete predictos locos tenere & possidere permittant, & nullam eis molestiam inferant. Prenominati vero Dominus Litifredus & Dominus Guilielmus hanc Cartulam fieri preceperunt. Interfuerunt Ponticus de Girolis, Oddo de Comite, Ingilerius de Burgo, Maltraversus, Madelbertus, qui sunt de Cremona: Lanfrancus Capudcase, Albertonus Scarpi-gna, Ambroxius de Fuxirago, Monacus de Ranso, Amizo Judeus, Presbyter Niger, Johannes Casola, Malsaxatus de Valerano, qui sunt de Lauda: Bellonus de Curte, Galferius Ysembardus, Guilielmus Cebolla, Rubaldus Karinus, Busnardus Grandisvillani, Dominus Rainerius de Sancto Nazario, atque Bertramus Sallimbenus, qui sunt de Papia: & Villanus de Porta, atque Guido de Ozola, qui sunt de Parma, testes.

Ego Guilielmus Notarius sacri Palatii mandato predictorum Domini Litifredi & Domini Guillelmi hanc Cartulam scripsi.

Quid

Quid *Malgae* fureint, hariolando quidem exponere possem, sed certam rei significationem neutiquam efferre. Quid verò *Tensae*, quarum item nomen nuper audivimus, si quis sciscitetur, respondeo, nihil aliud fuisse, nisi eandem Tributorum specie, quae adhuc alicubi appellantur *Tasse*, & a Scriptoribus inferioris aevi *Taxae* etiam dicuntur. De ejusmodi tributis mentio est in Historia Veneta Sanuti, dum commemorat *le Tanse de' Notai*, *le Tanse de' Giudei* &c. Si fides Hickefio, vox haec Franco-Theotisca est. Verum

A tutius opineris *Taxam* e Latino *Taxare* descendisse, ad significandum videlicet, quid aestimatione facta a qualibet singulari persona aut Collegio, persolvendum erat Fisco. Fortasse Franci pro *Tassare* dixerunt *Tansare*. Durat adhuc apud Venetos verbum *Tansare*, *Taxare* significans. Et quoniam earumdem *Tensarum* mentio occurrit etiam in Privilegio Friderici I. Augusti, illud heic publica luce donandum volo, quod ex Archivio Monasterii Sanctae Mariae de Vangaditia depromsi.

Friderici I. Imperatoris Diploma, quo confirmat omnia jura ac Privilegia Monasterio Sanctae Mariae de Vangaditia, praesentibus Marchionibus Estensis Alberto & Obizzone, Anno 1177.

I N nomine Sanctae & individuae Trinitatis. Fridericus divina favente clementia Romanorum Imperator Augustus. Imperatoriam Majestatem ad augmentum sanctarum Ecclesiarum Dei veraciter credimus constitutam: idcirco & Ecclesiis Dei, ac in ipsis Deo famulantibus subvenire summo jure dehemus, & benigno semper proposito intendimus. Omnibus igitur Christianae Religionis, Imperiique Romani fidelibus, praesentibus scilicet ac futuris, apertissime pateat, qualiter dilectus noster Isaac venerabilis Abbas Monasterii Sanctae Mariae de Vangaditia, per fidelissimum nostrum Gotofredum Cancellarium, & per Marcum Maurocenum honorabilem & ingenuum Venetiae Civem, nostram adiit clementiam, petens per ipsos & cum ipsis, ut nos pro Dei amore, aeternaeque beatitudinis remuneratione praedictum Monasterium suum, scilicet Ecclesiam Sanctae Dei genitricis Mariae constructam super Athesis fluminis ripam ad locum, qui quondam Petra dicebatur, nunc au-

C tem Vangaditia vocatur, sub nostri Mundiburdi protectione cum omnibus suis possessionibus & rebus mobilibus & immobilibus reciperemus, eidemque Ecclesiae ea, quae hactenus possedit, & in futuro Deo favente justae acquisitionis titulo possidebit, nostrae Imperialis auctoritatis Praecepto confirmaremus. Quorum petitionibus nos placida securitate annuentes, statumque sacri ejusdem loci incolumen servare cupientes, praesatam Sanctae Mariae Ecclesiam cum omnibus suis pertinentiis in nostri Mundiburdii, nostraeque Imperialis potentiae defensione gratanter suscipimus, omnesque res & possessiones ejus mobiles & immobiles, seseque morventes, quas Abbas & Fratres ipsius Monasterii vel per se vel per alios possident, vel de cetero adquisierint, eidem Ecclesiae perpetua stabilitate per nostrae auctoritatis robur & munimen confirmamus, e quibus quaedam suis duximus exprimenda vocabulis. Videlicet possessiones, quas habent in praedicto loco, qui Vangaditia dicitur, & in Abba-

*Abbatia, & in aliis quibuscumque locis, in Episcopatu Veronae infra Civitatem, Sancti Salvatoris Ecclesiam cum omnibus suis pertinentiis, in Bardulino, in Illatio, in Albaroto, in Perto, in Curia Geniaci, terras scilicet arabiles, prata &c. quae ad Curiam Geniaci pertinent, cujus terminum cernit superius caput Silvae ipsius Monasterii usque in Tartarum, quae Silva vocatur Gazolo: & est ex alia parte Asbesis, Salvaterra, Ramo de Palo, Bruseda, Zuricha, in Contra, in Arquada, in Rodigio, in Ponciano, in Cento, in Squignano, in Donico, Bonisago, in Manegio, in Sarzano, in Mardimago, Venezze, cum omnibus suis pertinentiis, in Gongula, Elufurella, Cavazzana, Sagnedo, in Merlaria, in Sculdastia, in Palso, in Vigbizolo, in Corrigia, in Villa, in Padua, in Curte de Provio, in Villa Comeda, in Dannarolo. Haec igitur superscripta & cetera omnia, quae in aliquo Imperii nostri loco praefata possidet Ecclesia in Castris, Capellis, Decimis, Placitis, Mercatis, Teloneis, ripis, rupinis, molendinis, Collectis, viis & inviiis, vineis &c. Tanlis, Bannis, ac olivetis, universisque exhibitionibus, atque cujuslibet functionibus, cum*

*A omni honore & districtu, salva tamen Imperiali justitia, confirmamus. Tamen id Abbati praefatae Ecclesiae & suis successoribus & eorum hominibus indulgemus, ut nulli inde respondere teneantur, nisi nobis, aut certo Misso nostro ad hoc specialiter deputato. Praecipimus igitur Imperiali nostrae auctoritatis Edicto, quatenus nullus Archiepiscopus, B Episcopus, Dux, Marchio, Comes, Vicecomes, Consul, vel Potestas, vel alium Commune Civitatis alicujus loci, nec ulla omnino persona magna &c. Pro quorum omnium certa & inviolabili conservatione & memoria praesentem paginam Majestatis nostrae Sigillo communivimus, testibus subscriptis, qui sunt C Maguntinus Archiepiscopus, Philippus Colonienfis Archiepiscopus, Arnoldus Treverensis Archiepiscopus, Odericus Patriarcha Aquilejensis, Henricus Patriarcha Gradenfis. Sebastianus Ziani Dux Venetiarum, Comes Hoslantiae MARCHIONES DE ESTE ALBERTVS & OBIZZO, Schinella Comes Tarvisii, Wezelo de Camino, Guilelmus Tempesta. Joannes filius Marci Mauroceni, & alii D quamplures.*

*Signum Domini Friderici*



*Romanorum Imperatoris invictissimi  
& florentissimi.*

*Ego Gotofredus Cancellarius vice Philippi Colonienfis Archiepiscopi, & praedicti Regni Archicancellarii recognovi.*

*Acta sunt Anno Domini Millesimo Centesimo Septuagesimo Septimo. Indictione X. Regnante Domino Friderico Romanorum Imperatore gloriosissimo, Anno Regni ejus XXVI. Imperii autem Anno XXIV.*

*Datum apud Venetias in Palatio Ducis, XIV. Kalendas Septembris, feliciter. Amen.*

In Charta Reipublicae Mutinensis scripta Anno MCCLXXXI. quam infra dabo in Dissertat. XXX. de Mercatura, petunt Mercatores Lucenses, ut Commune Finalis Mutinensis debeat dare pro eorum securitate *Tansa* a Finali usque Bondenum cum *burcletto* uno (Italice *Burchiello*) & cum hominibus armatis. Hec *Tansa* idem fuisse videtur, ac nobis est *Scorta*, aut *profectio*: quo sensu etiam *tensare* apud Du-Cangium defendere & protegere significat. Fortasse *tensa* ac *tansa* idem significarunt. *Tensamentum* verò tributi genus fuit, quod olim exolvebatur pro protectione domini. Apud Historicos quoque Britannos occurrit eodem sensu *Tense*, & *Tenserie*. Hicetium in Grammat. Anglo-Saxon. testem habeo. Ughellius quoque in Episcop. Salernitanis memorat *Audientiam*, tributi cujusdam genus; & in Episcop. Cannen. sine *calzao* (*calzario* seu *calcario* legendum est) & *affidatura*, & omni jure tributario. Num *Calzarium*, sive potius *Calcaria* tributi species fuit pro jure coquendae calcis? Mentionem facit idem Ughellius in Episcopis Casertanis de *calcariis* terrarum; & alibi de *calcariis* terrarum. In Capitulari Sicardi Principis Beneventani Tomo II. Rer. Italicar. statuitur, ut nulla nova consuetudo imponatur, excepta antiqua, hoc est *responsaticum*, & *angarias*, & *calcarias*. Ad alia progrediamur, nimium quippe est hic ager foecundus. In Charta Veronensi Anni MCXL. edita a diligentissimo Campagnola in Prolegomen. ad antiqua Veronensis Urbis Statuta, Commune de Soavo remisit omnia servicia, scilicet *Plobegum*, & *Daciam*, & *Waitas*. Jam supra sermo fuit de *Dacia*, quod tributi pecuniarii genus fuit. *Waita* (nunc

nobis appellatur *fare la Sentinella*, *fare le guardie*, idest excubias, custodias) Angaria personalis erat. Adhuc apud Mutinenses dicitur *fare la guaita*, quum quis intentis oculis observat, an homo, volucris, aut aliquod aliud animal moveatur. Idem enim est *Waita* & *Guaita*, quum Itali W Germanicum vertere consueverint in GU. seu GV. Ferrarius in Orig. Ital. censet vocem *Aguato* a Latino *accubitus* natam fuisse. Menagius vocabulum *Guatare* pro aspicere derivat a Latino-barbaro *cattare*, & a *Guatare* *Aguato*. Ferrarius contra *Guatare* deducit a *videre*, *visitare*. Mirum est, qui tantos viros fugerit harum vocum germana origo. *Aguato* a *Waita* Germanica voce, sive *Guaita* ortum est. *Stare ad Guaitam* veteres dixere: Italice *stare a Guato*; hinc *Aguato*, uti & *Guatare*, quod Mutinenses ajunt *Sguaitare*, pro intentis oculis motus alicujus clam perscrutari. Ita Gallica Lingua habet *Guet*, *estre au Guet*. Venio ad *Plobegum* Veronense. Fortasse tributum fuit colligendum ex bobus, sive terris aratoriis, uti apud Gallos *Fruementagium* fuit, & *Carrucagium*, atque *Hidagium* apud Anglos. *Plovum* enim, ut dixi in Notis ad Legem 293. Rotharis, Part. II. Tomi I. Rer. Italicarum (a Germanica, ut videtur, voce *Plowen* profectum) *Aratrum* significabat, quod *Ploeu* Gallica diphtongo, aut *Piod*, sive *Pieu*, rustici nostri adhuc appellant. *Pflug* Germani dicunt; Sed apud Saxonum, Danorum, & Normannorum filios Britannos, *Aratro* nomen est *Plough*, & *Plow*, quod idem est ac nostrum *Piod* seu *Pioeu*. Saepe V consonans in B immutatum videmus, itaut quod in Lingua vulgari erat *Piovego*, Latine redditum fuerit *Plobegum*.

*begum. Robertus Guiscardus Apuliae & Calabriae Dux apud Baronium Anno MLIX. spondit se persoluturum ad recognitionem fidelitatis pro unoquoque jugo bouum pensionem duodecim denariorum Papiensis Monetae beato Petro & Nicolae Papae. Haec opinari, aut divinando tentasse licuerit. Multum interea proderit nobis ad antiqua Regalia dignoscenda, sive jura, sive tributa, Charta ad Azonem VI. Marchionem Estensem pertinens, & mihi memorata in Antiquitat. Estens. Par. I. Cap. 38. pag. 367. Eam in suis Collectaneis MScis servavit no-*

*A* bis Peregrinus Priscianus Ferraricenis vir doctissimus. Principi huic in Feudum concessa fuerat Curia Adriani, nunc l' Isola d' Ariano, ab Episcopo Adriensi, una cum juribus quibuscumque Regalibus ad eam pertinentibus. Itaque haec jura, utpote sibi debita, expetebat Marchio a Populo Adrianensi, eaque sigillatim enumerabat. Contra Populus multa excipiebat. Controversia ad Arbitros deducta, sententiam ii tulere, quam nunc omnibus legendam exhibeo, ut intelligant, quae tunc Principum jura, & Populorum onera forent.

**Sententia Arbitrorum electorum in controversia de Regalibus, Jurisdictione &c. Castri & Curiae Adriani inter Azonem VI. Marchionem Estensem, & ejus Patruum Bonifacium, & Commune Adriani, Anno 1198.**

**I**N Dei aeterni nomine. Anno Dominicae Nativitatis Millesimo Centesimo Nonagesimo Octavo, tempore Innocentii Electi Papae, & nemine Imperatore imperante in Italia, die III. exeunte Mense Januarii, Indictione I. Ferrariae in Episcopatu. Cum inter Dominum Azonem Estensem Marchionem, & tutorio nomine sui Patruum Domini Bonifacii filii quondam Domini Obizonis Marchionis de Este ex una parte, & Martinum de Venerando, & Johannem de Balbo, & Luglanum de Guirifio, Sindicos a Comuni Adriani in hac causa constitutos pro ipso Comuni de Adriano ex alia, sub nostrae cognitionis examine controversia verteretur, in qua praedictus Dominus Azo Marchio Estensis sub nomine proprio, & tutorio nomine sui Patruum Domini Bonifacii, a praedictis personis pro Comuni Adriani propter acquisitum, quod noviter a Domino Isacho Adriense Episcopo jure Feudi

*C* fecerat: Petebat, scilicet, omnem jurisdictionem cum Placitis, Bannis, tam super adulteriis & assaltis & seditionibus, quam super omnibus aliis, quae ad Banna pertinent: & Albergharias, quotiescumque inde transitum habuerint; & Regalia omnia, & omnia integre, sicut ad jurisdictionem pertinent: & Novalia omnia sive Xampila: & Flumina navigabilia: & quod nemo debebat in Pollicinis venari vel aucupari, sine eorum licentia, vel sui Nuntii; & si cum eorum licentia fieret, debebant habere Aprorum capita, & quarteria, & coria Cervorum. Item dicebat, omnes domos, quae sitae sunt super aggerem Castellum Adriani, & quae sunt apud Prognedum, indistincte ad eos pertinere. & pensionem earum domorum Comuni Adriani a possessoribus a triginta annis hucusque solutas, & similiter quod pro eis acquirendis datum erat Comuni Adriani, quod esse poterat centum & quinquagin-



ginta Librae Venetorum. Item dicebat, unumquemque hominem de Terra illa sibi fidelitatem contra omnem hominem facere debere, & singulis annis ibi generale Placitum facere debere, & circa Festum Sancti Martini omni anno inde habere debere tres Libras Venetorum & sex Solidos; & quotiens inde Ravennam transire vellent, homines illius loci eos illuc portare debere: & unumquemque hominem in die Sancti Stephani unum panem & duos denarios in panerio praestare debere, & septimam partem omnium anguillarum similiter sibi dare debere; & ad eos Justitias illius loci pertinere, ut per eos mensuras & pondera habeant. Et si quid de ponderibus vel pro ponderibus & mensuris exigant, suum esse debere; & eos cum honore & obedientia, quotienscumque ad Terram essent habituri accessus, eos secundum formam libellorum recipere debere: & pro exactorum extimatione ponderum & mensurarum petebat centum quinquaginta Libras Venetorum, dicens, haec omnia taliter Domino Adriense Episcopo pro Ecclesia Sancti Petri de Adria pertinuisse, & ea sibi ab eo concessa fuisse. Itemque pro domo ipsorum Marchionum ab eisdem personis pro Communi Adriae petebat Nemus Adriani, & mille Libras Venetorum pro extimatione fraudis stirpatici a triginta annis usque nunc sibi factae; & neminem in ipso Nemore debere venari vel aucupari sine eorum licentia vel sui Nuntii. Et si cum eorum licentia vel sui Nuntii facerent, Aprorum capita & quarteria & coria Cervorum sua esse debere dicebat: & quingentas Libras Venetorum pro extimatione fraudis talis Nemoris, quam eis fecerant. Et a Communi similiter duas amphoras vini peroptimi, ut in Terra illa posset inveniri, singulis annis debere habere. Et quotienscumque

A causa venandi ad Terram illam ad nemus intrare vellent, omnes homines illius loci pro voluntate eorum ad portus venire debere, & accipere personas & equos & canes & retia, intusque portare, & eos prima die suis expensis cum omnibus sociis hospitari, sequentibus autem diebus cum eis personas eorum in venando debere laborare, quoadusque ibi pro venatione illa starent; & cum exire vellent, eos similiter ad portus reducere debere allegabat. E contra praedicti Sindici Adriani pro Communi, praefatam Jurisdictionem fuisse Episcopi Adriensis, & ab eo Domino Marchioni Azoni fuisse concessam in eorum praesentia, exceptis Decimis & spiritualibus, confitebantur. Pollicinos vero & Flumina navigabilia, & si qua alia, quae ad publicaria pertinent, jure Feudi ab Episcopis sibi pertinere: & unum hominem tantum per singulas domos Adriani praedicto Marchioni jurare debere pro ipsa concessione, respondabant. Ipsumque Marchionem semel in anno debere sibi facere Placitum generale non diffitebantur: & septimam partem omnium anguillarum ipsum debere habere, & Justitias illius loci & mensuras & pondera per ipsum Episcopum Marchioni pertinere protestabantur. Cetera vero, quae praefatus Dominus Marchio per concessionem Domini Isacbi Episcopi sibi pertinere dicebat, nequaquam ad ipsum spectare proponebant, immo prorsus negabant. Praeterea vero praefati Sindici Adriani nemus petitorium non esse Marchionis, sed eum nemus se per Feudum habere ab Episcopo praedicti proponebant. Et quia Commune Adriani dare solebat praedictis Marchionibus unum pastum per singulos annos, & duas amphoras vini, & canes, equos, & retia ad illud nemus portabant, & cetera servitia, quae eis pro ipso nemore facere faciebant, non alia de

de causa hoc faciebant, nisi quia praefati Marchiones tueri & defendere praefatum nemus illis dicebant, coram nobis allegabant.

Nos Jacobus de Fontana, & Gondoldus, electi Arbitri a Domino Azoni Estense Marchione pro se & pro Bonifacio Patruo ex una parte, & a Martino de Venerando, & Johanne de Balbo, & Luglano de Guriso Sindicis pro Communi Adriani ex alia, ut cognosceremus & definiremus litem, quae inter eos vertebatur, secundum quod jus & ratio exigent, aut per amicabilem compositionem inter eos finem liti poneremus: visis & auditis rationibus, confessionibus, attestationibus, & instrumentis utriusque partis omnibus, quae ante nos sunt proposita & allegata, diligenti studio & meditatione consideratis, habitoque multorum Sapientum consilio, & partibus ad invicem inter se penam centum Librarum Imperialium, nisi nostro starent Arbitrio, compromittentibus, taliter inter eos amicali compositione laudamus & definimus. Dicimus namque, omnem Jurisdictionem Cursis Adriani in Placitis, Bannis, Ponderibus, Mensuris, & Justitiis tam super adulteriis & assaltis & redibitionibus quam super omnibus aliis, quae ad Banna spectant, & omnia integre, sicut ad Jurisdictionem pertinent, & septimam partem omnium anguillarum, & Placitum generale, secundum tempora consueta semel in anno, praefato Marchioni Azoni propter acquisitum Domini Episcopi Isachi, secundum praedictorum Sindicorum confessionem coram nobis factam, debere pertinere. De Policinis vero, Tumbis Suventinensium, Xamplis, Fluminibus navigabilibus, & de aliis, quae ad publicaria spectant, praedicto Marchioni Azoni pro se & Bonifacio Patruo suo duas partes in integrum, & Sindicis pro Communi A-

A drianam tertiam insolidum (ita tamen, ut eam tertiam partem a praedictis Marchionibus per Feudum teneant, ac ei fidelitatem faciant) assignamus. Tali vero conditione & pacto, quod si quae partium id, quod sibi pro rata contigerit, laborare voluerit, non ideo minus suam & alterius possit laborare partem; & quae pars laborare cessaverit, justum cambium ab alia parte recipere teneatur. Praeterea vero pro Domus Marchionis duas partes totius nemoris Adriani cum omnibus suis pertinentiis & lateribus, secundum quod continetur in emphyteusi & Libellis Marchionum, praefato Domino Marchioni Azoni, & jam dictis Sindicis pro Communi Adriani tertiam partem ejusdem nemoris cum suis coherentibus, ita tamen, ut illam tertiam a praedictis Marchionibus per Feudum habeant, assignamus. Pro qua tertia parte praedictos Syndicos pro Communi Adriani ipsi Marchioni per singulos annos duas amforas vini navigabilis, & unum pastum omni anno praestare debere, ipsiusque Marchionis canes, equos, & retia, & personas ad nemus praedictum ire volentes causam venandi, portare ad terram, & reducere, Marchionis expensis praecipimus, salvo rationibus omnium aliorum in praedictis locis habentium. De omnibus aliis petitionibus superius coram nobis factis perpetuum finem sub pena centum Librarum Imperialium inter eos esse jubemus. Ad haec fuerunt testes praesentes Dominus Petrus de Alberto de Adigerio, Ottolinus de Mainardis, Gerardus de Benlono, Albertus de Luxia Judex, Advocatus Judex, Mainardus Judex, Gerardus Contrarius, Ugizio de Contrariis, Gerardus de Risbicerio, Transimundus Judex, Jacobus a Parte, Jacobus Pagani, Egidius Blasii Judex, Andreas Judex, Ugolinus Notarius, Marchoaldus, Tomasinus de Contrariis.

Ego

Ego Aribertus Dei gratia sacri Palatii Notarius praesens, ut audiui & intellexi, scripsi.

Multis essem, si singula heic exposita enucleanda sumerem. Lectori quoque, ut aciem ingenii sui exerceat, derelinquendum est aliquid. Illud potius animadvertere juvat, jus *mensurarum* & *ponderum* heic memoratum, unde ad Fiscum proventus manebat, me alibi deprehendisse. Scilicet in Diplomate Conradi II. Romanorum Regis, in quo confirma-

A tum videas insigni Capitulo Canonico-  
rum Ecclesiae Primatialis Pisanae  
*Rubum de tota Civitate, ut nemo sine  
ipsorum permissione praesumat appendere  
vel librare. Mensurae genus est Ru-  
bus, & apud Insubres adhuc appella-  
tur Rubbio. Jus ergo mensurandi &  
ponderandi in publicis Mercatibus  
& Foro translatum fuerat in Cano-  
nicos Pisanos. Diploma ipsum ex  
eorundem Tabulario depromptum le-  
gendum heic cunctis exhibeo.*

Conradi II. Romanorum Regis Diploma, quo Canonicis Ecclesiae Pisanae omnia illorum jura ac Privilegia confirmat, Anno 1147.

IN nomine Sancte & individue Trinitatis. Conradus divina favente clementia Romanorum Rex Secundus. Cum nullis debeamus deesse, precipue tamen circa Ecclesias & circa Ministros earum studere debemus, quatinus ipsorum interventu sic transeamus per bona temporalia, ut non amittamus eterna. Proinde omnium fidelium nostrorum tam futurorum quam praesentium noveris industria, qualiter nos petitione & humili supplicatione Canonicorum Pisane Ecclesiae, pro remedio anime nostrae confirmavimus Pisane Ecclesiae & Canonicis ipsius possessiones ab antiquis Imperatoribus sive Regibus ejusdem Ecclesiae Canonicis datas & concessas. Ad exemplum itaque antecessorum nostrorum Domni Henrici Quarti Regis, Tertii Romanorum Imperatoris Augusti, & Domni Lotharii Tertii Romanorum Imperatoris Augusti, tradimus, concedimus & confirmamus in perpetuum Canonicis sanctae Pisanae Ecclesiae in proprietatem & possessionem Silvam, Tumulum Pisanum a faucibus veteris Sircli usque ad fauces Arni, & a Fossa Cuccii, quae est prope Fos-

C sam Caballariam usque ad mare, & tertias piscariae de Stagno: & omnia quae iuste & legaliter possident; idest Decimas, predia, domos, & familias, & Guaringagas omnes, quae eorum prodiis adherent: & omnino omnia, quae iustis modis canonice & legaliter adquisierunt & adquirere poterunt. Insuper confirmamus & largimur praefatis Canonicis centum Solidos de ripa & Rubum de tota Civitate, ut nemo sine ipsorum permissione praesumat appendere vel librare. Curtem quoque de Papiana nostra concessione, auctoritate & banni nostri confirmatione teneant, & de cetero absque alicujus contradictione libere disponant, & proprietario jure quiete possideant. Et si quid per hanc concessionem in eadem Curte adquisierint, quiete & libere possideant; ipsos & sanctae Pisanae Ecclesiae jam dictos Canonicos sub nostra tutela & defensione recipimus, itaut videlicet nulla persona magna vel parva, nullus Dux, nullus Marchio, nullus Archiepiscopus, vel Episcopus, nullus denique vel officii vel ordinis homo audeat ipsos Canonicos vel eorum res & familias inquietare,

tare, molestare, vel aliquo modo satigare, nec ad Placitum nec causam forensam, nisi in Curia nostra invitare, sed securi & absque ulla perturbatione divinis possint servitiis vacare, & pro nostri statu Imperii propensius exorare. Preterea statuimus, ut numquam temporis prescriptione predicti Canonici jura sua & possessiones perdant. Si quis autem, quod non credimus, temeraria

A presumptione hujus nostri Precepti decretum infringere temptaverit &c.

Acta sunt autem hec Ratisbono, presentibus Henrico Ratisbonensi Episcopo, Odone Frisiensi Episcopo, Alberone Exstatiensi Episcopo, Rabier-  
to Pataviensi Episcopo, Henrico Duce de Bawaria, Hermanno Palatino Comite, Friderico Ratisbonensi Advocato, Godefrido Comite de Nuurem-  
burc.

Signum Domini Cunradi



Romanorum Regis Secundi.

Ego Arnaldus Cancellarius vice Henrici Moguntini Archiepiscopi & Archicancellarii recognovi.

Anno Dominice Incarnationis MCXLVIII. Indictione VIII. Regnante Cunrado Romanorum Rege Secundo, Anno vero Regni ejus X.

Data Ratisbone in Christo feliciter. Amen.

Utilis quoque ad mores veterum dignoscendos erit Charta, quam ex Regesto MSto Cencii Camerarii a me descriptam, heic editam volo. Castrum *Priceni* (idem, ut puto, quod nunc *Proceno* appellatur apud Aquampendentem in Urbevetano agro) spectabat olim ad Tusciae Ducatum. Dux autem Tusciae Anno Christi MCXCVI. erat *Philippus Henrici Sexti Regis, & Imperatoris Quinti*, frater, qui postea Romanorum Rex in schismate electus fuit. Is ergo praecepit, ut in codicillos referrentur, quae Feuda ad Ducalem Curiam in eo Castello, ejusque agro

B pertinerent, & quae *Banna*, idest multae, inde colligerentur. Ergo Chartam, ubi complura vocabula occurrent, quorum significationem Eruditis enucleandam dimitto. Unum ego duntaxat insalutatum abire non sinam, nempe: *Castellanus Radicosani venit tunc in Priceno, & griseavit omnia bona eorum*: idest apprehendit. Purum putum verbum Germanicae Linguae habes, videlicet *Greiffen*, ita ut aliqua oborta mihi fuerit dubitatio, num pro *Guisa*, *Wisa*, & *Guisare*, de quibus vide Glossarium Latin. Du-Cangii, veteres scripserint *Grisa*, *Grisare*.

Jura Curiae Ducum Tusciae in Castro Priceno, ex praecepto  
Philippi Ducis Tusciae collecta, Anno 1196.

**I**N Dei nomine. Charta testium recipiendorum ad inveniendam veritatem jurium & rationum, atque rerum omnium, quas Curia habet vel habere debet in Castro Priceni & ejus Curte intus & extra in ejus pertinentiis, ut ad perpetuam memoriam in publicam formam redigantur.

Rolanduccius Guidotti de Castro Priceni juravit corporaliter talis sacrosanctis Evangeliiis dicere omnem veritatem, quam ipse sciret de omnibus rationibus & justitiis & rebus, quas Curia habet vel habere debet in Castro Priceni & ejus pertinentiis intus & extra. Et ea, quas sciverit, mihi Guidoni Maiori Notario patefaciet: nec a me recedet, donec redigam in scriptis omnia dicta sua. Qui Rolanduccius, postquam sic juravit, dixit suo juramento, quod Domus Abruini, & totum teximentum, quod sub Fracta est, est de Curia. Item dixit, quod duae domus, quas Zabulinus tenet, sunt de Curia pro Grasio. Item dixit quod de Feudo Anibaldi sunt duae domus juxta domum Odonis & domum Guidonis de Monaco, quae sunt de Curia. Item dixit, quod pro Presbytero Rolando sunt duae domus, una quarum est juxta domum Rosae Donati, alia est juxta domum Zavattae, quae sunt de Curia. Item pro Marcoaldo est una domus juxta domum Guidonis, & domum Johannelli de Scorta, quae est de Curia. Item domus Presbyteri Guidonis Fronzi & Cella juxta Ofreduccium & Girardum est de Curia. Item domus, quae est juxta Presbyterum Joannem & Ugolinum Donulli, est de Curia: & una domus, quae est post domum Gualterii, similiter est

**A** de Curia pro Rampo. Item dixit idem Rolanduccius, quod Vineam, quam tenebat Bartholomaeus de Janni, & Ugolinus & Guiducius & Guilia Barzana, quae est in Grotticella, ab una via usque ad aliam, est inter Vineam filiorum Anselinuli & Vineam Scarlatinam, & est de Curia pro Bacasevo, & est ad quinque vel sex zappas. Item dixit, quod Vineam, quam tenebant filii Macoaldae & Johannes de Busignano, quae est inter Vineam Saxi & Ofreduccii & ripam & viam, qua itur ad Molendinum Gualterii, est de Curia pro Rampo, & est ad duodecim zappas. Item dixit, quod Vineam, quam tenebat Scarlatinus, quae est inter Exalum, Evaconum, & Bassum, est de Curia pro Piero de Strambo, & est ad quatuor zappas. Item dixit, quod Vineam, quae fuit Spallafredae, quae est inter Scarlatinum & Boccalamam & Borrata & viam, est de Curia. Item dixit, quod Vineam, quae fuit Presbyteri Guidonis Fronzi, quae est inter Vineam Episcopi & Presbyteri Janni Fronzi & Benocasam Serojani, est de Curia, & est ad quatuor zappas. Item Vineam, quae fuit Pieri Presbyteri Dominici quam tenebat Carinzo sub Fracta juxta Abruinum, est de Curia, & est ad sex zappas. Item dixit, quod Vineam Penzaveneris sub Fracta juxta Judicem & Rodolfum Calvuli, est de Curia, & est ad duas zappas. Item dixit, quod Lardus & Guido de Montepulzano & Costam tenent a Curia Vineam sub Fracta ad Mezolanum, & sunt de Curia. Item dixit, quod Vineam, quae fuit Pricelli de Pandecornu, quam tenebat Jannuzalus & Gra-

nus

nus & Presbyter Aldibrandus, quae est inter Vineam Macaruti & Vineam Pieri Calvuli & Blanci & Benencasae Maironis & viam publicam, est de Curia & est ad octo zappas. Item dixit, quod Vineae, quae fuit Mazocli, quam habet Grumolus juxta Fontanam Interlecae, est de Curia, & est ad sex zappas. Et cohaeret eidem vineae Vineae Grasi a Pede, quae est inter vineam Penzaventris, quam habet Guido de Montepulzano, quae est inter Zabulinum & Guilielminum & filium Mejanellae & Cittadinum & Robertum.

Item dixit, quod Vineae Grasi, quam habet Zabulinus, quae est inter Grunolium & Rusticellum Pirite & Campum Saxi & Mazocli, est de Curia, & est ad duas zappas. Item dixit, quod Vineae, quae fuit Marcoaldis & Presbyteri Rolandi, quae est inter Saxum & Mazapalum & Flumen & Judicem & Rusticellum, est de Curia, & est ad duodecim zappas. Item dixit, quod Vineae quae fuit Martini Pocuserni de Flumine & de Novitina, & alia, quam tenebat Petrus Pocuserni, ab alia parte, est de Curia. Item dixit, quod Vineae, quae fuit Presbyteri Rolandi de Cotone, est de Curia, & est ad quinque zappas. Item dixit, quod duae Vineae Rampi in Aqualatula sunt de Curia. Item dixit, quod Vineae, quas tenet Guido Monaci sub Fracta, sunt de Curia, & Vineae, quae est sub Curia similiter, pro Presbytero Rolando. Item dixit, quod Campus Zabulini de Greppis est de Curia prope Zanveniro, & est inter viam Guidonis Monaci & Zuccam. Item dixit, quod Campus, quem tenet Guido Monaci pro Cavaseno de Cornu de Fracta, & omnes alii de Casenticu & de Silice & de Casaletio & de Retentiano & de Acceptorio & in Corneto & in Jove, & ubicumque est hoc, quod fuit Cavasenni pro feudo Guilielmi.

Tom. IV.

A donis Rozi, est de Curia. Item dixit, quod a Torolla & Amillalla usque ad Logium, & tendit usque ad Podiolo partitos & Cerretum Gisi, est de Curia pro Penzaventre, & est de feudo ejus. Item dicit, quod in Versure est Campus Presbyteri Rolandi, quem habet Senese, qui est de Curia. Item Campi, quos habent filii Bonaegrassae in Versuris & in Fontanello super stratam & inferius in Rota, sunt de Curia pro Rolando Neri. Item dixit, quod Campus de Fontanapoli, quem habet Senese inter Sanctum Martinum & Bonfilium, est de Curia pro Rampe. Item dicit, quod Acceptorium juxta Paleam inter Guidonem Monaci & Cruaconnum, sunt Rodia de Curia. Item dixit, quod alia Rodia de Corona Ribejeri, & Rodia Carinei & Guilielmini, & totum alium de Escleris, sunt de Curia. Item dixit, quod in Santagnella est pars feudi Boccasevi, quae est de Curia. Item dixit, quod Campus, quem habent filii Machaldae in Colle Grannu est de Rodio Curiae, quam fecit filius Guidonis Mambergae & Tosus Siliae. Item dixit, quod feudum Dolce est de Rodio Curiae, & Rodium de Rovereto similiter, & Rodium de Certeno & de Aluella sunt de Curia. Item medietas tenimenti de Fontanello est de Curia, & de alia medietate debet reddere Abbas Sancti Salvatoris Curiae Priceni annuatim viginti Solidos Denariorum, & unam Salmam Scutellarum, & unam Salmam Castanearum, & unum Portum. Item dixit, quod Campi Raynucii Rampi, qui sunt in Campi usque in Fossarum, & tenent eos filii Machaldae & Johannis, sunt de Curia. Item quod medietas Vallis de Rene & Podium Gaidi & Stefetti in Oppieta juxta Fielem, est de Curia: & Campi post Jovem pro Precello Pandecornu, quos tenet Jannutius & Presbyter Aldibrandus,

L

163  
*duo sunt de Curia. Item dixit, quod duo Campi in Fontanapoli, & unus in Valle de Fenaja, sunt de Curia pro Presbytero Rolando Senes.*

*Item dixit, quod Zabulinus tenet quemdam Campum in Rota inter Ildibranduccium Presbyteri & Benefactum & Gualterum, qui est de Curia. Item Rossellus habet alium campum in Rota, qui est filiorum Ansoaldi juxta praedictum campum. Ita juxta eundem est alius Campus Mazocli, qui sunt de Curia. Item dixit, quod Gruniolus habet pro Mazoclo alium Campum in Rota inter Ildibranduccium & filios Ansoaldi, qui est de Curia. Item dixit, quod in Beltorio juxta Benefactum & filios Englesci est Campus Ansoaldi, qui est de Curia. Item idem ipse Rolanduccius dixit suo sacramento, quod Berardus interfecit socerum suum Grafium: unde Castellanus Radicofani venit tunc in Priceno, & grifavit omnia bona eorum. Postmodum dedit Castellanus ipse hec omnia Hospitali Pontis Henrici pro septem Libris: & Hospitale dedit postea eadem bona Zabulino in libello ad pensionem duodecim Denariorum annuatim Hospitali reddendam. In iis bonis sunt Vineae in Paterno ad septem zappas, & duae vel tres domus. Item dixit, quod Rainucius Rampi vendidit Comiti Ildibrandino & Bernardino filio Ugolini omnia sua bona immobilia, scilicet Vineas in Roia, quae sunt ad sexdecim zappas, & sub Castrocluso, & terram in fossato Merdario & unam Cassam. Item dixit, quod filius Berardi & Guitonis de Rocio, de quo est domus Senesi, quia Senese est de ipsa domo, & domus Anselmi & Bertenerii & filii Orlanducci Roberti, & Aldibrandinus Drudi, & domus Bacci, & Ildibranduccius de Perise seu Orlande & Martinus cum sociis suis, scilicet Zoppo & filius Scarnapulce, & Raynal-*

164  
*164  
 A dus Guitonis, & Rainerius Oriza, & Paganellus Peraventris, qui habent Fenda a Curia, pro quibus tenentur servire Curiae ad equos & arma & de fidejussionibus. Item dixit, quod banna Curiae sunt haec. Quicumque descenderet per Ripam pro causa focis, vel lupi, vel latrone, debet dare tres Solidos Curiae: de mondecis viarum tres Solidos. Item de omni porco & salma vini unum denarium ad Portam, si est forensis. Item dicit, quod a Sancta Maria de Martio usque ad Sanctam Mariam de Augusto non debet aliquis in flumine piscare ad guadam nec ad stertam. Et si quis contra faciet, dabit tres Solidos Curiae. Item si in Bumino a Torolla usque ad Campum Anselmi aliquis dirojaret, perdet Rodium, & tres Solidos dabit Curiae, nisi esset Sepebandese Venatorum. Item si quis incideret in Silva Vallis Herminae, tres Solidos dabit Curiae, nisi pro punguleno, vel virga coriati vel ritorta. Item de gottata quinque Solidos Curiae. Item si quis insultaret contra alium, a flumine superius & a Cannapina in susum & a Cava Estrieti, scilicet manu armata, solvet Curiae pro banno sexaginta Solidos. Item dixit, quod qui suo ictu vel percussione sanguinem effundi fecerit alicui, solvet sexaginta Solidos Curiae pro banno. Item dixit, quod Rodia & Silva Ripetosi sunt de Curia. Item dixit, quod si quis venderet bladum a Sancta Maria de Augusto usque ad Kalendas Martii forensi, qui foras ipsum portaret, dabit tres Solidos Curiae. Item dixit, quod remimenta, quae sunt sub Fracta, sunt proprie de Curia.*

*Stefulus de Castro Priceni juravit corporaliter tactis sacrosanctis Evangeliiis, dicere veritatem de praedictis omnibus, sicut Rolanduccius testis primus supradictus. Qui suo juramento dixit eadem*

eadem omnia per singula capitula, quae dictus Rolanduccius Guidotti superius dixit. Et addidit & dixit, quod Feudum Pezanventris, & Orlandi Neronis & Ansoaldi sunt Curiae, qui sine hereditibus mortui sunt. Et dixit, quod pater Ezali Ervaconni debebat canes Curiae ducere ad evacuandum pro suo Feudo, quod a Curia tenebat.

Jannuccius de Priceno juravit corporaliter tactis sacrosanctis Evangeliiis dicere omnem veritatem, quam sciverit de praedictis omnibus, sicut Rolanduccius supradictus primus testis. Qui postmodum suo juramento dixit idem per omnia capitula, quae Rolanduccius Guidotti primus testis. Et addidit & dixit, quod Zabulinus emit ab Hospitale bona, quae fuerunt Grafii & Berardi contra prohibitionem suam, quia eo tempore erat hic testis, Nuntius, & Castaldus Curiae, & ex parte Curiae prohibuit Zabulino ne emeret, quia illa bona erant de Curia. Item addidit & dixit super facto Rainutii Rampi, quod Comes Bernardinus vendidit pro centum Libris veterum Denariorum omnia sua bona & jura, quae habebat in Castro Priceni, Archiepiscopo ementi pro Imperio, quia ipse tunc Legatus Imperatoris erat in Italia. Item dixit, quod omnia, quae fuerunt Presbyteri Rotandi habet Senese. Item de Feudis addidit & dixit, quod Boccasevu & Pierus Strambi & Pierus Presbyteri Dominici, & Rolandus Neri habuerunt similiter feuda a Curia, sicut alii supradicti. Et addidit & dixit, quod ex praecepto Curiae fuit, quod nemo auderet vendere vel alienare aliquid de praedictis Feudis, & qui emeret, amitteret. Item addidit & dixit, quod Filii Presbyteri Dominici vendiderunt Vineas & Terras de Feudo suo Carincio, & dixit, quod fere omnes venderunt de feudis eorum, quidam plus

A quidam minus. Item addidit & dixit, quod medietas Vallis Viceni est de Curia Priceni, & Nemus & Podium Petri Aluellaes similiter, & Collis Rotundus. De aliis dixit idem, quod Stefulus.

B Zabulinus de Priceno juravit, sicut alii supradicti testes. Qui suo juramento dixit idem per omnia, quae Rolanduccius primus testis. Post quod dixit, quod ipse pro decem Libris emit bona Grafii ab Hospitale ad pensionem duodecim Denariorum sibi annuatim reddendam. Et audivit a Socero suo & aliis quibusdam, quod nemo audet vendere aliquid de Feudis suis. Et addidit, & dixit, quod filii Anselmuli & filii Bonegrassae & Martini habent de Feudo Orlandi Neronis & Episcopus habet medietatem Feudi Danscaldi & Canonici de Soana habent aliam medietatem.

C Recepti sunt supradicti testes de mandato Domini Marsilii Castellani Radicesani pro Domino Philippo Tusciae Duce & fratre Domini Henrici Dei gratia Romanorum Imperatoris, & eodem Castellano praesente, & de consensu & voluntate hominum Castri Priceni. Et postquam recepti fuere, eorum dicta in scripta redacta, praedictos testes seu attestantes ego jam dictus Guido Notarius de mandato praedicti Castellani & voluntate hominum Priceni, eisdemque praesentibus legi & publicavi, & eorum dicta expressius notificavi in Ecclesia Sancti Angeli praedicti Castri, coram Saxo de Priceno & Gualtero ejus fratre, Osfreduccio, Willielmo..... Senese, & Presbytero Aldibrando, & aliis pluribus testibus ad hoc vocatis. Et praedicti testes, qui testificati sunt, praesentes interfuerunt, & haec omnia intellexerunt, Anno Domini Millesimo Centesimo Nonagesimo Sexto, Indictione XV. Mense Augusti



III. Kalendas Septembris, imperante serenissimo Henrico VI. Romanorum Imperatore.

Et ego Guido Maizi, sacri Palatii Notarius, ut supra legitur, praedictos testes recepi, & scripsi, & ad perpetuam memoriam de mandato jam dicti Castellani & voluntate hominum Princini in publicam formam redegi.

Sed praeter consueta onera ac tributa Regi debita, quae ab Exactoribus Reipublicae colligebantur, & praeter illa, quae etiam Ducibus, Marchionibus, & Comitibus persolvenda erant, non defuere olim incommoda alia ab ipsis Reipublicae Ministris Populo inlata. Nam & ipsi sub colore ac nomine Consuetudinis, sive Doni, aut Solatii, ut aiebant, gentem subjectam nimis ultra aequum gravabant. Interdum quidem obstabant boni Principes, publicisque etiam legibus ejusmodi pestem avertebant: sed non tam facile pravae consuetudines edomari ac vinci se sinunt. Eo autem processerat, imperante Carolo Magno, publicorum hujusmodi helluonum intemperantia, ut rustica gens, Servi praecipue ac Aldiones, nimii oneris impatientes, fugam caelum mitius quaerent, atque agros incultos relinquerent. Intercessit inclyti Augusti providentia, promulgata Lege 121. inter Langobardicas, quam integram repetere argumenti hujus interest. *Audivimus*, inquit, *quod Juniores* (idest familiares) *Comitum*, vel aliqui *Ministri Reipublicae*, sive etiam nonnulli fortiores *Vassi Comitum*, aliquam *redhibitionem* (idest ut nos dicimus, *contribuzione*) vel *collectionem* (nunc *Colta*) quidam per *pastum*, quidam etiam sine *pasto*, quasi deprecando, a *Populo* exigere soleant. Similiter quoque *opera*, *collectiones frugum*, *arare*,

A *feminare*, *runcare*, *carrucare*, vel cetera his similia a *Populo* per easdem vel alias machinationes exigere consueverunt, non tantum ab Ecclesiasticis, sed a reliquo *Populo* exigebant. Quae omnia nobis ab omni *Populo* juste removenda esse videntur. Quia in quibusdam locis in tantum inde *Populus* oppressus est, ut multi ferre non valentes, per fugam a *Dominis* vel a *Patronis* suis lapsi sunt, & terrae ipsae in solitudinem redactae sunt. Potentioribus autem vel ditioribus, ex spontanea tamen voluntate, vel mutua dilectione volentibus solatia (idest jentacula & convivia) praestare invicem minime prohibemus. Cum moribus temporum nostrorum haec sunt conferenda. Est & Epistola ejusdem Caroli Magni ad Pipinum Italiae Regem filium suum a me recusa, Part. II. Tomi I. Rer. Italicarum, pag. 112. in qua optimus ille Augustus se accepisse ait, quod aliqui *Duces*, & eorum *Juniores*, *Gastaldii*, *Vicarii*, & *Centenarii*, seu reliqui *Ministeriales*, *Falconarii*, *Venatores*, &c. mansionatica & paravenda accipiant non solum super liberos homines, sed etiam in Ecclesias, &c. Insuper homines atque fervientes Ecclesiarum in eorum opera, idest in vineis, & campis, seu pratis, nec non & in eorum aedificiis illos faciant operari: & carnaticum & vinum contra omnem justitiam ab eis exactare non cessent, &c. Haec omnia omnino emendanda & corrigenda Carolus jubet. In lege superius adlata atque in hac Epistola, *Angariae* potissimum recensentur, quibus vexabantur Servi ac Aldiones Ecclesiarum. Sed ne Liberos quidem homines ab hujusmodi flagello immunes abiisse inde intelligimus. Hoc tamen luculentius hauriemus ex Legge XXXII. Ludovici II. Augusti, per me addita Legibus Langobardicis.

cis. In ea sancitum est: Ut *Liberi homines nullum obsequium Comitibus faciant, nec Vicariis, neque in pasto, neque in messe, neque in aratura, neque in vinea. Et Conjectum* (idem atque *Contribuzione*) vel *residium* (idest, ut suspicor, pecunia, quae pro *residencia* exigebatur) non solvant, exceptis *Arihannatoribus* vel *Missaticis*, qui *legationem* ducunt. Pergebant nihilominus *Comites* alique *Regum Ministri*, impotenter agere in *Populum* suae curae commissum; quare suum quoque duxit *Guido Imperator* circiter *Annum DCCCXCII.* grassanti morbo adhibere *medicinam*, promulgata *Lege 3.* inter *Langobardicas*, cujus haec sunt verba: *Nemo*

A *Comes, neque Loco positus* (idest *Vicecomes*) neque *Sculdascius* ab *Arimannis* suis (hoc est ab hominibus *Liberis*) aliquid per vim exigant, praeter quod constitutum *Legibus* est. Sed neque per suam *foriam* in *mansionem* (nunc *magione*) *Erimanni* applicet, aut *placitum* teneat, aut aliquam violentiam faciat &c. En quibus *Angariis* obnoxii essent eorum temporum *Populi*. *Inconsuetae occasiones*, quarum mentio infra occurret in *Diplomate Chonradi II. Italiae Regis*, nihil aliud fuere, nisi *Angariae* hujusmodi a *Legibus* prohibita. Chartam accipe, quam autographam vidi in insigni *Monasterio* sacrarum *Virginum Lucensium Sanctae Justinae*.

Chonradi II. Italiae Regis ac Primi inter Augustos Praeceptum, per quod *Monasterio Sanctimonialium Lucensium Domini Salvatoris* omnia illarum jura ac privilegia confirmat, Anno 1027.

I N nomine omnipotentis Dei. Chonradus eterni munere largitoris Rex. Si aliquid locis divino cultui mancipatis largitatis nostrae munere conferimus, vel collata confirmamus, ad eterne retributionis premia nobis prodesse nequaquam diffidimus. Omnium igitur Sanctae Dei Ecclesiae nostrorum presentium atque futurorum notitiae pateat, qualiter interventu dilectae Conjugis nostrae Gislac, per hanc nostri Praecepti paginam, prout juste & legaliter possumus, confirmamus & corroboramus *Monasterio Domini Salvatoris*, quod est infra muros Urbis *Luciae* constructum, & ejusdem loci *Abbatissae*, quae vocatur *Alperga*, cunctisque *Monachabus Domino ibi famulantibus* . . . . . ejus res & proprietates tam quas nunc habet, quam in posterum habuerit, cum terris cultis & incultis, vineis, pratis, pascuis, silvis, piscationibus, servis & ancillis,

C aquis aquarumque decursibus, molendinis, omnemque substantiam, quam *Locus* idem videtur habere. Statuimus etiam, ut abhinc in posterum quicquid praefato *Monasterio* per  *donationem religiosorum virorum, seu devotatum seminarum* collatum extiterit, sub nostri confirmatione Praecepti. Volumus etiam ut praedictum *Monasterium* nostris & futuris temporibus, una cum omnibus rebus atque familiis immune consistat ab omni publica functione & redhibitione. Et si quando *Abbatissa* obierit, de eisdem ipsis eligant, quam bonae vitae invenerint. Precipimus autem ut nullus *Judex publicus*, vel ex *judiciaria potestate* aliqua infra illud *Monasterium* seu *Ecclesias, Villas*, aut reliquas possessiones, quas nunc habet, vel in antea adquisierit, mansionaticum exigere, aut *fidejussores* tollere, aut homines ipsius *Monasterii* tam ingenuos, quam servos injuste

*juste distringere, aut inconluetas oc-  
casiones requirendo, eum ingredi prae-  
sumat. Sed liceat memoratae Abbatif-  
sae, seu & bis, quae post eam ejusdem  
Monasterii regimen habuerint, cum an-  
cillis Dei ibi degentibus tranquille vi-  
vere, & Monasticae conversationis pro-  
positum quiete servare, ac pro salute no-  
stra, seu Regni stabilitate Dei miseri-*

*A cordiam implorare. Si quis igitur hujus  
Precepti (quod non credimus) violator  
extiterit, auri optimi Libras mille se  
composiurum agnoscat, medietatem Cam-  
merae nostrae, & medietatem predictae  
Alpergae Abbatissae, sibiue succedenti-  
bus. Quod ut verius credatur & dili-  
gentius observetur, manu propria robo-  
rantes Sigillo nostro jussimus insigniri.*

*Signum Domni Chvonradi*



*serenissimi Regis.*

*Locus Sigilli \* cerei deperditi.*

*Hugo Cancellarius vice Domni Ariboni Archiepiscopi & Archicancellarii recognovit.*

*Datum Anno Dominicae Incarnationis MXXVII. Inditione IX. Regni vero Dom-  
ni Chvonradi Secundi regnantis II.*

*Actum Veronae.*

*Praeterea Toltae & mali usus in-  
terdum appellantur ejusmodi consue-  
tudines & exactiones praeter legem,  
immo & contra legem. Quare in-  
telligas, cur cadente Saeculo IX. Be-  
rengarius I. Italiae Rex Monasterio  
Tarvisino inter alia Privilegia hoc  
etiam indulserit, ut nulla magna par-  
vaeque persona deinceps audeat in rebus  
jam dicti Monasterii residentes, ad Pla-  
cita trahere absque eorum Patrono; di-  
stringere vel pignerare; aut teloneum ac  
redhibitionem aliquam, seu Urnas, atque  
Mutas, vel ullas Collectas ab eis, vel  
a predicto Monasterio pertentare, &c.  
Telonei genus Muta fuit, cujus e-  
xempla adfert Du-Cangius in Glossar.  
Latino. Urna in Salisburgensi Dioe-  
cesi appellabatur mensura liquidorum,*

*B atque heic proinde significare vide-  
tur tributum Mensurarum supra me-  
moratum. Diploma istud archerypum  
mihi olim visum in Tabulario in-  
signis Monasterii Sancti Zenonis Ve-  
ronensis, ereptum heic tenebris vo-  
lo: sed prius Lectore monito, im-  
apographo, quod mecum detuli, si-  
gnatum fuisse Annum Incarnationis Do-  
mini nostri Jesu Christi DCCCXCVI.  
C quod immutare tamen ausus non sum.  
Sed certe scribendum est, & in au-  
tographo scriptum fuerit Anno DCCC-  
XCVII. Hunc enim Annum exposcit  
Indictio XV. immo & Annus IX. Re-  
gni Berengarii, qui longe post Idus  
Januarii Anno DCCCLXXXVIII. I-  
taliae Rex renuntiatus, Annos Re-  
gni numerare coepit.*

*Beren-*

Berengarius I. Italiae Rex Monasterium Tarvisinum Sanctorum Petri & Theonesti subiectum Monasterio Veronensi Sancti Zenonis, Mundiburdio suo, aliisque exemptionibus ac Privilegiis donat, Anno 897.

**I**N nomine Sanctae & individuae Trinitatis. Berengarius divina favente clementia Rex. Si sanctarum Ecclesiarum opportunitatibus Regalis pietas subvenire non abnegat, & eas sua tuitione gubernare procurat atque defendere, a summo ac pio protectore Christo ipsam in cunctis juvari, nulli prorsus constat esse ambiguum. Noveris igitur omnium fidelium sanctae Dei Ecclesiae, nostrorumque, praesentium scilicet ac futurorum industria, ob amorem Dei, sanctique Zenonis Confessoris Christi atque Pontificis, Monasterium novum, situm in Comitatu Tarvisiano, quod dicitur constructum in honore Sancti Petri ac Sancti Theonisti, pertinens de Monasterio Sancti Zenonis sanctae Ecclesiae Veronensis, cum omnibus suis juris pertinentiis, ac adjacentiis in integrum, sub mundiburdi nostri tuitionem atque defensionem funditus recepisse, sub ea videlicet emunitate, quae a Praedecessoribus nostris ac nobis in predictum Sancti Zenonis Cenobium aemissae atque largita, absque omni censu ac redibitione, seu publicorum Exactorum molestia ac violentia hominum cunctorum remota. Ea scilicet ratione, ut nulla magna parvaeque persona deinceps audeat homines in rebus jam dicti Monasterii residentes ad Placita trahere absque eorum Patrono, distringere vel pignerare, aut teloneum ac redibitionem aliquam, seu Urnas, atque Mutas, vel ulla Collectas ab eis, vel a predicto Monasterio pertemptare ullo ingenio e-

**A** xigere; vel quicquam quod injustum aut contra legem, aut contra juris rationem in Massarios, silvas, campos, salebras, aquas, aquarumque decursus, homines liberos ac servos agere, ac inferre nitatur. Sed liceat in predicto sancto Loco famulantibus pro nobis Regni nostri statu ac subole nostra orare, & quieto ac tranquillo pacis jure supplicationes effundere ad ipsum, cui cuncta sanctarum pertinent Ecclesiarum. **B** Largimur etiam in predicto sancto Cenobio beati Zenonis & Sanctorum Petri & Theonisti, ut quicumque ex bonorum hominum suas res largiti per quasunque titulum donationis, offerfionis, seu vindictionis Cartolas emiserint, libere & absolute predictae res permaneant. **C** Insuper concedimus per hoc nostrae munificentiae Preceptum omnem redditum, quod annualiter homines Calinianenses ad partem ipsius Cenobii reddere debent, secundum diffinitionis calculum, quod tempore Domni divinae memoriae Hlotharii Imperatoris diffinitum fuit, ut ita adimpleant absque omni minoratione vel contradictione alicujus hominum. Si quis **D** contra hanc nostrae largitionis tuitionem insurgere vel ex predictis omnibus molestiam inferre temptaverit, sciat se compositurum XXX. Libras auri obrizi, medietatem Camerae nostrae, & medietatem predictis Sanctorum Cenobiis, cui fuerint illatas injurias. Et ut verius credatur, diligentiusque ab omnibus ilesum & inconvulsam observetur, manu propria firmavimus, & anulo nostro **E** jussimus insigniri.

Signum

Signum Domni

B<sup>S</sup>NE

Berengarii gloriosissimi Regis.



*Vitalis Cancellarius jussu Regis recognovi & subscripsi.*

*Data VIII. Idus Januarii, Anno Incarnationis Domini nostri Jesu Christi DCCC-XCVI. (\*) Anno verò Regni Domni Berengarii gloriosissimi Regis IX. per Indictionem XV.*

*Actum Episcopo Cenedensi, in Dei nomine feliciter. Amen.*

Praecipue verò in Civitatibus Italiae liberis usus increvit *Boatiae*, quae *Vota* (corrupte, ut puto) appellatur in Epistola Innocentii III. Papae ad Archiepiscopum Compostellanum Lib. 2. Epist. 139. atque ibi dicitur *Census*, qui *Vota* dicitur, quem Hispanorum Catholici Reges ex singulis boum paribus annuatim persolvendum statuerunt. Neque recens inventum fuit. Anno MLIX. ut est in Cardinalis Baronii Annalibus, quum Robertus Guiscardus pro Apulia & Calabria ad Vassallagium ac Censum Nicolao II. Summo Ponti-

A | fici sese obstrinxisset, inter alia pollicitus est, se annualiter pro unoquoque jugo boum pensionem, scilicet duodecim denarios Papiensis monetae. persoluturum Beato Petro, & Nicolao Papae Domino suo. *Rugadicum* appellatum videtur ejusmodi tributum in Charta Reipublicae Derthonensis Anno MCLXXXIII. (siquidem vitiata non sit apud Ughellium vox illa, nempe, *Rugadicum* est duo Soldi de unoquoque pari boum.) *Boatiae* autem aperta mentio est in Charta, quam ex Regesto pervetusto Communicatis Mutinae depromi.

Qualiter

(\*) Scribendum, ut supra monui, DCCCXCVII.

Qualiter Homines de Abbatia de Fraxinorio in omni anno  
jurant sequi Consules Mutinae. Anno 1173.

**I**N Christi nomine. Anno a Nativitate ejusdem MCLXXIII. Indictione VI. Sacramentum quod Homines Abbatie me Blaxio Notario, & Domino Bernardo Malvezo Consule Mutine, & Rolando Bajamontis, & Dono Brocardo, Uguolino, & Cassino, ac postea Domino Martello, Domino Johanne Bonifacii, & aliis presentibus fecerunt, tale est. „ Ego juro salvare & defendere Homines Mutinae, & eorum bona ubicumque pro posse semper, & omni anno dare Boatiam Mutinae sex Denarios Lucanos pro unoquoque pari boum, quos habebo: & omni anno jurare sequi Consules Mutine, postquam ab eis, vel ab eorum Miffo requisitus fuero, sicuti Homines Mutine. Et facere ostem ad voluntatem Consulium Mutine, qui nunc sunt, vel erunt in antea, & nunc eos sequi juro, exceptis Militibus Castaldionibus, quousque erunt Castaldiones, scilicet Tasinus, Rainerius & Manganelus; & Castellanis, qui cotidie habitant in Castris sine fraude, quamdiu habitantiam suprascripto modo fecerint, nichil aliud nisi solummodo suprascriptam Boatiam excipientes. Qui primi juraverunt, hi sunt: Tassinus, Pustecus de Rubiano, Gandulfinus de Saluto, Ildeprandinus de Lama & Horabona frater ejus, Henrigetus, Odo, Drudolus, Tuesendus, Gandulfinus de Lama, Ildeprandinus de Guizago, Janellus de Analdo, Gerardus de Clofca, Ugulinus de Sechaseno, Jambonus de Guitta, Ramondinus de Adele, Gualandus de Saltino, & Gerardus de Saltino, Gostizus, Ildeprandinus de Monte, Guizardus Granni & Ribaldus fratres, Frodulfus, Raimondus de Valle, Raimondus de Sclosca, qui excepit Boatiam; Ildeprandus, Oldemerius, Carlitus, Gandulfinus, Batalia, Bernardus, Petrus de Albano, Rainaldus, Andrianus, Petricinus, Basus, & Frodulfus. De Cornilio vero Stephanus de Molino, Ildeprandus de Prato, Codiponte, Sigefredus, Paxinus, Pizolus, Pupus & Johannes pater eorum, Stephanus, Johannes de Valle, Gandulfinus, Muscus, Bugnolus, Wervetus, Marcignonus, Ramixinus, Johannes Drugini, Guidonus, Gerardus. De Laguxolo Ildeprandus & Robertus. De Monte Stephano Tizonus, Guasconus, Rainaldus, Baixius, Manente, & Rainerius Castaldio, qui juravit ut Taxinus. De Amogno Toxius, Rolandus, & Bonatus. De Ceretulo Janinus & Albertinus consanguineus ejus, Arduinus, Horabona, Armaninus, Lambertus, & Guizardinus. De Suziano Berne, Ugolinus, Uliverius, Belentius, Bertemondus, Martinus, Albertinus, Raimondinus, Baroncinus, Arditio de Costregnano, Gerardus & Nigrellus, Dominigus, Borleginus, Corrigellus, Blancus, Engezellus, Ugulinus, Janinus, Rolandinus, Guido, Rodulfus, Spinenbecus, Cursolus, Gerardinus de Baroncino, Rainuzolus, Daibertinus & Ubertinus. De Savonerio Arduinus, Petrus, Johannes de Ursis, Jambonus, Petrus, Allegrettus, Azolinus, Grimaldus, Martinellus, Azo Gofserius, Azo Ferrarius, Albertus, Azolinus, Guirixius, Brutus & Johannes. De Massa Albertinus, Stephanus, Dominicus,

Tom. IV.

**A** rardus de Saltino, Gostizus, Ildeprandinus de Monte, Guizardus Granni & Ribaldus fratres, Frodulfus, Raimondus de Valle, Raimondus de Sclosca, qui excepit Boatiam; Ildeprandus, Oldemerius, Carlitus, Gandulfinus, Batalia, Bernardus, Petrus de Albano, Rainaldus, Andrianus, Petricinus, Basus, & Frodulfus. De Cornilio vero Stephanus de Molino, Ildeprandus de Prato, Codiponte, Sigefredus, Paxinus, Pizolus, Pupus & Johannes pater eorum, Stephanus, Johannes de Valle, Gandulfinus, Muscus, Bugnolus, Wervetus, Marcignonus, Ramixinus, Johannes Drugini, Guidonus, Gerardus. De Laguxolo Ildeprandus & Robertus. De Monte Stephano Tizonus, Guasconus, Rainaldus, Baixius, Manente, & Rainerius Castaldio, qui juravit ut Taxinus. De Amogno Toxius, Rolandus, & Bonatus. De Ceretulo Janinus & Albertinus consanguineus ejus, Arduinus, Horabona, Armaninus, Lambertus, & Guizardinus. De Suziano Berne, Ugolinus, Uliverius, Belentius, Bertemondus, Martinus, Albertinus, Raimondinus, Baroncinus, Arditio de Costregnano, Gerardus & Nigrellus, Dominigus, Borleginus, Corrigellus, Blancus, Engezellus, Ugulinus, Janinus, Rolandinus, Guido, Rodulfus, Spinenbecus, Cursolus, Gerardinus de Baroncino, Rainuzolus, Daibertinus & Ubertinus. De Savonerio Arduinus, Petrus, Johannes de Ursis, Jambonus, Petrus, Allegrettus, Azolinus, Grimaldus, Martinellus, Azo Gofserius, Azo Ferrarius, Albertus, Azolinus, Guirixius, Brutus & Johannes. De Massa Albertinus, Stephanus, Dominicus,

M

cus,

cus, Ugulinus de Gallo, Gerardus de Pochapalea, Ubertinus Maginus, Ugulinus Bernardi, Bonardus, Gerardinus de Montali, Abandonatus, Botonus & filius ejus Cenxapanis, Guidoſtus de Pocapalea, Gandulfus Bernardi, Pacificus, Petrus Bernardi, Rainucinus de Cifina, Johannes Trecifelonus, Andreas Guidoſtus, Ildeprandus, Arardus, Martinus, Paſſus, Odo, Bezo, Petruccius, Oddo, Henginulfus & Montexinus. De Caſula Bonenſegna & Raimondus ejus filius, Pildericcius, Andreas de Planoxinis, & Guilielmus ejus filius, Ptolomeus, Gandulfus de Rio, Martinellus, Petronus, Wiarius, Petrocinus, Albertinus, Gerardus, Pizolus, Albertinellus, Robertus, Gerardus, Martinus, Janittus, Gerardus de Andrea, Ugulinus, & Johannes, Gerardus de Martinella, Johannes de Petrizolo, Arardus Ferrarius, Preite, Albertus de Buto, Oddo, Johannes Fredulfinus, Johannes de Guinizello, Livaldus, Girardus de Ferrariis, & Albertus de Ferrariis, Waxolinus, Petricinus, Bonusjohannes, Rainunculus, Martinus, Senzanome, Girardinus de Toano, Guidoſtus, Girardinus Guiducci & Rubens.

De Medula Manganellus Caſtaldio, Galioſtus, Aiguus, Guizardus, Rolandus, Malpelus, Waxettus, Piillittus, Paracharus, Guvifiſus, Altonus, Campbus, Pizollomus, Vivianus, Lagus, Janiſcus, Grecus, Guizardus de Sevali, Ugulinus de Pallagnna, Wirifiſus de Sevali, Odo de Auritta, Robertus, Engixettus, Lupus, Janinus, Candus, Ugulinus, Raimondus, Ildeprandus, Trucolus, Ricius de Sera de Migno, Tuſcus Mazolinus, Romanus, Bellen-  
cinus, Guidoſtus, Gualdonus, Geminianus, Brancolus, Tignofus, Marus, Zanſerus, Aurilocus, Petrizolus, Gerardus, Gotifredus, Aldradellus, Pilleus de Sevali, Marolus, Ildeprandinus, Ar-

A manus, Ricius, Guilielmus, Bernardus, Petrus, Indivinus, Bojonus, Arduinus, Engixettus, Guirixius, Eugnetus, Petrettus, Urfellus, Ugulinus, Ribaldus, Bernardinus, Ildeprandinus de Sevali, Rainerius Magnanus, Janellus, Ildeprandinus, Grimaldellus, Girardus de Bocaxono, Urfellus, Sevari-  
nus, Bernardus de Auritta, Bonusvicinus, Petricinus, Gualfredus, Bajamon-  
te, Arnulfinus, Johannes, Bernardus, Petrus, Janellus, & Arduinus de Caſa de Moretis. De Saſſedella Conradus, Albertus, Oddo, Gerardus, Ugutio, Marus, Prandus, Pizus Fulcberius, Bojonus, Stephanus, Ubalinus, Aliotus, Macagnonus, Bernardinus de Sera de Migno, Petricinus, Michaël, Gwaſtavinus de Aviſſa, Ugolinus de Cademoreno, Belencinus, Rolandinus, Inginulfus, Spinellus, Gandulfus, Urfitus, Tenzolinus, Bulgarus, Bernardinus, & Pallucius de Cademoreno, Engicinus & Balandus. De Naredulo Urfus, Albertinus, Gibertus, Michaël Albertonus, Ildeprandus, Buſcus, Ildiprandus. De Farnetulo Vivianus, Tapinus, Albertus, Gandulfus de Vitriola, Decanus. De Palagana Janellus de Valle, Martinus, Ptolomeus, David, Noë, Janellus de Bontis, Pulligus, Balbus, Janinus, Petrocinus, Guizardus, Coqus, Stephanus, Janellus, Ubertinus, Albertinus, Vitalis, Stephaninus Folitus, Manſfredus, Petrizolus, Martinuccius, Janellus, Engenxellus, Bondus, Janittus, Odilinus, Laurentius, Engicinus, Ubalinus, Lanfranchinus, Zucus, Guirexitus, Dominicus, Johannes, Petrizolus, Arduinus, Gibertinus, Andreas, Albertinus, Petrus, Biccitus, Petrizolus, Lucianus, Hondus, Pellatus, Martinus, Rolandus, Girardinus de Monte, Grimaldus, Hengerellus, Abientus, Rozus, Guirifiſus, Bonusſenior, Albertus de Profundis, Segnoretus, Janinus & Rai-

Rainuccinus. De Carezetula Villa Ar-  
 cibivolti Janellus, Bonus Johannes, Bosus,  
 Martinus, Ildeprandinus, Arduinus, A-  
 liozus, Rolandus, Sullimanus, Caffona-  
 tus, Gibertus, Johannes, Lanfrancus,  
 Ugulinus, Gandulfus, Jacobinus, Johan-  
 nes, Fiulomalus, Bernardinus, & Ber-  
 nardinus Baxalvove. De Vidriola Mo-  
 nachus, Clerigellus, Cazaguera, Gui-  
 zardus, Gilius, Ugulinus, Arcivixius,  
 Benjamin Veculus & Cazaguera, Engi-  
 zinus, Bottus, Engezettus de Gafdia,  
 & Engezettus, Albertinus, Guidolinus,  
 Munarius, Ildeprandinus, Garulius, Pe-  
 tricinus, Janinus, Pizolus, Gerarducius,  
 Gerardinus, Albertinellus, Nitonus, Ru-  
 beus, Janinus, Rubeus, Belco, Luscus,  
 Oprandinus, Ugitio, Rascarius, Gan-  
 dulfinus, Rainerius, Petrus, Mistifo-  
 cus, Janinus, Vitalis, Albertinus de  
 Pugnone, & Bertomondus. De Fraxi-  
 norii Burgo Buterius, Gottifredus, Man-  
 fredus, Bernardus, Sinibaldus, Rufus,  
 Guirixius, Tedibonus, Gotesfredus, Gui-  
 doctus, Bernardus, Cavalcalupus, Den-  
 te, Horabona, Geminianus, Vincentius,  
 Stephaninus, Ildeprandus, Rolandus,  
 Guizardinus, Petricinus, Petrus, Cari-  
 tas, Niger, Mercadente, Johannes, Mon-  
 dinus, Gerardus, Pizolus, Arditio, Pit-  
 tetus, Turcius, Rainuccinus, Clerigel-  
 lus, Gandulfinus, Bernardus Bajamon-  
 te, Guido, Blancus, Ambroxius, Ben-  
 nus, Folia, Bonifacius, Pistor, Gui-  
 doctus, & Guidoctus, & Gandulfinus.  
 De Arcivolto Castellani Corvulus, Rai-  
 mondinus, Castaldio, Cervus, Zaffari-  
 nus, Guido, Daniel, Rainuccinus, Bo-  
 ratius, Petrus, Parasaccus, Oliverius,  
 Odo, Guiscardus, Tunsus, Oddolus, qui  
 non sunt Castellani, Junius. De Run-  
 cho Sigisfredi Grugnolus, Ildeprandus,  
 Richardus, Belfante, Manente, Bru-  
 guetus & Boniolus. De Runcho Sigi-  
 fredus, qui non sunt Castellani, Ildepran-  
 dus & Bernardinus frater ejus. Homi-

A nes Archipresbyteri de Rubiano Ugoli-  
 nus de Rubiano, Gandulfus de Gorza-  
 to, Ildeprandus de Carezeculo, Janinus  
 de Laguxolo, Albertinus de Laguxolo,  
 Horabona, Rustigellus, Guirixius, Ja-  
 ninus, Rodulfus & Janinus.

B Ego Blaxius Imperialis Sacri Palatii  
 Notarius interfui, & superscriptos ho-  
 mines universos sacramentum facientes, ut  
 supra legitur, scripsi.

C Ad haec non minus antiquis quam  
 nostris temporibus, extraordinariis tri-  
 butis & exactionibus Populi preme-  
 bantur, praesertim si belli sustinendi  
 aut inferendi necessitas ingruerat. Ac  
 praecipue in Vassallos ejusmodi pro-  
 cella sese exonerabat, a quibus Prin-  
 cipes Auxilia (ita enim appellari con-  
 sueverunt) facile petebant, sive Do-  
 na gratuita, & Mutua (Preste & Pre-  
 stanze ab Italis vocabantur) quorum  
 adhuc nomen honestum, at rem gra-  
 vem nonnulli Populi norunt & sen-  
 tiunt. Sive ergo bellum instaret, si-  
 ve uxor Principi, ejusve filio ducen-  
 da foret; aut collocandae filiae, aut  
 cingulum Militare conferendum Do-  
 mino, illiusve filiis ac fratribus; aut  
 Civitas, aliudve Castrum munien-  
 dum, ut ceteras praeteream causas,  
 quarum foecunda est semperque erit  
 ambitio, avaritia, & necessitas: Au-  
 xilia ab universo Populo, interdum  
 verò ab unis Vassallis petebantur at-  
 que exigebantur, non secus atque  
 tributa. Mutua & Dacias, quibus  
 Patavinus Populus lacerabatur, saepe  
 a Cortusiis in Historia commemora-  
 ri videas, uti & Prestantias a Mat-  
 thaeo Villanio. In Antiquitat. E-  
 stens. Par. I. Cap. 3. Guillelmi A-  
 puli versus attuli, quibus testatur,  
 Robertum Guiscardum celeberrimum  
 Apuliae & Calabriae Ducem Anno  
 MLXXVI aut sequenti, quum filiam  
 suam Hugoni filio Azonis inclyti



Marchionis Estensis conjugem daret, a Comitibus ac Proceribus suis *Donna* petiisse :

- - - *lacti quibus & vir & uxor abire*

*Donati valeant: nec enim prius Imperiales*

*Altera cum proles thalamos Michaëlis adisset,*

*Quodlibet Auxilium dederant . - -*

Quod si pro aliquo extraordinario casu Principi aliquid a Populo bis aut ter pendeatur, sive Magistratibus ac Judicibus a privatis, id in Consuetudinem abibat; atque ejusmodi tributa, seu salaria, aut dona, sub *Consuetudinis* nomine exinde colligebantur, ejusque vocis crebra est mentio in veterum monumentis. Et istarum sane Consuetudinum, sive immortalium onerum, nulla fortasse Civitas est, quae aliquam in sinu suo non alat ac toleret. Neque ignota haec nomina & onera antiquis. In l. 2. C. de Offic. Praef. Praet. Afric. habetur *Notitia Consuetudinum, quas in sacro laetculo & in Praetorio pro tempore Dux praebere debet*. Neque Ecclesiastica Respublica hisce Consuetudinibus caruit olim, neque nunc caret. Unum exemplum de ex Diplomate Ludovici II. Augusti Anno DCCCLXXIII. apud Puricellium in Monumentis Basilic. Ambrosianae. *Nullux Pontifex (ibi legitur) ullas Praestationes, vel annuas Donationes, seu quaslibet Angarias, & Superimpositiones Exactiones, contra morem Canonicum, sive Regularem Constitutionem superimponere aut exigere audeat*. Ejusmodi verò Consuetudines antiquioribus Seculis appellatae etiam fuerunt *Occasiones*, quod videlicet ea tributa, aut angarias, aut sportulas, si-

A ve dona invexisset alicujus belli, aut publicae necessitatis, aut alicujus iniquitatis *Occasio*. Ludovicus Pius Augustus in Lege 37. Langobard. de *injustis*, ait, *Occasionibus & Consuetudinibus noviter institutis, sicut Tributa sunt, & Tolonea in media via, ubi nec aqua, nec palus, nec pons, nec aliquid tale fuerit, unde juste census exigi possit, ut auferantur, &c.* Occurrit eadem vox in aliis antiquorum Regum Chartis ac Scriptorum monumentis. Veterum quoque Tributa ac Vectigalia saepissime *Redditiones, Publicas Functiones, Exactiones, & Publica* sive *Publicaria* interdum appellata invenies, uti & aliquando *Fiscalia & Regalia*, quod jura forent sive Tributa ad Fiscum sive Regem spectantia. *Imposte* ab Italicis dicuntur; hoc est angariae, tributa, seu onera imposita: qua ratione, ut alibi monui, in pactis locationum fieri prohibebatur quaevis alia *superimposita*, idest onus, sive tributum. Supra detestati fuimus impiam Legem, sive Consuetudinem, quae nedum inter Christi sectatores, sed ne inter homines quidem sine detestatione nominanda foret: hoc est, Naufragorum bona ad litus ejecta Fisco adjudicata fuisse. Additum heic volo, nefandum ejusmodi usum posterioribus Saeculis potissimum invaluisse in Anglia atque in Regno Siciliae, ut alia loca omittam. Eò humana cupiditas devenit, ut Carolus I. Siciliae Rex ne Genuensibus quidem indulgentiam praestiterit, qui classe sua Anno MCCLXX. sibi, & Sancto Ludovico Franciae Regi fratri suo, in obsidione Tunetana fidelem operam navarant, atque in litore Siculo una cum Regiis navibus naufragium perpeffi fuere. Abominandum facinus narrant Annales Genuenses Cafari

fari Lib. 9. Tomo VI. Rer. Italicarum his verbis: Porro Rex Carolus naufragio afflictis afflictionem accumulans, extorsit ab omnibus quidquid ex dicto existit naufragio recuperatum, post triduum dicens, quod ex Regis Guilelmi constitutione & longa consuetudine, hoc debebat suis scrineis applicari: defensiones Januensium, allegantium conventionem cum ipso initam, per quam sani & naufragi in personis & rebus securi in solo Regno haberi debebant, penitus non admittens. Et pauca haec sufficiant de Tributis & Vectigalibus barbarici aevi, quae omnia me nequaquam enumerasse pro certo habeo. Hunc etiam campum foecundissimum effecere bellorum necessitas, & Reipublicae conservatio, cujus nervi sunt publici reditus; adde, & Principum quorundam ambitio & crudelitas. Componat nunc eruditus Lector ejus temporis mores cum Romanorum veterum ritibus, immo & cum nostris: tum rebus bene perspectis statuatur, minora-ne an graviora olim fuerint publica onera. Exploratum quippe est, non minus veteres illos, quos tanti facimus, & cum veneratione nominamus, sagacissimos fuisse publicorum sine numero onerum, etiam sordidorum, inventores,

A rigidosque exactores. Quibus autem oneribus nunc Populi graventur, meum investigare non est. Sed dum quisque propria sentit, aliena verò, ac praecipue vetera ignorat, in sua facile tempora invehitur, ac Mundum in deteriora ruere ad inane sui solatium clamat. Argumento huic finem faciam, unum tantummodo addendo, quod imperitis antiquae Eruditionis mirum videatur, certum tamen habemus a Salviano, locupletissimo teste Seculi a Christo nato Quinti. Nos horremus Gothorum, Hunnorum, Langobardorum nomina. Attamen auctor est idem Salvianus Lib. V. de Gubern. Dei, tot Tributis ac oneribus aevo sub gravatos fuisse Romani Imperii populos, ut eis longe melius foret cum Barbaris & sub Barbaris esse. Franci, ait, hoc scelus nesciunt. Chunni ab his sceleribus immunes sunt. Nihil horum est apud Wandalos, nihil horum apud Gotbos. Tam longe enim est, ut haec inter Gotbos Barbari tolerant, ut ne Romani quidem, qui inter eos vivunt, ista patiantur. Itaque unum illic Romanorum omnium votum est, ne umquam eos necesse sit in jus transire Romanorum.

B

C

D

1. The first part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

2. The second part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

3. The third part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

4. The fourth part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

5. The fifth part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

6. The sixth part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

7. The seventh part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

8. The eighth part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

9. The ninth part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

10. The tenth part of the document is a list of names and addresses of the members of the committee. The names are written in a cursive hand, and the addresses are written in a more formal, printed hand. The list is organized in two columns, with names on the left and addresses on the right.

DE ACTIBUS  
MULIERUM.  
DISSERTATIO  
VIGESIMA.

U.S. DEPARTMENT OF AGRICULTURE

OFFICE OF THE SECRETARY

WASHINGTON, D. C.

1917

# DISSERTATIO

## VIGESIMA.



Ge verò & de *Mulieribus* aliquid commentemur, ne ille sexus heic se infalutatum contemtumve putet. Illud primo repetendum est, temporibus barbaricis virgines comam aluisse, hoc est intonsas processisse. Liutprandi Regis Leges non semel commemorant, *filias in capillo in casa relictas*. Et Cunibertus Rex, teste Paulo Warnefridi Lib. 5. Cap. 37. de Gest. Langobardor. *quum Theodotem puellam eleganti corpore & flavis prolisique capillis paene usque ad pedes decoratam*, laudari audisset, in ejus amorem continuo exarsit. Quae verba indicare videntur, tunc virgines incessisse capillis passis & nodo tantum, ut opinor, post humeros confectis. Sed nihil obstat, quin & excogitemus, alias in occipitio crimen collegisse, uti mos etiam temporum nostrorum est. Mediolani, Bononiae, ac alibi adhuc pueri & puellae appellantur *Tosi*, *Tose*, *Tosane*, *Tosoni*, & *Tosetti*. Quod quamvis contrarium sensum ingerat, hoc est, eosdem *tonsos* significare videatur; attamen arbitror, e corruptione vocis *Intonsi* & *Intonsae* Langobardicas seu Italicas voces istas emanasse, uti etiam Ferrarius opinatus est in Li-

Tomo IV.

A bro de Origin. Linguae nostrae. Si *intonsae* procedebant virgines, ergo ubi marito jungebantur, crinem tondere iis mos fuerit secundum Judaeorum mulierum morem. Diversa tamen Du-Cangius sentit in Glossario Latin. ad vocem *Capilli*, haec scribens: *Promissos crines innuptae ferebant, nec eos in nodos retorquebant, quod nuptarum erat praesertim apud Langobardos*. Sed nisi testes adferantur, hujusmodi opinioni assentiri minime cogimur. Ut enim aiebam, non ideo innuptae a nuptis distinguebantur, quod illae promissos, istae collectos crines deferrent, sed quod illae in *capillo*, istae verò *tonsae* per consequens incederent. Incertum verò est, num feminae viro traditae caesariem tantummodo decurtarent, an potius paene ad cutem tonderent: quod postremum nunc feminae Judaeae observant. Etiam apud Francos veteres plebs masculina, Gregorio Turonense teste Lib. 3. cap. 18. *Histor. Franc. caesariem incisam* gerebant, quum contra prioris stirpis Reges comam nutrent, ac per humeros dimitterent: a quo more discessere Reges Carolinae stirpis: nam & ipsi non secus ac Populus, honesta tonsurâ crimen castigaverunt. Ceterum nulla mihi dubitatio est, quia saltem subsequentibus Seculis, immo vix erepto Langobardis Italiae

N Re-

Regno, ad mores Francorum se composuerint Italicae conjugatae, quae subinde capillos solícite aluerint, atque intortos ad capitis ornamentum gesserint. Fuit & puellarum mos, interulas gerere, sive subuculas. Paullus Diaconus Festi breuiator, *Supperus*, ait, *vestimentum puellarum lineum; quod & subucula, idest Camisia dicitur*. Ridet heic Paullum Josephus Scaliger, scribens: *Camisiam usurpat Paullus verbum suae aetatis, ac suorum elegantiae dignum*. Praecipitem Scaligeri sententiam arguet Victor Vitenlis, qui tanto antea, hoc est Anno Christi CCCCLXXXVII. de Persecut. Vandal. Lib. primo, *Camisias & femoralia* memorat. Immo jam hoc nomen vulgatissimum suo aevo tradit Sanctus Hieronymus in Epistol. ad Fabiolam. En ejus verba: *Volo pro legentis facilitate abuti sermone vulgato*: hoc est Vulgari, qui jam in multis a Latino diffidebat, ut ostendam infra in Differtat. XXXII. de Origin. Linguae Italicae. Pergit Hieronymus: *Solent militantes habere lineas (idest vestes) quas Camisias vocant, sic apas membris, & adstrictas corporibus, ut expediti sint vel ad cursum vel ad proelia &c.* Quae ergo a Paulo *Camisiae* vocantur, quibus aevo suo puellae utebantur (nisi ad Festi potius aevum ea verba sint referenda) minime videntur interiores vestes fuisse, quae nunc sermone nostro vulgari *Camicie* nuncupantur, sed superiores ac patentes, hoc est, ut nunc dicimus, *Camisiuole*. Hasce lineas, & albas, adstrictasque, ut puto, corpori gestavere puellae. Fortassis etiam usque ad talos descendebant. In eandem sententiam congruit Octavii Ferrarii opinio, qui lib. 3. Cap. 20. de Re Vestiariar. arbitratur, *Supparum* a *Subu-*

*cula* fuisse diversum, hoc est, tunicae genus, super alia indumenta gestatum. Quod etiam e sacra veste discimus, *Albâ* videlicet, quam *Camice* nos appellamus; veteres autem, in primis Gregorius Magnus Lib. 6. Epist. 27. & Anastasius in Benedict. III. *Camisum* & *Camisiam* nuncuparunt. Adde Alcuinum in Lib. de divin. Offic. *quam Camisiam dicimus vel Supparum*. Atqui omnes norunt, *Camisam* hanc, sive *Albam* supra ceteras vestes in sacris deferri, atque ad talos descendere. Graeci verò significaturi interulam sive Subuculam, quae tunicae suberat, & corpori infidebat, usi sunt voce *ινωμίσματα*, idest *subcamisia*, ut distinguerent a *Camisiis*, quae superinduebantur aliis vestibus. Anastasius in vita Sancti Johannis Eleemosynarii: *dicebat semper, quod posset expoliare divites, & ipsum etiam hypocamisum ab eis benevole auferre*.

*Ad Sponsalia* quod attinet, olim mos fuit, Romae saltem, & quidem Saeculo IX. ut vir fidem suam deducenda in uxorem femina confirmaret, annulo ei in digitum immisso: quod nunc in ipsa tantum benedictione matrimonii peragitur. Quum verò ante Sacerdotem conjugium celebrabatur, tam viro quam feminae *Velum* quoddam sacratum super eisdem extendebatur in signum pudoris & conjugalis pudicitiae servandae. Ad secundas nuptias progressi, ejusmodi Velamine carebant. Coronae etiam utrique conjugi imponebantur, quibus ornati procedebant ad maritales aedes. Haec nos docuit Nicolaus I. Papa in Respons. ad Consulta Bulgaror. Cap. 3. ubi interrogatus, quae consuetudo servanda esset in nuptiis, ait: *Nostros tam mores quam feminae nullam ligaturam auream*

*auream aut argentiam, aut ex quolibet metallo compositam, quando nuptialia foedera contrahunt, in capitis deficiunt. Sed post Sponsalia, quae futurarum sunt nuptiarum promissa foedera, quaeque consensu eorum, qui haec contrahunt, & eorum, in quorum potestate sunt, celebrantur, & postquam arbitris Sponsam sibi Sponsus per digitum fidei a se Annulo insignitum despondent, dotemque utrique placitam Sponsus ei, cum scripto pactum hoc continente, coram invitatis ab utraque parte tradiderit &c. ambo ad nuptialia foedera perducuntur. Et primum quidem in Ecclesia Domini cum oblationibus, quas offerre debent Deo per Sacerdotis manum, statuuntur: sicque demum benedictionem & Velamen caeleste \* suscipiunt &c. Verumtamen Velamen illud non suscipit, qui ad secundas nuptias migrat. Post haec autem de Ecclesia egressi Coronas in capitis gestant, quae semper in Ecclesia ipsa sunt solitae reservari &c. Antiquissimus autem erat ritus Annuli in Sponsalibus dandi, isque a Tertulliano in Lib. de Cultu Feminarum appellatur Annulus pronubus. Romanos Ethnicos eodem ritu usos legimus. A sancto Ambrosio flammicum nuptiale nuptiarum commemoratur in Lib. de Virginitate Cap. XV. quo nomine Velamen illud designatum vides, cuius est mentio apud Nicolaum Papam. Idem Ambrosius Epistol. 19. ait: Quum ipsum conjugium Velamine Sacerdotali & Benedictione sanctificari oporteat &c. Quatuor homines ad quatuor angulos ejusmodi Velum (quod etiam *Pallium* appellavere) tenebant. Per manus autem Sacerdotis Coronas novorum Conjugum capitibus imponebantur, eaque turritae esse consueverunt, atque ex floribus. Quem morem a Graecis & Romanis acce-*

ptum, uti Paschalius Lib. 2. Cap. 16. de Coronis ostendit, veluti innocentem retinere Christiani. In contrahendo etiam matrimonio dexteras, uti nunc, ita olim vir & mulier jungebant, uti idem Tertullianus & Nazianzenus, testantur. Denique a Sacerdote monebantur, ut ob reverentiam Sacramenti eo die & sequenti nocte à commercio carnali abstinerent. Immo erant, qui per biduum & triduum subsequens observandam indicerent continentiam: quod sane durum carnalibus nostrorum temporum hominibus videretur. Quum verò ad mariti domum novae nuptiae traducebantur, pluribus etiam quam nunc tripudiis, majorique pompa, res peragebatur. In Lege 6. Aistulphi Langobardorum Regis Part. II. Tomi II. Rer. Italicar. haec leguntur: *Pervenit ad nos, quod dum quidam homines ad suscipiendam Sponsam cujusdam Sponsi cum Paranympa & Troctingis ambularent, perversi homines aquam sordidam & stercorea super ipsam jactassent &c.* Multam gravem talia in posterum audentibus Rex indicit: Langobardi enim id observasse videntur, quod nunc Britannica gens religiose tuetur: videlicet ubi delictum novum emergit, cui poenas hucusque disertis verbis non praescripserint Leges, impune abit; & nova Lex condenda est, ne in posterum castigationem effugiat. Qui *Troctingi* appellantur in Langobardica Lege, *joculatores*, qui saltare noverunt, a Papia in Lexico, atque ab aliis creduntur. Equidem in Notis de vi istius vocis dubitavi, & adhuc dubito, quamquam certum mihi sit, nuptias iis temporibus multis lusibus fuisse celebratas. Vide quae de *Trutanis* dicam in Dissertatione XXIX. de Spectaculis.



Quantâ autem pompâ Reges ac Principes suas agerent nuptias, multis ostendere possem, & aliquid etiam innui in praelaudata Dissertatione. Sed alio properandum. Illud tantummodo hinc intelligere liceat, minores etiam, proportionem dignitatis ac virium spectatâ, in suis nuptiis ludos, convivia, & luxum procurasse. Apud Lombardos praecipue Seculo XIV. & XV. mos fuit Oratorem adhibere, qui in solemnibus aut Sponsalium, aut ipsius Matrimonii contractu, Epithalamium recitabat coram cognatis, civibusque in paternas Sponsae aedes coactis. Hoc est, Orationem, qua is effundebatur in laudes geminae Familiae, atque adolescentis utriusque. Duo ex hisce Epithalamiis in commendationem amplissimae Borromeae gentis dedi ego Tomo 2. Anecdotor. Latinor\*. Multum auri ejus pompae occasione in vestibus, monilibus, conviviiis, aedium ornamentis, ludis, aliisque hujusmodi luxus & gulae profusionibus per dies multos a viro impendendum erat. Sed neque amici & cognati contributione immunes abibant. Namque in consuetudinem abiit, ut unusquisque aut Sponso aut Sponsae munera offerret, eaque praesertim in Principum ac Magnatum nuptiis magnifica fuere. Vide quae Aliprandus in Chronico Mantuano heic evulgando refert. Vide supra memoratam Dissertationem de Spectaculis. Sed ejusmodi, ut ita dicam, vestigalia, quod nimium incommodi volentibus, graviusque nolentibus afferrent, Legum conditores tandem interdicere aequum putarunt. In Statuto Mediolanen. Part. 2. Cap. 455. haec leguntur: *Quum undier fuerit Sponsa, vel Matrimonio copulata, nullus, excepto Marito vel Sponso, debeat eidem*

A *munus nec munera offerre in publico nec occulto, sub poena &c.* Neque ejusmodi donorum profusionem recentem putes. Memorantur enim in Rotharis Langobardorum Regis Lege *eximia Nuptialia*, quae Sponsae quidem offerebantur, sed in jus Mariti cedebant. Si quando (en verba Legis 184.) *pater filiam, aut frater sororem suam alii ad uxorem tradideris, & aliquis ex Amicis accepto (an excepto?) Exenio ipsi mulieri aliquid dederis, in ipsius sit potestate, qui mundium de ea fecit.* Modus tamen iste loquendi sat prodit, raro ac moderate dona tunc fuisse collata in nuptiis. Res deinde in excessum abiens, tandem rerum moderatores ad frenum adhibendum compulit. Quae verò Dos secundum Romanam Legem a parentibus tradenda esset, probe norunt qui Jurisprudentiae dant operam. Quid a Langobardis, tantummodo inquiremus; nam ad eorum Legem ultra Saeculum XII. major Italici Regni pars sese composuit. Nihil de Dote constitutum habemus in Langobardicis Legibus. Parentes filiabus, aut fratres sororibus pro arbitrio suo dona conferebant, eaque *Phaderpbium* appellavere, quasi in his sita esset *paterna hereditas*; ita enim hoc nomen sonat. Qualiscumque autem foret ista largitio, hereditatis loco futura erat filiabus in bonis paternis. Audi Legem 181. Rotharis Regis: Si quando pater filiam suam, aut frater sororem suam legitimam alii ad maritum dederit, in hoc sit sibi contenta de patris aut fratris substantia, quantum ei pater aut frater in die traditionis nuptiarum dederit, & amplius non requiras. Idem Rotharis quid *Phaderpbium* fuerit, explicat in Lege sequenti, ubi: *babeat ipsa mulier, (vidua) Morgengap, & quod de paren-*

\* Edit. hujus Tomi XI. P. III.

*parentibus ejus adduxerit Phaderpbium.* Apertius haec in Lege 199. ejusdem Rotharis, ubi de vidua ad domum patris regressa: *De Faderfio autem, idest de alio dono, quantum pater aut frater dederit ei, quando ad maritum ambulavit, mittat in confusum cum aliis sororibus.* Dotes autem a parentibus aut fratribus traditae antiquis temporibus exiguo, aut nulli incommodo familiae erant, quippe modicae, aut saltem moderatae, quales adhuc Germanica gens conferre solebat. Ab horum moribus discessere, ut nemo nescit, recentiores Itali, qui in filiis collocandis domum exhaurire coguntur, & quandoque ut tantum onus excutiant, eas volentes, utinam non & nolentes, Parthenoni commendant.

Contra a viris mulier non parvo, ut ita dicam, emi videbatur; quod & Thucydides in Historia, & Aristoteles in Politicis olim a Graecis factum, literis prodidere, ita ut eorum Nuptiae species quaedam emtionis & venditionis essent. Tacitus quoque de Germanorum moribus ait: *Dotem non uxor marito, sed maritus uxori affert.* Nam primò vir *Metam*, seu *Methium*, aut *Mepbium* (ita enim varie effertur, aut corrumpitur in Libris veterum vox ista) pro femina perfolvebat. Deinde verò eidem constituebat *Morgincab*, seu *Morgincap*, seu *Morgangeba* (quippe & ista vox, aequae ac altera, Germanica, non unà scribebatur ratione). Utriusque donationis mentio est in Lege 49. Liutprandi Regis Lib. 6. *Nulli sit licentia conjugi suae de rebus suis dare amplius per quaecumque ingenium, nisi quod ei in die votorum in Mepbio & Morgincap dederit.* Utramque vocem explico. Langobardi quoque meditantur, quanta sit feminae mentis

A infirmitas, & levis in muliebri sexu rerum experientia, & fraudibus obnoxia credulitas, decreverunt, ne qua Mulier esset, quae sub alicujus Viri tutela, protectione, & quadam potestate viveret, ita ut sine consensu tutoris ejusdem irriti essent feminae contractus, alienationem rerum respicientes. Tutela hujusmodi *Mundium* appellabatur a Saxonico *Mund*: & vir ille, ad quem spectabat mulieris patrociniū atque defensio, *Mundualdus* vocari consuevit. *Mundualdi* a natura erant, quod est ad filias, Pater: eo deficiente, Fratres; ac subinde Agnati. Filii quoque masculi *Mundualdi* interdum fuere Matris. Mulieris nuptae fere semper Maritus. Quod si nemo alius esset, ad quem patrociniū feminae pertineret, *Curtis Regia*, hoc est Fiscus, sive Rex, id curae ac oneris suscipiebat. En Rotharis Legem 205. *Nulli Mulieri Liberae sub Regni nostri ditione, Lege Langobardorum viventi, liceat in suae potestatis arbitrio, idest sine Mundio, vivere, nisi semper sub potestate virorum, aut certe Regis (alii Codices habent, aut potestate Curtis Regis) debeat permanere. Nec aliquid de rebus mobilibus aut immobilibus sine voluntate ipsius, in cujus Mundio fuerit, habeat potestatem donandi aut alienandi.* Langobardicae hujus consuetudinis adhuc vestigia supersunt in Statutis aliquot Urbium Italiae, ac praecipue in Regno Neapolitano, ubi diutius ac tenacius quàm alibi Lex Langobardorum observata est. Johannes Villanius Lib. 2. Cap. 9. Histor. ut ex additamentis a me editis constat Tomo XIII. Rer. Italicar. haec habet: *E feciono la Legge, che ancora si chiama Longobarda; e tengono ancora e' Pugliesi, e gli altri Italiani in quella parte, dove danno Monualdo,*

ove-

vero il volgare *Monovaldo alle Donne*, quando s'obbligano in alcun contratto; e su buona e giusta Legge. Quum verò nubebat alicui femina, non continuo fiebat, ut vir *Mundium* uxoris consequeretur; sed opus erat ut illud, ut ita dicam, emeret a *Mundualdo* priori, sive is pater, sive frater, aut alius agnatus uxoris esset; atque in eam rem pretium concordii voluntate partium statuebatur. Pretium hujusmodi *Meta*, *Mephium*, *Methium* appellatum videas in Legibus Langobardicis: quam vocem Glossographi *donationem sponsalitiā*, vel *nuptialem* interpretantur. Ego *sponsalitiā* potius arbitror: nam uti Lex 178. & subsequens Regis Rotharis indicat, quo die *Sponsalia* celebrabantur, *Meta* quoque statui, sapissime etiam persolvi consuevit. Sed quod ii *donationem* vocant, liceat etiam appellare *emtionis* speciem; nam ut Martinus & Vossius opinati sunt, vox *Meta*, & *Methium* a Saxonico *Meden* conflata videtur: quod est *mercede conducere*. Sed sive *donatio* sive *emtio* fuerit, *Meta* haec in dotem mulieris cedere consuevit, sive id secundum leges foret, sive ex largitione patris, fratrum, aliorumve agnatorum fieret. Quod si decedebat vir, pergebat vidua esse in *Mundio*, sive sub potestate illius, qui heres marito erat. Illā verò ad secunda vota transeunte, secundus maritus, si *Mundium* uxoris suum facere cupiebat, ut est in Lege 182. Rotharis, de suis propriis rebus *medium pretii*, quantum fuerit dictum, quando eam primus maritus sponsavit, pro ipsa *Meta*, dare debebat ei, qui heres proximus mariti prioris esse inveniatur. Hisce positis rectius, quam olim fecerim, explicandam sumo Legem 161. Rotharis, cujus haec sunt verba: Si

A fuerint filii legitimi, & filii naturales, & sorores tam legitimae, quam naturales, pro *Mundio* eorum tollant filii duas partes, naturales verò tertiam partem. Quod noluerim variantes omnes lectiones Codicis Estensis in editionem Legum Langobardicarum Part. II. Tomi II. Rer. Italicar. inferre, adhuc Lex ista emendatione indiget. B Non eorum scribendum est, sed earum; neque enim *Mundium* masculorum fuit, sed feminarum. Et sane in eodem Codice Estensi aperte legitur pro *Mundio earum*. Adhibenda quoque est eadem correctio praecedenti Legi 160. ubi legitur: Pro *Mundio autem tollant naturales &c.* Codex Estensis praefert, pro *Mundio autem superscriptarum tollant &c.* idest Sororum.

C At mirum tibi videatur, maritos ad conquirendum sibi uxorum suarum *Mundium* erogasse pecuniam. Mirari desinas, ubi recogites, nunc etiam plerisque in locis familiares esse *donationes* causā nuptiarum a viris factas. Immo & apud antiquissimos Populos in usu fuisse, ut vir mulieri dotem constitueret, aut donum pro sua conditione decentissimum conferret, discimus e sacratissimis veteris Testamenti Libris, atque e profanis Scriptoribus Homero, Diodoro, ac aliis, quos commemorare nihil opus est. Ritus hunc Turcae adhuc observant. Quare mulierem per quamdam *coemtionis* speciem conquirere sibi vir videbatur. Secundum Legem Salicam *solido & denario* desponsabatur femina, hoc est persoluto pretio, quod in illius dotem convertebatur, aut in jus parentum transibat. Ad haec e *Mundio* sibi comparato multum utilitatis reportare poterant viri. Nam decedentibus uxoribus post acquisitum Mun-

Mundium sine filiis, Mariti secundum Leges succedebant. Liutprandus Lib. 2. Lege 8. *Si autem contigerit illam mori, quae jam nuptui tradita est, tunc ille ei succedat, qui eam per Mundium suam fecit.* In Henrici quoque Primi Augusti Lege Langobardicâ constitutum fuit, ut uxori sine filiis amborum decedenti vir ex affe succederet. Fratres etiam, ut nuper vidimus, propter Mundium Sororum portionem hereditatis paternae capiebant. Quod si quis Mulierem aut interimebat, aut laedebat, aut calumniâ appetebat, aut in sacramentum mittebat, poena reo imposita pendenda erat iis, ad quos Mundium de ea pertinebat. Alia emolumenta praetereo: sed unum certe praeterire nefas esset. Nimirum si puella libera, aut vidua alteri sponsata, sponte quidem, sed sine voluntate patris, vel fratris, vel ejus, ad quem Mundium pertinebat, viro alicui Libero per matrimonium copulabatur, tunc maritus, qui eam in uxorem acceperat, multabatur a Lege, hoc est Solidos viginti componere cogebatur habenti Mundium mulieris, idque pro *anagrip*, idest pro culpa praesumptionis, & alteros viginti propter *faidam*, hoc est ne agnati inimicitiam alerent, ac de eo vindictam sumerent. Id constat ex nonnullis Legibus Rotharis & Liutprandi; e quibus iste etiam statuit Lege 61. ut si ejusmodi puellae sua sponte nubenti *Meta* nec promissa nec data fuerit, & contigerit ut Maritus ipse moriatur, antequam de ea Mundium faciat, consenta sit ipsa Mulier, nec possit postea *Metam* quaerere ab heredibus ejus. Ceterum eâdem Lege Langobardorum statutum fuit, ut si puella sine voluntate parentum, idest patris, aut fratrum, aut agnatorum, nubere, qui eam duxerit, Solidos

A eosdem componat. Viduae verò licebat alteri, libero tamen, pro suo arbitrio nubere ex Lege 182. Rotharis. Et quoniam humanum genus novos in dies procreat excessus, quum abundare coepissent viri, qui blanditiis feminarum excaecati *Metas* eis immodicas constituebant, intercessit idem Liutprandus, ac modum prodigalitati posterorum posuit. Digna est, quae integra huc referatur illius Lex 35. Lib. 6. *Si quis, ait, conjugii suae Metam dare voluerit, ita nobis justum esse comparuit, ut ille, qui est Judex (idest Comes, aut de numero Magnatum) dare debeat, si voluerit, Solidos CCCC. amplius non. Et reliqui Nobiles homines dare debeant Solidos CCC. amplius non. Et si quisque alter homo minus dare voluerit, de quomodo convenerit.* Explicatione minime indiget Lex ista.

Verum ne sic quidem cupiditati Mulierum factum est satis. Iis praeterea *Morgincap*, quod supra nominavimus, a plerisque maritis constituebatur. Donum *matutinale* ea vox significat. Hoc est, investita sensum consuetudo fuit, ut Mariti remuneraturi Uxores ob labores, primâ nocte conjugii exantlatos, primo mane eis donum nuptiale conferrent, non gemmam, non vestem, non alias mundi muliebris nugas, sed portionem fortunarum suarum. Et ea quidem donatio diversa a *Meta* fuit: nam in Lege V. Aistulphi Regis *Meta* & *Morgincap* dilucide distinguuntur. Irrepperunt & huc vitia multa: quare suum censuit Liutprandus Rex, uxorios viros cohibere, ne in stultas donationes rapi se sinerent. Vide Legem primam Lib. 2. ubi haec habentur: *Si quis Langobardus Morgincap conjugii suae dare voluerit, quando sibi eam in conjugem sociaverit, ita de-*

decernimus, ut aliâ die ante parentes & amicos suos ostendat per scriptum a testibus roboratum, & dicat: Quia ecce quod Conjugi meae Morgincap dedi: ut in futuro pro hac causa perjurium non incurrat. Tamen ipsum Morgincap volumus, ut non sit amplius, nisi quarta pars de ejus substantia, qui ipsum Morgincap dedit. Si quidem minus dare voluerit de rebus quàm quarta pars sit, habeat in omnibus licentiam dandi quantum voluerit. Nam super ipsam quartam partem dare nullatenus possit. Si opinari licet, spes ista, colligendae nempe a viro, qui sibi contingeret, tam profusae donationis, sollicitas admodum efficiebat ejus temporis puellas, ut intactam servarent, illacramque ad thalamium deferrent virginitatem suam, ne Marito causa praeberetur abstinendi a dono matutinali. Nam uti ex hac ipsa Lege satis elucere videtur, Morgincap non ante, sed post nuptias ac maritales amplexus, feminae jam Conjugi constituebatur. In more autem fuisse puto, ut plerumque viri longe ante ipsum nuptialem diem ac praecipue Sponsalium die, donum ejusmodi pollicerentur. Sed Charta nequaquam scribebatur, nisi post consummatum matrimonium. Neque deerant, qui promissa fraudantes, perjuri propterea appellabantur. Erat enim Morgincap gratuita & voluntaria donatio. Et ipsis etiam Francis familiarem fuisse Morgincap, animadverterunt Gallandius in Tractatu de Franco-Alodio, & Baluzius in Notis ad Capitularia. Quam in rem celebris est locus apud Gregorium Turonensem Lib. 7. Cap. 20. Historiae Franc. ubi referuntur pactioes Anno DLXXXVIII. initae inter Childebertum & Gunthramnum Reges. En verba: De Civitatibus verd, hoc est, Burdegala,

A Lemovicâ &c. quas Gailefuindam germanam Dominae Brunichildis tam in Dote quàm in Morganegiba, hoc est, matutinali dono (fortasse Glossema referunt haec verba) in Franciam venientem certum est adquisisse. Baluzius autem Chartas producit, in quibus viri donant quartam portionem bonorum suorum dilectae Conjugi suae; B atque adeo videmus, Chartam & constitutionem Morgincap celebrari consuevisse aliâ die post noctem nuptialem, qui est dies votorum nostrorum, ut habet Charta ab eodem Baluzio laudata. Dixi licuisse viris quartam partem, neque ultra, de propriis fortunis dono dare uxori. Attamen & tertiam datam fuisse discimus e Charta Anni DCCCLXXIII. quam addidi Chronico Casauriensi Part. II. Tomi II. Rer. Italicar. pag. 939. Ibi traditur Monachis Casauriensibus quicquid eidem Gundi uxori quondam Justonis pertinebat a parte viri sui, videlicet tertiam portionem de omnibus rebus superscriptis, quae ei in die votorum Vir suus dederat. Tanta liberalitati D Lex obstitabat: verum iste vir aut a Principe impetrarat facultatem excedendi, aut Legem ipsam conculcaverat. Ceterum e Chartario ejusdem Coenobii Casauriensis Baluzius in Appendice ad Tom. 2. Capitularium pag. 1550. Libellum protulit, Anno Christi MXLIV. scriptum, in quo Johannes filius quondam Dominici donat Miczae filiae quondam Johannis, Conjugi suae Quartam portionem de omnibus rebus proprietatis suae. Nunc in Regno Neapolitano, secundum Leges Pragmaticas, quae mulier lucro dotali (Antefatto appellant) post viri mortem frui cupit, crinem sibi abscindere jubetur, eumque super defuncti mariti loculum componere. Hujus moris nul- lum

lum apud antiquiores vestigium reperi. Ad *Morgincap* redeo. Procedente tempore alia apud Italos inuenta est consuetudo. Nam quum praeuia experientia Mulieres didicissent, plures viros, postquam sua vota nuptiali nocte complerant, a pollicitis recessisse, neque amplius adduci se

A passos ad eam donationem faciendam: idcirco ut suis rebus cautius prospicerent, ante ipsas nuptias *Chartam Morgincap* sibi conscribendam curabant. Non unam ex hisce *Chartis* legi ego in Tabulario Canonico-rum Mutinensium, sed unam tantum adferam inde depromptam.

Constitutio *Morgincap* facta a Guidoto filio Villani Nomenclae  
sponsae suae, Anno 1185.

I N nomine Domini nostri Jesu Christi. Anno a Nativitate ejusdem MCLXXXV. quintodecimo Kalendas Decembris, Indictione III. Dilecta valde atque amabilis mihi semper Nomenclae filia Guasconi de Monticlariculo, honesta femina, Sponsa mea. Ego quidem in Dei nomine Guidotus filius quondam Villani de predicto loco, qui professus sum ex natione mea Lege Langobardorum vivere, Sponsus & dator tuus praesens praesentibus dixi: Manifesta causa est mihi, quoniam die illo, quando te sponsavi, promiseram tibi dare justitiam tuam, secundum Legem meam in *Morgincap*, idest quartam portionem omnium rerum mobilium & immobilium, quas nunc habeo, aut in antea habuero. Nunc autem, si Christo auxiliante, te in Conjugio sociavero, suprascriptam quartam portionem omnium rerum mobilium & immobilium, ut supra legitur, tuae dilectioni do, cedo, confero, & per praesentem Cartam *Morgincap* in te habendum confirmo, ut facies exinde a praesenti die tu & heredes tui, aut cui vos dederitis, quicquid volueritis ex mea plenissima largitate.

Actum Monticlariculi feliciter.

Ego Anricus Notarius sacri Palatii rogatus interfui & scripsi.

B Similes sunt & aliae Chartae ejusdem Tabularii, in quibus animadvertis, *Morgincap* appellari *justitiam secundum Legem*, ita ut non amplius voluntaria, sed necessaria oblatio illa evasisse videatur. Simul etiam deprehenderis, constitutionem *Morgincap* factam in iis fuisse non Conjugi, sed *Sponsae*, atque adeo ante nuptias. C Si Christo auxiliante, te in conjugio sociavero, ibi legitur. Quamobrem si nostri temporis nobiles viri conquerruntur, quod in grave facultatum suarum detrimentum saepe vergat Uxorem ducere, praeterita Secula inspiciant, quibus necesse fuit tam caro comparare sibi thalami sociam. Ad haec norint, etiam secundum Jus Romanum vigore Auth. *Practerea C. Unde vir & uxor*, debitam fuisse *Quartam* uxori indotatae in bonis Mariti locupletis: in quam Legem consulendi sunt Legum interpretes, Authententicam illam pro more ampliantes, extendentes, limitantes. Illud tamen inter antiqua & nostra tempora intercedit discrimen, quod *Morgincap* fere semper servabatur in domo viri, si femina praemoriebatur, aut si liberos relinquebat: nunc autem in luxum ac enormem mundum muliebrem dos universa dissipatur atque evanescit. Franci vero, ut su-

E

O

pra

pra e Gregorio Turonensi inuimus, praeter *Morgincap*, *Dotem* futuris uxoribus constituebant, quae *Metbis* Langobardici vices impleffe videtur. Idque ipsis Regibus ac Imperatoribus in more fuit. Eximio Diplomati lo-

A | cus heic esto, quod ex Archivo Monachorum Casinensium Sancti Sixti Placentiae, ubi archetypum adseruatur, depromptum fuit, eo pluris aestimandum, quod Campii in Historia Eccles. Placentin. diligentiam effugit.

Ludovici II. Imperatoris Diploma, quo Angilbergae Sponsae suae dotalitio nomine duas Curtes donat, Anno 850.

I N nomine Domini nostri Jesu Christi Dei aeterni. Hludovicus gratia Dei Imperator Augustus. Constat itaque mundanorum Nobilium ordo, & marium insignium ritus, ut quisquis sibi legitimo tramite uxorem maluerit sociari, & nubendi copulam bonesto decore sortiri, mores veterum sequens, talibus se erga gratiosissimos nuptiarum affectus ornet munificentis, ut ea, quae egerit, & Deo placita & futura per tempora humano juri solide rata stabilitate constent. Quod jus adeo suis decentis incrementum sumpsit, ut non solum nobilitas magnorum Virorum, sed etiam Regum & Imperatorum sublimitas bujuscemodi usibus atque negotiis effectum praebere non spreuerit. Quapropter omnium fidelium sanctae Dei Ecclesiae, nostrorumque, praesentium scilicet ac futurorum, conspiciat industria, quia nos divino tacti amore, moremque antecessorum nostrorum piissimorum Imperatorum sequentes, una per consensum, & voluntatem nostrorum Optimatum, hanc dilectissimam Sponsam nostram Angilbergam nomine juxta Legem Francorum dotamus, & eam Domino auxiliante, ad Culmen nostrae sublimitatis Uxorem praesentialiter usque perducere disponimus. Cujus dotalitium subter in bu-

B | jus nostrae Imperialis dignitatis Praecepti pagina scribere jussimus, & futuris temporibus firmum & stabile decreuimus manere. Damus igitur tibi amantissimae Sponsae nostrae Angilbergae Dotalicio nomine Curtem juris nostri, quae dicitur Campomiliacio, cum omnibus adjacentiis suis & pertinentiis, servis & ancillis utriusque sexus, necnon & Curtem, quae dicitur Curtinova, cum omnibus similiter suis pertinentiis & adjacentiis, cum servis & ancillis utriusque sexus, cultum & incultum . . . . . in integrum, & de nostro jure & dominatione in jus & dominationem tuam cedimus atque transfundimus, ut ab hodierna die & deinceps habeas, teneas, & possideas, & quidquid inde facere tibi libuerit, liberam & firmissimam potestatem faciendi potiaris, tam de supradictis Curtibus, Campo videlicet Miliacio, quae sita est in Comitatu Motinensi, & Curte Nova, quae est in territorio Regensi, quamque & de Capellis ad easdem Curtes pertinentibus. Porro ut haec nostra Imperialis cessio & Dotalitii promulgatio nostris futurisque temporibus firmior habeatur, & diligentius observetur, manu propria subter firmavimus, & de Bulla nostra roborari jussimus.

Signum Domini

POS  
ZIL

Imperatoris Hludovici Augusti.

Signum Sigilli olim ✠ appensi & deperditi.

*Adalbertus Cancellarius ad vicem Remigii scripsi & subscripsi.*

*Data III. Nonas Octobres, Anno Christo propitio Imperii Domni Hludovici piissimi Augusti II. Indictione XIV.*

*Actum Maringo Curte Regia in Dei nomine feliciter. Amen.*

Animadvertite Epocham Imperii Ludovici II. deductam ab Anno DCCC-XLIX: quo cum Lotharius Augustus pater consortem Imperii renuntiavit. Quare & ipse ante Romanam coronationem Imperiali titulo est usus. Habes heic etiam Annum, quo idem Ludovicus, uti recta conjectura suadet, Angilbergam duxit, fortasse filiam Ludovici Germaniae Regis. Ceterum Liutprandus Rex, ne dementati viri a seminarum artibus, patrimonium in eas profunderent, edixit, ne cuiquam liceret uxoribus praeter *Methium & Morgincap*, aliquid aliud largiri. Nulli sit licentia (ita ille Lib. 6. Lege 49.) *Conjugi suae de rebus suis dare amplius per quaecumque ingenium, nisi quod ei in die votorum in Methio & Morgincap dederit; & quod supra dederit, non sit*

*stabile.* Franci verò legibus suis minime vetabantur nova dona in sinum suarum Conjugum effundere. Praesertim verò Imperatrices ac Reginae, quod Legum civilium freno solutae essent, & Mariti omnium maxime opibus affluentes sibi contigissent, saepe eos hortabantur, ut liberalitatis famam sibi conquirerent donationibus crebris in suas *contorales* sive *conestabales*, ita enim Uxores barbarica Latinitate interdum appellarunt. Quam sapienter ejusmodi consilio, virique sui tenero corde profecerit Angilberga Augusta nuper laudata, ex aliis monumentis in hoc ipso Opere evulgatis intelliget Lector: percipietque rursus ex altero, quod sum editurus, descripto ex eodem Archivo Sancti Sixti Placentini, ubi vetustum apographum visitur.

**Donatio Sexti, Leocarni, & Atticiani facta Angilbergae Augustae Conjugi suae a Ludovico II. Imperatore, Anno 870.**

**I**N nomine Domini nostri Jesu Christi. Hludovicus divina ordinante providentia Imperator Augustus. Universarum sanctae Dei Ecclesiae fidelium tam praesentium quamque & futurorum notis solertia, nos per hoc nostrae munificientiae Imperiale Praeceptum concessisse ac aeternaliter confirmasse sub perpetua dominatione dilectae Conjugi nostrae, carissimae scilicet Augustae Angilbergae Sextam Cortem nostram in Comitatu Cremoneensi, sed & Cortem

*nostram Leocarni in Comitatu Statinensi, simulque Atticianum Cortem nostram in Comitatu Dianensi. Ipsas Cortes, Sextam videlicet, Leocarni, & Atticianum cum omnibus appendiciis & pertinentiis earum, cum familia diversae sexus & aetatis, cum universis rebus intrinsecus & extrinsecus tam mobilibus integriter quamque & immobilibus ad easdem Cortes respicientibus, Massariis, Aldiomaticis, Libellariis, Judicariis, Conditionariis, Vicariis, Al-*



pibus, Piscariis ubicumque & quantumcumque ex antiquo earumdem dominio consuetudinario more pertinuisse dinoscitur, omnia & in omnibus jam dictae Augustae amabili Conjugi nostrae ex hoc nunc & in posterum mancipamus ac stabilimus jure proprietario habendas, tenendas, possidendas, & fruendas ac dominandas, & quicquid exinde elegerit & voluerit, sibi que placuerit in vita & post mortem, in omnibus perpetuam habeat potestatem faciendi. Si quis vero, quod non credimus, huic nostrae Imperiali praeceptioni contraire, aut in aliquo molestari temptaverit, primitus Dei omnipotentis incurrat iram. Deinde sancimus, ut componere cogatur centum Libras auri probatissimi ei, cui molestari non erubuit. Et haec nostra praesens

A concessio, sicuti constituimus, inviolata permaneat. Unicuique vero nostrorum successorum, qui per tempora fuerint, interdicens, & sub divina invocatione adjuramus & attestamus, ut nostrae deliberationis facta, ut a nobis edita sunt, ita sinant rata irrefragabiliter, sempiternaliterque permanere. Si vero, quod non credimus, nostrum irruerint, sentiant in praesenti severitatem aeterni Iudicis, & in futuro cum Juda veritatis proditore sempiternam luant combustionem. Et ut plenior haec nostra praesens donatio atque concessio obtineat vigorem, veriusque ac firmitus ab universis credatur & observetur, manu propria subter eam firmavimus, & Bullis nostris roborari praecipimus.

Signum



Domni Hludovici serenissimi Augusti.

Ego Gauginus jussu piissimi Augusti Domni Hludovici scripsi & subscripsi.

Actum Capua Civitate IV. Nonas Julii.

Data Anno, Christo propitio, serenissimi Augusti Domni Hludovici XXVIII. Indictione III. in Dei nomine feliciter. Amen.

Comitatus Stationensis heic memorati nomine, uti in subsequenti Dissertatione animadvertemus, significatur Angeriae Oppidum ad Verbani oras in Mediolanensi agro, ac sub ditione praedariffimae Borromaeae gentis situm. Quid verò fuerit Comitatus Dianensis, decernere neutiquam ausim. In ora Occidentali Genuesis Reipublicae Dianum Castrum jacet, uti & alterum in Monteferrato prope Albam: sed fieri potest, ut neutrum heic designetur. Ad notas Chronologicas Diplomatis hujus

C quod attinet, Indictio III. Annum Christi indicat DCCCLXX. Verum ab eo Anno abhorret Annus XXVIII. Imperii, sive Epocham Ludovici II. deducas ab Anno DCCCKLIX. sive a subsequenti DCCCL. aut etiam ab Italici Regni exordio; ita ut irrepisse mendum huc dignoscamus, incuria primi librarii, aut postremi, qui Diploma mihi descripsit. Et Capuae quidem Anno DCCCLXX. Ludovicus II. egisse potuit, quidquid contra dubitasse videatur Peregrinus in Histor. Princip. Langobardor. pag. 275.

275. Tomi II. Rer. Italicar. Part. I. Eidem Ludovico Augusto frater fuit *Lotharius Lotharingiae Rex*, Princeps ob repudiatam *Theotbergam* legitimam Conjugem, ac superinductam *Waldradam* pellicem in Historia Ecclesiastica famosus. Censuris Ecclesiasticis territus *Lotharius* Anno DCCCLXV. *Theotbergam* recepit; atque ut eam deliniret, collatis donis certavit.

A Tabulas donationis adservat adhuc praelaudatum *Placentinum Coenobium Monachorum Sancti Sixti* eâ, ut puto, de causâ, quod *Lotharius* ipse repentino fato sublatus, in ea Urbe tumultus est; ipsa verò *Theotberga* munificentiam suam explicavit in ipsas *Placentiae Ecclesias*, uti monumenta a *Campio* exhibita nos docent.

Diploma *Lotharii Regis Lotharingiae*, quo *Theotbergae Conjugi* suae quaedam Villas in variis Comitatibus fitas concedit, Anno 867.

I N nomine omnipotentis Dei & Salvatoris nostri *Ihesu Christi*. *Hlotharius* divina perveniente clementia Rex. Regalis celsitudinis moris est, fideliter sibi famulantibus donis multiplicibus & honoribus ingentibus honorare, atque Regiae sublimitatis liberalitate aduare. Proinde noverit omnium Fidelium sanctae Dei Ecclesiae, ac nostrorum, praesentium videlicet & futurorum solertia, quia placuit largitati nostrae celsitudinis *Theotbergae dilectissimae nostrae*, quaedam res nostrae proprietatis ad proprium conferimus: idest in Pago *Gracianopolitano Bellisua*, in *Manviacense*, *Janueni*, *Laufenensi*, *Amausen*, *Scudensi*, nec non & in Pago *Lugdunense* Villas, quorum sunt haec vocabula: *Cayurdam*, *Lemaingum*, *Novelicium*, *Mariacum*, *Aquis*, *Ariacum*, *Sugenadum*, *Primiaceum*, & *Montem Sancti Martini*, *Anerfiacum*, *Belmontem*, *Talgurium*, *Ducziadum*, *Mallindum*, *Viringum*, *Duerlûm*, *Toducium*, *Colomnam*, *Maltingum*, *Montiniacum*, & quicquid ex ipsis

A rebus in *Grosone* sitae sunt, quatenus eas perenni jure ad proprium pertineat. Sed ut liberalitatis largitio rata & inconcussa permaneat, hos excellentiae nostrae apices fieri iussimus, per quos memoratae *Theotbergae dilectissimae nostrae* praefatas Villas in jam dictis Pagis constitutas sub omni eorum integritate, appendiciis videlicet, Ecclesiis, domibus, ceterisque aedificiis, terris cultis & incultis, vineis, silvis, campis, pratis, pascuis, aquis, aquarumque decursibus, molendinis, curibus, & regressibus, ratum & ad integrum, quicquid ad easdem Villas pertinere dinoscitur, ad proprium tribuimus, & de jure nostro ad dominationem ipsius transferimus, ita videlicet, ut quicquid ab hodierno die & deinceps ex eisdem rebus facere voluerit, liberam ac potissimam in omnibus habeat potestatem faciendi quicquid elegerit. Et ut haec nostrae largitionis auctoritas plenior in Dei nomine obtineat vigorem, manu propria subter firmavimus, & anuli nostri impressione assignari iussimus.

Signum

TAR  
EX  
LOL

*Hlotharii gloriosi Regis.*

Hrod-

*Hrodmundus Notarius ad vicem Grimblandi recognovi.*

*Data XVI. Kalendas Februarii Anno, Christo propitio, Regni Domni Hlotharii gloriosi Regis XI. Indictione XV.*

*Actum Aquisgrani Palatio Regio, in Dei nomine feliciter. Amen.*

Hinc autem elucere videtur, quousque se protenderet Lotharii Regnum, cui tempore illo, hoc est non sub Lothario I. Augusto, sed sub isto Lothario ejus filio impositum fuit *Lotharingiae* nomen. Amplificatum hoc Regnum subinde fuit post obitum fratris sui Caroli Provinciae Regis, qui Anno DCCCLXIII. improlis diem clausit extremum, atque hereditatem reliquit, divisam postea inter Ludovicum II. Augustum, & Lotharium Regem, fratres superstites. Cum his consonant, quae Hadrianus Valesius erudite animadvertit in Notitia Galliarum pag. 283. Post non multos menses altero Diplomate confirmavit idem Lotharius eandem donationem, addiditque res quondam Huberti patris ejusdem Theotbergae, qui scilicet Hubertus, si fides Sammarthanis in Genealogic. Hist. Reg. Franco. adjungenda est, Ducali titulo apud Alpes, & Montem Jurensen, Populos rexit: sed in Annalibus Bertinians tantummodo appellatur *Huber- tus Clericus conjugatus, & Abbas Mo-*

*nafterii Sancti Martini, vir utique flagitiosissimus, ac caesus in proelio Anno DCCCLXIV. In altero hoc Diplomate integrum repetitur primum, atque haec interseruntur: Et quicquid ex ipsis rebus in Grossona sitae sunt, omnesque res quondam Huberti Abbas (en ut Abbatem tantum, non vero Ducem illum Lotharius appellat) fratris ipsius, quas pro ejus infidelitate nostra Regni dignitas sortita est, illi tradimas, adque transfundimus, quatenus eas perenni jure ad proprium retineat. Sed in liberalitatis lap-  
C  
D  
gitio &c. ut in praecedenti vidimus. Subscribit Grimblandus Regiae dignitatis Cancellarius. Data VIII. Kalendas Decembris Anno, Christo propitio, Regni gloriosissimi ac piissimi Regis Hlotharii XII. Indictione I. Actum De-  
C  
dinaco. Ad haec Regiae liberalitatis in Reginas Conjuges exemplum denique istud etiam accedat, quod ex membrana, archetypi faciem praefere-  
D  
rente, in Archivo sacrarum Virgi-  
num Ticinensium Monasterii Theo-  
dotes, nunc de Posterula, olim ego ipse descripsi.*

*Curtis de Prato plano donatio facta Annae Augustae Conjugi suae a Berengario I. Imperatore, Anno 910.*

**I**N nomine Domini Dei aeterni. Berengarius divina ordinante clementia Imperator Augustus. Benignitati divi-  
nae deputare debemus, quod sua ineffa-  
bili clementia immeritis ad hoc Impe-

**E**riale fastigium provexit, nobisque aspi-  
revit, ut ultima nos dies imparatos re-  
perisset, ut de celesti regione, in qua  
non peregrini, sed heredes esse debemus,  
iustitia intentione ipsius adiutorio confi-  
de-

detare studeremus; sicque factum est, ut sana mente & voluntaria potestate opitulante Christo per Precepta nostrae concessionis & ordinationis quomodocumque melius provideretur nostri juris & proprietatis praedia atque hereditates pro Dei amore & remedio animae nostrae, ne in posterum ex his aliqua orivatur intentio per nostrae successionis genus presenti auctoritate dividere, atque jure.... largiri dignaremur. Ideoque noverit omnium fidelium Sanctae Dei Ecclesiae, nostrorumque, praesentium scilicet ac futurorum industria, eo quod nos, sicut prolocuti sumus, pro Dei amore, animaeque nostrae remedio, & interventu Widonis reverentissimi..... necnon & supplicationibus Odelrici incliti Marchionis Curtem nostrae proprietatis de Prato Plano finibus Placentinis, cum Capella ibidem constructa & omnibus adjacentiis & pertinentiis suis in integrum jure proprietario Annae dilectae Conjugi nostrae concessimus, ac de nostro jure & dominio in ejus jus & do-

A minium omnino transfudimus ac delegavimus, una cum castis, terris, vineis, campis, pratis, pascuis, silvis, saletis, facionibus, aquis, aquarumque decursibus, molendinis, piscationibus, servis & ancillis, Aldionibus & Aldianis, montibus, vallibus, paludibus, planiciis, coltis & incoltis, divisis & indivisis, omnibusque ad se juste & legaliter pertinentibus, ad habendum, tenendum, vendendum, alienandum, pro anima judicandum, & quicquid voluerit perpetuo faciendum, absque totius Potestatis contradictione. Si quis igitur hoc nostrae auctoritatis & ordinationis atque presentis concessionis Preceptum infringere vel violare temptaverit, sciat se compositurum auri optimi Libras centum, medietatem Camerae nostrae, & medietatem praedictae Annae Conjugi nostrae, aut cui ipsa dederit, aut haberi concesserit. Quod ut verius credatur, & diligentius observetur, manu propria roborantes de anulo nostro subter insigniri jussimus.

Signum Domni

**B S**  
**NE**

Berengarii serenissimi Imperatoris Augusti.

Locus Sigilli & cerei deperditi.

Johannes Episcopus & Cancellarius ad vicem Ardingi Episcopi & Archicancellarii recognovi & subscripsi.

Data VI. Idus Septembris, Anno Dominicae Incarnationis DCCCCXX. Domni vero Berengarii serenissimi Regis XXXIII. Imperii autem sui VI. Indictione IX.

Actum Papiae in Christi nomine feliciter. Amen.

Post Bertilam primam Berengarii uxorem, ab eo ob non servatam fidem veneno sublatam, ad illius thalamum Anna deducta est, quae sa-

D pientius se gerens, Regiam munificentiam non semel experta est. Occurrit ejus nomen in aliis Berengarii tabulis in hoc ipso Opere a me evul-

evulgatis. *Annus* autem *VI. Imperii* *Anni DCCCCXX.* recte consonat cum *Inditione IX.* inchoata Kalendis Septembribus. Verum discordat ab aliis, quae infra animadvertam in Dissertat. *LVI. de Religione*, atque aliis in locis, videlicet Berengarium, Anno *DCCCCXVI.* uti censuit Pagi, non autem *DCCCCXV.* coronam ac titulum Imperialem Romae suscepisse. Sed heic error cubare mi-

A hi creditur. Vide *Dissertationem LXVI. de Monaster. Monial.* ubi Chartam adferam, Anno *DCCCCXX.* scriptam, *X. Kalendas Decembris, Anno V. Berengarii.* Idem quoque dicendum reor de altera Charta concordi cum hoc ipso Diplomate, quam e Collectaneis Peregrini Pisciensi Ferrariensis viri, circiter Annum *MCCCCXC.* doctissimi, existentibus in Bibliotheca Estensi, exerui.

Curtis Firminiana donatio facta Martino, Leoni, Urlo, & Petro filiis suis a Firminiano Consule, Anno 918.

**I**N nomine Patris & Filii & Spiritus Sancti. Anno Deo propitio Pontificatus Domni Joannis summi Pontificis & universalis Pape in Apostolica sacratissima beati Petri Sede Sexto: sicque imperante Domino piissimo perpetuo Augusto Berengarius a Deo coronato pacifico magno Imperatore, Anno Quarto, die IV. Mensis Junio, Inditione Sexta, in loco, qui dicitur Firminiana. Profitens profiteor ego quidem in Dei nomine Firminianus Consul per hujus pagine votis proferentis, donationis, seu largitatis, transferentis, atque benefactis, necnon propter transactionis meae paginam, vos presentes in Christi nomine Martinus & Leo & Ursus & Petrus minor, dilectis emancipatis filiis meis, & in vestris filiis & heredibus do, dono, trado, cedo, largior atque transfero, & meo jure, meoque dominus, meisque ceteris filiis & heredibus alieno, transcribo, atque subduco in jura & dominium vestrum emancipati filii mei, in vestrisque filiis & heredibus. Id est Curtes mea dominicata integra, que vocatur Firminiana, cum omnibus sibi pertinentibus, quas nunc habere & detinere videor jure proprietatis mee inter confinibus de prediis Curte, que voca-

tur Firminiana, hoc est ab uno latere Sablune, ab alio latere Finalis & Rore, a tertio latere Cuparius & Capite Ranito, a quarto latere mare. Ita ut in iis omnibus liceat vobis inibi introire atque ingredi per hanc paginam donationis seu transferentis a me in vobis facte in vobis tradita sine ullo aliquo ostaculo vel impedimento, quocumque tramite inibi dominium & potestatem habeatis, teneatis, possideatis etiam vendendi, donandi, vel commutandi, & more quicquid vobis placuerit exinde faciendi. Et ab hoc die numquam liceat mihi superscriptus Firminianus, neque meis ceteris filiis vel filiabus, vel heredibus meis ullo unquam in tempore quamvis facere questionem, repetitionem, aut causationem vel interpellationem, ullamque molestiam generare contra vos denominati filii mei emancipati, neque contra vestris filiis & heredibus pro his omnibus, que . . . . . vel in totum nunquam agimus, neque contendimus, aut invadimus, vel inoccupamus, neque agentibus quod discindere audeamus, neque in jure, unde existit, non abrenuntiamus per nullam occasionem, neque ingenio, non per nos, neque pro ulla summissura personae, non ad eundo ju-

judicio, non ad supplicando Principibus, neque per Ecclesiasticam interpellationem, aut per Regalem vel Imperialem potestatem, ne ullam rationem contra ire, quam sensus humanus attingere potest: sed magis da nos & da nostris omnibus filiis & heredibus securi exinde maneatis in omnibus . . . . . Quod si, quod absit, & avertat divina potentia, & omnia ut supra non observare vel adimplere, & contra ita ire nec agere aut contendere voluero per quemlibet modum vel titulum, pro quibus jurata voce dico, per Deum Omnipotentem, Sedemque sanctam Apostolicam, vitam Domnorum nostrorum, attestatione confirmo, que datura me esse promitto ego antedictus Firminianus una cum ceteris filiis & heredibus ante omne litis iudicium aut interpellationem, pene nomine auri obrixi Libram unam, & per solvere maneat hac paginam in sua firmitate. Quam paginam Andreas Tabellio scribendam rogavimus, subter manibus propriis firmavimus, testibusque a nobis rogatis obtuli subscribenda, eorumque presentia eam eorum contradidi sub die & Mense & Indictione superscripta Sexta in loco, qui dicitur Firminiana.

Ego Firminianus Consul in hac pagina a me facta subscripsi.

Severus in hac pagina rogatus testis subscripsi.

Ildebrandus in hac pagina donationis rogatus testis subscripsi.

Andreas in hac pagina rogatus testis subscripsi.

Bruno in hac pagina rogatus testis subscripsi.

Reginaldus in hac pagina rogatus testis subscripsi.

Andreas Tabellio Scriptor hujus pagine donationis, ut supra, post roborationem interfui, complevi, & absolvi.

A Habemus heic *Indictionem Sextam*; Anno DCCCCXVIII. decurrentem. Quod si eo Anno in cursu erat *Anus IV.* Imperii Berengarii, ergo is Imperii titulum sumserit Anno DCCCCXV. ante Junium mensem oportet. Quum tamen plura sint, ac longe certiora monumenta, coronationem Romanam Berengarii ad Annum DCCCCXVI. referentia, apta haec minime sunt ad me removendum e priore sententia. Quod si major fides Chartae nunc evulgatae foret habenda, inde praeterea intelligere possemus, minus recte a Pagio eodem exordium Pontificatus *Jobannis X. Papae* alligatum fuisse *Aprili Anni DCCCCXVI.* nam Charta ista nos docet, ipsum praecedente Anno DCCCCXIII. ante diem IV. Mensis Junii Cathedram Principis Apostolorum conscendisse. Et sane concordem videas notitiam hanc cum Leonis Ostiensis Historia, quam in hoc loco Pagius contemnit. Verum heic agitur de apographo recenti, cui multum auctoritatis tribuere non licet. Ceterum, ut in semitam revertar, repeto, nulli Langobardicae mulieri licuisse donare, vendere, aut permutare sine consensu Mundualdi sui. Attamen, quum humana cupiditate urgente deprehensum fuisset, Mundualdos in tutelam feminarum institutos, potestate sibi data, ac infirmitate muliebris sexus, male uti, Liutprandus Rex edixit, ut mulieres suas, etiam consentiente viro, vendundare volenti, duo vel tres *Parentes*, idest qui agnatione illi conjungerentur, contractui adessent, exploraturi videlicet & ipsi, num fraus, vis, aut alia iniqua causa eam ad vendendum pertraxisset. Hunc ipsum ritum adhuc Mutinenses observant; & uti veteres Langobardi

B

C

D

E

P ad

ad contractum etiam donationis protenderunt, ita & Mutinenses ad quoscumque contractus, unde laedi fe-

A minae possint. Porro eundem ritum nobis describet Charta, quam mihi suppeditavit Archivum Estense.

Bonifacius Marchio & Richilda Comitissa illius Uxor Monasterio Sancti Silvestri de Nonantula multos agros donant, Anno 1017.

**I**N nomine Sancte & individue Trinitatis. Anno Dominice Incarnationis Millesimo Septimodecimo. Henricus gracia Dei Imperator Augustus, Anni Imperii ejus Deo propicio hic in Italia Quarto, Mense Marcius, Indictione XIV. Monasterio Sancti Silvestri Christi Confessoris, ubi ejus humatum quiescit Corpus, sito Nonantula. Nos Bonifacius Marchio filius bone memorie Teudaldi qui fuit itemque Marchio, & Richilda Coniuge ejus jugalibus, filia bone memorie Giselberti, qui fuit Comes Palatii: qui professi sumus Legem vivere Longobardorum; & mihi quidem Richilda, consentiente scripto Bonifacio Marchio, viro & jugale meo, & subter in omnibus confirmante, & ut Lex habet autoritas, una cum noticia de propinquo-ribus parentibus meis, quorum nomina eorum, Lanfrancus & Maginfredus germanis meis, in qua subter affirmati esse leguntur. A quibus interrogata & inquisita sum, si ab ipso jugale & Mondualdo meo, vel a quolibet hominem, aliquam me pati violentia, an non. Quidem & ego supra Richilda in eorum parentibus meis, & reliquorum Nobilium presencia hominum, certam facio professionem & manifestationem, eo quod ab ipso jugale meo, nec ad nullum hominem nullamve pati violentia, nisi mea bona & spontanea voluntate, ac Cartula onferfionis una cum prescripto jugale meo comamuniter facere visi sumus. Propterea diximus: quisquis in

**B** sanctis ac in venerabilibus locis aliquid ex suis contulit rebus, justa Auctoris vocem in hoc Seculo centuplum accipiet, & insuper quod melius est, vitam possidebit eternam. Et ideo nos, quorum supra, Bonifacius Marchio & Richilda jugalibus donamus & tradimus seu offerimus in eodem Monasterio Sancti Silvestri scito Nonantula, proprietario jure habendum, & tibi Domnus Rodolphus Abbas ipsius Monasterii, tuisque successoribus in perpetuum possidendum: id sunt, Casis & omnibus rebus territorii illis, seu padulibus & piscationibus juris nostri, qui supra jugalibus, quod habere visi sumus in locas, ubi dicitur Arcoada & Auratica seu in Granariolo, qui rejacet in loco & fendo Trecenta, atque medietatem de Curte Tricentola, quod sunt ipsis rebus in prescripto loco Arcoada, per mensura justa a pertica legitima de pedes duodecim mensurata inter sediminas cum casis & areis, ubi vitis estant, seu pratis atque terris arabilis; & area una de terra cum Capella super habente, quae est consecrata in honore Sancti Michaelis Archangelis, una cum rebus ad ipsa Capella pertinentibus juges centum. De gerbidis & buscaliis seu silvis cum areis illorum atque padulibus juges centum viginti. Sunt fines ad ipsis rebus in prescripto loco Arcoada de mane terra Arimanorum, quod vocatur Sadriani & publica de Plebe Sancti Georii. De Meridie terra Sanctae Marie, qui vocatur Due Basilice. De Sera terra de Massa Sancti Petri de Roma. De subio Cor-tem

tem Sancti Martini de Zello. Et subter rebus ipsis in prescripto loco Auratica pecies quatuor cum Capella, qui est consecrata in honorem Sancti Zenoni. Prima pecia cum prescripta Capella super se habente, est circumdata finis da mane Sancte Marie: da meridie fossam, que vocatur Pellastrina; da sera similiter Sancte Marie; de subto Sancti Georii in Layno, qui vocatur termino de Puntecelli. Secunda Pecia est circumdata finis de mane heredes quondam Petri Judex, qui vocatur de Rabodo, & Almericus de Ferrara; da meridie ipsius Almericus; da sera prescripto heredes Petri Judex, & Bonici Prandi; de subto prescripto termino de Punticelli. Tercia pecia de mane & de meridie prescripto Almericus; da sera Sancte Marie; de subto Sichelmi Judex & Azoni Diaconus & heredes quondam Watini Comes. Quarta pecia quidem est quarta pars de fundo Codonica. Et sunt predictæ quatuor pecies super totas insimul ad eandem mensura sediminas cum casis & areis, ubi vitis estant, una cum predicta Capella, seu pratis atque terris arabilis, juges sexaginta de gerbidis & buscaleis seu silvis cum areis earum atque paludibus juges triginta & tres.

Et sunt rebus in predicto loco Granariolo Massaricia una, qui tenere videtur per Johannes & Petrus Pocco per eandem mensuram inter sedimen cum casis & areis, ubi vitis extant, seu pratis atque terris arabilis seu gerbidis, juges tredecim, & sextaria viginis, & paludibus seu piscationis ad eandem Massariciam pertinentibus in integrum. Coëris ei in circuitu ad predicta Corte Trecentola, da mane Cleloibola & Cazaneda: da meridie Val de Ravida & Rasolese: da sera Finale & Berbicuto & Vidagofo: de subto Aqualungola, que dicitur Myclena, vel quis alii sunt

A in hiis omnibus coërentes. Et est jam dicta medietatem de prefata Corte Trecentola infra ipse coherencie per jam facta mensura inter sediminas cum casis & areis, ubi vitis extant, seu campis arabilis atque pratis & area cum Capella super se habente, qui est consecrata in honorem Sancti Johannis & Blaxii, qui est posita in loco Grumiliato, juges duocenti. De silvis, glandiferis, & piscationibus cum areis suarum, juges duocenti: de gerbidis & buscaleis seu paludibus cum areis suarum similiter juges duocenti, cum omni jure, adjacentiis, & pertinentiis earum rerum per locas & vocabulas ad ipsam medietatem de eadem Corte pertinente in integrum. Verum etiam donamus & offerimus nos quidem jugalibus in eodem sanctum & venerabilem Monasterium de reliqua namque vero medietates de ipsa Corte, idest Massaricia una, item juris nostri, quam habere visi sumus in predicto loco Trecentola, nominative ipsa Massaricia, que nunc recta vel laborata est per Marcum Bonzoni. Et est ipsa Massaricia, sicuti predicto Massario regitur, inter sedimen cum casa & areis, ubi vitis estant, seu pratis atque terris arabilis, juges octo: de gerbidis, buscaleis, seu silvis & paludibus cum areis eorum juges quatuor, quod sunt omnibus predictis rebus, ut dictum est, tam casis cum sediminibus & Capellis cum domui cultiles seu reliquis terris, campis, pratis, pascuis, vineis, & silvis, ac stallareis cum areis in aqua estant una cum paludibus & piscationibus seu venationibus cum adjacentiis & pertinentiis ad predictis locis pertinentibus, cultis & incultis, divisis & indivisis, omnia & ex omnibus, una cum finibus & terminibus, accessionibus, & usibus aquarum, aquarum ductibus cum omni jure, adjacentiis & pertinentiis earum rerum per locas & vocabulas ad ipsas



ipsas casis & rebus pertinentibus in integrum. Que autem jam dictis casis & omnibus rebus, qualiter superius comprehensis & mensuratis per coherencias legitur cum superioribus & inferioribus atque cum ingressoribus & accessionibus suarum in integrum, ab hac die & hora damus & tradamus seu offerimus tibi, qui supra Rodulfi Abba tuisque successoribus ad parte jam dicto Monasterio maneat & persistant potestatem ad habendum & faciendum nomine proprietario jure, absque omni nostra, quorum supra jugalibus & heredum nostrorum contradictione. Quidem & spondimus atque promittimus nos, qui supra, jugalibus & donatoris una cum nostros heredes tibi quidem Rodulfi Abba tuisque successoribus ad pars ipsius Monasterii jam dictis casis & capellis, seu omnibus rebus, quod tibi superius donavimus & offerimus in integrum, ab omni contradicentem hominem defensare juxta Lex. Quod si ad defensandum minime fecerimus, aut si contra hanc Cartulam offerfionis agere aut causare presumpserimus, vel si agentibus consentiens fuerimus, tunc predictis casis & Capellis seu omnibus rebus quantiscumque vobis superius donavimus & offerimus, sicut pro tempore melioratis fuerint aut valuerint, sub estimatione in consimilibus locis in duplum vobis ad pars predicto Monasterio restituamus, quia sic inter nobis convenit.

Actum in loco Revere feliciter.



Bonifacius Marchio  
subscripti.

\* Signum manus predicta Richilda Comitissa, qui hac Car-

tula offerfionis, ut supra, fieri rogavi, & ei relicta est.

\* Lanfrancus Comes Palatii, qui eadem Richilda germana mea interrogavi, ut supra, subscripsi.

\* Maginfredus Comes, qui eadem Richilda germana mea interrogavi, ut supra, subscripsi.

\* \* \* Signum manibus Atoni, & Jugoni, seu Oprandi, Legem viventis Langobardorum, rogati testes.

Ego Donatus Notarius sacri Palatii scripsi, post tradita complevit & dedi.

Richildae, quam primis votis duxit Bonifacius Marchio, postea Dux Tusciae, meminit Donizo in Vita Mathildis Lib. primo Cap. 6. hisce versibus.

Marchio Richildam praetaxatus Comitissam,

Quae Giselferti de sanguine Principis exit,

Duxit in uxorem, fuerat quia dives honore.

Haec agapem multam miseris dabat atq; tributa.

Haec defuncta jacet sine pignoribusque Nogarae.

Uti jam animadverti Par. I. Cap. 8. pag. 55. Antiquitat. Estensium, Florentinius & Bacchinius opinati sunt, Richildae isti patrem fuisse Giselfertum Comitem Lucemburgi, sanctae Cunegundae Augustae fratrem. Corruere eorum sententiam ex his vides. Illam progenuit Giselfertus, natione Langobardus, & Comes Palatii

latii (*Principem* propterea illum Donizo appellat) de quo mihi sermo fuit in Dissertatione VII. *de Comitibus Palatii*. Jam verò animadvertentis, huic donationi interfuisse *Lanfrancum Comitem Palatii*, & *Maginfredum Comitem* ipsius *Richildae* fratres, qui palam ipsam interrogarunt, sponte-ne, an coacta donaret.

A Quod si de Vidua agebatur, eique nulli erant agnati, aut si erant, absentes erant: tunc aliquis, ut puto, eligebatur, qui *Mundoaldi* locum teneret. Id elucere posse videtur ex Charta, quae in Archivo Abbatiae *Vangadicensis* adservatur, quae *Almericum Marchionem* & *Franca* ejus conjugem nobis exhibet,

Donatio quamplurium agrorum facta Basilicae Sanctae Mariae de Vangadicia in Dioecesi Adriensi a Franca Comitissa, Uxore quondam Almerici Marchionis, Anno 954.

I N nomine Domini nostri Jesu Christi. Berengarius & Adelbertus filius ejus gratia Dei Reges, anno Regni eorum Deo propitio V. Sexto die Mensis Decembris, Indictione XIII. Basilica Sanctae Mariae quae est sita prope flumen Adice veclo, & constructa quondam primo Domni Almerici olim Marchionis, & Franca jugales, ab eis noviter aedificata, ubi Presbyter Joannes Custos & Rector constitutus fuerat a quondam..... Francha Lanfranchi, & relicta supradicti Almerici, quae professus sum ex natione mea Lege vivere Langobardorum, consentiente & ultimo confirmante Idelmario Presbytero & Rectore..... ipsius Basilicae, praesens praesentibus dixi: quisquis in sanctis ac venerabilibus locis ex suis aliquid contulerit rebus, juxta Auctoris vocem, in hoc Saeculo centuplum accipiet, & vitam eternam possidebit. Ideoque ego Franca dono & offero perpetualiter habendum in supradicta Basilica pro anima mea, & supradicti quondam Almerici, qui fuit vir meus..... sex in loco & fundo Merlariae, & in Altadura, & in Casale. In primis in Merlaria & Casale & omnes res, quod rectum & laboratum est per Rodamaro Massa. Se-

B cundum Casale ibi simul & tenenti, quod rectum est per beredes quondam *Johannis Ferracii*. Tertium Casale in ipso loco *Merlaria*, quod rectum fuit per *Laurentium Pelletum*. Quartum Casale ibidem tunc laboratum per *Martinum Bongalum*. Quintum Casale in *Altadura*, quod rectum est per *Bonellum* filium quondam *Gisemperi Massarii*. Sextum Casale denique, quod jacet in Villa..... ab uno latere terra deserta *Sculdasia*, ab alio fossatum.... & possitias beredes quondam *Sandrani*, ab uno capite via, ab alio terra nigra; seu & omnes res *Altadura* & in *Casale*. In primis in *Altadura* petias duas de vite, una quae dicitur de *Grimaldo*, alia quae dicitur *Dualissa*, quae recta est per beredes *Petri Massa*..... de vite quae recta est per *Barontium Pignonum*, & petia una de vite, & terra insimul se tenente, quae vocatur *Clusura Madelgeri*, petia una terrae, quae partim..... decimas, seu in *Casali* unum Casale, quod rectum & laboratum est per beredes *Johannis Scurzabuli*. In Urbana Casale unum, quod rectum est & laboratum per *Johannem Suirianum*..... in ipso loco Urbanae, quae recta & laborata est per *Zenonem de Barucio*. Etiam dono vobis, Sacerdotes vel

vel Levitae, seu ceteri Clerici, qui nunc ordinati sunt, vel in futuris temporibus ordinati fuerint, ut pro nobis peccatoribus ad Dominum Jesum Christum orare debeatis, item omne Tolo-neum, quod dicitur Tuxidura de navi-bus, flumen Adice vello percurrenti-bus..... piscationes, venationes, de finibus Pedices, usque in Ruta de A-dice & de Visinara corente remissa de Tartaro, & in Stafulo decurrente in Ruta de Cadenaro. Et quidquid juxta praefatos fines inventum fuerit per quod-cumque ingenium pertinere de jure, quod fuit supradicti Almerici, qui fuit domi-nus omnium in integram, cum praedictis Casinis, Massaritiis, seu terris vinea-tis, campis, pratis, pascuis, silvis, ac skalaticis, rupinis, ac paludibus, cultis & incultis, divisis & indivisis, una cum finibus, terminibus, accessionibus, usibus aquarum, aquarumque decursibus, molendinis & piscationibus in dictos fi-nes inventum fueris, una cum coemete-riis & offerfionibus, quas eadem Basi-lica Dominus dederit faciendum in inte-grum, & successoribus de supradictis re-bus quicquid voluerint, & praefati Sa-cerdotes de eadem Basilica curam & sollicitudinem habere debeant tam de Of-ficiis quam de Luminaribus. Et si quo tempore opus fuerit, praefatam Basi-li-cam restaurare, per ejusdem Sacerdotes fiat restauratio: quoniam supradictas Massaritias in eis locis & fundis, vi-delicet in Merlava, in Perarolo, in Altadura, & in Casale, & praedi-cta..... e dura fluminis Adice ve-lo..... ex ista parte usque in Ruta de Cadenaro, & de alia parte flumi-nis Visinaria usque in Missa de Tarta-ro, & inde usque in Stafulo, & inde usque in supradicta Ruta de Cadenaro & piscaria de Corusano & Silva infi-mul se tenente, quae vocatur Gurgo de muvo, & cernit fines ab uno latere Vi-

A verno percurrente usque in fossa de Mo-lino, cum accessionibus & ingressurab earum, cum superioribus & inferioribus suis, sicut supra legitur, & suis ad-baerentiis decernitur, & sunt compre-bensa in integram..... Hac die dono & offero in eadem Basilica Sanctae Mariae a die presenti & hora & sam-pta & usu praedictorum Sacerdotum ac  
B Levitarum & caeterorum Clericorum, qui modò ordinati sunt, & pro tempo-re ordinati fuerint, & ibidem frequen-tius deservierint, faciant ex frugibus earum rerum vel censu, quos Dominus annue dederit, quicquid voluerint sine omni mea & heredum & probredum meorum contradictione vel defensione, & absque restitutione. Insuper volo, ut  
C homines, qui supra res praelibatas Ba-silicae Sanctae Mariae resident, ad nul-lum Placitum vadant, neque custodiam, nisi ad supradictos Sacerdotes, eorum-que successores, & nullum redditum, nec herbatum, nec recollectam, neque publicum faciant, nisi ad praefatam Ecclesiam, praeter ad Castrum restau-randum cum ceteris vicinis. Et si opus fuerit, praefatos homines ire ad Placi-tum, dum opus fuerit praefatae Eccle-siae, vadant. Et si ego Franca, vel mei heredes, aut ulla summissa perso-na vos, vestrosque successores inquietare aut molestare quocumque ingenio praesumserint: ego supradicta Franca & mei heredes vobis vestrisque successoribus componere debemus poena argenti Librat centum. Insuper casas & omnes res, sicut supra legitur, in duplum. Et si... & fieri non credo; si Princeps, aut quaelibet magna parvaque persona, tam propinqui quam extranei, tam masculi quam feminae, hanc meam offerfionem in aliquo aut per totum molestare vo-luerit, & praedictam Basilicam quieti & pacifice praedictas res habere non permiserint, tunc Dominum omnipoten-tem

tem habeant retributorem, & ante tribunal Christi cum Juda traditore inde stet ad iudicium in ratione, & cum eo maneat in Inferno inferiori. Et si Deo permittente nemini molestati fuerint, tunc Presbyteri praefatae Basilicae, eorumque Successores in eorum sumptu & usu habeant fruges earum rerum, & faciant de illis omnibus, sicut supra legitur proprietario nomine quidquid voluerint, pro anima mea, & supradicti quondam Almerici, qui fuit vir meus, mercede. Quia taliter in omnibus mea bona decrevit voluntas. Hanc autem Cartam & offerfionis meae paginam Notario & Iudici Domnorum Regum tradidi & scribere rogavi, in qua etiam subter confirmatis testibus obtuli ad roborandum.

Actum Castrum Rhodigii feliciter.

Signum manu supradictae Franchae, quae hanc Cartulam offerfionis fieri rogavit, & ei relecta est.

Ego Ildemar Presbyter, qui eidem Franchae omnia supradicta consensi, ut supra legitur, subscripsi.

Signum manibus Conradi filii Girardi, & Rongoni filii, itemque Rongonus Vasso Adelgisi Lege vivente Langobardorum, & hanc Cartulam offerfionis rogati testes. Martinum de Sarzano, Badara

A

de Rhodigia, Viso de Vitale Russo, habitantes in Castro Rhodigii, testes. Enricus qui vocatur Guazalino de Bugosso, & Gusselino Vasso Adelgisi, & Gregorio Decano testes.

Ego Poma Notarius & Iudex Domnorum Regum, scriptor bujus Cartulae offerfionis, post traditam complevi & dedi, Anno Domini . . . . . LIV.

B

Hic ille Almericus sive Amelricus Marchio est, cujus mentionem feci in Antiquitatibus Estensib. Par. I. Cap. 23. pag. 223. Ignotum autem nobis est, cui Marchiae praefuerit. Is cum Franca conjugis sua primus auctor fuit ditandae Basilicae Sanctae Mariae de Vangadicia, quae postea in Monasterium & Oppidum evasit, olim pertinens ad Atestinos Principes, situm non longe ab Atice veteri, cui adhuc nomen *l'Abbazia*. Videmus heic Ildemarum Rectorem ipsius Basilicae consentientem donationi Franchae, quasi Mundoaldi vices ille implevit; etenim jam e vivis excesserat Amelricus ejus vir, ad quem simulque & ad Francam ejus uxorem pertinet altera Charta, cujus apographum legi in ejusdem Monasterii Tabulario.

C

D

### Donatio Amelrici & Francae conjugum Ecclesiae Sanctae Mariae ad fluvium Athesim, Anno 952.

**I**N nomine Domini nostri Jesu Christi. Regnantes Dominos nostros Berengario & Adelbertus ejus filio ejus Reges hic in Italia Anno Quinto, sub die de Mense Augusti, Indicione X. feliciter. Scola Sacerdotum de Ecclesia beatae Dei Genitricis Virginis Mariae, quam nos ipsis jugalibus in nostro proprio effundamentum edificavimus, quae nos libere & possidere visi sumus in loca & fun-

E

do, quae vocatur flumen Vedre, ubi nunc presenti tempore Johannes Presbyter Custos & Rector ipsius Scholae esse videtur. Nos quidem in Dei omnipotentis nomine Amelricus . . . . . idemque Amelrici, & Franca honorabilibus jugalibus, qui Lege Salicha vivere visi sumus, per hanc presentem paginam offerfionis nostrae, & per rationem terre, & ramum arborum, fistucam notatum, atque

atque cultellum, & duos wantos, totum insimul hac tandem visi sumus, & corporalem facimus investituram & traditionem seu offerfionis nomine presenti die & hora ad iure ipsius Scolae perpetuario nomine habendum. Idem in integrum omnibus casis & rebus illius juris & proprietatis nostrae, quod supradictis jugalibus, quem nos habere & possidere visi sumus, qui positi sunt ipsis casis & rebus in loco & fundo Cavezana ab ipsis casis & rebus, tam terris casaliis & terris cum vineis & terris aratoris, seu vigris, vineis, campis, pratis, pascuis, silvis, salectis, facionibus, rivis, ac padulibus, piscationibus, aquis, aquarumque decursibus, cum omnia & ex omnibus de quantum ad jam dictum loco Cavezana legibus pertinent, nos qui supradicti jugalibus in jam dicta scola..... de predicta Ecclesia Sancte Marie donamus, concedimus, tradimus atque offerimus per remedium animae nostrae vel parentum nostrorum. Itemque concedimus, donamus atque offerimus per hanc presentem paginam offerfionis nostrae a die presenti & ora ad iure ipsius Scolae proprietario nomine ad habendum idem omnis transita illa juris proprietatis nostrae, & possidere visi sumus, & nobis legibus pertinent, & juris habere in alveo fluvio Athesis, qui vocatur Flumen Vedre, prope jam dicta Ecclesia Sancte Marie cum omnia & ex omnibus, sicut supra nos, qui supradictis jugalibus presenti die & ora ad iure ipsius Scolae per hanc presentem paginam offerfionis donamus, tradimus atque offerimus: ut Custus & Rector, qui ibidem modo est, vel qui pro tempore fuerint, talem exinde habeant potestatem de ipsas res, atque transitam, sicut supra legitur, ad regendum & gubernandum seu disponendum, sicut de alias res ipsis Scolae facere visi sunt per potestatem, ut forsitan nobis peccatores, parentumque no-

A strorum proficiant ad salutem & gaudium sempiternum. Et exinde de ea omnia, qualiter superius legitur, nos jam dictis jugalibus nobis exinde nullam reservavimus ab ipsis casis & rebus una cum superioribus & inferioribus earum rerum, cum ingressibus atque regressibus suis communibus. Et si vero, quod futurum esse non credimus, si aliquid de heredibus ac proberedibus nostris, aut quolibet ulla opposita magna parvaque persona hominum surrexerit aliquando tempore, quod contra huius nostrae paginam offerfionis, quem nos nostros bono animo fieri rogavimus, ire quandoque temptaverit, aut ea infringere voluerint, & probatum fuerit, tunc componat ipsos heredes ac proberedibus nostris vobis vel ad vestros successores, qui pro tempore in ipsa sancta militaverit Ecclesia, ipsis predictis casis & rebus & omnia, sicut supra legitur, omnia in duplum, & insuper stipulationis nomine componamus vobis pena que & multa una cum sociante Fisco auri optimi uncia una, argentum ponderas duas coactus absolvamus, & de hoc quod repecierint, nichil vindicare habeant. Et insuper cum Juda traditore ante tribunal aeterni Iudicis habeant damnationem. Et hec presens pagina offerfionis, sicut supra legitur, omnique tempore firma & stabilis, inconvulsa & irrevocabilis permaneat, sine omni contradicione hominum, cum stipulatione subnixa. Et quia nos ipsis suprascriptis jugalibus hanc membrana simul cum calamo & attramentario & pinna atque cultellum & duas wantos, totum insimul manibus nostris, iuxta Lege nostra Salicha, de terra levavimus; & Ingelbertus Notarius tradidimus ad scribendum, & testes in qua hac subter confirmans ad nos rogatos obtulimus ad corroborandum.

Acto in Castro Merlaria feliciter.

Si-

Signum ✠ ✠ manibus suprascripto-  
rum Amelrici & Francani bo-  
norabilis iogalibus, qui hanc pa-  
ginam fieri rogaverunt, ad om-  
nia suprascripta, & ei rele-  
cta est.

Signum ✠ ✠ ✠ manibus Fulberio  
filius quondam Jeberto, & Il-  
doino filio Bonildoigo, & E-  
ruigo filio ejus, viventes Lege  
Salicba, testes.

Signum ✠ ✠ ✠ manibus Gariver-  
to, qui Gezo dicitur, & Gi-  
selbertus, & Adelfredus ger-  
manis filiis Felice, testes.

Signum ✠ ✠ ✠ manuum Tedaldo,  
qui Roxo vocatur, & Granso  
filio Boni, Everardi, testes.

Ego qui suprascriptus Ingelbertus No-  
tarius rogatus, qui hanc pagi-  
nam scripsi, & post tradita  
complevi.

A Verum in Chronologicis notis hu-  
jus Chartae inter Indictionem X. quae  
Anno DCCCCLII. decurrebat, &  
Annum Quintum Berengarii II. Regis  
pugna est. Quare neque hanc, neque  
superiorem, Chartas legitimas prae-  
stare velim, quum apographa tan-  
tum viderim, eaque, ut vides, vi-  
tiata, neque inter se concordia. Ce-  
terum, uti jam monui, secundum  
Langobardos Mundualdus feminis da-  
batur. Diversa verò minime fuisse  
videtur consuetudo Alamannorum Le-  
gem sequentibus. Operae pretium e-  
rit huc adferre Chartam, quam ad  
me misit amantissimus mei vir, ac  
in re antiquaria peritissimus Joseph  
Antenor Scalabrinus, Ferrariensis  
Ecclesiae Sanctae Mariae in Bucca  
Rector.

Charta Imeltrudae filiae Keisculd, Alamannorum Lege viventis,  
quae agros nonnullos vendit Fulcardo Sculdascio  
filio Walae, Anno 936.

I N nomine Domini nostri Jesu Chri-  
sti. Regnantibus Domnis nostris Hu-  
gone Rege hic in Italia Anno Nono,  
& Domino Lotbario Rege filio ejus An-  
no Quinto, sub die X. Mensis Marcii,  
Indictione IX. feliciter. Constat me I-  
meltruda honesta femina, filia bone me-  
morie Keisculd, qui Lege Alemagno-  
rum vivere visa sum, sicut & Hein-  
ricus filio Teckerio genitori.... vivere  
visus fui, & buna per largitatem  
Motaldi filio itemque Motaldi item  
ex Alemagnorum genere, libenti a-  
nimo, & mea bona & spontanea vo-  
luntate, sine ulla vim pati, vendidisse,  
ac vendidit, tradidisse, & ita trade-  
dit tibi vero Fulcardo Sculdascio, &  
filio bone memorie Wala, & per hanc  
Tom. IV.

D presentem paginam vendicionis, & per  
duas manicias hac tradere visus sum,  
& corporaliter facio tibi investituram  
vendicionis iusta Legem meam Ale-  
magnorum, presenti die & hora ad  
tuam proprietatem abendum, idest in  
integrum omnibus illis juris proprietatis  
mee, quas habere & possidere visa sum,  
qui positi sunt ipsis rebus in finibus  
Romania in loco, & sunt in Comitatu  
Ferrariense, locus ubi nominatur Gali-  
nario ab ipsis super suis rebus, buna  
cum terris casalinis, & terris cum vi-  
neis, cum campis, pratis, pascuis, sil-  
vis, salectis, facionibus, aquis, hac  
padulibus, ripis rupinis, decimis, pin-  
tionibus, piscationibus, venationibus,  
molendinis, aquis, aquarumque decursi-  
bus,

bus, cum omni & ex omnibus rebus suis, sicut supra legitur, sicut ibidem in predicto loco Galinano abere visa sum, aut mihi legius pertinet, vel pertinere debeat, ibidem ceteris locis, cum omnia & omnius, sicut superius comprehensum est, ego qui suprascripta Emeltruda huna per largitatem Motaldi Avocato meo tibi suprascripto Fulcardo sive Heinricho in integrum visa sum venditari ad die presenti & hora, ad tuam proprietatem habendum, tenendum, vendendum, donandum, commutandum, vel faciendum exinde de eo in integrum, sicut superius comprehensum est, quicquid tibi & heredibus tuis, aut cui tu dederis, placuerit, ex mea plenissima largitate, nulli alii venditis, traditis, mancipatis, nec adpositatis non abeo, nisi tibi suprascripto Fulcardo, de meo jure & dominio in tuoque jure & dominio transfundo potestatem ad habendum; & exinde de hac omnia qualiter superius legitur, jam dicta venditrix exinde mihi nulla reservo ab ipsis rebus, huna cum ingressis & regressibus suis rationem. Et per suprascripta mea venditione recepi ego jam dicta venditrice da te suprascripto bemtore precio finito per argento, & alia merce, insimul valente Solidos treginta. Cui despondeo adque repromitto me ego jam dicta venditrix, vel meas heredes tibi suprascripta bemtori, vel ad tuos heredes, aut cui dederis, si de suprascripta mea venditione aliquando tempore molestare vel contendere presumpserimus, & ab unumquemque homine defendere non potuerimus, tunc tantum & in quantum suprascripta mea vendicio cum omnia super se habente eo tempore in consimile loco eis melioratum voluerit, duplare promittimus. Et hanc paginam vendicionis, sicut supra legitur, quem ego meo bono animo fieri rogavit, omnique tempore firmam & stabilem, inconvul-

A sum & irrevocabilis permanent, & in se omnique tempore obtineat robor sine omni contradictione hominum cum stipulatione subnixi. Et quia ego ipsa suprascripta Emeltruda honesta femina hac pergamena cum sacramentario & pinna & duas manicias, totum insimul manibus meis de terra levavi, huna cum suprascripto Motaldo Avocato meo iuxta Lege mea Alemagnorum; & Pedelbertus Notario tradidi ad scribendum, & testes in qua hic subius meis suprascriptis obtulit ad roborandum.

Acto in Castro Leuniacus feliciter.

\* Signum de manus suprascripta Emeltruda, qui ipsum precium recepit, & anc paginam vendicionis fieri rogavit, ad omnia suprascripta, & ei relictum est.

\* Signum de manus suprascripto Motaldo Avocato ejus Defensori, qui eidem largitatem dedi, & in ac pagina vendicionis manum suam posuit.

\* \* \* \* Signum manibus Regnardo filio quondam Berardo, & Raimberto filio quondam Ulsecauso, & Davit filio quondam Odelberto, & Dominico filio quondam Martino, de suprascripto loco, testes.

\* Signum de manus Teudejulse filio quondam Teudiverto de ipso loco teste.

Ego suprascriptus Pedelbertus Notarius rogatus, qui hanc paginam vendicionis scripsi, & post traditam complui.

Quae heic appellatur largitas Motaldi Advocati, sive Defensoris, idem est ac si dixisset Mundoaldi. Mulieribus autem, Romanâ Lege viventibus, si nuptae erant, viri consensus necessarius erat, quoties inducebant in animum vendere aliquid aut donare. Sublato postea e vivis viro, libe-

liberum eis aliquibus in locis fuisse videtur sine alicujus, aut agnati, aut Judicis praesentia & auctoritate, contractus quosvis consummare. Utriusque moris exemplum e Tabulario

A celeberrimi Monasterii Sublacensis descripsit, & ad me misit Nicolaus Aloyhus, eruditionis praesertim Ecclesiasticae solertissimus cultor.

Agrorum donatio facta Monasterio Sublacensi, ejusque Abbati Georgio, a Rosa muliere nobili, Anno 907.

A Nno Deo propitius Pontificatus Domini Johannis summi Pontificis & universalis decimi tertii Pape in sacratissima Sede beati Petri Apostoli Secundo, Indictione Decima, Mense Junii die XX. Quoniam certum est, me Rosa nobilis femina, consentiente mihi Benedicto Mansionarium viro meo, ac die cessi & cessimus, & irrevocabiliter largior, nullo me cogente, neque contradicente, aut vim faciente, sed propria spontaneaue voluntate vobis Domino Georgio Secundicerio, modò Monachum & Abbatem esse videtur, venerabili Monasterio Sancti Christi Confessoris Benedicti, quod situm est in Sublaco, tibi vel in cunctis aliis Abbatibus seu Monachis in eodem venerabili Monasterio permanentibus in perpetuum. Quia ego dono vobis pro Dei omnipotentis amore & . . . . . veniam delictorum meorum, ut puris, sacris, cotidianisque orationibus cum iustis & electis Domini in Regnis celestibus merear portionem accipere. Id est Vineam a novello pastinam, seu terram vacantem, quae sunt insimul petie sex in integrum cum introitu & exitu eorum, & cum omnibus ad eas generaliter & in integrum pertinentibus: posite in territorio Ariciense, miliario ab Urbe Roma plus minus, in loco qui vocatur Sancto Eleutherio, & inter affines, ab uno latere Valle, quae vocatur Ocrana; a secundo latere vinea de herede de Demetrio, qui vocatur Malagoi; & a tertio

B latere vinea de Johanne Episcopo Sanctae Anagninae Ecclesiae; & a quarto latere . . . . . Unde vos muniminis novae & vetustas, quam meis destinui manibus, una cum hac donationis Charta insimul vobis contradidi, quas superscripta Vineam a novello pastinam, cum terra vacante, quae sunt petie sex in integrum, cum introitu & exitu suo & cum omnibus ad eam pertinentibus, ut supra legitur, & post obitum meum cum Dei venia abeat, teneatis, possideatis in usum & salarium ejusdem venerabilis Monasterii in perpetuum, & numquam a me neque ab heredibus & successoribus meis, aut a mea summissa magna parvaque persona contra vos vestrisque successoribus nullam habebitis questionem aut calumniam; sed in omni tempore ab omni homine & in omni loco, ubi vobis necesse fuerit, stare me una cum heredibus & successoribus meis, & defendere promittimus vobis vestrisque successoribus in perpetuum. In qua & jurata dico per Dominum omnipotentem, sanctaeque Sedis Apostolicae seu salutem viri beatissimi & Apostolici sanctissimi Domini Johanni Tertiodecimi Pape, haec omnia, quae hujus Chartae seriem textus eloquitur, inviolabiliter conservare & adimplere promitto. Si enim (quod absit) & quoque tempore ego vel meis heredibus & successoribus contra vos vestrisque successoribus, aut si contra hac sub usufructuario donationis Charta, quam sponte fieri rogavi, agere



aut causare presumpsero, tunc non solum perjurii reatum incurram, verum etiam datura me promitto una cum heredibus & successoribus meis vobis vestrisque successoribus ante omne liti initium pene nomine auri uncie sex ohricii, & post penam absolutionis manentem huic Chartae in sua permaneat firmitate. Quam scribendam rogavi Benedictum Scriniarium & Tabellium . . . . .

\* Signum manu superscripta Rosa nobili femina, consentiente sibi Benedicto Mansionarius viro suo, & donatrice superscripta Vinea.

Benedictus Mansionarii Scola confessioni \* signum feci.

Benedictus testis rogatus signum \* feci.

Alberico testis rogatus signum \* feci.

Stephano testis rogatus signum \* feci.

Georgius Secundicerius Scola testis rogatus signum \* feci.

A Ego Benedictus Scriniarius & Tabellio Urbis Rome complevi & absolvi.

B Hujus Georgii Secundicerii, qui Sublacensi Monasterio praefuit, mentio quoque est in Annalibus Benedictinis Mabillonii ad Annum DCCCCLXVII. ubi Privilegium indicatur eidem ab Ottone Magno Augusto concessum. Is autem, si conjecturam proferre licet, non professione Monachus fuit, sed in Romana Ecclesia Diaconus Secundicerius, cui commendata fuerat cum Abbatis titulo cura Sublacensis Coenobii. Neque praeterire volo Benedictum illum Mansionarium, Rosae donatricis virum, eique consensum praestantem. Si Mansionarius in ordine Cleri constitutos ponimus, ergo is Clericus conjugatus fuerit. Nunc alteram Chartam accipe.

Imilia nobilissima Comitissa multa donat Sublacensi Monasterio, ejusque Abbati Humberto, Anno 1052.

I N nomine Domini Dei Salvatoris Jesu Christi. Anno Domino propitio Pontificatus Domino Leoni summo Pontifici & universali Nono Pape in sacratissima Sede beati Petri Apostoli Anno Quarto, in mense December die primo, Inditione VII. Quoniam certum est, me Domna Imilia nobilissima Comitissa, que olim Domnus Donadeus conjugem fuit, habitatrice in Palestrina a die presenti donamus, cedimus, tradimus, & irrevocabiliter largior atque offero, nullo me cogente, neque contradicente, vel servadente, aut vim faciente, scilicet & propria spontanea voluntate pro redemptione anime quondam Johannis, qui vocabatur de Bene & Donadei & Domna Ista & de Johanne filio meo &

D anima mea, & de ereditibus nostris, per hos dono & concedo in eo venerabili Monasterio Sancti Benedicti & Sanctae Scolastice Virginis, quod ponitur in Sublaco & in te Domino Humberto Domini gratia humilis Abbas, in te tuisque successoribus Monachis, Abbatibus a Domino servientibus in eo venerabili Monasterio in perpetuum permanendi, & pure sancte orationibus die nocteque Domino agere incessatis, per hos dono & concedo omnia portione nostra, & de superscripti nominati, que pupillorum acquisita abuimus de Castello, quod vocatur Sancto Angelo, intus & foris, per fundora & casalibus, in montibus & in planis. Fundum Collematu: Fundum Romani mar-

jore & minore: Fundum & fundum territorio de Sancta Maria in Zexinni: Fundum Vallicotte: Fundum Colombella; & cum omnibus illorum nomina de Casalibus de territorio de Sancta Maria Zexinni, cum Ecclesiis, & cum omnibus, & nostrum acquisitum in casis, casalibus, vineis, terris, campis, pratis, pascuis, & cum pantanu. Et predium, quod vocatur Majulescu, & de superscripto Castello in casis, casalibus, vineis, terris, campis, pratis, silvis, salestis, agresta cum arboribus, & cum aquis, aquimolis, & cum omnibus ad eas pertinentibus, & ubicumque de superscripto Castello, & Fundum Sancta Maria Zexinni a superscripti pertinenter pupillorum acquisitum. Omnia donamus & concedimus in superscripto venerabili Monasterio absque ulla contradictione cum introita & exita eorum & cum omnibus ad eas pertinentibus, nullam reservationem nobis facio. Et de presenti introdundi, utendi, fruendi, possidendi, vendendi, donandi, commutandi in usum & salarium in superscripto Monasterio in perpetuum permanenda. Quibus & numquam a me, neque ab heredibus & successoribus meis, neque a mea sumissa nulla magna vel parvaque persona contra superscripto Monasterio aliquam aliquando abebitis questionem vel litem & litem calumnie: sed in omni tempore ab omni homine & in omni loco superscripto Monasterio necesse fuerit stare, nos una cum heredibus nostris defendere promissimus. In quo & jurata dicimus per Dominum omnipotentem, sancteque Sedis Apostolice Domino Leoni Pape, hec cum omnia, que in Chartula superscripta notata vel \* ascripta leguntur, ut agere presumpserimus & minime defendere noluerimus, aut non potuerimus, tunc non solum perjurium reatum incurramus, set ante omne litem initium pene nomine componamus auro

A purissimo Libre decem, & post pena absolutionis manentem banc Chartam superscripto Monasterio maneat firmitatem. Quam ad scribendum rogavi Giso in Dei nomine Notarium & Tabellium Civitatis Tiburtine in Mense & indictione superscripta.

B Domna Imilia nobilissima Comitissa, que banc Chartam fieri rogavit & firmavit.

Domno Johannes filius de Johannes de Georgio.

Domno Stephano, qui vocatur Catamannu.

Domnus Johannes Dativus Judex.

Domnus Miso de Monteforcuna.

Domnus Miso de Ilperinu.

C Ego Giso in Dei nomine Notarium & Tabellium Civitatis Tiburtina complevit & absolvit.

Scribendum heic Indictione VI. inchoata mense Septembri, aut reponendum Anno V. Leonis Noni Papae: quae postrema emendatio, Annum MLIII. proderet. Quod si Indictio integrum Annum implens adhibita fuit, cum Anno IV. Leonis conjungenda erat Indictio V. Atque heic animadvertas, donationem factam a Comitissa vidua, Romanâ (ut reor) Lege utente, alicujus alterius consensu minime indignisse. Neque enim todebet heic repetere, quod jam indicavi supra in Dissertat. XV. de Manumissionibus: scilicet decretum olim fuisse, ut si qua Mulier Libera Servo nuberet, ejus agnatis liceret in illam animadvertere; iis autem minime id curantibus, servili ministerio in Palatio Regis femina addicebatur. Nunc audi, quid poenae statuerit Ripuaria Lex contra ejusmodi facinus Tit. 59. §. 18. Si ingenua Ripuaria Servum, Ripuarium secuta fuerit, & parentes ejus hoc contradicere voluerint, offeratur ei a Rege,

go, seu a Comite, Spasba, & Conu-  
cola ( unde Conoesbia Italicum ). Quod  
si Spasbam acceperis, Servum interfi-  
ciat. Si autem Conucolam, in servitio  
perseveret. Dura lex gladium offerens  
tam dirâ conditione adhibendum.  
Vide Dissertationem LXVI. de Mo-  
nasteriis Monialium, ubi de poena li-  
berae feminae in vetitam venerem  
proruentis alia attuli. Ceterum qui  
mores, quae virtutes ac vitia femi-  
narum olim fuerint, nihil est nunc  
opus inquirere. Non alia a nostris  
fuere tempora illa. Erant mulieres  
summe piae, prudentes, & castae:  
erant scelestissimae, impudicissimae,  
atque inter eas mediae. Tunc etiam  
libido suas flammâs expandit, atque  
adulteria non defuere. Adulter verò  
ac Adultera passim convicti, viro  
laeso volente, Servitutis jugum pati  
cogebantur; eosque Fiscus Regius ad  
se trahebat. Comitibus autem facul-  
tas data erat faciendae inquisitionis  
de ipsa conjunctione Adulterii: at-  
que hujusmodi criminis cognitionem  
alicubi spectasse ad Episcopos, jam  
monui in Dissertatione XIII. de Ho-  
minibus Liberis. Deprehensâ autem  
muliere consentire tactibus impudi-  
cis, Marito licebat in eam vindictam  
dare, sive in disciplina, sive in vendi-  
tione: verumtamen non occidatur, nec ei  
scematio corporis fiat. Si verò impu-  
dicus multam a Lege propositam sol-  
vendo impar erat, tradebatur & ipse  
Marito in disciplina, vel venditione.  
Haec Liutprandus Rex. Decrevit au-  
tem Rotharis Rex, ut Marito, de-  
prehendenti Uxorem in Adulterio,  
jus foret, tam eam, quàm adulte-  
rum impune occidendi: quae Lex  
adhuc observatur Mutinae, ac in  
aliis locis. Et Seculo quidem vul-  
garis Aerae Decimo, quo nullum  
corruptius Italia Christiana vidit,

A tam enormiter libidini frena laxata  
sunt, ut ipsae principes feminae pa-  
lam in omne intemperantiae genus  
sele effunderent. Prae ceteris verò  
circiter Annum DCCCCXXV. ex  
hujusmodi licentia famam sibi gran-  
dem conquiescere apud Langobardos  
Ermengardis Adelberti Eporediae Mar-  
chionis uxor, & apud Romanos Ma-  
rozia Jobannis XI. Papae mater, &  
B Alberici Marchionis Senioris conjux,  
ejusque mater Theodora, ac soror al-  
tera Theodora: quarum vitia ad po-  
steros transmisit liberiore stilo Liut-  
prandus illorum temporum Histori-  
cus. Eodemque Seculo, quum Ec-  
clesiastica disciplina rimas undique  
contraxisset, coepit ipse Clerus obser-  
vatam in Occidente ab exordio Ec-  
clesiae continentiam contemnere, eo-  
que tandem evasit maleficus ardor;  
ut Presbyteri, nedum Diaconi &  
Subdiaconi, feminas sub omnium o-  
culis loco uxoris haberent, illud  
causati, cur non sibi liceret, quod  
apud Graecos minime nefas erat?  
C Longe utique facilius pullulant Vi-  
tia, quàm Virtutes: quare pestilen-  
tia haec universas fere Italiae Civi-  
tates, ipsamque Urbem, sensim in-  
vasit. Connivebant mali Praesules,  
obstinebant boni; atque inter postre-  
mos hosce mihi referendus est Wari-  
nus sive Guarinus ( quod idem est )  
Mutinensis Episcopus, qui Anno MV.  
Ecclesiae huic praeerat. Adigebat  
D ille quoscumque Presbyteros ad Be-  
neficia promovendos, hujusmodi fla-  
gitio inquinatos, aut suspicionem  
illius ingerentes, ad sacramentum de  
castitate servanda, & fidem frangen-  
ti poenam indicebat. In margine ve-  
tustissimi Sacramentarii MSti apud  
Canonicos Mutinenses haec depre-  
hendi: Ego Andrea Presbyter promitto  
coram Deo & omnibus Sanctis, & ti-  
bi

*bi Guarino Episcopo, quod carnalem commissionem non faciam: & si fecero, & honoris mei & beneficio Ecclesiae perdam. Ita ille perquam Latine. Succedit alterum simile iusjurandum: Ab hac ora in antea promitto ego Johannes Archipresbiter tibi Warino Episcopo, quod diebus vitae meae cum muliere alterius adulterium non faciam, neque cum illicita meretrice fornicationem. Et si fecero, me ipsum confirmo in periculum. Benedictus quoque VIII. in Ticinensi Synodo temporibus iisdem saluberrima in hanc rem edita promulgavit. Porro in quantum incendium postea flamma haec eruperit, quantaque turbæ ob istos (ita enim appellabantur) Nicolaitas Mediolanensem Ecclesiam concusserint, non est hujus loci explicare. Prostant Petri Damiani, Baronii, ac Puricellii Opera, eorumque tumultuum narrationem nobis reliquere Landolphus senior, & Arnulphus Historici Mediolanenses in Libris a me evulgatis Tomo IV. Rer. Italianarum.*

Ad mulieres regredior, e quibus duae in Italia eodem Saeculo XI. summae prudentiae in regendis Populis, ac militaris etiam fortitudinis laudem retulerunt: *Matbildis* videlicet *Comitissa*, Tusciae Ducissa, aliarumque in Lombardia Urbium domina: & *Adelasia*, sive *Adelais Marchionissa Segusii*. Verum istae perquam raras reliquæ post se virilis hujus virtutis imitatrices. Matthaeus tamen Villanius fortissimi animi feminam nobis exhibet *Ciam* (Tertiam alii appellant) Francisci Ordelaffi Foroliviensium domini, sive tyranni, uxorem, quae Saeculo Christi XIV. militaribus armis cincta hostes non semel repulit, ac Caesenae Arcem viriliter tutata est. Neque reticen-

A dum, per Saecula plurima inter Christianos viguisse duplex Matrimonii genus: alterum solemne, tabulis nuptialibus intercedentibus initum, alterum dote ac solemnitate carens, quod Clandestinum nunc appellatur. Mulieres priori modo nuptae, *Uxoris* nomine distinguebantur: reliquæ vero, etsi mutuo in Matrimonium consensu vir & mulier liberi conjungerentur, *Concubinae* frequentius appellatae sunt, atque interdum *Vicco-njuges*. Quod probe tenendum, ne quoties in antiquorum monumentis *Concubinae* titulum, temporibus nostris abominandum, offendis, continuo crimen arbitreris. In Concilio Toletano primo scriptum est: *Qui non habet Uxorem, & pro Uxore Concubinam habet, a communione non repellatur*. Paria, immo clariora, tradidit Sanctus Isidorus, cujus verba a Gratiano referuntur c. *Christianus*, Distinct. 34. *Christiano ne dicam plurimas, sed nec duas simul habere licitum est, nisi unam tantum aut Uxorem, aut certe loco Uxoris (si Conjux deest) Concubinam*. Hanc in rem vide Gratianum ipsum, & Canonum Interpretes, Archidiaconum, Turrecrematam, Turrianum, Bellarminum, Barbosam, &c. Ac propterea quamvis Eginharto teste Carolus Magnus post Liutgardis Reginae mortem quatuor habuerit *Concubinas*, immo variis temporibus octo, ut alii tradunt, ejus tamen famam docti viri tuentur, rati non alias mulieres eo nomine designari, quam *Uxores*, uti nunc ajunt, *Conscientiae*, sive *sinistri lateris*, quae etiam *Uxores Concubinae* interdum sunt appellatae. Vide Macrios in Hierolexico. Ad tempora usque Concilii Tridentini ejusmodi conjunctio licuit ac tolerata fuit; nunc ubi ejusdem Concilii di-

sci-

sciplina recepta est, Matrimonia Clau-destina inire amplius non licet. Sublato autem e vivis uno e Conjugibus, nunquam ab Ecclesiis Latinis revera interdictum fuit alteri ad secunda vota transire, uti neque ad tertia, & ultra etiam, modò morte alterutrius sacrum vinculum solveretur. Attamen secundas hasce Nuptias, eoque magis tertias & quartas antiqua Ecclesiae Secula praesertim apud Graecos, moleste tulerunt, improbarunt, immo & poenitentiae subjecerunt; atque hinc ortum *Irregularitatis* impedimentum ad Ordines Sacros. Scilicet in libidinem ac intemperantiam pronior videbatur, cui non satis erat unico matrimonio o-

A peram dedisse. Addita est ridenda vulgi opinio, quam tamen Justinianus Augustus adhibere & ipse non dubitavit in Authent. de Nuptiis, nempe *animam mariti defuncti secundis Nuptiis contristari*. Quamobrem licebat quidem olim post Conjugis unius fata superstiti ad alias convolare Nuptias; rarius tamen id olim fiebat, quàm nostris temporibus, ne in invidiam vulgi feminae praesertim incurrerent. Cujus etiam rei perdurare apud nos vestigium infra animadvertam in Dissertatione XXXIII. de *Moribus*, quum sibilis & diſtertiis Populi excipiantur nuptiae Viduarum cum Viduis.

D E  
ITALIAE STATU;

HABITATORUM AFFLUENTIA, AGRORUM  
CULTU, MUTATIONE CIVITATUM,  
FELICITATE AC INFELICITATE,  
TEMPORIBUS BARBARICIS.

D I S S E R T A T I O  
V I G E S I M A P R I M A.

STAFF

...

...

# DISSERTATIO

## VIGESIMAPRIMA



Um Populum plurimum Italia nutrierit, florente Romanorum Republica, ac vigente Caesarum imperio, nunc instituti mei non est inquirere. Hoc unum in praesenti Dissertatione considerandum mihi fumo, nempe comparisonem instituere inter barbarica & nostra tempora, ut intelligamus, an eadem olim fuerit, atque nunc sit Populorum & incolarum copia in hisce regionibus. Quo tempore Langobardi Italiam invasere, multis vulneribus debilitatam invenere felicissimam antea Provinciam. Quippe Anno Christi DLXV. saeva adeo pestilentia grassata est inter Italicos, ut innumera hominum millia sustulerit, Civitatesque non paucas & rura paene habitatoribus exhausserit. A tanta Populorum clade vix anni tres abierant, quum ferocissima gens in Italiam irruit: teste autem Paullo Warnefridi Lib. 2. Cap. 26. de Gestis Langobardorum *non erat tunc virtus Romanis* (quo nomine universa gens Italica significatur, Romano tunc Imperio subiecta) *ut resistere possent, quia & pestilentia, quae sub Narsete facta est, plurimos in Liguria & Venetiis extinxerat: & post annum, quem*

A *diximus fuisse ubertatis, fames nimis ingruens universam Italiam devastabat. Accessit & altera lues. Langobardorum enim secundus Rex Clephus multos Romanorum viros potentes, alios gladio aminxit, alios ab Italia exturbavit. Succedere Duces, quibus Regnum regentibus, spoliatis Ecclesiis, Sacerdotibus interfectis, Civitatibus sub-*  
 B *ruptis, Populisque, qui more segetum excreverant, extinctis (exceptis his regionibus, quas Albuin ceperat) Italia ex magna parte capta & a Langobardis subjugata est. Inter tot adversa opinari sane licet, afflictam admodum fuisse fortunam Italiae, multisque non tantum locis, sed & Urbibus non paucis desolationem fuisse inlatam, atque adeo immutatam faciem rerum, ut & agris ac ipsis Civitatibus incolarum nervus sub-*  
 C *tractus, aut foede imminutus fuerit. Facilis verò vastatio, difficilis reparatio. Tum Anno DXC. hinc Franci, inde Graeci, junctis consiliis & armis, regiones istas caedibus ac incendiis replevere, receptis Monten-*  
 D *(scribe Mutinā) Alino, atque Mantuā Civitatibus, ut est in Epistolis ad Childebertum Regem eo tempore scriptis apud Du-Chesnium Tomo primo Scriptor. Francicor. pag. 871. & seqq. Suum post haec furorem Langobardi exonerarunt in reliquis Italiae partes, Graecis adhuc obtem-*  
 R 2 *peran-*



perantes. Patavina Civitas capta, flammis vorantibus concremata est, & jussu Regis Agilulfi ad solum usque destructa est. Parem fortunae aleam subiere Cremona, Brixellum, aliaque loca. Exarshatum Ravennatem, Romanum Ducatum, Neapolim, ceterasque Graecorum Urbes gladius Langobardicus saepe vexabat. Contra Hunni Foro-Julientem Provinciam non semel vastarunt.

Inter tot clades & aerumnas fluctuante Italia nemo non intelligit,

A quam squalida multis in regionibus tunc foret illius facies. Ipsa Urbium Regina Roma, quandiu Langobardorum Regnum vixit, summis calamitatibus agitata, atque in pejora ruens, ex antiquo splendore decidebat. Et ad ea quidem tempora pertinere puto Epigramma, quod in vetustissimo Codice Capituli Canonico Mutinensium MStum legi, atque heic editum volo.

Epigramma in Urbem Romam, Saeculo, ut videtur, VII. aut VIII. compositum.

Nobilibus fueras quondam constructa patronis,  
Subdita nunc servis. Heu male Roma ruis!  
Deservere tui tanto te tempore Reges:  
Cessit & ad Graecos nomen bonosque tuum.  
In te nobilium Rectorum nemo remansit;  
Ingenuique tui rura Pelasga colunt.  
Vulgus ab extremis distractum partibus orbis,  
Servorum servi nunc tibi sunt domini.  
Constantinopolis florens nova Roma vocatur.  
Moenibus & muris Roma vetusta cadis.  
Hoc cantans prisco praedixit carmine Vates:  
Roma, tibi subito motibus ibit amor.  
Non, si te Petri meritum Paulique foveret,  
Tempore jam longo Roma misella foret.  
Manciribus subjecta jacens macularis iniquis  
Incluta quae fueras nobilitate nitens, &c.

Ad legendos reliquos versus me accies oculorum defecit. Scribit Poëta, Romam tanto tempore a suis Regibus fuisse desertam, & ad Graecos transiisse ejus nomen atque honorem. Dicuntur autem servi servorum tunc Romae dominari: quod minime accipiendum est de Romanis Pontifici-

C bus, sub quorum dominatione certum est Romanam rem affurrexisse; sed quidem de Graeculis: nam antiquitus Servis in Graecia natis Urbs abundavit; tunc verò e converso Graeci Praefecti Romanis imperabant. Infra eadem Urbs appellatur Manciribus, hoc est, ut conjicio, spariis,

riis, five *Mancipibus subiecta iniquis*. Nobiles autem Romani *rura Pelasga* colere dicuntur. Animadvertas etiam velim versum illum prisco Poëtae tributum, quem ab aliis memoratum vidi, hoc est,

*Roma, tibi subito motibus ibit amor.*

Retrogradam fortunam Urbis eo versu designatam Poëta arbitratur; si enim ab ultima litera inverso ordine ipsum versiculum legere incipias, eundem rursus reperiās: qui sane literarum concursus mirandi aliquid continuisse Grammaticis visus est. Et multum quidem antiquitatis esse versiculo huic, ex Apollinari Sidonio discas, cujus verba sunt Lib. IX. Epist. XIV. *Hi nimirum sunt recurrentes, qui metro stante, neque literis loco motis, ut ab exordio ad terminum, sic a fine releguntur ad summum. Sic est illud Antiquum*

*Roma, tibi subito motibus ibit amor.*

Ergo quàm afflicta dejectaque foret ante Francorum adventum, & Graecis regnantibus, Romanae gentis & Urbis fortuna, paucula haec nos docere possunt. Ceterum Langobardici Regni interiora tunc mitiori fidere procul dubio fruebantur. Stabilita quippe dominatione Regum, & bello ex sinu suo in finitimos deducto, pax, securitas, atque iustitia Populum sensim multiplicavit, & agris fertilitatem restituit. Non tantum Urbes Civibus frequentes erant, sed & Castella & rura. Inito nempe foedere, & affinitatibus contractis, & abjectis Arii erroribus, tam Romani (antiqui scilicet Italiae incolae) quàm Langobardi, unus Populus effecti sunt, & quum Romani primis novi Regni annis, Paulo teste, *tertiā partem suarum frugum Langobardis percol-*

*vere* cogherentur, tempore progrediente sublatum fuit inter utramque gentem discrimen, ita ut omnes paribus tributis forent obnoxii. Agros etiam Italici Regni vix dissimili ratione, ac nostris temporibus coluntur, tunc fuisse exultos, persuasum habeo, quum non in vicis & Castellis tantum rusticae familiae degerent, sed etiam in Curtibus & casis per arva interspersis.

Dejectis Langobardis Regibus, sub Francis deinde pacatior Italia floruit: eoque tempore par est credere, amplificatam fuisse Populorum ac habitatorum progeniem: hi enim fructus e pacis gremio plerumque nasci solent. Verum Carolo Crasso Augusto ex humanis rebus sublato, teterrima bella inter Guidonem Spoleti, & Berengarium Fori Julii Duces, aliosque Principes ad Italicum Regnum inhiantes, succedere in gravem totius Regni perniciem. Accessit & altera pestis: nam Hungri per annos plures, hoc est ab Anno Ch. DCCCC. usque ad annum DCCCCL. crebris irruptionibus mirum in modum Urbes ipsas Italiae, nedum Villas, caedibus ac incendiis lacerarunt atque foedarunt. Neque tot malis & populationibus factus est finis, donec in Ottonem Magnum & Caesares Germanicos translatus est Regnum atque Imperium. Quae sub iis post Seculum X. fuerit Italiae facies, & habitatorum affluentia, infra investigabo. Nunc dicendum, quamvis etiam animo conciperemus, Italicas provincias, ante Annum a Christo nato Millesimum, innumeris hominum capitibus abundasse, nihilo tamen secius tempora nostra, quod est ad eorum numerum, longe illis antecire atque praestare. Et primo fieri non potuit, ne tunc tot rusticorum familiae

liae & casae numerarentur, quot nunc in Italicis arvis inspicimus. Erant enim iis Saeculis frequentes apud nos non in montibus tantum sed & in planitie, Luci, Silvae, Nemora. *Gajum*, *Gazium*, *Gagium*, *Waldum*, & *Gualdum*, nomine e Germanica Lingua derivato, cui in usu est *Wald*, tunc etiam appellavere *Nemus*: atque ea vox a Langobardis praecipue usurpata. Apud Ughellium Tom. 8. Ital. Sacr. in Archiepiscop. Beneventan. Arichis Princeps Beneventi in Charta foundationis & dotationis Monasterii Sanctae Sophiae Anno DCC-LXXIV. largitur *Ecclesiam Sancti Petri, quae aedificata in Gato . . . . Ecclesiam Sancti Abundi, quae sita est in Gato nostro Paline &c.* Et ex ipso *Gato circa ipsam Ecclesiam largiti sumus in Monasterio Sanctae Sophiae territorium longitudine milliaria duo, latitudine unum &c.* Et concessimus nominato Sanctae Sophiae Monasterio ex ipso *Gato Motula milliaria duodecim, &c.* Sunt ibi & alia ejusmodi loca: sed ubique legendum videtur *Gajo*. Quod ubi statuas, hinc ediscimus, jam praegrandes illas silvas coeptas fuisse excindi, ibique sensim casae aedificatas. In Diplomate Caroli Magni Anno DCCLXXXI. dato Ecclesiae Regiensi apud eundem Ughellium in Appendice Tomi V. Ital. Sacr. de quo agam & ego infra in Dissert. XXXIV. de *Diplomatibus*, memoratur *Gajum nostrum, quod in Luciarum conjacet, & nunc noviter excolitur*. Ubi sunt & veteres ad designanda nemora voce *Foresta*, quam etiam Germanicae Linguae nos debere multi opinantur: & *Bosco*, quod vocabulum nobis Germania dedit, quae Sylvam *Busch* appellat, deditque Francis, apud quos *Bos* aut *Bois* idem significat. *Brolium* quoque & *Broilum* veteres dixere sal-

tum, in quo ferae ad venandi usum muro circumducto alebantur: *Parcum* appellavere posteriores. Vide Romualdi Salernitani Chronicon ad Annum MCLIII. Tomo VII. Rerum Italicarum. In Capitularibus Caroli Magni Anni DCCC. habes *Lucos nostros, quos Brogilos vulgus vocat*. Attamen apud Mediolanenses *Brolium* pro Viridario seu Pomario nunc usurpatur, & apud Mutinenses *Brollo* est locus arboribus pomiferis confitus, & muro aut sepe circumseptus. Vide Chartam Adelberti Episcopi Bergomatis Anno DCCCCXV. scriptam Tomo IV. Ital. Sacrae, ubi *casa cum Brolio uno tenente cum muro circumdata, seu arboribus*. Quae omnia indicare videntur, *Brolium* appellatam fuisse agri portionem arboribus ornatam & muro cinctam, sive ibi ferae alerentur, sive non. Et sane Sanctus Hieronymus in Cap. 3. Ezechiel. *περίβητος*, unde efformatum fuit nostrum *Brolium* & *Broilum*, interpretatur *vivarium vel conclusum locum*. Octavius Ferrarius locum, in quem Patricii Veneti conveniunt ad pertractandum de honorum petitione, & munerum publicorum distributione, ideo *Broglia* appellatum arbitratur, quod is locus *περίβητος*, seu locus arboribus confitus foret. Sed perpendendum, num forte inde natum nomen fuerit, quod ibi fiat *Broglia*, seu *Imbroglia*, id est consilia ineantur, & colloquia vigeant, ut perturbentur petitiones ac ambitus unius, juventur alterius. Et sane *Far Brojo*, sive *Broglia*, idem exprimit, nempe consultare de rationibus excludendi parum dignos aut inimicos, & promovendi digniores & amicos. Vide *Imbrogliare* in Dissertatione XXXIII. de *Origin. Vocum Italicarum*. *Macclam* quoque Apuli ac Romani olim Sylvam minorem appellava-

pellavere, & apud illos adhuc vox *Maccbia* significatione eadem perdurat, cujus originem obtorto collo a *Dumus* deducit Menagius. In Charta Chronici Vulturnenfis Anno DCCCC-LXXXVIII. pag. 478. legitur *usque ad Macula Jobannis Atessani*. Opinarer ego potius metaphorice nuncupata *Maculas* fuisse succrescentia in agris heic & illic dumeta. Apud nos *Maccbia*, & *Maccbione*, non est Silva aut Nemus, sed Virgultorum aut Veprium spissa congeries in campis, aut fossatorum ripis enascens. Nomen hoc Apuli ac Romani ad integram Silvam transtulisse videntur. Erant & Silvae aliae minores, diversi generis arbores complexae, quae *Laureta*, *Roboreta* dicebantur, *Saliceta*, *Albareta*, *Cerreta*, *Fraxineta*, *Persiceta*, &c. Et apud nos nomina eadem perdurant, quum sublati arboribus & silvis ager excultus

A locum dederit Villis; earumque habitatoribus. Sed his dimissis, certum futurum est nobis, barbaricis temporibus multum agri Italici occupatum fuisse ab ejusmodi Silvis, non secus atque adhuc intueamur in nonnullis Germaniae locis, quamquam extra controversiam positum reor, apud Germanos ipsos immanem veterum Silvarum copiam abscissam cecidisse, & eradicatam culturae agrorum sensim locum dedisse. Proinde in antiquis Diplomatis & Chartis Italiae multae nobis occurrunt Silvae, quarum nunc nullum superest vestigium. Accipe Diploma Aistulphi Langobardorum Regis, quod ex Archivo Monachorum Casinensium Sancti Petri Mutinensis depromsi, ubi pervetustum illius exemplum, notis tamen Chronologicis destitutum adservatur.

Aistulphus Langobardorum Rex Lopecino Mutinensi Episcopo  
Curtem Zenam donat circiter Annum 752.

F Lavius Aistulfus Rex excellentissimus Ecclesiae beatissimi & Confessoris Christi Geminiani, qua ejusdem Corpus quiescit humatum, & beatissimo viro Patri nostro Lopecino Episcopo, per praesens Preceptum potestatis Regni nostri, sicut a nobis tua speravit paternitas, per gloriosissimam atque procellentissimam Giseltrudam Reginam dilectam Conjugem nostram, concedimus atque donamus in ipsa sancta Ecclesia Curtem nostram, quae dicitur Zena, territorio Mutinensi, Silva jugis numero quingentis, coherentes ibi a tribus partibus Gajo nostro, qui pertinere videtur de ipsa Curte Zena, de quarta vero parte percurrente fluvio, qui nominatur Scultenna. Ea ratione superscri-

D pta quingenta jugera Silve concedimus, ut ab hac die ipse sanctus locus, vel tua paternitas omni in tempore securiter dona nostra valeat possidere, qualiter & nostra jussimus, tradimus, atque consignatum esse videtur voluntate, quatenus ab hodierno die habentes hoc nostrae donationis & cessionis Preceptum, securiter atque firmiter ipse sanctus locus valeat possidere. Et nullas Dux, Comes, Gastaldus, vel Actionarius noster contra hoc nostrae donationis & cessionis Preceptum audeat ire quandoque, sed omni in tempore ipse prenominate sanctus locus vel tua paternitas securiter valeatis possidere. Ex dicto Domni Regis . . . . Cetera desiderantur.

Quae

Quae hic dicitur *Gisleruda* conjux Aistulphi Regis eadem memorata reperitur in Opuscul. de fundatione Monasterii Nonantulani Part. II. Tomi I. Rer. Italicarum, utpote *foror Sancti Anselmi*, cui originem suam debet celeberrimum illud Coenobium in agro Mutinensi constructum. *Curtis Zena* olim & ipsa sita erat in eodem agro ultra Scultennam fluvium, infra Castellum Sancti Caesarii, fortassis ubi nunc Castrumfrancum Bononiensium visitur. Nam Bononienses, quantis olim potuere viribus, suos fines protenderunt Mutinam versùs, suumque agrum ex alienis spoliis amplificaverunt. Ipsum Nonantulanum Monasterium intra fines ipsius Curtis Zena aedificatum videtur. Et visitur adhuc eisdem in locis Villa *Gagii*, quae non alia esse videtur a *Gajo Regis*, in hac ipsa Charta memorato. *Ecclesia de Zena*, & *Via Claudia*, conterminae Curti Vilzagarae, seu Sancti Caesarii, ad Septentrionem, dicitur in Charta Comitissae Mathildis Anno MCXII. scripta, apud Bacchinium in Histor. Monaster. Padolironensis. Doctissimus olim amicus meus Gaspar Berettus Monachus Benedictinus, in Regia Ticinensi Urbe Philosophiae Professor, pag. 55. Dissertationis Chorographicae, quam praeposui Tomo X. Rer. Italicar. dubitavit, an *Zena* fluvius idem fuerit ac *Madia*, nunc *Samogia*; incertus tamen addidit: *Docti Mutinenses nos corrigant*. Certe *Zena* fluvius, unde nomen Curti *Zena* sumsit (nisi potius ab ipsa Curte fluvius ipse appellationem suam derivaverit) a *Samodia* differt, ac longe distat. In vetustissimo Statuto Populi Mutinensis Anno MCCLV. decretum est, *ut fodiantur Dugaria* (de hoc nomine vide infra Differ-

tationem XXXIII. de Origin. Voc. Italicarum) *Sancti Caesarii*, *Zena*, *Panarii*, *Gazio*, *Panzani*, *Nonantulae*. Modus etiam traditur aestimandi fundos de *Sancto Ambrosio*, de *Villa Ronchi*, *Gazio*, *Panzano*, *Zena*, *Sancto Caesario*, *Bazano*, *Castro Crescente*, *Rovarino*, *Nonantula* &c. quae singula ad Comitatum sive agrum Mutinensem ultra Scultennam tunc pertinebant, & partim adhuc pertinent, eoque tempore cuncta ad Mutinensem Rempubicam pertinebant. Est autem in iis locis fluvius *Gena*, nunc *la Zena*; & inferius *la Genavella*. Memoratur etiam fluvius *Gena* conterminus Nonantulae in Diplomate Aistulphi Regis Langobardorum Part. II. Tomi II. Rer. Italicar. pag. 191. Ibi Anselmo Abbati concedit Rex ad Monasterium Nonantulanum construendum *Silvam ex Curte nostra Gena*, *coherentem per loca designata*, ex una parte fluvio *Panario* &c. Qui *Panarius* heic dicitur, idem est atque *Scultenna*: & etiamnum in montibus antiquam *Scultennae* appellationem retinet, quum in planitie *Panarius* appelletur. Infra in eodem Diplomate memoratur *Gajum Deginae*; sed ibi scribendum *Gajum de Gena*. Adhuc quidem perdurat in agro Nonantulano nomen non contemnendae magnitudinis: sed aut ab illo diversum est, quod *Gajum*, *Regis* olim dicebatur, uti & *Silva*, in qua constructum fuit insigne Nonantulanum Monasterium; aut si quidquam commune cum iis id nomen habuit, a multis saeculis excisum attenuatumque adeo fuit, agris ad culturam perductis, ut immutata plane fuerit loci illius facies. Quot aliae *Silvae* Monasterio Nonantulano essent, infra intuebimur. Nunc audi Apollinarem Sidonium Lib. prim. Epistol. V. Scri-

Scribit ille, se inspexisse *ulvofum Lambrum, coerulum Adduam, velocem Athesim, pigrum Mincium &c. quorum ripae totique passim quernis acernisque Nemoribus vestiebantur.* Nunc horum pauca aut nulla vestigia supersunt. Innumera alia Nemora & Saltus in Chartis heic editis offendas, quae jandiu aratro parere didicerunt. Redeo ad fluvium *Genam.* Ejus mentio etiam occurrit in Diplomate Conradi I. Romanorum Regis Anno MXXXII. apud Sillingardum & Ughellium, ex quo habemus, quouique tunc se protenderet Dioecesis Mutinensis. Scilicet confirmat ibi Conradus Ingoni Mutinensi Antistiti *Plebem Sancti Felicis in Mutia cum Curte & Decimas omnium illarum Villarum in Stratam Petrosam percurrentem juxta Genam, & Blancanise. Et flumen Genae, & Mutiae, & Panariae &c. & Cortem Genae cum omni Decima, & Decimam integram de Plebe Sancti Caesaris, & Castellum de Bazano &c.* Quare videas, non tantum Nonantulanos Monachos, sed etiam Mutinenses Praefules Curtem Genam sibi tribuisse. Immo quam turbulenta fuerint barbarica illa Saecula, atque instabilis rerum possessio, quippe hanc eandem Curtem, sitam in Comitatu Mutinensi, loco, qui dicitur Zena, cum omnibus rebus & familiis, & Capellam in honore sancti Caesaris, Carolmannus Rex dono dedit Wibodo Parmensi Episcopo, & subinde Carolus Crassus Anno Christi DCCCLXXX. confirmavit.

Neque tantum Silvae crebrae, sed & Paludes antiquis temporibus longe quam nunc frequentiores erant: idque potissimum spectabatur circa multos ex fluviis Langobardici Regni, ubi in Padum se se exonerant: atque in primis ubi Padus & Atex

Tom. IV.

A in mare influunt. Profecto florentes fructiferosque passim agros nunc in Langobardia intuemur, & cuncta fere flumina suis aggeribus constricta frenum pati conspiciamus. Verum si regionis hujus chorographiam aliquam veteres nobis reliquissent, qualis tunc erat, mirum quam dissimilis collata cum illa videretur nostri temporis regio. Neque barbaricorum tantummodo dierum infelix fructus hic fuit, sed vel ipsis Romanis longe lateque imperantibus, Paludum, & Lacuum, & Nemorum copia non mediocris Aemiliam, Flaminiam, ac Veneriam multis in locis occupabat. Vitruvio teste Lib. primo Cap. 4. *Paludibus* opprimebatur tota illa regio, quae inter Ravennam, Altinum, & Aquilejam se extendit. Strabone etiam teste Lib. V. *omnis regio haec majorem partem Paludibus abundat.* Praedixerat ille, loquens de Brixia, Mantua, Regio, Como: *Hae Urbes longe supra Paludes jacent.* Idem ille testatur de multis Venetiae Urbibus, quarum aliae insularum more cinguntur aquis, aliae alluuntur mari aliqua a parte, quae in mediterraneis supra Paludes sitae sunt. Nondum vero nata erat inclyta Venetiarum Civitas. Herodianus quoque scribit, *stagna, & Paludes inter Altinum & Ravennam enavigata fuisse.* Quam vero late excurrent olim ejusmodi Paludes, erudite inquit Dominicus Cotradi Serenissimi Ducis Mutinae Mathematicus in Libro, cui titulus *Effetti dannosi, &c. Mutinae Anno 1717.* typis edito. Qui nunc Ferrariensis ager cis Padum singulari fertilitate commendatur, tunc stagnantibus aquis pisces aut ranas in plerisque locis alebat, immo nondum Ferrariae Urbis natalem noverat. Quo etiam in loco celeberrima Civitas Ravenna aevo suo

ja-

jaceret, Apollinaris Sidonius prodit Lib. primo, Epist. 8. ad Candidianum scribens: *In qua Palude indefinenter rerum omnium lege perversa, muri cadunt, atque stant, turres fluunt, naues sedent, aegri deambulant, medici jacent &c.* Addit. *Tu vide qualis sit Civitas, quae facilius territorium potuit habere, quam terram: idest potius dicenda est longe quidem extendere fines agri ac juris sui, sed paucos agros arabiles intra fines suos numerare. Pari aquarum stagnantium incommodo tunc Bononiensis ac Mutinensis agri planities premebatur. Nempe inter ambas Civitates, & ad ipsam Viam Aemiliam, ipsis Romanorum temporibus Nemora ac Paludes occurrebant, & angustiam viarum faciebant. Vide quid habeat Galba in Epistola ad Ciceronem inter ejus Familiares Lib. 10., & Appianus Lib. 3. Bellor. Civilium. Pejora quoque subsequenter Saeculis sensit Mutina: nam quae ab eodem Appiano appellata est *Urbs felicissima*, atque a Tullio *firmissima & splendidissima Populi Romani Colonia*, & a Pomponio Mela ob opulentiam *Pattavia & Bononiae* aequata, temporibus barbaricis ad eas calamitates adducta est, ut a fluminum eruptionibus, cursuque vago circumsepta, & agrorum cultoribus, immo & habitatoribus paene spoliata, diutissime humilis & squalida jacuerit. Eaque erat Mutinensis Urbis facies vel Saeculo X. Nam Auctor Vitae Sancti Geminiani, cujus fragmentum protuli ego, Part. II. Tomi II. Rer. Italicar. pag. 691. quaerens, cur haec Civitas olim *inclyta inter Aemiliae Urbes, locuples & fertilissima, aedificiis murorum & turrium propugnaculis admiranda &c.* aevo suo, hoc est circiter Annum a Christi Nativitate*

A DCCCCXXX. tam gravi casu ex antiqua dignitate prolapsa langueret, in haec verba respondet: *Quod comprobatur esse verissimum, ut assidue cernitur, saepedictae Urbis solum nimia aquarum insolentia enormiter occupatum, rivis circumfluentibus, & stagnis ex paludibus excrecentibus, incolis quoque aufugientibus noscitur esse desertum. Unde usque HODIE multimoda lapidum monstratur congeries, saxa quoque ingentia praecelsis quondam aedificiis aptissima, aquarum crebra, ut diximus, inundatione submersa.*

B Sed unde tanta Fluvii licentia ac rabies in Mutinensium Urbem? Monet nos Sanctus Ambrosius in Epistol. 39. ad Faustinum, Civitatem hanc circiter Annum CCCLXXXVIII. quo Epistola illa conscripta creditur, semidirutam jacuisse. *De Bononiensi*, inquit, *veniens Urbe, a tergo Claternam, ipsam Bononiam, Mutinam, Regium derelinquebas: in dextera erat Brixillum: a fronte occurrebat Placentia &c.* Tot igitur semirutarum Urbium cadavera, terrarumque sub eodem conspectu exposita funera, non te admonent &c.

C Sive a Constantino Magno, sive potius bello recenti a Maximo Tyranno afflicta fuerit Mutina, profecto mire debilitatam tunc illius fortunam hinc noscimus. Et ne assurgeret, obstitere deinde Langobardorum bella: diu enim Mutina sub Langobardico imperio limitanea Urbs fuit, & Graecis Ravennam & Exarchatum tenentibus objecta, crebrisque propterea bellis ac aerumnis obnoxia. Quare nil mirum, si sublati aut imminutis agrorum ac Urbis incolis, Fluvii circumpositi ac torrentes omnes a nullo compressi, fortassis etiam ad praesidium Urbis consulto extra aggeres errare permitti, aut coacti, Paludibus ac Stagnis pleraque arva

D

E com-

complerint. Atque hinc factum putat Sigonius noster, ut confertim Mutinensis Populus aliò ad habitandum perrexerit, & Civitatem Novam, quae in Via Aemilia, sive potius *Claudia*, longe a veteri quatuor millibus passuum ad Occidentem sita erat, conderet atque incoheret. Attamen an haec germana fuerit immutatae sedis causa, dubitare non desino. Neque enim *Civitatis novae* ager Paludibus immunis erat, si vera sunt, quae occurrunt in Diplomate Caroli Magni Francorum & Langobardorum Regis pro Episcopo Regiensi, cujus examen institui in Dissertat. XXXV. de Sigillis. Nimirum ibi leguntur: *Indeque per Campum Milatium ad Septentrionalem plagam, per Paludes Civitatis Novae, usque Stratam, ac deinde in Aquam-longam, usque dum venit in Burianam.* Veri mihi videtur similis, locum illum coli coeptum a Mutinensibus ex praecepto Liutprandi Regis, ut infra ostendam: praesertim quum ager Mutinensis ad fines Bononiensium e diuturno bello inter Graecos & Langobardos attritus nimium foret. Porro Civitatis hujus Novae, quae *Geminiana* quoque dicitur in Diplomate Ludovici Pii Augusti, illustris mentio est in postremis Caroli Magni tabulis apud Baluzium, atque in aliis monumentis Ecclesiae Mutinensis a Sillingardo & Ughellio editis. Sed restituta Civitate veteri, nova penitus sublata est, uno illius nomine, unoque Templo in ea Villa superstita. Proinde in Chartis bene multis Mutinensibus Paludosa loca aut Nemora commemorantur etiam Seculo XII. quod uno exemplo patefaciam, desumpto e pergamina existente in Tabulario Canonorum Mutinensium. Scripta haec fuit An-

A no MCXXIX. Sexto Kalendas Februarii, Indictione VII. Uti illic legitur, *Domnus Dodo gratia Dei Episcopus Mutinensis concedit\* exphyteutico jure res illas territorii, & vineatis, & Boscalivas & Paludivas juris Ecclesie S. Geminiani in loco Albareto.* Ita Johannes Episcopus Mutinensis in Charta Anni DCCCCXCVIII. edita a Sillingardo & Ughellio, donat Monachis Mutinensibus Sancti Petri Molendinum unum supra Civitatem Mutinam, in loco, qui dicitur *Carolinus*, cum decem jugeribus de terra inter *Paludes & Silvas*. Anno quoque MXXVI. Conradus Romanorum Rex suo Diplomate confirmat Warino Episcopo Mutinensi Civitatem Mutinam a tribus miliaribus in circuitu, omnem districtum, & Placitum, & quicquid inibi jure Episcopii pertinet, videlicet *Paludes, Silvas, Aquas, Aquarumque ductus, quae sunt positae juxta idem Episcopium.* Sed sensim ea loca industria hominum excoli coepta sunt, multaeque domus ruri aedificatae. In antiquissimo Statuto MSto Reipublicae Mutinensis Lib. 2. Cap. 56. constitutum fuit: *Ut quicumque habet terram juxta Stratam Claudiam (quae Aemilia olim appellata creditur) inter Sanctum Leonardum & Citanovam, ad minus octo bibulcarum, ibi debeat facere unam domum quae valeat ad minus sex Libras Mutinenses; & eam habitare, vel habitari facere.* Quo ascenderet pecuniae Mutinensis Libra, aestimare hinc possis.

Nisi antiqua Bononiensium monumenta jamdiu excidissent, nullo negotio, ut arbitror, dignosceremus, eorum agros, in inferiori Comitatus parte nunc dire a stagnantibus aquis oppressos, meliori fidere antiquitus usos minime fuisse. Quum enim amplissimis Paludibus inferioris Padi



curfus obfideretur, quae inter ipsam Urbem & Padum loca interjacebant, ab infestis Paludibus & ipsa fuere fredata. Refert etiam Ghirardaccius Lib. 2. Histor. Bononiensis, Literas Gregorii VII. Papae datas Anno M-LXXIII. per quas Lamberto Episcopo Bononiensi confirmat *Portum*, qui cognominatur *Galliana* (nunc *Gajana*) cum *ripatico* & *teloneo* & *Paludibus* & *Piscariis*, & *Silvis* &c. Monasterium *Sancti Anastasii* fundatum in fundo *Petriculo*, cum *portu*, & *teloneo* &

A *ripatico*, cum *Silvis* & *venationibus*, cum *Paludibus*, &c. Curtem *Milonis* cum *portu* & *ripatico*, cum *Silvis* & cum *Paludibus* & *piscationibus* &c. E paucis istis reliqua metire. Ad Occidentem quoque Bononiensis agri Paludes exstitisse, elucere videtur e Diplomate Berengarii I. Nonantulanis Monachis dato, cujus exemplum in Tabulario suo adservatum a Monachis Benedictinis Monasterii Mutinensis Sancti Petri, ego heic editum volo.

Berengarii I. Italiae Regis Diploma, quo Monasterio Sancti Silvestri Nonantulano omnia illius jura ac Privilegia confirmat Anno 899.

IN nomine Domini nostri Jesu Christi Dei aeterni. Berengarius divina favente clementia Rex. Si liberalitatis nostrae munere locis Deo dicatis quiddam conferimus beneficii, & . . . . Ecclesiasticas ad . . . . servorum Dei nostro relevamus juvamine, atque Regali tuemur munimine, id nobis & ad mortalem vitam temporaliter transiendam, & aeternam feliciter obtinendam liquido credimus profuturum. Quapropter omnium fidelium Sanctae Dei Ecclesiae, nostrorumque, presentium scilicet & futurorum noverit industria, quia vir venerabilis Leopardus Abbas ex Cenobio Nonantulensi per Landulfum reverentissimum Archipresulem, necnon & Adelardum venerabilem Episcopum, dilectissimos Consiliarios nostros, imploratus est nostram magnificentiam, quatenus pro amore Dei omnipotentis, nostraeque mercedis intuitu, omnia Privilegia Pontificum Romanorum, & Praecepta Regum Langobardorum, Francorumque Imperatorum praedecessorum nostrorum, quibus illi, seu & ceteri fideles ad predictam Ecclesiam donando largiti sunt, & res fidelium ejusdem Ecclesiae per eadem Praecepta auctoritatis

C oracula confirmaverunt, necnon & omnia memoratorum Praecepta, nostra auctoritate vel liberalitate firmaremus, simul & Privilegia Romanorum Pontificum. Cujus petitionem, quia justa & rationabilis nobis esse videbatur, recipiendam atque implendam judicavimus. In quorum . . . . omnium Praeceptorum Flavii Aistulfi Regis legebatur sic.

D Manifesta causa est, quoniam ante hos dies est concessum venerabili viro Anselmo Abbati, vel omnium Fratrum Monachorum Monasterii Nonantulae, Silva ex Curte nostra, quae dicitur Gena, per loca designata, coherente ab uno latere fluvio Panario; & ab alio latere Casa, quae est inter . . . . & Era Silva usque in Rivomortuo; a tertia parte Strata publica; a quarta vero parte Silvas & Paludes, una cum Basilica Sancti Martini Confessoris Christi, quatenus ibi jam satum Cenobium constitueretur, sicut & factum est. Nunc autem postulavit Congregatio sua nostram perexcellentem potestatem, ut in ipso sancto Monasterio, vel suae Congregationi jam dictam Silvam, sicut coherencia dicta est, per nostrum Praeceptum confirmare deberemus, & aqua de flu-

fluvio Gena ad cuiuspiam hominis potestate subiecta non fieret, neque cum navigio pergere, aut pontem vel transitum super eam construere sine licentia Monasterii, & utrasque ripas fluminis ad duodecim pedes perdonamus, atque subius Strata publica nullus Molendina edificare presumat usque fines illorum fluminum . . . . duo Molendina in Curte Panciano sine predictorum licentia Monachorum: & si naves cum mercimoniis in predicto Flumine venerint infra prenominate fines, liberam potestatem habeatis vos vestrisque posteris Ripaticum legaliter exigere. Nos vero Dei omnipotentis considerantes misericordiam & . . . . confirmamus in ipso sancto loco, vel vestrae Congregationi iam dictam Silvam juxta ut coherens dicta est. Confirmamus etiam in eodem Monasterio vestro Insulam unam, quae esse videtur inter Panarium & Fossam, quae dicitur Munda per designata loca; ab Oriente predictus Panarius fluvius; a Meridie Villa Salicetum; ab Occidente predicta Fossa Munda, & Militaria usque Silva Comitis; & de subius Fossa Mortua exunte in Panario: ut nemo in predictis Fossis vel Flumine audeat Molendina edificare absque consensu Abbatis aut Monachorum. Necnon & confirmamus omnes res illas, quas ante hos dies vestrae largiti sunt Congregationi. Curtem quoque Canetulum in territorio Mutinensi cum omnibus pertinentiis suis. Sive duas portiones de Silva de Lupuleto, seu Silva Murianense. Modemaricum, Capuanum, Pontenarium, & Paludes Grumulenses, usque in limitem Arimanum . . . . in Gaucianum, & Villam Ullianam, & de ipso limite in Panario veniente, & de Via Decimanene . . . usque in Fossatum Finale cum Decimanene & Ullianene, secundum eorum coherens; atque ex alia parte fines de Lamele in Casale Modenulani & Hluduriani, &

A sicut vadit . . . . Argile, Salexe, cum Fossa Quintana, seu Vico Siculo, cum omnibus pertinentiis suis in integrum, cum Ecclesia beati Petri Apostoli, quae ibi ab ipsis Massariis nostris edificata est, una sine veniente in Vico Tuguro atque Talschente veniente in Panario: ex alio latere in fine Lamele & fluvium Scultenna, qui & Panarius dicitur, deducendi habeant licentiam, ubicumque illis melius visum fuerit. Et ut nullus inferioris magnae potestatis homo Molendina vel Portus . . . aut naves in ipso Fluvio vel . . . edificare audeat, aut piscationes facere, aut cum navigio pergere sine vestra licentia. Igitur secundum hoc nostrum Preceptum Silvas & Paludes, sive predictam Fossam Lavaturiam cum omnibus Fossis & campis per legitimos fines percurrentibus; item ex alia parte fluvium Gena conjungente scilicet in Rosaleffe, & utrasque ripas fluvii Panarii usque ad duodecim pedes in latitudine, sicut ad . . . . pertinet. Stabilimus autem vobis vestrisque Successoribus, qui in seculum seculi in jam dicto . . . . Nonantulensi Monasterio pro tempore Christo servierint, Silvam unam in Gayo Lamele, veluti ad Curtem nostram pertinuit, per designata loca, ex uno latere fluvius Lama, de alio latere fluvius Moclena, tenente uno capite in limite Polyto, & alio capite in loco Cornyo & Fraxino, usque in Canale Modenula & Hluduria intrante in Moclena, & a Strata publica usque in Padum. Et ut in ipso fluvio Modina, Lama, seu Hluduria nullus audeat facere Molendina, nec Portum edificare preter Abbatis & Monachorum Molendina, quantum finis illorum continet. Et per Padum de subius usque in Fossa, quae vocatur Carcaria, atque ex alia parte per Moclenam in ipsum usque in caput de predicta Fossa.

Me-

uat. Audimus quippe vobis vestrisque posteris in praefato Monasterio vestro, ut quicumque persona nobilis aut ignobilis in omni Regno nostro de sacro vel secularibus . . . . . ad praedictum sanctum Cenobium refugium facere voluerit, aut res suas ibidem conferre quaesierit, non Comes aut Minister publicus nec Missus noster ei contradicere audeat, sed liceat ei libera potestate de se suisque omnibus rebus quicquid voluerit in eodem Monasterio conferre. Volumus quoque & concedimus, ut quandocumque divina vocatione Abbas ipsius Monasterii, ejusque Successores de hac luce migraverint, ipsi Monachi de ipsa Congregatione qualem inter se digniorem invenerint licentiam habeant eligendi Abbatem. Iterumque concedimus vobis vestrisque Successoribus, ut de singulis navibus Portaticum liberrimum exigatis potestatem. Statuimus & modis omnibus jubemus, ut praedictum est, quatenus in praefati Monasterii rebus nullus superioris vel inferioris ordinis, nec Episcopus, aut Clericus, non Comes, aut Castaldius, vel Reipublicae Procurator, nec quacumque persona invasionem facere audeat, ullo in loco, non ad causas judiciario more audiendas, vel freda exigenda, aut mansiones vel paratas faciendas, parafredas, seu fidejussores tollendos, aut homines tam ingenuos & libellarios, quamque & servos super terram ipsius Ecclesiae manentes, emphyteotocarios & . . . . . preceptales persecutantes alio modo distringendos, nec ullas publicas functiones aut redibitiones, vel illicitas occasiones requirendas, consurgere audeat vel exigere praesumat; sed liceat vobis & vestris posteris in omnibus rebus vobis subjectis atque hominibus sub immunitatis nostrae defensione quieto ordine consistere, ac pro nobis totiusque Regni nostri stabilitate Domini misericordiam delectabilius exorare.

A Praecipimus insuper, ut nec vos nec Fratrum Abbates audeant aliquorum hominum potestatem conferre scriptiones sine consilio vel consensu omnium Monachorum, aut injuste disponendarum rerum minoratione delegare: sed nec ullus Monachus aliquam conferre scriptiones, quae suae probantur non esse potestatis. Quod si fecerit, roborem nullum praeficiat.

B Conserimus etiam vobis, & in ipsum sacrum Cenobium vestrum olivetum unum in luminaribus Ecclesiae positum prope Castellum Aginulsi, quod pertinet de Curte nostra Lucense; & duas Casas massarietas ex ipsa Curte, quae regebantur per Ascumfridum & Fuscolonem germanos, & nepotes eorum Chrispolo & Luciolo & Bertialo.

C Quin etiam perdonamus sanctitati vestrae, vestrisque posteris in perpetuum, ut ex ipso Sancto Cenobio & rebus, quas vobis inibi contulimus, & temporibus adquirere Deo propitio potueritis tam vos, quam posteris vestri nullum servitium vel donationes nobis vel futuris Regibus exinde exigant, nisi pro benedictione in Quadragesima majore quadraginta luccos, & in Quadragesima Sancti Martini similiter per Missum ipsius Monasterii consignatos in Papia, aut Mantua, sive si fuerimus Ravenna. Concedimus etiam vestrae reverentiae, successorumque vestrorum in sempiternum, ut habeatis licentiam per Padum trabendi, ad pisces majores minoresque capiendos a loco, qui dicitur Fossatum usque in mare. Et ubicumque in omni Regno nostro habeatis nunc, aut habueritis in futuro, Silvas communes habeatis & Piscarias, si ibi sunt, ac ceteri domini, una cum medietate de Porto in Aqualonga, qui est juxta Stratum publicam, & pertinet de Curte nostra Civitatis Novae, unde reliquam medietatem Ecclesia Sancti Geminiani habere probatur. Atque granum illud, quod

an-

anhue colligitur de . . . . . in Curte nostra, quae sita est in Civitate Nova, quantum pro ipsa colligitur, portatio quantum habentes ab hodierna die . . . . . serenissimum Praeceptum ipsum sanctum Monasterium, vel vos, successoresque vestri firmiter superius comprehensa valeatis possidere. Et nullus Episcopus vel Clericus, Dux, Comes, Castaldius, vel Actionarius noster, aut quispiam magnus parvusque . . . . . contra hoc firmitatis Praeceptum audeat ire quandoque, sed omni in tempore in iam dicto sancto Monasterio vestro vel vobis successoribusque vestris stabilis permaneat in perpetuum. Si quis autem hujus nostrae inscriptionis temerario ausu violator existerit, & hanc nostram jussionem per omnia non conservaverit, sciat se compositurum centum Libras auri optimi, medietatem Palatio nostro, & medietatem sancto Monasterio vestro. Concedimus insuper omnia vobis vestrisque successoribus in perpetuum, ut si, quod absit, quicumque Rex, Imperator, seu quilibet . . . . . Praeceptum praedecessorum nostrorum Regum vel Imperatorum contra hoc nostrum Praeceptum donationis ire tentaverit, aut Cenobium praedictum vestrum, seu res ejus in Fratrum stipendiis collatas & pauperum Christi, diminorare praesumpserit, aut in aliquo alicui per beneficium, vel pro

A quocumque ingenio dederit, liceat vobis vestrisque posteris . . . . . omnia quae supra dicta sunt, cuilibet sanctae Sedis Apostolicae Papae, sive Imperatoribus, atque Regibus, seu Principibus de quibuscumque Regnis Catholicis subdere potestati, & veluti . . . . . secundum ritum . . . . . legis per Regum Praecepta sua firmata tenentium . . . . . tenere & possidere atque tradere cui vobis placuerit.

B Cum vero praedictum Praeceptum Christianis. Regis coram nostram Regalem clementiam lectum fuisset, consideravimus tantam ejus industriam & elemosinam ob Dei amorem, Sanctorumque omnium Apostolorum ac beati Silvestri in alimoniam Servorum Dei, pauperumque Christi delegatam in cunctis . . . . . sive concessionis, sereno animo confirmamus per hoc nostrum Regale Praeceptum, & ipsum praenominatum, & alia Regum Sanctorum, atque jam dictorum Imperatorum Praecepta, ad sensum tribuimus, scripturasque, quas Abbates praedicti Cenobii, sive Monachi, de Curtis atque Massaritiis seu Castis hactenus injuste fecerunt, omnes rumpi censuimus. Et ut verius credatur, diligentiusque ab omnibus observetur, manu propria roborantes, anuli nostri impressione subter jussimus sigillari.

Signum Domini

NE

Berengarii gloriosissimi Regis & invictissimi.

Martianus Notarius ad vicem Petri Episcopi & Archicancellarii recognovi & subscripsi.

Data XIV. Kalendas Septembris, Anno Incarnationis Domini DCCCXCIX. Domni autem Berengarii gloriosissimi Regis XII. Indictione II.

Actum Curtis nostrae Vitzachara in Dei nomine feliciter. Amen.  
Tom. IV.

T

Ha-

Habemus heic amplissimum Nonantulanum Monasterium in agro Mutinensi situm, Silvis & Paludibus olim abundasse. Curtis Gena *Silvam* complectebatur. Tum haec ipsa a quarta parte *Silvas & Paludes* habebat. *Silva* quoque *Comitis* spectabatur in iisdem locis, & *Silva de Lupoleto*, & *Silva Murianese*, & *Paludes Grumulenses*: quae omnia ultra Scultennam fluvium jacebant. Atque hinc etiam intelligere possumus, Paludibus multis & Nemoribus intersectum fuisse agrum Mantuanum situm cis Padum, uti & illum, qui nunc Mirandulae Ducatus appellatur, pars olim Regienfis Comitatus. Confirmat enim Berengarius iisdem Monachis *Silvam unam in Gajo Lamese*, & medietatem ex *Piscariis nostris in territorio Mantuano in loco Sarmata* (nunc Sermido) & *Bondeno*; atque alias *Piscarias in finibus nostris Regianis* (idest Regiensibus) & *Flexianis*. Insuper confirmat tam *Silvas*, quam *pascua & limites & Paludes*, omnesque alias *fossas & campos seu Paludes*, unde qualescumque piscationes fiunt, *excuntes vel intrantes a Trepontio in josum usque in Fossamlatam & Gambarionem*. *Cunctas etiam Fossas & Paludes*, quae fiunt de fluvio *Bondeno*, & *Lacumfatuum & Lacum de Vulpino*, & *Lacum de Duracino*, & *Lacum de Fulgino*; nec non *Virginiana cum omnibus locis ac Fossis*, & quibuscumque *Piscariis &c.* Ex his perspicimus, quanta agri pars tunc aquis stagnantibus operiretur, aut aleret *Silvas*. Quae caussa etiam fuit, cur Saeculis iis tanta Luporum copia esset in Italia, Gallia, & alibi, uti etiam fides facit Auctor Chronici Novalicenfis: immo & Urforum, unde natum adagium: *Menar l' Orso a Modena*; ad designandam rem perquam

A difficilem. Cujus adagii veram interpretationem attulit Tassonius noster, non autem Segnius Florentinus apud Menagium. Haec autem nemorosa loca & Paludes, quas corrupto vocabulo *Padules* postea nuncuparunt, & nos adhuc *Paduli* dicimus, tamquam ab aliis neglecta loca & inculta, sibi procurabant saepe Monachi ad nova Monasteria condenda, nil pensi habentes, an aer impurus aut compressus incommoda incolis afferre posset, dum hominum ac praecipue seminarum frequentiam & consortia evitarent. Atque hinc nata pleraque celeberrima totius Italiae Monasteria, uti Casinense, Farsense, Sublacense, Vulturense, Bobiense, Pomposianum, Novalicense &c. Cuncta haec aut in Montibus, aut inter *Silvas*, aut inter *Paludes* constructa primum fuere. Quod & contigit Padolironensi in agro Mantuano cis Padum, cujus Historiam scripsit, & monumenta evulgavit Clariss. Bacchinius. Fundatum illud fuit in Insula inter Padum & Lationem fluvium: atque, ut constat e Chartis, ibi erat terra arabilis juges viginti duo, *Silvas & Buscalia juges* (idest jugera) *sexaginta*, uno contractu quaesita sibi ab Adelberto Attone proavo Comitissae Mathildis. Tum altero contractu is in eodem loco per commutationem sibi procuravit Castrum inibi constructum cum area terrae arabilis modia quadraginta, *Silvis & Buscalibus modia mille sexaginta*. Pro his & ille dedit Praeposito Sancti Michaelis Regienfis inter cetera sita infra Civitatem Regii *Silvas & Buscalias modia mille triginta*. En quam frequentes forent in hisce regionibus Silvae ac Nemora. Theudaldus vero Marchio Adelberti filius, Monasterium illud fundans An-

no MVII. haec omnia eis in dotem constituit, fines designans *da Meridie Palude de Salto, & Palude de Saliceto*; deinde addens *Paludem unam ex integro, quae vocatur Rotunda, cum Piscatoribus* (hi Servi, aut Adscriptitii erant) *& omnibus rebus, quicquid ad ipsas Paludes pertinet*. Ipsa commemoratur *Palus, quae vocatur Greza*. Propterea tam saepe iis temporibus in Chartis donationum aut emtionum apponebatur clausula *cum Silvis, Paludibus, Piscationibus &c.* Ita Mathildis Comitissa in Chartâ, Anno MCXV. ejus vitae postremo exarata apud eundem Bacchinium confirmat *terras cum Paludibus & Piscationibus & Silvis positis in Curte Quistelli, quas Avus meus Thendaldus Marchio eidem Monasterio largitus fue-*

*rat, cujus fines sunt Fossa, quae vocatur Gabiana juxta Paludem de Palezeto, & intrant in Plautanello & in Lacum Romani, & sicut percurrit Lacum Romani usque in Paludem de Gardenagula. Sunt & alia multa Paludum ac Silvarum nomina in Chartis ejusdem Comitissae, aliorumque hominum, quae praetereo, cuncta eo collineantia, ut certos nos faciant, Ferrariensem agrum, & inferiores partes Comitatus Regiensis ac Mantuani citra Padum, nemoribus & aquis stagnantibus olim abundasse. Neque iis carebat Parmensis. Uno exemplo res palam fiet, nempe Diplomate Arnulphi Regis, quod adservatur in Tabulario Capituli Canonieorum Parmensium.*

Arnulphi Germaniae Regis Diploma, quo omnia bona & jura  
ad Wibodum Parmensem Episcopum spectantia  
confirmat, Anno 894.

**I**N nomine sanctae & individuae Trinitatis. Arnulphus divina favente clementia Rex. Si fidelium nostrorum pro affectui consulimus, paternum morem sequimur, & alacriores eos in nostrum servitium reddimus. Quapropter notum sit omnibus fidelibus sanctae Dei Ecclesiae, nostrisque, presentibus scilicet & futuris, quia Wibodus venerabilis Episcopus adiit excellentiam nostram per Attonem sanctae Magontinae Ecclesiae Archiepiscopum, & dilectum Consiliarium nostrum, quatinus de omnibus suis proprietatibus in singulis locis vel Pagis Italiae, Tusciae, Spoleti, atque Romaniae, per instrumenta Cartarum & Precepta antecessorum nostrorum, & per ensiteosis ac libellos, seu per quemvis ordinem acquisitas, aut in antea Deo propitio acqui-

*rendis, nostro ei concederemus atque confirmaremus Precepto. Cujus precibus ob devotionem & fidelitatem ejus assensum prebentes, concedimus atque in perpetuum confirmamus eidem Wibodo Episcopo, vel cui ipse significaverit, Abbatiam in finibus Comensibus, quae dicitur Monasterium Vetus, in honore sanctae Dei genitricis Mariae: seu & Curtem Corniolam in finibus Tusciae: atque Corticellam, quae dicitur Caput Parioli: seu & Saluciolas, quam ipse cum omni integritate per preceptum Avunculi nostri Karoli acquisisse dignoscitur in finibus Parmensibus, sed aliud, quod ibi pertinet ad Comitatum reddens. Nos tantum ipsam Corticellam una cum Silva, & prato uno tenente, quae est \* cupite uno in Sysserione, alio in Lacu qui dicitur Majore, tertio*

aut paleâ opertis, irrisuonis causâ a Ticinenſibus inimicis *Alessandria della Paglia* nuncupari coepta eſt, uti ſcribunt Romualdus Salernitanus, Siccardus Cremonenſis, Gualvaneus de la Flamma, aliique Hiſtorici. Eamdem ob cauſſam *Nizza della Paglia* in Ducatu Montisferrati cognomen accepit. Praeterea familiare fuit barbaricis iis Saeculis, *Scindulis*, hoc eſt tabulis, ſive aſſeribus, aut laminis ligneis, clavo ferreo confixis, tegularum vice domos cooperire. Rotharis Langobardorum Rex in Lege 287. *Si quis (ait) de caſa erecta lignum quodlibet aut Scandulam (ſive Scindulam) furatus fuerit, componat Solidos ſex.* Germanica Lingua adhuc voce *Schindel* eo ſenſu utitur. Hiſce Scindulis, Plinio teſte, Roma adoleſcens per aliquot ſecula conteſta fuit. Diuturnum autem fuiſſe earum uſum diſcas e Charta Mediolanenſi Anni MCCI. quam Puricellius adfert pag. 1170. Monument. Baſilic. Ambroſianae. Agitur illic de *Lobia* quadam, quam *Loggia* nos nuncupamus. Haec (ut ibi dicitur) tunc erat de *Scandolis* cooperta; & poſtea fuit cooperta de *Palea*, quae combuſta fuit ab igne deſuper Eccleſiam veniente. Poſita erat *Lobia* illa juxta murum Eccleſiae beati Ambroſii, ideſt Mediolani juncta muro Ambroſianae Baſilicae; ita ut hinc eluceat, quam rudes adhuc in Italia forent mores, quando in Urbe ſplendidiffima, & apud inſignem Baſilicam, tectum illud aut *Scindulis* aut *Paleâ* coopertum ſpectabatur.

Et privatorum quidem hominum aedes pleraſque in Urbibus Italiae tunc abundaſſe ejusmodi tegumentis, neque ejus conſiſtentiae fuiſſe, ac noſtri temporis: indicare poſſunt tot ac tanta incendia, quae

A Saeculo praefertim XI. & XII. integris ferme Civitatibus excidium adferebant. Lege Hiſtorias a me editas in Colleſtione Rerum Italicarum. Occurrent Mediolanum, Placentia, Bononia, Brixia, Mutina, atque aliae complures, quae oborto unius domus incendio, & in reliquas ſummo impetu, faciliſque negotio penetrante flammâ, in cineres abiere. In Chronico Patavino, quod evulgabo in hoc Opere, Anno MCLXXIV. incendium ortum fuit in Padua, per quod fuerunt combuſtae 2614. domus, quae tunc erant lignae, fragiles, & non cuppis, ſed *Paleis* & *Scandolis* conteſtae. In Vita Sancti Anfegii Abbatis Fontanellenſis Tom. V. Sancto. Bolland. Menſis Julii, haec leguntur: *Porticum de novo fecit, & eam cooperiens Scindulas ejus ferreis clavis affixit. Caſas autem palliaricias ſaepe memoratas vidi in Chartis Archivi Canonicoꝝ Mutinenſium. Unius tantum mentionem accipe, quae ſcripta fuit, Otto gratia Dei Imperator Auguſtus, Anni Imperii ejus in Dei nomine ic bin Italia VII. & item Otto filio ejus Imperator Auguſtus Anni Imperii ejus in Dei nomine Anno verd I. die XIII. Menſis Junius, Indiſtione XI. ideſt Anno Chriſti DCCCC-LXVIII. Ibi Wido Epicoꝝ Mutinenſis Dominico qui & Franco, vel ad ſuis heredibus ad abendum, ſeu laborandum, ſeu cenſu aſiſto reddendum libellario nomine uſque ad annos viginti novem expletos concedit: id ſunt camporâ pecias tres cum una Caſa Palliaricia, & cum aliquantulis vitis ſuper ſe habentem, juris Epicoꝝ Sancti Geminiani, qui reſacent in locas prope eſt Caſtro Vinola &c. Ita in Bullario Caſinenſi Tom. 2. Conſtitutionem X. habemus Anno IX. Deſiderii Regis, & VI. Adelcbis Regis Langobardorum;*

rum, idest Anno Christi DCCLXV. in qua Cunimundus Langobardus donat *Casam domoculilem meam, & omnes resoras infra ipsam terminationem meam Scandalicias, vel Pallearicias &c.* Turrigius quoque vir diligentissimus, Part. 2. pag. 533. de Crypt. Vatican. Chartam refert scriptam Romae Anno Sextum Domni nostri Johanni Nonodecimi Papae, adque & Cbuoradi Imperatoris Hanno Tertio, Indictione XIII. Mense Martio die XV. Idest Anno Christi MXXX. Ibi Leo Datibus Judex locat Gregorio, qui vocatur de Gizi, medietatem integram de domo solarata Scandalicia, quantacumque &c. eâ conditione appositâ, *ud si Domnum Imperatorem in istam Civitatem exitam, & in ipsam domum stare non potueris, aud ipsam domum fregerint, tam per Imperatorem, quamque etiam infra isto constituto anni de ipsam domum lignamenta fortiolem fregerint, omnia conciare, & de ipso perditum restaurare promitto.* Ante annos tres Conradus Coronam Imperatoriam suscepurus, Romam cum exercitu venerat. An ejus milites modeste se gesserint, fortassis hinc discere possis. Animadverte praeterea antiquitatem Italicæ vocis *Conciare* pro *Restaurare*, *Reficere*: quae quidem Italis in usu etiam erat Seculo X. ut liquet ex Charta Anni DCCCCLIX. jam supra a me evulgata in Dissertatione XVIII. Vocem ipsam Ferrarius a *Concinnare* traxit; at Menagius a *Como*, *Comtus*, *Comtia*, & quidem rectius, *Comtiare* deduxit. Itaque tunc Italia frequenti in usu habuit aedes *Scandalicias*, quae ita asserculis ligneis loco imbricum ac tegularum operiebantur, uti olim arundinibus in Germania. De istis Plinius Lib. 16. Cap. 36. *Tegulo earum (arundinum) domus suas Septentrionales Po-*

*puli operiunt.* Plautus quoque in Rudente meminit *arundinum*, quibus tecta tegenda erant. Hinc ergo crebra olim in Civitatibus Italiae incendia, quae interdum innumeras domos vorabant: qualia adhuc identidem audimus accidere in Septentrionalium Populorum Urbibus. Audi nunc ante quatuor Saecula loquentem Gualvaneum de la Flamma Cap. 156. Manipul. Flor. Tomo XI. Rer. Italicarum, ubi narrato terribili incendio Mediolanensis Urbis Anno MCV. subdit: *Est sciendum, quod Civitas Mediolani propter multas destructiones non erat interim muratis domibus aedificata, sed ex cratibus, & Paleis, quamplurimum composita. Unde si ignis in una domo succendebatur, tota Civitas comburebatur. Unde fuit statutum, quod flante vento nullus in domo ignem succenderet.* Tantam nobilissimae Urbis dejectionem credat qui velit. Ego & tunc aedes e calce ac lateribus aedificatas ibi puto; sed quia tecta complura Scindulis aut Paleis tegebantur; inde dilatandis incendiis facilis erat occasio. Quare ut huic incommodo & periculo in posterum prospicerent Italici, simulque ut majorem Civitatibus decorem compararent, caverunt, ne cuiquam ultra liceret aedes intra Urbem positas Paleis contegere. Praesto heic mihi est Rubrica 223. Lib. 2. Statutorum MStorum Anno MCCLXXXVIII. Ferrariae conditorum, ubi haec verba: *Ad officium praedictorum (idest Aestimatum a Republica electorum) pertineat, ne domus aliqua Paleata, sive de Storiis (contendunt nonnulli, Storias, non Storeas, ab antiquis etiam scriptum fuisse) cooperta sit in Civitate Ferrariae a terraliis infra, secundum quod sub fossatis clauditur Civitas. Sed omnes cooperiantur de*



Meditatem ex Piscariis nostris in territorio Mantuano in loco Sarmata & Bondeno. Atque alias Piscarias in finibus nostris Regisianis & Flexianis, sicuti usque modo habuimus ad Curtem Regis in integrum, ex una parte currente fluvio Moelena; de alia parte fluvio Bondeno unum caput tenente in Fossa, quae dicitur Firmiana, seu Vilula de Lacu, per Florianam, sive per Fossa Struvariorum seu Albaretum usque in Spinum; alio autem capite in Pado tenente una cum arboribus & limitibus, qui infra praescriptas coherencias esse videntur, omnia vobis & posteris vestris in perpetuum confirmamus tam silvas, quam pascua seu limites & Paludes; omnesque alias fossas & campos, seu Paludes, unde qualescunque piscationes fiunt, exeuntes vel intrantes a Trepontio in osium usque in Fossamlatam & Gambarionem. Cunctas Fossas & Paludes, quae fiunt de fluvio Bondeno, idest Tresclaria, cum campis suis: & campum Formigosum inter Trepontium; & Lacumfatuum cum ipso Pontificio, & omnes latoras usque ad Grumum. Seu Silvam & Laorianam, atque terram, & ipsas latoras per Trepontium quae & de Bondeno exeunt, & Spino atque Trepontio in Bondeno, & Lacu de Vulpino; simulque Tubum, qui exit de Bondeno in Porcaria & Sagida, atque ex alio latere Sagida exiente de Vulpino intrante in Lacu de Duracino Buceneto, qui exit de Tubomortuo, intrat in Comarise, tenente unum caput in Canedulo, & aliud in Duranno. Similiter etiam Campum de Duracino, atque Bonasulam, quae ponit caput in Arculas, simulque modum duas Arculas, contractionis latoras. Et Lacum de Fulgino ponentem caput in Bondeno: necnon Virginiana cum omnibus locis ac fossis & quibuscum-

A que Piscariis, sicut nos usque adhuc ad nostras tenuimus manus. Et nullus magnus aut parvus homo in omnibus supradictis Piscariis absque vestra licentia, successorumque vestrorum aliquo modo piscare presumat. Insuper & propter vestram insignem ratam predictam petitionem iuste concedimus vobis & successoribus vestris confirmamus Monasterium Domini Salvatoris situm in Fainanum, cum universis legalibus & pertinentiis &c. percurrentibus ipsius Massae finibus ab uno latere sine Capuanense, & fluvio Ceila; ex alio latere Lardaniola Jugale desuper ponente capite in Monte Misceno: Seu Silva de Scuplano cum Castella, & Sextula, Monte Calvo, Cervariolo, & Alpe currente Rivo Arciliense, & Sardaniola fluvio percurrente, necnon Massa Lizano, & Gaba cum viculis suis, idest Aquaviva, Rivofrigido, Vilinatico, Saxo Ciliciano, Guclam Vinianam, & Porcili, cum montibus percurrentibus ipsius Massae finibus ab uno latere sine Capuanense & fluvio Ceila; ex alio latere Lardaniola Jugale a supra ponente capite in Monte Misceno veniente in Gajum Reginae; de subtus autem veniente uno capite in Fluvioglio. Sancimus ergo, ut nullam potestatem habeant homines ibidem residentes de ipsa Massa vel ejus finibus praenominatis vendere per quemcumque titulum, neque extraneos homines illuc vocare aut introducere, nec Placitum quis tenere presumat, nisi Rectores & Prepositi Monasterii. Et si per licentiam rectam ipsius Monasterii inter se vendiderint, censum solutum ad partem Monasterii emptor persolvat. Nam si ipsi homines suam ab extraneis utrumque emerint, ad jus domini & potestatem perveniat Monasterii. Et homines residentes in ipsa Massa opera cum bovis & manualibus in jam dictum Fainanum Monasterii

rii Domini Salvatoris faciant, necnon & angarias, atque portatiam ibi & alibi, ubi opportunum fuerit. Quod si in ipsis Silvis aliquis roncotas fecerit, aut si peculia pabuerit, redditum escaticum, seu casacum ad Fratres Nonantulanæ famulantes totum perveniat. Simul etiam Plebem Sanctæ Mariæ in Lizanum constitutam concedimus vobis vestrisque successoribus eo ordine ut nullus Episcopus Bononiensis vel aliunde in ea aliquid agere aut ordinare praesumat, nisi tantum Consecrationem, Confirmationem, Predicationemque faciant. Et Presbyterum, quem vos vel vestri Successores idoneum ibidem constitueritis, a potestate vestra nullatenus submovere praesumat, nec aliquam dominationem in jam dicta Plebe facere aut exinde quicquam tollere tentet. Et ut in omnibus Silvis jam sati Cenobii nullus Comes sive Castaldeus seu quislibet nobilis aut ignobilis cum canibus aut quocumque ingenio venationes exercere praesumat propter inquietudinem animalium Monasterii. Necnon concedimus, ut in quibuscumque Comitatus vel locis Cellas adquisieritis, aut Villas, ubi Silvae communes sunt, vestram semper portionem habere praecipimus. Et ut nullus in Regno nostro Italico vel Romano cujuslibet ordinis praefati Monasterii Servos aut Ancillas, qui fuga lapsi fuerint, contra Abbatem aut Praepositum vel Advocatum, cum inventi fuerint, quoquo modo audeat retinere. Similiterque etiam donamus praeceptales . . . . . videlicet quadraginta octo, qui nunc sunt, vel futuris temporibus ex ipsis aut ex aliis esse voluerint, ut liberam ad Monachorum utilitatem peragendam habeant potestatem, remota totius potestatis inquietudine.

Igitur perdonamus vobis & eidem Sancto Cenobio vestro, ut Notarii in

A omni Regno nostro . . . . . Chartas, Judicata, Emphytheosis, & Libellos scribant absque ullius . . . . . impedimento. Confirmamus etiam vobis & praedicto Monasterio vestro, ut de ripatico vel theloneo singularum Civitatum, sive de Ferrara, vel Comacium, vel qualibet functione, nec theloneo in quibuslibet locis, Civitatibus, seu Clusis Regni nostri, atque negotiis, sive de Instrumentis Chartarum . . . . . seu de Advocatis, quales & undecumque eligere voluerint, licentiam habeant potestatem causas Monasterii peragere secundum eorum precepta & judicata. Necnon de inquisitionibus faciendis per idoneos homines de possessionibus & rebus Monasterii vestri per viginti annas, & eo amplius. Seu de Placitis & de pignorationibus vestrorum hominum, de immunitate, quae est triginta Libras argenti, & de Via per Vitzacharam, seu de aqua fluvii Genae ad Molendina, & de Portu, sive Ponte in Aqualonga. Similiter & confirmamus vobis, & in prescripto Cenobio vestro Cartulas illius donationis, quas vobis Anscasus Episcopus (\*), & Gaydoaldus Medicus emiserunt, cum omnibus rebus illius . . . . . liberi homines per Cartulam prescriptam consulerunt: ut firmiter vos & praefatum Cenobium vestrum possideatis. Mercata etiam de propriis ejusdem Ecclesiae agris & terris constituendi licentiam habeatis, & conducendi diversa mercimonia & negotiatores, cunctoque thelonium, & quidquid de ipsis mercatis exigi potest, ibidem famulantibus pertineat sine contradictione. Jubemus itaque, ut quicumque ex liberis hominibus voluerit Advocatus eorum fieri, qui causas suas peragere nesciunt, absque alicujus licentia libera potestate persistat. Et si quis in vadia eorum recipere noluerit, nullus impedire praesumat,

(\*) Popiliensis Episcopus. Vide Rubrum pag. 225.

Donatio facta Monasterio Sancti Salvatoris Ticinensis ab Adelaide  
Imperatrice Vidua, Anno 999.

**I**N nomine Domini Dei & Salvato-  
ris nostri Jesu Christi. Tercius Otto  
gratia Dei Imperator Augustus, Anno  
Imperii ejus Deo propicio Tercio, XII.  
die mensis Aprilis, Indictione XII. Mo-  
nasterio Domini Salvatoris, quod est  
fundatum foris & prope Civitate Pa-  
pia a Domna Adaleida Imperatris  
Augusta, ubi in ipsum Monasterii san-  
ctum Corpus beati Felicis Christi Mar-  
tiris requiescit, & ubi nunc Dominus  
Ildebaldu Abba ab hac dicta Domna  
Adelaide Imperatricis preordinatus esse  
videtur. Ego ipsa Adaleida Impera-  
trix, filia bone memorie Domni Ro-  
dulphi Regis, & relicta bone memo-  
rie Domni Ottonis Imperatoris, que  
professa sum ex natione mea Lege vive-  
re Salicha, offeris & donatis ipsi Mo-  
nasterio presens presensibus dixi. Quis-  
quis in sanctis ac venerabilibus locis ex  
suis aliquid contulerit rebus, justa A-  
doris vocem in hoc Seculo centubulum ac-  
cipiet, insuper & quod melius est, vi-  
tam possidebit aeternam. Ideoque ego que  
supra Adaleida Imperatricis dono &  
offero a presens die in eodem Monaste-  
rio Domini Salvatoris pro anima predi-  
cto bone memorie Domni Ottoni Im-  
peratoris, qui fuit vir meus, seu item  
Ottoni similiter Imperatoris, qui fuit  
filio meo, adque pro anima Tercio  
Ottoni Imperatoris Abiatico meo,  
seu pro anima mea, meorumque paren-  
tum mercedo, & ordine sicut ic subter  
leste sunt: Cortes duas domoi-colsiles  
cum Casis & Castris & Capellis, ad-  
que rebus omnibus ad se pertinentibus  
juris mei, quibus sunt postos ipsas  
Cortes infra Italicum Regnum; una in

**A** loco fundo Mallaga, cui coherencias de-  
cernitur. Habet fines de mane de flu-  
vio Pado usque ad Rupta de Albare-  
to, quod est iusta Terra Sancti Silve-  
stri (\*), & usque in Pallude . . . . .  
& usque ad Fossato . . . . . Sancti  
Vilforis, & usque in Tartaro, & ad  
Tartaro usque ad Fossa de Caput Fra-  
xani; de Capite Fraxani usque ad  
**B** Sancti Michaelis, qui vocatur Coternio-  
ne, & vadit usque in Tartarello . . . .  
ad loca Melani, & usque ad Fossa  
Ruzia, & usque in Palude de Pasca-  
la, & vadit usque ad Doffum Fra-  
xanaria, & usque ad Palude Mala,  
& usque ad Corrigia in Tengola,  
& usque ad Corrigia Boniverti, &  
usque ad Insula, & usque in predicto  
**C** fluvio Padi, & est per mensura iusta  
insimul jubeas sex millia, Aliacus, Re-  
moratica simul jubeas septemcentos sexa-  
ginta sex . . . . . in currente Telione  
in Pauledeberto, in Marlungo, & quo-  
modo tenet Fossato Scalido usque in Gril-  
la, & ex alia parte ipse . . . . . in  
Telione. Et si amplius de meo jure re-  
bus ab ipsas Cortes & rebus pertinenti-  
**D** bus plus inventi sunt, quam ut supe-  
rius legitur in integrum . . . . . per  
anc Cartam offerfionis, & pro remedio  
anime mee in juro & potestate ipsius  
Monasterii persisterit omnia, us dictum  
est. Ipsas Cortes domoi-colsiles cum ca-  
sis & Castris seu Capellis, sive terris,  
vineis, pratis, pascuis, silvis, ac stal-  
lareis, rivis, rupinis, ac paludibus,  
**E** molendinis ac piscationibus, mercatis &  
tholoneis, seu districtis, ripaticis, col-  
tis & incoltis, divisis & indivisis,  
una cum finibus & terminibus, acces-  
so-

(\*) Idest Monasterii Nonantulani.

*flomius & usibus aquarum, aquarumque ductibus, cum omnibus juribus, adjacentiis & pertinentiis earum rerum per loca & vocabula ad ipsas Cortes & Castris seu Capellis & rebus pertinentibus vel aspicientibus, cum predictis servos, ancillas, aldiones, vel aldianas, exinde pertinentibus, praeter quod antea, nam ut aliud, omnia in integrum.*

*Quem autem superscriptas Cortes duas domui-coltiles cum predictis Casis, Castris seu Capellis atque rebus omnibus ad se pertinentibus vel aspicientibus juris mei supradictas una cum accessionibus & ingressores earum, seu cum superioribus & inferioribus earum rerum, qualiter supra legitur, cum predictis servos & ancillas, aldiones vel aldianas in ~~nostrum~~ ab ac die in eodem Monasterio Domini Salvatoris jam dictas Cortes domui-coltiles cum predictis Casis, & Castris seu Capellis rebus omnibus, sive servis & ancillis, aldiones vel aldianas ad ipsas Cortes & rebus pertinentibus donare & offerre videor in eo ordine subter legitur; ita ut faciant exinde ipse Abba & Monachos ipsius Monasterii, qui nunc & pro tempore in eodem Monasterio ordinati fuerint, & dio nocturne Deo servierint, ad eorum usu & sumptu de predictis Cortes domui-coltiles, seu Casis & Castris sive Capellis & rebus omnibus atque de fruges & reddituum seu censuum quod exinde exierit, & Dominus Mederit, sive de servitio de predictis servos & ancillas, aldiones & aldianas ab suorum usu & sumptu quidquid voluerint sine omni mea ac proheredum meorum contradictione vel prohibitione, seu pro anima predictorum Ottoni quandam Imperatoris, & item Ottoni similiter Imperator, atque Tertio Ottoni Imperatoris, sive mea, vel parentorum meorum mercede. Insuper ego que supra A-*

*A* *daleida Imperatricis partem ipsi Monasterio Domini Salvatoris de predictis Cortes domui-coltiles, atque de predictis Casis, Castris, seu Capellis & rebus omnibus, sive de eisdem servis & ancillis, aldiones & aldianas ab ipsas Cortes & rebus pertinentibus, legitimam facio traditam & vestituram per cultellum festuca notatum, wantonem, & wasonem terre, atque ramum arboris; & me exinde foris expuli, warpivi, & adfasito feci, & ad partem ipsi Monasterio eis relinqui faciendum exinde pars ipsi Monasterio Domini Salvatoris a presenti ordine, sicut hic subter legitur, quod volueris sine omni mea & heredum ac proheredumque meorum contradictione, seu pro anime predicto quondam Ottoni & item Ottoni Imperatoris, qui fuerunt vir & filio meo, atque pro anima Tertio Domino Ottoni similiter Abiatico meo, sive mea, meorumque parentorum mercedem. Ita tamen ut ipse Abba & predictos Monachos pro anima predictorum Domni Ottoni, & item Ottoni Imperatoris, seu pro Tertius Dominus Otto Imperator, atque pro me peccatrice, seu pro anime parentorum meorum die nocturne apud Deum exorare dignetur, & qualiter exinde fecerint, Deum omnipotentem cum omnibus Sanctis suis habeant retributorem. Si quis vero, quod futurum esse non credo, si ego ipsa Adaleida Imperatricis, quod absit, aut nullus de heredibus ac proheredibus meis, seu quilibet opposita persona contra ano Cartulam offerfionis mee quandoque tentaverimus, aut eam per covis genium infringere questierimus, tunc inferamus parti ipsius Monasterio Domini Salvatoris, vel ad illam partem, contra quem exinde litem intulerint, multa quidem pena auro optimo uncias centum, argenti ponderas mille: & quod repetierimus, vindicare non valeamus, present anc Cartulam offerfionis*

*B*

*C*

*D*

*E*

V 2

diu-

diuturnis temporibus firma permaneant atque persistant inconvulsa cum stipulatione subnixae. Et bergamena cum atramentario de terra elevavi me paginam Jobanni Notario sacri Palatii tradidit & scribere rogavi, in qua subius confirmans, testibusque obtuleris roborandam.

Actum infra Castrum, qui dicitur Aterna Judiciaria Alsasense feliciter.

Signum manus suprascriptae Adaleida Imperatricis, qui anc Cartam offerfionis fieri rogavi, & ei recepta est.

Signum manus Liuzoni filius quondam Ermenfredi, Lege vivente Salica testis.

Signum manibus Amizoni filius quondam Benoni & Adam filius quondam Andrei, seu Predevereti filiorum Fini testes.

Ego qui supra Jobannes Notarius sacri Palatii Scriptor ujus Cartule offerfionis per data licentia Domini Acumanni Comititis istius Comitatu Alsasense, post tradita complevi & dedi.

Mirum fortasse videatur, cur Ticinense Monasterium Sancti Salvatoris dicatur a piissima Adelayde Augusta fundatum foris & prope Civitate Papiæ. Diserte Paullus Diaconus de Gest. Langobard. Lib. 4. Cap. 50. de Ariperto Langobardorum Rege scribit: Hic condidit apud Trethinum Oraculum Domini Salvatoris, quod extra Portam Occidentalem, quae dicitur Marenca, situm est, quod ornamentis variis decoravit, & substantiis sufficienter ditavit. Infra idem testatur, Bertaridum & Cunipertum Reges, nempe filium ac nepotem Ariperti, in Basilica Domini Salvatoris, hoc est in eodem Templo fuisse tumulatos. Eorum ego lapidem sepulchralem repertum in eodem Coenobio dedi Antiquit. Estens.

A Par. I. Cap. 10. Sed aliud est Basilicam excitare, aliud Monasterium. Illam construxit Aripertus I. Rex; hoc autem Basilicae conjunxit piissima Imperatrix Adelays curâ ac studio Sancti Majoli Cluniacensis Abbatis. Equidem, novi, inscriptionem ibi Anno MDLXXXV. positam, quae non minus Templi, quam Coenobii institutorem Aripertum testatur; sed quibus tabulis, aut testibus eadem epigraphæ nitatur, videant religiosissimi illi Monachi. In Bullarii quidem Casinensis Part. 2. Constitutione XV. memoratur a Desiderio Rege Monasterium intra muros Civitatis nostrae Ticino ad nobis ad suprascriptam Conjugem nostram constructum, in honorem Dei Salvatoris, & Sancti Danielis. Sed nihil istud (quippe intra muros Urbis aedificatum) commune habuit cum altero foris & prope Civitatem fundato. Vide etiam infra in Dissert. LXIV. de Vario statu Dioecesis, quae de hoc ipso Monasterio disserui. Interea Charta nuper edita nobis obtulit intra Paludes, juxta Padum & Tartarum, Dossam Frazanaria, & Corrigiam in Tengola, & Corrigiam Boniverti. Aliorum quoque Corrigiorum Paludibus insidentium mentio est in testamento Almerici, sive Amelrici Marchionis apud Peregrinum Priscianum in Collectaneis pertinentibus ad Annales Ferrarienses adservatos in Estensi Bibliotheca. Duplex illius exemplum idem Priscianus adfert. Ego neutrum legitimum ac certum praestare aulam, quum nonnulla mihi obversentur, quae dubiam tabularum istarum fidem faciant. Utrumque tamen exereere juvat. Certum quippe mihi est, ejusmodi monumenta saltem a non mediocri antiquitate commendari. Tertium quoque illius Testamentum infra dabo in Dissertat. XLI. de Nominibus

minibus. De hoc ipso Marchione sermo infra recurret in Dissertat. XXX-

A | VI. de Emphyteusibus, & in Dissertat. XLI. prædicta de Nominibus.

Testamentum Almerici five Amelrici Marchionis, & Francae Comitissae illius Uxoris, quo heredem instituunt Episcopalem Ecclesiam Ferrariae, Anno 948.

**I**N nomine Patris & Filii & Spiritus Sancti. Anno Pontificatus vero Domno nostro Agapito summo & universali Papa in Apostolica sacratissima beati Petri Apostoli Domini Sede Duodecimo; sicque imperante Domno nostro Ugo & Lotario filio ejus Anno Vigesimo Secundo, XVIII. die Mensis Julii, Indictione VI. Ferrarie. Omnipotens Deus Pater celi & terre, Creator animarum & corporum & universe Creature, animas, quas condidit, ad remedium salutis semper invitat. Ideoque ego bone memorie Almericus gloriosus Marchio de Civitate Mantua, una cum Franca gloriosissima Jugali, volumus & judicamus atque disponimus per nostram ultimam voluntatem in hoc Instrumento nostre dispositionis & ultime voluntatis nostre testationis testamur mentem nostram, & judicamus omnia nostra bona & possessiones quantascumque habere & detinere ac possidere visi sumus in hoc Regno Italie. In primis volumus & judicamus, ut Georgius Archidiaconus sancte Ferrariensis Ecclesie beati Georgii sit fideicommissarius meus & heres mihi in vice sancti Georgii Episcopi Ferrarie Martyris Christi, & nomine heredis ipsa Ecclesia succedat nobis, & habeat omnes res & possessiones meas integras, que in hoc territorio & Comitatu Ferrarie habere & tenere visi sumus tam de proprio, quam de conductitia in perpetuum possidere. Conductitia vero, que a vestra sancta Ferrariensi Ecclesia tenere videor, transacta emancipo in ipsa superscripta Ecclesia, cujus juris est.

**B** Idest omnes Massas, que a sancta Romana Ecclesia sunt emancipata & tradita in ipsa sancta Ferrariensi Ecclesia, quod est ipsa Massa, & diu habetur in ipsa superscripta Ecclesia Ferrariensi emancipo ab omni ex publico seu privato, in jure & dominio ipsius venerande Ecclesie. Similique modo tradimus & in jure & dominio superscripte sancte Ferrariensis Ecclesie emancipamus omnes res nostras, que jure proprio tenere visi sumus infra ipso Episcopo Ferrarie, idest da Levante Massa Comito, & Massa Fiscalia, & Veterana: da Mediodie Argelo Auriato: da Tramuntane fluvio Bondeno, & fluvio Tartaro, & fluvio Pistrina, quod est ipsa superscripta nostra res infra hec latera.

**C**

**D** Juxta Ferrariam fundo Germiniana, & Valle, que vocatur Fusca, & Corrigio, & Dorso, qui vocatur Fruntibuti. Similiter Curtem Porto, atque Piscaria, que vocatur Rupina. Similique modo toto & integro Fundo Purpurano cum Fundo Quirenti, quam Mandrie, seu Insula, que vocatur Marleatica, usque Stilo de Baldo, & Curte Corrigia, atque Bolaneticus usque in Massa Castiloni, & usque Silva Majero, que vocatur Donica. Similiter vero Curte Majaticus, sicque Pedrurio, & Vicoboneso, atque Fulvatico: sicque Sitvaria, atque Sussuta, & Casale Osualte, atque Cortule & Telete de Bagnolo, Laveclo, Gliraticus, Dondorigo, Villamana, & Trulana: sicque & Orbita. Similique modo concedimus & largimur atque testamur in superscripta sancta

*Ha* Ferrariensi Ecclesia beati Georgii Christi Martyris pro animabus nostris novem untias de toto & integro fundo Trecenta, & totum Corrigium qui vocatur de Roverè, & totum & integrum fundum Ponticelli, & totas integras sex untias de fundo Arfizanca, & tres untias de fundo Laurana, & untias quatuor de fundo Publica, & untias tres de fundo ubi dicitur Volta de Deno, & totum fundum Cortigna; & totam & integram medietatem de fundo toto Ronathise, & totam & integram Vallem, que vocatur de Molino, & totum & integrum fundum de Pirro Virtuse, & totum & integrum fundum, qui vocatur de Granariolo, & totum fundum de Fossato Novo, & totas & integras untias sex de Contula de Luipa, & totum & integrum fundum, qui vocatur Due Rovere.

Similique modo concedimus & largimur in suprascripta sancta Ferrariensi Ecclesia beati Georgii totum & integrum fundum de Patbali, & integrum fundum de Canale, & integrum fundum de Vignale, & integras tres untias de fundo Castagnolo, & integrum Corrigium de Launitho, & totum fundum Cortalè, & untias quatuor de Concola Lovaria, & totum etiam integrum fundum, qui vocatur Matana, & medietatem de fundo Auriano, & medietatem de fundo, qui vocatur Campo de Albato, & integrum fundum de Carabboni, & totum fundum de Valle Surico, & totum fundum Saliceto, & medietatem de fundo Marifelle, & quatuor untias de fundo de Cona, & medietatem de fundo de Fabrica, & de fundo Sancti Leonis, & totum fundum Tassarè, & untias quatuor de Casale Vecio, & untias sex de fundo & prado Marlini, & untias quatuor de Farvatina, & untias tres de fundo Lavaclo, & untias novem de fundo Lithro-

*A* sa, & de fundo de Ulmo, & integrum medium fundum Matrisane, & totum fundum & Vallem Piscatoriam, & medium fundum de Termine de Petra, & untias quatuor de Calle de Carulo, & medium fundum de Cona de Publica, & untias septem de fundo Cothagnola, & medium fundum de Lavazane, & medium Saltristica, & medium fundum Ducentule, & totum fundum Rosillo, & integrum fundum de Scoffamassa, & fundum Flaibano, & totum fundum Cortigni, & totum fundum Metbasbera, & totum Castagnolo, & totum fundum de Pasurio Corvaistro, & medium runcum, qui vocatur Donico, & totum fundum Cothapossa, & tres untias de fundo Clausiano, & untias sex in fundo Cerviniano, & untias quatuor in fundo Nogarie, & de fundo Gontiatice, & untias novem de fundo & Valle Tigonaria. Has omnes supradictas res, que in isto Comitatu & Episcopatu & territorio Ferrarie habere visi sumus, cum omni jure & pertinentia sua, seu in jure & dominio suprascripte sancte Ferrariensis Ecclesie beati Georgii in perpetuum: quia sic est nostra ultima voluntas. Ibi etenim corpusculum meum judico sepeliri. Alias autem res nostras, que in nostro territorio Comaclo habere visi sumus, & omnes Insulas maris Adriatici ad Monasterium Sancti Apollinaris relinquimus. Similiter omnia, que extra ista confinia in nostro territorio habere visi sumus ad ipsum Episcopatum Beati Petri Apostoli relinquimus, excepto quod ad Opertum Comes per Cartas emisimus. Alias vero res, que in territorio Parmensi habere visi sumus, ad ipsum Episcopatum Sancte Marie relinquo. Similiter & omnes alias res nostras, que in singula territoria habere visi sumus ad suprascriptas Ecclesias de ipso territorio pro anima relinquimus, quia ita volumus & jubemus: & sic est

est nostra ultima voluntas. Unde enim jubeo & testifico, quod omnia testamenta, que quondam disposuimus, sint irrita & vana, & nullum vigorem habere precipimus, quia sic est nostra ultima voluntas: & jurata voce dico per Deum omnipotentem, & per vitam Patrum sanctorum nostrorum, & per sacrosancta Dei Evangelia, que presentia in manibus meis teneo, & ore meo osculor, hoc Testamentum observare promitto, & nullum aliud ordinavero. Sic me Deus adiuvet, & illa sancta Evangelia.

Leo Tabellio hujus Testamenti scriptor de superscripto Almerico & superscripta Franca, jugalibus, vidi & audiui & corroboraui. Et Georgius Arcidiaconus sancte Ferrariensis Ecclesie in vice ipsius Ecclesie heredem substitui, & testibus ab eis rogatis obtuli roborandam & subscribendum sub die mensis Julii, & Indictione VI. Ferrarie.

\* Ego Opertus Comes presens vidi & audiui, & rogatus me teste subscripsi.

\* Ego Eribertus presens vidi & audiui, & rogatus me teste subscripsi.

\* Ego Leo presens vidi & audiui, & rogatus me teste subscripsi.

A \* Ego Damianus presens vidi & audiui, & rogatus me teste subscripsi.

\* Ego Petrus presens vidi & audiui, & rogatus me teste subscripsi.

\* Ego Lambertus presens vidi & audiui, & rogatus me teste subscripsi.

B \* Ego Adalbertus presens vidi & audiui, & rogatus me teste subscripsi.

Chartam hanc retuli ad Annum DCCCCXLVIII. quo revera decurrebat Indictio Sexta, potuitque decurrere Annus XXII. Hugonis Italiae Regis. Sed quod attinet ad Annos Agapiti Secundi Papae, pro Anno Pontificatus XII. scribendum est Anno II. aut potius III. Librarius numeros Romanos parum attente scrutatus, sibi fortasse visus est invenisse X. praepositum hisce numeris. Cur vero Anni Lotharii heic minime legantur, alii videant. Praeterea quum Opertus Comes commemoretur in hisce tabulis, conjecturam meam Par. I. Cap. 23. Antiquitat. Estens. proposui, ipsum fortasse annumerandum esse inter Maiores Marchionum & Ducum Estensium. Accipe nunc alterum Testamentum ejusdem Almerici.

### Almerici Marchionis alterum Testamentum, Anno 948.

IN nomine Patris & Filii & Spiritus Sancti. Anno Pontificatus Domini nostri Agapiti summi & universalis Papae in Apostolica sacratissima beati Petri Apostoli Domini Sede Secundo, imperante Domino Hugone & Lothario filio ejus Anno XII. die XVIII. mensis Julii, Indictione VI. Ferrarie. Omnipotens Deus pater celi & terre,

E creator omnium animarum & corporum & universe creature, animas, quas condidit, ad remedium salutis semper invitat. Ideoque ego bone memorie Almericus Marchio de Civitate Mantue, una cum Franca conjuge mea, volumus, & judicamus, atque disponimus in hoc Instrumento dispositionis & ultime voluntatis nostre testationis Testamento



statu III. mentem nostram videlicet, de omnibus nostris bonis & possessionibus, quantascumque habere & desinere ac possidere visi sumus in hoc Regno Italiae. In primis volumus & judicamus ut Georgius Archidiaconus sancte Ferrariensis Ecclesie beati Georgii sit fideicommissarius noster & heres nomine ipsius Ecclesie sancti Georgii, & nomine heredis ipsa Ecclesia succedat nobis, & habeat omnes res & possessiones meas integras, quas in hoc territorio Ferrariensi & Comitatu habere & tenere visi sumus tam propria, quam conductitia in perpetuum, conductitia videlicet, que ab ipsa sancta Ferrariensi Ecclesia tenemus, ipsi Ecclesie, cujus juris est, emancipo. Id est omnes Massas, que a sancta Romana Ecclesia sunt emancipate & tradite, ipsi Ferrariensi Ecclesie emancipo ab omni publico & privato in jus & dominium ipsius venerande Ecclesie. Simili quoque modo tradimus in jura & dominium suprascripte sancte Ferrariensis Ecclesie emancipamus omnes res nostras, que jure proprio tenere visi sumus in ipso Episcopatu Ferrarie: hoc est ab Oriente Massam Corneti. Fiscalie, & Veterarie: a Meridie aggerem Auriatum: ab Occidente fluvium Bondenum, & fluvium Tartarum, & fluvium Pistrinam, videlicet, fundum Germinianum, Vallemfuscum, Corrigium & Dorsum Fruntibalti, similiter Curtem, Portum, atque Piscariam Dopinam, totumque & integrum fundum Purpuranum cum fundo Quirentis, Mandrie, atque Insula Marleatica, usque ad Stillum Baldi, & Curtem Corrigiam, Boloneticam, atque Massam Castilioni, & Silvam Majorem nuncupatam Donicam, item Castilioni, Curtem Maraticam, Pedrurium, Vicum Bonosium, atque Fulviticum, Silvariamque, ac Sussutam, & Oschaltis Casalem, atque Cortilem Balneoli, Lance-

A dum, Gbiraticam, Dondorigum, Villammannam, & Trullariam, & Orbicem.

Similique modo concedimus & largimur atque testamur infrascripta sancte Ferrarie Ecclesie beati Georgii Christi Martiris pro animabus nostris, videlicet novem untias totius & integri fundi Tricente cum toto Corrigio Rovereti, & fundo Ponticelli. Item sex untias fundi Arzoratici, tres Lauriani, quatuor Publici, tres ejus fundi, qui dicitur Volta Atii, & totum fundum Cortiguum cum medietate fundo Ronabifii. Ad haec Vallem Molendini, fundum Piri, Ganarioli, & Fossatinovi: untiasque sex Contule Lupi, cum fundo Roveretti, Patblischi Canalis, & Vinealis, atque tres untias fundi Castaneoli, & integrum Corrigium Launichi, & fundum Cortalem, & untias quatuor Concole Lovarie, & totum fundum Maranum cum medietate Tragiliani, Auriani, Campi de Albero; nec non fundum Carathonem, Vallemfuricam, fundum Salicetum cum medietate Mariselle, nec non quatuor untias Conne, Fabrice, & Leonis cum fundo Taxario. Igitur untias quatuor Casaliveris, & sex in fundo & prato Marvuli, & quatuor in Farnalina, tres in Laudo, novem in Lisbrofa & Ulmo; ac medium fundum Matrifane cum Valle piscatoria, & dimidio terminis Petre, untiasque quatuor Vallis Coriubi, & medium fundum Conne publice, cum untiis septem Cochaniolo, dimidioque Lavazani, Saltitrici, & Ducentule, atque fundum Dosilli, Scotiamassa, Flaibuni, Cortigui, Merlatbece, Castaneoli, & Pastini, Corvastri cum medietate Runci Dominici, & toto fundo Corbapose. Item tres untias fundi Clafini, sex Cervinani, quatuor Nogarrie & Gonciatice, & novem Vallis Tigonarie. Que omnia suprascripta in isto Comi-

Comitatu & Episcopatu atque territorio Ferrariensi habere visi sumus. Idcirco ea cum omni jure & pertinentiis in jus & dominium suprascripte sancte Ferrariensis Ecclesie beati Georgii in perpetuum transferimus in hac nostra ultima voluntate, ubi etiam volumus corpusculum nostrum sepeliri. Alias vero nostras, quas in nostro territorio Comacensi habemus, & omnes Insulas maris Adriatici Monasterio Sancti Apollinaris relinquimus. Simul omnia que extra ista confinia in territorio Adriensi habere visi sumus, ipsi Episcopati beati Petri Apostolici relinquimus. Que vero in territorio Parmensi possidemus, ipsi Episcopati Sancti Marici relinquimus. Similiter & omnes alias res nostras, quas in singulis terminis habere visi sumus, Ecclesiis pro anima nostra relinquimus, quia ita volumus & jubemus & sic est nostra ultima voluntas. Ulterius jubemus & testificamur omnia Testamenta, que quondam disposuimus, esse irrita & inania, nullumque vigorem posthac habere precipimus, quia sic est nostra ultima voluntas. Et jurata voce dicimus per Deum omnipotentem, & per vitam Patrum Domnorum nostrorum, & per sacrosancta Dei Evangelia, que in manibus tenemus, & ore osculamur, hoc Testamentum velle observare, & nullum aliud ordinare. Sic nos Deus adjuvet, & illius sancta Evangelia.

Actum Ferrarie per Leonem Tabellionem coram testibus ab Almerico & Franca rogatis, Opero Comite, Eriberto, Leone, Daniawo, Petro, Lamberto, atque Alberto, sub die XVIII. mensis Julii, & Indictione VI.

Signum Ugonis Regis Italie.

Signum Hlotharii Regis Italie,

Recte heic adnotatum videas Annum II. Agapiti II. Papae. Sed per Tom. IV.

A peram conjungitur cum Anno XII. Hugonis Regis. Uti in altero nuper edito Testamento inspeximus, restituendus heic est Annus XXII. Hugonis. In calce Chartae Signa Hugonis & Lotharii Italiae Regum, peregrinum sapiunt. Quod ad rem nostram pertinet, recensentur heic Corrigium & Dorsum, qui vocatur Fruntibuti, B Curtis Corrigium qui vocatur de Rovere, & Corrigium de Launitbo. Haec omnia in paludosis locis jacebant. Quaecumque ergo Castella aut vici C occurrunt, adhuc Corrigii nomine in Veronensi, Mantuano, aliisque Comitatibus distincta, uti & insigne Oppidum Regienfis Dioecesis, ex quo celebris olim Familia de Corrigia ante plura Saecula cognomentum sumsit, nunc in Estensium Principum ditione situm, cum aquis stagnantibus conflictata olim fuere; & siue colles essent, quos pertingere aquae nunquam potuerant, siue tellus tandem congesta illic attolleret caput, coepta sunt habitari. In Charta Mathildis Comitissae Anno MC. exarata apud Bacchinium in Histor. Padolironens. dono datur Ecclesiae de Gunzaga Corrigium unum, quod habet D fines de meridie Palude Saliceti, de ferra Vangaicii, & Paludem unam juxta E predictum Corrigium, quae protenditur usque Ruperum & Laniolo, & usque Plantanclum, & usque ad Lacum Romanum. Habemus heic graphice pictam veterum Corrigiorum imaginem. Reperimus & nomen Mezzano inditum aliquibus Villis ad Padum praecipue sitis in Parmensi, Laudensi, aliisque agris. Insulae Padi ita olim appellatae sunt, quod loca essent media inter aquas. Nunc autem in continenti vetustam retinent appellationem. Otto Morena in Histor. Rer. Laudens. Tomo VI. Rer. Italicar. X pag.

pag. 1081. haec habet: *Placentini reduxerunt naves usque ad ripam Padi, quae est versus Placentiam. Sed Laudenses in quodam Mezano, qui Insula dicitur, proelium cum Placentinis incipientes &c.* Sed potissimum Ferrariensis ager, postremus nempe, in quem Padus influebat, paludibus olim atque stagnantibus aquis obnoxius fuit. Teste Radevico Lib. I. Cap. 45. de Gest. Friderici I. Anno MCLVIII. Ferrariam penetrarunt copiae Imperatoris Friderici, Civesque mandata Principis facere coegerunt: *Ea res incredibilis visa est, eo quod Ferraria, Pado ibidem instagnante, & Paludes impermeabiles faciente, munimento locorum fidens, omnem viciniam suam intrepida ac superba videret atque despiceret.* Plurimum debet Civitas illa Atestinis Principibus, quod iis praecipue curantibus vastus ager vomeres acceperit, ac messem exinde reddiderit.

Porro incredibile est, quantum immutata sensim fuerit Italicarum Urbium & locorum illorum facies, quae in planitie fluviis conterminae, eorumque inundationibus obnoxiae erant. Sunt, in quibus area loci ad decem, viginti & ultra cubitos crevit. Atque in primis Mutinensis Civitas, ludibrium olim errantium fluviorum, alte defossas interdum repperit antiquae Mutinae ruinas, ita ut ubi nunc fundamenta novarum aedium statuuntur, ibi culmina veterum constitisse videantur. Haec scribit Strabo Lib. V. Geograph. *Lanam mollem, & omnium longe optimam producunt loca circa Mutinam (καὶ τὴν Σαυτανῶν) & Scutanam flumen.* Legendum Σαυτανῶν, sive Scultennam. Temporibus nostris quanquam Mutinensis agri lana multo sit in pretio, tanta tamen illius praestantia minime videtur, ut peculiare elogium ei con-

A venire possit. Discriminis hujus in causa fortasse fuerit terrarum atque adeo pascuorum mutata natura, aut culpa rejicienda est in rusticorum pigritiem, qui vivo amne oves non purgant; ajunt enim periti, lanam ovibus nostris ita purgatis detractam subtilitate ac mollitie cum optimis certare. Quum ergo tot olim, barbarico praesertim aevo, *Paludibus ac Silvis* premeretur Italiae superficies, ac praecipue in montibus *Nemora* abundarent, consequens est, ut opinemur longe minorem iis temporibus quam nostris fuisse habitatorum copiam. Non enim plures incolas arva habere consueverunt, quam alere possint, nisi sint maritimae Urbes negotio addictae, ad quas facile navium ope annona opportuna deferretur. Tunc autem non levis agrorum pars inculta jacebat. Verum ubi aut pacis commoda animos Populis fecere, aut augendae rei cupiditas segnitiam ex eorum pectore amovit, sensim *Nemora* exscindi & eradicari coepta sunt, & coli loca, unde tandem abscesserant stagnantes aquae. Immo ed hominum concordia ac indultria crevit, ut vagantes fluvios aggeribus arctarent, fossisque deductis paullatim sicarent ulvosam antea palustremque tellurem. Adfert supralaudatus Bacchinius in Histor. Padorilonens. pag. 92. Appendic. Chartam ejusdem Comitissae Mathildis, quae Anno MCXII. Abbati Sancti Benedicti donat *Terram, quamdam, quae nunc exstirpatur, ex parte stirpatam, ex parte cum Silva, quae est posita in Curia Massae infra Comitatum Ferrariae, in fundo quod dicitur Margarino; a secundo capite Palus, quae dicitur Albolini; ab altero latere Runchus de Johanne Anastasi.* Eodem studio & aliis terris suis adhibuere cultu-

turam. Quid in Veronensi agro Populus Nogariensis praestiterit in amolienda immani Silva, quae ad jus spectabat celeberrimi Nonantulani

A Mutinensis Coenobii, ex Innocentii II. Papae Literis discas, quas authenticas legi in Archivo ejusdem Monasterii.

Litterae Innocentii II. Papae ad Populum Nogariae, circiter  
Annum 1136. scriptae.

**I**nnoctius servus servorum Dei, dilectis filiis Militibus & bonis hominibus Nogariae salutem & Apostolicam benedictionem. Perlatum est ad aures nostras, quod Nogariensem Silvam, quam Comitissa Matildis a Monasterio Nonantulano sub annuali pensione tenuit, & antequam moretetur, eidem Monasterio reddidit, extirpaveritis, eamque vestris usibus excolatis. Et quoniam valde periculosum est Ecclesiarum justitiam minuire vel retinere, per presentia vobis scripta mandamus, atque precipimus, quatenus de laboribus, quos ibidem excolitis, presati Monasterii Fratribus jus suum integre persolvatis.

Datum Laterani VII. Kalendas Decembris.

Adest Bulla plumbea, ibique litterae,  
INNOCENTIUS PP. II.

In Charta Veronensi Anni MCCXXV. evulgata a docto & amico viro Bartholomaeo Campagnola ante vetera Statuta Veronensium legitur facienda restauratio illis, quibus ablatum erat, vel esset de suo Nemore, & Silva Gazi & Ingazata (fortassis in Gazata) Nogarias. Gajum & Gazum idem olim nomen fuit. Ronchi verò, Runchi, & Rencora ab antiquo Latino verbo Runcare, appellabantur loca, quae concisis Nemoribus aratro tandem subigi poterant: quae vox adhuc perdurat, & in veterum monumentis frequens habetur. In Charta Ferrariensi Anni MGXIII. quam

B autographam teneo, haec leguntur: Terram autem illam, quam roncabo, frui debeo per annos tres; postea reddam Terraticum &c. In Antiquitat. Estens. Par. I. Cap. 40. pag. 408. memini me Chartam producere, in qua fit mentio de Samplis & Amplis, quarum vocum significationem obscuram diu sum percrutatus. Nunc monendus est Lector, idem Xampla fuisse ac Runcos, scilicet saltum sive agrum eruncatum, atque ad culturam paratum. Terra exemplata, & Exemplatio, & Exemplum eo sensu apud veteres occurrunt, ut multis testibus ac tabulis ostendit Du-Cangius in Glossar. Latino. Inde Xamplum effectum. In quo autem Sampla ab Amplis differrent, divinare nescio. Erunt qui unum idemque putent, utpote ab una voce Exemplum, uti videtur, profecta, seu potius ab Exempliare Latino. Hinc Tusci veteres dicebant Sciampiare pro Dilatare, cujus vocis jam antiquatae exempla habes in Vocabulario della Crusca. Atque hinc proprie enata videtur vox Scempio. Exarta quoque pro Exemplum, sive Nemore succiso, aut terrâ a dumetis expurgatâ, in antiquis monumentis invenias. Agros verò, qui aratrum primo sentire incipiebant, Novales appellatos videas. Ad haec vasta loca, quibus erepta fuerat Silva, Roncalia & Rbuncalia nuncupari exinde coepta sunt. Duas Villas ejusdem nominis Mutinensis

Civitas habet in inferiori agro suo. Habent & aliae Langobardiae Urbes, nobisque occurrunt variis in locis *Ronchi*, *Roncovetere*, *Roncaglio*, *Ronca*, & horum similia nomina. Inter quae praesertim diu celeberrima fuit Placentinorum *Ronchalia* ad Padum, utpote locus amplissimus, ac nullis arboribus impeditus, in quo solemnem ac mirabilem Curiam interdum Francici, & fere semper Germanici Imperatores quum primum in Italiam descendebant, habere consueverunt, confluentibus illuc ex universis Italiae Urbibus Principibus ac illustribus viris. Ejus mentio est apud Urspergensem, Ottonem Morenam, aliosque Scriptores. *Prata Ronchaliae*, ubi Henricus II. inter Augustos Anno MXLVII. Curiam nobilem habuit, memorat Arnulphus Mediolanensis Lib. 3. Cap. 4. Histor. Tomo IV. Rer. Italicarum. Ex quo intelligimus, locum illum, tum quod in centro, ut ita dicam, Langobardiae foret, tum etiam quod percommendam aream tanto nobilium virorum

A Populo, eorumque tentoriis praeberet, in eum usum fuisse selectum. Sed & *Ronchaliae* appellatio prodit, locum ipsum aliquot ante Saecula Nemoribus ac Silvis abundasse, iis autem excisis ad usum pratorum fuisse educatum. Rursus verò si intra Paludes ab antiquissimo tempore tellus in collem assurgens, non amplius infestas aquas sentire, aut si sensit, supereminere sensim coepit: illic non solum rusticorum mapalia, sed & Vici & Castella paullatim aedificata fuere. Nulla mihi dubitatio est, quin infima Comitatus Mutinensis pars antiquis Seculis diuturnam fluminum alluviem perpeffa fuerit. Attamen ipso Seculo X. Aerae Christianae in ea regione jamdiu conditum invenio *Castellum Sancti Felicis*, quod ob foecundos agros magni apud nos aestimatur, uti & alias Villas in ejus finibus, videlicet *Libaticam*, *Ripaticam* (nunc *Rivara*) *Camorianam* (nunc *Camorana*). Testem rei habeo Chartam, quae autographa in Tabulario Estensi adservatur.

Contractus venditionis quarundam terrarum & jurium factae a Leone, qui & Liotesfridus, Johanni Clerico filio Stephaniae, Anno 929.

IN nomine Domini nostri Ihesu Christi, regnante Domino nostro Ugbo Rege in Italia Anno Quarto, de Mense Madio, Inditione Secunda. Consta, me Leo, qui Liotesfrido nomine, videlicet vinditor vindo, & ad presens die tradendo tibi Johannes filius quondam Stephaniae emptore meo, vel a suis heredibus, idest omnes res juris illas, quas mihi evenit per Cartula comparacionis da Sicheuco Presbitero in Villa Libatica, & in Riparia, seo & in Camoriana, & per aliis singulis locis, ubi per ipsa Cartula mihi legibus pertinet, idest tam

D terris, vineis, campis, pratis, silvis, saltis, aquis, Paludibus, Piscaria, virgaria, vel usu, pueris aquarum cum introito, & exsito suo, & cum omni jure suo super se abet in integrum. Ad presens die vindo & trade potestatem tibi Joannes Clericus vel a suis heredibus a jura proprietario nomine abendam & possidendum; precio autem placito & definito, sicut inter nos bono animo convenit pro pacto & bona voluntate, idest in valiente pro adpretiatum Solidos viginti, tantum est finito precio & completo sum, nulla exinde remansit debi-

bitum. Unde modo spondeo adque re-  
missio me ego qui supra Leo vinditor una  
cum meis heredibus tibi qui supra  
Johannes Clericus vel a tuis heredibus  
ipsa memoratas res omni tempore ab  
omni aequoimine defensare. Et si de-  
fensare non potuerim, aut contra anc  
Cartula vendicionis alicui tempore agere  
aut causare vel corumpere quesierim,  
tunc promitto me ego Leo vinditor una  
cum meis heredibus tibi qui supra Jo-  
hannes Clericus emtore meo, vel a tuis  
heredibus componere ipsa memoratas res  
in duplo sub estimatione precio in consi-  
milem locum & anc Cartula, sicut super-  
ius legitur, in sua permanent firmitate.

Acto in Castello Sancti Felici fe-  
liciter.

✠ Signo manus Leoni vinditoris,  
qui hanc Cartula vindicionis  
fieri rogavit, sicut superius le-  
gitur.

Signo ✠ ✠ ✠ ✠ manibus Hopran-  
di, & Everardi germanis, &  
Stadenti, & Barbati rogati  
testis.

Scripta Cartula per manum Arinaldi  
Notarii post tradita compleri &  
dedi.

A Illud tamen mihi intente conside-  
ranti deprehensum est, Castellum San-  
cti Felicis situm esse, ubi amplius  
terrae tractus ab Occidente in Orien-  
tem dorsi ad instar eminet supra re-  
liquam planitiem, ita ut erumpentes  
Padi & Gabelli (nunc *Secchia*) a-  
quae eò nunquam ascenderint. Sive  
dorsum illud antiquitate multa ni-  
tatur, sive fluvii hinc inde enormi  
curfu fluentes illud efformarint: nil  
mirum, si ante octingentos annos  
Castellum nobis illic occurrat. Mon-  
tibus autem ob imbrium impetum  
decrepantibus, & in imam Lomba-  
rdiae partem arcuam & argillam de-  
vehentibus, non solum aequata sen-  
sim fuere complura e paludosis locis,  
atque exsiccata a Ravenna usque ad  
Alcinum, sed etiam turbidis aquis  
Padi, aliorumque fluviorum in mare  
labentibus, multum increvere allu-  
viones, & cedente mare factus est  
locus in ejus litore novis agris, no-  
visque habitatoribus ad eos incolen-  
dos. Padum verò non semel mutasse  
cursum & alveum, documenta vete-  
rum ostendunt. Unum seligo, in quo  
Padus *Vaclus* memoratur, e Charto-  
phylacio Estensi eductum.

### Charta Gualterij Archiepiscopi Ravennatis, in qua Padi veteris mentio est, Anno 1122.

IN nomine Domini. Anno ab Incar-  
natione Domini Millesimo Centesimo  
Vigesimo Secundo, temporibus Domini  
Callisti Pape, & Einrici Imperatoris,  
die XXX. Mensis Octubris, Indictione  
Prima, in Curia de Argenta. Quia po-  
to a vobis in Dei nomine Domino Gual-  
terio, servo servorum Dei, divina gra-  
tia Archiepiscopi ego Dominicus Ju-  
dex pro persona & in vice Cassotti sub  
dominio & potestate Sikelmi patris sui

E & Iuvigematis sue, sen filijs & nepotibus  
suis tantum, petitionis nostre, que habetur  
in subditis, libenter accomodatis  
assensum, habet hoc quia nec munificentia  
deperis, nec percipientibus in perpetuum,  
quod datur, acquiritur, & quoniam  
speramus, ut omnes res, quas abuit Si-  
kelmus pater superscripti Cassotti & fi-  
lii perveneris, per assensum a jure San-  
cte vestre Ravennatis Ecclesie infra ta-  
ta Plebe Sancti Petri in Capurio, &  
quas

quas ille modò detinet, & medietatem integram de Fundo, qui vocatur Serinzana, cum terris, vineis, silvis, casalibus, pratis, pascuis, salectis, sationalibus, Paludibus, vel omnibus ad predictas res pertinentibus, vel ad superscriptam medietatem Fundi Serinzana pertinentibus, constituta in partibus Ferrariensibus, Plebe Sancte Marie in Figariolo in finibus ejusdem fundi, qui vocatur Serenzana, ab uno latere Pado percurrente, & ab alio latere Pado Veclo, a tertio Calle Cava & terra Aquarolo Tundule; censuicario modo postulamus largiri, si minime per censuicium antea sint largita, vel si juste & rationabiliter a vobis petiri, vel ab aliis minime detineri videntur, donec Domini Divinitas in ac luce jusserit permanere vitam: sub pensione omni Marcii Mense, aut infra indic . . . inferre debeamus Actoribus sancte vestre Ravennatis Ecclesie Denariorum Veterum duodecim. Nihilque de omni expensa, quam inibi fecerint, ab Actoribus sancte vestre Ravennatis Ecclesie in superius adfixam pensionem reputare debeat nullam tardietatem aut neglectum tam ad inferendam predictam pensionem, quamque ad melioracionem predictarum rerum facere debeant. Sed antedictam pensionem omni Marcio Mense infra indic . . . sine aliqua excusatione aut dilatacióne Actoribus sancte vestre Ravennatis Ecclesie persolvere debeat. Et nec cuiquam presens Preceptum, aut superscriptas res alicui omni dare vel vendere seu transferre aut oponere vel comutuare aut in alio venerabili loco relinquere audeat per ullum ingenium vel argumentum. Sed nec aliquando adversum sanctam vestram benefatricem Ravennatem Ecclesiam cuiquam contra justitiam tractare aut agere, nisi propria causa, si contigerit, per justitiam tantummodo ventilare audeant. Quod si in

A aliqua tardietate aut neglectum inventi fuerimus extra agere de is, que superius affixis condicionibus, non solum hoc precepto recadant, verum etiam daturi fiant Parti sancte vestre Ravennatis Ecclesie ante omnem litis initium aut interpellacionem pene nomine auri obrizo uncias sex. Et si non persolverint multociens dictam pensionem infra biennium, ut Leges censent, tunc post pene solucionem licencia sit Actoribus sancte vestre Ravennatis Ecclesie nos exinde expellere, & qualiter providerint ordinare. Set post transitum eorum, tunc predictae res cum omnibus ab eis acta, facta, meliorataque fuerit, ad jus sancte vestre Ravennatis Ecclesie, cujus est proprietas, modis omnibus revertantur.

C Quam vero Precepti paginam Raimberto Notario scribendam jussit, in quam vero subscripsit sub Die & Mense & Indictione superscripta & in superscripto loco.

D Si heic innuitur Rupta Fieberoli, citius quam putarit Sardius in Histor. Ferrariensi Padus ad Ficherolum scissus fuerit. De aliis Padi scissuris agit Peregrinus Priscianus in Annalibus Ferrariensibus MStis. Quod tamen Populi numerum in Italia potissimum amplificare coepit, fuit effusa Imperatorum & Regum liberalitas in Ecclesias atque in Vassallos, quibus non Cortes tantum, Castella ac Villas largiti sunt, sed & Regalia, ita ut scinderentur prorsus Comitatus; & qui antea unus erat ager, uni Comiti atque uni Urbi subiectus, deinde ab Urbe & Comite abstractus, in centum, ut ita dicam, Regulos divideretur. Certatim autem isti curam omnem collocabant in Castellis suis nobilitandis ac muniendis, eisque & agro subiecto, quantam poterant, procurabant incolarum copiam, ut plures in iis haberent defen-

fores pro tutela suae ditionis, & pluribus etiam imperarent. Ea ratione vel in ipsis montibus, nedum in planitie multiplicata sunt una cum Castellis ac Villis hominum capita. Haec ante Seculum XI. & postea sunt astitata. Verum ubi Civitates Italiae in libertatem se se veluti concordii impetu asserere coeperunt, tunc & ipsae quam maximo studio animum intenderunt non solum ad recipiendos veteris imperii fines, immo & dilatandos, sed etiam ad amplificandas Civium familias. Quam in rem Nobiles viros, antea in Castellis suis fere semper habitantes, adegere ad incolendam Civitatem per aliquot saltem anni cuiusque menses, multosque ex iis, communione honorum ac munerum facta, perpetuos deinde habitatores habuere. Neque segnius institere Principes, qui regendas postea acceperunt easdem Urbes, ut major in dies accessio fieret Civium numero. Itaque, si paucas excipias, Italicae Civitates temporibus iis ambitum suorum moenium ampliare coactae sunt. Neapoli, Mediolani, Florentiae, Ticini, Veronae, Cremonae, Bononiae, Ferrariae, atque in aliis Urbibus vix ullus est Historiae patriae vel leviter peritus, qui non indicet, quantum incrementi factum fuerit Saeculis iis Civitati suae, ita ut quae Tempora olim condita fuerant in suburbano agro, nunc intra ipsas Urbes inclusa spectentur. Tunc certe mirum in modum, quod est ad Populorum copiam floruit Italia. Quod si praesentem illius fortunam cum Saeculis iis conferimus, utique otio & pace diffluentem Italiam aspicias, sed simul antiquo habitatorum numero a du-

A centis annis nimium imminutam. Civitates bene paucas demo, quae nunc aut plures quam olim cives numerent, aut certe nihil sibi de Populo sublatum putent: reliquae profecto decreverunt, & ex iis complures ne dimidium quidem, immo neque trientem aut quadrantem gentis olim ibi habitantis compleectuntur. Quam ob causam quaeris? Quodd ad alios Populos migrarunt florentissimae quondam apud nos lanificii ac serici artes; quodd commercium maritimum aliae gentes nobis jamdiu eripuerunt; quodd a teterrimis pestilentiis exhaustae habitatoribus Urbes, nunquam exinde gravem reparare iacturam potuerunt; quod denique regionis huius non modica pars dominis servit extra sua claustra regnantibus. Alias causas omitto.

Sed mihi Italiam exhibenti ante Seculum XI. longe minorem incolarum numero praeditam, quam postea, objicere quispiam possit, Italiam vel ipsis barbaricis temporibus pluribus quam nunc abundasse Civitatibus. Nam teste *Anonymo Ravennate*, medii Aevi Geographo, Lib. 4. cap. 30. nobilissimam hanc regionem quidam *Philosophi amplius quam septingentas Civitates habuisse dixerunt*. Idem verò Anonymus multas enumerat, quarum non solum nulla nunc vestigia restant, sed ne mentio quidem apud antiquos occurrat, fortasse quod a Librariis in ejus textu nomina \* tenebras nunc nobis offundant. Doctissimus vir D. Gaspar Berettus Mediolanensis, Monachus Benedictinus, in Prolegomenis ad Tabulam Chorographicam medii Aevi, editis Tomo X. Rer. Italicar. diligentissime inquirat in aetatem A-

no-

\* Desideratur heic aliquid ad sententiae integritatem: forsitan vox corrupta, seu alia aliqua significationis consimilis supplenda.



nonymi Ravennatis, quem *Guidonem Presbyterum Ravennatem* a Blondo & Galateo olim memoratum fuisse opinatur, sibi que serius quam Porcheronius, Leibnitius, & alii censuerunt, floruisse videtur. Sed quisquis ille fuerit, & quocumque tempore illa plane informis vitiataque Geographicarum rerum farrago literis consignata fuerit, vel ab ipso Guidone, vel ab aliquo ejus Epitomatore: illud mihi certum est, nullius hoc loco ponderis futuram esse nobis Scriptoris istius auctoritatem. Is enim miscet & confundit Italiae statum, qualis olim fuit vigente Romanorum Republica, cum eo statu, in quo ipsa consistebat Seculo VIII. vel IX. quum tamen immanis locorum immutatio subsequuta fuisset, ita ut neutrius effigiem bene conspiciamus. Praeterea is inter Urbes recenset aut minutos Vicos, aut Castella, quae nunquam ad dignitatem Urbis assurrexere: & contra omittit, quae temporibus barbaricis in honore fuisse. Paucis exemplis sententiam meam firmabo. Libro Quinto Cap. 33. post Placentiam Urbes istae ab Anonymo commemorantur: *Julia Chrysopolis, quae est Parma: Becillum* (idest *Brixellum*) antiquissimum sane Oppidum, & Colonia olim Romani Populi, sed a Langobardis excisum, & nunquam pristino splendori restitutum. *Tanotum*. Vicus hic fuit Romanorum aevo, & si etiam mavis Oppidum, de quo legendus Cluverius, cujus quoque Vici nomen superest; sed nullam fuisse ejus dignitatem opinari licet, Langobardis & Francis in Italia regnantibus. *Lepidum Regium, Mutina, Forum Gal-*

*rum*. Et istud Forum notum est in Romana Historia, sed inter Castella computandum; cujus tamen, quum haec scribebat Anonymus Ravennas, exciderat prorsus nomen, fortassis etiam memoria perierat. *Bononia, Claternum*. Utique apud Romanos Scriptores *Claternum* non ignobile Oppidum occurrit: sed vereor, ut Anonymo vivente aliquid ex eo superesset; quod si supererat; jamdiu in humilem Vicum evaserat. Sunt & alia ejusmodi loca ad Verbanum Lacum, atque alibi sita, quae in censum Civitatum ab eo Scriptore referuntur, quum nihilominus illa nunquam excefferint Vicorum aut Castellorum sortem. Contra Anonymus ille veluti ignotam praeterit *Civitatem novam* in Mutinensi agro conditam, cujus supra mentionem feci, nobilem sane locum, utpote dignum commemoratione in Testamento Caroli Magni. Neque ullum verbum is habet de *Asilo* (nunc *Asolo*) illustri Oppido, ejus sane dignitatis, ut Lotharius I. Augustus Anno DCCCXXIII. in Capitulari *de Doctrina, seu de Scholis*, a me edito in Part. II. Tomi I. Rer. Italicar. illius nomen inter Urbes Italicas referendum putarit. Plura ex his vide in Prolegomenis nuper laudati Beretti. Neque enim juvat ultra excurrere. Sed non ingratum Lectori fuerit perpendendam sibi accipere Bullam, quam in Tabulario Canonorum Regiensium authenticam vidi atque descripsi. Spectat illa ad Guibertum Ravennatem Archiepiscopum, qui sub Clementis III. Papae nomine Ecclesiam Dei vexare diu perrexit. Ea illius verba.

Clementis III. five Guiberti Pseudo-Papae Bulla, qua Canonicis Ecclesiae  
Regienfis omnia illorum bona & jura confirmat, Anno 1092.



**C**lemens Episcopus servus servorum  
Dei, Canonicis Regienfis Eccle-  
siae, ipsorumque successoribus in perpetuum. Oportet nos in specula sanctae  
Sedis Apostolicae constitutos ad defen-  
sionem & firmitudinem Ecclesiarum Dei  
vigilanter insistere quatenus de bono in  
melius Deo adjuvante proficiant, ut re-  
mota omnium pravorum hominum inquietudine ministrantes divinis officiis prom-  
ptius intenti quietè ministrare queant,  
& nos boni Pastoris mereamur percipere  
praemia. Ac per hoc per praesentem  
scripturam Apostolica auctoritate in per-  
petuum manendum confirmamus Canoni-  
cis sanctae Regienfis Ecclesiae, ut ad  
Canonicam suam inviolabiliter teneant  
Curtem unam, quae dicitur Villa, &  
mansos tres in Gova, mansum u-  
num in Noniano, in Campilia Curtem  
unam, & mansos duos, & unum,  
quem dedit Sigefridus, qui dicitur Gal-  
liulo, Curtem, quae dicitur Massa, cum  
suis appendiciis, Prenniano cum suis,  
& terram, quae est in Castro Holeria-  
no, in Muceto mansum unum, in Di-  
nazano unum, in Valle Birli unum,  
in Monte Babuli unum, in Casalico  
unum, in Braciano tres, in Veteriuola  
unum, in Monte Todioni unum. Et  
quicquid pertinet ad praedictam Sanctae  
Mariae & Sancti Michaelis Canonicam  
in Tabiano, Caterniano, Mellocio, &  
Grazano, & Verniano cum suis appen-  
diciis, & in Civitate Nova, & in  
Cuvlo, & res illas cum silva in Ba-  
jarola, & Plebem unam in Rivalta  
cum Castro & suis pertinentiis, &  
mansum in Corniano & in Runcho,  
Folliano, & Alliano, & res in Ga-  
vassa cum decimis, & silva, & in  
Tom. IV.

**A** Corrigia, seu in Butrio, in Rio, Fa-  
zano, Campogalliani, in Fontana, in  
Prato, Canule, Mandrie, in Gurgo.  
Et sortes duas, quae sunt prope Cur-  
temnovam, & mansos duos in Cestole,  
& Plebem de Nuvalare cum omnibus  
suis pertinentiis, & mansos tres in Ca-  
nole, Corviatico, Mandriole, in Fabri-  
ca mansum unum, & in Seso, Ro-  
dano, Silvarano, Carbognano, Calda-  
riola, Campaniola, Bedullo, Vico Mar-  
tini, Querciola, Monte Gamoni. Et  
Capellam Santi Viti in Offiano, & Ca-  
pellam Sancti Abundi cum suis perti-  
nentiis, Pratum de Boceto, Ariole,  
Gaziata, Motelena, Campigene, Mar-  
moriolo, & res, quae rejaent juxta  
Ponticellum Rodani, Silva de Grosfo,  
Purciliolo, Runcise, & in Casale Fos-  
sedunde, & Razolum cum piscariis,  
& omnibus suis pertinentiis ad San-  
ctum Stephanum, ad Sanctum Pos-  
sidonium, in Pago Mutinensi Buy-  
da, in Monte Passarario, in Pulia-  
gnello, Serra, Appollina ad Sanctam  
Mariam cum oliveto. Et Decimam in  
Civitate, quae vocatur Regium, cum  
omni integritate, & in Marsia. Et  
omnes res, quae sunt in circuitu Civi-  
tatis quae vocatur Emilia. Et Cur-  
tem unam in Tertonensibus, quae dici-  
tur Nova; & omnes res, quae sunt in  
Aqueductio, & Curtem Sancti Step-  
hani cum Plebe, quae infra Castrum sita  
est, cum omnibus suis pertinentiis, si-  
cuti a bonae memoriae Sigefrido Epi-  
scopo, vel ab aliis Episcopis pro suis,  
suorumque successorum animabus, eidem  
Canonicae per scriptum vel investituram  
bene providendo integre collata sunt.  
Atque omnes res, quas de donis Epi-  
sco-

scoporum, vel voto fidelium praedictae Canonicae vel Canonicis oblatas esse dinoscitur, Sanctorum Canonum auctoritate, nostrae Apostolica emunitate huic nostro inscriptum Privilegio, cum omnibus suis adjacentiis & pertinentiis in perpetuum inviolabiliter conservandum absque omni contradictione alicujus magnae parvaeque personae. Si quis autem temerario ausu contra hoc nostrum Apostolicum Privilegium agere vel ordinare aliter res Canonicae vel alium in eis usum ponere praesumpserit, quàm eum quem constituit Teuzo Episcopus, Sigefridus, Adhelberius, Wolmarus, Gandulfus, sciat se omnipotentis Dei

A potestate, ac beati Petri Apostoli, Sanctorumque omnium, nostra etiam auctoritate, anathematis vinculo innodatum, & a Regno Dei alienatum, & cum omnibus impiis eterno incendio concremandum. At vero qui observator extiterit, gratiam & misericordiam vitamque eternam a misericordissimo Domino nostro consequi mereatur.

B Datum apud Cesenam per manum Berneri vice Petri Cancellarii, Anno Dominicae Incarnationis MXCII. Indictione XV. Anno autem Pontificatus Domni Clementis Tertii Papae IX. Idibus Junii.



Habes heic mentionem Civitatis novae, quam supra memoravimus. Sed quod prae ceteris animadvertas velim, Canonicis iis confirmatur Decima in Civitate quae vocatur Regium; & omnes res quae sunt in circuitu Civitatis, quae vocatur Emilia. Ergo non secus ac Mutina, Regium Lepidi geminam Civitatem olim ostendebat, alteram Regii, alteram Aemiliae appellatione distinctam. Vide Dissertationem XXVII. de Moneta, ubi de Nummis Regii. Exploratum est eruditis, Regium Lepidi, Civita-

C tem apud antiquos celebrem, ejusmodi nomen a Marco Aemilio Lepido, sive fundatore, sive instauratore, accepisse. Uti uni ex iis Civitatibus Lepidus nomen dedit, ita & alteri appellatio Aemiliae ex ejusdem Aemilii Lepidi memoria indita fuisse videtur. Sed erant-ne Urbes istae disjunctae, an verò conjunctae? Dirimere quaestionem inter tot tenebras mihi minime tribuam, quum praecipue in tot aliis Regiensium monumentis hujus Civitatis Aemiliae nulla se offerat mentio. Somnium certe

nobis vendicaret, qui in *inopolitana* Diplomate Ludovici Pii *Ravennam, Asmiliam &c.* confirmatam Romanae Ecclesiae inveniens, agi de Civitate ista arbitraretur. *Mutina, Regium, Parma, ac Placentia* (Civitates procul dubio Italici Regni) ab Augustis, Regibusque traditae nunquam aut concessae fuerunt Sancto Petro, uti etiam innui in Dissertatione II. *de Regno Italiae*. Si tamen conjecturae locus est, utraque illa Civitas conjuncta fuit, modicoque intervallo disjuncta, uti nunc est in Civi-

A tate Mutinae Civitas Herculea, ob additamentum Urbi factum ab Hercule II. Atestino Duce Ferrariae ac Mutinae; aut uti olim fuit Leonina Civitas apposita Romanae. Erant procul dubio duae illae Regiensium Urbes altera Nova, altera Vetus. Et hujus quidem Civitatis Veteris mentionem invenio in Literis Adalardi Episcopi Regiensis Anno DCCCC-XLVI. scriptis, quas, ex eodem Canonorum Archivo depromtas, Lectori nunc exhibendas censeo.

Donatio Canonice Ecclesiae Regiensis ab Adhelardo  
Episcopo Regiensis facta, Anno 946.

A Dhelardus superni muneris gratia sanctae Regiensis Ecclesiae omnium servorum Dei Praesul humillimus, omnibus Episcopis, Abbatibus, Monachis, Clericis, cunctisque sanctae Dei Ecclesiae Regni istius fidelibus, in Domino Jesu Christo unanimiter constitutis, gratia vobis & pax aeterna multiplicetur. Quisquis zelo Christi ac pietate fervens ad hoc cordis secretum rimari se praeparat, ut Dea ex rebus caducis & temporalibus munus quodlibet mente undique sincera Jesu Christi militibus, sibi ac Genetrici suae instanter servientibus conferat, haut non dubie in coelesti Regno sortietur & centuplum accipiet, atque in illa regione beata, ubi Sancti in Domino lactantur, sine fine gaudebit. Et nos quamvis indigni Praesulatus honore fungimur, & animarum curam gerere debemus, Sanctorum Patrum dictis conformes effecti, ad hoc noster animus pervigil esse debet, ut Ecclesiae Dei diligentiam sine cessatione habeamus, ut stipem Deo famulantibus subministremus, ut a Redemptore nostro audire mereamur: Serve bo-

C ne hactenus laborasti; veni, & ego te reficiam. Ideoque nos hanc refectionem ardenti ac scienti animo, ope freti divinam adipisci cupientes, & perbenniter ea frui mereamur, pro salute animarum omnium Christianorum vivorum, ac defunctorum requie, atque pro animae nostrae purificatione, & omnium Successorum nostrorum mercede perbenni concessa, per hoc nostrae auctoritatis Privilegium concedimus Ecclesiam Sanctae Musiolae, quae sita est prope Castrum Baniolum, quam Magnibertus per precariam habuit, cum omnibus suis pertinentiis, idest campis, pratis, vineis, silvis, cultis & incultis, & terram in Fabrice, quam Bernardus Alamannus Episcopo dedit, quam Amenpertus & Grinivertus nunc per precariam tenent; & Massariciam unam in eodem loco, quam Andreas, & Dominicus filius Dominici Mancii tenent; & alteram Massariciam in Baniolum, quam Berus per precariam habuit, quae nunc laboratur per Stephanum & per consortes suas, & terram cum Frascario, in Corticella modias. .... a mane Sancti Michaelis:

a meridie & a sera Via de subto Sancti Prosperi; ad inluminationem altaris beatorum Martirum Grisanti & Dariae, & ..... Custodis, qui illic omnipotenti Deo & beatorum supradictorum Martirum Grisanti & Dariae deferuiat. Quod si quis successorum nostrorum hoc nostrae oblacionis munus callida ingenii curiositate ullo tempore praescripto subtrahere quaesierit aut consenserit, omnes maledictiones, quas proposuit beatus Moses filiis Israel, si quando recessissent a via Domini, veniant super eum, & partem habeant cum Dathan & Habiron, atque cum Juda proditore in In-

A ferno crucietur, & non sit in recordatione memoria ejus ante Deum, neque nomen ejus in libro vitae adscriptum inveniatur, nisi resipiscendo secundum Deum, & nostrae institutionis edictum supradictis Martiribus Grisanti & Dariae, & praefato ..... emendacionem omnem fecerit.

B Factum est hoc Anno Dominicae Incarnationis DCCCCXLVI. Indictione V. Actum in Civitate Regio.

Ego Madelbertus Presbiter & Primicerius ex jussione praelibati Praefulis Domni Adelardi scripsi.

Alterum simile Privilegium Adelardi Episcopi, cujus partem posteriorem exhibeo, praetermissis, quae paria sunt cum antecedenti Privilegio.

A Dhelardus superni &c. concedimus Ecclesiam Sanctae Mustiolae, quae sita est prope Castro Banniolo, cum omni sua pertinentia, idest campis, pratis, vineis, silvis, cultis & incultis; & Massariciolam unam in Banniolo, quae per Johannem laborata est; & precariam una in Gavassa, quae est de Rioaldo; & peccia una de terra arativa in Civitate Vetere, in Ecclesia beatorum Martirum Chrisanti & Dariae, & beati Thomae Apostoli Christi, ut habeant Clerici, idest Adelbertus Presbiter & Martinus Clericus, qui illic omnipotenti Deo, ac beatorum supradictorum Martirum Chrisanti & Dariae quotidianum debitae venerationis exhibent famulatum. Et qui pro tempore loco eorum successerint, teneant, possideant, & faciant quicquid eorum expecierit animus vel voluntas, absque ulla successorum nostrorum contradictione vel molestatione, & pro salute nostra, successorumque nostrorum Episcoporum omnium, debitum servitutis officium in praesenti

C Ecclesia votis & precibus indefessis augmentando adimpleant, ut sanctae compunctionis exemplo clarescentes per multa dierum tempora bonis operibus insistendo, in sancta Religione permaneant, atque a Domino Jesu Christo immarcescibilem gloriae coronam percipiant. Quod si quis successorum nostrorum hoc nostrae oblacionis munus callida ingenii curiositate ullo in tempore Fratribus praescriptis subtrahere quaesierit &c.

D Actum in Civitate Regio.

Ego Adalardus Episcopus subscripsi.

Ego Constantinus Archidiaconus subscripsi.

Ego Martinus Archipresbiter & Praepositus subscripsi.

Ego Staudepertus Presbiter & Praepositus manu mea subscripsi.

Ego Adrepertus Diaconus subscripsi.

Ego Madelbertus Presbiter & Primicerius manu mea scripsi & firmavi.

Ego Aribaldus Diaconus subscripsi.

Quo

Quo autem in loco *Civitas Vetus* Regiensis foret, indicabit subsequens Charta ex Archivo Sanctimonialium Sancti Thomae illius Urbis desum-

A ta. Scilicet Ecclesia ejusdem Sancti Thomae adhuc vigens, sita fuisse dicitur in *Regio Civitate vetere*.

Charta Heribaldi Regiensis Episcopi concedentis Ecclesiam Sancti Thomae Canonicis Sancti Michaelis, Anno 943.

✠ **H**eribaldus superni muneris gratia sanctae Regiensis Ecclesiae.... Omnibus Episcopis, Abbatibus, Monachis, Clericis, cunctisque sanctae Dei Ecclesiae Regni istius fidelibus in Domino Jesu Christo unanimiter conjunctis, gratia Dei & pax aeterna multiplicetur. Quisquis zelo Christi ac pietate fervens ad hoc cordis secretum praeparat, ut Deo ex rebus caducis & temporalibus munus quodlibet mente sincera Jesu Christi Domini militibus, sibi ac Genitrici suae instanter servientibus conferat, haut dubio in caelesti Regno sortietur & centuplum accipiet, atque in illa regione beata, ubi Sancti cum Domino lactantur sine fine gaudebit. Et nos, quamvis indigni qui Praesulatus honorem fungimur, & animarum curam gerere debemus, Sanctorum Patrum dictis conformes effecti, ad hoc noster animus pervigil esse debet, ut Ecclesiae Dei diligentiam sine cessatione habeamus, & stipem Deo famulantibus subministremus, ut a Creatore nostro audire mereamur: Serve bone hactenus laborasti; veni, & ego te reficiam. Ideoque nos hanc refectionem ardenti ac sitienti animo, ope freti divina adipisci cupientes, ut perbenniter eam frui mereamur, pro salute animarum Domnorum nostrorum Regum Hugonis & Hlotharii filii ejus, & pro statu Regni eorum, atque pro animae nostrae purgatione, & omnium successorum nostrorum mercede perbenni concessa, per hoc nostrae auctoritatis Pri-

B privilegio concedimus Ecclesiam beati Thomae Apostoli, quae sita est Regio Civitate vetere, cum sua domo culta intus & foris in circuitu Regio, in Canonica beati Michaelis Archangeli, ut habeant Kanonici, qui illic omnipotenti Deo & ejus Genitrici, sanctoque Archangelo Michaeli cotidianum debitae venerationis exhibent famulatum, & qui pro tempore loco eorum successerint, teneant, possideant, & faciant quidquid eorum expetierit animus vel voluntas, absque ulla successorum nostrorum contradictione vel molestatione; ac pro salute animarum Domnorum nostrorum Regum & nostra, successorumque nostrorum Episcoporum omnium, debitum servitutis officium in praefata Ecclesia votis & precibus indefessis augmentando adimpleatur, ut sanctae conversationis exemplo clarescentes per multa dierum tempora, bonis operibus insistendo in sancta Religione permaneant, atque a Domino Iesu Christo inmarcescibilem gloriae coronam capiant. Quod si quis successorum nostrorum hoc nostrae oblationis munus callida ingenii curiositate ullo in tempore fratribus Kanonice Sancti Michaelis Archangeli subtrahere voluerit, omnes maledictiones, quas proposuit beatus Moyses filiis Israel, si quando recessissent, adveniant super eum, & partem habeant cum Dathan & Abyrbon & cum Juda traditore Domini in inferno crucientur, & non sit in recordatione memoria ejus ante Dominum, neque nomen ejus in libro vitae adscriptum

ptum inveniatur, nisi rescipiscendo secundum Dominum, & nostrae institutionis Edictum, fratribus prelibate Canonice omnem emendationem fecerit.

Factum est hoc firmitatis robur, Anno Domini Hugonis piissimi Regis XVII. & Hlotharii Regis filii ejus XIII. undecimo Kalendas Junii, Indictione Prima, Civitate Regio feliciter, Anno Dominicae Incarnationis DCCCCXLIII.

\* Erihaldus Episcopus hanc scripturam a me libenti animo factam propria manu roboravi.

\* Ego Adelgisus Presbiter manu mea subscripsi.

\* Ego Milio Presbiter manu mea.

\* Ego Inzelotus Presbiter subscripsi.

\* Ego Eldebertus Presbiter manu mea subscripsi.

\* Ego Garipertus Presbiter manu mea subscripsi.

\* Ego Petrenacius Presbiter manu mea subscripsi.

\* Ego Wincansus Presbiter manu mea subscripsi.

\* Ego Taudepertus Presbiter manu mea subscripsi.

\* Ego Warnerius Diaconus manu mea subscripsi.

\* Ego Reudoinus Diaconus manu mea subscripsi.

\* Ego Ecgelmundus Judex de mandato Regum rogatus subscripsi.

Sed nimis multa sunt, quae tenebris obsepsit antiquitas. Non enim tantummodo locorum facies propter bella, incendia, inundationes, aliasque humanarum rerum vicissitudines, mutata est, sed ipsae res stabiles atque perennes sublatis antiquis nominibus nova induerunt. Domestica exempla praesto sunt mihi. Inter *Gabellum* atque *Scultennam*, fluvios non ignobiles, Anonymo tamen Ravennati ignotos, Mutinensis Civitas jacet. Verum qui olim *Gabellus*,

nunc *Sicla*, vel *Secla* est, vulgari sermone *Secchia*: qui *Scultenna*, nunc *Panarius*, vel Italice *Panaro*, & in inferiori parte *Canalis Mutinae* appellatur. Cur, & quando acciderit hujusmodi nominum mutatio, quis divinare queat? Ad *Siclam* quod attinet, unus est Plinius, qui Lib. 3. Cap. 16. Histor. Natural. ubi fluvios in Padum influentes describit, hos etiam nominat *Niciam*, *Gabellum*, *Scultennam*. Verum in Plinii editis Libris multas habemus dubias depravatasque lectiones, quod rari sint Scriptoris hujus vetustissimi Codices; ita ut sine haesitatione semper illius editionibus fidere minime liceat. Quid si corruptum foret *Gabelli* nomen, uti procul dubio est & alterum *Niciam*? Legendum enim est *Inciam*, quod nomen adhuc retinet fluvius *Enza*, Regienses a Parmensibus determinans nonnullis in locis. Certe caussam dubitandi mihi praebuit antiqua Inscriptio, magni facienda, quam haecenus editam non vidi, posita Valeriano Augusto, ejusque Collegis, Anno Christi CCLIX. quo tempore *Pons Seclae* vel *Seculae* Augustorum indulgentia restitutus fuit. Fulvius Azzarius vir doctissimus & diligentissimus in Histor. Regiensi, ante annos centum scripta, eandem Inscriptionem refert, inquit, adservari hunc lapidem ad Sancti Faustini Plebem in agro Herberienti, hoc est *di Rubiera*. Ne mille quidem passus a flumine *Secla* is locus distat, atque illuc ego ipse olim profectus sum, cupiditate duntaxat ductus, Inscriptionem hanc meis oculis legendi ac describendi. Sed sive lapis inde aliud fuerit jamdiu asportatus, sive in novis aedibus conspultus jaceat, spem atque expectationem meam deceptam dolui. En inscriptionem ipsam, quam  
ita

ita Amicus olim meus, qui se vidisse testabatur, hisce delineabat verbis: *Lapis cum Inscriptioe repertus in muro Templi Sanctorum Faustini & Jovisae, agri Herbetiensis, nunc ad latus portae aedium Canoniarum parieti junctus, politum est marmor, & coloris cinericii. E temporis injuria, atque ob majorum incuriam, in tres partes scis-*

*A* *sus est, quae conjunctae fuerunt in illius translatione. Subsequentibus literae facile leguntur, & characterum degradatio ibi cernitur, qualem in hoc exemplo retinui. Longitudo lapidis se extendit in octo Palmos ac dimidium ad mensuram manus vulgaris, altitudo in quatuor.*

IMP. CAES. P. LICINIUS

VALERIANVS. PIVS. FEL. AVG. PON.

MAX. GERM. MAX. TRIB. POT. VII. COS. III

P. P. PRO. COS. ET. IMP. CAES. P. LICINIUS

GALLIENVS GERM. PIVS. FEL. AVG. PONT. MAX. TRIB.

POT. VII. COS. III. P. P. PROCOS. ET P. CORNELIVS SALONINVS

VALERIANVS. NOBILISS. CAES. PONT. SECVL. VI. IGNIS CONSUMPT. INDVLG.

SVA RESTITVI CVRAVERVNT.

Quem heic appellatum videmus PONT. SECVL. interpretari aliter non possumus, quàm *Pontem Seculae*, quum proximus annis hoc indicet, & adhuc in illius alveo antiquissima pilarum vestigia, quibus pons ligneus innitebatur, spectanda se praebeant. Atqui si Anno Christi CCLIX. jam *Secula*, vel *Secula* appellabatur is fluvius, vix credi potest is aliter appellatus aevo Plinii senioris, quum ab ejus morte ad tempora Valeriani

*B* Augusti Anni circiter centum octoginta duntaxat effluxerint. Ac proinde *Gabelli* vox apud eundem Plinium corruptionis suspicionem minime excludit, dum Inscriptio ista a nobis statuatur certa atque genuina. Attamen ut sua stet Pliniano textui auctoritas, addenda heic sunt saepe laudati Peregrini Prisciani verba, qui ante ducentos & quadraginta annos Annales Ferrariae literis mandabat, in Estensi Bibliotheca adser-



adſervatos. De antiquo curſu Siclae haec ille habet: *Inter Iberiam & Campum Gallianum curſum ſuum dirigens, & Nuvolariae finibus praeteritis, & medios iterum Buranae & GAVELLI campos percurrans, crebris revolutionibus, & pertransito iterum Buranae & Bondeni ſolo, & Canale Spini, in Padum Larionis propter Sanctae Crucis locum & Valles, ſeſe demergebat, paludes illas omnes replens.* Perdurat adhuc in Mirandulae Ducatu Vicus, cui nomen Gavellus. Quare aut ab eo fluvius *Gabellus* nomenclaturam accepiffe, aut ei dediffe videtur. Fortaſſis etiam geminum nomen flumini illi fuit: hoc eſt *Siclani* ſuperiores incolae, *Gabellum* inferiores, uti nunc (repetere liceat) alterum Mutinenſium fluvium habitatores montium appellare pergunt *Scultennam*, ſub quo etiam nomine Romanorum rerum Scriptoribus notus fuit. Populi verò infra poſiti a quampluribus Saeculis *Panarium* nuncupant.

Quod etiam animadvertendum, alii antiquis temporibus fuere Comitatus, qui ſubinde extincti ſunt; ipſorumque Comitatum ſemper ſtabiliſſimum fuere alii fines, ac modo ſint. Id verò factum ſive ex Imperatorum Regumve decreto, ſive bellorum cauſa, quae \* *viſtoris Urbis* agrum dilatavit, *viſtae* contraxit. Liceat mihi rurfus in ſcenam deducere *Civitatem* illam *Novam*, quam ſupra innuimus, *Mutinâ* veteri Civitate paene deſerta, a Civibus noſtris olim habitatam, atque ab hac Urbe Occidentem verſus quatuor paſſuum millibus diſſitam. Illic autem non minus Populus Mutinenſis, quam Miniſtri Regis, ſive, ut aiebant, Reipublicae, ſedem ſuam poſuere. In vetuſto Ca-

A talogo Chartarum Nonantulani Monafterii, quem proferam infra in Diſſertatione LXVII. de *Modis aquirend.* recenſetur *Privilegium clementiſſimi Karoli Imperatoris, ideſt Magni, in Anſelmo Abbate confirmans quamdam ſententiam, quae lata fuit inter ipſum Abbatem, & inter Raynaldum Gaſtaldionem Civitatis Novae, & Populum ejuſdem Civitatis, & Populum Sorbarienſem, Alberetum, & Colegariam, de Inſula & Silva, quae eſſe videtur inter Panario & Foſſa, quae dicitur Munda.* Uti in Diſſertatione X. de *Minorib. juſtitiae Miniſtris* oſtendi, Gaſtaldiorum ſive Gaſtaldionum nomine interdum designati ſunt, qui *Comitis* munere fungebantur, ac Civitatibus aut Oppidis nomine Regis praeerant. Idque potiſſimum contigit Langobardorum Regno vigente. Campius in Hiſtor. Placentinae Eccleſ. Tom. prim. pag. 177. Perthariti Regis decretum refert de controverſia finium inter Dagilbertum Gaſtaldum Placentinae Urbis, & Imonem Gaſtaldum Parmenſis. Itaque vides, Regis Magiſtratus Mutinenſem Populum tunc regentes, a *Civitate Nova* ſuam per ea tempora deſumiſſe appellationem. Immo *Comitem* etiam *Civitatis* hujus *Novae* deprehendiſſe mihi videor Anno DCCCXIII. in tabulis Rataldi Episcopi Veronenſis, ab Ughellio Tomo V. Ital. Sac. editis. Iis enim ſubſcribit *Riempertus Comes Civitatis Novae*, idemque ibi in altera Charta praecedente occurrit, ſed viriato nomine. Tunc ex Aemoniae Civitatis ruinis nondum nata erat altera *Civitas Nova* in Iſtriae Provincia. Ac propterea veri omnino ſimile eſt, illic memorari *Comitem Civitatis Novae* Mutinenſis, ac praefertim, quod

\* Legendum *viſtriciſ*: Nuſquam enim, niſi feminei generis *Urbis* ditio latinor' apud ſcripto res reperitur, & *viſtoris* pro *viſtriciſ*, aut amanuenſis, aut typographi fecit incuria.

quod iis tabulis subscripserint *Gerardus Comes Civitatis Regiensis*, conterminus Mutinensi agro, & *Anselmus de Gagio*, qui Vicus tunc in Pago Persicetano inclusus spectabat ad Comitatum Mutinensem. Erat autem in *Civitate Nova* Ecclesia Sancti Petri, eadem, ut puto, quae nunc superest, Parochialis, unicum illustre olim loci monumentum superstes: nam cetera aedificia dejecta jamdiu fuere, atque effodientibus etiamnum

A illorum vestigia occurrunt. In fronte ejusdem Templi collocatus spectatur Langobardicus hic lapis, characteribus Romanis scriptus, & Saeculo Christi XVI. in eo agro effossus olim ad eundem ipsum locum pertinens. Implexae alicubi sunt literae atque attritae, ita ut colligere omnes mihi curiose exploranti non licuerit. Digna autem Inscriptio est quae omnium oculis subjiciatur.

HAEC XPS FUNDAMINA POSUIT FUNDATORE  
REGE FELICISSIMO LIVTPRAND PER.... VM CEB.....  
HIC VBI INSIDIÆ PRIVS PARABANTVR  
FACTA EST SECVRITAS VT PAX SERVETVR  
SIC VIRTVS ALTISSIMI FECIT LONGIBARD.  
TEMPORE TRANQVILLO ET FLORENTISS.  
OMNES VT VNANIMES..... PLE... IS PRINC.....

Diligentissime inspexi, legiturque ibi non *Langobard.* sed *Longibard.* quam lectionem in aliis quoque, paucis tamen, antiquis monumentis reperi, ita ut in posterum si *Longobardorum* nomen per O, non per A, scriptum iis temporibus occurrat, non continuo inclamandum sit, latere illic fraudem sive imposturam. Equidem in germanis Caroli Magni Diplomatis, atque aliis in Chartis exaratis sub Carolinis Imperatoribus fere semper *Langobardos* per A, non per O, memoratos animadverti. Idque etiam constabit ex marmore, quod se spectasse Ravennae, ad me scripsit Amicus meus antiquae eruditionis cultor, ac Medicus celebris Dionysius Andreas Saccassanius. Ibi inquam in peripheria marmoris fracti hi characteres supersunt..... OL REGI FRANCOR ET LANGVBARDOR. HNC PATRICIO RO.....

Tom. IV.

C Carolo Magno nondum Imperatori positus ille arcus fuit. Verum quare hoc nomen scriberetur, regnantibus ipsis Langobardis, Lapides tantum ac Libri tunc scripti indicare certo possent. Interea habemus haec Inscriptionem sine dubitatione in Civitate Nova positam sub Liutprando Rege circiter Annum Christi DCCXXX. Atque idem lapis, si quid video, tempus ipsum indicat, quo primum aedificari coepta est *Civitas Nova Mutinensium*. Ibi prius parabantur insidiae. Ergo ad avertendos, terrendosque latrones, & ad liberandam ab eorum insidiis Viam Claudiam illac excurrentem, Liutprandus Coloniam, ut ita dicam, habitatorum, sive Civium Mutinensium, in Civitatem Novam deduxit cujus ipse fundamenta locarat. Celebris deinde ita locus evasit, ut ejus mentionem in postremis suis tabulis Anno Christi DCCCVI. Carolus Magnus apud

Z

Ba-

Baluzium Tomo primo pag. 441. Capitularium fecerit, inquiens: *Per Padum fluvium termino currente usque ad fines Regiensium, & Civitatem Novam, atque Mutinam usque ad terminos Sancti Petri.* Vide etiam hujus loci mentionem in Charta Eriberti Episcopi Mutinensis Anno MLXXV. scripta, quam dedi supra in Dissertatione V. de Ducibus. Moenibus autem cingebatur Nova illa Civitas, atque id constare poterit ex tabulis in Archivo Canonorum Mutinensium adservatis & scriptis Anno DCCCLV. quarum Chronologicas notas eruditi expendant velim: Imperatoribus Domnis nostris Hlotharius & Ludowicus filio ejus, excellentissimis Imperatoris Augusti a Deo coronatis, Anno pietatis Imperii eorum Deo protegente Trigesimo Sexto, & Sexto Decimo, die XXIX. de Mense Julio, Indictione Tertia. Placuit atque convenit inter Dominus Jonas Dei gratia Episcopus Sancte Ecclesie Morinensis, nec non & ex alia parte inter Garboino de Cuvelo (nunc Corlo) livero homine, ut in Dei nomine ego qui supra Garboino, vel meis heredibus laborare & excolere debeam rem juris sacre Sancti Petri Apostoli, que est constructa & edificata intra Muras Civitatis Nova. Hinc habemus, numeratos fuisse Annos Imperii Lotharii I. Augusti usque ad ejus mortem, sive usque ad Monasticam vestem ab eo assumptam: quae illius immutatio facta est Septembri Mense ejusdem Anni DCCCLV. Verum, qui heic describitur Annus *Sextusdecimus* Imperii Ludovici II. omnino cum Histo-

ria pugnata, neque Epocham Regni, neque Imperii exhibet. Sextus tantummodo legendum videtur. Erat praeterea prope ipsam Civitatem Novam Castellum constructum. En alteram Chartam ejusdem Mutinensis Tabularii scriptam, *Berengarius gratia Dei Rex hic in Italia, Anno Vigesimo Quarto, die primo de Mense Julio, per Indictione Quartadecima, idest Anno Christi DCCCCXI.* Ibi Gottofredus Episcopus Mutinensis quasdam terras in emphyteusim concedit, *positas infra Castellum nostrum, quod est edificatum prope muras Civitatis Nova.* Alteram accipe exaratam regnante Dominus Berengarius gratia Dei Rex hic in Italia Anno Vigesimo septimo, *Pridie Kalendas Aprilis per Indictione Secunda, hoc est Anno DCCCCXIV.* Complectitur pergamena ista donationem factam eidem Gotefredo Episcopo *de peciola una de terra, que rejacet longo muro de Castello* (en Italicam Linguam: jam enim tum dicebant *lungo il muro del Castello*) *quod est edificatum prope muras Civitatis Nova.* Habemus tum heic, tum supra Muras, indicium videlicet Linguae Vulgaris, cui dicere in usu erat & adhuc est *le Mura*. De eodem Castello *juxta Civitatem Novam* alia monumenta loquuntur apud Sillingardum & Ughellium. Praeterea Civitatis ejusdem mentio mihi occurrit in informi quodam monumento, quod inter rudera praeclaudati Monasterii Nonantulani, scriptum antiquissimis characteribus, reperi, atque heic, qualecumque sit, editum volo.

Collatio multorum bonorum facta a Lothario I. Augusto Monasterio  
Nonantulano, circiter Annum 827. vel 842.

**D**omno Lothario Augusto, serenissimo Romanorum Patricio, a Deo coronato, sedem pacificam, beatitudinem tenentem Romanam, Longobardorum. Omnibus Imperii sui est venerabilibus locis debere cautum est venerabiliter expositas in omnibus legibus . . . . preceptum in venerabile Monasterio nobis pro . . . tivo expositum est. De aliquantis itaque rebus a nobis concessis & tributis in ipso venerabili Monasterio, vel da quibuscumque hominibus vel personis tributas sint; aliquas res vel concessas in ipsam religionem vel ejus patrimonio atque possessiones lucrari videtur. Ideoque per omnia in nostro territorio Emilianensi, vel ad partem Motinensem infra confines Civitatis Geminiana, rebus nostris donnicatis vel colonicatis, sive de publico, sive de privato ad nostram Regalem domum pertinentibus vel adjacentibus, ut quod ad nostram domum debetur, id in eodem suprascripto venerabili Monasterio tribuitur, da confines Fossa Sclavola, seu Fossa Pavignana ad confines Riparia, ripa Scoltenna, & fluvio Moctena per usque fluvio Lama usque in Sulcole per usque in Bagnone, idest Tumba Rodiliana, Casale Restani, & Casale Grummolo, Silva Leguriano, Silva Agolaria, Casa Lauto, Campo Rovirito, Campo de Rusco, Campolongo, Brumiana, Civitas Geminiana, que vocatur Flexiana, Quatantole, Uveniana, Verminitica, Niratica, Calendatica, Pilibiciana, Corniola, ad pertinencias suprascriptas res justa fluvio Moctena, confines Civitatis Geminiana, Casale Monterioni, atque Casale Firmani, & Casale Alperti, & Casale

**A** Tassinaria, seu Casale omne Brixili, atque Casale Bruzili, seu Curlo, & Tumbolo, atque Fossa Bruzola, & Corrigio Brancudo, & Valle Alba, & Casale Fontanellae, & Corrigio Boni, seu Casale Acus, & Casale Tallolo: & insuper alia fundora vel Casalia, cum omnibus ad easdem rebus generaliter vel specialiter pertinentibus vel adjacentibus, sive tributarias vel censuarias, sive donnicatas vel colonicatas, actoribus ad easdem . . . . rebus generaliter vel specialiter pertinentibus vel adjacentibus in ipsius confines & latera, atque ad suprascripta fundora & casalia pertinentes vel adjacentes, vel da ipso Monasterio donnicatas vel colonicatas in ipso venerabili Monasterio sint Privilegio postas sine aliquo obstaculo vel oppositionem alicujus contrarietatis nostra plenissima largicione. Unde ut quaecumque persona, que nostro Precepto statutum est, conare, inviolare aut infringere, fiat se compositurum cognoscat multa auro obriro Mancesas centum. Nostra itaque statuta inviolabiliter observare precipimus.

**D**atum sub Die & Mense Augusto, Indicione Quinta.

Lotharius Augustus Imperator.

**E** Verba illa diligenter animadvertite in nostro territorio Emilianensi, idest in Provincia, seu parte Aemiliae ad nos atque ad Italicum Regnum spectante; vel ad partem Motinensem infra confines Civitatis Geminiana. Eadem fuit Civitas Nova, ac Geminiana, uti etiam constat ex Diplomate Ludovici Pii apud Sillingardum & Ughellium. Infra repetitur Civitas Geminiana, quae vocatur Civitas Flo-

*xiana*. Si ita interpungendus est locus iste, praeter *Geminianae*, appellationem quoque *Flexianae* ea Civitas detulisse videtur. Ego tamen rem dubiam relinquo. Atque hinc etiam haurire fortasse possumus, cur *Riparia* (nunc *Rivara*, Villa in agro Sancti Felicis) eo nomine donata fuerit: nempe quod olim foret *Ripa Scoltennae*, a quo tamen fluvio nunc aliquot stadiis distat. Haec adnotasse juvat ad illustrandas Mutinensium res, immo & Caroli Magni tabulas postremas, in quibus hujus Civitatis *Novae* mentio est. Qui illas falsi suspicione resperferunt, secum repu-

A tent, fieri vix potuisse, ut posteriorum Seculorum impostor in illud Testamentum conjiceret Civitatem illam, cujus a tanto tempore ne vestigia quidem ruinarum supersunt. Progredior, demonstraturus, longe latius excurrisse olim Comitatum, sive agrum Civitatis Mutinensis. Quod, quamquam infra in Dissertat. XXXIV. De Diplomate, sim significaturus, nunc uberius est confirmandum. Inter paucas celeberrimi Nonantulani Monasterii, quae supersunt, membranas, hanc descripsi, apposite ad rem nostram, ex apographo, ut mihi visum est, pervetusto.

Magnifica bonorum donatio facta Nonantulano Monasterio, & Anselmo Abbati, a Johanne Duce Urbi Ducis filio, & Urfa ejus sorore Sanctimoniali, Anno 776.

IN nomine Domini Dei Salvatoris nostri Jesu Christi, regnante Domino nostro Karolo serenissimo Rege, Anno Secundo, die Sexto Mensis Marcii, Indictione Q . . . . . decima. Domino sancto & venerabili Monasterio Sanctorum Apostolorum, & Christi Confessoris Silvestri, situ Nonantula, Pago Perseceta, territorio Mutinense, & . . . regente vir beatissimus Anselmus Abbas praesse videtur. Nos quidem Johannes illustris Dux, & Urfa sorore mea, Ancilla Christi, filius ac filia Urfoni bone memorie presentes presentibus salutem. Nichil esse credimus, nichilque illustrius humanum possit genus boni aliquid promereri, quam ut primitus promissa vota solvere. Quia nam fragilitatis nostrae memores incommoda, per quot totus pene patitur Mundus, de repentini casibus fortasse preveniamus ea, quae nos ipsi Deo . . . . offerimus oraculo. Qua de re nos, qui supra, Johannes Dux, & Urfa soror mea, bu-

C milis Ancilla Christi, providentia Dei, prono animo & spontanea nostra bona voluntate, nullo penitus cogente aut suadente vel vim inferente, sed nostra propria deliberacione, ad luminaria, vel usu serviencium predicti Monasterii, seu stipendia pauperum debeant ministrare, a presenti die donamus, tradimus, mancipamus ac cedimus, & in iura superscripti Monasterii transcribimus possidendum aliquid ex rebus nostris. Idest in Casale Sociolo, Pago Montebelio, olim vero circumdato, quod nobis obvenit pro dono & precepto . . . . ad proprietate nostra. Et donamus Curtem nostram Peritulo in integrum, & Curtem nostram Lolustra, omnia in integrum, & casas massaricias ad eandem Curtem pertinentes . . . . & terra nostra simul tenentibus, scilicet Campo Vitali, & Grazonitica & . . . . usque Silva Majora, quae vocatur Brajoram, quam devicimus ego & genitor meus pro Placito Papia, cujus lateribus sunt, a Lovan-

vante Rio, qui currit sub Ponte Floriani usque Silva Majorem, exinde Strata publica. A Tramuntante Rio Russo usque Silva Majore; de subto eadem Silva & sexta porcione de eadem Braxola. Et Corte una de Lignano, & massaricias quinque prope Castro Gissaro, quod dicitur Britu. Donamus etiam Curtem nostram in Meliti, & casas massaricias ad eadem Curtem pertinentes, cum terris, vineis & silvis, omnia in integrum. Et Curtem nostram in Petroni cum sua pertinencia omnia in integrum. Seu & Curtem nostram, que est posita in Totiliano, cum casas massaricias, cum terris & vineis & silvis ad eam Curtem pertinentes, omnia in integrum.

Similiter donamus Curtem nostram, que est posita in Casale in loco Castilioni, qui alio nomine Verdeta vocatur, eo quod Viridarium Regis ibi resideat, pro ideo appellata est Verdeta, cum casas massaricias & aldiaricias, cum terris, vineis & silvis, & omnia & ex omnibus ad eadem Curtem pertinentes in integrum, quem bone memorie genitori nostro Urfoni Duci obvenit per donum Serenissimi Aistulfi Regis. Tradimus atque donamus vobis Curtem nostram, que est posita in Aquario cum casas massaricias & aldiaricias, cum terris & vineis & silvis ad eadem Curtem pertinente, omnia in integrum. A presenti die hec omnia suprascripta, sicut superius legitur, donamus, confirmamus, atque offerimus in predicto Monasterio beatissimorum omnium Apostolorum, & Christi Confessoris Silvestri, seu sibi Donno Anselmo Abbati, vestrisque successoribus possidendum in perpetuum, vel disponendum seu ordinandum, sicut vobis melius visum fuerit. Hec omnia suprascripta damus & offerimus pro remedio anime genitori nostro Domno Urfoni Du-

ci, & Domna Ariflada genitrice nostra, seu pro remedio animarum nostrarum vel parentum nostrorum tradimus & offerimus omnia suprascripta a presenti die, sicut superius legitur, cum casis, terris, vineis & campis, pratis, pascuis, silvis, salectis, facionalibus seu astallariis, rivis, fontibus, rupinis, aquis, aquarumque decursibus, limitibus, omnia & ex omnibus, quantascumque ad ipsas supradictas Curtes pertinent mobiles & immobiles, se seque moventibus, omnia & ex omnibus a presenti die sint in suprascripto Monasterio, sicut superius legitur usque in perpetuum. Anteposimus res illa, que jam pro anima nostra donavimus in Monasterio Sancti Benedicti, quem in . . . . Domnus & genitor noster bone memorie Urfus Dux a fundamento construxit. Nam alias omnia suprascriptas res & Curtes cum omnibus pertinentiis, sicut superius legitur, a presenti die in prefato Monasterio vestro vel eisdem servientibus tradimus potestati possidendi vel ordinandi, qualiter vobis vel successoribus vestris placuerit; que prona & bona voluntate conscripsimus ad jus dominiumque prefati Monasterii libere permaneat. Nec a nobis seu a quemquam heredum nostrorum, aut subposita ficticia procurantisve persona alterius contra venturi esse promittimus per omnipotentem Deum, & inseparabilem Sanctam Trinitatem. Quod si quis heredum &c. Quam oblacionis nostre paginam a presenti die, omnem vim, metum & circumscriptione cessante, Stephano Notario totum rogatorioque nostro scribere rogavimus, in qua & manus nostre proprie conscripsimus, testibusque a nobis rogatis obtulimus roborandam, eorumque presentia eam in manibus Domni Anselmi Abbatis tradavimus sub die Mensis Marcii, & Indictione suprascripta feliciter.

Ego

Ego Johannes in Dei nomine Dux in hac Donatione a me facta in Monasterio tradita postulata pro remedio anime mee, & sicut supra legitur, manu mea subscripsi.

Ego Ancilla Christi Ursa indigna in hac donatione a me facta in suprascripto Monasterio, sicut supra legitur, manu mea subscripsi.

Maurus filius Benenati de Panicale in hac donacione facta a Johanne Duce & ad Ursa germana ejus in suprascripto Monasterio, sicut supra legitur, ad eosdem testes subscripsit.

Signo manus Caroso de Postumiano teste.

Signo manus Dominico Cerioni teste.

Stephanus Notarius Scriptor hujus Cartule donacionis seu offerfionis post roborata a testibus complevi & dedi.

In Differtatione V. De Ducibus Italiae alteram Chartam evulgavi, spectantem ad hunc ipsum Johannem Ducem, & Anno Christi DCCLXXII. scriptam. Eum Ducem *Perficeti* & *Pontis Ducis* appellat, nescio quibus tabulis fretus, Auctor Catalogi Chartarum Nonantulani Monasterii, infra edendi in Differtatione LXVII. de modis acquirend. Ego illum similem fuisse Ravennatibus Ducibus opinor, nisi etiam eorum Avus fuerit, qui postea in Ravennate Historia occurrunt. Ad nos quod attinet, Monasterium Sancti Silvestri heic dicitur situm *Nonantula*, *Pago Perficeto*, territorio *Mutinese*. Ager sive terri-

torium *Mutinenfis Urbis*, quem *Comitatum* postea appellavere, uti nemo non videt, tunc ambitu suo completebatur *Pagum Perficetum*. Pagus autem *Perficetanus Monasterium Nonantulanum*. Pagum, quum audis, ne tibi humilem, abjectumque Vicum finge. Heic significat partem regionis, sive Regionem, quae multis Vicis constabat, Oppidis, ac Villis. Neque enim apud antiquos vox *Pagi* Vicum, aut congeriem multarum acedum, praecipue rusticanarum designavit, sed latum terrarum tractum. Apud Campium Tom. I. Histor. Eccles. Placentin. pag. 456. in Diplomate Ludovici Pii memoratur *Monasterium Gravacum in Pago Placentino constructum*: idest in agro Placentino. Ita apud Ughellium in Episcopis Veronenfibus Diploma Ludovici II. recenset res politas in *Pago Veronensi*, in *Pago Tarvisino*. Eiusdem verò vocis vim nullo negotio possem, Caesaris, Plinii, Taciti, aliorumque verbis confirmare. Sed Lectorem dimitto ad Freherum, Salmasium, Vossium, Bignonium, Du-Cangium, Pitiscum, & alios, qui pluribus *Pagi* significationem illustrarunt. A *Pago* autem Eruditi efformatum putant Gallicum *Païs*, & Italicum *Paese*, ut a libi jam innui. Sed & in Diplomate archetypo Ludovici Pii, quod ex Archivo ejusdem Nonantulani Coenobii descripsi, memoratur *Villa Reduddum*, quae dicitur supernomen *Curticella*, in *Pago Perficeto*. Integrum Diploma dignum est, quod e tenebris eruatur.

Ludovicus I. Augustus suo Diplomate confirmat commutationem factam inter Petrum Abbatem Nonantulanum, & Rodolphum Rectorem Monasterii Brixiani Sancti Salvatoris, Anno 814.

**I**N nomine Domini Dei & Salvatoris nostri Jesu Christi. Hludowicus divina ordinante providentia Imperator Augustus. Si enim ea, quae fideles nostri Regni pro eorum opportunitatibus inter se commutaverint vel concambiaverint, nostris confirmamus Edictis, Imperialem exercemus consuetudinem, & hoc postmodum jure firmissimo mansurum esse credimus. Igitur notum sit omnium fidelium nostrorum sollicitudini, praesentium scilicet & futurorum, qualiter vir venerabilis Petrus Abbas ex Monasterio Nonantulo, quod est constructum in honore beatorum Apostolorum & Sancti Silvestri Confessoris, ad nostram accedens clementiam, innotuit serenitati nostrae, eo quod aliquas res cum Hrodulfo Rectore Monasterii, quod est constructum intra muros Civitatis Brixiae in honore Domini Salvatoris nostri Jesu Christi, quod vulgo appellatur Monasterium Novum, concambiaisset. Dedit itaque vir venerabilis Petrus memoratus Abbas de parte Monasterii sui praedicto Hrodulfo ad partem praefati Monasterii Villas nuncupantes Castellione, Calcinato, Silviniario, Monticulo, sicut eidem Hrodulfo pro opportunitate Monasterii recipere placuit. E contra in compensatione hujus meriti dedit jam di-

**A**ctus Hrodulfus praescripto venerabili Petro Abbati ad partem Monasterii sui pro opportunitate servorum Dei in eodem Coenobio commorantium, Villam nuncupantem Reduddum, quae dicitur supernomen Curticella, in Pago Perficeta, cum omni integritate vel soliditate sua. Unde & commutationem de praedictis locis, nostris obtusibus ostendit ad relegendum. Sed pro integra firmitate petiit celsitudinem nostram, ut in elemosina nostra ipsam commutationem denuo per nostrum mansuetudinis Preceptum plenius confirmare deberemus. Cujus petitionem denegare nolimus: sed sicut unicuique fidelium nostrorum juste rationabiliterque petentium, ita nos illi concessisse, atque in omnibus confirmasse cognoscite. Praecipientes ergo jubemus, ut inspectam ipsam commutationem, sicut per eam plenius declaratur, quicquid pars juste & rationabiliter alteri contulit parti, deinceps per hanc nostram auctoritatem jure firmissimo teneant atque possideant: & quicquid exinde facere voluerint, libero in omnibus perfruantur arbitrio. Et ut haec auctoritas firmiter habeatur, & per futura tempora plenius conservetur, manu propria subscripsimus, & de anulo nostro subter sigillari iussimus

Signum

**POE**  
**EL**

Hludowici serenissimi Imperatoris.

Locus Sigilli ✠ cerei deperditi.

Helisachar recognovi & subscripsi.

Data Kalendis Augusti, Anno Primo, Christo propitio, Imperii nostri, Indictione Septima.

Actum Aquisgrani Palatio Regio, in Dei nomine feliciter. Amen.



Animadvertite, quomodo Ecclesiastici olim homines, ut firmiores in posterum forent commutationes praediorum, ac praecipue Villarum a se factae, curarent ut ad eos accederet Imperatorum confirmatio. Ad haec ne insalutata dimittas velim ea verba, ubi *Rodulfus* dicitur *Rektor Monasterii*, quod est constructum intra muros Civitatis Brixiae, in honore Domini Salvatoris nostri Jesu Christi, quod vulgo appellatur Monasterium Novum. Celeberrimum fuit, & adhuc est in Civitate Brixiana Monasterium Sanctimonialium Sanctae Juliae, quod in honorem Salvatoris nostri a Desiderio Rege, ejusque conjuge Ansa aedificatum fuit. Ego quoque, utpote qui veniam mihi factam a sacris illis nobilibusque Virginibus Tabularium Asceterii ipsius excussi, nonnulla inde excerpta monumenta in hoc ipso Opere evulgavi. Hujus autem Monasterii fundationem refert Clariss. Mabillonius in Annalib. Benedictinis ad Ann. Christi DCCLIX. Tum ait: *Monasterium Novum dictum est ab instauratione, quae Anno Domini Octingentesimo Tricesimo Quinto facta memoratur. De eo intelligendum videtur Necrologium Augiense, in quo laudatur Austreberga ex Monasterio, quod dicitur Nova. Quum heic offenderim ego Rodulfum Rectorem Monasterii Novi Brixiani, primo quidem suborta mihi suspicio est, aliud fuisse Monasterium hoc ab altero Sanctae Juliae, & illud quidem a Monachis, hoc autem a sacris Virginibus excultum; & eam suspensionem augebat Diploma Ludovici II. Augusti, Anno DCCC-LVI. actum Brixia Civitate, Monasterio Novo, quum Imperator non in Parthenone, sed in Monachorum Coenobio, habitasse ac Diploma dedisse videretur. Verum suspicioni factus*

A est finis, inspecto quodam Diplomate, quod Margarinus in Bullarii Casinensis Tomo 2. protulit: inde enim constat, *Novi* appellationem antiquitus conjunctam fere semper fuisse cum Sanctae Juliae Monasterio. Et profecto longe antea quam Mabillonius putarit, natam fuisse ejusmodi appellationem, Diploma nuper a me editum prodit. Quomobrem Rodolphus iste *Rektor Monasterii Novi*, Oeconomus ac Minister tantummodo fuisse censendus est Coenobii Sanctae Juliae. Cujus moris exemplum alterum dabo in Charta Pistoriensi Anni DCCXLVIII. Disserat. LXV. de *Monasteriorum erectione*. Regrediamur ad ea Diplomatis verba: *Villam nuncupatam Reduddum, quae dicitur supernomen Curticella, in Pago Persiceta*. Retinet adhuc eadem Villa apud nos appellationem *Reddū*, & Ecclesia Parochiali decorata est, ac Nonantulani Oppidi ditioni sub Serenissimo Duce Mutinae subest. Amplitudinem quoque *Persicetanae* regionis, sive *Pagi*, nobis indicavit Leo Maricanus Lib. primo, Cap. 54. Chronic. Casinens. haec de Johanne Abbate scribens: *Hic fecit libellum Adelberto filio Rainerii de Rastello* (nunc *Rastellino* nuncupatur eadem Villa, sita olim & ipsa in Pago Persiceto) *de aliquot Curtibus hujus Monasterii in Comitatu Mutinensi, fundo, qui dicitur Persiceta*. Petrus quoque Diaconus Lib. 4. Cap. 18. ejusdem Chronic, auctor est, subjectum fuisse Coenobio Casinensi *Monasterium Sancti Benedicti*, territorio *Mutinensi* intra fines fluvii *Fusculi* & limitis *Malmeniliaci*. Curtes olim non vasta tantummodo praedia, sed integram Villam significabant. Id saepe innui, atque alibi antiquis tabulis confirmavi. Haec autem omnia in eodem

eodem Perficeti tractu ad Comitatum Mutinensem spectabant. Porro quousque se protenderet regio ista, intelliget quisque, Oppidum Sancti Johannis nunc recogitans, Bononien- sium ditioni subiectum, quod uti intra fines *Perficeti* aedificatum, adhuc nomen servat *Sancti Johannis in Perficeto*. In Diplomate Friderici II. Augusti apud Ughellium Tomo 2. Ital. Sacr. in Archiepiscopis Bononien- sibus, confirmatur Henrico Bononiae Episcopo *Castrum Sancti Johannis in Perficeto*. In antiqua editione Historiarum Matthaei Villanii Lib. prim. Cap. 68. & infra memoratur *San Giovanni in Cesena*. In nuperrima editione ejusdem Operis, Tomo XIV. Rer. Italic. monui in notis, Florentinum Codicem MStum praeferre *San Giovanni in per Cesena*. Sed utrobique corruptus est locus; ibique restituendum *San Giovanni in Perficeto*.

En ergo qui olim forent fines Comitatus Mutinensis. Scilicet saltem Samodia fluviolus, nunc la *Samozza*, Mutinensem agrum a Bononiensi dividebat. Immo in Mutinensium portione relinquebatur *Badianum*, nunc *Bazzano*, cum integro Pago Perficeti, complectente Nonantulam, Sanctum Caesarium, Zenam Curtem, Panfanum, Castrum Sancti Johannis, aliasque Villas & Castella, quorum non modicam partem Bononiensium potentia sensim in suam ditionem postea redegit, non Comitatu tantummodo, sed & Dioecesi Mutinensium imminutâ, reclamantibus nequidquam Mutinensibus. Praetermitto, ex aliis monumentis indicari, ultra Samodiam in superioribus locis excurrisse olim nostrum Comitatum. Quamobrem in statuendis olim finibus inter Bononiam ac Mutinam,

Tou. IV.

A qui nunc adeo impares sunt, justam videmus observatam fuisse mensuram. Quum verò Langobardi Mutinam Graecis Ravennae dominantibus primo eripuissent, non universum continuo hujus Civitatis agrum sibi subdidere. Verum Liutprandus (Paullo Diacono teste Lib. 6. Cap. 49. de Gest. Langobardorum) *Castra Aemiliae, Feronianum* (lege *Feronianum*) & *Montem Bellium, Buxeta, & Perficeta* Graecis eripuit. *Feronianum* nunc *il Fregnano* sive *Frignano*, Provincia est Mutinensis Ducatus in montibus, Bononiensi agro contermina, & complectens Sextulam ditionis caput, Fananum, ac plurima alia Castra & Villas. *Friniates* Ligures a Livio memoratos, ibi potius, quàm ubi Cluverius opinabatur, quaerendi sunt. Ii nomen regioni dedisse, aut ab ea accepisse videntur. *Mons Bellius*, nunc *Monte Veglio*, seu *Monte Vio*, Bononiensibus antiquitus obtemperans, sed aliquo etiam tempore Mutinensium potestati obnoxius fuit. De *Buxeto* haec habet Clariss. Vir Gaspar Berrettus Monachus Benedictinus in Dissertat. Chorographica praeposita Tomo X. Rer. Italicarum, Section. 14. *In agro Mutinensi, vel Bononiensi, juxta Paulum & Sigonium locus est quaerendus*. Et merito: neque enim veri videtur simile, *Buxetum*, situm ad Padum inter Placentiam ac Parmam, heic designari. Cur, quaeso, locus exigui nominis Langobardorum vim effugisset, quum ipsi agro & Urbibus circumpositis pacifice tandiu antea potirentur? Apud nos tamen illius nomen (uti de aliis bene multis evenit) ante complura Saecula excidit. Apud Anastasium in Vita Gregorii II. Papae legitur: *Langobardis Aemiliae Castra, Feronianus, Montebelli, Verablum cum suis Oppidis*,  
A a Buxo,

*Buxo, & Persiceta; Pentapolis quoque & Auximana Civitas se tradiderunt. Atque haec de finibus antiquis Comitatus Mutinensis. Sed vix ulla Civitas ostendi poterit, quae sui agri fines vel ipsis antiquis temporibus stabiles retinuerit; & si quidem olim retinuit, bellis postea inter Italicas Urbes excitatis, & saevientibus GIBELLINORUM & GUELPHORUM factionibus, immutata plane finium facies fuit. Erant enim vetusto tempore Civitates, quae latius, erant & quae brevius, agrum sibi, sive suo Comiti subiectum protendebant. Uti in Antiquitat. Estens. Par. I. Cap. 8. ostendi, spectabant olim ad Comitatum Brixianum Casale Majus, Videlianna, Pomponescum, Pangunedum, &*

*A Suzaria: quod mirum videatur spectantibus Urbis illius distantiam ab iis locis, ac praesentem rerum statum; sed minime mirum est recolentibus tantam in aliis locis mutationem subsequutam. Hac de re egi supra in Dissert. VII. de Comitib. Palatii. Praeterea in Dissertatione XXII. sequenti de Legibus Ital. animadvertemus, eundem Brixiae Comitatum olim excurrisse in multas Terras, quae nunc Cremonensi Civitati obsequuntur. Addere nunc placet Caroli Crassi Diploma, e Tabulario Monachorum Benedictinorum Monasterii Placentini Sancti Sixti depromptum, in quo videas Fontanae locum situm Comitatu Brixienfi, Parochia (idest Dioecesi) Cremonensi.*

**Donatio facta a Carolo Crasso Imperatore Johanni Gastaldio, Anno 883.**

**I**N nomine Sanctae & individuae Trinitatis. Karolus divina favente clementia Imperator Augustus. Si petentibus commoda largimur fidelibus nostris, quibus haec contulerimus, proculdubio devotiores ac promptiores eos in nostro reddemus obsequio. Igitur notum esse volumus omnibus fidelibus nostris, tam praesentibus scilicet quam & futuris..... utulsum dilectum Consiliarium & Ministerialem nostrum adiisse serenitatis nostrae magnificentiam, quatinus concederemus cuidam fidei nostro Johanni Gastaldio de Curte nostra Murgola Massaritia nostra illa, quae coniacent in loco qui vocatur Fontane, Comitatu Brixienfi, Parochia Cremonensi, prope Curtem nostram Expiras, pro fidei servitio ipsius, quod incunctanter & fideliter nostrae celsitudini exhibet, & ob aeternae retributionis praemium; jure proprietario habendum & faciendum

**C** quid delegerit. Cujus videlicet interven-  
tui aurem clementiae accommodantes, ejusque fidelis nostri jam praenominati Johannis devotissimo famulatu viscerum pietatis nostrae suggerentes, concedimus atque donamus supranominata Massaritia nostra de Fontanis eidem praedicto Johanni in integrum cum omnibus adjacentiis ibique respicientibus, jure proprietario habendi & faciendi tam ipse jam saepe nominatus Johannes quamque & heredes ipsius, idest dandi, vendendi, comutandi, alienandi secunda libitum proprium liberam exinde permittimus eidem habere potestatem quicquid voluerit faciendi; nemine umquam successorum nostrorum hoc irrumpente; sed modis omnibus rata & inconvulsa ad augmentum mercedis aeternae tam nostrae quamque predecessorum nostrorum inviolabiliter maneat. Si quis vero post nostrum decessum hoc nostrae auctoritatis Prae-

Præceptum aliquo modo irrumperere aut violare temptaverit, triginta Libras auri optimi componat, medietatem Palatio nostro & medietatem prædictæ homini & heredibus ipsius. Ut autem hoc ve-

rius credatur, diligentiusque ab omnibus observetur, manu propria confirmavimus, & impressione Bullæ nostræ super adsignari iussimus.



Sigillum plumbeum olim, ut videtur, appensum desideratur.

Waldo Notarius ad vicem Liutwardi Archicancellarii recognovi & subscripsi.

Data X. Kalendas Julii, Anno Incarnationis Domini DCCCLXXXIII. Indictione I. Anno verò piissimi Imperatoris Karoli Terti.

Actum Murgula Curte Regia, in Dei nomine feliciter. Amen.

Ita Parmensi Comiti suberant Felina & Malliacus Curtes sive Castellæ, quæ a multis Saeculis in Regiensi Comitatu recensentur, uti Charta indicat a me evulgata in Dissertatione VI. de Marchionibus. Sed & ipse Regiensis Comitatus inferiori parte sua pertingebat olim fines Ferrariensium, multaque alia loca complectebatur, inde sensim avulsa: in-

ter quæ unum commemorare lubet, hoc est, Wardistallam, nunc Guastallam, ad Ducatus honorem seriùs evectam. Testem hujus rei dabo Diploma, quod autographum vidi atque descripsi ex Archivo Reipublicæ Cremonensis, curante Francisco Arisio Viro Clariss. Conservatore Ordinum ejusdem Civitatis.

Ludovici III. Italiae Regis Privilegium, quo Curtem Guardistallam confirmat Monasterio Placentino Monialium Sancti Sixti, Anno 901.

IN nomina Sanctæ & individue Trinitatis. Hludovicus divina favente clementia Rex. Omnium fidelium sanctæ Dei Ecclesiæ, nostrorumque, presentium scilicet & futurorum comperiat industria, quoniam quidam venerabilis sanctæ Concordiensis Ecclesiæ Episcopus, nomine Adalmanus, nostram adiens excellentiam, enixius postulavit, quatinus quan-

dam Curtem juris Regni nostri, quæ dicitur Wardistalle, consistentem in Comitatu Regisiano, non longe a fluvio Pado, concederemus Monasterio in honore sanctæ Resurrectionis, & beatorum Martyrum Bartholomei, Xisti, & Fabiani, ab Avia nostra Angelberga quondam Imperatrice a fundamentis constructum infra moenia Civitatis Pla-

# ANTIQUIT. MEDII AEVI

376

375  
centine, ita sane ut persistat etiam pro  
anima Avi nostri Domini Hludovici  
Imperatoris, & predictae Avie nostrae,  
& Genitricis, & nostrae, cum universis  
apenditiis ejus, ac familiis utriusque se-  
xus. Cujus precibus assensum prebentes,  
hoc serenitatis nostrae Preceptum conscribi  
jussimus, per quod concedimus eidem Mo-  
nasterio in honore sancto Resurrectionis,  
& beatorum Martyrum Bartholomei, Xi-  
sti, & Fabiani, prefixam Curtem War-  
dillam. cum omnibus rebus & Ca-  
pellis ad eandem Curtem pertinentibus,  
videlicet cum casis, vineis, massariis,  
diversisque territoriis, campis, stalla-  
riis, sylvis, pascuis, aquationibus, pi-  
scationibus, molendinis, aquarumque de-  
cursibus, servis, ancillis, aldionibus,

A aldianabus, & quidquid ad prefixam  
Curtem aspicit vel aspicere videtur to-  
tum & integrum eidem Monasterio con-  
cedimus perpetuatiter possidendum, ut in  
usus Monachorum ibidem Domino famu-  
lantium semper absque ullius contradi-  
ctione persistant. Si quis autem temera-  
rius quisquam, quod non credimus, con-  
tra hanc nostrae institutionis Preceptum in  
aliquo violare aut infringere temptave-  
rit, sciat se compositurum auri optimi  
Libras centum, medietatem Palatio no-  
stro, & medietatem cui inlata fuerit  
violentia. Et ut verius credatur, ac  
diligentius ab omnibus observetur, ma-  
nu propria subter roborantes, anuli no-  
stri impressione insigniri jussimus.

Signum



Domni Hludovici gloriosissimi Regis.

Adest adhuc Sigillum Cereum ejusdem Regis.

Arnulphus Notarius ad vicem Liutuardi Episcopi & Archicancellarii recognovi  
& subscripsi.

Datum XIV. Kalendas Februarii, Anno Incarnationis Domini DCCCC. Indictione  
Quarta, Anno Primo, regnante Hludovico gloriosissimo Rege in Italia.

Actum Bolonia Civitate in Dei nomine. Amen.

Habemus heic Adalmanum Ughel-  
liano Catalogo Concordiensium Epi-  
scoporum addendum. Attentiori ta-  
men studio Notas Chronologicas hu-  
jus Diplomatis considerandas offero.  
Annus Christi quidem dicitur DCCCC.  
Verum Indictio Quarta Annum indi-  
cat DCCCCI. ac proinde adhibitam  
heic vides Aeram Venetorum ac Flo-  
rentinorum, qui tribus Mensibus post  
vulgarem Nativitatem Domini no-  
vum Annum exordiuntur. Et sane  
Diploma datum Bononiae fuit, dum

C Ludovicus Tertius Romam contem-  
deret ad Coronam ac nomen Impe-  
ratoris suscipiendum: uti revera Fe-  
bruario Mense ejusdem Anni DCCCCI.  
suscepit. Quod aperte indicat Char-  
ta a Florentinio edita, in Vita Ma-  
thildis Lib. 3. pag. 114. & scripta  
Februario Mense, Indictione Quarta,  
dum is adhuc Romae esset. Refert  
Pagius Ludovici coronationem ad An-  
num DCCCC. post ultimum Mensis Au-  
gusti. Baronius vero ad Annum prae-  
cedentem DCCCXCIX. Neuter au-  
dien-

diendus. Ludovicus Tertius Januario Mense Anni DCCCCI. nondum Imperiale solium conscenderat, uti ex hoc Diplomate constat. Rursus ipsum Romano Diademate donatum fuisse tantummodo post diem II. Idus Februarii ejusdem Anni DCCCCI. o-

stendet nobis Diploma, quod archetypum, parte Sigilli superstiti, adhuc adservant in Tabulario suo Canonici Cathedralis Regiensis, & ego e renebris, in omnium commodum, educere statui.

Ludovici III. Imperatoris donatio facta Richardo Vasso Bertaldi, Anno 902.

**I**N nomine Sanctae & individuae Trinitatis. Hludovicus divina favente clementia Imperator. Omnium fidelium nostrorum, presentium scilicet & futurorum comperiat industria, quoniam Liutfredus inclytus Comes, & Arlulfus Comes, nostri dilectissimi fideles, nostram adeuntes excellentiam, enixius postulaverunt, quatinus cuidam fideli nostro nomine Richardo Vasso Bertaldi quandam Braidam unam de Massa battenus pertinente de Comitatu Regiense, & Pratum Modium unum inter Rium, qui dicitur Crustula Vetis, & Vico Rolefa, & in Regia Civitate petias tres de terra pertinentes de eodem Comitatu per Praeceptum nostrae auctoritatis jure proprietario concederemus. Quorum precibus assensum prebentes, hoc serenitatis & excellentiae nostrae Praeceptum fieri decrevimus: per quod praedictus fidelis noster Richardus Brai-

**B** dam eandem superius jam dictam, & Pratum, seu tres petias de terra cum omnibus pertinentiis & adjacentiis earum, jure & legaliter ibidem pertinentibus, futuris quoque temporibus absque ullius contradictione tam ipse quam sui heredes perpetualiter possideant; liberam quoque & firmissimam in omnibus habeant potestatem donandi, ordinandi, commutandi, vendendi, seu quovis titulo inscriptionis alienandi, remota totius publicae Potestatis inquietudine. Si quis vero contra hoc nostrae institutionis Praeceptum in aliquo violare aut inrumpere temptaverit, sciat se compositurum auri optimi Libras triginta, medietatem Palatio nostro, & medietatem praefato Richardo, suisque heredibus. Et ut verius credatur, ac diligentius ab omnibus observetur, manu propria subter roborantes, anuli nostri impressione insigniri jussimus.

Signum (simile superiori) Domni Hludovici gloriosi Imperatoris Augusti.

Pars Sigilli



cerei superstitis.

*Arnulfus Notarius ad vicem Liutoardi Episcopi recognovi.*

*Datum II. Idus Februarii, Annis Domini DCCCCII. Indictione V. Anno Primo Imperante Domino Hludovico in Italia.*

*Actum Papiac feliciter. Amen.*

Si Anno DCCCCII. secundo Idus Februarii adhuc decurrebat *Annus Primus* Ludovici Tertii, ergo ejus coronatio post eundem diem Anno praecedenti DCCCCI. & Februario quidem Mense peracta fuit. Vide etiam, quae protuli in Differtat. XIX. *de Tributis*. Repeto nunc antiquorum Comitatum varium statum. Apud Ughellium Tomo V. Ital. Sacr. in Episcop. Comensib. & apud Tatum in Annalib. sacr. Comensibus, Diploma habetur Lotharii I. Augusti, commemorantis *Vallem Tellinam in Ducatu Mediolanense*. Ducatus tamen *Mediolanensis* vox aevo illo insolens alicui fortasse videatur, ac interpolati textus suspicionem ingerat, scriptumque olim fuisse in autographa membrana *Comitatu Mediolanense*. Et sane ex altero certiore monumento discere id possumus, a me edendo in Differtat. subsequenti *de Legib. Italic.* ubi eadem regio dicitur *de Comitatu Mediolanensi*: quod profecto stuporem ingerat. Attamen nullus mirandi locus, si Lector consulat Chartam infra mihi producendam in Differtatione LXX. *de Cleri Immunitat.* ex qua constabit, *Novocomensem Urbem* Anno DCCCLXXX. *Comiti Mediolanensi* fuisse subjectam, atque adeo suo Comite destitutam. Sive enim ea Civitas propter aliquod crimen, Comitatus jure spoliata fuerit, sive honorem hunc amplissimae Urbi ac Metropoli Mediolanensi Rex aut Augustus aliquis con-

A ferre voluerit, ut illius ditio alias etiam Urbes, & ingentem agri mensuram complecteretur: certa est praerogativa adeo ampli Comitatus temporibus iis, quem deinde rerum vicissitudines aut minorem, aut etiam longe majorem effecere, additis Mediolanensi aliis finitimis Comitatus. Atque heic Lectores minus periti monendi sunt, non Civitates tantum, sed alia etiam minora loca sive Oppida vetustis temporibus suo *Comite*, sive Praefide fuisse ornata, ita ut ejusmodi Oppidorum ditio se juncta a quovis Magistratu Civitatum foret, ac uni Regi, aut Marchioni, sive Provinciae Praefecto, subesset. Illustria hujus rei exempla C suppeditabit nobis prae laudata nobilissima Urbs Mediolanum. Nam etsi olim in Septemtrionalem plagam illius Comitatus amplissime progrediretur, ab Oriente tamen ad Laudensis agri limites consistebat, & ab Occidente conterminos habebat alios Comitatus, a sua ditione omnino sejunctos. Apud Puricellium in Monumentis Basilicae Ambrosianae num. 150. Diploma Berengarii Regis legitur scriptum Anno Christi DCCCXCIV. in quo Canonicis Ambrosianae ejusdem Basilicae donat, *Mansum illud, quod est in Cornalede pertinens ex Comitatu Frazionensi*. Ubi situs fuerit Comitatus iste Frazionensis, infra inquiram. At Gualvanus Flamma in Manipulo Florum, Tomo XI. Rer. Italicar. pag. 649. haec

D

E

haec scribit de amplificatâ Mediolanensium potentiâ ad Annum MC-LXVII. *Ducatus Burgariae, Marchionatus Martesanae, Comitatus Seprii, & Comitatus Turigiae, & Parabiagi, & Comitatus Leuci, qui omnes quasi domestici inimici Terram istam semper invaserant, facti sunt subjecti & servi perpetui Civitatis Mediolani &c. Civitas Angleriae, & Civitas Brianziae in nostra Oppida rediguntur.* Ex his regionibus nonnullae Comites proprios accepisse videntur tantummodo post Annum Christi Millesimum, quo tempore crebrius in varias sectiones dividi Urbium Comitatus coepti sunt. Aliae verò vetustis etiam Seculis a suis Comitibus regebantur. In postremis tabulis Angilbergae Augustae Anno DCCCLXXVII. scriptis, & a Campio in Tomo I. Histor. Ecclesiae Placentinae evulgatis, enumerantur *Curtes in Comitatu Burgarense, id sunt Brunago & Trecate.* Quare *Ducatum Burgariae* potius quàm *Comitatum*, eum Gualvaneus appellavit, divinare nescio.

Et quoniam *Trecatis* nomen nuper occurrit, videant eruditi Mediolanenses, an istud indicare possit, Comitatum olim *Burgariae* eum fuisse, qui nunc *Viglevani Comitatus* est. In Tom. 2. Italiae Sacrae in Episc. Parmensibus Otto Magnus Anno DCCCC-LXIX. Ingoni nobili viro confirmat quidquid is habet in *Comitatibus Bulgariensi, Laumellensi, Plombiensi, Mediolanensi &c. Plombia* ab Anonymo etiam Ravennate memoratur, ejusque Comitatus Novariensi conterminus fuit. Quod etiam discas e Diplomate Conradi I. Augusti Tomo 4. ejusdem Italiae Sacrae in Episcopis Novariensibus. In quo Imperator ille Anno MXXVIII. Petro Episcopo Novariensi concedit, sive confirmat Co-

A mitatum de *Plumbia & alium de Oxula*, nunc *Domodossola*, ad Occidentem Novariae. In eundem *Plumbiae* locum Episcopus Novariensis, nunc amplissimus S. R. E. Cardinalis Gibertus Borromeus, adhuc retinet non spirituale tantum, sed & civile imperium. Ejusdem etiam *Comitatus Plumbiensis*, in quo erant duae *Curtes Barazzola & Agredada*, meminit Otto Magnus Imperator in Diplomate Anni DCCCCCLXII. pro Ecclesia Insulae Sancti Julii, quod habes in Episcopis Novariensibus. Ejusmodi verò Comitatus, inter montes siti, dignitate urbanis Comitatibus multum concedebant. Ac proinde Henricus I. Augustus in Diplomate Anni MXIV. nuper memorato Petro Antistiti Novariensi *Oxulensem Comitatum* concedens, ipsum appellat *quemdam Comitatum*, qui in *Valle Ausula* infra ipsius Episcopatus Parochiam adiacere dignoscitur. Commemoratum etiam videas *Comitatum Bredolensem inter Tanagrum & Sturiam*, in Diplomate Ludovici III. Augusti, Anno Christi DCCCCI. Tomo 4. Italiae Sacrae in Episcop. Astensib. Ejus situm aliis designandum relinquo. Antiquissimus etiam est *Comitatus Seprii*, ab eodem Scriptore memoratus. Occurrit is nobis in aliquot Chartis heic evulgatis, ac praecipue in Chartâ Anni DCCCXLIV. (ubi memoratur *Johannes Comes Sepriensis*) editâ in Dissertat. IX. de *Missis*. Haec pauca monumenta nunc addo. In insigni Tabulario Monachorum Cisterciensium Sancti Ambrosii Majoris Mediolani pergamenam legi scriptam *Regnantes Domni vere excellentissimi Karolo & Pippino Regibus hic in Italia, Anno Regni eorum Trigesimo, & Vigesimo Tertio, VIII. die Mense Martii, Indictione Duodecima, idest Anno*



no DCCCIV. ubi vides, Regis tantum, & minime Imperatoris titulo Carolum donari. Pergit Charta: *Domino sancto, & Angelorum meritis quoaequando Oratorio* (egregios sane titulos Oratorio collatos, sed ad formularium eorum temporum expressos) *beati Confessoris Domini nostri Jesu Christi Zenoni, quod fondato esse videtur in loco Campellioni prope Riba...* (idest ad ripam Lacus Lugani) *finibus Civitatis Sebriense.* En ut Seprium tunc inter Civitates recenseretur. Nunc vix illius vestigia supersunt in agro Mediolanensi, ubi *Castel Seprio*, non longe ab Oppido Gallarati. Altera membrana, in eodem Ambrosiano Archivo adservata, exarata fuit: *Hludowicus divina ordinante providentia Imperator Augustus &c.* Indictione V. Mense Februario, idest Anno DCCCLVII. *Constat, me Angelbertus de Vico Canobio finibus Sebriense &c.* Canobium nunc nobile Oppidum est ad oram Verbani Lacus, amplissimae, multisque nominibus spectatissimae Borromeorum Familiae subiectum. Quare vides, quam late excurrerent fines *Sepriensis Comitatus*, quando ad Lacum Lugani & ultra Verbanum ferebantur. Temporibus iis quoties audis *Comitatus* nomen, ditionem, uti jam monui, intellige peculiarem, atque a reliquis divisam, utpote quae territorio proprio circumscripta, proprio etiam Praefidi parebat. Sed hanc notionem turbare videtur tertia Charta ex eodem Tabulario Ambrosiano deprompta & scripta; *Hludowicus divina ordinante providentia Imperator Augustus, Anno Imperii ejus Deo propitio Quintodecimo, XII. Kalendas Martii, Indictione XIII.* idest Anno DCCCLXV. quo Petrus Abbas ibi memoratus Ambrosiano Cocnobio praeerat. *Monasterio Christi*

A *Confessoris Ambrosii, ubi ejus sanctus* (ita) *Corpus requiescit, ego Sigeratus Vassus Domini Imperatoris, filius bone memorie Leoni Comite, presens presentibus dixi: Do hac offero in predicto Monasterio pro remedium anime mee, vel quondam Amelrici Episcopo Aviunculo meo* (fuit ille Novocomensis Episcopus) *boc est Curte, & omnibus rebus illis positis in loco & fundo Balerne, ubi dicitur Oblino, Judiciaria Sebriense &c.* Obiter heic animadvertas velim, praeclarissimam Urbem vocari *Mediolanium* non *Mediolanum*. Noris, usum hunc non novum iis temporibus fuisse, immo ne ipsis quidem antiquis Seculis, uti ostendam in collectione veterum Inscriptionum, quas proximè in lucem proferam.

C Nuper vidimus *Judiciariam Sebriensem*, non verò *Comitatum*. Susplicandi locus est, ibi unum ex Judicibus minoribus consedisse, qui a Comite Mediolanensi penderet, uti complures alii pendebant, jus dicentes ruri in praecipuis Oppidis aut Castellis, quae ager Civitatis complectebatur. Et revera in Dissertatione subsequenti de *Legib. Italic.* offendemus *Valtelinam Judiciariam Mediolanensem*. Verùm *Judiciaria* heic sumenda videtur Langobardorum more, qui *Judices* appellare consueverunt, quos Franci deinde *Comites* dixerunt. In Liutprandi Regis Lege XV. Lib. V. de Servo fugace habentur haec: *Si in aliena Judiciaria inventus fueris, idest in agro sive districtu alterius Civitatis.* Neque enim heic, ut de Valtelina, dicitur *Sebriensis Judiciaria Mediolanensis*. *Angleriam Civitatem* supra commemoravit Gualvaneus de la Flamma: illustre sane Oppidum in orâ Verbani Lacus situm, ipsumque ab aliquot Seculis praeclarissimae

Bor-

Borromeorum Familiae, uti & nunc Comiti Johanni Borromeo, Hispaniarum Magnati, subjectum. Huic olim nomen *Stationa*, atque idem occurrit regnantibus Augustis Francis, & Seculo etiam XI. *Scationa* corrupte appellatur ab Anonymo Ravennate. Neque ulla dubitatio est, quin eadem Civitas fuerit *Stationa* antiqua, & recentior *Angleria*, uti antea ostenderunt doctissimi viri, Puricellius in Vita Sancti Arialdi, Saxius in Apolog. pro Sanctis Gervasio & Protasio, & novissime P. Berettus in Dissertatione Chorographica praeposita Tomo X. Rer. Italicarum. Qui postremus etiam conjectat, *Forum Licinii* a Plinio memoratum esse ibi quaerendum. Cur *Angleriae* nomen loco accesserit, si & mihi opinari licet, inde factum putarim, quod illic dominatus fuerit aliquis, a quo proprium nomen in Oppidum translatus fuerit, idest *Engelerius*, *Angelerius*, *Ingelerius*, sive *Ingelarius*: unum enim nomen diversis modis pronuntiatum, & apud veteres non ignotum fuit. Igitur ab eo *Angleria* sive *Engeleria* Civitas potuit nominari: quod contigisse aliis quoque locis demonstrare promptum esset. Contracta voce *Angleria*, aut *Engleria* inde fuerit efformata. Sed quomodocumque ea appellationis mutatio invaluerit, certum est, sub Francis & Germanis Augustis, proprium *Stationae* fuisse *Comitatum*, cujus ditio ad pleraque Verbani Lacus meridionalia Oppida ac Villas se se protendebat. Repete supra memoratum Angilbergae Imperatricis Testamentum Anno DCCCLXXVII. Ibi statuuntur in *Comitatu Stationense* *Curtis Cabroy*, & *Masinum*. Ad Verbanum jacet *Masinum*, illustris locus eo potissimum nomine, quod ibi

Tom. IV.

A Matthaeus Magnus Vicecomes primam lucem vidit. In Tabulario praeaudato Sancti Ambrosii Majoris raptim legi Chartam scriptam Anno DNN: (idest *Domnis Nostis*) *Carolo & Pippino filio ejus viris excellentissimis Regibus Francorum & Langobardorum* (Pippinum imperite *Francorum* quoque Regem appellatum animadvertite). *bic in Italia, Annis Regis eorum Treagesimo Quinto & Vigesimo Primo, sub die XI. intrante Mense Septembri* (ergo perantiqua est formula *intrantis Mensis*) per *Indictione Selinoriensis Prima*. Is est Annus Christi DCCGVIII. Sed sive me festinatio & characterum difficultas illuserint, sive alia Pippini Regis Epochae quaerenda sit, illius *Annus XXI.* neque cum Anno initi Regni Italici, idest Anno DCGLXXXI. neque cum Charta paullo ante memorata aliisque similibus, conciliari potest. Vocem illam *Selinoriensis* plane inuestigam, quum descripsi, agnovi. Fortassis ibi est *Selinorientis*, idest *Luna nascente*. Sed quid rei Lunae est cum Indictione? Felicius divinent alii: neque enim mihi ad manus membrana est, ut secundis curis illam attentius considerem. In ea *Draco filius quendam Rodelmundo* commemorat, quae possidere videor in *territoria Civitatis Sebricense &c. seu & in finibus Stazanensis, locus Leocarni*. In aliis etiam Chartis Oppidum *Leocarnum*, nunc *Loatno*, pertinere vidimus ad Comitatum *Stationensem*, ut nunc mirari subeat, quae *Canebium* in *pergamena* supra laudata repertum (si de Oppido ad Verbanum fito illic agitur) *Sepriensi Comitatu* tribuatur, quum *Leocarnum* longius positum in ora ejusdem Lacus ad *Stationensem* spectaret. Atque haec vidimus tres *Comitatus, Burgariensem,*

*Sepriensem*, & *Stationensem*, antiquis temporibus a *Mediolanensi* sejunctos, quos tandem potentissima Civitas *Mediolanum*, formâ Reipublicae assumptâ, sibi subjecit. Atque his adjiciendus supra memoratus *Comitatus Frazionensis*, cujus mentio occurrit in Charta Anni DCCCXCIV. a *Puricellio* evulgata inter Monumenta Basilicæ *Ambrosianae*, num. 150. Ubi is fuerit (dum *Stationensis* ibi legendum non sit) decernere minime ausim, nisi quod in eo Comitatu *Cornaledum* statuitur, mihi verò notus est *Cornale* locus ad laevam *Pizighittoni* situm. Num eo tempore, qui nunc ager *Cremensis* appellatur, *Frazionensis* fue-

A rit, a suo Comite rectus? Tunc certe nulla *Cremæ* mentio. Mos autem fuit, ut quum loca inter Civitates nobiliores posita, multum ab iis distarent, regioni intermediae, ad incolarum commodum, suus Praefes sive Comes daretur. Ac propterea in suspicionem aliquando adducebar, *Castellum* quoque *Arquadium* sive *Arcuatum* inter *Placentiam* & *Parmam* jacens, ad Comitatus honorem olim evectum fuisse. Suspicioni aditum aperuit Charta autographa, sed prae vetustate protrita, quam ex ruderibus *Nonantulani* Coenobii descripsi, atque heic evulgandam puto.

Donatio multorum bonorum facta Nonantulano Monasterio.  
ab Aliberto Presbytero, Anno 833.

I N nomine Domini Dei & Salvatoris nostri Jesu Christi. *Hludowicus* & *Hlutaris*, divina ordinante providentia Imperatores Augustos, Anno imperii eorum Deo propitio Vigesimo, & Quarto-decimo VII. Kalendas Augustas, Indictione XI. Quoniam gentis humane incertus exitus est, nec dicere . . . terminum premonentem . . . dicentem, Parati estote; quia nescitis diem neque oram; ut quandoque me Dominus de hac luce migrare jusserit, non me de negligentia judicet, sed de bonis operibus gratuletur. Et ideo ego *Alibertus* Presbyter filius quondam *Johanni de Bardi*, nullo me compellente nec vium inferente, sed de propria mea deliberationis arbitrio, sola me considerante omnipotentis . . . & remedio anime meae vel parentum meorum, volo, ut omnibus rebus meis, quae habere visus sum in loco . . . seu modor . . . vel per . . . singulares . . . necnon & . . . beatorum Martyrum *Prota-*

C sii & *Gervasii*, situm in ipso loco *Odolo*, deveniat in Monasterio beatissimorum omnium Apostolorum & Christi Confessoris *Silvestri*, sito *Nonantula*, territorio *Matinense*, ubi nunc tempore venerabilis *Anstrib* Abbas esse videtur, a presente die deveniat in alimonia pauperum vel in stipendia Monachorum, ibi Dominum deservientibus; idest tam casis habitationis meae in *Bardi*, vel alias celloras, seu pro aliis singulis casalibus, una cum superscripta Ecclesia Sanctorum *Protafi* & *Gervasii*, Curtis, Ortis, rivis, clausuras, campis, pratis, pascuis, vineis, silvis, montibus, & . . . ripis, ropinis, ac paludibus, cultum & incoltum, divisum & indivisum, usibusque aquarum, vel patcos, cunfinibus vel terminibus, una cum singulas casas massaricias, vel sortibus tam in *Odolo* vel in *Barcu*, vel per aliis singulis casalibus, finibus *Castro Arquensis*, vel finibus *Placentina*, vel in finibus *Regensis*, loco *Arcete*, ante-

reposito in Trimiolo & in Varianise . . . aliis omnibus rebus juris mei tum de paterna vel materna substantia, siue per comparationem, donationem, commutationem, vel per quaecumque ingenio seu timore ad me devalutessunt, & me de inter germanis meis vel nepotibus in divisione obvenisse dinoscitur, seu arboribus oliuatum una cum omni jure, adjacentiis & pertinentiis suis, cum accessionibus vel egressionibus suarum, omnia & ex omnibus ut supra dixi in integrum deveniat in jam dicto sancto & venerabili Monasterio pro anima mea, vel parentum meorum a presenti die, ante posito in . . . locis Trimiolo & in Varianise ut supra mihi reservavi, nam aliis omnibus rebus meis superius comprehensis, ubicumque inventum vel perqueritum fuerit, omnia & ex omnibus habeat in integrum ipso supradicto Monasterio, ab hac die in perpetuum teneat, possideat, vindicet atque defendat. Et per majorem firmitatem jurata voce dico per omnipotentem Deum, & inseparabilem Sanctam Trinitatem, Sedemque Sanctam Apostolicam, & sanctas quatuor Evangelias, numquam sum venturus causandi aut removendi, judicandi, sed omni in tempore firmis & stabilis permaneat; & non liceat nolle quod semel volui, sed quod semel ad me factum vel conscriptum est, inviolabiliter modis omnibus conservare promitto. Quam vero Carole donationis, seu offerentis mee, Johannes Notarius scribere rogavi, in qua subtus propria manu mea scripsi & una cum testibusque ad me rogatis obtuli roborandum.

Actum ad Curte ipsius Monasterii, qui dicitur Ponte Marmorio, die & Indictione Undecima, feliciter.

\* Ego Alibertus Presbiter in hac Carta donationis atque offerentis a me facta relogi & manu propria subscripsi.

A Signum manus Gausperti germani ipsius Aliberti Presbitero rogatus testis.

Signum manus Gariperti de Aucis rogatus testis.

Signum manus Audoaldi de Vereniano rogatus testis finibus Brexiane.

Signum manus Rodemari de Dungeno finibus Brexiane testis.

Ego Radaberto Presbitero rogatus ad Aliberto Presbitero mano meo subscripsi.

Ego qui supra Johannes Notarius scripsi, post roboratum tradidi & compleri.

Viden ut nomine finium heic distinguantur Comitatus? Si Castrum

G Arcuatum in alicujus Urbis Comitatu situm fuisset, ejus Urbis fines, ut de Placentina ac Regienae factum est, commemorasset Tabellio: ac proinde a vero non abhorreret suspicari, Castro quoque illi proprium Comitem & agrum fuisse olim tributum. Idque manifestius e subscriptione testium elucet. Scilicet ii ita nominantur Audoaldus de Vereniano

D finibus Brexiane, Rodemarus de Dungeno finibus Brexiane, quod loca incolerent Comitatus Brixiani. Contra Garipertus de Aucis nullam factam mentionem finium aliquorum, aut alicujus Comitatus, subscribit. Cur vero hoc heic mentio Aucis, nobis istum quoque locum inquirendum proponamus.

E Antiquitus memoratum videas Comitatum Aucensem. In Charta Anno MXII. scripta, quam evulgavi Par. I. Cap. 14. pag. 121. Antiquitatum Etruscorum, emerit Lanfrancus Comes hujus Comitatu Aucienae. Ibi suspicatus sum, potuisse eo nomine designari Oppidum Lenci in fine Laril Lacus. Tabulae etiam Peutingerianae

nae *Leucirim* statuunt inter Brixiam & Bergomum. Meminit & Anonymus Ravennas. Deinde in eam opinionem inclinavi, Oppidum nunc Brixiani agri *Orci vecchi* antiquis Saeculis *Auce* nuncupatum fuisse: quae vox progressu temporis, *AV* pro more Francorum in *O* converso, ac addito *R*, evaserit in *Orci*. Situs ille inter Brixiam, Bergomum, Cremonam, & Laudem Pompejam, a singulis multum distat: atque ideo peculiari sua ditione olim donatum opinari, non incongruum videbatur. Verum certò deprehendisse, quid fuerit locus & Comitatus *Aucensis*, tandem mihi visus sum. Scilicet regio illa, quae cis Padum inter Placentiam & Parmam jacet, appellaturque *lo Stato Pallavicino*, eo nomine designata olim fuit. Nunc *Buxetum* Oppidum illius caput est. Antiquis Saeculis *Auce* Oppidum, cujus nescio an ullum amplius superfit vestigium, aut quomodo immutatum fuerit nomen, regioni universae nomen dabat. Fortassis ex hujus loci ruinis crevit *Burgus Sancti Domnini*, nunc Civitas Episcopali honore decorata. Nam quod

A praeclaudatus doctissimus amicus meus Gaspar Berettus Monachus Benedictinus in *Dissertatione Chorographica Tomo X. Rer. Italicar.* pag. 121. praefixa opinatur, jam Saeculo Christi Nono *Burgi* illius mentionem occurrere in Placito Parmae habito Anno DCCCXXX. quod Campius evulgavit in *Historiae Eccles. Placentin.* Tom. prim. pag. 456. vereor, ut satis solidis fundamentis nitatur. Ibi agitata est controversia inter *Grimoaldum Avocatum da pars Monasterii Sancti Florentii in Florenzola*, & *Ursone Presbyterum tam de beneficium... da pars... Sancti Domnini &c.* Ita haec edidit Campius. Verum ibi legendum est *Ecclesiae, Monasterii, Oratori, Plebis*, aut quid simile, non autem *Burgi*. Infra legitur: *qui ad pars Sancti Domnini res suas pro animam suam dedet.* Ergo de Ecclesia illic agitur, non de Burgo. At unde hauserim ego, in tractu illo situm olim fuisse Comitatum *Aucensem*, sequens Diploma edocebit, quod ex Archivo Monachorum Casinensium Monasterii Placentini Sancti Sixti depromptum est.

Ludovici Germaniae Regis Diploma, quo Hirringardae Nepti suae quasdam Curtes concedit, Anno 876.

IN nomine Sanctae & individuae Trinitatis. Hludowicus divina favente gratia Rex. Notum sit omnibus Sanctae Dei Ecclesiae fidelibus, nostrisque praesentibus scilicet & futuris, qualiter dilecta Nepta nostra Hirringarda deprecata est celsitudinem nostram, ut ob mercedis nostrae augmentum quasdam res proprietatis nostrae consistentes in Italia ei in proprium concedissemus. Cujus petitioni ob amorem Domini nostri Jesu Christi libenti animo assensum

E praebentes, decrevimus ita fieri. Concessimus itaque ei illam Curtem in proprium, quae vocatur *Morcula*, consistentem in Comitatu *Pergama*, & *Lemin* Curtem in eodem Comitatu, & Curtem Majorem in *Placentino* Comitatu, & in *Aucia*, & novum Monasterium in *Papia*. Et jussimus ei fieri hoc nostrae auctoritatis Praeceptum, per quod decernimus atque jubemus, ut nec nos, nec ullus ex successoribus nostris ullam potestatem habeat in praefatis rebus ei qui-

quicquam auferre, sed eas cum omnibus ibidem adjacentiis vel pertinentibus diebus vitae suae securiter habeat, teneat, atque possideat. Post suum verò obitum ad suae filiae revertatur potestatem. Et ut haec auctoritas largitionis nostrae fir-

A | mior habeatur, & per futura tempora a fidelibus nostris verius credatur, & diligentius observetur, manu propria nostra subter eam firmavimus & anuli nostri impressione assignari iussimus.

Signum

POES  
LIL

Domini Hludowici serenissimi Regis.

Hebbarhardus Cancellarius ad vicem Liutberti Archicapellani recognovi & subscripsi.

Data IV. Kalendas Martii, Anno XXXVIII. Regni Domini Hludowici serenissimi Regis in Orientali Francia regnante, Indictio Octava.

Actum Francofurt, in Dei nomine feliciter: Amen.



Reperimus heic Curtem Majorem sitam in Comitatu Placentino, & in Aucia. At visitur adhuc Castellum Curtis Majoris in ditioe ad Pallavicinos Marchiones olim pertinente, conterminum agro Placentino. Vide etiam supra in Dissertat. XIX. de Tributis Placitum Anno DCCCCX. Cremonae habitum, in quo se nobis offert Advocatus Curtis Domni Regis Auce, quae dicitur Majore. Auce pro in Auce. Attamen perpende, num ipsi Curti Majori nomen fuerit Auce, atque inde universo illi Comitatu titulus Auciensis accesserit. Exploratum quoque habeo, pari Comitatus jure ac honore olim donatum fuisse

B | Oppidum Gardae ad Lacum Benacum positae, unde is Lago di Garda adhuc appellatur. Jam Charta producta in Dissertatione XIV. de Servis nos docuit, Civitatis nomine nobilem locum olim nequaquam caruisse. Atqui vix ulla erat Civitas, cui territorium proprium ac proprius Praeses sive Comes non esset. Addo nunc alterum Berengarii I. Praeceptum, unde hoc idem ediscere fas est. Illud autographum, curante Clarissimo Viro Marchione Scipione Maffeo, inspexi & descripsi Veronae in Tabulario praeclarissimi Monasterii Sancti Zenonis.

Berengarii I. Italiae Regis Diploma, quo terras & Manentes quoddam cum aliis juribus largitur atque confirmat Monasterio Veronensi Sancti Zenonis, Anno 893.

**I**N nomine Domini nostri Jesu Christi Dei aeterni. Berengarius Rex. Quia ad animarum pertinet lucrum quicquid Ecclesiis Dei & venerabilibus Locis confertur, & hic mos ab antiquis Regibus inolevit, ut Ecclesiae Dei de eorum donis & munere ditarentur: noverit omnium sanctae Dei Ecclesiae, nostrorumque fidelium, praesentium scilicet ac futurorum industria, Petrum Cancellarium nostrum, nobisque fidissimum, nostram exorasse clementiam, quatenus Coenobio Sancti Zenonis, ubi Corpus ipsius quiescit, preceptali inscriptione res pertinentes de Corte nostra Meletofitas in Garda juxta Ecclesiam Sancti Severi, cum olivis & vineis ad habendum jure perpetuo largiremur. Nos igitur ratam ejus arbitantes petitionem, predictas res, quae sunt jugera octo, sita in finibus Gardensis, cum olivetis, vineis, terris &c. sicut de Corte nostra Meleto pertinuerunt in integrum,

**A** ubicumque infra Gardam invente fuerint hereditario jure prefati Sancti Zenonis Coenobio per hoc munificentiae nostrae Preceptum concedimus & firmamus. Manentes preterea duos, quos Gisla Comitissa predicto sancto loco obtulit, qui pertinuerunt de Curte Albareto, quam nos eidem Gislæ per Preceptum contulimus, eidem sancto Coenobio ad habendum & proprietario jure tenendum firmiter corroboramus. Super predictas quoque res illud concedimus & donamus, ut sicut a Divae memoriae Hlothario Imperatore per Precepti paginam concessum est, liceat Abbatibus praefati Coenobii, qui per tempora fuerint, duas Naves in Pado, & in flumine Atbesis, & per cetera flumina habere ad navigandum & eundem, ubicumque necesse fuerit, absque ulla publica exactione & datione. Si quis vero unquam &c.

Signum ( ✚ ) Domni Berengarii gloriosissimi Regis.

Locus Sigilli ✚ cerei deperditi.

Restitutus Notarius jussione Regia ad vicem Adelardi Episcopi & Archicancellarii recognovi & subscripsi.

Data V. Idus Novembris, Anno Incarnationis Domini DCCCXCIII. Anno vero Regni Domni Berengarii gloriosissimi Regis VI. Indictione XI.

Actum Verona in Dei nomine feliciter. Amen.

Habes heic Curtem Meletam sitam in Garda, seu jugera octo sita in finibus Gardensis. Praecedentem Chartam cum

**D** ista confer, hoc est, formulam illam in finibus, atque intelliges Comitatum Gardensem negari jure non posse an-

antiquis Saeculis. Ita Comitatus Montefilicanus, nunc Montefice, Oppidum Patavini agri, mihi occurrebat in Charta Anno DCCCCXXVIII. scripta, quam in Chartario suo adservant Venetiis nobilissimae Sanctimoniales Coenobii Sancti Zachariae. Eiusdem quoque mentionem habes in Diplomatis Henrici I. & Conradi I. Augustorum, quae Ughellius edidit Italiae Sacrae Tom. V. in Episcop. Veronensib. Plures alii similes Comitatus evolventi veteres pergamenas sese offerent, unde nobilitata olim loca fuere, quae nunc aut ignobili fortunâ premuntur, aut prostrata penitus jacent. Sed inter eos potissimum a me poscit Comitatus Lucardus, ut eripiat e tenebris oblivionis. Positis pignoribus contenderem, paucis in mentem venturum, quis & ubi olim fuerit locus: excidit enim a multis Saeculis illius dignitas. Sed quae Charta illius nomen, eadem quoque & ejus situm mihi indicavit. Hanc ex Nonantulani Coenobii Archivo depromptam, scriptamque ante Annum Christi Octingentesimum, Lector accipiet in Dissertat. LXVII. de Modis acquirendi, &c. Nunc novisse sufficiat, ibi a Carolo Magno enumerari in Comitatu Lucardo Cortes nostra Sancti Petri in Mercato, seu Cortes nostra Monte Calvo, & Cortes Campanae, & Cortes Petroniano, Plebe Sancti Leonardi, Cortes a Furno, & Castro Ciliano, atque Monte Bonici, & Sancti Petri, cum Cortes Quintolo; & juxta fluvio Gofinza, Cortes Dominici, & Sancti Donati, Cortes Decimo, Plebe Sancte Cecillie, Cortes Penite, Plebe Sancte Mariae, Cortes Meleto, Cortes Monacile, Vadolongo, Quartes, Plebe Sancti Petri, Babaciona cum Capella Sancti Petri, Cortes Sepi, cum Ecclesia Sancta

A Maria, Cortes Caracle cum Ecclesia Sancti Martini, Cortes Casentino, Corticella una, qui vocatur Satri, Cortes Pincingno cum Cella Sancti Apostoli prope fluvio Selice. Siste nunc tibi ante oculos Italiam Magini, aut Ortelii Theatrum; atque ibi Chartam Topographicam Tusciae scrutare. Occurret inter Arretium, Florentiam, Senam, Volaterras, & Pisas, Vicus Lucardus. Hunc antiquissimis Saeculis inter Oppida computatum, eundemque esse, qui Comitatus honore fruebatur, agnoscere cogimur, ex reliquis locis in antiquissima ea membrana memoratis ac circumpositis. Adhuc enim si topographicas Chartas consulimus, in circuitu ejusdem loci intuemur Petrognano, Pogibonzi, idest Podium Bonici, quod idem puto cum Monte Bonici in pergamina adnotato, Monte Domenicchi, San Donato, Santa Maria, Meleto, San Pietro, &c. ut alia loca praeteream, quae eruditi Florentini facilius colligent atque animadvertent. Profecto quum in membrana commemorari vidissem Curtem Casentino, regionem illam indicari suspicabar, quae adhuc sub eadem appellatione Tuscis notissima est. Verum nulla in eo tractu occurrunt e locis in veteri Charta descriptis: & quando Lucardus vicus, seu Castrum superest, vix alibi quaerendus videtur Comitatus Lucardus. Senensi Urbi olim exiguus ager contributus fuit: quod ex Chartis producendis in Dissertatione LXXIV. de Parochiis intelligere possumus. Ac propterea nil mirum, si inter Civitatem illam & Florentiam interpositus olim fuit alter Comitatus. Anonymo Ravennati Lib. 4. inter Tusciae Civitates enumerantur Aresia, Graecae, Lugaria, Umbria, Bescernis, Equilia, Floria, Florentia &c. Qui



locus ab eo *Lugavia* nuncupatur, (ut alia plurima apud illum) fortasse depravatus ad nos venerit; & *Lugardam*, sive *Lugardum*, aut *Luchardum* referre omnino videtur; quem locum in Tuscia frustra Porcheronius & alii quaesierunt.

Redeo nunc ad *Feronianum* (il *Frignano*, sive *Frignano*), Pagum, sive Provinciam Mutinensis Ducatus, cujus supra facta est mentio, investigaturus, num antiquis temporibus territorii Mutinensis pars esset. Decurrente Seculo Christi Octavo, & sub Regibus Langobardis, suum agrum atque ditionem a reliquis solutam

A habuisse videtur. Paullus Diaconus Lib. 2. Cap. 18. de Gest. Langobardor. Nonam Provinciam Italiae describens, hoc est, *Appenninas Alpes*, ait: *In qua sunt Civitates Feronianus, Montepellium &c.* Ibi de *Frignano* agitur. Opinioni huic faventem habeo Chartam, cujus Apographum ante annos sexcentos exaratum adservant in Tabulario sui Coenobii Monachi Benedictini Regienses, olim Sancti Prosperi, nunc Sancti Petri. Ecce illam, elegantissimo, ut tute perspicies, Latino sermone conscriptam.

Litterae Jobiani Subdiaconi & aliorum ad Anfelpergam Abbatissam Monasterii Sancti Salvatoris Brixiani, in quibus eidem donant Piscarias positas in territorio Feronianensi, Anno 767.

R Egnante Domni nostri Desideri & Adelchis Reges, Regni eorum Undecimo & Nono, die VI. de Mensi Decembris, per Indictione VI. feliciter. Dilectissima nobis semper Donna Anfelperga a Deo dilecta Abatissa Monasterii Domini Salvatori, scita in Civitate Brexia, quam Dominus Desiderius Rex a fundamentis edificaver. Ideoque nus Jobianus Subdiaconus, Amantio filius Liberi, Martinorum, Stephano filius Albino, Beatus, Lupiconus, ac Martino. Cogitanti Jobiani Benenato donatores nus presentes presentibus dixi: Illas jura firmissima, que & spontanea conferitur voluntate, scribere providimus beatitudinis tue, ex nostri dono tibi concedere visi sumus Piscarie Sortis nostras, que ex integro in loco ubi nuncupatur Rio Torto, Terretorio Feronianensi, per designatas locas, idem de uno lanterio, quod tenet sine inter ipsis donanti & Martino Galabdius, & de alio lanterio, quod cur-

C rit Cluza uno capo tenente in ipsa Cluza, & de alio capo Johanne filius Daminco habente, & infra designatas locas nobis nunc reservamus fini tua, que supra Anfelperge Abbatisse confirmamus potestate vestra habendas & possidendas, & tuis . . . . defendendas; aut quicquid exinde facere aut judicare volueris, in vestra tribuimus potestate. Et nunquam nobis liceat nulle quod volumus dare semel vobis concessa, sed omnia, sicut superius legitur . . . nos inviolabiliter conservare promittimus.

Acto in Vico Bisbetum feliciter.

Ego Jobianus Subdiaconus in hanc Cartulam donationis a me facta manu subscripsi.

\* Signa manus Amantii filii condam Liveri, qui hanc Cartula donationis fieri rogavit.

\* Signa manus Martini Feliculi, qui hanc Cartula donationis fieri rogavit.

\* Ma-

- \* *Manus Stephani filius memorati Albino, qui hanc Cartula donationis fieri rogavit.*
- \* *Signa manus Beati, qui hanc Cartola donationis fieri rogavit.*
- \* *Signa manus Benenati filius Stephani, qui hanc Cartola donationis fieri rogavit, qui juxta Lege sua Langobardorum recepit Launecbit manente par uno.*
- \* *Signa manus Lupiceno, qui hanc Cartola donationis fieri rogavit.*
- \* *Signa manus Martino, qui hanc Cartulam donationis fieri rogavit.*
- \* *Signa manus Johannis filius bone memorie Donati testis.*
- \* *Vel Lampertus Notarius rogatus ad superscriptis donantis in hanc Cartula manu mea testis subscripsi.*

A

Ego Gaidoald rogatus ad superscriptis donantis in hanc Cartula donationis manu mea testis subscripsi.

Scripsit ego Godstalco Notario postredita coram testibus relege, complevi & dedit.

B

Dona illa sita fuisse dicuntur *Territorio Feronianensi*: quae dicendi formula plerumque apud antiquos idem significat atque *Comitatus*: & praesertim, quum nulla Mutinensis Urbis mentio addatur. Seculo autem Decimo se mihi altera Charta offert, quam in suo vetustissimo *Registro* custodit Respublica Mutinensis, unde subluere videtur, *Feroniani* fines etiam fines Mutinensis Comitatus fuisse. Istam quoque Lectori exhibeo.

C

### Examen testium in controversia de finibus inter Mutinenses & Bononienes, Anno 969.

**I**N nomine Domini Dei eterni. Otto gratia Dei Imperator Augustus, Anno imperii ejus in Dei nomine hic in Italia Octavo, & die Pridie Kalendas Julii, Indictione XII. Cum Donnus Otto Imperator Augustus in legatione sui imperii in Comitatu Mutinae resideret, altercatio facta est ante cum inter Bononienes & Mutinenses de confinibus & terminis Episcopatus eorum. In primis *Vitalianus* dixit: Sicut sum monitus ab anticos homines, inter Mutinam & Bononiam os esse fines, dico vel assero: Alpeque dicitur Capotauri; de Capotauri in loco, qui dicitur Androna; de Androna ad terminum, qui dicitur Cimbrianum; de Cimbriano ad terminum, qui dicitur ad Privatum; deinde descendit per Alpem maximam; inde per terminum Mauri; de terminum Mauri ad terminum, qui sunt ad Roncolamelli: de termino Roncolamelli ad Saxo Mulare. Et dum haberet infra terminos Semelanensis, vel Petilianensis. Sic dixerunt: *Vitalianus Martia*; De terminis, quod vos dicitis inter Semelanensem vel Petilianensem fines dexendere aut esse, non ero testis. Sed de terminis, qui sunt inter Bononiam & Mutinam testis sum. Deinde descenditur per Prato Barati: *Lupigenus germanus* dixit: Monitus sum a genitore meo, quod Alpem, qui vocatur Capotauri, finis esse inter Mutinam & Bononiam. Deinde termini, qui dicitur ad Andronam, descendente ad locum, qui dicitur Cimbrianum: de Cimbriano ad terminum, qui vocatur

Tom. IV.

D

E

C c

tur

tur Privato; inde descendente per Alpem maximam; deinde ad terminum Mauri; inde ad terminum, qui sunt a Roncholamelli; deinde ad terminum Saxomulare. Et monitus sum, quod ipse finem inter Mutinam & Bononiam descendit per Prata Barati. *Calventius & Brencius similiter dixerunt, qualiter superscripti Vitalianus & Lupezenus. Petrus germanus similiter dixit. Bonelo de Vichaleto similiter dixit. Petro de Jetimiano similiter dixit; Mauro Blancari, & Lupicenus Marcienensis dixit. Idem equaliter dixerunt homines commanentes in Villa Semelano de jam dictis terminis. In primis Dalterius dixit: Monitus sum a Vitaliano Manco, qui fuit Avum meum, quod finis esse inter Mutinam & Bononiam Alpem, qui dicitur Caupo Tauri; inde descendit ad terminum in Androna; deinde ad terminum in Cimbriano; inde ad terminum ad Privato usque ad Alpem maximam; inde per terminum Mauri; deinde ad terminum Runcholanelli, usque ad terminum Saxomulare; deinde ad terminum, qui est a Funtana Longobardorum; deinde ad terminum, qui est in Valle Griffonaria; inde in Aquarugiolo usque in Trararola; deinde ad terminum Dapuccli usque in Monte Parvialinense; deinde ad terminum in Vitefta; deinde ad terminum ad Clusa, habeant intentionem Semelanensis & Pitalianensi inter se. De finibus suis, sicut dixit superscriptus Vitalianus Martia, commanente in Pitiliano de finibus istis, quod dicitis, inter vos testis non ero, ut supra legitur; sed inter Mutinam & Bononiam testis sum; & percurrunt ipsi fines recto tramite usque in Prato Barati, deinde in Petrafiesta; inde ad Petram in Castaniolo; deinde ad terminum, qui*

A est fictus super Basilica Sancti Johannis. *Justinianus de Mumusiano dixit: Sic sum monitus de Lumello. Marso, vel Vitaliano Manco, & Vitaliano Bicono, vel Gondelia de Miciano, qui omnes superscriptos fines designatos Semelanensi similiter dixerunt, qualiter & Claterius. Johannes Gontarei dixit: Sic sum monitus de superscriptos homines anticos, quod per terminum, qui sunt a Saxomulare, inde per terminum a Funtana Longobardorum usque in Valle Griffonaria, & terminum in Quarajolo, & terminum in Trajarola, & terminum in Capudi; inde ad terminum in Monte Pervilianense usque in Vitefta; inde finem ad Clusam, sicut esse finis inter Mutinam & Bononiam. Gurus Marinus Maunciani, Williarinus Magistri Gustilla, Stephano Juliareni, Lupicenus, Matrone, Johannis & Sergius de Mociano, Martianus Cava, Lupicenus Rosomellitum, isti omnes similiter testes fuerunt; item qualiter dixerunt homines Montebellenses. In primis Domicus de Forticiano dixit: Admonitus fui, quando Martinus fecit mandutare Clusiam, & sic dixit nobis, ut ipsas lignas, quod Capelantius super istis a Petra po.... olim sicut fecimus, qui dixit nobis, si aliqua requiritio fuerit, hic est finis inter Mutinam & Bononiam. Testes similiter interfuerunt Ursus Georgii, Petrus de Funiano, Vulliarinus de Castro, Petrus de Veturiano, Lupicenus Mauri, Justinus Dovilia, Maurus Carosi, Blanco de Papuniano.*

*Actum est in Curia Domini Othenis Imperatoris feliciter.*

*Egfilverdus Notarius iussione Domini Imperatoris scripsi & corroboravi tam complevi.*

*Ego Degoldeus sacri Palatii hoc exemplum ex authentico, ut vidi,*

di, legi & cognovi, nil addens neque minuens, preter forte litteram vel sillabam plus vel minus, & sicut in eo continebatur, scripsi.

Ex his vides, *Semelanum* in *Feroniano* positum pertinuisse ad Mutinenses. Sunt & alia monumenta, quae produnt, proximam Villam *Adiani*, nunc *Aiano*, in Mutinensium potestate fuisse. *Saxum Molare*, quod adhuc suum nomen servat, limitaneum erat inter Mutinenses & Bononienfes. Et quum ejusmodi fines a montium jugo desumantur, reliquum est, ut Mutinensium ditio integrum *Feronianum* complecteretur, immo & alia loca, quae in jus Bononienfium postea cessere. Sed nihil dissimulandum: haec altercatio facta dicitur inter Bononienfes & Mutinenses de confinibus & terminis *Episcopatus eorum*: non ergo de finibus territorii ambarum Civitatum. Certum quippe est, saepe alios fuisse (quod & adhuc passim intuemur) fines Dioecesis, alios Territorii sive Districtus Urbium, ita ut modò brevior, modò latior Episcoporum aut Civitatum ditio fuerit. In Seprienfem & Stationensem Comitatus olim se quidem protendebant Archiepiscopi Mediolanensis, non autem Urbis, jura; & contra Mediolanensis Comitatus potestas interdum usque in Tellinam Vallem progressa est, quae tamen Novocomensi Episcopo suberat & subest. Ita & in Antiquitat. Estenfib. Par. I. Cap. 7. Curtem Murgulam memoravi, sitam Comitatu *Brixienfi*; *Parochià* (idest Dioecesi) *Cremonenfi*. Attamen quum non levis monumentorum copia adferri possit, unde appareat, *Episcopatus* vocem adhibitam fuisse ad designandum etiam Comitatum & Districtum Ci-

vitatum, quod nimirum saepe ac saepius non alii essent Episcopatus atque Comitatus fines, uti Canone 17. Oecumenici Concilii Calchedonensis constitutum videtur: propterea sua adhuc vis restat Chartae nuper productae ad prodendos terminos politicae ditionis inter hosce Populos. Et praesertim, quod lis agitata est in Saeculari Curia ante *Ottonem Magnum Augustum*, neutro ex Episcopis praesente aut instante; & identidem repetitur, eos esse fines inter *Mutinam* & *Bononiam*. Sunt & alia exempla, e quibus patebit, sub *Episcopatus* nomine significari etiam Comitatum.

Atqui Seculo XI. exploratum habeo, *Feronianum* suis Magistratibus paruisse, divisumque fuisse a Comitatu Mutinensi. In Tabulario Capituli Canonice nostrae Urbis donationem legi factam Ingoni Episcopo Anno *MXXXIV.* terrarum sitarum infra Comitatum *Ferengniense*. Rursus in altera pergamena exarata Anno *MXXXVI.* *Chunradus Dei gratià Imperator Augustus Anno Imperii ejus Deo propitio hic in Italia Nono, II. die ingrediente Mense Octuber, Indictione Quinta*, occurrit mihi *Ubertus filius bone memorie Daiberti de Comitatu Ferregnano*. Ita in Tabulario Monachorum Benedictinorum Mutinensium Sancti Petri membrana existit, scripta Anno *Tertii Henrici Imperatoris Indictione XV.* idest Anno Christi *MXVII.* aut *MXLVII.* in qua memoratur *Albizo filius Daiberti de Comitatu Feroniano Advocatus Monasterii*. Quo vero tempore Mutinensis Respublica *Feronianum*, aliaque contermina loca sibi subjecerit, patefaciam in Dissertatione *XLVII. de amplificat. Civitatum Italicar. dominat.* Interea ex haecenus deductis elucere potest, instabiles,

biles, multisque mutationibus obnoxios olim fuisse Comitatus ac fines Urbium. Quae rerum inconstantia mirum etiam in modum crevit, quum Urbium Comitatus coepti sunt liberalissime scindi, eorumque portiones effundi in Comites Rurales: quod praesertim contigit regnantibus Augustis Germanicis. Verum de hoc supra actum est in Dissertatione VIII. de Comitibus. Porro olim & aliae Civitates in Italia numerabantur, quarum vel ipsa vestigia excidisse novimus. Sunt tamen, quae nomen saltem retinent, quanquam a pri-

A maeva dignitate omnino prolapsae. *Antemnae*, exempli gratia, Civitas, Latinorum temporibus non ignobilis sane fuit, non multum distans a fontibus Anienis (nunc *il Tevere*) in Hernicis. Eam memorarunt Varro, Festus, Servius, Livius, Silius, & alii a Cluverio recensiti Libro 2. Cap. 9. pag. 665. Italiae antiquae. B Appellatur adhuc *Civitas d' Antina*, quanquam humili fortunâ fruatur. Ejus autem mentio occurrit in Literis Alexandri III. vel IV. summi Pontificis, quas e Codice MSto Cenci Camerarii descripsi.

Litterae cujusdam inhibitionis Alexandri Papae (III. vel IV.)  
ad Clerum & Populum Verulanum.

Alexander Episcopus, servus servorum Dei, dilectis filiis universo Clero & Populo Verulano salutem & Apostolicam benedictionem. Quum Terra vestra specialiter beati Petri, & nostri juris existat, graviter est puniendus, si quis vestram aliunde quam ab Ecclesia Romana requirit patrocinium vel tutelam. Indo est, quod Universitati vestrae per Apostolica scripta praecipiendo mandamus, quod nullus vestram ab aliquibus extra Verulas, quam ab Ecclesia Romana patrocinium vel defensionem praesumat requirere; nec aliquis vestram possessiones vel Silvas, quae in territorio vestrae Civitatis consistunt, alii, quam concivibus suis, vendere, donare, vel pignori obligare praesumat. Insuper & iam vobis omnibus inhibemus, ne quis vestram Bittoni quondam concivi vestro, qui egressus de Terra vestra ad Civitatem Antenae, sicut audimus, se transtulit, ut facilius vos & Terram vestram possit nocere, contra vos, vel eandem Terram auxilium praestare audeat vel favorem. Si qui autem Praecepti

C vel prohibitionis nostrae in hac parte fuerint transgressores, singuli banno decem Librarum se noverint subjacere.

Datum Tusculani V. Kalendas Decembris.

D Bobiensis quoque Civitas, & Episcopatu quidem ornata, olim illustris fuit, non illa, quae inter Genuam & Placentiam sita, a Sancto Columbano celebritatem nominis adepta est, sed quae posita in ditione Pontificia, Episcopatu quoque longe ante alteram est aucta. In hac Urbe agnoscenda decepti sunt Cluverius, Leander Albertus, Carolus a Sancto Paulo, Illustrissimus Fontaninus, & alii. Erudite & egregie de ea commentatus est supralaudatus Amicus olim meus P. Berettus in Prolegomenis ad Tabul. Chorographic. pag. 163. Tomi X. Rer. Italicarum. Dioecesis Bobiensis mentionem quoque invenio in monumentis Seculi XIII. ut e Charta subsequenti patebit. Quare accedit & hoc ad dignoscendum, non idem fuisse *Sar-*  
*sinam*

*finam ac Bobium*, quod Ughellius nobis persuadere voluit in Tomo 2. Ital. Sacr. Nam longe ante Annum MCCXXXII. quo data est Charta e memorato MSto Codice Cencii desumpta, & nunc mihi evulganda, *Sassenatensis Episcopus*, ejusque Dioecesis in honore erant, uti monumenta ab ipso Ughellio producta evincunt; &

A in Diplomate Conradi I. Augusti An. MXXVIII. confirmantur *Sassenatensi Ecclesiae* quaecumque ad ipsam pertinent in territorio *Sassenatensi &c. & infra Comitatum Bobiensem, in territorio Feretrano, in Caesinati Comitatu &c.* ita ut videas diversa fuisse *Sarvinam, & Bobium.*

**Instrumentum, quo Ugucio Dadei Deo & Ecclesiae Romanae obtulit omnia bona sua, quae habebat vel habere debebat in Dioecesi Castellana, Feretrana, & Bobiensi, Anno 1232.**

**I**N nomine Christi. Anni ejus sunt MCCXXXII. Indictione V. die VII. exeunte Mense O<sup>ct</sup>ubris, tempore Gregorii Papae & Friderici Imperatoris. Ego quidem in Dei nomine Ugucio Dadei de Castro Aldice, pro me & pro filiis meis, propria & spontanea voluntate, liberoque arbitrio, pro redemptione animae meae & parentum meorum, do & offero Deo & Ecclesiae Romanae & tibi Domno Raynaldo Domni Papae Subdiacono, Capellano, Massanorum Rectori, & Apostolicae Sedis Legato, recipienti nomine ipsius Ecclesiae Romanae, concedo & trado omnia mea bona praesentia & futura, quae habeo & teneo, vel aliquis pro me habet vel tenet, vel mihi pertinet in Dioecesi Castellana, Feretrana, & Bobiensi: scilicet Castrum Alsari, & ejus Curtem, Castrum Corneti & ejus Curtem, Castrum Masseti & ejus Curtem, Castrum Montisajusti & ejus Curtem, & partem meam Castri Frageti & ejus Curtem, & ea quae habeo in Villis Montisrotundi, & in Villis de Calance, & Rocbettam, & Castrum de Silvaplana, & Castrum Montis Portulacae, & Castrum de Fonte Clusi, & Castellum Veclum, & Castrum Montisbetolini, & Villam de Rasello, & Castrum

A de Frisciana & ejus Curtem. Haec omnia praedicta cum omnibus suis pertinentiis, & cum omni jure & actione mihi in dictis rebus competenti & competituro, do & trado tibi dicto Domno Raynaldo Legato recipienti, sicut dictum est, nomine dictae Romanae Ecclesiae. Quae omnia confiteor me possidere nomine ipsius Ecclesiae Romanae, & ad fidelitatem & servitium ejus. Et omni secundo Anno in festo Sancti Pancratii Domno Papae unum Assurem, & unum Cereum unius Librae cerae Plebi Xistini de Massa, nomine Censui vel Pensionis solvere promitto. Et hoc ideo dictum est in secundo anno solvere pensionem praedictam, quia frater meus Raynerius de parte sua debet tantumdem solvere, sicut continetur in publico Instrumento facto per manum Magistri Stephani Notarii. Quam donationem, oblationem, concessionem, & traditionem per me meosque liberos & heredes in perpetuum firmam tenere, & contra non venire, sed ab omni persona legitime defendere & autorizare cum meis expensis tibi Domno Legato, tuisque successoribus nomine Ecclesiae Romanae promitto & obligo sub poena Mille Marcharum argenti puri & optimi, sollemni stipulatione interposita, & poena salu-

*Soluta, haec omnia praedicta sunt in perpetuum firma & rata. Praedictus Dominus Hugutio hanc paginam verbum dedit scribendi.*

*Hoc actum ad Plebem Xistini de Massa in praesentia talium testium, scilicet Archipresbyteri Plebis Xistini Rainerii, Domni Galterii nepotis Domni Legati, Bonzii de Valle Vatula, Deusalve de Cornano, Deusalvi de Plano, Guidonis de Caneto.*

*Ego Johannes, sacri Palatii Lateranensis, & Communis Massae Notarius, his praedictis interfui, scripsi, complevi, & in publicam formam redegi, & signum meum posui.*

Civitatis quoque *Ansedoniae* nomen in antiquorum monumentis occurrit, e cujus ruinis Oppidum Orbitelli in ora maris Tyrrheni surrexisse creditur. De illa mentionem habet Berettus in nuper laudatis Prolegomenis pag. 207. Evulgavit etiam Ughellius Tom. primo Ital. Sacrae in Episcop. Ostiensibus, ac deinde Margarinus in Bullar. Casinens. Tomo 2. Constitution. 25. Diploma Leonis III. Papae, & Caroli Magni Imperatoris, per quod ambo integram eandem Civitatem, quae ab omnibus vocatur *Ansedonia*, donant Monasterio S. Anastasii, quod est positum ad Aquam Salviam. Verum Diploma illud omnino supposititium mihi videtur. Ignota est omnibus antiquis Historicis victoria Caroli eo in loco, ut ibi scribitur, non sine ingenti miraculo reportata. Ab eorum temporum ritu abhorret, tum Papam, tum Imperatorem conjuncta auctoritate ejusmodi dona fecisse. Ad haec Carolus appellatur *magnificus & praesens Rex*: tum se subscribit hisce verbis: *Ego Carolus Imperator Augustus*, quemad-

A modum etiam subscribit *Hugo Dux Luxoviensis vel Lugdunensis*: quae aevo illo inaudita sunt, uti & poena inobedientibus indicta, persolvenda Romano Imperio. Neque Annum secundum Epocham Dionysianam apponere tunc in usu fuit, ut alia omittam. Quamobrem donationem quidem praefraete non negarim (Civitas quippe illa exstitisse olim potuit) sed pertinaciter insistendum non est documento illi saltem dubio, quamquam Turrigius quoque Part. 2. de Crypt. Vatican. illius fragmenta retulerit, scripta, ut is ait, in pariete sub porticu Monasterii ejusdem Romae positi. Nam quamvis donationis hujus memoria occurrat etiam in Alexandri IV. Bulla, ab eodem Ughellio edita, atque altera sit mihi, nondum evulgata, Gregorii VIII. Papae, in qua sacro eidem loco confirmatur *Civitas Ansedonia*: attamen quum subsequentes Bullae innitantur fundamento incerto Bullae Leonis III. praelaudati, quid certi ex hisce fluat, non video. Consule etiam Malavoltum in Histor. Senens. Lib. 2. Nam si ei hac in re fides habenda, Carolus Magnus donavit *la Terra di Ansedonia* Aedi sacrae Sancti Anastasii non longe ab eo loco positae, qua Anno DCCCCXXXV. a Saracenis vastata, Alexander III. post duo Secula ejusdem fundos & jura in Monasterium Romanum Sancti Anastasii delle tre Fontane transtulit. Vide tandem Chronicon Monasterii Vulturnensis in Samnio positi, quod evulgavi Part. 2. Tomi prim. Rer. Italicar. Ibi pag. 343. Figura VI. fragmentum chorographicum visitur, in quo fluvius exhibetur, penes quem jacet *Monasterium Sancti Petri*. Ex altera parte *Urbs Ansedona*. Tum *Urbs Fidea*. Si certò nobis innotesceret, de

de quonam Coenobio agatur illic, situm fortasse Civitatis *Ansedonae* certius teneremus. At pag. 353 ejuldem Chronici Desiderius Langobardorum Rex suo Diplomate (quod tamen spurium nemo non videat) testatur, se aedificasse *Monasterium beati Petri Apostoli in Valle Tritense*, cui in dotem tribuit, *quidquid per Alpes & Colles, quae habentur inter Tritensem & Pinnensem, & intra Forcunensem Comitatum &c.* atque illud donat Vultur-nensi Coenobio. Suppositiciū, inquam, est illud Diploma; antiqua tamen fictio. Et siquidem ad hocce Monasterium spectet fragmentum illud Chorographicum, ubi mentio facta est Civitatis *Ansedonae*, olim fue-

rit illa non in Etruria, neque in agro Senensi, sed quidem in Vestinis, sive in Aprutio ulteriore, atque adeo in Regno Neapolitano. Falco Beneventanus ad Annum MCXXXIII. auctor est, Rogerium Regem suae subdidisse potestati post Materam *Civitatem aliam nomine Ansam*. In eodem Chronico memoratum videas pagin. 355. alterum *Monasterium beati Petri Apostoli, situm juxta fluvium Sabbati, territorio Beneventano*. Ne hoc quidem in Tuscia positum, ubi tamen *Ansedona* a recentioribus sita fuisse creditur. Consisto: immensam namque navigationem susciperet, qui Italiae Urbes excisas aut depressas sigillatim recensere in animum induceret.



1

2

3

DE LEGIBUS  
ITALICORUM,  
ET  
STATUTORUM ORIGINE.  
DISSERTATIO  
VIGESIMASECUNDA.

60830 4 1 000

MIT/0000 0000

1 1

EAIDIO 0000 0000

0 1 1 A 1 1 1 1 1 1

0 0 0 0 0 0 0 0

000

00





Antiqui Codices MSti, ac praeter-  
tim Mutinenses, quibus ego sum  
usus, Salicam, Langobardicam, A-  
lamannicam, Bavaricam, Ribuariam,  
atque ipsam Romanam, contractam  
tamen ac breviam, distincto ordi-  
ne complectebantur: atque in iis  
periti essent eorum temporum Judi-  
ces ac Jurisconsulti oportebat, ut  
pro diversa litigantium Lege cau-  
sas agitarent atque dirimerent. In  
supra memorata Praefatione ad Lan-  
gobardicas Leges versus attuli ex eo-  
dem Codice Mutinensis Cathedralis  
descriptos, quorum primum repeto:

*Hunc Heres Librum Legum conscri-  
bere fecit*

*Everardus prudens. . . . .*

Conjectabam ego, *Everardum* illum  
*Heroem*, idest Principem, quo curan-  
te collectae fuerant Veterum Leges  
in Italia olim usurpatae, fuisse *Eve-  
rardum*, seu *Eberhardum Forojulensem*  
*Ducem* seu *Marchionem*, Berengarii  
postea Regis ac Imperatoris patrem,  
& Gislæ Ludovici Pii Augusti filiae  
maritum. Nunc eandem conjectu-  
ram novo adminiculo confirmatum  
eo. Postremas ejusdem Everardi Co-  
mitis atque Ducis tabulas evulgavit  
Aubertus Miraeus in Codic. Dona-  
tion. piar. Cap. 15. non Anno Chr.  
DCCCXXXVII. ut ille opinatus est,  
sed Anno DCCCLXVII. ubi Prin-  
ceps ille inter cetera inquit: *Volu-  
mus, ut Unroch* (primogenitus ejus  
filius) *habeat Librum de Lege Franco-  
rum, & Ripuariorum, & Langobar-  
dorum, & Alamannorum, & Bavario-  
rum*. En quanti faceret ille Librum  
hunc, & quam non immerito ei tri-  
buisset mihi licuerit earundem Le-  
gum collectionem in Mutinensi Co-  
dice memoratam.

A Dixi, Everardum, qui Berengarii  
Augusti pater fuit, & Cifoniensis  
Monasterii fundator, *Forojulensem*  
quoque *Ducem* sive *Marchionem* fuisse,  
tum gravibus conjecturis adductus,  
quas Valesius in Notis ad Panegyric.  
Berengarii, & Amicus doctissimus  
Berettus in Dissert. Chorographica,  
Tom. X. Rer. Italicar. pag. 68. attu-  
lerunt, tum etiam apertissimis aliis  
documentis innixus; non vero iis,  
quae Annalista Metensis habet apud  
Du-Chesnium ad Annum Christi  
DCCCLXXXVIII. nempe: *Quaedam*  
*pars Italici Populi Berengarium filium*  
*Everhardi, qui Ducatum Forojulianum*  
*tenebat, Regem sibi statuunt*: haec  
enim indicant quidem, Berengarium  
Ducatu Forojuliano praefuisse, non  
verò illius patrem. Attamen habe-  
mus a Frodoardo Lib. 4. Histor. Re-  
mens. *Everardum* hunc ipsum, *Mar-  
chionem* fuisse. Immo hos de illo  
Rhythmos adfert Dacherius Tomo 2.  
pag. 878. Spicilegii novissimae edi-  
tionis:

*Regibus immensis Everardus Cifoniensis*  
*Creditur aequalis, ut ait Liber Hi-*  
*storialis:*

*Qui de Nobilium descendens stirpe Vi-*  
*rorum,*

*Dicitur Italiae quondam tenuisse Du-*  
*catum.*

E Habemus Everardum *Marchionem* ac  
*Ducem in Italia*. Comes etiam in ejus  
Testamento, aliisque in monumentis  
appellatur. Praeterea Frodoardus idem  
Lib. 3. Cap. 26. Histor. Remens. Ec-  
clesiae, Epistolas Hincmari recensens;  
ait, ipsum scripsisse *Viro illustrissimo*  
*Eberardo ex Principibus Lotharii*. Non  
alium heic designari puto, quam Be-  
rangarii patrem, Principem in Ita-  
lia, ubi Lotharius Augustus dege-  
bat.

bat. Atqui exploratum habemus, Eberardum ipsum in Italia per annos complures habitasse; ipsumque ejus Testamentum conditum fuit Anno Ch. DCCCLXVII. in Comitatu Tarvisiano in Corte nostra Musiestro, hoc est in Urbe Ducatus Forojuliensis, ubi & vivere desiit. Accedit quod ante Annum DCCCXLVIII. Gotthescalcus famosus Monachus ob controversias de Praedestinatione Româ in Gallias revertens, apud Eberardum ipsum diversatus, doctrinam suam in Venetiae Civitatibus disseminare coepit. Quamobrem eâ de re certior factus Rabanus Moguntinus Archiepiscopus a Notingo, non Veronensi Episcopo, sed Brixiano, literas & Opusculum ad ipsum Notingum misit, edita ab Ughellio Tomo 3. Ital. Sacr. in Episcopis Clusinis. Literas etiam dedit ad Heberardum Comitem in Italia habitantem, significans, vulgatum fuisse Moguntiae, quendam sciolum, nomine Gotthescalcum apud vos manere, qui dogmatizet &c. In antiquissimo autem Codice, quem Ughellius ad manum habuit, post Opusculum nuper memoratum, subsequitur inscriptio haec: *Item Epistola Rabani Archiepiscopi ad Heberardum Ducem*. Quare quamquam Comes a Rabano appelletur *Everardus*, quo etiam nomine in Testamento ipsius donatur: discimus tamen, ipsum apud veteres nomen etiam tulisse *Ducis*. Scilicet qui olim *Duces*, & *Marchiones* fuere, iidem etiam fuere *Comites*, & Seculo praecipue Nono vix aliâ quàm *Comitis* appellatione compellabantur. Ad haec Albericus trium Fontium Monachus ad Annum DCCC-LIV. ista tradit: *Hoc Anno Comes Eberhardus cognomento Radulfus, Dux Forojulii a Lothario constitutus, Corpus Callisti Papae ab Episcopo Brixiae No-*

*tingo* (en cujus Urbis tunc Episcopus iste foret) impetravit, & in praedio suo apud Tigonium (scribe Cisonium) Tornacensis Dioecesis attulit. Satis haec futura forent ad persuadendum nobis, Eberhardum Ducatui seu Marchae Forojuliensi usque ad Annum DCCCLXVII. praefuisse. Verum testem locupletissimum proferre juvat ejusdem veritatis, immo & alterius. Nimirum non Eberhardo tantum, sed & Hunroco illius primogenito Marcham eandem a Ludovico II. Augusto traditam fuisse regendam. Lucem hanc debemus Claris. viro Johanni Burchardo Menkenio, potentissimi Poloniae Regis & Electoris Saxonici Consiliario, qui Tomo primo Veter. Scriptor. Rer. Germanicar. pag. 90. breve Chronicon evulgavit *Andrae Presbyteri* Itali, quod in Tom. I. hujus Operis Dissert. I. a me recusum habes. Hic autem, ipso Ludovico II. imperante florebat. En ejus verba: *Multam fatigationem Langobardi & oppressionem a Sclavorum gente sustinuerunt, usque dum Imperator* (hoc est Lotharius I. aut Ludovicus II. ejus filius) *Forojulanorum Eberhardum Principem constituit. Quo defuncto Unroch filius ejus in Principatum successit*. Itaque usque ad Annum DCCCLXVII. Forojulii Marchio & Dux fuerit *Eberhardus*: deinde *Hunroch* ejus filius natu major; illo autem e vivis sublato, *Berengarius* filius natu minor, qui tandem Italiae Rex, & Imperator Romanorum fuit. Ac propterea vides, quam merito censuerim, ad hunc ipsum Eberhardum referendam esse Collectionem Legum in Mutinensi Codice comprehensam, qua scilicet Populi in civili commercio & in fore uterentur.

Ritus autem conficiendi ac promulgandi Leges, non is olim fuit ac nostris temporibus apud nonnullos Regum ac Principum servatus. Tunc enim Leges perpetuo duraturae, ac universo Regno imponendae, non ab uno arbitrio ac providentia Principis, ejusque Consistorii manabant; sed opus erat, ut iis accederet *Consilium & Consensus* Ordinum sive Primatum Regni. Singulis ergo annis consueverunt Italiae Reges generalia Regni Comititia habere, plerumque Ticini, & plerumque recurrentibus Kalendis Martiis. Eò hac de causa confluebant praeter Palatinos, etiam Proceres Regni, hoc est *Duces*, & *Judices*, qui *Comites* sub Francis postea sunt nuncupati, sive Praefides Urbium, & militiae Praefecti. *Episcopi* quoque, praesertim sub Francis & Germanis, coibant illuc, quod & ipsi primas in Populo tenerent, & Regalibus non paucis procedente tempore fruerentur. In iis Comititiis, non secus atque in sacris Episcoporum Conciliis, novae Leges edendae proponebantur, expendebantur. Neque antea illas promulgare mos fuit, quàm eas probasset Procerum coetus, in quo universi Regni, ut ita dicam, mens & voluntas conclusa videbatur. Hunc honorem Populo suo habebant Reges ii, quos nunc barbaros tanta facilitate appellamus, & ego in primis. Jam habet Lector Praefationes Legum Langobardicarum a me evulgatas in Libro supra memorato: eas mecum percurrat. In calce sui Edicti Rotharis Rex haec scribit: *Leges patrum nostrorum, quae scriptae non erant, literis tradidimus, partemque earum Consilio, partique Consensu Primatum, Judicum, cunctique felicissimi Exercitus nostri, augentes constituimus.* Grimoaldus Rex in Pro-

A logo suarum Legum & ipse fatetur, se eas sanxisse *per suggestionem Judicum, omniumque Consensum*. Neque aliam rationem tenuit Liutprandus Rex, qui Lib. prim. ait, ea sibi placuisse una cum omnibus Judicibus de Austriae & Neustriae partibus, & de Tusciae finibus, cum reliquis fidelibus meis Langobardis, & cuncto Populo assistente. Eadem ipse repetit in aliis Praefationibus ad Libros suarum Legum. Idem quoque a Ratchisio Rege praestitum animadvertes. Sed & Aistulphus Rex testatur, se convocatis ex diversis partibus Regni nostri Judicibus, communi Consilio novas Leges in Edicti paginam affigi statuisse. Quas etiam Carolus Magnus Italico Regno observandas proposuit, ipse non aliter sanxit, quàm congregatis in unum Episcopis, Abbatibus, Viris Illustribus, uti ex ejus Praefatione didicimus. Patrem pariter imitatus est Pippinus Italiae Rex, qui suas Leges statuit, quum adessent nobiscum singuli Episcopi, Abbates & Comites, seu reliqui Fideles nostri Franci & Langobardi. Exciderunt Praefationes Legum Ludovici Pii, Lotharii I. Ludovici II. & Guidonis Imperatorum, e quibus nullus dubito, quin paria hausuri essemus, si incolumes ad nostra usque tempora evasisent. Pauca etiam, quae Otto II. Augustus decrevit, in Comititiis Veronensibus stabilita sunt Anno DCCCC-LXXXIII. omnibus Italiae Proceribus convenientibus & consentientibus. Neque alibi quàm in Comititiis Regni Henricus I. Imperator Leges suas ab omnibus Proceribus attestatione laudis confirmatas emisit. Ita dum Turegi in universali Conventu Langobardorum Henricus II. Augustus sederet, ait se Legem sanxisse Episcoporum, Marchionum, Comitum, aliorumque multorum

*nostrorum Fidelium Consensu & Auctoritate probatam.* Praeterea vide Praefationem Lotharii II. Augusti ad Legem a se editam in Comitibus Roncaliensibus, uti & Radevicum Lib. 2. Cap. 7. referentem Leges, Roncaliae itidem promulgatas a Friderico I. Imperatore, accedente semper Italicorum Procerum Consilio & voto. Neque aliam consuetudinem in ferendis novis Legibus fuisse Francorum, Alamannorum, aliarumque gentium Regibus, tum veterum monumenta, tum Schilterus, aliique Juris publici Germanici Scriptores, multis ostendunt. En ergo quid olim Imperatores ac Reges praestarent, quum indicenda Populo nova quaequam Lex erat. Nam quod est ad Caesarum nostri temporis in hisce potestatem ac limites, complures eruditorum Libros, in Germania scriptos, consulere Lectoris erit, plura ediscere cupientis.

Quot ergo Legibus pro diversitate gentis uti sinerentur incolae Italici Regni, facultate eis facta a Regibus & Augustis, jam vidimus. Quomobrem unusquisque secundum suae Legis praescripta hereditates & successiones adibat, contractus conficiebat, se se ac sua defendebat, sacramenta

A praestabat; multas verò secundum Legem illius, cui inlata fuisset injuria, persolvebat. Audi Pippinum Regem Italiae in Lege IX. *Si latrocinia vel furta, aut praeda inventa fuerint, emendentur, juxta ut ejus Lex est, cui malum ipsum perpetratum fuerit.* Rursus idem in Lege 46. *Sicut consuetudo nostra est, Romanus vel Langobardus si eveneris quod causam inter se habeant, observamus, ut Romanus Populus successione eorum juxta suam Legem habeat. Similiter & omnes scriptiones juxta Legem suam faciant. Et quando jurant, juxta Legem suam jurent. Et alii homines ad alios similiter. Et quando componant, juxta Legem ipsius, cui malum fecerint, componant. Et Langobardus illi similiter convenit componere.* Tunc autem morem fuisse, ut omnia fere crimina componerentur, jam supra in Dissert. XIX. de Tribus palam feci. Partim laesis, partim Fisco pecuniaria illa poena, in Legibus ipsis statuta, persolvebatur: qua ratione evadebant & ipsi homicidae: neque enim capitale plerumque fuit, hominem occidere. Non ingratum, reor, Lectori erit exemplum rei accipere, quod mihi suppeditavit insigne Tabularium Monasterii Ambrosiani Mediolanensis.

**Charta compositionis coram Petro Abbate Monasterii Mediolanensis Sancti Ambrosii, in qua Magnifredus de Alebio, pro poena Aldii, ad idem Monasterium spectantis, a se occisi, domum, terras & res mobiles dimittit supradicto Coenobio, Anno 870.**

**N**otitia qualiter se conjunxerunt Leo Presbiter & Monachus Monasterii Sancti Ambrosii, necnon & Magnifredus de Alebio finibus Valtellina, perveniens ipsius Monasterii, presentia Petri venerabilis Abbatis eidem Monaste-

E rio Sancti Ambrosii, & Ambrosii, & item Ambrosii, Judices Civitate Mediolano: accesserunt cum eis Leo Argentarius filio Grasemberti de Treburzio, Odobertus de Lamponiano, Odelfredus filius quondam Iselprandi de Concoretio, Achi-



*Abnaldus Notarius, Bonus de Pariani, Radebertus & Aupertus Vassalli Sancti Ambrosii, Aribertus Clericus de Sorebate & reliqui. Dicebat ipse Leo Presbyter & Monachus de parte superscripti Monasterii contra predicto Magnesfredus, eo quod ipse Magnesfredus in peccatis venisset super quondam Melesone, qui fuit Aldius ipsius Monasterii de superscripto Vico Alebio, & sic eum occidisset, unde a parte ipsius Monasterii iustitia facere deberet. Sed ipse Magnesfredus statim concedens, se professus dixit & manifestavit: Hoc veritas est; vetare non quero nec possum, quia in peccatis dum me cum ipso Melesone Aldione ipsius Monasterii comisi, sic eum ferivi, unde ipse Melesus mortuus fuit. Sed minime tantum habeo de mobilibus, unde ipsa compositio dare aut persolvere possum. Sed habeo in aliquantulum de Casellula & terrula mea. Peto, ut eam in quantum est pro ipsa compositione a parte istius Monasterii recipere & habere debatis. Sed in quantum minus est valente de ipsa compositione, dum usque habeo, recipere debeatis de mobilia mea, in quo habeo, usque ad ipsa compositione implendum. Sicuti presenti ipse Magnesfredus per fuisse de manu tradavit in manu superscripto Leoni Presbytero & Monachis a parte ipsius Monasterii presenti pro ipsa compositione habendum superscripta Casellas & ceteras edificias & terrula vel res suas in tantum quantum ipsa esse debet compositione pro morte superscripti quondam Melesoni Aldius ipsius Monasterii, quam dicebat occidisset, ea ratione ut accedant super ipsas Casellas & res quas pro ipsa compositione dedeant ad estimandum & habendum exinde a parte superscripti Monasterii presenti die in tantum, quantum ipsa com-*

*A* positione Legibus esse debent, & in quantum ipsa res minus valuerit quam ipsa compositione adimplere mobilibus suis, in quo habuerit.

*Hoc actum est ad ipsum Monasterium Sancti Ambrosii, Anno Imperii Domni Hludowici Imperatoris Vigesimo Primo, Mense Novembrium, Indictione Quarta.*

*B* Ambrosius Notarius ibi fuit.

*Abrosius Notarius interfuit.*

*Bonus interfuit.*

*Odelfredus interfuit.*

*Ego Aribertus Clericus interfuit.*

*Ego Odelbertus interfuit.*

*\* \* Signum manibus superscriptorum Radeberti & Aupertii interfuerunt.*

*C* *Ego Radebertus Notarius hunc breve scripsi & interfuit.*

*D* Legem Nonam supra allatam Pippinus Rex hisce verbis concludit: *De ceteris vero causis communis Legi vivamus, quam Dominus Karolus excellentissimus Rex Francorum atque Langobardorum in Edicto adiunxit. En ut Capitularia a Carolo Magno addita Legi Langobardicae, non Langobardos modò, sed & Romanos, idest Romanae Legis sectatores, Francos quoque, ceterosque Regni Italici habitatores constringebant. Cur tamen Langobardi tantum & Romani, (idest Italici reliqui, non e Langobardorum semine procreati, sed ab antiquis Italiae incolis profecti) a Pippino memorentur, si quis petat, respondeo, fortassis in causa fuisse, quod praecipua gens Italici Regni adhuc ex duobus illis Populis constaret. Verùm & sub Pippino Italiae Rege Franci, Bajuvarii, ac Ripuarii, stabilem apud Italos habitationem sibi conquiescerant, atque heic stipendia merebant, uti & exterarum aliarum gentes, quae Italicum coelum patrio*

*prac-*

praeferentes, stirpem suam heic pro-  
pagarunt, iisque tunc datum est, ut  
suae gentis Lege & ipsi uterentur.  
Luculentum testem heic habeo Pip-  
pinum ipsum Regem, qui in Lege  
28. inter Langobardicas statuit: *De  
diversis generationibus hominum, quae  
in Italia commanent, volumus, ut ubi-  
umque culpa contigerit, unde sayda cre-  
scere poterit, pro satisfactione hominis  
illius, contra quem culpaverint, secun-  
dum Legem ipsius, cui negligentiam com-  
miserint, emendent.* Ad haec inter  
Capitularia ipsius Pippini Italiae Re-  
gis, edita a Baluzio Tomo I. Capi-  
tular. pag. 542. quae tamen inter  
Langobardicas Leges non recensentur,  
& aequius fortasse referenda sunt  
ad Carolum Magnum, hoc in primis  
commemorandum est. *Explicare debent  
ipsi Missi, qualiter Domino Regi dictum  
est, quod multi se complangunt, Legem  
non habere conservatam. Et quia omni-  
no voluntas Domni Regis est, ut unu-  
squisque homo suam Legem pleniter ha-  
beat conservatam: si alicui contra Le-  
gem factum est, non est voluntas sua  
nec iussio.* Quam sollicitus esset Caro-  
lus Rex de privilegiis seu pactis Ita-  
lico Populo nuper conquisto servan-  
dis, hinc habes. In Regno etiam  
Francorum plures erant Leges pro-  
batae a Regibus, & quibusdam gen-  
tibus peculiares, & ab iis passim  
usurpatae. Ut ergo pateret, quam  
quisque Legem intra Italiam seque-  
retur, in contractibus, judiciis, alii-  
sque actibus adhibendam; & ne cui  
liceret mutatione Legis alios eludere  
sive in negotiis & successionibus,  
sive in litibus: unicuique opus erat  
suam profiteri Legem, secundum  
quam regendus in posterum foret.  
Nondum certior factus sum, an  
quisquam in Italia, Langobardis re-  
gnantibus, Legis suae mentionem in  
Tom. IV.

A contractibus fecerit, quam Lango-  
bardi suâ, Itali indigenae Romanâ  
uterentur. Nullum profecto hujus rei  
vestigium in Chartis eorum tempo-  
rum haecenus offendi, nisi quod  
Clariss. Mabillonius in Appendice ad  
Tom. 2. Annal. Benedictinor. num.  
24. ex apographo tabulas refert, qui-  
bus *Manigundis veste Monialium indu-  
ta, quae visa sum vivens Lege Lan-  
gobardorum, Cairatense Monasterium  
fundat, & patrimonio donat in Co-  
misatu Sepriensi, nunc in agro Me-  
diolanensi, ut in praecedenti Differ-  
tatione vidimus. Sed mihi suspecta  
est illius Chartae fides ex hoc ipso,  
quod Legem suam profiteatur: id  
enim vereor, ut in usu tunc fuerit.*  
B Praeterea Charta illa scripta dicitur  
C *Regnante Domino nostro Liutprando &  
Heldeprando nostris excellentissimis Regi-  
bus, Anno eorum Vigesimo Tertio, Men-  
se Julii, Indictione Quinta.* Haec er-  
roribus scatent. Non iidem fuere an-  
ni Regni Liutprando atque Hilde-  
prando. Et ab Anno XXIII. Liutpran-  
di abhorret Indictio Quinta. Vide su-  
pra in Dissertatione XIV. de Servis.  
D Ad haec Manigundis donat eidem  
Monasterio quaecumque *infra ipsum  
Regnum Italicum habere visa sum.* Ve-  
rùm sub Regibus Langobardis audita  
nunquam fuit *Regni Italici* mentio.  
Ad posteriora Secula ea dicendi for-  
mula spectat, ut exempla ostendunt,  
quae in Antiquitatibus evulgavi.  
E Reliqua omitte, atque ad Francos  
Italiâ potitos descendo.

Nulla dubitatio est, quin sub eis  
publica confessio Legis viguerit. Lo-  
tharius enim Primus Augustus Anno  
DCCCXXIV. Romae Legem hanc,  
idest 37. inter Langobardicas pro-  
mulgavit: *Volumus, ut cunctus Popu-  
lus Romanus interrogetur, quali Lege  
vult vivere, ut tali, quali professi fue-  
runt*

*vint vivere velle, vivant. Quod si of-  
fensionem contra eandem Legem fecerint,  
eidem Legi, quam profitentur, subjace-  
bunt. Quantā verò diligentia haec  
Legis professio eodem ipso Lotha-  
rii I. Seculo praestaretur, non satis  
mihi constat. Nam in tabulis illius  
aevi fere nunquam occurrit mentio  
Legis, quam homines in contracti-  
bus sequerentur. Opinor ergo huic  
debito factum fuisse satis professione  
duntaxat Nationis, quae revera ex-  
primi consuevit ipso etiam Saeculo  
ab iis, qui in Langobardia, sed mi-  
nime Langobardi origine, versaban-  
tur. Nam qui sese inscribebat ex ge-  
nere Francorum, aut ex genere Ala-  
mannorum, is etiam Legem suae gen-  
tis se profiteri significabat. In pluri-  
mis autem Chartis ejus aevi men-  
tionem factam Nationis invenias.  
Exemplum accipe ex pergamena au-  
thentica Archiepiscopi Lucensis scri-  
pta Anno DCCCLV. his verbis:  
Regnante Domino nostro Hlothario Im-  
perator Augusto, Anno Imperii ejus  
postquam in Italia ingressus est, Trige-  
simo Tertio, & filio ejus Domino nostro  
Hludewico idemque Imperator Anno Se-  
xto, X. Kalendas Octubris, Indictione  
IV. Manifestu sum ego Baldericho, ho-  
mo Franciscus, filio bone memorie A-  
derichi, quia convenit mihi ana tecum  
Hieremias, gratia Dei hujus sancte Lu-  
cane Ecclesie humilis Episcopus, ut in-  
ter nos de aliquantula rerum viganum*

*A* *facere deberemus &c. Permutationem  
faciunt, & ad visitanda praedia missi  
sunt quidam da parte Adalversi Co-  
mis, idest Comitiss. Eam quoque in  
rem non incongruum puto edere  
Chartam, quam archetypam olim vi-  
di in Tabulario Reipublicae Cremon-  
ensis. Ingelberga, seu Angelberga,  
& Angilberga Imperatrix insigne Mo-  
nasterium Sancti Sixti Placentiae ere-  
xerat, uti toties monui, atque inco-  
lendum sacris Virginibus tradiderat,  
quod postea Anno MCXII. Mathildā  
Comitissā urgente, in Monachorum  
ditionem ac habitationem cessit. Mul-  
ta Coenobio huic Angilberga largita  
fuerat, plura etiam a Ludovico II.  
Augusto viro suo ad illud in dies  
magnificentius ditandum impetrarat,  
atque inter cetera Curtem de War-  
destalla celebrem, quae nunc Gualstalla  
appellatur, titulumque Ducis suo  
Principi desert. Hanc postea Parthe-  
noni eidem dono dedit, uti constat  
ex Histon. Eccles. Placentin. Campii.  
Itaque Anno DCCCLXIV. vel DCCG-  
LXV. missus est ab Imperatore Gual-  
bertus Episcopus Mutinensis Wardestal-  
lam, ut Petrum quemdam, Manda-  
tarium, ut ajunt, ipsius Augustae in  
realem possessionem induceret Curtis  
illius: quo officio is impigre fun-  
ctus est coram multis testibus, quo-  
rum Nationem consignatam quoque  
intuere.*

Walpertus Episcopus Mutinensis, Missus Ludovici II. Augusti  
Engelbergam Imperatricem in possessionem immittit  
Curtis Guardistallae, Anno 864. vel 865.

**I**N nomine Domini. Imperante Domi-  
nus nostro Hlodebivicus magnus Im-  
perator Anno Quintodecimo, die de Men-  
se Novembris, Indictione Terciadecima,

**E** feliciter. Breve recordationis, qualiter  
Walpertus Mutinense Ecclesie Epi-  
scopus, & Missus Domini Imperatoris  
veniens Wardestalla, habens exemplat  
Pre-

*Precepti Domini Imperatoris, quem ob multitudine dilectionis Auguste Inghelbergae, jure proprietario Domino Imperator predicta Cortem cum Capella & dote sua, cum omnibus servis & ancillis, ac dominiis, agris, vineis, pratis, pascuis, silvis, aquis, aquarumque decursibus, cunctisque in integrum ab eadem Curtem aspicientibus, seu omnibus mobilibus & immovilibus juxta & legaliter ab eadem pertinentibus perpetualiter habendum concesserat: quod exempla relictum eorum presentia, quorum nomina subto leguntur, idest Tancredus Capellanus & Consiliarius Domini Imperatoris, Gisbertus, Adulfus, Deusdedit, Ragimfredus, Ragimbertus, Adebberus, Teudericus, Petro, Atrepaldo, Amicho ex genere Franchorum, Teuperto ex genere Francorum, Fulcherius ex genere Alamanorum, Joanace Presbiter, Vitale Presbiter, Austrevertus Presbiter, Germano, Presbiteri ex genere Francorum, Raperto Presbiter, Hadebald Diacono ex genere Francorum, Ildeberto Diacono, Raperto Diacono, Urso Langobardo, Urso Presbiter, Luvegiso ex genere Francorum, Adrevertus ex genere Francorum, Grinebertus Notarius, Inglericus ex genere Alamanorum. In istorum omnium superscriptorum presentia post relictum exemplar jam dictus Walpertus Episcopus ex iussione Domini Imperatoris a parte Domne Ingebergae Auguste, Petrum juris ejus famulum & Ministrum vicem ejusdem Auguste per columnam de domo ejusdem Curtis jam fatum Petrum revestivit jure proprietario, sicut in eadem contenebatur exemplar.*

*Actum est haec in predictam Curtem Wardestalla die IV. Kalendas Decembris, feliciter.*

*Ego Walpertus Episcopus & Misus Domini Imperatoris post. acta traditione subscripsi.*

A

*Ego Urso Presbiter supra nominatus interfui.*

*Ego Jobennatus Presbiter supra nominatus interfui.*

*Ego Roperto Presbiter supra nominatus interfui.*

*Ego Germanus Presbiter supra nominatus interfui.*

*Ego Ildepertus Diaconus supra nominatus interfui.*

B

*Signum manus Anteberti interfuit.*

*Ego Teudebertus supranominatus interfui.*

*Ego Giseverto interfui.*

*Ego Ropertus supra nominatus interfui.*

*Ego Ragimfrido interfui.*

*Signum manus Attrapaldi qui interfui.*

C

*Signum Inglerici qui interfuit.*

D

Heic habes ritus eorum temporum minime diversos a nostris. Sed alia etiam de causa apud me multo in pretio est Charta praesens, quod nos manu ducat ad detegendum, addendumque albo Episcoporum Mutinensium Praefulem, quem Gaspar Sillingardus hujus Urbis Episcopus in Catalogo omnium Episcoporum Mutinensium edito Mutinae Anno MDCVI. ignoravit, neque Ughellius in Italia Sacra agnovit, utpote qui Sillingardo uni acquiescens, ejus Librum in usum suum convertit. Exhibent Scriptores isti Privilegium a Ludovico II. Imperatore concessum Ernido Episcopo Mutinensi Decimo Tertio Kalendas Octobris, Anno Christo propitio Imperii Domini Ludovici piissimi Augusti Undecimo. Verum in membrana ejusdem Privilegii, adservata in Tabulario Capituli Canonorum Mutinensium Notas Chronologicas ita signatas vidi: *Data Decimo Tercio Cal. Octubris, Anno Christo propitio Imperii Domini Hludowici piissimi Augusti. XX.*

E

E c 2

Indi-

*Indictione XI.* Habemus heic *Annum XV.* Imperii Ludovici II. Habemus quoque annum eundem in Charta nuper editâ; sed heic conjunctum cum *Indictione XI.* illic cum *Indictione Tertiadecima*, ita ut mendum in alterutram ex hisce Chartis irrepsisse videatur. Verum discordia ista, si ex diversae Epochae usu ac diverso Indictionis exordio, ut conjicio, perfecta est, facile tollatur. In Wardestallensi Charta nunc producta, Anni Imperii Ludovici II. deducti fuerint ab Anno Romanae coronationis, hoc est ab Anno DCCCL. quo decurrente Mense Novembri adhuc decurrere potuit *Indictio Tertiadecima*. Non enim, ut Pagius censet, eo Seculo nova Indictio ubique in cursu esse incipiebat Mense Septembri. Atque adeo Chartam hanc spectare dicemus ad Annum DCCCLXV. dum certum sit, quod Pagius statuit, eundem Augustum Romae coronam accepisse die secundâ Decembris Anni DCCCL. At Diplomatis a Sillingardo & Ughellio editi Epochâ deducenda videtur ab Anno DCCCXLIX. quo Ludovicus II. a Lothario Augusto parente suo consors Imperii renuntiatus est ante diem XIX. Septembris: ac proinde Privilegium illud datum fuerit Anno DCCCLXIII. dummodo *Indictio XI.* integrum Annum rexit. Quare habemus, *Erni-*

A do Episcopo Mutinensi *Gualbertum* successisse Anno DCCCLXIV. vel DCCCLXV. Si tabulas insignis Archivi Canonorum Mutinensium Sillingardus diligentiori curâ excussisset, quod nunc deprehendimus, didicisset & ipse. Scilicet ibi Charta legitur, scripta Anno XXVI. *Ludovici Magni Imperatoris* (& supra a me edita in Dissertatione XIII. *de Hominib. Liberis*) in qua idem *Walpertus* sive *Gualpertus Episcopus Mutinensis* cuidam Johanni terras Ecclesiae suae sitas in Collegaria in emphyteusim concedit. Est is Annus Christi DCCCLXIX. secundum Epocham Italici Regni. Successorem habuit *Gualbertus Leodoinum*, qui a Sillingardo & Ughellio *Leodoinus* appellatur, cujus etiam Chartam proferre juvat, ex eodem Canonorum Mutinensium Archivo depromptam, ubi ejus archetypum adservatur. Inde etiam colligi potest ritus profitendi Nationem, quem jam ex praecedenti Charta didicimus. Scilicet in hac altera memoratam videas *Adelburgam Dei ancillam*, hoc est Monastica veste indutam, quae fuit conjux *Auterami Comitis ex genere Francorum*. Hunc fuisse Comitem Mutinensem, opinari liceat. Ejus autem Nationis ideo facta videtur mentio, ut dignoscatur, qua Lege ejus quoque uxor uteretur.

Leodoinus Episcopus Mutinensis Adelburgae Moniali, olim Auterami Comitis Conjugi, in emphyteusim concedit Oratorium Sancti Desiderii, Anno 876.

IN nomine Domini nostri Jesu Christi. Imperante Domino nostro Karolo magno Imperator Augustus a Deo coronato, Anno Imperii ejus Primo, die XII. de Mense Junio, per Indictio Nona.

E Placuit adque convenit inter Dominus Leodoinus gratia Dei Mutinensis Episcopus, nec non sed etiam & inter Adelburga Dei Ancilla, qui fuit Conjug Axterami Comite ex genere Francorum,

corum, ut in Dei nomine ego qui supra Adelburga vel meis heredes resedere & laborare debeamus in terra vel casa, seu res sancte Ecclesie Mutinensis, locis, ubi dicitur inter Ramo & Fredo nec non & Sicla, quod est Oratorio Sancti Desiderii de beneficio Horsbini, & est per mensura ad perticas legitimas de pedes duodecim juges undecim modium unum, omnia in integrum. Ut diximus, ipse suprascripte res, qualiter superius legitur, resedere & laborare debeamus ego qui supra Adelburga, quam vel meos heredes ad laborandum, colendum, casas canalibus edificandum, vitis ponendum, pastinandum, propaginandum & excolendum, fossatas cavandum, roncandum, adque in ibidem edificias faciendum, & in omnibus suprascriptis rebus & casis seu & Oratorio meliorentur, nam non pejorentur, usque advenientibus continuo annis viginti & nove isti proximi advenientibus. Et pro ipsi suprascriptis rebus & casis seu & Oratorio vobis dare debeamus in Missa Sancte Marie, quod est in Mense Augusti, Solidos quinque tantum vobis, qui supra Leudoini Episcopi, vestrisque successores, quam vel ad Missis vestris sine omni tarditate vel neglectum. Et in iudicio patroni stare debeamus ad rectam iusticiam faciendam: & si noluerimus, per potestatem nobis pignorare debeatis sine publica auctoritate. Penas vero inter nos posuimus, ut si exire aut minare aut aliqua superposita feceritis, vel neglectum fecerimus, tam nos suprascripti quamque successoribus aut credibus nostris & probatum fuerit, tunc promistimus componere unus alterius, cui culpa inventa fuerit, idest pena nomine in argento Solidorum viginti, & post pena soluto hoc Libelli convenientie, sicut superius legitur, in sua permaneat firmitate. Unde duo Libelli pari tinore conscripti sunt.

A

Acto Mutine die, Regni, & Indictione suprascripta feliciter.

✠ Signo manuum Adelburge, qui hunc Libellum fieri rogavi & firmavi.

Scripto Libello per manum Johanni Presbitero & Notario sancte Ecclesie Mutinensis, post tradito complevit & dedit.

B

Ita in pergamena insignis Ambrosiani Mediolanensis Monasterii Archivi a me inspecta hae Chronologicae notae praeferuntur: Hlotharius divina

C

bordinante providentia Imperator Augustus Anno Imperii ejus Vigesimo..... Domni Hludowici Regis filii ejus Anno Quarto, Mense Martio, Indictione XI. idest Anno DCCCXLVIII. Subscribunt autem testes ex genere Allamannorum, & alii ex genere Francorum. Altera ejusdem Archivi Charta visitur scripta Anni Imperii Domnorum nostrorum Hlotharii & Hludowici filii ejus Imperatoris Trigesimo Tertius, & Tertius, Mense Novembrio, Indictione Prima, hoc est, Anno Christi DCCCLII. si Indictio a Septembri initium sumit. Nimirum Epocham Regni Italici a Lothario adhibitam heic habes. Ludovici II. ejus filii Epocham deducenda videtur ex Anno DCCCXLIX. quo cum Lotharius pater consortem Imperii renuntiavit, si verum est, quod Pagius contendit, ejusdem Ludovici II. coronationem Romanam ad Annum subsequentem DCCCL. die secundam Decembris esse referendam. Itaque in ea Charta occurrit Adelburga relicta quondam Adalgisi de Selanno una cum Simpertus Sculdascio tutore suo, & filia Balderici de genere Allamannorum. Praecepit Lotharius I. Augustus, uti supra vidimus, ut cunctus Populus Romanus interrogetur quali Lege vult vivere & Legis hujus in Urbe ipsa promulgatae

E

tac consecraria heic intueris. Pariter in additamentis ad Chronicon Casauriense Part. II. Tom. II. Rer. Italicarum pag. 972. habetur Charta Anno DCCCLXVIII scripta, cui ita subscribunt testes: *Ego Gregorius filius Leonis de Civitate Roma, Legem vivens Romanam &c. Signum manus Johannis Ducis de Civitate Roma, Legem vivens Romanam &c. Tenhaldus Legem vivens Romanam subscripsi. Signum manus Landerici ex genere Romanorum.* Hi vetustiores, qui mihi haecenus occurrerint, disertis verbis Legem suam profitentes. Subsequitur in eodem Casauriensi Chronico altera Charta Anno DCCCLXXI exarata, in qua *Sifenandus ex genere Francorum domos & agros vendit.* Testes ejusdem Nationis subscribunt, afferentes se ex genere Francorum; sed nulla ibi Legis mentio. Nam qui Nationem profitebatur, Legem quoque, si nihil aliud addebat, Nationis ejusdem se observare fatebatur. Hunc autem usum indicandae Nationis seu Franciae seu Alamannicae &c. crebrius in Saeculi X. contractibus observatum videas in eum, quemadmodum jam innui, finem, ut simul dignosceretur, cui Legi addicti ho-

A mines forent. Illustis Vassi *Alamannicae Nationis* mentio est in Charta, cujus antiquissimum exemplum reperi inter rudera olim ditissimi Charophylacii Monasterii Nonantulani. Verum notas Chronologicas accuratius descriptas exoptassem: quippe illas nimium claudicare video. Tum apud Ughellium in Episcop. Tarvisin. Tom. V. Ital. Sacr. tum in Catalogo Abbatum Nonantulanorum, quem in Dissertatione LXVII. de *Modis acquirend.* producam, Liutefredus Nonantulanus Abbas Anno DGGCLL lectus fuisse traditur. Verum nullus alius testis laudatur, nisi pergamena ipsa, quam sum editurus. Itaque dum statuamus, agi heic de Charta sincera, ejusque vitia refundenda esse in antiquum Librarium: pertinuisse eadem potuit ad Annum Christi DCCCLXI vel DCCCLXII. Ludovico II. Augusto imperante, ac emendanda erunt verba illa *Anno Imperii eorum XXXIV.* Attamen vox eorum indicat, excidisse nomen *Lotharii I.* five is confors Imperii cum Ludovico patre fuerit, five Ludovicum filium socium in ea dignitate habuerit. Ita vero se habet Charta illa.

Donatio Warti Vassi Imperialis facta Monasterio Nonantulano agri Mutinensis, ac ejus Abbati Liutefredo, circiter Annum 861.

**I**N nomine Domini nostri Jesu Christi. Dominus Imperator Ludovicus divina ordinante providentia Imperator Augustus, Anno Imperii eorum XXXIV. Tertiodecimo Kalendas Novembris, Indictione X. Monasterio beatissimorum Apostolorum & Christi Confessoris Silvestri sita Nonantulam in territorio Mutinense, ubi Liutefredus Abbas esse videtur. Ego in Dei nomine Warti Vass-

E sus Domni Imperatoris, Legibus vivens Alamannorum, praesens praesentibus dixi: Quisquis in sanctis ac venerabilibus locis ex suis aliquid contulerit rebus, juxta auctoritatem vocem centuplum accipiet, & vitam possidebit eternam. Ideo ego Warti Vassus Domni Imperatoris, dono & offero a die presenti in aeternum haec venerabilem locum, idest Casam, Curtem massericam juris mei, quoniam

habeo in loco & in fundo Madio, territorio Veroniense, tam mea portionem, quamque quondam Teovaldi germano meo, ut dictum est, tam casas cum orto, campis, vineis, pratis & silvis vel omnia & in omnibus quicquid in predicto loco vel inibi circiter ea per singula loca, & casaliam ad ipsa Casa pertinet . . . & intus Civitate Verona casa in loco . . . a Isachio germ . . . possidem, & defensatam fuerint . . . sanctum hac venerabilem locum in subsidium Fratrum do & offero per presente Cartula, que superscripte terre . . . corporalem tibi Liutefredo venerabili . . . ejusdem Monasterii a parte Monasterii facta est, & me exinde foris expuli & absatiso . . . & Monasterium vestrum intromisi perpetualiter possidendam. Si vero quod futurum esse non credo, ego ipse, quod absis, aut alius de hereditibus ac prohereditibus meis, seu qualibet persona contra hanc pagina offerensionis me venire aut eam infringere conaverit, inferet ad partem ipsius Monasterii, quod est pena auri optimi Libre decem, argenti pondera decem, & quod repeterit, vindicare non valeat, sed presens pagina offerensionis mee omni tempore inviolata permaneat cum stipulatione subnixi, & bergamina cum atramentario de terra

A levavi; Andrea Notarius tradidit scribere rogavi, in qua cubiter confirmavi, testibusque obtulit roborandam.

Actum in Civitate Mantua, in Palatio . . . . .

Qui autem Franci aut Alamanni erant, e ritu dignosci solent, quo utuntur in donationibus atque venditionibus. Nam in signum traditi dominii ac possessionis, festucum nudatum, vasum terrae, vel ramum arboris, vel pergamenam, vel calameum cum atramentario, vel calcellum &c. de terra attolentes, emptori aut donatario tradebant. Plurima sunt in Opere isto hujus ritus exempla; attamen heic adferre decrevi nonnulla. E Chartae Ferrariensis pessime descriptae exemplo haec excerpti: Petrus Vasso & Misso Domni Bulgari Comes de Comitate Cumiadensis apprehendit quazone de terra, & misit in manibus Romaldelli, dicens: Ecce trado ad per investituram a te per te, ad permanendum in te, & in vestris hereditibus & prohereditibus in perpetuum &c. Annus heic desideratur. Berengario I. Italiae Regi inter paucos carus fuit Anselmus Urbis Veronensis Comes, uti ex sequenti Diplomate patebit, cujus apographum vetustum in Nonantulani Monasterii Tabulario vidi.

### Barengarii I. Italiae Regis Diploma, per quod Anselmo Comiti Veronensi Curtem Duas Robores donat, Anno 910.

IN nomine sancte & individue Trinitatis. Berengarius divina ordinante clementia Rex. Justum ac congruum satis omnino . . . dilectissimo Conjugis nostrique Regni consortis Berchthile precibus nostre serenitatis aurem libenter accommodamus. Quapropter universorum sancte Dei Ecclesie nostrorumque, presentium scilicet ac futurorum

E comperiat experientia, qualiter dilecta Conjux nostra, nostrique Regni consortis Berchthila nostram deprecata est clementiam pro fidei nostro Anselmo glorioso Comite, nostroque Compatre & Confiliario, ob fidei illius puritatem, quam sepe probavimus, ut ei per hoc nostre auctoritatis . . . proprietario nomine Curtem juris Regni nostri, quo Dñs Re-



*Robores dicitur, pertinentem de Comitatu Veronense; nec non terras & predium in Rovescello cum Capella, que in onore beati Zenonis ante irruptionem Paganorum in eodem loco constructa erat, concedere dignaremur. Nos verò ejus humilitatis precibus grater acclinati, eidem fideli nostro Anselmo glorioso Comiti prefatam Curtem nostram, que ad Duas Robores dicitur, cum omnibus rebus & pertinentiis suis, mobilibus & immobilibus, terris videlicet &c. Servis utriusque sexus, colonis, redhibitionibus, seu cum omnibus, que dici vel nominari possunt, ad eandem Curtem hactenus pertinentibus; predium quoque & terras in Rovescello adjacentes, cultas & incultas, una cum Capella nominata, seu cum omnibus mobilibus & immobilibus cum Pratis &c. sbeloneis, ripaticis, publicis exactionibus, vel quicquid in Portu & in fundo Rovescelli Regie parti in presenti pertinere*

*A* *dinoscitur prefato Anselmo Comiti jure proprietario per hoc nostre concessionis Preceptum . . . . & de nostro jure & dominio in ejus jus & dominium omnino transfundimus atque donamus ad habendum &c. Si quis igitur &c.*

*Signum Domni Berengarii serenissimi Regis.*

*B* *Ambrosius Cancellarius ad vicem Ardingi Episcopi & Archicancellarii recognovi.*

*Data VI. Kalendas Augusti, Anno Dominice Incarnationis DCCCCX. Domni vero Berengarii serenissimi Regis XXIII. Indictione XIII.*

*Actum in Curte Rodingo, in Christi nomine feliciter. Amen.*

*C* *Atque hic idem Anselmus Veronensis Comes ex genere Francorum fuit, ac filius Waldoriensis. Testem habeo alteram Chartam, ex eodem Nonantulano Archivo depromptam.*

**Anselmus Veronensis Comes Monasterio Nonantulano Mutinensis agri Castrum, aliaque donat, Anno 911.**

**I***N nomine Domini nostri Jesu Christi. Regnante Domino nostro Berengario Rege hic in Italia Anno Vicefimo Quarto, sub die de Mense Septembris, Indictione XV. feliciter. Monasterio Sancti Silvestri sito in Comitatu Mutinense, loco, ubi vocabulum est Nonantulas, ubi isto moderno tempore Gregorius venerabilis Abbas esse videtur, & ubi multas res a bonis hominibus delegate sunt: ego quidem in Dei omnipotentis nomine Anselmus gratia Dei Comes Comitatu Veronense, & filius bone memorie Waldoriensis Francorum genere do & concedo & trado atque offero in superscripto Monasterio beati Sancti Silvestri pro remedio anime mee vel parentum meorum, idest*

*D* *quod Deo & ad ipsum sanctum Monasterium do, cedo ac trado atque offero presenti die obitus mei ad jure ipsius Monasterii, ad habendum ad vitam & cibum Monachorum seu pauperum, qui ibidem modo sunt, vel qui pro temporibus ipsum sanctum locum Monastice militaverint; hoc est Casus juris illius proprietatis mee, quod est Castrum unum cum casis & rebus, que mihi superscripto Anselmus Comes iam ante hos plurimas dies per Chartam donationis pro suscepto Launegildo da Audiberto Diacono, qui Audo vocatur, sancte Veronensis Ecclesie advenit: quas ego habere & possidere videor hic in Comitatu Veronensi in loco & fundo, qui vocatur Castro de Nogaria non valde lon-*

longe a Curte, que vocatur Duas Robores, ab ipsis prenomatis Casis & rebus cum omnia de quantum ibidem habere visus sum. Quod sunt terra cum casis & alias edificias earum super fe habente cum Curtis & aliis rebus tam infra eodem Castro, qui nominatur Nogaria, quamque & de foris ipso Castro insimul adberentem cum casis & rebus, & cum omnia de quantum ibidem habere visus sum, de quantum mihi suprascripto Anselmo Comiti per jam dicta Carta donationis, quas supra legitur, michi Legibus pertinet aut pertinere debet cum omni integritate & pertinentia sua ab ipsis suprascriptis Casis & rebus meis pertinentem vel aspicientem, presenti die obitus mei de meo jure & dominium in potestatem & dominium sit in potestatem Abbati, qui modo est, vel qui pro temporibus fuerint: ad jure ipsius Monasterii habendum, tenendum, & faciendum exinde ipsis casis & rebus, sicut superius legitur, ad regendum & gubernandum, sicut & de aliis casis & rebus ipsius Monasterii facere visi sunt. Et ut hec presens meam paginam offerfionis, sicut supra legitur, presenti die obitus mei cum omnia, qualiter superius legitur, omnique tempore in ipsum sanctum locum firmam & stabilem perpetualiter permaneat sine omni contradictione hominum, & ex mea vel heredumque meorum; & si aliquid de heredibus ac proberedibus meis aut quolibet ulla opposita persona hominum post diem obitus mei surrexerit, qui contra hanc meam paginam offerfionis ire quandoque temptaverint aut eam ifrangere & contradicere voluerint, tunc componat ipsis heredibus ac proberedibus meis ad jure ipsius Monasterii ipsis hominibus, rebus in duplum, & insuper componat pena auxum optimum. Libras tres, argentum pondera sex coactos absolvant, & de hoc quod reperierint, nihil vendicare valeant, sed presens hec meam

Rem. IV.

A paginam offerfionis, quem ego suprascriptus Anselmus Comes meo bono animo fieri rogavi in eodem sanctum locum, sicut supra legitur, firmam & stabilem permaneat cum stipulatione subnixam. Et quia ego ipse suprascriptus Anselmus Comes huic membrana insimul cum calamo, seo & atramentario & penna, & wafone terre, ramo pommaris, fistucum notatum, atque & cultellum, & wantos, totum insimul iusta Legem meam Francorum de terra levavi: & Martino Notario tradidi ad scribendum, & testes in qua hic subius confirmans ad me rogatos obtuli ad roborandum.

Acto in Civitate Verona feliciter.

B Signum ✠ suprascripti Anselmi Comitis, qui hac paginam, sicut superius legitur fieri rogavi ad omnia suprascripta, & ei relictum est.

C Signa ✠ ✠ ✠ manibus Beroni Vasso ejusdem Anselmi Comitis & Martinus Vasso ejus, & Isenbertus filio quondam Genherti ex Francorum genere, testes.

D Ego Petrus Scavinus rogatus manu mea subscripsi.

Ego Gisulfus rogatus manu mea subscripsi.

Ego Ildebertus Scavinus rogatus manu mea subscripsi.

Ego Donatus Scavinus rogatus manu mea subscripsi.

Ego Rogerius Notarius manu mea subscripsi.

Ego qui supra legitur Martinus Notarius rogatus hanc paginam scripsi & post traditam complevi.

Ejusmodi autem donationi, ut stabilis in posterum foret, curâ Monachorum accessit etiam confirmatio supra memorati Berengarii I. Regis, cujus Diploma ex pervetusto apographo in Tabulario Nonantulani ejusdem Monasterii adtexo.

F f

Be-

**Berengarii I. Italiae Regis Diploma, per quod Monachis Nonantulanis Curtem Duas Robores eis ab Anselmo Comite donatam confirmat, Anno 911.**

**I**N nomine Domini Dei eterni. Berengarius Rex. Noveris omnium fidelium sancte Dei Ecclesie, nostrorumque, presentium scilicet ac futurorum, industria, eo quod Anselmus Comes Veronenſis per Cartulam oblationis Monasterio beati Silvestri ſito Nonantulas contulerit pro remedio anime noſtre & ſue, Curtem, que dicitur ad Duas Robores, & predia quedam locata in Portu & fundo Rovescella, una cum Capella ibidem in honore Sancti Zenonis edificata finibus Veronenſibus, ſub integritate, ſicut nos dudum noſtre largitatis Precepto eidem Anſelmo Comiti jure proprietario conceſſimus. Ac per hoc duo preſati Monasterii venerabiles Monachi, Petrus videlicet Presbiter & Johannes Decanus per Odelricum noſtrum karissimum fidelem & nobilem virum suppliciter nobis . . . . . petentes noſtre pietatis clementiam, ut eandem Cartulam oblationis ſimul cum preſata Corte Duas Robores & predia ſua Rovescello pariter cum jam dicta Capella ad honorem beati Zenonis conſtructa in integrum, ſicut nos haſtenus pretaxato Anſelmo Comiti per noſtrum donavimus Preceptum, ita divino amore ſuccenſi noſtre confirmationis titulo corroborare dignemur: Quorum precibus acclinati eandem Curtem Duas Robores cum omnibus ap-

**A** penditiis ſuis, caſis videlicet, terris, &c. ſimul cum prediis & Capella, &c. pro ut preſato Anſelmo Comiti conſulimus proprietario jure &c. per hoc noſtrum regale Preceptum confirmamus eidem Monasterio uſque in perpetuum ad habendam & commutandum, quatenus Abbas &c.

**B** Signum Domni Berengarii ſereniſſimi Regis.

Johannes Notarius juffu Regis recognovi.

Data V. Kalendas Novembris Anno Dominice Incarnationis DCCCC-XI. Domni vero Berengarii ſereniſſimi Regis XXIV. Indiſtione V. Decima.

**C** Actum Papiac in Chriſti nomine feliciter. Amen.

**D** Animadvertas etiam velim, non in Contractibus tantum homines Salicae, ſeu Francicae Legis adhibuiſſe ritus illos uſonis, ſeſtuci, vami, undilaginis &c., ſed etiam in poſtremis tabulis: quod tamen rarum mihi viſum eſt in altera Charta ejusdem Anſelmi Comitis. Fortaſſe tamen id factum fuerit, quod Donationem potiùs quam Teſtamentum ſuprema haec ejus voluntas referre videatur. En illam ex antiquo apographo, exiſtente in nuper laudato Archivo, depromptam.

**Teſtamentum Anſelmi Comitis Veronenſis, omnia ſua Monasterio Nonantulano deſtinantis, Anno 910.**

**I**N nomine Domini noſtri Jeſu Chriſti. Regnante Domino noſtro Berengario Rege hic in Italia Anno Viceſimo

**E** tercio ſub die de menſe Decembrio, Indiſtione XIV. Dum pius ac Redemptor omnipotens Deus domini in hoc ſeculo vi-

vitam concesseris, semper debet illud agere, quod Deo acceptabile est, & parum Deum . . . . in hoc seculo protegente Christo incolumis assistere valeat, & insuper quod melius, vitam possideat eternam, & vocem Domini audire mereatur: venite ad me, qui vestra reliquistis, & me sequuti estis. Ideoque ego Anselmus Comes Comitatu Veronense: manifestum est mihi eo quod absque filiis filiabusque legitimis esse invenior, qui mihi secundum Legem succedere debeant, propterea providi ut aliquid de rebus meis juris proprietatis mee, quas hic super nominatim declaravero, deveniat presenti die obitus mei in Monasterio beati Silvestri sito in Comitatu Motinense, loco ubi vocatur Nonantula, ubi multa Corpora Sanctorum requiescunt in pace, & ubi multae res a bonis hominibus delegate sunt, ubi Gregorius Abbas Custos & Rector esse videtur . . . . idest quod Deo & ibidem ad superscripto Monasterio beati Sancti Silvestri presenti die obitus mei do ac trado atque offero ad victum & cibum Monachorum & pauperum. Hoc est Cortes meas nominative, quas ego superscriptus Anselmus Comes habere videor, que posite sunt in finibus Veronensis locus, ubi vocabulum est Duas Robores. Et addo ibidem in superscripto Monasterio beati Sancti Silvestri, idest Capella una, & Oratorium Sancti Zenonis, que dicitur sita in Villa, que nominatur Roverfella, cum omni ad easdem Cortes & Capellam pertinentem usque in fluvio Menago percurrente in Tartaro; & sicut mihi superscripto Anselmo Comiti per paginam scriptionis Preceptum da Domino & Seniore meo Berengario glorioso Rege advenit ab ipsis prenominationis Curtis & Capella, qualiter superius legitur, una cum terris, casalinis, & sediminis earum, cum Curtis, ortis, & viridario suo,

A & cum arboribus & pomiferis, & omnia super astante, cum casalibus massariciis, cum curtis, ortis, arcis. A foris verò tam terris aratoriis seu vigris, vineis, campis, pratis, pascuis, silvis, salectis, facionibus, ripis, rupinis, decimis, piscationibus, pensionibus, ventionibus, aquis, aquarumque decursibus, & cum omnia, & ex omnibus casis & rebus ad easdem Cortes & Capella pertinentem vel adspicientem in integrum; ego qui supra Anselmus Comes presenti die obitus mei in predicto sancto Monasterio, sicut supra legitur, do, trado, atque offero pro remedio anime mee, insuper Domino & seniore meo Berengario . . . . Rege, seu successores & antecessores ejus, & pro anima mea, & parentum meorum; ut Abbas, qui pro tempore fuerit in prenominatione Monasterio Sancti Silvestri, ut habeant potestatem ad regendum, gubernandum, sicut de aliis Casis & rebus ipsius Monasterii facere visi sunt, secundum Deum, qualiter melius providerint. Ita tamen ut si aliquis Veronensis Ecclesie, aut quislibet persona surrexerit, que contra hanc meam paginam offerfionis seu ordinationis, quam ego Anselmus Comes mea bona & spontanea voluntate fieri jussi, ire quandoque temeretur, aut eam infringere voluerint pro qualibet ingenio, aut . . . . superscriptis omnibus rebus & casis, sicut supra legitur, de eodem superscripto Monasterio subtrahere quaesierint, aut in beneficium dare voluerint, tunc presentialiter ipse superscriptus res, sicut supra legitur, ad propinquiores parentes meos revertantur, & ipsi habeant potestatem ad ordinandum & disponendum in superscripto Monasterio, sicut supra legitur, & sicut supra statui & ordinavi. Et si aliter fecerint, judicem habeant Deum omnipotentem. Et si propinquiores parentes mei non fuerint, qui hoc faciant, aut forte

F f 2

si tam

si tam distulerint facere, tunc volo ego Anselmus Comes, ut Pontifex Tridentinus talem exinde habeat potestatem ordinandi & disponendi de ipsis superscriptis rebus & casis meis, sicut supra legitur, in predicto Monasterio, sicut supra statui, & mee ordinationis decrevit voluntas. Et si hoc facere distuleris, quod non feceris, tunc volo, quod intromittat se Pontifex hujus Veronensis Ecclesie, qui hoc faciat, & adimpleat meam ordinationem, sicut supra statui & ordinavi in predicto Monasterio. Nam non exinde subtrahere querat de predicto sancto Monasterio, quod volo ut ibidem permaneat, sicut supra statui & ordinavi. Et si facere distuleris & non feceris, aut forsitan subtrahere volueris, tunc volo ego Anselmus Comes, ut Pontifex Mantuanensis Ecclesie habeat potestatem ipsis Casis & rebus ad ordinandum & disponendum in eodem superscripto Monasterio, sicut mea decrevit voluntas, & supra statui. Et si hoc facere distuleris & non feceris, aut subtrahere quaesieris, volo ut intromittat se Pontifex Brixiane Ecclesie, ut ipse ordinet & disponat in predicto Monasterio secundum meam ordinationem, sicut supra statui & ordinavi, ad iure ipsius Monasterii superscripti ad habendum proprietario nomine, ut supra dixi. Volo ut sic permaneat presenti die obitus mei, sicut supra statui & ordinavi, absque ulla contradictione hominum & heredum vel proheredum meorum, sicut supra legitur. Et ut hec presens mea pagina offerstionis & ordinationis mee, sicut supra statui & ordinavi, presenti die obitus mei in eodem superscripto Monasterio, sicut supra legitur, firma & stabilis, inconvulsa & inrevocabilis perpetualiter permaneat cum stipulatione subnixi. Et quia ego superscriptus Anselmus Comes hanc membranam una insimul cum calamo seu &

A atramentario, wafone terre, ramo pomis, cum fistuco nudato, atque cultellum, & wantone, totum insimul juxta Legem meam Francorum, de terra levavi: & Martino Notario tradidi ad scribendum, & testibus similiter ad me rogatis obtuli ad roborandum.

Actum in Civitate Verona feliciter.

B Signum ✠ superscripto Anselmi Comiti, qui hanc paginam, sicut supra legitur, fieri rogavit ad omnia superscripta, & ei relictum est.

Signa ✠ ✠ ✠ Helie Vicecomitis, & alius Helie Nepotis ejus, & Bernardi item Nepotis ejus ex Francorum genere, testes.

C Signa ✠ ✠ Gummerichi, & Mildelmus Sculdastus, Vassi ejusdem Anselmi Comitis, testes.

Ego Petrus Scarvinus in hac pagina rogatus manu mea subscripsi.

Ego Amelbertus Notarius rogatus manu propria subscripsi.

Ego Robertus Notarius rogatus manu mea subscripsi.

D Ego Audebertus rogatus manu mea subscripsi.

Ego Gifemundus rogatus manu mea subscripsi.

Ego Luvemperto de Strausias, & Teupaldo de ipso loco, & Grauso de Antea rogati testes.

Signa ✠ ✠ Gifulfo, & Pedelbertus de Turre.

E ✠ Ego superscriptus Martinus Notarius rogatus hanc paginam, sicut supra legitur, scripsi, tradidi & complevi.

Professio autem Legis, ac potissimum Nationis ad originem Familiarum dignoscendam potissimum inservire consuevit. Exemplum accipe. Situm olim erat in Marchia Tarvisina Monasterium Campi Sion, vulgo

go di Campese, juxta fines Tridentini agri, cujus nunc levis imago superest. In insignis Monasterii Sancti Benedicti Padolironensis Tabulario Charta adservatur, scripta Anno MCXXVII. in qua *Tiso Novellus* (unde Nobilis Familia Patavina de Campo Sancti Petri) *Albericus de Romano*, ac alii, Henrico Abbati Monasterii Padolironensis subjiciunt, ac regendum tradunt Campense illud Coenobium. Hic idem *Albericus* in altera Charta Anno MCXXV. exarata, una cum *Cuniza* conjugue sua, eidem Campensi Monasterio aliquot fundos est elargitus. *Albericus Nationem & Legem Salicam* profitetur, *Cuniza* uxor *Langobardam*. Hic sane habemus unum ex antiquioribus Familiae de Honaria, sive de Romano, quae tres Eccelinos & Albericum enixa est, ob crudelitatem praecipue famosos in Historia Patavina, Veronensi, ac Tarvisina. Gerardus Maurifius in Histor. de Reb. gest. Eccelini, Tomo VIII. Rer. Italicar. ait: *Quidam Dominus Eccelinus fuit pater cujusdam Domini Aberici*, ad quem Albericum referenda omnino est Charta nuper indicata. *Qui Albericus fuit pater Domini Eccelini. Et hic Eccelinus* (scilicet Balbus) *pater fuit alterius Do-*

A *mini Eccelini* (idest Monachi) *patri praesentium Dominorum Eccelini* (hoc est, Tertii saevissimi Tyranni) & *Alberici fratrum de Romano*. Quum ergo Albericus ille Primus Nationem & Legem *Salicam* profiteatur, Germaniae inferiori, aut Franciae tribuendi sunt illius Majores. In altera Charta Anno MCLIV. scripta Eccelinus Balbus una cum *Cuniza* matre sua contractum facit cum eodem Padolironensi Monasterio: hanc autem *Cunizam* nuper vidimus *Alberici de Romano* senioris uxorem. Ceterum *Nogariae Castrum* celebre supra memoratum in Charta jam edita donationis Anselmi Comitis, post multos annos *Bonifacius* Marchio, postea Dux Tusciae, magnus belluo bonorum Ecclesiasticorum, sub specie Feudi vel Emphyteusis, a Nonantulanis Monachis accepit; eique etiam dominata est ejus filia *Comitissa Mathilais*, ut prodit Donizo Monachus in ejus Vita Lib. 2. Cap. 6. & 9. Tomo V. Rer. Italicarum. In eodem Castro Monachi ipsi Nonantulani Ecclesiam Sancti Silvestri Anno MLXXXVIII. evicerunt: quod prodest subsequens Charta, ex eodem Nonantulano Archivo, ubi autographum adservatur, desumpta.

Mathildis inclytæ Comitissæ Charta, per quam Monachis  
Nonantulanis dimittit Ecclesiam Sancti Silvestri in  
Castro Nogariae sitam, Anno 1088.

I N nomine Domini Dei & Salvatoris nostri Jesu Christi. Anno ab Incarnatione ejusdem Millesimo Octuagesimo Octavo, V. Kalendas Marcii, Indictione XI. Manifesta causa est mihi Mathildæ, Dei gratia si quid sum, filiae quondam Bonifacii incliti Marchionis, quod propter Dominum, & anime

E mee remedium ac meorum parentum promitto atque expondeo, si unquam in tempore ego vel mei heredes ac probere-des agere aut causare presumpserimus, vel agere aut causare presumpserimus, vel agere consentientes fuerimus, vobis Johanni Praeposito, & Adierio Avvocato Ecclesie Sancti Silvestri sive Nonantula,

tula, vel vestris successoribus a parte predictae Ecclesiae, vel adversus predictam Ecclesiam, idest nominative Ecclesiam Sancti Silvestri sitam in Castro Nogaric, cum omnibus terris, castis, campis, pratis, silvis, & piscationibus, & omnibus pertinentiis, & nominative sicuti ante hos dies & annos habito seu detento fuerunt a jure ipsius Ecclesiae per concessionem & largitatem quondam Richilde incliti Comitisse, seu per superscriptum Bonifacium & Beatricem genitores meos. Et nominative Mansum de Boniza Galiarda, & omnibus pertinentiis ad predictum mansum, seu etiam clausuram de Mercato, & clausuram de Valle Coderano, quas Wido & Berta Baila habuerunt & detinuerunt, de quibus ex jurejurando definitum est per Marcum Clericum de Sancto Petro ante detentas fuisse per Johannem Presbiterum de Nonantula ipsius Ecclesiae de Nogaric; & me exinde warpivi, & absentem feci. Dicendum, mihi aliquid exinde pertinere debet siue per scriptum, siue sine scripto, siue per quocumque ingenium. Et si de meo dato aut facto exinde in aliam partem apparuerit cuiquam dedisse aut fecisse, vel in antea ego vel mei heredes dederimus aut fecerimus, & auctores & defensores omni tempore de superscriptis rebus, qualiter supra legitur, non fuerimus, tunc componere promittimus predictae Ecclesiae Sancti Silvestri de Nonantula superscriptas res in duplum sicut pro tempore meliorate fuerint aut valuerint sub estimatione. Et nec mihi liceat ammodo ullo tempore nolle, quod semel volui, sed quod hic a me semel factum vel conscriptum est, sub jurejurando inviolabiliter conservare promitto cum stipulatione fabniza.

Actum in Castro Nogaric.

MA TIL  
DA DI  
GRA SI  
QD EST

Ego Arzo Causidicus & Advocatus subscripsi.

Signa \* \* \* \* \* manuum Maginfredi de Sorbaria, atque Bernardi filii ipsius, Bernardi de Parma, ac Sassi de Bibianello, Ser Lanfranci de Sancto Marco, qui in his omnibus, ut supra legitur, testes interfuerunt.

Johannes Notarius sacri Palatii, hujus promissionis & obligationis Cartule scriptor, post traditam compleri & dedi.

Redeo nunc ad Anselmum Comitem Veronensem, qui non diu supervixisse videtur donationibus supra memoratis: nam modico post tempore in eodem munere subrogatum invenio alterum, cujus nunc mihi mentio facienda. Adservatur in eximio Parthenone Sanctimonialium Venetarum Sancti Zachariae antiquum Regestum, in quo leguntur multa illustris loci vetera monumenta. Inde ego excipii partem Donationis Anno DCCCCVI. ab Adelardo Episcopo Veronense factam Ingelfredo gente Alamanno, habitatori in Foro Julii, hisce verbis: In nomine Domini nostri Jesu Christi. Regnante Domino Berengario Rege hic in Italia Anno Nonodecimo, sub die primo Mensis Septembris, Indictione.... Dilectissimo atque amantissimo michi semper Ingelfredus ex gente Alamannorum, qui habitaturus in fine Furiulanense, amicus michi fideliter servire visus est. Ego in Dei omnipotentis

tentis nomine *Adelardus venerabilis Episcopus sancte Veronensis Ecclesie, Amicus & Donator tuus, presens presensibus dixi &c.* Ei ergo Chartam donationis facit de omnibus rebus illis, quas michi advenit de *Wikerio, & sitis sunt ipse res in Comitatu Montis Siligani, seu in Cona, aut in Montanana, seu in Petriolo &c.* Mos autem erat (Lege etiam 14. Langobardor. Ludovici Pii Augusti idem sancitum fuit) ut quando testes ejusdem Nationis haberi poterant in celebrandis contractibus, ii adhiberentur, non verò alterius. Itaque eidem Chartae ita subscribitur. *Ego Adelardus Episcopus sancte Veronensis Ecclesie hanc Chartam donationis a me facta subscripsi. Sinibaldus ex Almannorum genere, filius bone memoris Tobaldo de Saltus. Ingoni filio ex Almannorum..... Milo ex genere Francorum. Altekno filius Dominico ex Comitatu Ceneza, idest Cenetenfi. Qui heic dicitur Milo ex genere Francorum, idem omnino fuisse videtur ac Milo egregius vir, Berengarii I. Augusti alumnus, qui & ejus mortem Liutprando teste Lib. 2. Cap. 20. Histor. viriliter ultus fuit. Nisi idem sit, certe ad ejus familiam spectare videtur Milo Marchio (idest Veronenfi, ut opinari licet, Marchiae Praefectus) qui Anno Christi DCCCCLV. supremis tabulis suis ingentem copiam bonorum elargitus est eisdem Sanctimonialibus Venetis Sancti Zachariae. Tabulas ipsas vidi in antiquo Regeſto praeſlaudati Coenobii, illasque antea divulgavit Ughellius Tomo V. Ital. Sacrae in Episcop. Veronenſib. ubi is dicitur Milo Marchio filius bonae recordationis Maufredi, qui Lege Salica vivere viſus ſum. Neque immerito Milonis istius Marchionis aut heredes, aut descendentes fuiſſe cenſen-*

*tur Comites olim Veronenſes, qui poſtea Comites de Sancto Bonifacio appellati fuere. Nam in eodem Tabulario Veneto Sancti Zachariae Chartae exiſtunt, quibus Anno MLV. Bonifacius, Henricus, & Obertus germani, filii quondam Uberti Comitis pollicentur, ſe quotannis tradituros Monasterio quinquaginta modios tritici pro reddituum dimidio quod reliquit Milo Marchio in ſuo teſtamento. Eodem Anno MLV. Berta filia quondam Arduini Comitis, conjux quondam Uberti Comitis, ſeſe obligat ad modios vigintiquinque eidem Monasterio perſolvendos. Tum ipſo Anno Henricus Comes Veronenſis (idem, ut puto, qui ſupra) & ipſe alios viginti quinque modios annuos ſe daturum promittit, ſecundum ordinati-  
nem Milonis Marchionis proavi ſui. Ita ſcriptum in Indice Chartarum, neque enim Chartas ipſas ad alia intentus ſcrutatus ſui. Ibi quoque pergamenae ad Annum MLXXXIII. referebatur, in qua Albertus de Ronco filius quondam Uberti Comitis modios oſtodecim perſolvendos a ſe agnoſcit propter portionem, quae ſibi contigerat de bonis Milonis quondam Marchionis. Verum haec omnia ſubtiliore examine indigent, quum apud Ughellium in Episcop. Veronenſib. Charta legatur Anno MLXII. exarata, in qua occurrit Milo filius quondam Ugonis Veronae Comitis, qui profeſſus ſum ex Natione mea Lege vivere Romana. Si vera haec ſunt, ſuſpicionem ingerere poſſunt, Comitatum Veronenſem minime in una Familia fuiſſe continuatam.*

Redeo ad *Ingelfredum ex genere Almannorum*, cui *Adelardus Veronenſis* Antikles donationem fecit. Is poſtea *Veronenſium Comes* a Berengario I. Italiae Rege conſtitutus eſt, perſpicuo



spicuo indicio, ipsum in aula quoque Regis multum gratiae sibi conquisivisse, quando carissimam omnium Urbem Berengarius illius regimini commendavit. In Chartario nuper laudati Coenobii Veneti Sancti Zachariae supremae illius tabulae leguntur, Anno DCCCCXIV. confectae. Ex iisdem haec pauca decerpfi: *In nomine Domini nostri Jesu Christi. Regnante Domno nostro Berengario Rege hic in Italia Anno Vigesimo septimo, sub die Mense Decembris, Indictione Tercia feliciter. Monasterio Sancti Zachariae Puellarum, qui est constructus in finibus Venetiarum non longe a Pallatio de Rivoalto, sanctum & venerabile locum. Ego quidem in Dei omnipotentis nomine Ingelfredus gratia Dei Comes Comitatu Veronense, & filius bone memorie Grimaldo ex Alemannorum genere &c. Ibi multa largitur eidem Parthenoni: sibi tamen, ac Ettingo filio suo, dum in vivis fuerint, reservato eorum dominio; ut usque dum ego quidem supradictus Ingelfredus Comes, & Ettingo filio meo in hoc Seculo advixerimus, omnia in nostra sit potestate ad judicandum & ordinandum &c. Quod verò attinet ad Chartam Adelardi Episcopi Veronensis, scriptam Anno XIX. Berengarii Regis, hoc est Anno Christi DCCCCVI. omittendum non est, ejus ope Chronologiam Episcoporum Veronensium vitiatam, ut mihi videtur, resarciri posse. Si Panvinio, Pereto, & Ughellio fides, circiter Annum DCCCXCI. Adelardus Episcopus vivere desit, & successorem habuit Adelbertum: hoc autem e vivis sublato, Cathedram Veronensem tenuit Nosherius II. Atqui nōs e Charta supra memorata habemus, Adelardi vitam saltem ad Annum DCCCCVI. productam fuisse. Praeterea A-*

delbertus ille, donec certiora monumenta adferantur, expungendus est e catalogo Antistitum Veronensium. Adelbertus quidem Episcopus in monumentis ejusdem temporis celebris est, sed Bergomati Ecclesiae praefuit. Ac proinde veri puto similis, Adelardo vitam functo e vestigio successisse Nosherium. Sed & hic Noscherius potius est appellandus: neque eum Secundum vocare ego auderem, quum justae causae adsint suspicandi, Nosherium Primum, quem Anno DCCCC-LVI. sine ullis tabulis Episcopatu Veronensi auctum tradunt, non alium fuisse a Noscherio Adelardi successore. Ad hunc autem spectat Charta, quam in Regesto saepe laudati Monasterii Veneti Sancti Zachariae adservatam sub oculis habui. Priora illius verba, argumento huic congrua, audire neminem pigebit. *In nomine Domini nostri Jesu Christi. Regnante Domno nostro Ugo Rege hic in Italia Anno Primo, sub die primo Kalendarum Augusti, Indictione Prima feliciter. Monasterium Sancti Zachariae Prophete, sito in Venetias. Ego in Dei omnipotentis nomine Noscherius Episcopus sancte Veronensis Ecclesiae, & filius bone pie recordationis Adelmari ex Longobardorum genere, do trado atque offero pro remedio anime mee, vel bone memorie Ingelfredo Comes in supradicto Monasterio &c. Sed heic vitium est in notis Chronologicis. Amanuensis enim incaute a die prima & Indictione Prima deceptus, Annum etiam Primum consignavit, nisi ego praefestatione has perperam descripsim. Scribendum ibi Anno Tertio aut Secundo, & referenda est Charta ad Annum Christi DCCCCXXVIII. Dixi adhibitos fuisse testes ejusdem Nationis, quotiescumque haberi in promptu poterant, idque luculentius intel-*

lige-

ligemus e Charta, cujus antiquum apographum vidi in Tabulario Archiepiscopii Lucensis. Hubertus Tufciae Marchio, filius Hugonis Italiae Regis, Salicam Legem profitebatur,

A quum e Francorum gente descendisset. Proinde in ejus contractibus Salicos testes invenias, ac praecipue in subsequenti.

Hubertus Tufciae Marchio aliquot aedes & agros vendit  
Teudimundo filio Fraolmi, Anno 952.

**I**N nomine Domini nostri Jesu Christi filii Dei & eterni. Anno ab Incarnationis ejus Nonagesimo Quinquagesimo Secundo, Quinto Nonas Magii, Indictione X. Manifestus sum ego Uberto Marchio, Legem vivente Saliga, bone memorie Donni Ugoni Regi, quia secundo Legem meam atramentario, pinna, & pergamena de terra lavavi, & Arnifridi Notario ad scribendum tradidi, per ratione terre, & fistucum nodatum, seu rami arboribus, adque per cultellum & wantonem, seu andilanc: & sic per hanc Cartula iuxta Legem meam Saliga, vindo, dono, trado, cedo adque transfundo, & mitto in potestate tua Teudimundo filio bone memorie Fraolmi, idest quinque casis & rebus juris mei illis massariciis, quas abeo in loco & finibus ubi dicitur Porcari, quae una ex ipse casa & res massariciis regere videtur per Flaiperto Massario, secunda vero per Urso, tertia vero per Petrus, quarta per Teutio, quinta vero regere videtur per Cerbonio Massario. Simulque & vindo tibi idest undecim casas & rebus juris meis illis massariciis, quam abeo in loco & finibus, ubi dicitur Porcari, una ex ipse casa &c. Ita & vindo tibi idest inter terra & silva illa seu Padule, qui vocatur Clusa, & Quinto, seu Oliveto, adque Teulaja, quae de predictas casis & rebus massariciis &c. Tibi eas vindo, dono, trado, cedo, adque transfundo.

Tom. IV.

**B** do, & mitto de juris dominationis mei in juris dominationis tue, & per ec omnia superscripta mea venditio, donatio, traditio, quas tibi venundavit, recepit ad te pretium argentum Libras quinquaginta in presinito, & deliberatum pretium, & dum ipsum pretium per manus accepisset me qui supra Uberto Marchio, ex ipsis casis & rebus foris warpivit, & exitum fecit, & tibi qui supra Teudimundo tuisque creditibus intromisi &c. Hanc cartulam venditionis & traditionis mee tibi qui supra Arnifridi Notario ad scribendum tradidit, & scribere rogavit, & testibus oculis roborandum.

Actum Curte, quae dicitur Aurane.

Ubertus Marchio in hac Cartula a me facta subscripsi.

**D** Signum ✠ ✠ ✠ manus Atenolfi, & Bernardi, adque Gu....

Lege viventem Saliga testis, & pretio dante viderunt.

Signum ✠ ✠ ✠ manuum Saligi, Ingelberti, seu Ingibilelmi, Legem viventem Saliga testis, & pretio dante viderunt.

**E** Ego Arnifridi Notario &c.

Atque ista confer cum iis, quae de Huberto Salico Marchione Tufciae attuli in Antiquitatib. Estensib. Par. I. Cap. XV. Ripuariae quoque Legis aliqua est mihi facienda mentio, quam professi sunt Populi ad Rhenum inferiorem confidentes.

**I** Rara vestigia in Italicis Chartis occurr-

G g

currunt adhibentium hanc Legem: occurrunt tamen. Ac praesertim inter Nobiles Dynastas ex Ripuaria regione in Italiam translatos memoratus fuit Ughellio, Florentino, & mihi quoque supra in Dissertatione VI. de Marchionibus, Bonifacius Marchio filius Alberti Comitis, qui professus est Legem vivere Ribuariorum. Hunc Anno Christi MII. in Tusciae regimine successisse Hugoni Magno Marchioni opinatus est Cardinalis Baronius in Annalib. Ecclesiasticis. Sed uti in eadem Dissertatione animadverti, sine bonis tabulis Bonifacius Alberti filius Etruriae Marchio reputatus est: certumque reor, Baro-

nium a vero discessisse, quum Bonifacium eundem nobis obtrulit germanum fratrem laudati Hugonis Marchionis; quippe Hugo Huberti natione Salici filius fuit; Bonifacius autem Alberti sive Adelberti, natione Ribuarii. Age verò, quis iste *Albertus* seu *Adelbertus Comes* fuerit, inquiramus. Est mihi exemplum Chartae ob vetustatem attritae, quam Joseph Antenor Scalabrinus Ferrarientis, antiquitatum studiosissimus scrutator, in Tabulario Monasterii Bononiensis Sancti Stephani vidit. Qualiscumque sit, digna sane est, quae tenebris eripiatur.

Donatio terrarum Monasterio Sanctorum Bartholomaei & Savini,  
sito in agro Bononiensi, vico Mussiliano, facta ab Adel-  
berto Comite, & Bertilla Comitissa conjugibus,  
Anno, ut videtur, 981.

**I**N nomine.... intrante Augusto. Regnante.... Imperatore.... Indictione VII.... Anno p.... Augustus filius Dono Ottonis Imperatoris, scilicet Anno Imperii ejus.... Comes & Bertilla Dei misericordia Comitissa, hanc traditionem & concessionem concedere dignemini, ut Deus.... in nostro Monasterio, qui est in honorem Sancti Bartholomei Apostoli, & beati Savini Martiris..... genitricis Mariae, & beati Ambrosii Confessoris, & aliorum Sanctorum, quod nos facere cupimus & obnixè desideramus, ad utilitatem Monachorum servientium Christi die & nocte..... salmodus referendum Deo creatori nostro pro nostris peccatis, ab oratione non recedentes..... & semper & assidue exorent, ut Dei omnipotentis medelam & requiem sempiternam in tremendo die Iudicii misereri dignetur animabus pro Domna Gualdrada, que

**C** fuit gloriosa Comitissa, & pro Domino Teobaldo, qui fuit Dux & Marchio, genitore & genitrice meis: sicque pro animabus & Bonifacii & Walfredi & Adelberti filiorum nostrorum, pro animabus omnium heredum nostrorum. Hic vero praesentialiter elegimus & concedimus atque in dicto..... Dei voluntate & de rebus quas predicto Monasterio concedimus in nullo homine nec vendere nec donare nec appo... nec.... Monachorum.... concedimus... ipso Monasterio jure proprietario... nostras Vineas circa ipsum Monasterium & Oratorium in quo ortum pro olivibus, pistrinum, & coquina, & cetera que necessaria sunt: finis de superscriptis vineis, quas concedimus, esse videtur, ab uno latere Lavino..... jura in donnicata &.... terra vin.... & arat.... in ipso fundo Mussiliano, que recta & laborata.... cum filiis & filiabus

liabus suis, excepto Johanne Cuka filio suo, alia omnia & ex omnibus super eis, qualiter superius legitur, cum servis & ancillis, omnia in integrum. Atque concedimus in suprascripto Monasterio omnia & ex omnibus terram vineatam & aratoriam, que recta & laborata in supradicto Musiliano . . . . per man . . . . Martino filio suo, & in fundum Vinti. Similiter omnia & ex omnibus in integrum que acquisivi per cartulam venditionis da Ildrada, quod vocatur fundo Cignaulo, sit concessum in supradicto loco, pecia una terre ubi Ecclesia edific . . . . mansione. Necnon pecia una terra, quam acquisivit in supradicto fundo Cignaulo, quas in suprascripto Monasterio concessi per remedium anime sue: & terra illa, que est in loco qui vocatur Pra Casigno & in supradicto fundo Cignaulo, omnia & ex omnibus concessum a supradicto Monasterio in integrum. Seu & infra Plebe Sancte Marie Matris Christi in fundo Lupolito, omnia & ex omnibus, que nobis pertinent de Curte, que vocatur de Linare, cum omnia super se & in se habente in integrum, una cum terris, vineis, campis, pratis, pascuis, silvis, salectis, arbutis, arboribus pomiferis, divisis quam . . . . aquis, rupinis, usibus aquarum, fontibus, cultum & incultum, omnia & ex omnibus, qualiter superius legitur, sic concessum in supradicto Monasterio Sancti Bartholomei Apostoli, omnibus qualiter superius dictum est, damus & . . . . utilitatem predictorum Monachorum, ut possint, qui inibi Deo ordinati fuerint, vivere & cibum sumere & allere, ita ut nostra, quorum supra dictum est, possit vita concedi, in nostra sit potestate regendi & agregandi & . . . . misericordia Dei omnia, qualiter superius legitur, in honore Monachorum servantium, & post nostrum obitum, quan-

A do Domino placuerit, deveniet in potestate hereditum nostrorum similiter gubernandi & regendi in honore Monachorum. Et si autem, quod avertat Deus, aliqua occasio vel prava contemptio, instigante antiquo hoste . . . . hereditibus emendentur; & quicquid in ipso Cenobio sancto & Oratorio datum, offertum, oblatumque fuerit, sit in potestate supradicti Petri Presbyteri & Abbatis, & Monachorum ipsius sancti Monasterii, ubi pauperes & peregrini refectio- nem habent. Mundiburdium vero ab avaris & pravis hominibus in nostra sit potestate defendere, & solatium prebere in ipso sancto Monasterio, & in ipso Abbate omni tempore sine obstaculo & impedimento adversorum hominum & pravarum gentium, semper maneat quieti & securi a nobis & a nostris hereditibus. Et si aliqua controversia & superstitiosa causa in ipso sancto Cenobio vel super ipsos Monachos adversa . . . . de his omnibus, que pro animabus nostris dedimus, sciant esse composituros in ipso sancto Monasterio & ipso Abbati & Fratribus Deo servantibus, eorumque successoribus, auri optimi Libras triginta. Nos denique Adelbertus Dei misericordia Comes, & Bertilla Christi clementia Comitissa, secundum nostram Legem Rubuariam facere nitimur defensionem. Hec omnia, que superius diximus, omni tempore in perpetuum maneat, & lux indeficiens sit nobis. Et si aliquis de hereditibus ac prohereditibus . . . . contrarietatem comiserit, aut minuere conaverit, vel destruere vel frangere voluerit, cum Deo vivo & vero eternam habeat altercationem, & cum Angelis & Archangelis, & cum omni militia celestium reddat rationem in die Judicii.

Actum in dicto Vico Panigale, Indictione supradicta Nona.

Signa \* \* \* \* manuū supra-  
dicti Adelberti Comitis, &  
Bertille jugalis Comitisse, &  
Bonifacii, & Walfredi ger-  
mani, qui hic Cartula donatio-  
nis consenserunt, & manus po-  
suerunt, sicut supra legitur, ro-  
gaverunt, & omnia eis relecta est.

Signa \* \* \* \* manuū Wi-  
do filio Geremie, Natio Fran-  
corum, & Jobanne de Pele-  
gno de Elena, & Antonino,  
& Petro Medicus, & Leo . . .  
Strada de Panigale, rogatis  
testibus.

Ego Ildebrandus testes.

Scripta hanc Carta donationis per  
manus Johannis Notarii, roga-  
tus a supradictis, sicut supra  
legitur, scripsi, complevi, &  
dedi.

Anno Dominicae Incarnationis Mille-  
simo Nonagesimo Septimo ex au-  
thentico Reginaldus Tabellio, in  
quantum recognoscere potuit, e-  
xemplavit.

Presbiter Homodeus, Manfredinus, &  
Wido Pot . . . . & Widizo-  
ne, & . . . . ad omnia su-  
pra scripta audienda, sicut supra  
relegitur in antiquo Instrumento,  
interfuerunt, & bujus rei causa  
rogati sunt testes.

Ego Girardinus Dei gratia Notarius,  
hoc presens Instrumentum, ut su-  
pra legitur, legi.

Habemus heic Adelbertum Comitem,  
ejusque conjugem Bertillam Comi-  
tissam, qui secundum nostram Legem  
Ribuariam defensores se esse donatio-  
nem factam pollicentur. Ad haec o-  
blationem istam faciunt pro anima-  
bus etiam Bonifacii & Walfredi &  
Adelberti filiorum nostrorum. Certa  
heic indicia sunt, agi de patre Boni-  
facii Marchionis Lege Ribuarie vivensis

A Anno MIX. ut in membranis legi-  
tur. Praeterea offeruntur haec etiam  
Deo pro Domna Gualdrada, quae fuit  
gloriosa Comitissa, & pro Domino Theo-  
baldo, qui fuit Dux & Marchio, Ge-  
nitore & Genitrice meis. Haec refe-  
renda videntur ad ipsum Adelbertum  
Comitem donatorem. Quod ubi sta-  
tuas, habes Adelberti ipsius patrem  
Theobaldum Camerinorum & Spoletino-  
rum Marchionem & Ducem, quem  
Liutprandus Ticinensis Historiae suae  
Lib. 4. Cap. 4. commemoravit, &  
affinitate conjunctum Hugoni Italiae Re-  
gi, & Lib. 5. Cap. 2. Nepotem dixit.  
Ejus uxor Gualdrada Comitissa fuit:  
ac proinde emendandus Lilius in Hi-  
storia Camertum, qui Ermengardam  
uxorem ei tribuit. Proxime autem  
C praecessit Theobaldo in regimine Spo-  
letani Ducatus Bonifacius Marchio &  
Comes potentissimus, uti idem Liutpran-  
dus eum appellat Lib. 3. Cap. 18.  
atque hic Gualdradam duxerat sororem  
Rodulphi Burgundionum Regis, diver-  
sam a Gualdrada Adelberti Comitis  
conjugem. Decernant autem alii, qui-  
bus plus otii sit, an Adelbertus iste,  
D five Albertus Comes e Bonifacio  
Spoletano Duce descendisse potuerit,  
quum ejus pater Theobaldus certe  
eidem Ducatui praefuerit, & recrea-  
tum videamus in ejus filiis Bonifacii  
nomen, immo primogenitus illius  
Bonifacius Ribuarius Marchionis titu-  
lum gefferit. Vide etiam Chartam  
E Anno MIX. scriptam apud Ughel-  
lium Tom. 3. Italiae sacrae in Ar-  
chiepif. Florentinis, ubi Bonifacius in-  
clynus Marchio, filius Domni Alberti,  
qui fuit Comes, profitetur se Legem vi-  
vere Ribuariorum. Idem ille omnino  
videtur, qui in modo evulgata Char-  
ta enuntiatur. Atque haec jungenda  
iis, quae antea commentatus sum de  
Ducibus Spoletanis in Dissertatione  
VI.

VI. de *Marchionibus*. Hactenus dixi, in more fuisse, ut qui Nationem profitebatur, Legem quoque ejusdem Nationis tacite se amplecti protestaretur. Attamen quum licuerit, ut infra adjiciam, Italiae incolis aliam a sua Natione profiteri Legem; ac propterea quum certam ejusdem Legis notitiam minime is praeberet, qui Nationem suam tantummodo patefaciebat: sensim inductus est ritus, ut in donationum, permutationum, aliorumque contractuum Chartis, homines Italici disertis verbis profiterentur, cui Legi obnoxius quilibet foret. Exempli causâ ajebant: *Ego Adelbertus filius &c. qui professus sum ex Natione mea Lege vivere Langobardorum*: cujus rei exempla bene multa dedi in Antiquitatibus Estensis. Hujus professionis indicia, non multa tamen, occurrunt in Chartis Saeculi Noni. Unum adferam excerptum e pergamenâ Monasterii Ambrosiani Mediolanensis. Ita illic legitur: *Scriptum pro futuris temporibus securitate & firmitate, qualiter presen-*

A *tia bonorum hominum Francos & Langobardos, eorum nomina sup(er) leguntur, tradedit Gisulfus Ministerialis Domini Imperatoris, qui proficebatur Salica vivere Lege, per cultellum, wantonem, & fistucum notatum, seu ramum arboris, juxta sua Lege Salica, in manus Petri quondam Paulici, seu Ercemhaldi, Vasallo suo &c. rebus mobilibus & immobilibus tam in Valtelina Judiciaria Mediolanensis, & in Casale Judiciaria Planluense, vel ubi ubi &c. Anno Imperii Domni Hludowici Octavo Decimo, XVI. Kalendas Magias, Indictione XV. Est is Annus Christi DCCCLXVII. Animadverte Vallem Tellinam temporibus iis ad Comitatum sive districtum Civitatis Mediolanensis spectasse. Quid fuerit Judiciaria illa Planluensis, inquirant alii. De hoc ipso in praecedenti Dissertatione mentionem feci. Ineunte etiam Saeculo X. expressa invenitur eadem Legis professio. Ipsam intueri in membrana authentica scripturae difficillimae, existente in Archivo Estensi, cujus haec sunt verba.*

B

C

Donatio bonorum facta a Luvone filio Gonzolini Severo Naclero  
Ticinensi, Anno 919.

IN nomine Dei & Salvatoris nostri Jesu Christi. Regnante Berengario Rex Augustus ic in Italia Deo propitio; decimo su die de Mense Julius, Indictione Setima, feliciter. Constat me Luvu filio Gonzolina de Civitate, que vocatur Verona, & Berengario Rege, vivente Lege Longobardorum, tradidisse, ita tradedit tibi vend Severo Naclerio filio Siro da Pavia per anc presente pagina donacionis mee a die presente & ora, a tua proprietate at ahendum: idest Terra juris proprietatis mee, quam ego abere & possidere viso

D *sum, & posita est ipsa dicta res in Comitatu Gavello, & in finibus Longuria in loco, ubi vocabulum est Curte Colonia, que fuit de Cono. Et Curte, que dicitur Perlogina in uno tenente, & cum Curtesella, que nominatur Prodognica. Et que terre fines Valle Prodognica & da uno lato Sirmone & Feniela abente, & da alio latus. Que res ipse persinet & in Canpirso abente, & da uno latus Villa Zacara abente, & que in jura Dognica jacente, & alio latus Curgocavo jacente, & que in jure Curte pertinet, aut pertinere debet, & in-*

E

Et infra designato loco, vel ejus mensura, seu predicta coherencia cum omni supra se abente, ego jam dictus Donator exinde mihi nulla reservo, una cum ingresso comune. Et pro dita mea donatione accepit ego dictus Donator ad te dicto Entore senito merito causa Anigilda Manicias duas. Et quidem spondeo atque repromitto ego jam dito Donator vel meis & heredibus tibi dito Entor vel tuis vel heredibus, aut cui tu dederis, sit. Et si de dita mea donatione aliquando tempore molestare presunserimus, & quitquit homo defendere non potuerimus a tantum in quantum dita mea donatione aliquando tempore, cum omnia supra se abente, in consimili loco res valuerit, duplare promittimus. Et anc presentem paginam donationis mee, sicut supra legitur, hognique tempore firma & reabile inconvulsa inrevocabilis permaneat, cum stipulacionis sugnixa.

Acto in presenti loco finibus Longuria, feliciter.

Signum ✠ manus dito Luvio filio Gonzolino, & Berengario Res, qui anc presentem paginam donationis scribere rogavit, & omnia, que sicut supra legitur.

Signum ✠ ✠ ✠ manus Arcuberto, & Fredingo, & Almerico, vivente Lege Salica, a scribere.

Signum ✠ ✠ ✠ manus Aurengo & Felicis & Agino, vivente Lege Longobardorum, rogatus ad scribere, & omnia, que sicut supra legitur.

Et ego Gausfredo Notarius atque Judes de omnia, que supra legitur, qui anc paginam donationis scripsit & post tradita complevit & atsolvit.

Exinde verò crebrius & accuratius signata in Chartis cernitur Legis, & non raro Nationis quoque, confessio; idque familiare fuit Seculo

XI. simulque XII. Nunc repeto, licuisse olim Italicis, abjecta Nationis suae Lege, alteram publice profiteri. Huc facit Edictum Lotharii I. Augusti Romae promulgatum, ut supra vidimus. Quare nuda professio Legis, etsi plerumque Nationem quoque indicare consueverit, certum tamen ejusdem argumentum praebere nequit. In Praefatione ad Antiquitates Italicas animadverti, *Umbertum Comitem filium quondam Amedei*, professum fuisse Anno MXC-VIII. se *Lege vivere Romana*, uti patet ex Charta ab Ughellio edita Tom. 4. Ital. Sacrae. Ex eo descendit Regia Sabaudienſium Ducum, nunc Sardiniae Regum, Familia, quam tamen Guichenonius contendit olim usam fuisse *Lege Salica*. Ex hac autem Charta Clariss. Marchio Scipio Maffejus Veron. Illustrat. Lib. XI. pag. 306. conjecturam deduxit, nobilissimos eos Principes Romanae originis fuisse, ac praecipue, quod familiare eis fuerit *Amadei* nomen, Latinum nempe, sive Romanum, non verò exterae gentis. Proinde is in alteram conjecturam progreditur, videlicet fieri potuisse, ut ii descenderint ab Amedeo, *Milite apprime nobili*, qui Anno DCCCCXL. comitem se dedit Berengario seniori suo (teste Liutprando Lib. 5. Cap. 8. Histor.) dum in Germaniam fugiens, Hugonis Regis insidias elusit. Denique addit: *Forse Berengario fatto poi Re d'Italia in premio della sua affezione e del suo valore, gli donò la Savoia, o gran parte d'essa*. Equidem certum puto, non ita Romanorum fuisse proprium *Amedei* nomen, ut inter Francos etiam, & Salicae Legis professores nunquam legatur. Anno DCCCXXVIII. Ludovicus Pius Augustus *Amadeo Comiti, Heliae, & Wal-*

Waldo Vassis nostris imperat, ut adiutorium faciant Herlegauda Diacono ad restaurandam Ecclesiam Sancti Benigni, Divionensis in Burgundia. Alii quoque ejusdem nominis in Gallia & Belgio olim occurrebant. Illud contra concedo, videlicet fieri potuisse, ut ab isto Comite Amadeo antiqui Mauriennae Comites, postea Sabaudiae Duces, descenderint. At quod est ad Berengarium II. Italiae Regem, is minime potuit largiri Sabaudiam aut potiore ejus partem illustri illi suo Militi Amadeo: quod facile intelliget Doctissimus ipse Maffejus, quotiescumque recogitet, Sabaudiam nunquam ad Italicum Regnum pertinuisse, & praecipue Seculo Christi Decimo partem fuisse Burgundici Regni. Dixi, nudam Legis professionem minime certum praebere Nationis quoque indicium; atque hoc potissimum animadvertere opus est, quum agitur de Ecclesiastici ordinis viris, tam Saecularibus quàm Monachis; ii quippe *Lege Romana* regebantur, ita ut ubi quisquam Clero nomen suum dederat, is continuo, sive Langobardus, sive Francus, sive alterius gentis foret, se Romanis Legibus addictum profiteretur. A Ludovico Pio Augusto in *Lege 55. Langobard.* statutum est: *Ut omnis Ordo Ecclesiarum secundum Legem Ro-*

A *manam vivat: & sic inquirantur & defendantur res Ecclesiasticae.* Proinde videmus in Chartis nostris Presbyteros, qui se natione *Langobardos* aut *Franciscos* appellant; sed propter bonorem *Sacerdotii Romanæ* *Lege* se vivere profitentur. Privilegii loco id Clericis concessum ego opinor, neque per vim eos adactos fuisse ad ejurandam gentis suae Legem, dum haec sibi gratior foret. Interdum enim Ecclesiastici viri deprehenduntur aliâ potius quàm Romanâ *Lege* usi. Apud Campium in Appendice Tomi primi Histor. Eccles. Placentin. ad Annum DCCCCXXXIII. *Andreas humilis sanctae Dertbonensis Ecclesiae Episcopus, & filius bonae memoriae Aripbrandi de loco Racle, Lege vivens Longobardorum,* postremas tabulas condidit. En ut ille adhuc pergit uti Langobardicâ *Lege.* Idem observatum videas ab Attone Bergomate Episcopo Anno MLXXII. Tom. 4. Ital. Sacrae. Et ille se profitetur ex *Natione sua Lege vivere Longobardorum.* Professus itidem fuit *Nationem ac Legem Francorum* Odelricus Episcopus Cremonensis, ut patebit e formulis dicendi in ejus Charta legendis, cujus antiquum apographum vidi in Tabulario Capituli Canoniorum Cremonensium.

Odelricus Episcopus Cremonensis Monasterium Sancti Laurentii in Suburbio Civitatis Cremonae fundat, atque illud multis bonis donat, quibusdam conditionibus Abbatem & Monachos constringens, Anno 990.

A Nno ab Incarnatione Domini nostri Jesu Christi Nongentesimo Nongentesimo, Pridie Kalendas Junii, Indictione Tercia. Dum primus ac Creator omnium rerum omnipotens Dominus bo-

E mini in hoc Seculo vitam concedit, semper debes illud agere, quod Deo acceptabile sit & purum munus Deo offerre. Unde in hoc Seculo protegente Christo incolumis esse reperiat, & quod



melius est vitam eternam possidere mereatur. Quapropter ego Odelricus Episcopus sancte Cremonensis Ecclesie, filius bone memorie Nantelmi Comitis, ex genere Francorum, accepto superno consilio, non mea operante clementia, edificare visus sum Monasterium in honore Sancti Laurentii Martyris in area una de terra juris mei, cum duabus Ecclesiis inibi constructis, quarum una in honore Sancti Laurentii, alia in honore Sancte Marie, seu beatorum Apostolorum Philippi & Jacobi est edificata: quas ego a fundamentis noviter edificavi, que esse videntur in suburbio hujus Civitatis Cremonae, non multum longe a Porta Canoniorum, sive pecia una de vitibus cum area in qua est, in quas via percurrit, cum parte terre aratorie ibi se tenente, atque pecia una de prato cum Palude simul se tenente, que est per mensuram omnis simul jugera undecim: coheret ei a duabus partibus, a mane scilicet & meridie terra ipsius Episcopi sancte Cremonensis Ecclesie; a tertia parte, idest a sera, terra Ildeprandi, Rozenis; a quarta parte, idest a meridie via publica. Et dono seu offero atque judico eidem sancto & venerabili Monasterio pro anime mee remedio, scilicet casas & omnes res, que sunt similiter juris mei, posite in loco & fundo que dicitur Pladena, que est Curtis una domui cultile cum Castro ibi constructo & fossato, cum tunimine circumdato, & Capella consecrata in honore Sancti Michaelis Archangeli cum servis & ancillis ibidem habitantibus, seu cum casis & omnibus rebus & massariis ad eandem Cortem pertinentibus, & est pro mensura sedimina cum eodem Castro ibi & Capella cum areis ex parte vitatis jugera undecim &c. Servos & Ancillas, quorum nomina sunt: Leo, Pederunga jugales, Ursenga, filia eorum Bruna,

A Alcbinda, Andrea, Adam, Arnoldus, Dominicus, Linstaldus, Dagibertus, Adelbertus, Remedius, Johannes, & item Johannes, Teupertus, Petrus, Attale, Peduga, Ropga, Roteperga, Garlinda, Walperga, Ageuga, item Benedicta, Odenga, Guperga, Bona, Dominica. Omnes quoque ille case & res, que sunt in locis & fundis Raigada sita prope Ursocasale, & est per mensura justa sedimina & vineas cum areis suis terris arabilibus & silvis atque Castaneriis jugera sexaginta &c. Et dono seu offero atque judico eidem sancto & venerabili Monasterio pro anime mee remedio, scilicet casas & omnes res, que est similiter juris mei, posite in loco & fundo, que dicitur Pladena &c. De terris vero arabilibus & pratis jugera centum: de Silvis quoque & stallareis seu buscaleis & jerbidis jugera centum quinquaginta, sive cases & omnes res in locis & fundis Canedo &c.

Ab hac die in eo Monasterio dono & offero, & per presentem Cartula ibidem habendum confirmo. Insuper cultellum, festucam nodatam, wantonem, & wasonem terre, atque ramum arboris parti ipsius Monasterii, legitimam facio traditionem & vestituram, & me exinde foras expuli, warpivi, & abfascito feci &c. Proinde volo & instituo, seu judico, ut sit idem Monasterium cum omni sua integritate & pertinenencia sub mundio & tuitione pretaxati Episcopi sancte Cremonensis Ecclesie tantum, ad id defendendum, & Abbatem ibidem ordinandum & consecrandum, quando necesse fuerit, secundum constitutionem sanctorum Patrum ab Episcopo ejusdem Episcopi, suisque successoribus, ita ut munera nullus exinde accipiat, & prelibata Abbacia perpetuo erga cultum religionis & regulam Sancti Benedicti in sua virtute permaneat sub regimine scilicet Abbatis & Congregationis

nis Monachorum sine aliqua diminutione terrarum & rerum atque familie, que ad utilitatem Abbatis & Monachorum pertinent. Set neque Abbas quempiam quocumque tempore ordinate presumat in religiosum quemque, quem si tota Congregatio concors elegerit. Illud & attendendum est, ut si forte dissenserint vel discrepaverint, secundum precepta sanctorum Canonum ac religiosiori parti semper cedant. Si autem Monachi in eodem Monasterio constituti tepidi in amore Dei, aut contra instituta Patrum torpentes, qui non conspiciuntur insistere secundum Regulam sanctorum Patrum, ab Abbate ejusdem Monasterii corrigantur. Si autem Abbas contra statuta Patrum fuerit deprehensus, & in sinistram partem declinaverit, assistentibus duobus Presbiteris Abbas, qui . . . non religiosiores inveni fucrint, eorum judicio & prudentia definiatur. Ab Episcopo ipsius Ecclesie, suisque successoribus tam ipsum & successores ejus instituto corrigendum. Nec licentia sit Episcopi ejusdem Episcopii suisque successoribus sub . . . reprehensionis zelo cupiditatis aliquam Monasterio offendere controversiam contra prescripta omnia. Nam si, quod Deus avertat & fieri non credo, Episcopus aut pars ejusdem Episcopii Abbatem & Monachos, qui in eodem Monasterio ordinati fuerint, quiete & pacifice sub sancta Regula vivere non permiserint, vel de eadem Abbazia & rebus vel familiis aliquam subtractionem aut minorationem facere quesierint, & hanc meam ordinationem per omnia sic stabilem esse non permiseris, sicut supra decrevi, tunc volo & per hanc Cartulam confirmo atque judico, ut veniat & sit eadem Abbazia in potestate Archiepiscopi sancte Mediolanensis Ecclesie &c.

Ego Odelricus Episcopus in hoc iudicato a me facto subscripsi.

Tom. IV.

A

Signa \* \* \* manuum Adam Vassii predicti Odelrici Episcopi, & Boncjovis, seu Gotsfredi de eadem Civitate Cremona, testes Lege viventes Salica.

Ego qui supra Adelbertus Notarius, Scriptor hujus Cartule ordinationis seu Judicati atque dispositionis, post tradita complervi & dedi.

B

Ad haec vide infra in Dissertatione LVI. de Religion. Christian. Rorii Patavini Episcopi Chartam, qui Lege Salica utebatur. Ita in Tabulario Canonorum Mutinensium habetur Charta scripta his Notis: Henricus gratia Dei Rex, Anno Regni ejus Deo propitio id in Italia Quarto, V. Kalendas Novembris, Indictione VI. idest Anno Christi MVII. Continetur ibi commutatio inter Domnas Wido Episcopus Episcopo sancte Ticinensis Ecclesie, nec non & Johannes Presbiter, filius quondam Andree, qui professus ex Natione sua Legem vivere Longobardorum &c. Chartam quoque produxit supra memoratus Campius pag. 491. scriptam Anno DCCCCXLIX. ubi occurrit Adelprandus Diaconus de ordine sancte Placentine Ecclesie, qui profiteor me ex Natione mea Lege vivere Longobardorum. In Charta autem Anni DCCCCLXXXVIII. pag. 492. nominatur Sigulfus Episcopus sancte Placentine Ecclesie, qui professus sum ex Natione mea Lege vivere Salica. Insigne etiam Monasterium Farfense mordicus semper contendit, se Capitulis Longobardorum Legis, non verò Romanæ, esse regendum, ut in Chronico Farfensi habetur Part. 2. Tomi II. Rer. Italicar. pag. 501. 503. & 520. Dignum est, quod legatur Placitum ibi editum pag. 505. ubi qui ritus in Judiciis servarentur, vel in ipsa Urbe, constabit. Liberti quoque

C

D

E

H h

que

que Legem Dominorum suorum sequi iussi sunt in Lege 229. Rotharis Regis. Itidem in Decreto Liutprandi Regis Feminae sui Conjugis Legem profiteri cogebantur; ejusque moris Sigonius, Chiffletius, Florentinus, & alii, atque ego ipse in Antiquitatibus Estensis, non unum exemplum attulimus. Attamen morem hunc novis aliis exemplis confirmare juvat. *Beatrice* uxor Bonifacii Ducis & Marchionis Tusciae, ac mater Mathildis celeberrimae Comi-

A tiffae, ex gente Langobardica profecto suum sanguinem non hausit, utpote quae patrem habuit Fridericum Lotharingiae Ducem, & Salicam Legem in aliquot Chartis proficitur. Verum cum eodem (Bonifacio Marchione conjuncta, hoc est cum Principe Langobardici generis, adhaesisse & ipsa invenitur Legi viri sui. Profero Chartam ex Archivo Benedictinorum Regiensium, olim Sancti Prosperi, nunc Sancti Petri, testem hujus veritatis.

Concordia inter Beatricem Comitissam, Bonifacii Ducis & Marchionis uxorem, & Johannem Abbatem Monasterii Regiensis Sancti Prosperi, Anno 1041.

**A** Nni ab Incarnatione Domini nostri Jesu Christi Millesimo Quadragesimo Primo, die Terciodecimo Mense Marcii, Indictione X. Monasterio Sancti Prosperi Christi Confessoris, ubi ejus unatum quiescet Corpus, sita suburbium . . . . . ubi nunc Dominus Johannes Abbas ordinatum esse videtur. Ego Beatrice Cometissa, filia quondam Frederici, & conjus Bonifacii Marchio, que professa sum Legge vivere Langobardorum: ipso namque jugale & mundoaldo meo michi consensiente & subsus confirmante, praesens presentibus dixi: Promitto atque despondeo me ego, que supra, Beatrice Cometissa, una cum meos heredes, a parte predicto Monasterio . . . . . nulum unquam in tempore non habeamus licenciam nec potestatem per nullumvis ingenium, nullamque occasionem, quod fieri potest, agere nec causare nominative Masaricies seu rebus territorii juris prefato Monasterio, quibus esse videntur dues ex ipse in loca, que dicitur Campaniola; una que recta sit per Dominico, & alia est recta per Johannes

C & Petro germanis. Tercia namque Masaricia in loco ubi dicitur Campegene, que recta sunt per item Dominico; quarta Masaricia in loco, qui dicitur Sorbolo, est recta per Bonino Masario; quinta Masaricia in loco, qui nominatur Paterno, que recta sunt per Madelberto Masario; sexta Masaricia in loco, ubi dicitur Monticello prope Villiano, que recta & laborata sunt per item Johanne Masario. Nominative quod ipse Bonifacio Marchionis . . . . . Masarici per Cartulam offerfionis in eodem Monasterio emisit omnia, & ex omnibus, ut dictum est, in integrum. Quos si amodo aliquanto tempore ego que supra Beatrice Cometissa vel meos heredes a parte jam dicto Monasterio predictas Masaricies agere aut causare vel removere presumerimus per nos, aut nostra sumitentes personas, vel si aparuerit ulum datum aut factum, vel colibet scriptum, quod nos de predictas Masaricies inde in aliam partem fecissemus, & claruerit & exinde . . . . . ore taciti & quieti non permanferimus: tunc promitto componere ego que supra Bea-

sri-

trice vel meos heredes a parte predicto Monasterio pena doubles ipsos Masaricis, sicut pro tempore fuerint meliorates, aut valuerint sub extimatione in consimilibus locis, & insuper pena argentum denariis bonis Papiensibus Libres centum. Quidem & ad anc confirmandam promissionis Cartulam accepi ego, que supra Beatrice Cometisa ad te jam dictus Dominus Johannes Abbas da partem predicto Monasterio exinde Launecbil Capello uno, manente anc Cartula promissionis omnique tempore in sua firmitate.

Actum in loco, qui dicitur Bondino, feliciter.

✠ Signum manus superscripta Beatrice Cometisa, que anc Cartu-

lam promissionis per consensum ipsius Bonifacii Marchio jugale suo fieri & firmare rogavi, & supradicto Launecbild accepi, & ei relecta est.

Signum ✠ ✠ ✠ manibus Marci, & Ingelberti, seu Jobanni, Lege viventes Langobardorum rogatis testes.

Scripsi ego Adelbertus Notarius, poststradita complevi & dedi.

Alterum exemplum prodeat, haustum ex Archivo amplissimi Viri Antonii Rambaldi Comitis de Collalto, intimi Consiliarii Cæsarei.

Rambaldi Comitis Tarvisini donatio facta Monasterio Sancti Eustachii Martyris de Narvesia, Anno 1081.

**A** Nno Dominice Incarnationis M-LXXXI. pridie Kalendas Augusti, Indictione XIV. in Monasterio Ecclesie Sancti Eustachii Martyris Christi, sito in loco Montelli ad locum, ubi dicitur Narvisia, ubi Dominus Petrus esse videtur. Nos Rambaldus Comes, filius Rambaldi Comitis de Civitate Tarvisii, & Magthilda filia Burgundi Marchionis, conjugales, qui professus sum ego quidem Rambaldus Comes ex natione mea Lege vivere Longobardorum, & ego Magthilda ex natione mea Lege vivere videor Salica, sed nunc pro Viro meo Lege vivere videor Longobardorum: ipso namque jugali meo & mundualtio mibi, cui supra, consensi, & subscripsi, & confirmare presens presentibus diximus: Vita & mors in manu Dei est. Melius est enim homini, metu mortis vivere, quam spe vivendi ad mortem subitanam pervenire, ut quisquis in sanctis & venerabilibus locis ex suis aliquid con-

**C** tulerit rebus, justa Auctoris voce in hoc Seculo centuplum accipiet, & insuper quod melius est vitam possidebit eternam. Ideo nos qui supra Rambaldus Comes & Magthilda jugales pro remedio anime nostre & parentum nostrorum offerimus, donamus & tradimus predicto Monasterio Sancti Eustachii in primis sex Massaritas in Calcade, que sunt laborate, & recte per Massarios liberos homines. Hi sunt, prima per Andream: secunda . . . . & tres alias in eadem Villa, & eodem territorio ejusdem Ville Calcade, quas Pater meus & Mater mea eidem contulerunt Monasterio pro remedio anime sue. In Sancto Martino quinque Mansos & Mercatum. Prima Massaritia est laborata & recta per Johannem Landum: secunda per Petrum: tertia per Stephanum; quarta per Pagisanum: quinta per . . . . liberos homines. Et insuper alias decem damus, concedimus, & firmamus supradicto Monasterio. Et

Ecclesiam Sancte Marie in eadem Villa, quam Pater meus, & Mater mea eidem contulerunt Monasterio. In Ronchade Capellam Sancte Cecilie cum Manso uno laborato per Vitalem liberum hominem. Et insuper omnia, que Pater meus & Mater mea contulerunt eidem Monasterio pro remedio anime sue. In Narvisia Massaritias decem. In Archade tres. In Spercellano duas. In Maserata duas. In Sperzenigo tres. In Arnas sex. In Mestre quatuor. In Vedelago duodecim. Et Ecclesiam Sancti Pelagii cum dote & petia una terre extra Civitatem Tarvisii infra ambos Cagnanos: cum casis & borto & Curte, insimul se tenentibus. Ecclesiam Sancti Michaelis, & culturam ipsius cum dote. Molendinum subtus Croda cum suis pertinentiis. Quas omnes supradictas Massaritias, Capellas, & Molendinum juris nostri, cum casis, vineis, campis, pratis, pascuis, silvis, & stallariis, ripis, rupinis & paludibus, cultis & incultis, divisis & indivisis, una cum finibus, terminis, & accessionibus, & usibus aquarum, aquarumque ductibus, cum omnibus supradictis Capellis, Massaritiis, cum suis pertinentiis in integrum predicto Monasterio obtulimus pro remedio anime nostre & parentum nostrorum, & omnibus ingressibus suis generaliter, ut superius legitur. Et decernimus ab hac die predicto Monasterio, & Abbati Petro & Monachis, qui pro tempore ordinati fuerint, ut faciant jure proprietario & nomine quicquid voluerint sine omni nostra & parentum no-

A strorum mercede. Eidem spondemus, atque promittimus nos qui supra Rambaldus Comes & Magtbilda jugales, una cum nostris heredibus predicto Monasterio & Abbati & suis successoribus, aut cui pars dicti Monasterii dederit, ab omni homine defensare. Et si defensare non potuerimus, aut si nobis exinde aliquid per quovis ingenium subtrahere quesiverimus: tunc in duplum restituemus vobis eadem offerfionis Cartula, sicut pro tempore fuerint meliorata, aut valuerint sub estimatione, & in consimili loco.

Actum in Civitate Tarvisii in Turre ipsorum Jugalium supradictorum, feliciter.

\* \* Signum Rambaldi Comitis, ac Magitbilde Jugalium, qui hanc Cartulam offerfionis pro anime sue & suorum parentum scribere rogaverunt.

Ego Opius de Fontanea rogatus, & Imperiali auctoritate Notarius scripsi.

\* \* \* \* Marsilius de Vico Avigini, Odulphus Villanus, & Egidius de Romano, & item Peregrinus, Lege Longobardorum atque Salica viventes testes.

Non pigebit Lectorem accipere alteram Chartam, quae ad filiam ejusdem Rambaldi Comitis pertinere videtur. Eam ego depromsi e nuper laudato Tabulario Monachorum Benedictinorum olim Sancti Prosperi, nunc Sancti Petri Regiensis.

Mathildis Comitissa, uxor Uchonis Comitis Monachis Regiensibus Sancti Prosperi quaedam a viro suo donata confirmat, Anno 1091.

IN nomine Domini Dei eterni. Anni ab Incarnatione Domini nostri Ihesu Christi Millesimo Nonagesimo Primo,

X. die mense Decembris, Indicione XV. Tibi, que dicitur Ecclesia de Monasterio Sancti Prosperi, sita extra Civitate Re-

Regi, ibi prope est non multum longe, ego Matilda Comitissa, filia quondam Regibaldi Comitis de Comitatu Tervisi, & conius Uchoni Comitis, qui professa sum ego ipsa Matilda Comitissa ex Nacione mea Lege vivere Langobardorum, set nunc pro ipso viro meo Lege vivere Alamanorum. Ipso namque predicto Ucho Comes jugale meo mihi consencientes & subius confirmantes presens presentibus disti; promitto adque eppondeo me ego que supra Matilda Comitissa, una cum meis heredibus a pars Ecclesia de Monasterio ista Sancti Prosperi, ut amodum nullum quempiam tempore non abeamus licenciam, nec potestatem per nullumvis ingenium, nullamque occasionem, quod fieri potest, agere, nec causare adversus eodem superscripto Monasterio Sancti Prosperi, sorte una Masaricia in Loco & fundo Castello Walteri, & in loco, ubi dicitur Roncale, que est recta & laborata per Bonotempo Masario, & est ipsa sorte Masaricia inter sediminis, & vineis cum areis suarum, seu terris arabilis & pratis pro mensura justa juges quinque; & omnibus rebus terecloriis in loco & fundo Campezzini, in locis ubi dicitur Curte Gastaldi, & a la Molla. Et sunt istis rebus terecloriis inter sediminis seu vineis cum areis suarum seu terris arabilibus & pratis juges sunt item quinque, & si amplius in jam nominatis locis Campizini superscriptis rebus & terecloriis inventum fuerit, quod sint supra dicta mensura, a pars Ecclesia dicti Monasterii Sancti Prosperi per . . . . . potestatem proprietario jure, unde superscripto Ucho Comes jugale meo per Cartulam offerfionis emisit in potestatem . . . . . Ecclesia dicto Monasterio Sancti Prosperi dicendum, quod michi pertineat, aut pertinere debeat; sed omni tempore ego que prius Matilda Comitissa, meisque heredibus exinde

A tacitis & contentis permaneant. Quod si amodo aliquando tempore ego que supra Matilda Comitissa cum meis heredes adversus Ecclesiam dicti Monasterii Sancti Prosperi, aut ili, qui ipsa sorte Masaricia & de superscriptis rebus terecloriis tenuerit da parte dicti superscripto Monasterio, agere aut causare vel remove presumerimus, aut si aparueris ullum datum aut factum vel col . . . . . exinde in aliam partem aparuerit, cui ego que supra Matilda Comitissa de superscripta sorte Masaricia & de superscriptis rebus terecloriis dedisemus aut fecisemus, tunc si oc aparuerit & clarum fuerit, tunc componere promitto me ego que supra Matilda Comitissa a pars Ecclesie dicti Monasterii Sancti Prosperi pena dupla superscripta sorte Masaricia & omnibus rebus terecloriis in duplum, sicut pro tempore fuerint meliorates, aut valuerit sub estimatione in consimilis locis, quia oc in tali tenore facere jussi. Et accepi ego que supra Matilda Comitissa da pars Ecclesia dicti Monasterii Sancti Prosperi pro miso Landulfo Monachus merita causa & inde Launecbil crosna una, ut ec mea mens firma & stabilis permaneant adque persistat, quia omnia sic ut inter nobis convenit.

Actum in Castro Calvisiano, feliciter.

Signum ✠ manum superscripta Matilda Comitissa, que anc Cartulam promissionis fieri rogavi, & iste Launecbil accepit ut supra.

Signum ✠ manum Ucho Comes, qui eadem Matildi Comitissa cogius sua consensio mihi ut supra.

Signum ✠ ✠ manibus Lanfranchi, & alio Lanfranco probis hominibus testes Lege Langobardorum dd. viventes.

Ego Riboldus Notarius & Judex sacri Palatii rogatus scripsi ugius  
Car-

*Cartula promissionis postradita  
complevi & dedi.*

Hoc etiam exemplum accipe, quod  
de Tabulario Nonantulani Monaste-  
rii eduxi, ubi antiquum apographum

A adservatur. Libenter verò, ejusmodi  
Chartas oblivioni creptas volo, quòd  
in iis illustres personae memorentur,  
quarum memoriam aut restituere, aut  
conservare decet.

Charta permutationis bonorum inter Rodulphum Abbatem  
Nonantulanum & Adelbertum Comitem filium  
Uberti Comitis, Anno 1034.

**I**N nomine Domini Dei & Salvatoris  
nostri Jesu Christi. Chvonradus gra-  
tia Dei Imperator Augustus, Anno im-  
perii ejus Deo propitio VIII. quarto die  
mensis Julii, Indictione II. Commutatione  
in Dei nomine noscitur esse contractum  
bonae fidei, ut vicem contractus optineat  
firmitatem eodemque nexu oblicant con-  
trahentes. Placuit itaque bona convenit  
voluntatem inter nos Rodulphus Ab-  
bas Monasterio Sancti Silvestri sita  
Nonantola, nec non Adelbertus Co-  
mes, filius quondam Uberti, qui  
fuit item Comes, & Suphia ju-  
galibus, filia Pachleurandi, qui  
fuit similiter Comes, que profi-  
tebatur se ipsa Suphia ex Natione  
sua Lege vivere Langobardorum,  
sed nunc per eundem Viro suo Le-  
gem vivere videtur Salicha. Ipso nam-  
que jugali & mundoaldo suo ei consen-  
tiente & subter confirmante, & ex ju-  
sta capitalii & Domni Imperatoris, in  
qua inter cetera continere videtur, ut sic  
mulier cum viro & marito suo . . . .  
potestatem res suas venundandum ita &  
donandum commutare valeat. Idemque  
ipsa Supbia, una cum notitia Domni  
Widoni item hujus Comitatu Plum-  
bientse, in cujus presentia vero testium  
certa se nullam patitur violentiam cui-  
piam hominem, nec ab ipso jugali &  
mundoaldo suo, verò sua bona & spon-  
tanea voluntate, ut in Dei nomine de-  
beat dare, sicut a presenti dederunt ac

B tradiderunt vicissim. In primis dedit  
ipse Dominus Rodulfus Abbas da parte  
ipsius Monasterii eisdem jugalibus com-  
mutationibus nomine, idest quartam por-  
cionem de Corte una domus coltile in loco  
& fundo Monte, qui dicitur Surdo, &  
quartam porcionem de Capella una inibi  
constructa in onore Sancti Silvestri, atque  
& quartam porcionem de castis & massari-  
ciis & omnibus rebus, quibus sunt po-  
sitis tam in suprascripto loco & fundas  
Manciori, Montelauro, Marcelingo Au-  
vilia, Serra, Maliolo, Cucularia ma-  
gno, Pautiano, Pinariano, Passano,  
Albuciano, Gabiano Magni, Vassar-  
no, Cavacio, Cambiano, Palatio, Mar-  
ti . . . . . Buliano, Cele, Caste-  
ri, Cifole, Andeche, Regiano, Pau-  
liano, cum tertia porcione de Castro ini-  
bi habente, Merentino, Uncianore, No-  
vole, Balbiano, Montojovis, Paverio,  
Sulcia, Fanioli, Casalate infra finibus  
. . . . . intra Paciano & Buscelli in  
Cavadolia, Puliano, Saffis, Corte Da-  
rina, Corte de Scataldeis, cum Capella  
inibi edificata in onore Sancti Petri,  
Casalegrasso, Caramagnola . . . . cum  
E Capella . . . . . ente Braida, Sancto  
Georgio, Gramignano infra Civitatem  
Torino de Capella una, que est edifica-  
ta in onore Sancti . . . . & de me-  
dietatem de Mercato istius Civitatis, &  
de ortis & rebus . . . . & de casa  
una cum Curte uno tenente prope eodem  
Mercato, siue foris muro istius Civita-  
sis

ois in circuitu ibi prope Corte de Mat-  
 silago, & de Capella una, Corneliana,  
 Mandalone, Taliano, Vulfeneria, &c.  
 . . . . . Corte iusta Trovesia, de Ca-  
 pella una, que est edificata in onore  
 San-<sup>ti</sup> Martini, & de Molendinis qua-  
 tuor integris, & de medietatem de aliis  
 tribus, Busineto, Silva de Cillari . . .  
 Monte . . . . . Jermaniaſco, Alpſis &  
 Vallis, Rivalta, de medietatem de Ca-  
 stro inibi abente Gouone, Rivole,  
 Alpiniano, & de Piscaria inibi abente,  
 Raconeſe, Romanefſe, Saave . . . .  
 atque pro ceteris locis & vocabulis ad  
 ipsa Corta & Capellis, seu rebus por-  
 tinentibus, cum quarta portione de ser-  
 vis & ancillis, aldiones, aldianas u-  
 triusque sexu ad eadem Corte . . . . .  
 quarta portione de eadem Corte & Ca-  
 stris seu Capellis, siue de sediminibus  
 & vineis, cum arvis suarum, seu terris  
 arabelis atque pratis & silvis seu jer-  
 bis & arvis suarum super . . . . . com-  
 mutatione recepit ipse Donus Rodulfus  
 Abbas a parte ipsius Monasterii ab eo-  
 ſdem jugalibus meliorata res, sicut Lex  
 habet, idest omni eorum portione; item  
 de Corte una domui coltita ipsis Corte  
 . . . . . se in loco & fundo, ubi Wil-  
 zachara dicitur, cum eorum portione de  
 Capellis tres inibi edificate in onore San-  
 ctorum Cesaris & Geminiani, seu . . .  
 . . . . . omni eorum portione de casis &  
 massariis . . . . . & omnibus rebus ad  
 easdem Cortes & Capellas pertinentibus  
 vel aspicientibus, quibus sunt positae  
 tam in ipsa loco, qui Wilzachara, quam  
 in locis & fundis Palezatica, Or-  
 tesana, Siliano, Liza, Pinetola, Figa-  
 ro, Oliolo . . . . . Casiliana, Mifia-  
 no, Salsina, Colegaria, Mansulino, Ta-  
 vialo, Carzoleto, Cazareli, Mresina,  
 Perficeta, Erasenata, Gavile, Vicosfri-  
 gido, Dubiolo, Fontanese, Tabiano,  
 Montegenasio, Sanguineti, &c. ut in  
 alia Charta.

## ADELBERTUS COMES SSI

Signa ✠ manus suprascripta Sophia,  
 que ant Cartam commutationis  
 fieri rogavi, ut supra legitur.

## VVIDO COMES SSI

Signum ✠ ✠ ✠ manibus suprascri-  
 ptorum Ozoni, & Ugoni, seu  
 Warnerii, qui super ipsas res  
 acceſſerunt, & estimaverunt, ut  
 supra.

Signa ✠ ✠ manibus Tetaldi & Ra-  
 zoni, ambo Lege viventes Ro-  
 mana testes.

Gribaldus Notarius sacri Palatii, Scri-  
 ptor uſus Cartule vel commuta-  
 tionis poſt tradita complevi, &  
 dedi.

Heic memoratum vides, subscri-  
 ptumque Widonem Comitem Comitatus  
 Plumbienſis. Oppidum fuit Plumbia  
 nunc in agro Novarienſi ſitum, uti  
 adnotavit Cl. Vir Gaſpar Berettus,  
 Benediclini Ordinis clarum ornamen-  
 tum, in Tabula Chorographica pag.  
 126. Tomi X. Rerum Italicar. Tunc  
 vero conterminum fuit Novarienſi  
 Comitatu, atque a peculiari Comi-  
 te regebatur, ut jam monui in Diſ-  
 ſertatione praecedenti de Statu Ita-  
 liae. Adelbertus autem Comes permu-  
 tationis auctor fortasse fuit illius eju-  
 ſdem Uberti Comitae filius, quem Hen-  
 ricus I. Auguſtus damnavit, una cum  
 Marchionibus Eſtenſibus Anno MXIV.  
 Vide Antiquit. Eſtenſ. Par. I. Cap. 13.  
 pag. 108. Sed & illud conſtat, Mu-  
 lieres, viris earum vivere deſinenti-  
 bus, repetiſſe Legem propriam. Con-  
 ſtitutum quippe fuit a Lothario I.  
 Auguſto Lege 14. Ut mulieres Roma-  
 nae (ita ille edicit), quae viros ha-  
 buerunt Langobardos, eis deſunctis a  
 Le-



Lege viri sui sint absolutae, & ad suam revertantur Legem. Et hoc statuimus, ut simili modo servetur in ceterarum Natione mulierum. Exemplum hujus ritus sit tibi Charta eruta e praclaudo Chartophylacio Benedi-

A Etinorum Sancti Petri Regiensis. Ibi Berta Vidua profitetur, se ex Natione sua Lege vivere Salica, quum tamen Walfredus ejus olim vir Lege Langobardorum viveret.

Donatio agrorum facta a Berta Walfredi conjuge, & ab Alberto ejus filio, Monasterio Sancti Prosperi Regiensis, Anno 1111.

I N nomine Sancte & individue Trinitatis. Anno ab Incarnatione Domini nostri Ihesu Christi Millesimo Centesimo Undecimo, IX. Kalendas Februarii Indictione Quarta. Monasterio Sancti Prosperi, sito in loco suburbio Civitatis Regio, ubi nunc Dominus Pacificus Abbas praesse videtur. Nos Berta filia quondam Gerardi, & relicta quondam Walfredi de Comitatu Trivixino, & Albertus filius ejusdem Walfredi, & meus, que supradicta Berte; qui professi sumus, ego que supra Berta ex Natione mea Lege vivere Salica, & ego ipse Albertus Lege vivere Langobardorum, presentes presentibus diximus: Quisquis in sanctis &c. Ideoque nos qui supra Berta & Albertus, mater, & filius, donamus, & offerimus in eodem venerabili Monasterio, idest medietatem de Massaricia una de terra juris nostri, qui supradicti mater, & filii, quam habere & detinere visi sumus in eodem Comitatu Parmensi in loco, ubi dicitur Casale Cavagnoli, & est de Curte, que vocatur Castrum Walterii, & dividitur cum alia medietate de Massaricia quadam, que olim fuit Comitisse Donolle; sed nunc esse videtur ejusdem Monasterii Sancti Prosperi, cum terris & vineis seu pratis, & cum omnibus jure adjacentiis &c. Etiam & donamus & offerimus nos, qui supra mater, & filius, eidem venerabili Monasterio Sancti Prosperi, i-

B deest petiam unam de terra cum vitibus, que jacet in loco, ubi dicitur Roncore in eadem Curte Castri Walterii, prope filiam ejusdem Curtis &c. Et quidem spondimus atque promittimus nos qui supra Mater & filius, istam donacionem, qualiter superius &c. in integrum ab omni contradicente homine defensare &c. Et insuper ego que supra Berta, obligo me sub pena, que est auri obitimi uncias decem, argenti pondera viginti &c.

C Actum Runcalie in casa dominicata ejusdem matris, & filii feliciter.

D Signum ✠ ✠ manuum jam dictae Berte & Alberti; Mater, & Filius, qui hanc Chartulam offerfionis fieri rogaverunt, ad omnia ut supra.

E Signum ✠ ✠ ✠ ✠ ✠ ✠ manuum Agicardi filii Gosberti, & Ugonis filius Alberti, & Beincasa filius Jobannis Decani, & Bulgarelli Maleassetati, nec non Alberti Pinzabona, atque Armani filius Taurcelli, testes.

Signum ✠ ✠ ✠ manuum Laurentii Vixoso, seu Uberti de Campigine, atque Viriani de Monticello, Lege Salica viventes testium.

Ego Johannes Palatinus Judex, Scriptor hujus Cartule offerfionis, post traditam compleri & dedi.

Sed

Sed aut ejusmodi Leges interdum contemnebantur, aut illas consuetudo aliquando obruebat. Certe invenio mulieres, quae quamquam conjugatae, viri tamen sui Legem minime sequebantur. In Tabulario Canonorum Cremonensium duas pergamenas legi, quarum prima exarata fuit Anno Christi MX. unde paucula haec excerpti: *In nomine Domini Dei & Salvatoris nostri Jesu Christi. Einricus gratia Dei Rex, Anno Regni ejus Deo propicio ic in Italia Septimo, XI. die mens..... Indictione VIII. Episcopo sanctae Cremonensis Ecclesiae, ubi Dominus Landulfus Episcopus praedeterminatus esse videtur. Ego Elena Comesissa filia bonae memoriae Osberti, & coniugis..... gobardorum (idest quae professsa sum ex Natione mea Lege vivere Langobardorum) sed nunc pro ipso viro meo Lege vivere videor Salica &c.* Haec autem post multa dono data eidem Episcopo, ab ipso in emphyteusim accipit, sextam partem de Corte una domui coltibile, & sextam partem de Castro & Cappella inibi constructis juris Episcopi vestri in suprascripto Comitatu Cremonense, qui pertinet de Comitatu Bresensi in loco & fundo Sesto &c. Subscribunt Elena ipsa Comitissa, tum literis majusculis **BERNARDUS COMES**, tum duo testes *Lege viventes Salica* pro muliere, & duo *Lege viventes Romana* pro Episcopo. Habemus heic ritum vulgarem professionis Legis, quod est ad Feminas conjugatas. Alterius Chartae Anno MLXVI. exaratae, & ritum diversum praeferebat, en verba priora: *Anno ab Incarnatione Domini nostri Jesu Christi Millesimo Sexagesimo Sexto, VII. Kalendas Novembris, Indictione V. Constat nos Garibaldus, & Bado, seu Ribaldus, germanis filiis quondam item*  
Tom. IV.

*Ribaldi, qui fuit Vicecomes de Comitatu Bergomense, & Berta coniugis ipsius Garibaldi, filia quondam Osberti, & Berta conjux jam dicti Ribaldi, filia Alchevii: qui professsi sumus omnes Lege vivere Langobardorum, & ego ipsa Berta professsa sum ex Natione mea Lege vivere Allamanorum. Ipsi namque jugalibus & mundualdibus nostris nobis consentientibus, una cum noticia Domni Arialdi Comitis hujus Comitatus Bergomensis, de sub cujus judiciaria potestate esse invenimur &c. accepimus a vobis Domino Hubaldo Dei gratia Episcopo sanctae Cremonensis Ecclesiae, argentum Denarios bonos Mediolanensis Libras sex & Solidos viginti, finitum pretium pro Curte & Castro cum area sua juris vestris, quae nominatur Ruvicingo &c. Actum loco Grumello feliciter. Signum manus suprascripti Domni Arialdi Comes, qui oc signum Crucis fecit &c.* Ex ambabus huius Chartis intelligas, quam immutati sint fines veterum Comitatum, sive Districtuum. Grumellum in Charta postrema memoratum pertinebat olim ad Comitatum Bergomensem, quum tamen perquam longe ab ea Civitate jaceat, & contra octo tantum millibus passuum a Cremona distet. Sic *Juvenalta*, nunc *Genevolda*, Bergomatis agri olim fuit, nunc vero Cremonensis, uti ex eorumdem Canonorum Archivo didici, ubi Charta legitur scripta Anno Imperii Tercio Ottoni Deo propicio Quarto, mense Martius, Indictione XII., idest Anno DCCCCXCIX. cujus ecce exordium: *Dum in Dei nomine Comitatu Pergomense Castro, quae dicitur Juvenalta, per data licentia Domni Odelrici Episcopi Episcopo sanctae Cremonensis, in judicio resideret Cesso Dei gratia Diaconus & Missus Domni Ottoni Imperatoris, singulorum omnium justitias &c.*  
I i Redeo

Redeo ad Chartam, quam ante attuli, scriptam Anno MX. Ibi vidimus Cortem & Caltrum constructum in Comitatu Cremonensi, qui pertinet de Comitatu Bresensi in loco Sesto. Sextum aberat ac abest a Cremonensi Urbe sex tantum millibus passuum. Num ergo eo usque se protendebat Comitatus Brixianus? Profecto nisi Brixianae Civitati, ejusque Comitatus in ea loca fuisset, nihil erat, cur heic Brixianus Comes memoraretur. Et profecto in Antiquitat. Estens. Par. I. Cap. 7. jam ostendi, latissimae olim excurrere fines Comitatus Brixiani. Vide etiam Dissertat. VIII. de Comitibus, ubi de Cremonensium Comitatu decurtato egi.

Sed ut in semitam redeamus, nuper vidimus Bertam conjugem Ribaldi viventis, praesentis, ac secundum Legem Langobardorum viventis, quae tamen profitetur, se ex Natione sua Lege vivere Alamannorum. Guichenonius in Bibliothec. Sebus. Centur. prima, Cap. 93. Chartam refert, ubi haec verba: Nos Guilelmus Marchio (Montisferrati) & Julita jugalis, filia quondam Leopoldi Marchionis de Austria..... Nos itaque supradicti jugales, qui professi sumus ex Natione nostra Lege vivere Salica; sed ego Julita mea Lege vivere videor Alamannorum. Haec obscura & fortassis ex apographo vitiatum deducta. Clariora ego adferam ex Chartis Mutinensibus. In Archivo nempe Canonico-rum Mutinensium non unum Legis diversae a Conjugibus observatae exemplum occurrit: sed unum ego

A inde excerptum appono. Anno Dominico Incarnationis Millesimo Tertio, XIV. Kalendas Magii, Indictione Prima. Ecclesia Sancti Geminiani Christi Confessoris, ubi ejus humatum quiescit Corpus, sita intra hanc Civitatem Mutina. Nos quidem in Dei nomine Petrus filius quondam item Petroni, qui professus sum Lege vivere Romana (neque hoc praeteribo, in eisdem Chartis Mutinensibus saepissime ineuntes contractus profiteri Legem Romanam, quum in aliis bene multis Urbibus frequentius occurrat Langobardicae professio) & Rozza jugalibus, filia Everardi, qui sumus habitatores in Pago Persiceto, qui professa sum ego Rozza Legem vivere Longobardorum: ipso namque Petrus viro jugale & Mundoaldo meo mihi consensiente, & subter in omnibus confirmante, & ut Lex, in qua professa sum vivere, habet auctoritas una cum noticia de parentibus meis &c. Donant isti Warino Episcopo medietatem de Castellum unum cum fossato & tonimine circumdato juris nostri cum Capella inibi edificata &c. Nominatur namque Castellum Novum. Locus autem, ubi constructum esse videtur, vocatur Casale Usantula. Est area ejusdem Castri nostram portionem per mensura justa ad pertica legitima de pedes duodecim mensurata tabulas sexaginta sex &c. Habemus heic Petrum Legi Romanae obnoxium, Rozzam vero ejus conjugem Langobardicam addictam. Id quoque luculentius confirmabitur altero exemplo, quod mihi Serenissimi Ducis Mutinae Archivum suppeditavit.

Charta donationis factae Adelberto Presbytero habitatori in loco  
Castellione a Gezone & Teuza Conjugibus, Anno 1019.

**I**N nomine Domini Dei & Salvatoris nostri Jesu Christi. Enricus gratia Dei Imperator Augustus, Anno Imperii ejus Quinto, X. die mense Augustus, Indictione II. Tibi Adelberti Presbytero, qui est abitator in loco Castellione, nos Gezo filio quondam Jobannis & Teuza jugalibus, filia quondam Aliprandi, qui professus sum ego ipse Gezo ex Natione mea Lege vivere Romana, & ego ipsa Teuza professa sum ex natione mea Lege vivere Langobardorum: predicto namque jugale meo mihi consentiente, & subter confirmante, & iuxta eandem Legem, in qua nata sum, una cum notitia & interrogatione de propinquieribus Parentibus meis, qui sunt Teuzani.... Wibertus, & Girardo propinquieribus parentibus meis, in quorum presencia, vel testium certam facio professione, quod nullam me pati violentiam at quempiam hominem, nec ipso jugale ac mundualdo meo, nisi mea bona ex spontanea voluntate, amicus & amica, donator & donatrix tua Presbyteri diximus. Quapropter donamus a presente die dilectionis tue, & in tuo jure & potestate per hanc Cartula donationis proprietario nomine in te habendum confirmamus: hoc est Casis & rebus territorii illis juris nostri, quem supra jugalibus, quam habere visi sumus in loco, ubi dicitur Banniolo, qui est infra Corte, que dicitur Basillica, Docius, Stadengarda, & Campo qui dicitur Binda, vel in eorum adjacentiis & pertinentiis earum rerum per locas & vocabolas ab ipsis casis & haerebus territorii pertinentibus vel inde aspicientibus in integrum. Que predictis casis & re-

**A** bus territorii de eodem loco Banniolo per mensura iuxta inter sediminas & areis, ubi visis estant, seu terris arabilibus, atque pratis juges duo rebus territorii de eodem loco Standegarda est per mensura iuxta iuge uno, Campo de Binda est per mensura iuxta perticas novem, & quantum plus de nostri, quorum supra jugalibus, juris & rebus in easdem..... ut supra mensura legitur; inventum fuerit, omnia per eadem Cartula donationis in tua, qui supra Adelberti Presbytero, aut cui tu dederis persistans potestatem proprietario juri. Que autem superscriptis casis & rebus territorii illis juris nostris superius dictis una cum accessionibus & ingressoribus earum, seu cum superioribus & inferioribus suorum, qualiter superius mensura legitur, ab hac die tibi, qui supra Adelberti Presbytero dilecto amico nostro donamus, cedimus, conferimus, & per presentem Cartulam donationis proprietario nomine in te habendum confirmamus, & facias exinde a presente die tu aut cui tu dederis proprietario nomine quicquid volueris sine omni nostra, quem supra Gezoni & Teuzani jugalibus & heredum nostrorum contradictione vel defensione & absque rextauracione; exceptio quod Gezoni & Teuzani jugalibus datum aut factum vel quolibet scriptum apparuerit, quod nos ipsis exinde in aliam partem fecissemus, aut emissemus, nihil vobis defendere nec restaurare promittimus. Nam si de nostro jugalibus datum aut factum apparuerit, quod nos exinde in aliam partem fecissemus aut emissemus, & clauerit, tunc da illam partem unde oc-

**B**

**C**

**D**

**E**

1 1 apparuerit, nos qui supra jugalibus una cum

cum nostrisque heredibus tibi, qui supra Adelberti Presbitero, aut cui tu dede-  
ris, defendere & restaurare promittimus,  
excepto ut supra. Qui si defendere non  
potuerimus, aut si vobis exinde aliquod  
per caris ingenium subtrahere quesierim-  
us, tunc in duplum eadem donatio,  
sicut supra legitur, vobis restituamus,  
sicut supra tempore fuerit melioratis,  
aut valueris sub estimatione in consimi-  
libus locis. Quidem & ad hanc con-  
firmandam donationis Cartula, accepi-  
mus nos quem supra Gezo & Teuza  
jugalibus at te, quem supra Adelber-  
tus Presbiter exinde Launcbil Capello  
uno, ut hec nostra donatio omni tempo-  
re firma permaneat, atque persistans con-  
stipulatione subnixa. Et nec mihi qui  
supra Gezoni liceat ullo tempore nolle  
quod volui, sed quod ad me semel fa-  
ctum, vel quod scriptum est, sub ius-  
suum inuolabiliter conservare promit-  
to con stipulatione subnixa.

Actum locus, ubi dicitur Lucaniono  
feliciter.

Signum ✠ ✠ manibus suprascripto-  
rum Gezoni & Teuzani jugalibus,  
qui hanc donationis fieri rogave-  
runt, & predicto Gezo eidem Co-  
ninus sue consensit, ut supra, &  
eorum relecta est.

Signum ✠ ✠ manibus Wiberti, &  
Girardi propinquieribus eidem Teu-  
zani, qui eam interrogaverunt,  
& consenserunt ut supra.

Signum ✠ ✠ ✠ Azoni, & Ber-  
nardi, seu Teuzoni Lege vivere  
Romana rogatis testes.

Signum ✠ ✠ manibus Oddoni atque  
Androi rogatis testes.

A Ego Raginerius Notarius sacri Pala-  
tii rogatus Scriptor ujus Cartula  
donacionis post tradita complevit &  
dedit.

B Et heic vides, nihil pensi habuif-  
se Mulieres, an viri sui Legem se-  
querentur. His autem conlona est  
Charta evulgata a Campio Tomo I.  
Hittor. Eccles. Placentin. pag. 498.,  
& scripta Anno Christi MX. Ibi Jo-  
hannes filius Berulfi Judicis, qui ex  
Natione sua professus est se Lege vi-  
vere Romana, & Walderada, quae &  
W..za conjux suprascripti Johannis,  
quae professsa est, se ex Natione sua  
Lege vivere Langobardorum, donant O-  
ratorium aedi sacrae Sanctae Justi-  
nae. Atque heic potissimum animad-  
vertenda sunt, quae in Appendice  
Historiae Monasterii Padolironensis  
pag. 46. & seqq. Clarits. Bacchini-  
us evulgavit, hoc est, plures celeberr-  
mae Comitissae Mathildis Chartas.  
In una ex iis inclyta mulier dicitur  
ex Natione sua Lege vivere Langobardo-  
rum. In reliquis bene multis Tabu-  
lis eadem fatetur, se tantum Lege  
vivere Salica. Atque hae scriptae fue-  
runt omnes post Annum Christi Mil-  
lesimum Centesimum, hoc est diutis-  
sime post mortem Godefridi Ducis  
primi ejus viri, Lege Salica uten-  
tis. Parum dixi. Chartam habeo,  
quam in Tabulario Monasterii Bene-  
dictinorum Regiensium, olim Sancti  
Prosperi, nunc Sancti Petri, sub o-  
culis habui, ubi eadem Comitissa ait,  
se ex Natione sua Lege vivere Salica.  
Juvat nunc ipsam producere.

Mathildis Comitissae & Ducissae donatio facta Monasterio S. Prosperi Regiensis, nunc S. Petri, Anno 1080.

**I**N nomine Sanctissimae & individuae Trinitatis. Anno ab Incarnatione Domini nostri Jesu Christi Millesimo Octogesimo, die IX. mensis Decembris, Indictione III. Monasterio Sancti Prosperi sito foris & prope Civitate Regense, ubi Dominus Gisbertus Abbas praefesse videtur. Ego quidem in Dei nomine Matelda Comitissa, filia quondam Bonifacii Marchio, quae professum sum ex Natione mea Lege vivere Salicha, offerrix & donatrix ipsius Monasterii, praesens praesentibus dixi: Quisquis in sanctis, ac in venerabilibus locis ex suis aliquid contulerit rebus, juxta Actoris vocem in hoc Seculo centuplum accipiet, & insuper quod melius est, vitam possidebit aeternam. Ideoque ego quae supra Matelda Comitissa dono & offero in eodem sancto Monasterio a presenti die, hoc est peties duae de terra, una laboratoria, & altera prativa, quae prativa dividitur in tribus partibus pro nimia abundantia aquarum: quas habere visa sum in loco & fundo, ubi dicitur Castello Gualteri; & sunt ipse peties de terra per mensuram justam juges viginti & novem. Finis ad praedicta terra prativa a meridie haeredes quondam Gandulfi, a mane & de subito praedicta Curte de Castro Gualteri, ad super per totam a sera funditur. Item a meridie Comes Ubertus: & si quae aliae sunt cohaerentes. Item si amplius inventum fuerit de praedictis petiis de terra laboratoria & prativa, quod ad meum jus pertinisset, quae ut supra mensura, & omnia . . . possessionis meae permaneat & persistat in integrum. Qui autem superscriptae peties de terra laboratoria & prativa juris mei una

**A** cum accessione & ingressores . . . oribus illarum, & qualiter superius legitur in integrum ab hac die in eodem Monasterio dono & offero, & per praesentem Cartulam offerfionis ibidem ad habendum confirmo, sicut supra, & per animae meae mercedem. Insuper cultellum, fistucam nodatum, wantonem, & wasonem terrae, atque ramo arboris, coram testibus legitimam facio tradicionem & investituram, & me exinde foris expuli, warpivi, & absentem feci, & ad partem praedicti Monasterii habendum reliqui; ita ut faciat praedictum Monasterium proprietario nomine, sicut superius legitur, quicquid voluerit sine omni mea ac haeredum & probaeredum meorum contradictione vel repetitione. Si quis vero, quod futurum esse non credo, si ego ipsa Matilda, quod absit, aut ullus de haeredibus ac probaeredibus meis contra hanc Cartulam offerfionis ire quandoque tentaverimus, aut eam per quodvis ingenium infringere quaesierimus: tunc inferamus ad illam partem, contra quam litem intulerimus, multa, quod est poena auri optimi uncias quatuor, argenti pondera octo, & quod repetierimus, vindicare non valeamus, sed praesens haec Cartula offerfionis diuturnis temporibus firma maneat atque persistat inconvulsa con stipulatione subnixa. Ego quae supra Comitissa Matilda, meique haeredes, ac probaeredes parti ipsius Monasterii, sicut superius legitur, in integrum ab omni homine defensare. Quod si defendere non potuerimus, aut si vobis exinde aliquid per quodvis ingenium subtrahere quaesierimus, tunc in duplum eandem offerfionem ut supra, & parti ipsius

ipsius Monasterii restituamus, sicut pro tempore fuerint melioratae, aut valuerint sub aestimatione in consimilibus locis. Et bergamena cum atramentario de terra ego quae supra Matilda Comitissa levavi. Hanc enim paginam Cartulae offerfionis Henwardi Notarii sacri Palatii tradidi & scribere rogavi, in qua subter confirmans, testibusque obuli rehorandam.

*Actum infra praedicto Monasterio Sancti Prosperi feliciter.*

*Matilda Dei gratia, si quid est, in hac Cartula a me facta subscripta.*

*Signum \* \* \* \* \* manibus Audo de Cornazano, & Gerardo nepote suo, seu Raginerio filius Ugonis, filii Albini, atque Bernardo, & Petro germanis Lege viventium Salicha rogati testes.*

*Signum \* manibus Bulgari de Nantula rogati testes.*

*Ego Henwardus Notarius sacri Palatii Scriptor hujus Cartulae offerfionis post tradita complevi & dedi.*

Equidem miratus sum, Mathildem Comitissam, e Langobardo patre natam, tunc ob mortem Godefridi Ducis primi viri sui pristinae suae libertati restitutam, appellatam a quoquam fuisse non tantum Lege sed & Natione Salicam. Id fortasse factum, quod ejus mater Beatrix ex eadem

A gente fuerat. Nam uti jampridem animadverti in Antiquit. Estens. Par. I. Cap. 23. multa habuit antiquitas, quorum causas nunc difficile assequimur, & uti Legem, ita quoque Nationem diversam profiteri olim licuisse videtur. Ac praecipue si qui advenientes ex Regnis exteris ad incolendam Langobardiam heic lares figebant; eorum quippe nepotes ac pronepotes ex longo, ut ita dicam, indigenatu jus acquirebant se quoque appellandi Natione Langobardos. Tabulas reapse illic attuli, quibus Oddo Blancus Nationem ac Legem Romanam profitetur, ejus vero filii Langobardam. Ceterum quo tempore professio ejusmodi defierit, is nullo negotio intelligat, cui Chartas antiquas in Archivis latentes invisere liceat. Scilicet Seculo Christi XIII. decurrente ea consuetudo paullatim evanuit, idque non alia de causa, quam quod Romanae Leges forum & Scholas ubique implere coeperint, ac priorum temporum ritus antiquarint. Exemplum tamen unum proferam, quo conservata inspiciatur Anno MCCXII. professio Legis, Chartam videlicet, quam ex Archivo Curiae Episcopalis Parmae acceptam suppeditavit mihi, dum viveret, Comes Franciscus Torellus, ex avita nobilitate ac studio eruditionis Historicae mihi semper cum honore commemorandus.

**Charta venditionis duarum partium medietatis Castri Gualterii facta a Maladobato Prandorum Opizoni Episcopo Parmensi, Anno 1212.**

**I**N nomine Domini. Millesimo Ducen-tesimo Duodecimo, XII. Kalendas Novembris, Indictione XV. in praesentia infrascriptorum testium, Maladobatus

E Prandorum, & Prandus ejus filius; profuentes se Lege Lombarda vivere, vendidere atque tradidere ad proprium & per aliodium Domino Opizoni

zoni Dei gratia Parmensi Episcopo duas partes medietatis, siue res sit diuisa, siue indiuisa Castri Castrigualterii Prandorum, & Doglonis, & Turris, domorum & casamentorum, cum omnibus edificiis & terraliis & foveis atque spaldis, & honoribus, & cum omni iurisdictione, conditionibus, factionibus, redditibus, fictis, albergaris, coltis, rationibus, & exactionibus, hominibus & habitatoribus & manentis, piscationibus & venationibus, & cum omni iure & iurisdictione Curtis & Castri, & specialiter Guaritae & Sceleraguatae, bocatae, & phalangatae, atque sepis & Pontis, & in omni iure & honore Curtis & Castri, & iurisdictionibus ejusdem Castri. Praeterea dicti Maladobatus & Prandus dedere, cessere, atque mandauere eidem Domino Episcopo & ejus successori omnia jura & actiones utiles & directas, quae & quas habebant, sibiue competeabant in rem & in personam, nomine vel occasione hujus rei venditae, & ipsum Dominum Episcopum tamquam in rem suam Procuratorem, & se Possessores ejusdem rei pro eodem Domino Episcopo, & ejus nomine fecerint & constituerint, & pro pretia ejusdem rei dicti Maladobatus & Prandus fuere confessi, se triginta Libras Imperiales a praefato Domino Episcopo accepisse. Et renunciare exceptioni non numeratae pecuniae hujus pretii, atque omni juri & legibus, quibus dicere, aut obicere possent hanc venditionem duplum, aut plus dupli valere, vel quod deberent restitui ad supplementum praedicti pretii, vel ad dictas res venditas petendas: ut amodo dictus Dominus Episcopus & ejus successores, & cui dederint, faciant de omnibus dictis rebus venditis & cum accessibus & ingressibus, cum superioribus, & inferioribus suis iure proprietario quidquid valuerint, sine omni prae-

A fatorum Maladobati, & Prandi atque heredum eorum contradictione. Promittere quoque dicti venditores, & una cum suis heredibus sese obligauere praefato Domino Episcopo, & ejus successori, & cui dederit, dictas res venditas ab omni impediante & contradicente persona cum ratione defendere & disbrigare. Quod si facere noluerint, aut si per quodvis ingenium se subtrahere quaesierint, tunc in duplum, ut ratio exigit, ei restituere promittere, sicut pro tempore fuerit meliorata, aut valuerit sub estimatione in consimili loco.

Actum Parmae feliciter in Palatio dicti Domini Episcopi cum stipulatione subnixae.

Ibi vero testes rogati fuere Guido de Intiola, & Gerardus Gilii de Intiola, qui fuere rogati dare sententiam, Johannes Nibii, Rodulfus Cavazutti, Magister Henricus de Castrogualterio, Dominus Beltrammi Judex.

Item in Millesimo Ducentesimo Decimotertio, die XVI. intrante Aprilis, Indictione Prima, praesentibus Guilielmo de Rivalta, Gundo Villani, Gerardo Suzopupo, Gerardo de Sancto Hilario, testibus rogatis, Domina Mauxibilia uxor dicti Maladobati, & Domina Jacoba uxor dicti Prandi huic venditioni consentire & parabolam dedere, & in ea omni suo juri pignoris & hypothecae dotis, donationis quartae, vel cujuslibet alterius sui juris ..... renunciare, & hoc in domo dicti Maladobati.

Ego Dominus Pungolinus sacri Palatii Notarius interfui, & hanc Chartam rogatus scripsi.

Verum, ut nuper dixi, Romanarum Legum dignitas ac studium ita eodem Seculo XIII. invaluit, ut illarum



larum disciplinae ac regimini Italia universa sese ultra sensim addixerit, & reliquarum Legum non usu tantum, sed & nomine tandem paene exoleto, unum Jus Romanum universos fere Italiae Populos exinde constrinxerit. Huic autem *Statuta*, sive *Leges Municipales*, praeferebantur semper, & adhuc praeferuntur; tunc enim duntaxat ad Romanam Legem recurritur, ubi *Statuta* nihil contra decrevere. Quid tamen unam Legem heic memoro? Quasi videlicet oblitus, iisdem temporibus succrevisse immanem illam ejusmodi Municipalium Legum, sive Statutorum silvam, quae nunc Italiam ferme totam occupat ac premit. Quod in ditione Serenissimi heri mei Ducis Mutinae factum intuemur, nimirum non Civitates tantum, sed & Oppida ipsa, immo & aliquot Castella, proprio Statuto regi, idem in compluribus aliis, Italiae, Galliae, Germaniae, aliorumque Regnorum Provinciis & locis notissimum est observari: quod quanto incommodo sit tum Legum studiosis, tum Populis ipsis, non est instituti mei nunc differere. Illud unice adnotabo, originem Municipalium Legum, si quid video, referendam esse ad tempora subsequuta Pacem Constantiae, quae, ut eruditi norunt, stabilita est Anno Christi MCLXXXIII. inter Fridericum I. Augustum, & Civitates Societatis Lombardorum. Antea certe *Consuetudines* quaedam invecitae fuerant in fere omnium Urbium regimen; immo istae pro *Legibus* habebantur, quum has ipsas Carolus Magnus probasset in Lege Langobard. 148. quam ex Estensi Codice ego primum evulgavi Part. II. Tomi I. Rer. Italicar. Eam heic repeto: *Ut longa consuetudo, quae utilitatem publicam non impedit, pro*

*Lege servetur.* Praecipue verò plures invaluerunt, postquam Populi non pauci ex Italicis in libertatem assurrexere, & sub Consulibus pro necessitate ac utilitate Civium constituere multa coeperunt. Clarissimus Vir D. Guido Grandius Abbas Camaldulensis nonnullas ex hisce Constitutionibus a Pisana Republica efformatas Anno MCXLVI. MCLVI. & subsequentibus, atque in MSto Codice adhuc servatas, laudavit in Epistola de Pandectis. Nusquam tamen decreta ejusmodi ab Urbibus condita, compulsa fuerunt in unum corpus, cui *Statutorum compilatio* nomen esset. At postquam in Pace Constantiae Fridericus I. Augustus foederatis Lombardorum Civitatibus *Regalia & Consuetudines* concessit, sive confirmavit: tunc coeptae sunt accuratius ac saepius efformari Leges, quibus esset aut in praesenti necessitate, aut in posterum Respublica regenda. Hae autem in unum collectae, *Statuta* appellatae sunt, quae primo paucas paginas implerunt, tum supervenientibus in dies novis decretis justum volumen tandem constituerunt. *Consuetudines* etiam nuncupatae sunt ejusmodi Leges, uti Du-Cangius antea in Glossario Latino animadvertit. Jamque ante Annum MCCVIII. conditum fuisse *Statutum Civitatis Ferrariae*, in Antiquit. Estens. Par. I. Cap. 39. ostendi, producto Decreto, quo Ferrariensis Populus Anno eodem *Azzonem VI. Marchionem Estensem* sibi perpetuum dominum elegit. Ibi haec habentur: *Adiicientes, quod de Anno in Annum hoc Statutum firmetur, & cetera supra dicta, & scribantur in corpore Statutorum &c. Es Statutarii, qui pro tempore fuerint, hoc Statutum, & supradicta teneantur firmare, & scribi facere in volumine Statuto-*

Statutorum Communis Civitatis Ferrariae. A  
Infra eorundem Statutorum mentio  
recurrat. Neque segniorem se prae-  
stitit in concinnando Statutorum suo-  
rum Libro Populus Mutinensis: nam

vel ante Annum MCCXIII. ejus men-  
tio mihi occurrit in Charta adserva-  
ta in Tabulario Reipublicae Muti-  
nensis, cujus haec sunt verba.

**Concordia inter Commune Mutinae & Salinguerram pro destruendo  
Castro Pontis Ducis, secundum promissionem jam factam  
a Marchione Estensi, Anno 1213.**

**I**N nomine Domini nostri Jesu Chri-  
sti. Talis pactio & concordia fiet  
inter Commune Mutinae & Dominum  
Salinguerram & Nepotem, & suos,  
videlicet, quod Salinguerra debet dare  
Castrum Pontis Ducis Communi Mutinae  
ad destruendum, & ad faciendum to-  
tam suam voluntatem, deferendo homi-  
nes ipsius Castri & totum mobile, quod  
habent in ipso Castro sine fraude. De  
aliis vero rebus omnibus, erit arbitrio  
Potestatis Mutinae. Et debet restituere  
omnes prisioneros, quos habet de Civi-  
tate & Episcopatu Mutinensi cum na-  
vibus suis, quae ablatae fuerunt, vel ex-  
timationem, si quae essent deperditae, &  
cum scutis & zappis, quae in Castro in-  
veniantur. Et debent jurare tenere di-  
ctum Castrum Pontis Ducis destructum,  
secundum quod alii homines Ferrariae &  
Marchio juraverunt & promissere. Et de-  
bent dare & datum facere & promittere  
secundum quod homines Ferrariae & Mar-  
chio dederunt & fecerunt de dicto Ca-  
stro & Curia tota & Districtu. Et de-  
bent Salinguerra & Nepos jurare stare  
preceptis Potestatis Mutinae & Potesta-  
tis Parme, & avere Mercatorum Parme  
reddere. Et Commune Mutinae debet da-  
re Salinguerre & Nepoti mille Libras  
ad rationem Imperialium, & debet eos  
extrahere de banno, & restituere ei po-  
dere Regalie Imperii, quod habebat in  
Episcopatu Mutinae, eo jure tantum, quo  
habebat prius. Item debet promittere

Tom. IV.

**B** Commune Mutinae, quod faciet ponere  
in Statuto Civitatis, quod si aliqua  
partium Ferrariae, Marchio, vel Sal-  
linguerra fuerit de Civitate Ferrariae  
expulsa, quod non debeat prohiberi pro  
Communi amicis partis expulsa, quin  
possint prestare auxilium & adjutorium,  
secundum quod voluerint, parti expulsa.  
**C** Idem in omnibus & per omnia promi-  
serunt & juraverunt Domino Bernardo  
Potestati Mutinae & Domino Ramberti-  
no Potestati Parme sua bona ipsis simi-  
liter obligando in pena quinque millium  
Marcharum argenti.

Actum apud Pontem Ducis in exerci-  
tu, in castris hominum Parme;  
MCCXIII. Indictione Prima,  
die Veneris VIII. intrante No-  
vembri, presentia & testimonio  
Bernardi de Cornazano &c.

**E**go Petrus de Oliveto quondam Im-  
peratoris Henrici Notarius, &  
tunc Potestatis Mutinae Notarius,  
& Communis, interfui, & re-  
gatus scripsi.

Primis vero temporibus nihil aliud  
Statuta Urbium & Locorum com-  
pletebantur, nisi decreta Reipubli-  
cae aut Potestatum, qualia quotidia-  
ni regiminis, & publicorum negotio-  
rum cura exposcebat. Raro autem  
quisquam discedebat a Romanis aut  
Langobardis Legibus, quibus Majo-  
res obstricti fuerant. Sed tempore  
consequente ab hisce etiam recessum

K k

est.

est; hoc est efformata sunt Statuta, per quae Langobardorum, aut Justiniani Leges non paucae abrogatae sunt, sive immutatae; nam prout quisque Populus satius duxit, tunc alio ordine successiones, contractus, aliaque tum civilia, tum criminalia negotia peragenda constituit. Apud Venetos Statuta collegit ac edidit Anno MCCXLII. Jacobus Theupulus Dux. *Reperiens enim (ut scribit Andreas Dandulus in Chronico pag. 353. Tomi XII. Rerum Italicarum) Statuta ab eo, & Praedecessoribus edita tantae confusioni submissa, ut in eorum observatione Judices frequentissime vacillarent, pro eorum reformatione elegit viros doctos, qui antiqua corrigentes, & nova statuantes, Duci in uno volumine redacta obtulerunt &c.* Et sane eodem Saeculo XIII. pleraeque Civitates corpus Statutorum suorum adornarunt, ac pro Lege in posterum elegerunt. Postremo tandem loco mihi sunt praecipue commemorandae Municipales Leges Populi Veronensis Anno MCCXXVIII. promulgatae, ac in unum Librum conjunctae. Has Anno MDCCXXVII. publici juris fecit doctissimus Amicus meus Bartholomaeus Campagnola Archipresbyter Sanctae Caeciliae Veronensis, in omnium eruditorum utilitatem, quippe ex ejusmodi fontibus plura educi possunt ad eorum temporum mores & regimen Italicarum Urbium rite dignoscendum. Propterea & ego in

A calce Dissertationis L. de Civitat. Italicar. Libertat. antiqua Civitatis Pistoriensis Statuta evulganda censui, per quae ad barbaricae Eruditionis suppellectilem augmentum accedet. Neque hoc praetermittendum est, Majores nostros, antequam invehetur per universam Italiam professio Romani juris, & in Scholis Bononiensibus, aliisque subsequitis, Romanae Leges explicarentur, controversiae sine tot Citationibus, Protestationibus, Exceptionibus, Instantiis, Contradictoriis, aliisque aeternis Fori nodis ac funibus expediebantur. At vix Legulejorum Respublica invaluit, & Juris Romani sacraria aperta fuere, quum via quoque referata fuit tricia omnibus, quibus lites nunc temporis obnoxiae sunt, & ob quas interdum perpetuantur. Vide quaeſo Actum unum in lite, quae circiter Annum MCXC. agitata fuit inter Obizonem L. Marchionem Estensem & Heredes nobilis Viri Alberti de Baone. De ista sermo mihi fuit Par. I. Cap. 38. Antiquitat. Estens. EA occasione, uti videtur, facta fuit sequens protestatio, quae se mihi obtulit in Archivo Estensi; ac satis prodet, quantâ cautelâ jam tum Legum periti instituere coepissent longam litium navigationem, quorum industriam non solum subsequentes aemulati sunt, sed mirum in modum superarunt.

Protestatio Procuratoris nobilis Mulieris Aychae de Camino contra Obizonem L. Marchionem Estensem in controversia de Villis & Castris Baonis, circiter Annum 1190.

P Encias Tabellio, qui fuit de Curterodulo, & nunc Padue moratur, Procurator nobilis mulieris Domine Ay-

che de Camino, & Domini Tifolini de Ungarallis, Civium Padue, protestatus denuntiât & dicit Illustri Viro Domini-

mino Opizoni Essenſi Marchioni, quod Domina Aycha ſupradicta, & Dominus Tiſolinus jam dictus, parata & paratus eſt, ſi aliquid de jure tenetur, & debet facere, agere, tractare, & complere ipſi Domino Marchioni, tamquam ſucceſſores Domini Alberti de Baone & Domine Darie quondam ejus filie, predicto Domino Marchioni facere & complere: Viſis Instrumentis, ad que facienda, gerenda & complenda tenebantur predicti Domini Albertus de Baone & Domina Daria filia ejus, & ad que tenentur dicto Domino Marchioni de jure ſucceſſores eorum, ſcilicet Domini Alberti & Domine Darie. Et cum inſtancia magna petiit & petit ab ipſo Domino Marchione, & ab eo requirit, ut Instrumenta, de quibus Dominicus Caccia Procurator ipſius Domini Marchionis procuratorio nomine pro eo fecit intimationem tempore quo ipſe fecit denuntiare Domine Aycha & Domino Tiſolino, ſuper factis Villarum & Caſtrorum Baonis & Vallis, ut videant & cognoscant ad que ipſi tenentur & tenebantur Domino Marchioni antedicto: cum ipſi per ſe nullos contractus umquam vel obligationem fecerint cum Marchione aliquo Eſſenſe; & ſi Majores ſui aliquos contractus vel obligationem umquam fecerint, quod ipſi nec ſciunt, nec credunt aliquos contractus vel obligationem feciſſe, ignorant illos. Et ſupplicavit & petiit ab ipſo Domino Marchione, ut oſtendat & exhibeat Instrumenta predicta, de quibus dictus Procurator procuratorio nomine pro eodem Domino Marchione fecit intimationem tempore denuntiationis predictae, quia ſi aliqua Instrumenta exiſtunt, & ſunt vera, communia ſunt ipſius Domini Marchionis & ſucceſſorum predictorum Dominorum Alberti & Darie. Proteſtatur, denuntiat, & dicit Procurator predictus, non aſſentiendo, predictam

A Dominam Aycham & Dominum Tiſolinum, nec conſitendo, heredes eſſe predictorum Dominorum Alberti & Darie, ſalvis omnibus aliis juribus, exceptionibus communibus, & deſenſionibus Dominis Aycha & Tiſolino predictis.

B Ceterum abrogatane unquam fuerit apud Italos Langobardorum Lex, an potius paullatim ipſa in deſuetudinem abierit, antea inſtigavi, ſcilicet in Praefatione ad Leges Langobardicas Part. 2. Tomi II. Rerum Italicarum. Ibi in primis eviciſſe me puto, veritate minime niti eorum ſententiam, qui Leges Romanas probatas, Langobardicas vero deſectas decreto Lotharii II. Auguſti, circiter Annum MCXXXVI. ſunt opinati. Memini, me vidiffe Chartam non unam, ineunte ipſo Seculo XIII. hoc eſt tamdiu poſt ipſius Lotharii imperium, ſcriptam; in quibus profeſſio Langobardicae Legis occurrit. Et Lib. I. Conſtitution. Sicular. Cap. 59. Fridericus II. Imperator ait: *Secundum conſuetudines approbatas, ac demum ſecundum jura communia, Langobarda videlicet & Romana.* Ita in Antiquitatib. Eſſenſib. Par. I. Cap. 40. pag. 397. & 399. in duobus Diplomatis Ottonis IV. datis Anno MCCXII. legitur: *Nulla Lege Romana, vel Lombarda, ſeu conſuetudine vel Statuto gentis cujuſlibet obviare valente.* Hanc eandem veritatem aliis argumentis ex eruditione veterum petitis confirmavit celeberrimus Abbas D. Guido Grandius, nuper mihi laudatus, in eadem Epistoſta de Pandectis. Norunt autem Eruditi, Leges Langobardicas, Saliccas, Ribuaras, &c. editas fuiſſe ab Heroldo, Lindenbrogio, Wendelino, Goldaſto, Baluzio, &c. Langobardicarum editionem dedi & ego Part. II. Tomi I. Rer. Italicarum, fortas-

se non contemnendam. Nunc addo, haberi in MSto Codice Bibliothecae Estensis *Legem Salicam*. Et quoniam occurrunt ibi variantes Lectiones, aut Glossae, ex quibus textui adhuc obscuro lux aliqua affulgere potest, quasdam seligere, atque in omnium commodum proferre nunc liceat. Editionem Baluzii prae oculis habeo.

Ibi Tit. 2. Cap. primo legitur: *Si quis porcellum lactantem furaverit de Cbranne prima, aut de mediana &c.* In Eccardi editione habetur *de Rbanne prima*. Tenebrosam hanc vocem interpretatus Bignonius, & Du-Cangius, *Haram porcorum* heic significari censuerunt. Eccardus verò propius vim vocabuli attigit, scribens *de Rbanne prima* idem esse ac *de primo coitu*. Fortassis omnium rectissime explicat Glossa Codicis Estensis: ubi *de Cbranne prima* dicitur, id est *de primo partu*.

Tit. 2. Cap. 3. *Si quis porcellum de Sude furaverit, qui clavem habet*. Porcorum stabulum *Sudem* interpretatur Pithoeus. Stabulum seu *Haram* ceteri. Recte. Nam Glossa Codicis Estensis *Sudem* esse dicit *Aram porcorum*. Ibi verò non *qui clavem habet*, aut *habuerit*, legitur, sed *de Sude furatus fuerit, quae clavem habet*, hoc est *seram*. Infra habemus acceptorem, idest *accipitrem intra clavem positum*: quod idem significat.

Tit. 2. Cap. 10. *Si quis tertussum porcellum furaverit*. Wendelinus *Tertussum* interpretatur *tertii gregis*. Pithoeus, *qui domi nutritur*. Eccardus suspicatur significari *suam tertio jacto editam*. Accipe nunc, quid habet Codex Estensis. Nescio num ibi sit *Tertussum* aut *Tertustum*. Glossa: idest *castratum*. Linguae Germanicae periti videant, unde ejusmodi interpretatio emerferit.

A Tit. 2. Cap. 13. *Septingentis Denariis, qui faciunt Solidos decem & septem cum dimidio*. In MSto Estensi: *DCCXX. Denariis, qui faciunt Solidos XVIII*. Ita quoque in duobus Capitibus subsequentibus.

B Tit. 2. Cap. 14. *Si quis majalem sacrivum, qui dicitur votivus, furaverit*. Glossa Codicis Estensis *Votivum* explicat *ad occidendum*. Neque enim toleranda interpretatio, quae a Pithoeo profertur ad vocem *Sacrivus*, hoc est: *qui & defensor aliorum porcorum*. Sacrivi seu votivi sues fuisse videntur, qui ad sacrificium destinati erant. Quod ubi admittamus, necesse est, adhuc inter Salicos fuerint, qui Ethnicorum superstitioni addicti erant. Hoc certe affirmare nemo audeat sub Carolo Magno Principe Christianissimo. Verum Salicae Legis Pactus, ut aiebant, conditus fuit, dum Francorum gens adhuc teneretur barbarie, hoc est Gentilium ritibus.

C Tit. 3. Cap. 5. *Si quis vaccam domesticam &c.* Estensis Codex habet *domesticam*.

D Tit. 3. Cap. 7. *Si quis taurum gregem regentem furaverit, qui de tribus Villis communes vaccas tenuerit, hoc est trespillius &c.* Apud Eccardum haec ita leguntur: *Si quis taurum, qui gregem regit, & nunquam vinculus fuit, furaverit*. Codex Estensis: *Si quis taurum gregem regentem furatus fuerit, qui de tribus Villis communes vaccas tenuerit, nec umquam junctus fuisset, hoc est trepellius*. Glossa, idest *qui bene trepat*. Apud Germanos *Treppe* est quod Italis *Salita*, *Montata*. Hoc tauro admissario recte conveniat, qui ex hoc *Trepellius* appellatus fuerit, non verò quod *trium tintinnabulorum taurus* foret.

E Tit. XI. Cap. 6. *Si quis homo Ingenuus alienum Servum in Texaga du-*

perit, aut aliquid cum eo negotiaverit. Pithoei Glossa ad illud *Texaga* habet: *intra tecta*. Eccardus *Texaga* interpretatur *furtum*, sive *ablationem occultam*. At in Estensi Codice habetur, *in taxetam*, idest *mercatum*. Erit eruditae gentis Germanicae investigare, num ejusmodi interpretatio ferenda sit.

Tit. XI. Cap. 5. *Aut fabrum, sive vinisorem, vel molinarium, aut carpentarium, sive venatorem*. In Estensi MSto *fabrum, sive venatorem &c. sive vineatorem*. Eccardi editio plane diversa praefert.

Tit. 14. Cap. 10. *Si quis puellam, quae Druchte ducitur ad maritum, in via adfallierit*. Estensis Codex habet: *Si quis puellam, quae Trachte ducitur &c.* Glossa: idest *per Nuptiatores*. Vide Notas meas ad Legem 6. Aistulphi Regis Langobardorum, & Dissertationem XX. de *Mulierum Actibus*, uti & XXIX. de *Spettaculis*.

Tit. 14. Cap. 11. *Si quis Ingenuus ancillam alienam in conjugem acceperit, ipse cum ea in servitio implicetur*. In Codice Estensi applicetur. Tum additur: *Dum ipsa vixerit tantum*: quod ad Jurisprudentiam & mores eorum temporum animadvertendum.

Tit. 14. Cap. 16. *Pro fratris uxorem, aut avunculi, legitur in Codice Estensi aut avunculam*.

Tit. 15. Cap. 4. *Si quis hominem &c. adfallire, vel vias laciniam ei facere praesumpserit*. Estensis Codex: *adfallierit, vel violentiam ei facere praesumpserit*.

Tit. 16. Cap. prim. *De eo, qui Villam alienam adfallierit*. In Estensi Codice additur: *cum collecta*, hoc est cum agmine aliorum hominum.

Tit. 16. Cap. 4. *Si quis Aristatonem*. Vide Dissertationem XXIII. de *Moribus Ital.*

A Tit. 17. Cap. 2. *Si quis spicarium, aut mabolum cum annona incenderit*. Estensis Codex: *Si quis picbarium (idest Cellarium) aut Macbolum (idest Canavum) cum annona incenderit*. Heic latere vitia suspicor. Attamen *Spicarium pro borreo* poni, ut alii censent, vix est credibile. In horreo recondi spicae minime consueverunt. Quid verò sit *Mabolum*, idest *borreum sine tecto*, ut Pithoeo placuit, difficiliter intelligam.

B Tit. 18. Cap. 4. *Si quis concidam, vel sepem alterius capulaverit*. Ut dixi in Dissertatione XXX. de *Origin. Voc. Italicar.* in quibusdam Mutinensium pagis *sepes* adhuc appellantur *Cedde*, profectò a *Concida*. Ita nempe a *caedendo* appellatae *Sepes*. In Estensi MSto Codice habetur: *Si quis concisam vel sepem (idest Arevativum)* quae vox corrupta, & nihil significans videtur; vel *Palenchatum*, sive *Palancatum*, qua voce barbarica Secula significarunt *sepem e palis confectam*.

C Tit. 19. Cap. 10. *Si quis alterum in via adfallierit & exspoliare tentaverit &c. bismille ducentis Denariis, qui faciunt Solidos triginta, culpabilis judicetur*. In Codice Estensi: *& eum exspoliaverit, vel temptaverit &c. MCC. Denariis, qui faciunt Solidos XXX. culpabilis judicetur*. Atque ita scribendum: nam revera Solidi triginta dant secundum Salicos Mille ducentos Denarios.

D Tit. 23. Cap. 3. *Si quis navem vel ascum de intro clave furaverit*. Codex Estensis: *Si quis navem vel ascum de intro clavem furatus fuerit*. Sed praefendum *Ascum*, idest *Scapbula*, ut ibi Glossa addit, cum reliquis Interpretibus concors.

E Tit. 24. Cap. 3. *Si quis scusam de farinario alieno ruperit*. In Estens. Codice: *Si quis clausuram de Molino a-*  
fio

lieno. Quid *Sclusa*, quid *Farinarium* fuerit, hinc habes. Italica Lingua pro *Sclusa* dicit *Chiufa*.

Tit. 26. Cap. 8. *Si quis feminam postquam &c.* Estensis Codex: *feminam ingenuam*.

Tit. 29. Cap. 6. *Si quis messem alienam per furtum metere aut reffare praesumpserit.* In Estensi Codice: aut *treffare*. In Glossa additur: *idest spicanti euellere*. In editione Eccardi est *metere aut repascere*. Tu illius Notas adi, si lubet: neque enim immorari iuvat.

Tit. 29. Cap. 8. *Si quis impotus de melario &c. tulerit.* Estensis Codex: *Si quis impotus &c.* Addit Glossa: *idest poma*. Nescio an Interpres diuinum egerit. Heic enim surculi ad inferendum indicari potius videntur.

Tit. 29. Cap. 13. *in Rapinam.* Codex Est. *in Rapinam*, *idest* ubi *rapae* habentur.

Tit. 29. Cap. 19. *Si quis aratrum in campum alienum intrare prohibuerit &c. vel testaverit.* Habet Estensis Codex: *vel restaverit, idest vetaverit*.

Tit. 29. Cap. 24. Codex Estensis addit in fine: *Et si in saballo adduxerit, XII. Solidos. Et si in dorso, VI. Solidos culpabilis iudicetur.*

Tit. 29. Cap. 32. *Si quis statuum aut tremaculum &c.* In Estensi Codice: *Si quis statuum (idest retias) aut tremaculum*. Wendelinus & Du-Cangius *statuum* fuisse contum arbitrantur. At heic non de navibus, sed de retibus agitur. *Tremaculum*, nunc Tuscis\* *Tremaglio*, nobis Lombardis *Tramacchio*, retis genus, de cuius vocis origine consule Ferrarium ac Menagium.

Tit. 30. Cap. prim. *Et pretium propter hoc dederis.* Legitur in Estensi MSto: *& pretium propter hoc acceperit, & non fecerit*.

Immo *Tremaglio*.

Tit. 32. Cap. 1. *Si quis alterum Cenitum clamaverit.* In Codice Estensi: *Cenitum (idest Arga)*. De voce *Arga* vide, quae Du-Cangius habet. Vide etiam Dissertationem XXIII. subsequentem *de Moribus Ital.* Cum Wendelini interpretatione Glossa Estensis consonat.

Tit. 32. Cap. 7. *Si quis alterum delatorem clamaverit.* Vox ista Italicum *Spia* significat, ut omnes norunt. Eruditi Germani videant, cur Glossa Estensis explicet: *Delatorem, idest Lindegarium*.

Tit. 37. Cap. prim. *Homicidam illum domini inter se dividant.* In Codice Estensi: *Homicidium illud &c.*

Tit. 37. Cap. 2. Glossa in fine haec addit: *Indicant Franci, qui LX. aut plusquam XL. Denarios valent, furatus fuerit, ut sit Latio. Qui vero minus, non sit.*

Tit. 37. Cap. 8. Glossa Codicis Estensis ad verba illa: *Si legem intellexerit*, haec habet: *idest, si homo ille, qui occisus est, aut parentes Domini vel Servo illi malefecerint, ut per legem sint culpabiles, poterit se reclamare, ut Lendem non solvat, vel non tribuat quicquam, nisi quod Servum tradat; & priusquam tradiderit eum, dicat, illum Servum non habere, unde mallatus est: & liberabitur a compositione medietatis.* Haec non inutilia ad Jurisprudentiam barbarici aevi.

Tit. 40. Cap. 6. in fine haec adduntur a Codice Estensi: *Si vero minus de sex fuerint, mille Denariis; qui faciunt Solidos XXV. culpabilis iudicetur, excepto capitale & dilatura.*

Tit. 42. Cap. 5. *etiam nolenti Domino Servi pignus donare debet.* In Codice Estensi: *aut nolente Domino Servi, pignus &c.*

Tit. 43. Cap. 1. *Si quis Ingenuus hominem Francum, aut Barbarum occide-*

*deris &c.* En Glossam Codicis Estensis: aut hominem Barbarum, idest, quos Franci ex alia patria in suam adduxerunt, & ipsos captos Lege Salicâ vivere nolunt. Haec animadvertenda. Nam Du-Cangius in Glossario, & Eccardus in Notis ad Titulum XV. Legis Salicae opinantur, Transribenas omnes gentes, Theutonicâ Linguâ utentes, sub Barbarorum nomine venisse: quasi eâdem Linguâ non uterentur & Franci, quos tamen a Barbaris distinctos eadem Salica Lex prodit. Quare cum ejusmodi Glossâ conferenda est haec opinio. Ad alia propero.

Tit. 43. in Estensi Codice non legitur Cap. Secundum: neque immeritò, nam infra repetitum videas.

Tit. 47. est in Codice Estensi *De Reipu viduae mulieris*, hoc est, ut Eccardus explicat, *de iterato Matrimonio viduae*, sive *de pretio viduae iterum nubentis*. Cap. autem 2. in medio haec leguntur: tunc ipse, qui ei testatus est, super fortuna sua ponat, & Graftonem roget, ut accedat ad locum, & ipsum inde expellat. Ita in editione Baluziana. Accipe quid habeat Estensis Codex: Tunc ipse, qui ei testatus est, omnem substantiam suam promittit. Si illi supradicta probare non potuerit, super fortunam suam ponetur, & Graftonem (idest Comitem) roget, ut accedat ad locum, & ipse inde expellat eum.

Tit. 48. *de Affatomiae*, in MSto Estensi inscribitur *de Affattoone*. Contendit Eccardus, haec omnia vitiata esse, & scribendum *de Adframire*, sive *de Adramire*. Lector eum consulat. Pro *in laipsum suum*, ibi scribitur *in laipsum*, idest *in sinum*. Pro *in beo suo pulles manducassent*, Codex Estensis habet: *Et in beudo suo pulcem &c.* idest *in mensa sua*.

Tit. 49. *Ista omnia ubi suus Hamallus est*. Glossa Codicis Estensis: *Hamallus*, idest *Debitor*. Eccardus legit *Rhamallus*, & vocem insalutatam dimittit.

Tit. 52. Cap. prim. *Si quis Ingenuus aut Lidus alteri fidem fecerit*. Estensis Glossa: *Idest fidejussor extiteris*.

Tit. 55. Cap. prim. *Si quis ad aeneum mallatus fuerit*. Glossa Codicis Estensis: *ad aeneum*, idest *ut manum mittat in Caldariam*. Recte. Hac de re vide infra Dissertationem XXXVIII. *de Judiciis Dei*.

Tit. 59. *per compositionem se educeret*. In MSto Estensi: *se endiceret*. Ita infra *se exdicere voluerit*; & infra, *ita ille culpabilis judicetur*.

Tit. 60. *de Racbinburgiis*, est in Codice Estensi: *de Raginburgiis*. Cap. primo pro *in tertia vice*, idem Codex habet *ad tertiam vicem*. Et infra pro *dicendi se legem distulerint*, ibi legitur *legem dicere distulerint*.


Tit. 61. *de Chrenecruda*, in MSto Estensi per istam Glossam sensus juvatur: *de Chrenequida idest terra collecta de quatuor angulis domus, legaliter in aliquem projecta*. De hac verò voce consulendus Clariss. Eccardus. Infra pro *in durpilo*, Codex Estensis habet *in Durbillo*, hoc est, *in limitari*, & *intercaptare*. Infra pro *quantum de compositione diger est*, in Estensi Codice legitur *quantum de compositione debet digerere*. Infra pro *Chrenecruda*, habetur *Chrenetruda*, idest *de illa terra*.

Tit. 62. Cap. 6. pro *tota terrae hereditas perveniat*, Codex Estensis tantum habet, *tota hereditas perveniat*.

Tit. 64. est *de Charoëna*. In MSto Estensi *de Charenova*.

Atque haec paucula delibasse sufficiat ad Legem Salicam illustrandam, quae multis adhuc tenebris scatet, & varia est in variis Manuscriptis. Reliqua minutiora praetermissi.





DE MORIBUS  
ITALICORUM  
POST ARREPTAM  
A BARBARIS ITALIAE  
DOMINATIONEM.  
DISSERTATIO  
VIGESIMATERTIA.

THE MUSEUM  
OF THE  
CITY OF  
VICTORIA  
BRITISH  
COLUMBIA  
MUSEUM  
OF  
NATURAL HISTORY  
OF  
VICTORIA  
BRITISH  
COLUMBIA

# DISSERTATIO VIGESIMATERTIA.



**I**am si *Barbarorum* vocabulo Latini, & Graeci olim, ac deinde Italici eos plerumque appellarint, qui alienigenae, peregrini, atque extranei, sive alterius nationis erant: quod plurimis exemplis ostendi posset: attamen eâ praesertim voce a Populis elegantibus & cultis, quales fuere iidem Graeci, atque Latini, designari consueverunt Populi, moribus incultis, rudes, impoliti, humanitatis saepe obliti, & unâ ferme ferocitate spectabiles. Corporis quidem habitus, ac diversitas vestium, unam ab altera gentem interdum distinguit; sed levis momenti exterioris istam dissimilitudinem unusquisque agnoscat, quum sub dispari vestimentorum usu par inveniri possit in utraque gente morum elegantia. Quod revera hos Barbaros & rusticos constituit, illos verò civiles & cultos, in moribus situm est, atque in ingenii ac animi habitibus, quos adhuc plane diversos ac varios pro gentium varietate cernimus, & aut laude, aut vituperatione dignos censemus. Anno CCCCLXXVI, Odoacer Turcilingorum & Herulorum ductor Italiam Romanis Principibus receptam sibi subdidit. Succedere in i-

**A** dem imperium Gothi sub Theoderico, qui Anno Christi CCCCXIII. Odoacre interemto, Rex Italiae constitutus est. Gothis subsequente Saeculo dejectis, Justinianus Augustus Italiam recepit. Tum eodem Saeculo, circiter Annum DLXVIII. Langobardi Italiâ fere universâ potiti, Regnum suum ultra ducentos annos produxere. Tum Anno DCCLXXIV. prostrato Langobardorum Rege, Franci sub Carolo Magno Italiae dominari coepere. Denique Anno DCCCC-LXII. Romanum Imperium Germanis delatum est, apud quos adhuc perdurat. Inter tot dominorum mutationes, & incursum, atque incolatum exterarum gentium, qui Italicorum mores fuerint, nunc est inquirendum. Et primo, si quando nova Natio alteram profligat, & conquistum Regnum, translatis laribus, sibi habitandum sumit (quod ab Herulis, Gothis, & Langobardis in Italia factum novimus, a Francis in Gallia, a Saxonibus & Normanis in Britannia, a Visigothis in Hispania) nonnunquam contingit, ut victor Populus in victum suos mores ac ritus transfundat. Regis enim ad exemplum Populi aut lubentes, aut inviti non raro se se componunt. Sed & aequè facile est, ut victores ipsi a victis meliores mores edoceri, sensim ad eorum vitam se se accom-

**B**

**C**

**D**

L 1 2 modent,

modent, & feritate ac rusticitate deposita, mansuete ac civiliter vivere discant.

Sub Odoacre Herulorum Rege Italicis Populis inflatae fuerunt innumerae clades. Et Populus quidem ille ab extremo Septemtrione, atque ab Oceani maris, sinufve Baltici litoribus evocatus, asperos & crudeles secum deduxerat animos, & jam sylvescentem Italiae gentem ad rusticitatem pertrahere potuisset, si diutius heic suam sedem fixisset. Verum p ucos post annos Theodericus Ostrogthorum Rex, sublato e vivis Odoacre, ejusque copiis debellatis, novos incolas & dominos Italiae dedit, hoc est Gothorum Regnum apud nos statuit. Ad Gothorum nomen nos, quamquam adeo ab illorum temporibus distiti, exhorrescimus, quasi in mentem nostram incurrat gens plus quam barbara, & prorsus immanis. Gerrae, gerrae. Non certe Gothos cum Romanis aequem: attamen eorum, simulque & Italiae Regem Theodericum quamplurimis Romanorum Imperatoribus gloria, fortitudine, sapientia, & moribus liberalibus praeferam. Eum, ut Ennodius in illius Panegyrico auctor est, aliaeque Historiae testantur, *educaverat in gremio civilitatis Graecia*, ita ut Italia non saevissimum Tyrannum, sed aequissimum Regem acceperit, qui vitis certe non caruit, sed pluribus abundavit virtutibus, qui in mansuetudine, magnificentia, & liberalitate praecipuum decus suum collocabat, sub quo Leges, & Artes, & pristini Magistratus nequaquam exciderunt, immo uberius quam antea floruisse deprehenduntur. Neque ipsa gens Gothica ab inhospita aliqua regione atque horrido caelo tunc primum praecisa, sed inter Populos humanio-

A res versata, avitam asperitatem jamdiu dedidicerat. Nec defuerunt, Jordanæ teste de Reb. Getic. Cap. 5. qui eos sapientiam erudirent. Unde & paene omnibus Barbaris Gothi sapientiores semper exstiterunt, Graecisque paene consimiles, ut refert Dio. Proinde nil mirum, si, ut Anonymus Valesianus Auctor est, adeo Theodericus non B Italicam tantummodo, sed & vicinas oblectavit gentes, ut se illi sub foedus darent, sibi cum Regem sperantes. Negotiantes vero de diversis provinciis ad ipsum concurrebant. Tanta enim disciplinae fuit, ut si quis voluit in agro suo argentum vel aurum dimittere, ac si intra muros Civitatis esset, ita existimaretur. Et hoc p: r totam Italiam augurium C habebat, ut nulli Civitati portas faceret, nec in Civitate portae clauderentur: quis quod opus habebat, faciebat, quae bora vellet, ac si in die. Plura de illo Ennodius habet, plura Cassiodorius, quae ego missa facio. Sed potissimum legenda Gothorum ipsorum oratio ad Belisarium Lib. 2. Cap. 6. Procopii de Bello Gothico. Quare D ne tunc quidem Italia censenda est ex antiquae dignitatis statu, quamquam longe antea imminuto, in infelicissimum squallorem, ac postremam barbariem deflexisse. Non pulsi, non caesi a Gothis Italiae Populi. Quod solum passi sunt, Procopio teste ac Ennodio, agrorum partem eis ereptam suis Gothis Theodericus assignavit: idemque jam antea fecerat Odoacer; & olim Romanos quoque, Livio in primis, & Siculo Flacco testibus, praestitisse novimus.

E Si quid igitur video, quod mores Italicorum revera nimium a veteri statu dejecit atque immutavit, Langobardorum fuit in Italiam irruptio, atque heic longe lateque eorum dominatio constabilita. Nam quo tempore

porc Alboinus cum suis Pannoniae  
vale dicens in hasce regiones irrui-  
t, ex diversis etiam aliis gentibus Ger-  
manicis integras acies sibi junctas  
ducens, aequae ad Italorum spolia in-  
hiantes, ferrea plane & immitis &  
brutorum aemula gens ista fuit. Sub  
Alboino fufus multis in locis Itali-  
corum sanguis; at pejora sub Du-  
cum regimine consequuta sunt: nam  
eorum gladius in quosque resistentes  
conversus habitatoribus Urbes ac ru-  
ra spoliavit, ita ut Paullo Diacono  
teste Lib. 2. Cap. 32. de Gest. Lan-  
gobardorum, *spoliatis Ecclesiis, Sacer-  
dotibus interfectis, Civitatibus subruitis,  
Populisque, qui more segetum excreve-  
rant, extinctis, exceptis his regionibus,  
quas Albuin ceperat, Italia ex maxima  
parte capta sit, & a Langobardis sub-  
jugata*. Excipit ille ab Albuino jam  
occupata. In his enim jam sibi con-  
quisitis pacem Langobardi alebant.  
Itaque eorum furor in loca illa sese  
exoneravit, quae adhuc adversari sunt  
ausa, ac praecipue in agrum Roma-  
num, quum Urbs in fide Augustor-  
um semper constans nunquam ad-  
duci potuerit, ut barbaro Populo fa-  
ceret deditionem. Audi Gregorium  
Magnum, qui cadente eodem Secu-  
lo Romanam Cathedram implevit,  
Dialogor. Lib. 3. Cap. 38. *Mox ef-  
fera Langobardorum gens de vagina suae  
habitationiseducta, in nostram cervi-  
cem grassata est; atque humanum genus,  
quod in Hac Terra prae nimia multi-  
tudine quasi spissae segetis more surre-  
xerat, succisum aruit. Nam depopulatae  
Urbes, eversa Castra, concrematae Ec-  
clesiae, destructa Monasteria virorum &  
feminarum, desolata ab hominibus prae-  
dia, atque ab omni cultore destituta in  
solitudine vacat Terra: nullus hanc pos-  
sessor inhabitat: occuparunt bestiae lo-  
ca, quae prius multitudo hominum te-*

*nebat*. Haec de Romano Ducatu San-  
ctus Gregorius. Neque enim in de-  
ditos sibi Populos, sibi que parentes,  
debauchata videtur rabies Langobar-  
dorum. Illud tamen minime diffi-  
mulandum, a Clepho Alboini suc-  
cessore multos *Romanorum viros po-  
tentes, alios gladio extinctos, alios ab  
Italia fuisse exturbatos*, ut idem Paul-  
lus tradit. Accessit ad Italiae cala-  
mitates horrenda pestis ac intoleran-  
da fames, quae mala vel ante Lan-  
gobardorum adventum habitatoribus  
Urbes & agros exhausserant, ut pro-  
pterea in vacuo veluti Regno se se  
ac sobolem suam, immo & mores  
barbari facile propagarint. Mores,  
inquam; nam quum attenuati forent  
veteres Italiae incolae, & plerique  
in deterrimam paupertatis sortem de-  
jecti, nihil virium aut exempli hi-  
sce fuit, ut novos dominatores ad  
aliud vivendi genus elegantius, ac  
humanius allicerent. Propterea per-  
rexere diu Langobardi in feritate ac  
rusticitate primaeva, atque in bar-  
barico vultus & vestium ornatu, do-  
nec mitius Italiae caelum, & Ro-  
manorum & Graecorum contermina  
exempla, eos ad morum culturam  
aliquam, & ad urbanitatem sensim  
deduxit. Ab Agilulfi Regis conjuge  
Theodelinda, narrat Paullus Lib. 4.  
Cap. 23. de Gest. Langobardor. con-  
structam fuisse in honorem beati Jo-  
hannis Baptistae insignem Basilicam  
Modoëtiæ, ubi & picta fuere Lan-  
gobardorum gesta. In qua pictura,  
ut idem scribit, *manifeste ostenditur,  
quomodo Langobardi eo tempore comam  
capitis tondabant, vel qualis illius ve-  
stitus, qualisque habitus erat. Siquidem  
cervicem usque ad occipitium radentes  
nudabant: capillos a facie usque ad os  
demissos habentes, quos in utramque par-  
tem in frontis discrimine dividebant.*  
Vesti-

*Vestimenta* verò eis erant *laxa & lineae*, qualia *Anglosaxones* habere solent, ornata *institis* latioribus vario colore contextis. *Calcei* verò eis erant usque ad summum pollicem pæne aperti, & alternatim laqueis corrigiarum retenti. Postea verò coeperunt *Hosis* uti, super quas equitantes *Tybrugos byrreos* mittebant. Sed hoc de Romanorum consuetudine traxerunt. Haec ille, satis ostendens, alium postea vestium & capitis ornatum invaluisse. *Hosae* sive *Osae* tibialia, seu calceamenta fuisse putantur, quales nunc *Stivali* & *Stivaletti* Italici. De iis *Vossius* & *Du-Cangius*. Germani tamen *Hosen* appellant *Braccas*, nobis *Calzoni*: contra Anglis *Hose* significat *Tibiale*. Quare Langobardorum *Hosas* suspicari possumus non dissimiles ab ocreis Hungarorum peditum, quae pedes, tibias, simulque coxas vestiunt. *Matthaeus Villanius* Lib. 8. Cap. 74. *Historiar.* ait: *Dove gli Ungberi in Uosa, e gravi di lor' armi, e giubboni non poteano salire.* Apud *Boccaccium* quoque *Vese* non semel memoratur. Vox autem *Stivali* ex Germanico *Stiesel* prodiisse censetur, eaque sententia fuit *Menagii* & *Ferrarii*. Attamen addidit *Ferrarius*, ipsum Germanicum *Stiesel* efformatum fuisse ex Latino *Aestivalis*, subintelligendo o-

A *crea*. Et sane *Du-Cangium* vide ad vocem *Aestivalia*. Sed haec ipsa exempla non ejus sunt antiquitatis, ut mihi dubitationem omnem eripiant: Fieri quippe potuit, ut quum vetustissimum nomen *Stivali* reddere Latine vellent, *Aestivalia* dicerent, quod proprior ista vox esset, non quod revera *Aestivales ocreae* forent: namque hyemali tempore eorum quoque usus fuit, immo necessitas major. Germanis id accuratius inquirendum relinquo.

B  
C  
D  
Porto extra controversiam positum est, Langobardos aluisse barbam: immo inde eis accessisse hoc nomen ab intactae ferro barbae longitudine, veluti rem certam narrat supra memoratus *Paullus Warnefridi*. Sunt qui aliunde illud arcessendum constantissime contendunt. Ego hac de re litigantes dimitto. Inter Leges *Rotharis* damnatur, qui surgente rixa per barbam, aut per capillos hominem liberum traxerit. *Ravennae* quoque proforibus Templi Sancti *Vitalis*, eodem *Paullo Diacono*, & *Rubeo* in *Histor. Ravennat.* testibus, positus fuit lapis sepulcralis *Droctulfo*, qui ab *Authari* Langobardorum Rege ad Exarchum deficiens, bellicis virtutibus famam sibi praegrandem quaesierat. Haec ibi de illo:

### TERRIBILIS VISV FACIES, SED CORDA BENIGNA:

*Sed mente benignus, habet Paullus;*

### LONGAQUE ROBUSTO PECTORE BARBA FVIT.

*Grimoaldo* quoque Regi prominentem barbam fuisse idem *Paullus* tradit. Scilicet barbam nutrire, Langobardis decorum ac virile visum est olim. Fortassis etiam facie quodammodo barbae ipsius ope ad terrorem

E  
composita, se metum hostibus incusuros sperabant: quod & nunc a nonnullis praestatur, retenta duntaxat, & utrinque pendente, labri superioris barba: nos *Mustacchi* appellamus. Adeoque id certum, ut ignominiae

miniae loco haberetur apud multas gentes, barbâ spoliari: fortasse quod Servorum tantummodo esset, sine capillis & barbâ incedere. Idem Paulus Lib. 6. Cap. 6. de Ariberto Rege scribit: *Comprehensumque Rotharis pseudo-Regem; ejus caput, barbamque vadens, Taurinis in exilium retrusit.* Vide Barthium Lib. 51. Cap. 7. Adversarior. atque alios Eruditos in hoc eodem argumento versatos, quos praetereo. Romani contra ex antiquissima consuetudine barbam aut castigabant, aut radebant. Crinem quoque, uti & nunc fit, honestâ tonsurâ composuisse videntur. Certe formam tonsurae diversam a Langobardica servarunt. Audi Anastasium in Vita Hadriani I. Papae scribentem, Langobardos illos, qui in fide & servitio Beati Petri se futuros pollicebantur, *more Romanorum tonsuratos fuisse.* Contra Liutprandus Rex apud ipsum Anastasium in Vita Gregorii III. *multas Nobiles de Romanis more Longobardorum tondit, atque vestivit.* Quatenam verò foret diversitas ista Tonsurae, & in quo sita esset ipsa hominum illius temporis crinium decurtatio, id tantummodo rite describere posset, qui picturas tunc factas aliquando reperiret. In antiquissimo Rituali MSto Casanatensis, apud PP. Praedicatores Coenobium Romanum S. M. in Minerva incolentes, variae Benedictiones leguntur, inter quas una ad *Capillos tondendos.* Ibi haec Oratio: *Omnipotens Christe Salvator; innocens, & innocentiae amator; humilis, & humilitatis assumptor; mansuetus, & mansuetudinis inhabitator: qui venientibus ad te parvulis manus tuae benedictionem imponens, talium dixisti esse Regnum Coelorum: benedic hunc famulum tuum N. cujus in tuo nomine superflua recidimus Capillorum r*

*A* da ei intellectum cum aetatis augmento, ut te timeat, te intelligat, & tua mandata custodiat, & te auxiliante usque ad annos senectutis cum summa sanitate perveniat; per te, Salvator Mundi, qui cum Patre &c. Illud quidem certum est, Francos a barba promissa abstinuisse; fortassis & nullam nutriebant, Mystacibus tantum contenti. Agnellus in Vita Gratioli Archiepiscopi Ravennatis, eum inducit haec praedicentem: *Venient ex Occiduis partibus rasi barbas:* quo nomine Francorum gentem designat. Eginharto teste prioris stirpis Reges Francici crine profuso, barbâ submissâ incedebant. At sub Carolo Magno alii mores investiti videntur. Quum ipse omnibus notum vellet, se Grimoaldo Beneventanum Principatum contulisse jure beneficiario, & intacta suprema potestate sua, inter cetera ab eo exegit (verba sunt Anonymi Salernitani, seu Erchemperti Cap. 4. Histôr. Langobardor.) *ut Langobardorum mentum tonderi faceret.* Verum pacta haec non diu steterunt. Quare more Romanorum tonderi, hoc praecipue importabat, ut barba deponeretur, aut saltem curtaretur. Neque enim audeo, eos prorsus imberbes praestare, quum Ravennates Romanorum socios, neque Langobardis subiectos, inveniam saltem barbae aliquid aluisse. Agnellus in Vita Damiani Archiepiscopi, eos nobis exhibet *capillos & barbas extrabentes. Omnes nobiles & ignobiles squallida barba moerendo incedebant.* Ita & Landulpho seniore Lib. 3. Cap. 12. Histôr. Mediolanens. circiter Annum MLIX. Landulphus Populi Capitaneus dicitur, *Barbam, ut usus antiquus exigebat, quasi purpuream gerens.* Bonifacius quoque Dux & Marchio Tusciae, pater Conitissae Mathildis, Anno



Anno MXLII. iratus in quosdam Burgundiones, *barbam quaticundo minatur*, uti scribit Donizo in Vita Mathildis Lib. primo Cap. 11.

Graecorum quoque mos fuit ipsam nutrire barbam, ac promittere; quumque ad eorum mores se Veneti conformarent, propterea & ipsi procedebant barbati. Petrus Urfeolus Venetorum Dux, qui Seculo Christi X. Ducatu sese abdicavit, ut Monasticam vitam amplecteretur, dum fugeret una cum Guarino Abbate, conspiceretque instare, qui ad se revocandum convolabant, conversus ad Abbatem ait: *Quantocius accipe novaculam, & depone mihi barbam, sicque colobium indue Monasticum*. Hac arte evasit minime ab eis agnitus. Ita in ejus Vita lego. Ad haec Anno MXXVIII. in Charta Chronici Vulturnenfis Part. II. Tomi I. Rer. Italicarum pag. 506. Ildecardus quidam ait: *Inspiravit me omnipotens Deus, ut hoc Mundum derelinquam, & tundam (pro tondeam) caput & barbam meam, & vestem sanctam Monachilem induam*. Praeterea mos fuit, ut Clerici Latini, potissimum Romani, barbam raderent. Gregorius VII. Papa Lib. 8. Epist. 10. scribebat: *Quemadmodum totius Occidentalis Ecclesiae Clerus ab ipsis Fidei Christianae primordiis barbam radendi morem tenuit, ita &c.* Verum non haec tam diserte Gregorio Pontifici affirmanda erant. Alii enim fuere ac varii veterum Clericorum mores. Concilii IV. Carthaginienfis Canonem 44. audi: *Clericus nec comam nutriat; nec barbam radat, sive, ut alii Codices habent, tondeat*. Non tam certus est, fateor, textus Canonis hujus, Codicibus non bene concordibus. At procul dubio Apollinaris Sidonius Lib. 4. Epist. 24. apertissime prodit, *Clericos* suo tempore in Galliis Barbam

aluisse. Sed alii deinde mores obtinere. Et quidem Saeculo eodem, quo Sanctus Gregorius VII., floruit etiam Petrus Damiani. Is verò Barbæ a Clericis rasæ luculentus est testis, dum Lib. primo Epistola 15. scribit: *Ecclesiarum plane Rectores tanto vertiginis quotidie rotantur impulsu, ut eos a Saecularibus Barbirastum quidem dividat, sed actio non discernat*. Quibus ex verbis discimus, Laicos Romanos intactam servasse Barbam, aut eam curtasse, non sustulisse. Animadvertite tamen, quid habeat Dithmarus sub initium Libri VII. ubi Romanam Coronationem Henrici I. inter Augustos ad Annum Chr. 1014. describit. Eum nempe nobis exhibet a Senatoribus duodecim vallatum, quorum sex rasi Barbâ, alii prolixa mystice incedebant cum baculis. Rursus in Vita praeaudati Gregorii VII. per Cardinalem Aragonium ex antiquis decerptâ, atque a me editâ Tomo III. Rer. Italic. Sanctus ille Pontifex abjecisse dicitur sexaginta Mansionarios beati Petri. Erant enim Cives Romani uxorati, seu concubinarij, barbâ rasi, & mitrati, asserentes, se Cardinales Presbyteros esse. Scilicet Laici erant, seque eodem tempore Presbyteros mentiebantur, in cujus rei signum barbâ rasi procedebant. Ita Dandulo teste in Chronico, circiter Annum Christi DCCCCXLVI. Dominicus Vir Laicus a Populo Veneto expetitus Episcopus, abscissâ barbâ sibi, inivit Episcopatum accepit. Proinde in antiquissimis picturis, & anaglyphis, Monachi & Clerici saeculares imberbes occurrunt. Quod risum moveat: barbati Graecae Ecclesiae Ministri Seculo IX. & subsequentibus, hac etiam de causâ Latinos veluti ingentis flagitii infimularunt, quod barbam tonderent: quasi ex barbâ promissâ pendere

tere possit hominum probitas atque sanctitas. Ratramnus Corbejenfis Monachus Lib. 4. Cap. 5. Operis contra Graecorum opposita, editi a Dacherio, futilem hac de re illorum calumniam refellit, simul prodens, ne apud Latinos quidem Clericos constantem fuisse ejusmodi consuetudinem. Certe, ut vidisti, Barbam radebant Monachi. Attamen Angelus de Nuce in Notis ad Cap. 24. Vitae Sancti Benedicti, Tomo IV. Rer. Italicae antiquissimam picturam exhibet, in qua Sanctus idem Patriarcha, ac Johannes Casinensis Abbas *Barbam rotundam* praeferunt, immo & Mystaces. Goldastus quoque in Notis ad Vitam Caroli Magni haec scribit: *Ravissimae namque sunt de vetustis Monachorum imaginibus, quas ego quamplurimas vidi, quae barbam non praeferant.* Ergo pro temporum ac locorum varietate varia fuerit Barbae aut nutriendae, aut caedendae consuetudo. Sed & Graecis alia tonsurae ratio fuit: quod ex Epistol. 88. Codicis Carolini constat, scripta Carolo Magno ab Hadriano I. Papa, ex qua intelligimus, Arichisum Beneventanum Ducem seu Principem ab Imperatore Graeco petiisse *auxilium & honorem Patriciatus una cum Ducatu Neapolitano sub integritate.* Pro qua re pollicitus est ei *tam in tonsura, quam in vestibus usu Graecorum perfrui, sub ejusdem Imperatoris ditione.* Deinde subdit: *Haec audiens autem Imperator, emisit illi suos Legatos, scilicet Spatarios duos, in ditionem Siciliae ad Patricium eum constituendum, ferentes secum vestes auro textas, simul & spatam, vel pectinem, & forcipes, sicut illi praedictus Arichisus indui & tonderi pollicitus fuerat.* En ergo quàm tenaces olim forent homines ejusmodi rituum, & quàm sedule peculia-

Tom. IV.

A rem vestium suarum, ac tonsurae formam servarent, ut sese a reliquis Nationibus distinguerent.

B Ad Langobardos redeo. Illi ubi Arianismo abjurato Religionem Catholicam & Leges amplexi sunt, tunc, ut ita dicam, cicurati, pietatis, clementiae, justitiae, ac humanitatis operibus, cum aliis Nationibus certarunt, ita ut in eorum Regno, & sub ipsorum Regibus, bene Populo fuerit. Illos profecto saevos ac intolerandos Romani interdum sensere. Sed nihil ab iis actum, quod non & aliarum gentium Reges in bellorum tumultu ac rabie egerint, & millies postea sit actum ab aliis, uti Historia nos edocet. Inhiarunt quotidie Graeci, quum vires suppetebant, ad Langobardorum interitum, in quos veluti Italiae usurpatores internecino odio ferebantur. Vicissim verò & Langobardos sollicitabat cupido subdendi sibi Exarchatum Ravennatem, Ducatum Romanum, Neapolim, aliasque maritimas Urbes, adhuc in Graecorum fide constantes, ne hostes diutius in sinu haberent. Hinc bella, hinc incendia & clades. Accessit & Graecorum ipsorum saevitia & impotentia in Romanos Pontifices, & Iconoclastica Haeresis ab ipsis Imperatoribus Graecis disseminata, ac propagata. Quae omnia Langobardorum Regum animos incenderunt ad invadendam Ravennam, & ad tentandam obsidione Romanam ipsam Urbem. Sed hinc eis exitium, & Regno finis fuit: nam Romani Pontifices, a subeundo Langobardorum jugo nimis alieni, adversus illos Pipinum & Carolum Francorum Reges in Italiam advocarunt; & subinde occasionem conspicati gerendae etiam utilius rei suae, non solum Langobardos, sed & Graecos ab Italiae do-

M m mina-

minatione dejecerunt, & pactis initis cum victoribus Francis universam Italiam inter se partiti sunt. Itaque succedere in Italico Regno, tum & in Romanorum Imperio Franci, quae gens & ipsa e Germaniae visceribus olim egressa, & Gallis, aliisque Populis subactis, victorias longe lateque protulerat. Sub novo Principe Carolo Magno, ejusque successoribus, quales Italicorum mores evaserint: facile aestimare possumus. Nam Franci vel antea quam suum proferrent imperium in Galliam, concinnitate vitae Langobardos superarunt: deinde verò insigni terrarum tractu potiti, elegantiores etiam paulatim sunt facti; quod enim barbarici apud se erat, sensim deponentes, Romanorum devictorum moribus se tandem attemperarunt. Illustre est hujus gentis elogium apud Agathiam Scholasticum, qui sub Justiniano I. Augusto, circiter Annum Christi D. LX. floruit, Lib. primo Histor. Ita ille praeter cetera scribit: *Sunt enim Franci non campestris nomas, (idest non errantes per pascua, neque mapalia sua, ut rustici, circumferentes) ut fere plerique Barbarorum; sed & politia ut plurimum utuntur Romanis, & legibus iisdem; eandem etiam contraxerunt & nuptiarum rationem, & divini Numinis cultum tenent. Christiani enim omnes sunt, rectissimeque de Deo sentiunt. Habent & Magistratus in Urbibus, & Sacerdotes. Festa etiam perinde atque nos celebrant; & pro barbara natione, valde mihi videntur civiles & urbani; nibiloque a nobis differre, quam tantummodo barbarico vestitu & linguae proprietate. Ego certe eos cum ob alia, quibus praediti sunt, bona, tum verò ob mutuam inter se justitiam & concordiam summo opere miror &c. En quam bene compositi vel*

A ipso Seculo Christi VI. forent Francorum mores; quos etiam laevigasse & expolivisse uberius videtur Carolus Magnus, Princeps ille tum rebus gestis, tum animi, ac mentis magnitudinis maximis quibusque aequiparandus. Nihil ergo ex hoc novo domino, novisve incolis deperit moribus Langobardicae five Italicae gentis: immo in eorum utilitatem ac ornamentum conversa est tanta rerum mutatio, quum certum sit, assumptos e Francorum genere Romanorum Imperatores Langobardicis Legibus alias addidisse summe laudabiles, & sapientiam, rectumque Populorum regimen aperte indicantes. Italia verò cum sub Regibus Langobardis, tum praecipue sub Francis, intestinā pace fere semper fruens, in externos tantum hostes arma & fortitudinem exercebat.

Atque heic potissimum, idest in armorum usu ac fortitudine, gloriam suam Langobardi aequae, atque Franci, statuebant, uti & animi oblationem in Venatu, & Aucupio. Et profecto ad feras insequendas, & necandas adeo Populorum illorum animi proni tunc erant, ut Episcopi ipsi & Clerici ab his abstinere difficillimum putarent. Quare in multis Conciliis opus fuit pravum ejusmodi usum sacris viris interdiceret. At earum gentium Reges, dum pace fruerentur, immo & belli tempore, Historia nobis exhibet fere semper Venationi addictos atque intentos. Romanos procul dubio & ipsos venationis amore captos legimus. Numismata etiam vidi aporum caedem referentia. Immo Plinius in Panegyrico Cap. 81. Trajanum laudat, quod ubi otium & quies daretur, lustraret saltus, excuteret cubilibus feras, subdens: *His artibus futuri Ducis imbueban-*

buebantur, certare cum fugacibus feris cursu, cum audacibus robore, cum calididis astu. Attamen plerique Romanorum ab ejusmodi studio abstinebant, aut potius per Servos aucupium, leporumve capturam exercebant. Falconum quoque usus Seculo tantum IV. Aerae Christianae in Italiam investus creditur. At Populi ceteri tum Asiae, tum Europae, ac praesertim ad Boream positi, ex antiquissimo more venationem deperibant; neque tantum Reges atque Optimates, sed & ipsum vulgus liberorum hominum. Hanc illi hereditatem ad posteros, atque ad ipsa tempora nostra transmiserunt, ita ut Barbarorum potius ritum quam Romanorum, appellare liceat Regum, Principum, ac Nobilium adeo impensum venationis studium. Hinc venatoriae rei multiplex mentio in Legibus Langobardicis, Francicis, Salicis, Ripuariis &c. Inde etiam saltus & silvae ad custodiam ferarum, muro interdum, aut palis, aut fossis circumdatae. *Gajum, Parcum, Brelium* nuncupabant haec loca, illaque Regibus Persis, antea in usu fuisse tradit Zosimus Lib. 3. Histor. Descriptam habes Caroli Magni venationem magnificam in Carmine Anonymi, edito a Canisio in Lestion. Antiqu. Hoc etiam studio mire delectatus est Lambertus Imperator. Verum Anno DCCCXCVIII. dum in luco Marince huic operam daret, necatus est. Uti etiam habet Leo Maricanus Lib. 2. Cap. 60. Chronic. Casinens. Sergius Dux Neapolitanus venatum in ipso Sancto Paschali Sabbato pergens, silvam suis cum pueris, ut apror caperet, est ingressus; sensisque retribus, ad insequendos eos sese cum canibus huc illucque unanimiter omnes per silvam diffundunt. De Carolo Magno

supra laudato haec habet Eginhartus in ejus Vita: *Affidue exercebatur equitando ac venando: quod illi gentilitium erat. Quia vix ulla in terris natio invenitur, quae in hac arte Francis possit aequari.* Ante etiam de eodem Principe dixerat: *Filios more Francorum equitare, & armis ac venationibus exerceri fecit.* Ludovicus autem Pius recte considerans, quam carum & pretiosum apud Italicam sive Langobardicam gentem esset Gladium deferre in fortitudinis ac nobilitatis signum, & Venari voluptatis causa: statuit in Lege 16. Langobard. Part. II. Tomi I. Ker. Italicar. ut quum ad persolvendas poenas auferenda forent pignora, intactus cuicumque relinqueretur Gladius & Accipiter. In compositione *guidrigild*, (sunt ejus verba) ut ea dentur, quae in Lege continentur, excepto *ancipitre* & *spasch*. Rationem quoque reddit, subjiciens: *Quia propter illa duo aliquotiens perjurium committitur, quando majoris pretii, quam illa sint, esse jurantur.* Et quidem Venationis amor, & Volucres rapaces ad ejus usum diu servati fuerunt apud Italos. Quod etiam colligo ex Statuto Populi Mutinensis, ante annos quadringentos manu exarato, in quo ut semina discordiarum ob hosce volucres subinde nata in posterum tollantur, haec decreta legas: *Si quis invenerit Falconem, Asturem, Turgetum, & Sparacervium alterius, & ipsum ceperit, salvum faciat ipsum, & debeat ea ad domum Massarii Communis; & praesentare teneatur Massario vel Potestati vel Judicibus suis. Et Massarius teneatur eum salvare, donec sciat cuius sit, & eidem reddatur. Et Potestas faciat dari de aere Communis tres Soldos Ferrariensis ei, qui ceperit Sparacervium, & ei, qui ceperit Falconem vel Asturem,*  
M m 2                      & prae-

& praesentaverit, decem Solidos Ferrariensis. Tum contra facienti poena indicitur. Id autem tanti momenti tunc visum est, ut Massarii volucrum illam repertam indicare omnibus publico proclamare cogerentur, ut dominus inveniretur. Id quoque in aliarum Urbium Legibus municipalibus cautum invenio, ac praecipue in Mediolanensi. Sed in isto etiam animadversione dignum est, quod habetur Part. II Cap. 444. ubi decretum est, ut nullus capiat Ciconias, nec Hirundines, sub poena Librarum quinque Imperialium. Hoc ait Carpanus interdictum, eo quod nullum damnum afferunt publico. Non illa, ut puto, de causa; sunt enim & aliae volucres complures, quae nihil inferunt damni: sed quia utiles censentur homini, quum insecta perniciofa & serpentes tollant, & hominis amicae reputentur, quippe in ipsis aedibus nidificant; aliaeque narrantur sive fabulosa, sive vera, de earum pietate, prudentia, ac praedictionibus. Saepe ego miratus sum, cur aetate nostra paene ignota invisaque sit apud nos Ciconia, quam tamen veteres in Italia consedisse ac nidos exstruxisse ferunt. Non alia mihi causa occurrit, nisi quod post inventum usum pulveris tormentarii & scloporum, Ciconiis antea nidificantibus in tectis facile bellum illatum fuerit, propter quod vertere solum elegerint. In Germania crebrae visuntur ac habitant: incolae quippe religioni sibi ducerent, amicam avem interimere, faustumque omen arbitrantur Ciconiam habere sui tecti incolam. Certe in Historiis Patavinis legi, vel Saeculo Christi XIV. pacifice habitasse Ciconias in agro Patavino. Aulicus vero Ticinensis, qui eodem Saeculo circiter Annum

A MCCCXXX. Opusculum scribebat de Laudib. Papiac, editum Tomo XI. Ret. Italicar. haec de Ticinensi agro memoriae prodebat: *Mundatur autem tota regio illa a venenosis animalibus, & maxime serpentibus, per Ciconias, quae illis toto tempore veris & aestatis morantur.* Irascendum ergo, inquiet aliquis, majoribus nostris, qui tam utile ac innocens volatili genus ab Italico caelo exterminarunt.

B Denique amorem venationis in Italicis Principibus diu perdurasse, multis exemplis ostendere possem. Sed sufficiant duo Mediolanenses, scilicet Johannes, & Luchinus Vicecomites, qui teste Gualvaneo de la Flamma, synchrono auctore, *canibus venaticis, falconibus, asturibus, accipitribus, in maxima quantitate abundarunt.* Neque tantum mirere, Johannem Vicecomitem, Episcopum Novariensem, ac deinde Mediolanensis Urbis Archiepiscopum & Dominum, venationi adeo addictum. Saeculis iis non minus Clerici quam Laici ejusmodi studio ad furorem usque delectabantur, contentis Conciliorum decretis, a quibus vetantur sacrati viri, falcones, venaticosque canes alere, ipsique venationi operam dare: quod sane & nunc Clericorum institutum dedecere potest, si tumultu & excessus res peragatur, uti olim fiebat. Sed quo pluries olim vetitum id audimus, eo evidentius intelligimus, tunc ejusmodi morbum adeo invaluisse, ut medicos amplius non audiret. Vidimus *Spatam*, sive Gladium supra ceteras res antiquis Populis cordi fuisse. Tunc enim nulli rei enixius illi studebant, quam gloriae Fortitudinis. Esse fortes amabant, aut saltem videri. Adeo autem in honore apud ipsos Langobardos fuit laus ista & opinio, ut nulli majori

majori contumelia onerari quis posset, quàm cum appellando *Arga*, idest, ut nunc dicimus, *un poltrone*, sive inertem ac timidum. In Lege 384. Rotharis: *Si quis alium Arga per furorem clamaverit*, is revocare injuriosum verbum jubetur, solutâ tamen poenâ duodecim Solidorum; aut per pugnam sustinere cogitur suum dictum aut dicacitatem. Apposite Paulus Warnefridi Lib. 6. Cap. 24. narrat, Argaidum virum illustrem, quoddam a Ferdulfo Duce *Arga* appellatus fuisset, & convicium ferre non posset, in medios hostes irruisse, ut morte sua dedecus sibi a Principe illatum elueret. Idem quoque in Lege Salica fuisse constitutum ostendi in Notis ad eandem Rotharis Legem. Intolerandum nempe convicium pariter apud Francos fuit, virum appellare *Leporem*, hoc est, timidum sive fugacem. Tunc ergo Populis omnibus e Septemtrione, in nova ad Meridiem sita regna prolapsis, par fuit studium, arma tractare, in his sese exercere, equos agitare, hastas, jacula, & sagittas emittere, clypeum ad omnes ictus offerre, cunctisque, brevi dicam, insultibus assuescere, qui tum in singulari certamine, tum in publico bello accidere possent. De hominibus Liberis heic loquor. Servi enim, ut alibi monui, militiae nomen dare nequaquam sinebantur. Theodericum Gothorum Regem eâ etiâ de causâ commendat Ennodius in Panegyrico, quod pacis tempore pubem indomitam sub oculis suis faceret bella proludere. *Adhuc*, inquit, *manent in soliditate victricia agmina, & alia jam creverunt. Durantur lacerti missilibus, & implent actionem sortium, dum jocantur. Agitur vice spectaculi, quod sequenti tempore poteris satis esse virtuti. Dum*

A \* *amentis puerilibus bastilia lenta torquentur; dum arcus quotidianae capitum neces dirigunt, Urbis omne pomerium simulacro congressionis asseritur. Agitur figura certaminum, ne cum periculo veronascantur.* Paria e Cassiodorio ac ferri possent. Neque aliter egisse Romanos rerum dominos, ut milites suos ad proelia mature erudirent, Vergilius, Josephus, Silius, Plinius, aliique veteres memoriae prodidere. *Simulacra bellorum agere dicebantur*, ut habet Julius Capitolinus in Maximino. Vide & Vegetium. Ita ut qui post Annum Christi Millesimum emerfere Ludi militares, *Hastiludia* videlicet ac Torneamenta, semen suum ac imaginem in fictis iis antiquorum certaminibus habeant. Vide infra Dissertationem XXIX. de *Spe-ctaculis*. Quum verò post Barbaros Italiâ potitos Literarum studia languere ac deprimi coeperint, ac diutissime, praesertim apud Italos in humili fuerint loco: liceat mihi, ut arbitror, reliquis hanc etiam causam addere neglectae, immo abjectae Literaturae. Nimirum in armis ac militarium rerum amore & usu praecipua nobilitatis & honoris summa tunc statuebatur. Et praeterquamquod Literae Monachorum potius & Clericorum, quàm Secularium virorum institutis congruae credebantur, sibi etiam Barbari persuadebant, per eas nimium emolliri hominum pectora, & auferri illarum commercio durum illud & asperum, quod exigere fortitudo bellica credebatur: *Theodericus*, Gothorum & Italiae Rex, *inlitteratus* erat (ait Anonymus Valesianus) & sic obruto sensu, ut in decem annos Regni sui quatuor literas subscriptionis edidit sui discere nullatenus potuisset. De qua re laminam auream jussit interrasilem fieri, quatuor literas Regis habentem

tem THEOD. ut si subscribere voluisset, posita laminâ super chartam, per eam penna duceretur, & subscriptio ejus tantum videretur. Vide, quantâ antiquitate constet usus adhuc apud quosdam Principes familiaris instrumenti illius, quod ab Hispanico nos appellamus *Stampiglia*. Sed successorem, ac nepotem Theoderici Athalaricum Amalasuntha ejus mater aliter instituendum censuit, uti Procopius tradit Lib. primo Cap. 2. de Bello Gothico. Nam ut vitam, ac mores Principum Romanorum aequaret, cum Literis imbuendum curavit. At rem non aequo animo tulere Gothorum Optimates. Quamobrem Amalasuntham adeuntes significant: *Literas a fortitudine longe esse disjungas, traditamque a senibus institutionem in timiditatem & animi humilitatem plerumque verti. Itaque oportere, ut in re bellica futurus animosus, gloriaque insignis, amoto doctorum metu, armis exerceatur. Theodericum allegant, numquam passum Gothorum liberos ad Ludimagistros mitti: quum diceret omnibus, eos numquam hastam aut gladium despecturos mente intrepida, si scuticam tremuissent.* En quare barbara gens olim non tantum negligeret, sed etiam adversaretur Literas. Atque is mos in universam Italiam, & ad plura deinde Secula permeavit, eâ deformitate, ut non pauci ex ipsis Clericis in armorum potius usu, quàm in Literarum cultura, famam & delicias quaererent.

Sub Carolinae stirpis imperio usque ad Annum Christi DCCCLXXXVIII. moribus tolerandis Italicus Populus vixit. Sed tunc de Imperio contentibus Berengario Duce Forojulien- si, inde Guidone Duce Spoletano, intestinis ac diuturnis bellis resecrata sunt claustra, & vitiis fere cunctis

A ferali tempore illo aperta adeo est via, ut Seculo etiam subsequenti Italia rapinis, caedibus, fraudibus, lasciviâ quoque cum perditis & improbis quibusque Populis certare potuerit. Neque immunis a tanta contagione Clerus ipse abiit: immo, testante Petro Damiani, in omnium foedissimam libidinem tunc est prolapsus. Anno autem DCCCCLXII. Germanica gens sub Ottone Magno imperium in Italia exercere coepit. Erant Germani non pauci Francorum genus, aut certe diutius etiam, quàm Italia, Francorum Regibus paruerant, ita ut sub Franciae Orientalis nomine illa regio passim adhuc designaretur. Quin apud eos multa e laudandis Francorum moribus servarentur, vix dubito. Quod etiam certum est, Saeculo illo & sequenti Germania sanctis viris prae ceteris Christianorum regnis abundavit. Et sane Germanicorum Principum potentia per unum fere Saeculum aliquantulum compescuit effrenem Italicorum licentiam. Sed an eis aliquid elegantiorum morum inspirarit, nusquam lego. Immo per gentis illius commercium, e cujus laribus ne nostro quidem aevo passa est rusticitas atque asperitas se prorsus excludi, ferociore evasisse videntur Itali. Eorum quippe exemplo, immo & legibus factum, ut Duellum, sive singulare certamen, antea profectò usitatum, in longe pluribus etiam casibus liceret: de qua re dubitare nos non sinunt Leges Ottonis II. & Henrici I. Augustorum inter Langobardicas. Ad haec eorum temporum Germani Baccho & Lyeo praecipuum honorem habebant, & liberioribus cyathis utentes, nihil sibi ab ebrietate timuisse videntur. Eos certe *vino deditos* nobis exhibet Landul-

dulphus senior in Historia Mediolanensi circiter Annum MLXXX. scripta. Et ne Franci quidem ipsi, Germanorum genus, se vini osores ac hostes prodidere. Statuit Carolus Magnus in Capitularibus, simulque in Lege 42. inter Langobardicas, *ut Judices jejuni causas audirent, & discernere.* Et quamquam sub primis Germanis Augustis compressa quidem nonnihil fuerit nimia in Populo Italico improborum vesana licentia; attamen multa adhuc vitia ea aetate palam ac impune regnarunt, immo etiam creverunt. Simonia praesertim & incontinentia in Clero; in Laicis autem rapina sacrorum bonorum, pauperum & peregrinorum oppressio, & ferales privatorum inimicitiae. Ditmarus Lib. 7. Histor. *Multae sunt, inquit, probo dolor! in Romania atque in Langobardia insidiae. Cunctis huc advenientibus exigua patet caritas. Omne, quod ibi hospites exigunt, venale est: & hoc cum dolo: multique toxicato cibo pereunt.* Ad haec in Italia diu perduravit ab antiquissimis Saeculis invehitus insanus usus *Faidae*, hoc est belli privati, sive inimicitiae, quam singulares personae ac familiae invicem exercebant, ac pertinacissime fovebant. Nam si quando alicujus caedes accidebat, aut dolo malo cuiquam aedes incendebatur, aut grave probrum inferebatur; tunc non tantum Princeps poenam criminis exigebat, quae fere semper apud Populos Septemtrionales pecuniaria fuit, sed & personae laesae, aut earum propinqui & affines Vindictam inde armis prosequabantur, & sumere etiam eis quasi licitum videbatur. *Faidae*, sive *Inimicitiae privatae*, saepe mentio occurrit in Legibus Langobardicis, Anglicis, Saxonis & Capitularibus Regum Fran-

corum. Immo ipse Tacitus ejusmodi Inimicitias suo quoque tempore apud Germanos viguisse aperte indicat. Neque verò pro quibuslibet damnis aut injuriis illatis jus *Faidae* decurrebat, puta pro vulneribus; nam in Lege 45. & 74. Rotharis, pro iis quidem exigitur multa, sed *cessante Faida*. Ita & in aliis quibusdam casibus Inimicitia interdicitur, uti in caede latronis. Reo fas erat pecuniâ laesis oblatâ *Faidam* redimere; & plerisque accipere dedecus minime videbatur. Quod si quis pro *Faida* pretium recipere nolisset, tunc, ut habent Leges Langobard. 19. & 20. Caroli Magni & 21. Ludovici Pii, Rex intercedebat, ne res in deterius ruerent: quod idem praestabat Princeps, ubi contra reus pro *Faida* pretium solvere recusasset. Et in suis quidem Legibus Ludovicus Pius & Lotharius de *Faidis* pagandis, sive pacandis, & de *Faidis* coercendis sollicitos cupiunt Reipublicae Ministros.

Verum Saeculo X. & XI. eò processerunt vitia ac ejusmodi privatorum bella, depraedationes, & similitates, ut inde universa Respublica plane fuerit perturbata. Augebatur etiam calamitas per Nobiles, qui Castellis dominantes saepe adversus vicinos inimicitias alebant, ac tyrannidem interdum extra suos fines protendere coeperunt. Neque ad averrenda tot mala satis erat virium & auctoritatis Principibus. Haec inimicitias eodem Saeculo Christi XI. describebat Petrus Damiani Lib. 4. Epistol. 17. iis verbis: *Vir quidam potentior se hominem interfecit, a cujus etiam filio, more Saeculi, non Legibus Evangelii, multas bellorum molestias pertulit. Paterni scilicet ultor interitus & strages anhelabat hominum, & frequentium reportabat manubias rapi-*



*pinarum &c.* Apud Corsicae incolas rudes ac efferos impiam consuetudinem adhuc perdurare intellexi. Rursus etiam vide eundem Petrum Damiani Opuscul. 34. Cap. 4. ubi refert bellum & proelium inter Clericum Burgundici Regni, & Potentem, inter se litigantes de jure in Ecclesiam Beati Mauricii. At in ipsa Gallia, ubi gravius etiam quàm in Italiâ, grassabatur haec pestis, circiter Annum Christi MXXXI. adinventum est tandem aliquod levamen; institutis nempe per sacros viros induciis ubique servandis, quae sub nomine *Treguae Dei* celebres evasere in Historiis atque Conciliis. Eas hisce verbis describit Landulphus senior Lib. 2. Cap. 30. Histor. Tomo IV. Rer. Italicarum. *Quatenus omnes homines secure ab hora prima Jovis, usque ad primam horam diei Lunae, cujuscumque culpa forent, sua negotia agentes permanerent. Et quicumque hanc Legem offenderet, videlicet Treguam Dei, in exilio damnatus per aliqua tempora poenam patiatur corpoream. At qui eandem servaverit, ab omnium peccatorum vinculis Dei misericordiâ absolvatur.* Has inducias varia Concilia probaverunt, & varii Pontifices, nempe Urbanus II. Paschalis II. Innocentius II. &c. Vide potissimum Petrum de Marca Lib. 4. Cap. 14. de Concordia. Hac igitur viâ non leviter prospectum est privatis bellis; & viatoribus ac peregrinis tutiora itinera diebus induciarum patuere. Sed quae subingressa sunt in Italiam dissidia inter Sacerdotium & Imperium, graviora etiam mala in has regiones invexere, de quibus in praesentia silendum.

Succedere deinde alia tempora in Italia, & novum regimen: quum nempe Reipublicae formam quamplu-

A rimae Civitates assumere, & non tantum Nobiles, sed & ipsi Plebei ad Magistratus in patria sua gerendos, & ad imperandum, ut ita dicam, sunt adhibiti. Id factum Saeculo XII. & uberius subsequenti. Ejusmodi autem Libertatis beneficio, & potissimum quod Cives assuescerent consiliis magnarum rerum, & identidem splendidis muneribus fungerentur, facile quisque opinetur, erectos fuisse tunc Italicorum animos, & rusticitate positâ, induisse mores magis ingenuos ac liberales. Literarum quoque studia instaurata fuisse, quibus exploratum est, vim inesse traducendi homines ad humanitatis officia. Et multa sane in melius conversa fuere. Sed quum fere semper Saeculo XII. & XIII. Italiam bellorum furor incenderit, & Guelphorum & Gibellinorum intestinas factiones ex Orco Erynnis ad nos per ea tempora deduxerit: nihil mirum, si feritas, si barbaries quaedam ex miti hac & amoena Orbis parte, prorsus exulare nesciverit. Quale foret de Lombardis nostris Sancti Bernardi judicium, ejus Epistola 155. indicat, ad Innocentium Papam II. scripta circiter Annum MCXXXV. in qua cum rogat, ne hominem Gallicum Bernardum de Portis in Italia Episcopum constituat. *Insolentia, inquit, Lombardorum, & inquietudo eorum, cui non est nota? aut cui magis quàm vobis? Quid putamus esse facturum juvenem, viribus corporis fractum, & quieti eremi assuetum, in Populo barbaro, tumultuoso, procelloso?* Nihil minus quàm barbariem Lombardis Populis tribuit Bernardus, qui coram noverat, quibus vitiis tunc inficeretur Italica natio. Tanto auctori majorem fidem adhibendam quisque fateatur, quàm Johanni Sarisberien-

si,

si, satyrico alioquin & lepido homini, narranti Libro primo Cap. 4. de Nug. Curial. irrisos a Gallis Aemiliae & Liguriae Populos, quasi timidam aut prudentem nimis cautamque gentem. Ita ille Saeculo eodem, quo Bernardus, quamquam posterior, scribit: *Aemilianos & Ligures Galli derident, dicentes, eos testamenta conficere, viciniam convocare, armorum implorare praesidia, si finibus eorum testudo immincat, quam oporteat oppugnari.* An Aemilenses & Ligures eodem Seculo metum in pectore aluerint, sat patuisse puto in diuturna contentione cum Friderico I. Augusto, hoste potentissimo. Proinde ridendi Galli, qui gentem nostram ridebant, tunc ipsâ Germanorum fortitudine fortiores. Lombardos alibi idem Sarisberiensis *parcissimos, ne avaros dicam*, appellat. Praeterea apud eundem Libro 4. Cap. 11. Placentinus quidam vir, sanguine generosus, & prudentiâ Mundi ornatus, apud quem hospitium invenerat idem Sarisberiensis, aiebat: *Hoc in Civitatibus Italiae usu frequenti celeberrimum esse, quod dum pacem diligunt, & iustitiam colunt, & perjuriis abstinere, tantae libertatis & pacis gaudio perfruuntur, quod nihil est omnino, quod vel minimo quietem eorum concutiat. Quum vero prolabantur ad fraudes, & per varias injustitiae semitas scinduntur in semetipsis, statim vel fastum Romanum, vel furorem Teutonicum, aliudve flagellum inducit Dominus super eos.* Sed aliud de Italis iudicium fuit Jacobi de Vitriaco, qui Anno MCCXX. Historiam Hierosolymitanam scribebat, editam inter Gesta Dei per Francos. Is ergo postquam Cap. 66. *Januenses, Veneticos, & Pisanos marinis proeliis promptos supra reliquas gentes laudasset, haec subdit: Homines*  
Tom. IV.

A *siquidem Italici graviores, & maturi, & prudentes, & compositi, in cibo parci, in potu sobrii, in verbis ornatî & prolixi, in consiliis circumspècti, in re sua publica procuranda diligentes & studiosi; tenaces & sibi in posterum providentes, aliis subjici renuentes, ante omnia libertatem sibi defendentes, sub uno, quem eligunt, Capitaneo Communitati suae jura & instituta distantes, & firmiter observantes, Terrae Sanctae valde sunt necessarii non solum in proelio, sed in navali exercitio, in mercimoniis, & peregrinis, & victualibus deportandis. Et quoniam in potu & cibo modesti sunt, diutius in Orientali regione vivunt, quàm aliae Occidentales regiones.* Contrariis hisce de antiquis Italicorum moribus sententiis adde, quae Landolphus senior, Historicus Mediolanensis, tradit Tomo IV. pag. 95. *Rer. Italicar. Floruit ille Anno Christi MLXXXV. ac tempora antea descripta, tam miram rerum faciem inter Italos exhibet, ut in eo majorem sinceritatem desiderare paene cogar. Inquit enim: Caritas, quae multitudinem peccatorum cooperit, universos omnibus bonis affluentes, ut mater tuebatur. Praeterea aetas sine bellorum incursionibus gentium vicinarum, aut hostium extraneorum motionibus, in viris aut mulieribus perfecta, integra, atque jocunda erat. Et quamvis per parvula tempora antecedentia otio vacabant, libidini aut variis cupiditatibus minime insistebant. Tanta enim circa virorum & mulierum praecordia erat constantia, ut nemo nisi suam uxorem aliam cognosceret; & prius (quod incredibile videtur) triginta annorum viri & mulieres erant, quàm sese negotiis conjugatibus traderent. Unde homines & feminae integri, fortes atque perfecti, si invenirent hominem duorum pedum aut trium, hunc non hominem,*  
N a sed

*sed monstrum judicabant. Aetas integra, sana, ac opibus universis affluens. Tempus habile, pacificum, jocundum, amoenum, caritativum, atque salubre nobis, & omnibus gentibus, quarum in nostris finibus resonabat. Sed Landulphus haec scripserit senex: omnis autem senex*

„ - - - laudator temporis aeti.

Jamdiu certe Italia morbis gravissimis laborabat. Neque sane ejus laudes ad Seculum X. praecedens, quo nullum deterius, referendae sunt.

Ceterum Seculo XII. & XIII. quum Langobardi & reliqui Italiae Populi, perpetuis ferme bellis occupati, atque in armis, seditionibus, civilibusve discordiis innutriti fuerint, nil mirum, si feritas quaedam in eorum animis infedit. Verum non is sum, qui temporibus iis rusticitatem morum in habitando, in vescendo, in vestiendo, atque in aliis humanae vitae officiis tribuendam arbitrer, quamquam id visum fuerit Ricobaldo Ferrariensi, qui sub finem Seculi XIII. suum Chronicon scripsit, editum Tomo IX. *Rer. Italicarum*. Celeberrima sunt ejus verba, eaque a subsequentibus Historicis avide fuerunt, ut in MStis Codicibus animadverti, accepta, ubi *de rudibus moribus in Italia* agit. Ad Annum circiter MCCXXXIV. sub Friderico II. Augusto: *Per bujus*, inquit, *Imperatoris tempora rudes erant in Italia ritus & mores: nam viri insulas de squamis ferreis capite gestabant, insutas biretis, quas appellabant Majatas. In coenis vir & uxor una manducabant parvopside. Usus incisiorum lignorum non erat in mensis: unus vel duo scyphi in familia erant. Nocte coenantes lucernis vel facibus illuminabant mensas, facem*

*A* tenente uno puerorum vel servo; nam candelarum de sebo vel de cera usus non erat. Viri chlamydis pelliceis sine operimento, vel laneis sine pellibus, & insulis de Pignolato utebantur. Mulieres tunicis de Pignolato; etiam quando veniebant ad nuptias viris suis conjugatae. Viles tunc erant cultus virorum & mulierum. Aurum & argentum rarum vel nullum erat in vestibus: parvus quoque erat victus. Plebeji homines ter in septimana carnibus recensibus vescantur. Tunc prandio edebant olera cocta carnibus. Coenam autem ducebant ipsis carnibus frigidis reservatis. Non omnibus erat usus vini aestate; modica denariorum summa se locupletes habebant. Parvae tunc erant cellae vinariae. *B* Horrea non ampla, promptuariis contenti. Modica dote nubebant feminae, quod earum cultus erat parcissimus. *C* Virgines in domibus patrum tunica de Pignolato, quae appellatur Sotanium, & paludamento lineo, quod dicebant Xoccam, erant contentae. Ornatus capitis non pretiosus erat Virginitas atque Nuptis. Conjugatae latis vittis tempora & genas sub mentum vittabant. *D* Virorum tunc erat gloria esse in armis & equis commodos. Nobilium locupletum erat gloria Turres habere: quo tempore Urbes Italiae singulae multis Turribus inclytae viscebantur. Haec Ricobaldus, quae tamen alicui, immo & mihi, vix credibilia videantur. Nam si ante illa tempora luxum in Ecclesiasticis viris damnatum videmus, cur immunes ab eo Saeculares credere possimus? Audi Petrum Damiani, qui circiter Annum MLXX. Opusc. 31. Cap. 6. haec de Cardinalibus, & Episcopis Italicis sui temporis scribebat: *Ditari cupiunt, ut turritas dapibus lances Indica pigmenta redoleant; ut in chrysellinis vasculis adulterata mille vina flavescant; ut quodam-*

cumque deveniunt, praesto cubiculum operosis & mirabiliter textis cortinarum phaleris, induant. Sicque parietes domus ab oculis intuentium tamquam sepeliendum cadaver obvolvunt. Mox etiam tapetis prodigiosas imagines praesentibus sedilia sternunt: peripetasmata laquearibus, ne quid occiduum delabatur, opponunt. Deinde clientum turba dividitur. Alii siquidem domino suo reverenter assistunt, nutumque ejus, si quid forte jubeatur, curiosâ nimis, velut rimatores siderum, observatione custodiunt. Alia addit, e quibus haec tantum decerpo: Non dissimilis & illa creditur esse dementia, dum lectulus tam operosis decussatur impendiis, ut ornamentum sacrosancti cujuslibet, vel etiam ipsius Apostolici, praeceat Altaris &c. Hoc ergo modo quum sobrietas soleat commendare Pontifices, effusis nunc opibus facti sunt beiluones. Regalis itaque purpura, quia unicolor est, vilipenditur: pallia verò diversis fucata nitorebus ad sublimis lectuli deputantur ornatum. Et quum domestici murices nostris aspectibus sordeant, transmarinorum pelles, quia magno pretio coëmuntur, oblectant. Ovium itaque simul & agnorum despiciuntur exuviae. Ermelini, Gebellini, Martores exquiruntur, & Vulpes &c. Toedet cetera vanitatis attere, non ridenda, sed gemenda ridicula. Fastidium est, tot ambitionis ac prodigiosae vesaniae dinumerare portenta. Papales scilicet insulas, gemmis micantibus, aureisque bracteolis per diversa loca corruptas. Imperiales equos, qui dum pernices gressus arcuatis cervicibus glomerant, sessoris sui manus loris innexas, indomitâ ferocitate fatigant. Omitto anulos enormibus adbibitis margaritis. Praetereo virgas, non jam auro gemisque conspicuas, sed sepultas. Numquam certe vidisse me memini Pontificales baculos tam continuo radiantis me-

A talli nitore contextos, sicut erant, qui ab Esculano atque Tranensi gestabantur Episcopis. Reliqua mitto.

Sed neque tot verba retulisse poenitet, quum & ipsa veteres Italico- rum mores nobis spectandos exhibeant. Si Ecclesiae Proceres tanto laborabant luxu, num Seculi Principes atque Optimates moderatiores fuisse arbitremur? Vide quae Donizo habet Lib. primo Cap. 9. de nuptiis Bonifacii Marchionis & Beatricis, hoc est parentum Comitissae Mathildis. Sed & ipso ineunte Saeculo X. quo Anonymus Poëta Panegyricum contexuit Berengarii Augusti, editum ab Hadriano Valesio, atque a me recusum Tomo II. Rer. Italicar. pag. 395. luxui, & convivii indulgisse Italos invenio. Is enim Gallum Italis haec exprobrantem inducit.

----- Quid inertia bello  
Pectora, Ubertus ait, duris praetenditis armis,  
O Itali? Potius vobis sacra pocula cordi,  
Saepius & stomachum nitidis laxare saginis,  
Elatasque domos rusilo fulcire metallo.

En Italos aevo illo genio indulgentes in mensis, & altis domibus, auroque refertis, superbos. Quid verò de Gallis addat, accipe:

E Non eadem Gallos similis vel cura remordet,  
Vicinas quibus est studium devincere terras,  
Depressumque larem spoliis hinc inde coactis  
Sustentare. -----

Itaque tunc Galli aedibus humilibus contenti, suam gloriam collocabant  
N n 2 in

in iis ornandis ex hostium devictorum armis. Landulphus verò senior, nuper memoratus Historicus Mediolanensis, Tomo IV. pag. 84. Rer. Italicar. Theutonicos a Conrado I. Augusto in Italiam adductos Anno Christi MXXXVI. nobis exhibet, *solitos Ticinensi in Urbe etiam post coenam in nucleolis (nunc Nocciuole) & majoribus nucibus optimo vino interjicare*. Addit eos usos *aureis & argenteis scyphis*. Sarisberiensem quoque praeclaudatum audi Seculo XII. praecedente describentem Lib. 8. Cap. 7. *coenam divitis cujusdam in Apulia, cui & ipse interfuit. Haec ab hora diei nona fere usque ad duodecimam noctis, & hoc quidem tempore aequè diali, protrahita est. In hanc Canusinus hospes Constantinopolitanas, Babylonicas, Alexandrinas, Palaestinas, Tripolitanas &c. congeffit delicias; ac si Sicilia, Calabria, Apulia, Campaniaque non sufficiens convivium instruere delicatum. Copiam rerum, ministerii disciplinam, sedulitatem obsequii, urbanitatem hospitis plenius & melius referet Johannes Thesaurarius Eboraci: nam & ipse interfuit. Huc quaeso oculos, bone Ricobalde. Non Romae, non a Principe acta haec sunt, sed a privato homine, & Canusii. Talia Sarisberienensis lasciviente stilo & exaggerans effuderit: certe opiparum convivium, & convivam describere voluit. Quid ergo tam rudes, tam parcos nobis exhibes Italicorum eo tempore mores? Profectò si viva haec luxus & gulae spectacula ante oculos omnium versabantur, vix dubitandum videatur, quin & minores pro modulo suo ad eorum imitationem certarint, quum & nos aevo nostro Nobiles intueamur Principum ornamenta affectare, & ignobiles stulte aemulari Nobilium splendorem. Prae-*

*terea nescio, cui persuadere possit Ricobaldus, ante Friderici II. tempora nocte coenantes lucernis vel facibus mensas illuminasse, facem tenente uno puerorum vel servo; nam candelarum de sebo vel de cera usus non erat. Candelas sebare seu sequare, apud vetustum Columellam reperimus. Sebarem facem memorat Ammianus Marcellinus Lib. 18. Cap. 6. ad Annum Christi CCCLIX. Sed & Apulejus Metamorphos. Lib. 4. Taedis, inquit, lucernis, cereis, sebaceis, & ceteris nocturni luminis instrumentis, clarescunt tenebrae. Harum excidisse inventum & usum, vix est ut credam. Nam etsi Candelae nomine Secula Barbarica Lucernas oleo nutritas significarint, uti Du-Cangius, multis congestis testibus in Glossario, ostendit, attamen e compluribus aliis Scriptoribus constat, Candelas cereas saltem in sacris adhibitae fuisse, propriumque earum nomen perdurasse semper. Praeterquamquod etiam si ante Ricobaldi tempora majores nostri candelas nullas ad mensam adhibuisse crederentur, certe eis erant lucernae oleariae, quas etiam Ricobaldus ipse agnovit. Quum haec praesto cuique forent, quod ille subdit, de facibus mensam illuminantibus, & facem tenente uno puerorum vel servo, fidem nunquam a me impetret, nisi haec ad infimas vulgi quisquillas referas. Nam quis de ditibus ac nobilibus credat? Rusticos Ferrarienses aut Ravennates praec oculis habuisse Ricobaldus videtur, nunquam verò honestos Urbium illarum Cives, nedum universam Italicorum gentem. Ad haec vide infra, quae in Dissertatione XXV. de Textrina differui, ubi palam factum est, quàm pretiosis vestibus olim quoque Majores nostri sint usi. Quibus nunc addo, quid Landulphus junior*  
Hi-

Historicus Mediolanensis, Tomo V. Rer. Italicar. editus, habeat Cap. 4. de Grossulano Episcopo Savonenfi, qui Anno MC. pro Anselmo Archiepiscopo in Orientem profecto Clerum Mediolanensem regebat. Affectabat ille *asperitatem vestitus & cibi*, cui propterea persuadebat Liprandus Presbyter, *ut horridam cappam exueret, & convenientem tanto Vicario indueret*. Repugnabat Grossulanus, *consentum Mundi ingeminans*. Tum Liprandus: *Quum spernis Mundum, cur venisti in Mundum? En Civitas ista suo more utitur pellibus variis, græcis, Marturinis, & ceteris Pretiosis Ornamentis & Cibus*. Turpe quidem eris nobis, *quum advenæ & peregrini viderint te bispidum & pannosum*. Accedat nunc Ricobaldus, suamque cantilenam nobis objiciat *de rudibus Italiae moribus tum in Vestimentis, tum in Cibus*. Nos reponemus: quei tanta parsimonia ac ruditas tunc Italis fuit, quando præcedenti Seculo Civitas Mediolanensis *Pretiosis Ornamentis & Cibus* utebatur, ita ut turpe effet vilibus indui pannis? Atque heic nolo mihi elabatur e manibus, quod Puricellius in Monumentis Basilic. Ambrosian. habet pag. 702. Agitata est controversia Anno Christi MCXLIX. inter Monachos & Canonicos ejusdem Mediolanensis Ambrosianae Basilicæ, contendentibus hisce, quoties accersendi erant in convivium a Sancti Ambrosii Abbate, ipsum *debere habere novem diversa fercula, de istis scilicet tribus*. In prima *appositione Pullos frigidos, Gambas de vino* (ignotum plane ferculum) *& Carnem porcinam frigidam*. In secunda *Pullos plenos, Carnem vaccinam cum Piperata, & Turcellam de Lavezolo*. In tertia *pullos vestidos, Lombolos cum Panisio, & Porcellas plenas*. Paschalis

A quoque II. Papa Anno Christi MC-VIII. in Synodo Beneventana *Vestimenta Sæcularia & Pretiosa in Clericis reprehendit, & talibus uti interdixit*, teste Petro Diacono Lib. 4. Cap. 33. Chronic. Casinens. En mores temporum illorum.

B Propterea, ne Ricobaldi auctoritas heic prorsus nutet, statuendum est, cum de Vulgi potissimum moribus loquutum fuisse; plebs enim aut militiae, aut artibus intenta, uti a Principum ac Nobilium fortuna aberat, ita ab eorum luxu amplectendo, nedum æmulando, sibi abstinendum sentiebat. Veri etiam videtur simile, Urbes & Populos, quibus ignota erat Principum Aula, ignorasse etiam, quæ luxus esset facies. Ad hæc vel nos ipsi partim a Majoribus nostris audivimus, partim nostris oculis vidimus, aliam sobrietatem morum, vestimentorum, rhedarum, conviviorum, & hujusmodi rerum in usu fuisse tempore Avorum nostrorum, ac præsentis sit. At eodem Saeculo XIII. qui rudes, qui agrestes mores visi sunt Ricobaldo (nobisque tanto plus videantur ætate luxuriosâ viventibus, & parsimoniam ac temperantiam odio soepe nomine onerantibus) aspectum plane diversum cepere, immo & in luxum vergere coeperunt. Hanc morum mutationem circiter Annum MCCXXXIV. factum Ricobaldus scripsit, qua de re agam infra in Dissertat. XXV. *de Textrina*. Accipe nunc qualis esset Anno MCCLXVIII. Romanorum ornatus. Describit Sabas Malaspina Lib. 4. Historiæ editæ Tomo VIII. Rer. Italicar. pag. 842. quo apparatu exceptus Romæ fuerit Anno eodem Conradinus Rex, Carolo I. Siciliæ Regi bellum postea infelicius inlaturus: *Tripudina-*  
tium

*sium militum agmina vestium pretiosarum, diversorumque colorum desuper arma variis habitus distinguebat. (Hae Chlamydes antiquis, nobis erant Sopraveste.) Quodque magnum est, & auditu mirabile, mulierum choreae ludentium intra Urbem in cymbalis & tympanis, lituis & violis, & in omni musicorum genere concinunt. Volentesque suarum pretiosarum rerum abundantiam, quam plerumque sequitur voluptas, ostendere, de domo in domum in oppositum consistentem, jactatis ad modum arcus, aut pontis, chordis & funibus, vias medias desuper, non lauro, non ramis arboreis, sed caris vestibus & pellibus variis (ideest pretiosis illis, unde nomen Vaso) velaverunt, suspensis ad chordas strophaeis, flestis, dextroberis, priscelidibus, arbitris, grammatis, (quaedam heic nomina corrupta puto) armillis, fristis, & diversorum ac pretiosorum annulorum appensione, diadematum etiam, & fibularum, seu monilium, in quibus gemmae fulgentissimae relucebant, bursis sericis, cultris testis de piancavo, samito, bysso, & purpura, cortinis, tovaliis, & linteaminibus contextis auro, siricoque per totum, junctis velis & palliis deauratis, quae doctus opifex citra & ultra mare de diversâ & operosa materia, caraque struxerat. Non haec reor paucis ante temporibus ornamenta in Urbem confluisse. Ibi a multis Seculis opulencia non mediocris perdurabat, quae luxus magistra. At in aliis Italiae Urbibus plurimis, quibus longe dissimilis erat opum copia, minor pompa excogitari non injuriâ potest. Interim a vero fortasse non abludam, si dixerò, plurimum contulisse ad traducendam Italicam gentem ab antiqua, si ita loqui fas est, rusticitate, aut simplicitate ad elegantiam, immo & ad luxum, A-*

*puli & Siculi Regni fata, quae nempe Seculo eodem, hoc est Anno MCCLXVI. sublato Rege Manfredo, Carolum Andegavensem Provinciae Comitem in suum Regem accepere. Tunc in Italiam turmatim confluere vidisses Gallicorum millia. Augescente autem in dies Caroli ejusdem potentia, ii non solum in Apulia & Sicilia, sed etiam in Tuscia, ac in multis Italiae subalpinae locis sedem suam fixere. Erant eo tempore, suntque adhuc, Gallicae gentis mores longe molliores quam Italicis, & ad pompam ac voluptatem apprime compositi. Eos ~~quondam~~ vel suo tempore appellavit Strabo Lib. 4. Ammianus quoque Marcellinus Seculo Christi IV. de Gallis scribebat: *Tersi parvi diligentia cuncti & mundi; nec in tractibus illis, maximeque apud Aquitanos, poterit aliquis videri, vel femina, licet perquam pauper, ut alibi, frustis squallere pannorum.* Mirabantur primo boni Italici tam comtos hospites; tum facile, ut moris est, ad imitandum se contulere speciosam hanc vivendi formam: dulcia enim vitia hortatore non indigent, ut hominum gratiam incant. Et sane quum primum Neapolim ingressa est Beatrix Regina, Caroli ipsius Regis uxor, Matthaeus Spinellus, Auctor synchronus in Ephemerid. Neapolitan. Tomo VII. Rer. Italicar. ad Annum MCCLXVI. in extasim paene raptum se fatetur, dum intueretur in ejus comitiva milites Francos, omnes plumatos pulchre & decore indutos, & Proceres torquibus grandibus aureis spectabiles, & carpentum Reginae holoserico villoso caelestis coloris obtectum, totum liliis aureis circumspersum. Antea profecto perquam raras fuisse rhedas puto, in quibus veherentur mulieres; rariores, quibus viri. In equis, alii-*

aliique jumentis vehi usitatiores mos tunc fuit. Illustres Matronae, ac Senes vehabantur carpento. Papias in Glossario suo memorat *Petorica*, & *Carriolas*, *vehicula feminarum*. Id tamen satis minime est, ut credamus, temporibus illius ejusmodi vehicula multo in usu fuisse; aut si erant, non tantum ab equis, sed & a bobus trahebantur. Rolandinus Lib. 4. Cap. 9. Chronic. tradit, Friderico Augusto Patavium venienti Anno MCCXXXIX. obviam processisse universum Populum. Quod & praestitere multae Dominae pulchritudine, pretiosis vestibus resurgentes, sedentes in phaleratis & ambulantes palafredis. Romanorum tempora potius designasse Papias mihi creditur, quibus *Petorita* (non *Petorica*) usuroabantur. Varro, Quintilianus, Festus, & alii *Petorita* commemorarunt, uti & *Basternas*, *Rhedas*, *Lecticas* &c.

Certe ante ea tempora etiam Nobiles viri ac mulieres sese a Populo distinguerent, & vestium, & mensae, & famulorum, & equorum, aliarumque rerum pompa: attamen aberant & ipsi plerique a luxu, quem Gallica gens Saeculo XIII. in Italiam invehisse mihi creditur. Atque haec Ricobaldo egregium & synchronum Scriptorem, cum eo in multis concordem, adjungere volo. Is est Dantes Aligherius, qui in Cant. XV. Paradisi Cacciaguidam unum e majoribus suis ita loquentem inducit:

*Fiorenza dentro della cerchia antica,  
Ond' ella teglie ancora e Terza e  
Nona,  
Si stava in pace, sobria e pudica.*

*Non aurea catenella, non corona,  
Non Donne contigiate, non cintura;  
Che fosse a veder più, che la persona.*

A *Non faceva nascendo ancor paura  
La figlia al padre; che 'l tempo e  
la dote  
Non fuggian quinci e quindi la misura.*

*Non avea case di famiglia vote:  
Non v'era giunto ancor Sardanapalo,  
A mostrar ciò, che'n camera si poteva,  
&c.*

*Bellincion Berti vid' io andar cinto  
Di Cuojo e d'Osso, e venir dallo  
specchio  
La Donna sua senza 'l viso dipinto.*

*E vidi quel de' Nerli, e quel del Vecchio  
Esser contenti alla pelle scoperta,  
E le sue Donne al fuso & al pennecchio,  
&c.*

Haec & alia Dantes, quae praetereo. Atque haec satis sint ad confirmandam aliquam ex parte Ricobaldi sententiam. Itaque paucorum annorum spatio, Saeculo XIII. Luxus mirifice in Italia crevit, & secum incommoda reliqua & vitia traxit, quae comitari solent immanem hunc fortunarum voratorem, & multis carum latronem. Necessarium propterea duxerunt sapientes Urbium moderatores gliscenti morbo obices opponere, & multa refecare, praesertim Mulierum ornamenta, quae ad excessum quotidie inclinabant. Immo & ipsi Romani Pontifices in hanc rem intenti, curandum vulnus susceperunt. Teste Ricordano Malaspina Cap. 199. Historiar. Beatus Gregorius X. Papa in Concilio II. Lugdunensi Anno MCCLXXIV. inter alias Constitutiones utiles universitati Christi Fidelium, interdixit immodica feminarum ornamenta per universam Christianorum

Rom-



*Rempublicam*. Ex iis etiam, quae Anno MCCCXXVII. Mutinae constituta sunt ab Urbis Rectoribus, a-tiarum quoque Urbium ritus ac mo-res intellige. In Legibus municipa-libus MStis ejusdem Anni, Lib. 4. Rubricâ 162. haec de *camaveriis* & mulieribus parvae conditionis decreta le-guntur: *Pedisequae*, & *aliae servien-tes* (nobilium feminarum) & quae-cumque mulieres parvae conditionis, non debeant portare aliquas vestes, quae tan-gant terram. Et ipsae *pedisequae* non portent in capite aliquod *introzatorium* de seda. Nihil aliud est *introzatorium*, quàm ornamentum, quod interfere-batur oomis (trecis nos appellamus) aut eas operiebat. Pleniora sunt, quae in eodem Statuto habentur Lib. 4. Rubric. 177. nobisque delineant partem mundi muliebris eorum tem-porum. Nulla mulier nupta, vel non nupta possit, nec debeat de cetero por-tare extra domum vel in domo, aliquam *gonellam*, vel *guarnachiam*, *pellem*, vel *vestem* aliquam, quae habeat *caudam*, quam posses per terram, & tangat ter-ram ultra unum brachium ad brachium Communis, quod est in lapide Bonissi-mae in Platea Communis. Nec aliquam *coronam*, *circellum*, vel *filum*, vel *gir-landam* de perlis, auro, vel argento, vel gemmis, vel alterius cujuscumque generis & maneriei. Nec aliquem *in-trozatorium* *platum*, vel *deauratum*, vel *orientatum*, nec aliquam *centuram*, vel *coregiam*, quae *centura* vel *coregia* va-leat ultra decem Libras Mutinensis, vel *bursam*, quae valeat ultra quinquaginta Soldos Mutinensis. Nec aliquem *cave-rium* ad *gonellam* vel *guarnachiam*, vel ad aliquam *vestem*, de auro, argento, gemmis, vel de perlis, quod *cave-rium*

*fit* valoris ultra tres Libras Mutinensis pro qualibet veste seu *cavezo*. Et nul-lus Sartor vel *Surisen* possit vel debeat talem *Coronam*, vel *Cavezaturam*, vel *Caudam* facere vel ponere &c. Alio e-tiam in loco exuberantes in funeri-bus pompas coërcent. En ut Muti-nenses ante annos quadringentos Lu-xum ingruentem, quibus possent, le-gibus cohiberent. At ille tanquam subdolanus hostis ex una parte pulsus, per alteram saepe regredi novit: im-mo & vi interdum adhibitâ leges ip-sas laeberat atque conculcat. Illud exploratum est, post ea tempora non solum nihil attenuatas vires Luxus, sed sensim ita auctas, amore potissi-mum novitatis, ut nunc pessimos illius afflatus Respublica quotidie sen-tiat, prudentes damnent, sed nemo eliminandos curet. Jam indicavi, Gallicam gentem in luxum ab anti-quo pronam, novisque vestium ac ornamentorum formis semper dele-tatam, suo morbo infecisse Italicam sobrietatem: morbo, inquam, nun-quam amplius sublato, & quo adhuc laboramus. En alterum exemplum, quod nobis suppeditat Johannes Vil-lanius Lib. 12. Cap. 4. Historiar. ad Annum Christi MCCCXLII. *E non è da lasciare (inquit ille) di fare memoria d'una sfuggiata mutazione d'abito, che ci recarono di nuovo i Franceschi, che vennero al Duca in Firenze. Che colà dove anticamente il loro vestire ed abi-to era il più bello, mobile, e onesto, che niuna altra Nazione, al modo de' togati Romani, si si vestivano i giova-ni una cotta, o vero gonella corta, e stretta, che non si potea vestire senza ajuto d'altri, e una coreggia, come cinghia di cavallo con isfoggiata fibbia e pun-*

\* In editione an. 1559. Venet. instantibus Junctis de Florentia legitur *sformata.... null' altra nazione, a modo di.... si vestieno.... e con grande isfoggella.... a modo di fioncobini.... al modo d'ogni nazione ec.*

e puntale, e con isfoggiata scarfella alla Tedesca sopra il pettignone, e il cappuccio vestito a-modo di scocobrini col battolo infino alla cintola; e più, ch'era cappuccio e mantello con molti fregi e intagli: il beccetto del cappuccio lungo fino a terra, per avvolgere al capo per lo freddo: & colle barbe lunghe, per mostrarsi più fieri in arme. I Cavalieri vestivano uno forcosto, o vero guarnacca stretta ivi sufo cinti, e le punte de' manicottoli lunghi infino in terra, foderati di Vajo e Ermellini. Questa instranianza d' abito non bello nè onesto, fu di presente preso per li giovani di Firenze, e per le donne giovani di disordinati manicottoli; come per natura siamo disposti noi vani Cittadini alle mutazioni de' nuovi abiti, e i strani contraffare, oltre al modo dell' altre Nazioni, sempre al disonesto e vanitate.

Hiscce adjuncta volo, quae leguntur in MS:to Codice existente paenes me, & complectente *Traſatum de Generatione aliquorum Civium Urbis Paduae tam Nobilium quàm Ignobilium*. Floruisse videtur illius Auctor Anonymus sub finem Saeculi XIV. Ille verò de moribus Patavinorum in haec verba scribit. *Ante dominium Ezerini de Romano, & post per aliquod tempus, usque dum Paduani attingebant annos viginti, incedebant cum capite discooperto. Hoc etiam Mediolani olim factum audiui, ut puerorum capita, exposita aëris injuriis, darentur, & obsequium Majoribus mature addicerent. Pergit Patavinus Scriptor dicere: At illo finito tempore, insulas & galeros Foro-Juliano more incipiebant portare, aut Capucia cum rostris, ante naionem plus in altitudinem, quàm ad depressionem tendentibus. Interulas a lateribus scindi faciebant, & diploides ex anteriori parte: tunicas*

Tom. IV.

A etiam a lateribus scissas & a parte anteriori. Omnes portabant Epitogia. Pannos vestium emebant, quorum brachium ad plus viginti constabat Solidis. Familiam pulcram, bonos equos & arma tenebant continuo. Societates filiorum Nobilium Paduanae Urbis in certis Festorum diebus a viris Nobilibus hanc interdum petebant gratiam, ut suis Conviviis facerent Dominabus: quae a nullo valenti Homine negabantur facienda. Atque in die istorum sic ordinatorum Conviviorum, Nobiles juvenes causa serviendo, suis adhaerebant Dominabus in prandio aut in coena; ad domum unius eorum ob prandendum vel coenandum veniebant, ut ordinaverant inter se. Et quum prandiderant vel coenaverant, ibant choreizatum cum eisdem, aut Hastiludia exercebant. Nobiles illi viri Urbis Paduanae in suis Villis, ubi jurisdictionem habebant, Curias pulcherrimas faciebant. In diebus festivis super campos Paduanos, propinquos Civitati, ducentos aut trecentos Nobiles juvenes Equiria facientes invenisses, qui propter calum ab equis, aut.... se laedebant multotiens. Et quia amoena Loca possidebant & possident, dicta est *Marchia Amoroſa*. Mores deinde Patavinarum mulierum idem Auctor hiscce verbis describit: Urbis Paduae mulieres, antequam de potentia Ezerini de Romano auferretur, & fortè per quindecim annos post, suis interulis singulis girones faciebant. Earum tunicae, & hominum pariter, super spatulas crispabantur, quibus singuli girones faciebant ante & retro. Sua namque Epitogia cum singulis ordinabantur gironibus ante & retro, per ante os stomachi, & aliquantulum infra positis. Chlamydes tam nuptae quàm viduatae, cum crispis amplis unius semissis post illarum scapulas erant ordinatae. Et haec Chlamydes grossae dicebantur, quas etiam

O O

bomi-

homines aetatis maturae portabant. Tempore nominato Dominas lico pignolato-  
rum Cestum de tela lini subtilissima por-  
tabant..... crispata, quarum singula  
quingenta vel sexaginta brachia con-  
sinebant, ut requirebant hominum facul-  
tates. Nobiliores insuper Mulieres, si-  
chorean aliquam faciebant ante domi-  
nium Ezerini, non fuisset ausus aliquis  
Popularis illam intrare, quia juvenes  
filii Nobilium super ipsorum maxillas  
quam citius alapas apponebant. Et si  
aliquis Nobilium aliquam Popularem di-  
lexisset, non duxisset illam in Domina-  
rum chorean absque gratiâ ab illis po-  
stulatâ. Quae de rudibus Italiae Po-  
pulis supra attulimus e Ricobaldi Po-  
mario, non ignoravit circiter Annum  
MCCCXIII. Frater Franciscus Pipi-  
nus in suo Chronico, Tomo IX.  
Rer. Italicarum. Quae quum & ipse  
singula descripsisset, colophonem istum  
iis imposuit Cap. 49. Nunc ve-  
rò praesenti lasciviente aetate multa in-  
bonesta sunt inducuntur rebus priscis: ve-  
rum plurima ad perniciem animarum.  
Mutata est enim parsimonia in lautitiam.  
Vestimenta quoque materiâ & artificio  
exquisito nimioque ornatu cernuntur. Il-  
lic argentum, aurum, margaritae mire  
fabricata, pbyrgia latissima, fulcimenta  
vestium serica vel varia, pellibus exo-  
ticiis, idest peregrinis, idest pretiosis.  
Irritamenta gulae non desunt. Vina pe-  
regrina bibuntur. Fere omnes sunt po-  
tatores in publico. Obsonia sumtuosa.  
Eorum magistri coquinarum habentur in  
pretio magno. Omnia ad gulae irrita-  
menta & ambitionis quaeruntur. Ut his  
suppeditari possit, avaritia militat. Hinc  
usuræ, fraudes, rapinae, expilationes,  
praedae, contentiones in Republica. Ve-  
tigalia illicita, innocentum oppressiones,  
exterminia Civium, relegationes locuple-  
sum. Verum Deus noster est venter no-  
ster. Pompis, quibus renuntiavimus in

A Baptismo, insistimus, facti adeo tran-  
sfugae ad hostem generis nostri. Bene  
autem Seneca morum cultor Libro De-  
clamatorum nostra tempora detestatur  
his verbis. Sit enim: „ In deterius  
„ quotidie res data est. Omne enim  
„ certamen ad turpia. Torpent ecce  
„ ingenia desidiosae juventutis, nec  
„ in alicujus rei honestae labore vi-  
B „ gilatur. Somnus & languor, ac  
„ somno & languore turpior mala-  
„ rum rerum industria invasit ani-  
„ mos. Cantandi, saltandi quoque  
„ obscœna studia effeminatos tenent.  
„ Capillum frangere, ad muliebres  
„ blanditias extenuare vocem, mol-  
„ litie corporis certare cum femi-  
„ nis, & immundissimis se excolere  
C „ munditiis, nostrorum adolescentum  
„ specimen est. „ Haec Pipinus an-  
te annos quadringentos scribebat, quae  
in nostra quoque tempora non im-  
merito retorqueri possent.

Tum Ricobaldi verba, tum Pipi-  
pini additamenta ante oculos versa-  
bantur Johannis Muffi, qui circiter  
Annum MCCCCLXXXVIII. Chroni-  
con Placentinum literis consignabat,  
a me editum Tomo XVI. Rer. Ita-  
licar. Quousque verò tunc progressus  
fuerit Luxus, & quanta in mores  
mutatio irrepsit, perspicue is Au-  
ctor indicat, pergens describere Pla-  
centinorum Civium mores, quales  
sibi eo tempore videbantur, his  
verbis.

#### De moribus Civium Placentiae.

Nunc verò in praesenti tempore, sci-  
licet Anno Christi MCCCCLXXX-  
VIII sunt per homines & Dominas Pla-  
centiae sumtuosissimae expensae in victu  
& vestitu, & in omnibus, plusquam  
fieri solet. Nam Dominas portant inda-  
menta longa & larga de veluto & feri-  
to

ro de grana, & de panno serico deaurato, & de panno de auro, & de panno serico tantum, & de panno de lana scarlata de grana, & de paonacio de grana, & de aliis nobilissimis drappis de lana. Qui drappi de grana, vel de veluto, vel de auro, vel de aurato, vel de serico constant pro uno Cabano, vel Barillotto, vel Pellardâ, a Florenis XXV. auri usque in Florenos, sive Ducatos LX. auri. Quae indumenta sunt cum manicis largis per totum tam de subtus, quàm de supra, ita longae, quod dictae manicae cooperiunt mediam manum, & aliquae pendent usque in terram apertae exteriori tantum, acutae de subtus ad modum scuti Catelani longi, qui scutus est largus desuper, & strictus & acutus de subtus. Et super aliquibus ex dictis indumentis ponuntur a tribus usque in quinque uncis perlarum, valentibus usque in Florenos X. pro qualibet uncia. Et super aliquibus ponuntur frisia magna & larga auri circum circa collare gulae in modum menisferri, quod ponitur canibus circa collum eorum. Et etiam circum circa in extremitate manicarum, & circa manicas, quae sunt subtus dicta indumenta. Et portant capucios parvos cum frigiis largis de auro, vel de perlis circum circa dictum capucium. Et vadunt cinctae in medio pulcris cincturis de argento deaurato, & de perlis valentibus Florenos XXV. auri pro qualibet cinctura, & plus & minus: & aliquando vadunt non cinctae. Et quaelibet Domina communiter habet tot anulos & varetas cum lapidibus pretiosis, quae valent a Florenis XXX. auri usque in L. Tamen talia indumenta sunt honesta, quia cum dictis indumentis non ostendunt mamillas. Sed habent alia indumenta inbonesta, quae vocantur Ciprianae, quae sunt largissimae versus pedes, & a medio supra sunt strictae cum

A manicis longis & largis, sicut alia praedicta indumenta, & similis valoris: & super quibus ponunt similia jocalia & similis valoris. Et sunt impomelatae de antea a gula usque in terram pomellis argenti deaurati, vel de perlis. Quae Ciprianae habent gulam tam magnam, quod ostendunt mamillas; & videtur quod dictae mamillae velint exire de sinu earum. Qui habitus esset pulcher, si non ostenderent mamillas, & gulae essent sic decenter strictae, quod ad minus mamillae ab aliquibus non possent videri. Et etiam dictae Dominae portant in capitibus earum jocalia maximi valoris. Videlicet aliquae portant coronas de argento aureato, vel de auro puro cum perlis & lapidibus pretiosis, valoris a Florenis LXX. auri usque in C. & aliquae portant terzollas de perlis grossis valoris Florenorum C. auri usque in CXXV. & aliquae portant sagiotas de perlis, valoris Florenorum L. usque in C. Quae terzollae vocantur terzollae, quia ex CCC. perlis grossis sunt factae, & quia in tribus filzis sunt constructae & ordinatae. Et etiam dictae Dominae pro majori parte loco terzarum de auro vel de serico, quas portare solebant contextas, seu interzatas in capillis capitis earum, nunc portant bugulos, qui sic nominantur, quos cooperiunt capillis capitis earum ligatis super dictos bugulos, cum astalonis sive chordibus sericis vel deauratis, vel cum astalonis sericis coopertis perlarum. Et aliquae Dominae utuntur mantellis, sive chlamydis curtis, quae cooperiunt manus tantum, fodratis de zendalo, vel de vairis. Et etiam utuntur pulcris filzis Pater noster de corallo rubeo, vel de lambro. Matronae, sive Dominae antiquae portant nobile mantum, sive mantellum largum & longum usque in terram, & rotundum versus terram, & crispum per totum, & apertum de antea

sea usque in terram. Tamen est pomellatum de versùs gulam pomellis argenti deaurati, vel de perlis per unam spannam. Et fiunt pro maiori parte cum collare. Et quaelibet Domina habet usque in tribus mantellis ad plus: unum de blavo, unum de paonacia de grana, & alium de zamelloto undato: fodratos de zendali cum friziis aureis; & aliqui sunt fodrati de Variis. Et aliquae portant Capucium, & aliquae non. Et aliquae quandoque portant Capucium, & quandoque non, sed portant vellos de seta, vel de bambaxio pulcros, & subtiles, & albos. Dominae viduae portant similia guarnimenta, tamen omnia de bruna, & sine auro & perlis, sed solum cum pomellis dicti panni de bruna tantum. Et utuntur Capuciis de bruna, vel vellis albis de bambaxio, vel de lino, subtilibus & albis.

Similiter iuvenes homines portant Cabanos, Barillos, & Pellardas, longos & largos, longas & largas per totum usque in terram, & cum pulchris foraturis pellarum domesticarum & salvaticarum; omnes de panno tantum, & aliquos de serico & veluto. Quae indumenta constant a Florenis XX. auri usque in XXX. Et etiam utuntur mantellis magnis & longis usque in terram, & etiam utuntur de mantellis curtis, qui tantum cooperiunt manus eorum. Homines antiqui portant similia indumenta, & Capucios duplos de panno, & desuper dictos Capucios portant biretas pulcras de grana non textas, nec satas, sed factas ad aenum. Item dicti iuvenes portant alia indumenta curta & larga, & alia curta & stricta, & sic curta, quod ostendunt medias nates, sive naticas & membrum & genitalia; salvo quod portant caligas de panno sic longas ligatas in quinque partibus ad suparcillos curtos & strictos, quos portant de subtus alia indumenta, quae cooperiunt totas nates,

A membrum, & genitalia cum dictis caligis. Et etiam de subtus habent zazzabullas lineas strictissimas. Nihilominus ostendunt formam naticarum, genitalium, & membri. Quae indumenta sic stricta, aliqua sunt de panno lino, sive aliud supra, & supra aliqua ex eis ponunt brodaturas de argento & serico, & aliqui cum perlis, & aliqui plus & aliqui minus. Et aliqua ex dictis indumentis sunt de veluto, vel de serico de grana, vel de alio colore, vel de zamelletto. Et dicta indumenta sic curta aliquantulum sunt plus longa de retro & de antea, quam a galono. Et aliquando cincti in medio super omnibus dictis indumentis, & aliquando non. Et pro maiori parte non portant capucium, salvo quod in hyeme ipsum portant. Qui capucii sunt parvissimi cum becho longo quasi usque in terram, ita quod omnes videntur esse in foza, sic sunt parvi dicti capucii, & stricti circum circa apud ipsos. Tamen non sunt in foza. Caligae portantur solatae cum scarpis albis, de subtus dictas caligas solatas, & in aestate & in hyeme, & aliquando portant scarpas & caligas solatas cum punctis longis onciarum trium ultra pedem subtilibus. Omnes ahi Cives Placentiae tam foeminae quam masculi, sicut solebant portare scarpas & caligas solatas sine puncta, nunc portant cum punctis parvis: quae punctae tam longae quam parvae sunt plenae pilorum, sive buae bovis. Item sunt plures Dominae & homines iuvenes, qui portant ad collum torques, sive circulos argenteos, sive deauratos, vel de perlis, vel de corallis rubeis. Et etiam dicti iuvenes portant barbam rasam & collum a mediis auriculis infra, & ab inde supra portant zazzaram, sive caesariem capillorum magnam & rotundam, & aliqui eorum tenent unum roncinnum, vel equum; & aliqui tenent usque in quin-

quinque equos secundum posse eorum, & aliqui nullum tenent. Et illi, qui tenent ab uno ronzino supra, tenent famulum sive famulos, qui famuli lucrantur omni anno pro quolibet eorum pro eorum salario usque in Florenos XII. auri. Pedisequae lucrantur usque in Florenos VII. auri quolibet anno pro quolibet earum, & habent victum, sed vestitum non.

Haec sane proluxa: sed quum graphice nobis pingant ejus Seculi faciem, omnia attrulisse non poenitet; immo quae subsequuntur, ad victum hominum spectantia, addere juvat. Quod Placentiae in usu erat, pro consuetudine hominum in reliquis ferme Italici Regni Urbibus usurpatum excogitare licet: De Victu (inquit idem Maffius) omnes Cives Placentiae faciunt mirabilia, & maxime in nuptiis & conviviiis, quia pro majori parte dant, ut infra continetur. Et primò dant bona vina alba & rubea, & ante omnia dant confectum zuchari. Et pro prima imbanditione dant duos cappones, vel unum capponem, & unam magnam petiam carnis pro quolibet rajore ad lumeriam factam de amandolis & zucharo & aliis bonis speciebus & rebus. Postea dant carnes assatas in magna quantitate, scilicet capponum, pulorum, faxianorum, perdicum, leporum zengialorum, & capriolarum, & aliarum carniarum, secundum quod tempora anni currunt. Postea dant turtas & zoncetas cum trazea zuchari de supra. Postea dant fluges. Postea, lotis prius manibus, antequam tabulae levantur, dant bibere, & confectum de zucharo, & postea bibere. Et aliqui loco turtarum & zoncarum dant in principio prandii turtas, quas appellant tartas, factas de ovibus & caseo & lacte & zucharo super dictas tartas in bona quantitate. In coenis dant in hyeme z-

A latinam saluatizinarum, & capponum, & gallinarum, & vitelli, vel z-latinam piscium. Et post, assatum de capponibus & vitello. Et post, fluges. Et post, lotis manibus, antequam tabulae levantur, dant bibere, & confectum zuchari, & post, bibere. In aestate in coenis dant zelariam de gallinis & capponibus, vitelli & capredi, & carniarum porci & pulorum, vel zelariam piscium. Et post, assatum pulorum, capredum, vitelli, vel pavori, vel anetris, vel aliarum rerum, secundum quod tempora currunt, & post, fluges. Et post, lotis manibus, antequam tabulae levantur, dant bibere, & confectum zuchari, & post, bibere. Secunda die in nuptiis dant primo longeros de pasta cum caseo & croco & zibibo & speciebus. Et post, carnes vituli assatas, & post, fluges: & post, lotis manibus, antequam tabulae levantur, dant bibere, & confectum zuchari, & post, dant bibere. In coenis omnes vadunt ad domum eorum, quia nuptiae finitae sunt. Tempore Quadragesimae dant primò bibere & confectum zuchari, & post, bibere; & post, ficus cum amigdalibus pelatis, & post, pisces grossos ad piperatum; & post, menestram risi cum lacte amigdarum & zucharo & speciebus, & cum anguillis salis. Et post praedicta dant pisces Lucios assatos cum salsa de aceto, vel sinapi cum vino cocto & speciebus; & post, dant nuges; & post, dant alias fluges. Et post, lotis prius manibus, antequam tabulae levantur, dant bibere, & confectum zuchari, & post, bibere. Homines Placentiae ad praesens vivunt splendide & ordinate & nitide, & utuntur in domibus eorum pulcioribus & melioribus aratixiis & vasellamentis, quàm solebant a septuaginta annis retro, scilicet ab Anno Christi MCCCXX. retro. Et habent pulciores habit-

bitationes, quàm tunc habebant, quia in dictis eorum domibus sunt pulcræ camerae, & caminatae, bora, curtaria, putei, hortuli, jardini, & solaria pro majori parte. Et sunt plures camini ab igne & fumo in una domo; in quibus domibus dicto tempore nullum solebat esse caminum: quia tunc faciebant unum ignem tantum in medio domus sub capis testis, & omnes de dicta domo stabant circum circa dictum ignem, & ibi fiebat coquina. Et vidi meo tempore in pluribus domibus. Et non habebant puteos in dictis eorum domibus, vel quasi nullos, & pauca solaria & curtaria. Et utuntur communiter omnes Crues Placentiae vinis melioribus, quàm antiqui non faciebant.

Modus edendi pro majori parte bonum Placentiae est, quod ad primam tabulam comedit Dominus domus cum Uxore & filiis in caminata, vel in camera ad unum ignem, & familia comedit post eos in alia parte ad alium ignem, vel in coquina pro majori parte. Et duo comedunt super uno sajore. Et quilibet habet menestram suam, & unum mojolum vel duos vitri pro se, unum pro vino, & alium pro aqua. Et plures sunt, qui se faciunt servire famulis suis cum cultellis magnis a tabula, & cum eis incidere carnes, & alia coram eis ad dictam tabulam. Et antequam dicti Domini sint affetati ad tabulam, dant eis aquam cum bacino & bronxino; & post prandium & post coenam iterum, antequam tabula leveatur, dant eis aquam, & iterum lavant manus eorum. Arnixia, quibus nunc utuntur in domibus dictorum Civium Placentiae, quae a paucis solebant uti, a dicto Anno MCCCXX. retro, sunt nunc pro uno duodecim. Et hoc eventum est a mercatoribus Placentiae, qui utuntur vel utebantur in Francia, in Flandria, ac etiam in Hispania. Et primò com-

muniter utuntur tabulis largis unciarum XVIII. quae non solebant esse largae, nisi unciae XII. Et utuntur guardenapis, quae a paucis utebantur. Et utuntur taciis, cugiariis, & forcellis argenti; & utuntur scudellis & scudellinis de petra, & curtellis magnis a tabula, & bronxinis, & bacinis, & sarziis magnis & parvis a lectis, & cortinis de tela circum circa dicta lecta, & etiam banderis de arassa, & candileis de bronzo, vel de ferro, & torciis sive brandonis, & candelis de cera, & etiam candelis de sebo, & aliis pulcris arnixiis & vassellis & vassellamentis. Et multi faciunt duos ignes, unum in caminata, & alium in coquina, vel in camera loco caminatae. Et multi tenent bonas confectioes in domibus eorum de zucharo & de melle. Quae omnia sunt magnarum expensarum. Quà de causâ magnae dotes nunc oportent dari. Et communiter nunc dantur in dotem Floreni CCCC. & Floreni D. & Floreni DC. auri, & plus: qui omnes expendantur per sponsam in adobbando sponsam, & in nuptiis, & aliquando plus. Et ille, qui maritat dictam sponsam, expendit ultra dotem Florenos C. auri, vel circa in faciendo de novo aliqua indumenta sponsae, & in donis & nuptiis. Qua de causa si debent posse fieri tales expensae, ut supra dictum est, oportet, quod lucra illicita fiant. Et plures sunt, qui talibus de causis sunt consumti, qui volunt facere, sive oportet facere, plusquam non possunt. Certe ad praesens si unus habet in sua familia novem buccas, & duos roncinos, expendit omni anno ultra Florenos CCC. auri, valentes Libras CCCCLXXX. Imperialium. Et sic pro rata buccarum, videlicet in victu & vestitu, salariis familiarum, gabellis, taleis, & aliis expensis extraordinariis, quae quotidie eveniunt, quae

quae non possunt evitari: certe pauci sunt, qui talibus expensis possint componere; & ideo multi sunt, quos tali de causa oportet deferere patriam eorum. & ire ad stipendium, vel pro famulis, vel pro mercatoribus, & in usuris &c. Non credat aliquis, quod in supradictis contineantur mechanici, sed, solum Nobiles & Mercatores, & alii boni & antiqui Cives Placentiae, qui non faciunt aliquam artem. Qui etiam mechanici faciunt sumtuosas expensas plusquam solet, & maxime in indumentis circa eos & uxores. Tamen ars semper & quocumque tempore sustinet omnes, qui volunt cum honore vivere. Ad praesens gentes non possent vivere sine vino, sic sunt omnes usi bibere vinum.

Confer nunc Seculi XIV. ritus & luxum cum Seculi nostri moribus: tum computatione facta decerne, quid supra antiquorum mores tempora nostra profecerint. Pictoribus autem veterum rituum haecenus a me productis adjunctum volo Aulicum Ticinensem, cujus Opusculum dedi Tomo XI. Rer. Italicarum. Scribebat ille circiter Annum Christi MCCCXXX. multosque suorum temporum mores literis consignavit, e quibus hunc unum Cap. 14. scriptum decerpo. In crepidine, inquit, pontis veteris aliquando erecta est Pertica, quae potest inclinari deorsum, in cuius cacumine ligatum est vas vimineum magnum. Et si quis Ribaldus compersus fuerit, Deum aut Beatam Virginem blasphemare, statim vase illo impositus submergitur in Ticinum, & extrahitur madefactus. Fortasse non ablimilis poena apud antiquissimos Germanos in usu fuit. De iis enim Tacitus in Libro de Moribus Germanor. Cap. 12. ait: Ignavos, & imbelles, & corpore infames, coeno ac palude injecto

A super crate mergunt. Ait, mergunt, non verò suffocant, scilicet ad emendationem, non ad mortem. Sed & Suetonius in Cajo Caligula Cap. XX. Lugdunense certamen describens, ait: Eos autem, qui maxime displicuissent, scripta sua spongia linguave delere iussos, nisi ferulis objurgari, aut Flumine proximo Mergi maluissent. Adeo verum illud est, nihil sub Sole novum. Hoc poenae genus Gallicā Linguā Cale appellatur, de qua voce videndus Fureterius. Tusci adhibent vocem Colla pro funis tormento, quo rei ad brachia & ad humeros excruciantur: & inde verbum Collare; pro fune torquere. Monosinius a Graeco *κολάω* significante Torquere, hanc vocem traxit. Menagius Colla pro Fune a Colum deduxit, *che val propriamente laccio, che si mette al Collo*. Laqueo quidem franguntur Colla reorum; at in tormento Funis nulla Collo molestia infertur; ac proinde non amplectenda ejusmodi Etymologia. Videndum, an vox Colla a Calare, hoc est Demittere, emeruisse potuerit. Quippe Tusci pro Calare interdum adhibuerunt Collare. Boccaccius in Fabulis: *Diliberarono di legarlo alla fune, e di Collarlo nel pozzo*. Uti Gallicum Cale usurpatum videtur ab Italico Calare pro Demittere: ita videri possit enatum Colla a Collare, idem significante atque Calare. Neque dispar videtur origo verbi Italici Tracollare, cujus significatio est Corruere, Collabi. In re tamen adeo abstrusa ego nihil decerno. Redeo ad Aulicum Ticinensem. Quae is nuper nos docuit de poena blasphemantium Deum, aliis quoque Civitatibus communia fuere, dum ad litus maris sitae essent, aut ipsas allueret magnificum aliquod flumen, in quo spectaculum ejusmodi praebere liceret.

Id



Id poenae genus *Accabussare* Massilientes, Du-Cangio teste, appellabant. En eorum Statutum contra eos, qui ludendo injurias in Deum evomebant. *Et si duodecim Denarios dare & solvere non poterit, Accabussatur penitus, indutus cum vestibus, quas tunc detulerit, & in portu Massiliae tot vicibus, quot juraverit.* Germanicum vocabulum habes in *Accabussare*, compositum nempe ex *A-ba* & *Busse*, ut sit *Aquae poena*. Lenones quoque, meretrices, & qui in ludendo irreligiose jurant, apud Burdegalenses eadem poenâ pledebantur. Statutum Ferrariense Anno MCC-LXXXVIII. manu exaratum, & in Estensi Bibliotheca adservatum, haec habet Lib. 4. Rub. 68. *Quod Potestas teneatur facere fieri unam Corbellam in Contrata Sancti Pauli in Pado, in quam poni faciat, & pluries submergi in aquam blasphemantes Deum & beatam Virginem, & ceteros Sanctos, si non possent solvere centum Soldos Ferrariensis. Et si solvere possent, non ponantur ad Corbellam. Tunc Rubrica 78. Statuitur, quod Scutiferi non currant equos per Civitatem, quum vadunt ad aquam & redeunt. Qui contra fecerit, solvat pro banno viginti Soldos Ferrariensis. Et si solvere non poterit, ponatur ad Corbellam.* Evanuit in Italia hujusmodi poenae usus; at is Vindobonae in Caesarum Austriacorum Metropoli adhuc perseverat, pictoribus, tanionibus, ac aliis id genus publicae rei fraudatoribus destinatus. Atque hoc in memoriam mihi revocat per poenae genus, qua mulieres rixosae apud Anglos olim castigatae traduntur; dejiciebantur enim in aquam, & inde bene madidae ac potae deducebantur.

Sed quoniam de Poenis veterum injecta est mentio, & heic de iis

A aliqua innuam. Crimina, ut alibi jam monui, pauca olim erant, propter quae animae incurtebatur periculum, ut Rotharis Regis verba adhibeam, hoc est, quibus capitis supplicium indictum foret. Quicumque contra vitam Regis consilia miscerat, aut seditionem adversus Ducem suum excitabat, aut domino, aut marito suo necem inferebat, aut extra Regnum fugam tentabat, aut ab exercitu fugiebat, ut alia pauca omittam, reus mortis erat. Perjurii reis manus amputabatur. Cetera ferme omnia pecuniâ redimebantur. Cujus etiam moris multa exempla prisca Graeci reliquerunt. Ad haec inter Poenas numerata est *Servitus*, de qua alibi actum est. *Decalvatio* quoque, & *Flagellatio*, sive *Fustigatio*, uti nunc dicimus, in usu fuere. Nam apud Veteres, ac praecipue apud Septemtrionales gentes, ignominiae gravis loco habebatur tonderi, eoque gravius fuit ad cutem usque capillis, aut barbâ spoliari. De feminis ad seditiones commotis decrevit Liutprandus Langobardorum Rex Lib. 6. Lege 88. *Publicus* (idest *Judex*) qui est in loco, ubi factum fuerit, comprehendat ipsas mulieres, & faciat eas decalvari, & frustari per vicinos vicinantes ipsis locis. Olim fustibus liberi homines caedebantur, flagellis servi. A *fuste* derivata creditur vox Italica *frusta*, *frustare*. Et sane in Lege supra relata 88. Lib. 6. Liutpradi Regis habemus *Frustare per vicinos Civitatis*, & inter Caroli Calvi Francorum Regis Capitularia edicitur, ut *Servi per hoc convicti, non cum grossa fuste, sed nudi cum virgis vapulent*, ita tamen, ut disciplinam sustinentes in corpore suo debiliores non fiant. Liber homo, aut Servus in furto deprehensus, si furtum ad decem

cem *jil:quas* auri ascendebat, praeter rem furto sublatam, Solidis octoginta multabatur. Quosi si ad redimendum se impotens erat, capitis damnabatur. Ita Rotharis Rex in Lège 258. & 259. De reliquis autem furibus omnino legenda sunt, quae Liutprandus Rex constituit Lib. 6. Lege 26. De furonibus inquit, unusquisque Judex in sua Civitate faciat carcerem sub terra. Et quum inventus fuerit fur cum ipso furto, ipsum furtum componat. Et comprehendat ipsum furonem, & mittat in ipso carcere usque ad annos duos vel tres. Et postea dimittat eum sanum. Et si talis persona fuerit, ut non habeat, unde ipsum furtum componere possit, debeat eum Judex dare in manu ipsius, cui ipsum furtum fecit: & ipse de eo faciat, quod voluerit. Et si postea ipse iterum in furto tentus fuerit, decalvet eum, & caedat per disciplinam, sicut decet furonem, & ponat signum in fronte & in facie. Et si sic non emendaverit, & post ipsas distractiones in furto tentus fuerit, vendat eum Judex foris Provincia (idest extra Regnum) & habeat sibi premium ipsius. Carolus verò Magnus in Lege Langobard. 44 de Latronibus statuit, ut pro prima culpa non moriantur, sed oculum perdant: de secunda nasus ipsius Latronis capelletur, sive abscindatur: de tertia verò, si se non emendaverit, moriatur. Idem repetit in Lege 85. Ibi sub Latronum nomine veniunt Fures quique; unde Italicum *Ladro*, & *Ladrone*. Poena quoque seditionis hominum & conspirantium contra Reipublicae tranquillitatem, statuta est in Lege 65. Lotharii I. Augusti. Scilicet auctores facti interficiantur: adjutores verò eorum singuli alter ab altero flagellentur, & capillos suos vicissim, & nares suas in-

A vicem praecedant. Ceterum, ut alibi memini, Homicidis poena capitis olim minime inferebatur, sed tantum multa pecuniaria: atque (id, quod miraberis) etiam si Episcopo inlata mors fuisset. Immo nulla olim peculiaris poena Homicidis sacrorum hominum apud Langobardos indicta videtur. Audi Arichisum Principem Beneventanum ex genere Langobardorum, qui sub finem Saeculi a Christo nato VIII. Capitulare edidit, evulgatum a Peregrinio, atque a me rursus editum Tomo II. Rer. Italicar. pag. 336. *Hactenus*, ait, *Religiosorum homicidia*, eo quod aut inermes genus, aut in omnibus venerandum haberetur, nullus compositionis, & aperta lex judiciali calculo claruit. Et si quondam forsitan contigisset, aut sub offensus legalis negligentiae, vel oblitae rationis omistebatur, aut certe Censorum opinione, aut illud, ut cuique libitum erat, decernebatur. Propterea is statuit, ut si quis in posterum occiderit Monachum, vel Presbyterum, aut Diaconem primum tenentem, componat, idest, Fisco persolvat ducentos Solidos; aut si Principi libuerit, usque ad trecentos. Pro reliquorum Ecclesiasticorum extra Palatium degentium caede, centum & quinquaginta Solidi persolvantur, sicut de Laicis, qui exercitalibus militant armis. En tenuem poenae mensuram propositam olim sacrorum hominum homicidis. Auxit deinde multam Carolus Magnus Augustus, uti constat ex ejus Lege 101. inter Langobardicas, Part. II. Tomi I. Rerum Italicarum. Idem verò mos perdurabat etiam Anno Christi MLV. uti subsequens Diploma patefaciet, quod in Chartophylacio Canonico-rum Parmensium adservatur.

Litterae protectionis, seu Mundiburdii, Canonicis Parmensibus concessae  
ab Henrico Rege III. Imperatore II. Anno 1055.

**I**N nomine Sanctae & individuae Tri-  
nitatis. Heinricus divina providen-  
tia Romanorum Imperator Augustus.  
Licet nos ad hoc divina dispositio prae-  
ceteris sublimavit, ut omnibus sub no-  
stri Imperii potestate degentibus nostra  
Imperialis debeat subvenire Majestas,  
quibus tamen magis debemus, quibus-  
sque ex maiori parte committimus, prae-  
ceteris his subveniendum decernimus.  
Clericis itaque divina sorte signatis, &  
divino cultui mancipatis, quibus anima-  
rum nostrarum cura committitur, merito  
nos debere praeferre cognoscimus, quati-  
nus sub nobis temporis tranquillitate  
gaudentes pro animarum nostrarum sa-  
lute, & pro totius nostri Imperii inco-  
lunitate, summum Imperatorem secure  
exorare valeant. In quorum tamen pro-  
vectu nostra debet esse Imperialis discre-  
tio, ut plus merentibus, majus a nobis  
conferatur praemium. Omnibus itaque  
nostra sub potestate degentibus Clero &  
universo Populo notum fieri volumus,  
quod iusto interventu Domini Gunterii  
nostri dilecti Cancellarii, sub tuitionis  
nostrae Mundiburdio recipimus omnes  
Parmenses Canonicos tam praesentes,  
quam & processu temporis futuros, cun-  
ctosque ad se pertinentes, cum omnibus  
rebus suis mobilibus & immobilibus,  
libellariis & precariis, prediis & bene-  
ficiis tam Secularibus, quam Ecclesia-  
sticis, seu adquisitis vel acquirendis,  
sive cum omnibus ad se respicientibus.  
Si quis igitur eos Archiepiscopus,  
Episcopus, Marchio, Comes, Vice-

**A** comes, vel qui sub his sunt, Cleri-  
ci, vel Laici, assalire, vulnerare,  
vel occidere quaesierit, vel qui eis  
super his auxilium, consiliumque pre-  
stiterit, vel de suis aliquid invase-  
rit, vel violentia & rapinis abstule-  
rit, pro morte vitae suae poenam  
pro caeteris se centum Libras auri  
ex aequo partiendas nobis, sibi-  
que compositorium agnoscat. Quod ut nos  
stabile ac firmum esse velle monstremus,  
Sigillo nostro insigniri precipimus.

**B** Guntherius Cancellarius vice Heriman-  
ni Archicancellarii recognovit.

Locus ✠ Sigilli.

**C** Data VIII. Idus Junii, Anno Do-  
minicae Incarnationis MLV. In-  
dictione VIII. Anno autem Dom-  
ni Heinrici Terti Regis, Impe-  
ratoris autem Secundi, ordina-  
tionis ejus XXVII. Regni qui-  
dem XVI. Imperii vero IX.

Actum vero Florentiae in Dei nomi-  
ne feliciter. Amen.

**D** Si quis autem multam non solve-  
bat, in ejus bona Fiscus insurgebat,  
atque omnia interdum arripiebat,  
pro ut ejus crimini decreta poena  
exigere videbatur. Neque constat,  
an rei ob ejusmodi culpam capti  
diutius in carceribus macerarentur.  
Confiscationis, ut ajunt, exemplum  
accipe, depromptum e Regesto anti-  
quissimo Episcopii Cremonensis.

Conradi II. Regis, Imperatoris Primi Praeceptum, quo omnia praedia  
cujusdam Adami, qui Henricum Diaconum Cardinalem Cremon-  
ensis Ecclesiae injuste occiderat, eidem Ecclesiae ad repara-  
tionem damni concedit, circiter Annum 1037.

**I**N nomine Sancte & individue Tri-  
nitatis. Cbunradus divinâ favente  
clementiâ Romanorum Imperator Augu-  
stus. Si sancte Dei Ecclesie &c. In ve-  
ritate namque comperimus, quod qui-  
dam Cremonensis vir, Adam nomi-  
ne, superbie spiritu inflatus, & dia-  
bolicâ audaciâ concitatus, quendam  
Diaconum Henricum nomine sancte  
Cremonensis Ecclesie Cardinalem, &  
utilimum famulum, & quem nos cum  
omnibus suis rebus mobilibus & immo-  
bilibus sub nostre potestatis tuitione re-  
cepimus, nostre majestatis reverentiam  
vilipendens, innocentem occiderat,  
ejus morte Ecclesie, cujus erat fa-  
mulus in omnibus commodus, tanta  
dampna conferens, quanta extimare  
non sufficimus. Quapropter omnibus &c.  
notum esse volumus, quod interventu di-  
lecte Conjugis nostre Gisle Impera-  
tricis, ut Ecclesia ex parte recuperaret  
dampna morte sui famuli sibi illata, &  
tanti facinoris contagia nequaquam in  
consuetudinem prorumpat: omnia pre-  
dia, que prefatus Adam infra Civi-  
tatem Cremonam, & extra per to-  
tius Episcopatus spatia habere vide-  
tur, & omnem rem mobilem & im-  
mobilem, quam possederat, preliba-  
te sancte Cremonensi Ecclesie, per  
hujus nostri Precepti paginam, pro-  
prietario jure habenda & detinenda  
concedimus, & in jus ac dominium  
prenominate Ecclesie nostrâ Imperiali  
auctoritate transfundimus: eâ videli-  
cet ratione, ut tam Hubaldus dilectus  
fidelis noster, ejusdem Ecclesie venera-  
bilis Episcopus, quam successores sui,

**A** de predictis omnibus rebus predicti bo-  
micide quicquid eis recte visum fuerit  
ad utilitatem Ecclesie perpetualiter fa-  
ciant. Insuper etiam Imperiali censurâ  
jubemus, ut nullus Dux, Marchio, Co-  
mes, Vicecomes, Judex, Sculdascio, seu  
magna parvaque Regni nostri persona  
de predictis omnibus pretaxati homicide  
sanctam Cremonensem Ecclesiam atque  
**B** Hubaldum ejusdem Sedis Antistitem,  
ejusque successores disvestire, aut inquit-  
tare alico ingenio, aut occasione presu-  
mat. Si quis verò &c.

Signum Domni Cbunradi serenissi-  
mi Imperatoris Augusti.

Reliqua desiderantur.

**C** Quum verò invaluisset Seculo  
Christi XI. in Italia detestandus Vene-  
ficii sive Veneni usus, aliisque modis  
furtiva mors inferretur, criminis  
hujus reus capitale supplicium incur-  
rere coepit, ex decreto Henrici II.  
Augusti, quod in Leges Langobardi-  
cas investum fuit. Sed & antiquis  
Seculis mos invaluit, ut qui homine  
necato fugerent ad Ecclesiam sibi  
**D** ipsi sponte indicatam, aut a Sacer-  
dotibus impositam poenam assume-  
rent. Ferreis videlicet vinculis con-  
stricti & seminudi, aut alio Poeni-  
tentis habitu, jubebantur peregrinari  
ad loca Sanctorum, hoc est, ubi  
celebriorum Sanctorum corpora in  
veneratione erant: quo facto & Re-  
gi, & Ecclesiae satis fiebat. In Ap-  
pendice ad Marculfi Formulas Tom.  
**E** 2. Capitular. Baluzii Cap. 10. legi-  
tur.

tur. *Trafforia pro itinere peragendo.* Ibi Episcopus omnibus commendat peregrinum, qui instigante adversario, peccatis facientibus, proprio filio suo, vel fratri suo, sive nepoti interfecit: & nos pro hac causa secundum Consuetudinem, vel Canonicam institutionem dijudicavimus, ut in lege Peregrinorum ipse praefatus vir annis tot in peregrinatione ambulare deberet &c. Ita Daufertius vir nobilis Beneventanus ob caedem Grimoaldo Principi Beneventano inlatam poenitentiam ductus, sine mora in Hierosolymam est profectus mirum in modum, & re scilicet inaudita. Illuc enim iens, & inde Beneventum rediens, non valde exiguum lapidem in ore gestavit, & tantummodo quoties cibum potumque sumebat, illo carebat. Verba haec sunt Anonymi Salernitani Cap. 42. Paralipomen. Part. II. Tomi II. Rer. Italic. Pariter Erchemperto teste Cap. 9. Radelchis Comes, paris flagitii reus catenâ cervice tenus vinctus, Coenobium Beati Benedicti, Christo militaturus, adiit. Multa etiam in veterum Libris miracula de his facta narrantur, soluta nempe divinitus fuisse eorum vincula ad tumulos Sanctorum. Ut uno, aut altero exemplo utar, Lib. 3. de Gestis Sanctor. Rothonensium traditur Diaconus quidam in Monasterio Spoletanae Provinciae Anno DGCCL. incaute ac nolens Fratrem alterum interfecisse. Tum ille Romam pergit, poenitentiam accepturus, iussusque est ferro ligari per collum & brachia, sicut in lege parricidarum censetur, & loca sancta circuire, dum noxae veniam a Deo impetret. Ad minorem Britanniam profectus, atque in Rhotonensis Monasterii Basilicâ ad tumulum Sancti Marcellini adductus, ingenti prodigio disruptis vinculis, liber & absolutus abiit. Alterum simi-

A le miraculum in iis Libris refertur ad Annum Christi DCCCLVI. In Vita quoque Sancti Appiani Monachi Ticinensis Comacensi in Urbe sepulti, a Bollando editâ, haec habentur: *Quaedam femina venit de Francia ad Ecclesiam beatae Virginis Iustinae: quae portabat in sinistro brachio circulum ferreum pro poenitentia ab Episcopo sibi inditum; & caro brachii in tantum jam supercrescebat, quod circulus paene totus carne erat coopertus.* Quum Comacli tumultum Sancti Appiani adiisset, statim ferreus confractus est circulus, & brachium ita sanatum, quod numquam melius fuit. Ita in Libro Miraculorum Sancti Bononii Abbatis Lucediensis in Vercelleni agro, Saeculo Christi XI. Homo quidam fratricidii poenitens, qui habebat mucronem, cum quo peremerat fratrem, fixum in circulo ferreo circum dextrum brachium strictius posito, cute & carne jam superimminente, ad Sepulcrum Sancti Bononii, circulum ipsum fractum vidit. Paria leguntur in Vita Sancti Theobaldi Eremitae in agro Vicentino defuncti eodem Saeculo XI.

D Verumtamen a Carolo Magno ejusmodi poenitentiae genus in Capitulari Aquilgranensi apud Sirmundum Tom. 2. Concilior. Gall., & in Appendice ad Lib. 4. Capitularium Baluzii, improbatum fuerat, & constitutum; *Ut isti mangones & cotiones, qui vagabundi vadunt, per istam terram non sinantur vagari, ac deceptiones hominum agere, Nec isti nudi cum ferro, qui dicunt, se datâ poenitentia ire vagantes. Melius videtur, ut si aliquod inconsuetum & capitale crimen commiserint, in uno loco permaneant laborantes, & servientes, & poenitentiam agentes, secundum quod Canonica sibi impositum sit.* Carolo Magno Lex ista tribuitur apud Baluzium, ac se-

dule ejus verba animadvertenda sunt. Fraudes enim irreperierint oportet in hac peregrinatione, ac poenitentiae genus; & arte, non miraculo, quorundam vincula excidisse deprehensa fuisse. At nihilo secius per aliquot etiam Saecula mos iste perduravit, saltem inter Francos. Anno Christi MLIV. quum Sanctus Leo IX. Papa finem vivendi fecisset, atque ad ejus tumultum miracula multa Deus operaretur, venit quidam vir de Francia, qui habebat corpus suum ferreo cingulo coarctatum, ita ut per gyrum corporis sanies multa decurreret in terram. Quod videntes, qui aderant, nares sibi prae nimio pavore & foetore obturaverant, deprecantes Dominum, ut per Sancti Leonis merita misero illi succurrere dignaretur. Res mira! statim ferrum crepuit, & multa sanis homo redditus est penitus sanitati. Infra leguntur geminae similes prodigiosae curationes. Haec in ejus Vita a Bollandistis edita in insigni Opere Actor. Sanctor. ad diem IX. Aprilis. Id genus alia miracula in Veterum scriptis narrantur: quae omnia si quis in dubium revocare velit, temere certe agat. Sed simul dubitare liceat, non defuisse interdum, qui sacris Ministris sub hac specie fucum facerent. Atque heic in mentem mihi redeunt, quae Actor. Anonymus Chronici Sublacensis à me jam evulgati habet, quum Vitam textit Johannis Abbatis Sublacensis XXXII. Quodam tempore, ait, venerunt in Italiam ex Francia homines insani, qui dicebantur Confusi, qui circumquaque pergentes, per Campaniam & reliquas Provincias calamitatis tantae incuriebant timorem. Contigit, ut tres ex ipsis advenirent Sublacum, agitando sine intermissione caput, insana facta agendo. Quumque ibi per dies aliquot morarentur,

ventur, primus eorum in praefata est sanatus, Domino juvante, Ecclesia. Postea vero reliqui duo ibidem adducti, gratia Dei sano capite exierunt, laudantes & benedicentes Dominum. Quibus jam dictus Dominus Abbas Johannes plurima beneficia largitus est; & sic ad sua remisit cum gaudio. Sed utinam a Confusis iis confusa non fuerit prudentia Johannis Abbatis & Monachorum Sublacensium. Felicem nimium se quisque temporibus praecipue illis reputabat, si suis in Templis, & ad suas sacras Reliquias, miranda patrabantur; & propterea bene erat iis etiam, in quibus miracula peracta credebantur: Insanis iis Francis sanitate restituta Abbas plurima beneficia largitus est. Fieri-ne potest, ut improbi morbis, ac prodigiis confectis nimium credulae genti nonnunquam illuderent?

Redeo ad Poenas olim usitatas. A Francis nimirum & Suevis in Italiam investus est ritus poenae militaris, Nobilibus viris inflictae, ubi ii delinquebant: quam describit Otto Frisingensis Lib. 2. Cap. 28. de Gest. Friderici I. & post eum Guntherus Lib. V. Ligur. una cum aliis Scriptoribus. Arnulphus quoque Historicus Mediolanensis Lib. primo, Cap. 19. Hist. Tom. IV. Rer. Italicar. auctor est, coactos fuisse Mainfredum Marchionem, ejusque fratrem Odelricum Episcopum Astensem, pacem petere ab Arnulpho Archiepiscopo Mediolanensi. En pacis conditiones: Quot venientes Mediolanum, tertio ab Urbe miliario, nudis incedendo vestigiis, Episcopus Codicem, Marchio canem bajulans, ante fores Ecclesiae Beati Ambrosii reatus proprios deuotissime confiterentur. Quid hoc ritu significarent, divinandum. Lectori relinquitur. Sed & alterum accipis a Wip-

a Wippone in Vita Conradi Salici. Seditionem contra Augustum Romani commoverant: sed metu ac poenitentia ducti, postea die ante Imperatorem venientes, nudatis pedibus, liberi cum nudis gladiis, servi cum torquibus vimineis circa collum, quasi ad suspensionem praeparati, ut Imperator iussit, satisfaciebant. Scilicet praeferebant Liberi denudatum enssem, quo, si Caesar vellet, in fontes animadverteret: quippe Nobilium poena decollatio erat. At Servi signum laquei ad colla gestabant, ut se faterentur dignos suspendio, qua poena plestebatur ejusmodi hominum genus. Atque hinc nata, & adhuc vicens apud nos dicendi formula: *Cbiedere perdono colla corda al collo, aut co' l capestro al collo*: tunc enim homo ita se deliquisse fatetur, ut se veluti morte dignum agnoscat, & vitam a laeso deprecetur. Propterea *laqueis ad collum positis* Cremonenses Anno MCCCXI. Henrico VII. Augusto occurrerunt, ut scribit Bonincontrus Morigia Lib. 2. Cap. 8. Chronic. Modotriensis. Tomo XII. Rer. Italicarum. Leone Marficano teste Lib. 2. Cap. 2. Chronic. Casinensis. Adenulfus Castaldeus Aquinensis a Principe Capuano obsidione pressus, videns, se non posse Principis manus ead-

A dere, funem in collum suum misit, & per manus conjugis suae ad Principis pedes se trahi praecepit. Scilicet qui tunc suspendii poenam damnati erant, ad patibulum trahebantur per carnificem, manu tenentem funem ad collum reorum alligatum. Mediolanenses vero coacti deditioem facere Friderico I. Augusto Anno MCLVIII. *abjecta veste, pedibus nudis, exertos super cervices gladios habentes* (funis nempe loco) sese Imperatori stiterunt, ut habet Radevicus Lib. prim. Cap. 42. de Gestis Friderici. Otto de Sancto Blasio addit, vulgus etiam, supplex advenisse torque collo innexo. Alii quoque misericordiam aut opem imploraturi, Cruces in manibus gestare aut in humeris consueverunt: quod & Mediolanenses tunc fecere, ut habetur in Epistola Burchardi Notarii. Attamen saepius occurrunt & ipsi Nobiles perduellionis rei, qui fune ad collum posito veniam a Principe implorant. Nobilis certe fuit Seculo XII. Adenulfus Castri Aquaeputridae dominus. At is a Pontificio exercitu deditioem facere coactus, *nudis pedibus, ligatus per collum, prostratus se ad pedes Domini Papae*. Accipere ejus facti testem Chartam e Regesto MSto Concilii Camerarii depromptam.

Investitura Castri Aquae-putridae data Adenulfo ab Hadriano IV.  
Romano Pontifice, Anno 1158.

Hoc tempore, Anno videlicet MCLVIII. Indictione VI. Quinto Kalendas Obobris, quod Aqua-putrida juris Beati Petri sit, & in Feudum concessit.

A Denulfus de Aqua-putrida, post longam & diuinam obsidionem Capitaneorum & Romanorum pedum,

E quam Dominus Papa super Castrum ipsum praecepit fieri, valde adstrictus, & usque ad deditioem adstrictus, recepto & posito Vexillo Sancti Petri a tribus hominibus Domini Papae super Turrim, exiit ad tentorium Domini B. Diaconi Cardinalis Sanctorum Cosmae & Damiani, Domini Papae Camerarii: ibique coram P. Sancti Eustachii Diacono Car-

Cardinali, O. Frejapane, G. de Cera-  
ano, L. de Semine, G. Pagano, &  
alia multitudine militum & peditum,  
reddita in manus praedictorum Cardi-  
nalianum munitione ipsius Castri juravit  
super sacrosancta Evangelia, quod juxta  
eorum dispositionem poneret se & ipsum  
Castrum absque omni conditione in ma-  
nibus & misericordia Domini Papae.  
Secundâ vero die cum eisdem Cardina-  
libus ad praesentiam Domini Papae ve-  
nit Albam, ibique absolutus ab excom-  
municatione secundum Ecclesiae morem,  
nudis pedibus, ligatus per collum,  
prostravit se ad pedes Domini Papae  
in Consistorio residens, & reddidit  
atque restituit per fustem myrsinum  
in manibus ejus praedictum Castrum;  
& quod juris Beati Petri esset, adstan-  
tibus Episcopis, Cardinalibus, & aliis  
multis, recognovit. Deditque sibi filium  
absidem, atque fidei iussures pro CCC.  
Libris Afforciatorum. Fecitque etiam  
heminium & fidelitatem sibi, successori-  
bus, & sanctae Romanae Ecclesiae.  
Juravit quoque fidelitatem Stratae pu-  
blicae. Tunc Dominus Papa de consueta

A benignitate Sedis Apostolicae investivit  
praedictum Adenulfum de ipso Castro  
pro Feudo, pro quo debet ei & succes-  
soribus suis servire cum militibus &  
servientibus per totam Regaliam juxta  
suum posse & facere exinde pacem &  
guerram iuxta eorum mandatum. Quod  
si Dominus Papa, qui pro tempore fue-  
rit, per alios heredes de ipso Castro  
guerram voluerit facere, licitum & li-  
berum sibi erit. Recipiet quoque in ipso  
Castro Romani Pontifices tamquam Do-  
minos suos, eorumque Nuntios.

B Postremis etiam Seculis ad op-  
probrium deducebatur reus super Asi-  
num facie conversâ ad caudam, quam  
manu tentabat. Ita Burdinus Antipa-  
pa Anno Ch. 1121. Callisto II. Pa-  
pae traditus, & camelo impositus,  
spectaculum Romano Populo prae-  
buit. Audi etiam, quid Nepesinus  
C Populus Anno Ch. 1131. statuerit.  
Decretum marmoreae tabulae inscri-  
ptum legebatur in Sancti Heliae tem-  
plo, uti e MSto Pyrrhi Ligorii  
didici.

ANNI. DOMINI. MILL. CXXXI

TEMPORIBVS. ANACLETI. II. PP.

MEN. IVL. INDICT. VIII. NEPESINI

MILITES. NEGNON. ET. CONSVLES

FIRMAVERVNT. SACRAMENTO. VT

QVIS. HORVM. . . . VVL. FRANGERE SOCIE

TATEM. DE. OMNI. HONORE. ATQVE. DIGNITATE

DO. VOLENTE. CVM. SVIS. SEQVACIBVS. SIT. OMNINO. EIE

CTVS. ET. INSVPER. CVM IVDA. ET. GAYPHA. ET. . .

PILATO. HABEAT. PORTIONEM. ITEM

TVRPISSIMAM. SVSTINEAT. MORTEM. VT. CY

LO. QVI. SVOS. TRADIDIT. SOCIOS. NON

EIVS. SIT. MEMORIA. SET. IN. ASELLA

RETRORSVM. SEDEAT. ET. CAVDAM. IN. MANV. TENEAT.



Per ea quoque tempora communis per Italiam hic alter mos fuit. Scilicet, si quando proditores patriae, fugâ sibi consulentes, suppliciis sese subducebant, tunc animadvertebatur ignominia in eorum nomen, confecto eorum corpore ad crucem suspensio, eorumque effigie in publico loco depictâ, qualis in patibulo reapse fuisset, adjectâ epigraphæ, nomen & crimen facinorosi hominis prodente. Exempla hujus poenae, quam facile improbi concoquebant, praeter alias Historia Florentina suppeditat. Vide & Chronicon Romanum Antonii Petri, a me editum Part. II. Tomi III. Rer. Italicar. ubi enarratur idem honor habitus Sfortiae Attendulo celebri militum duci, quod a Romano Populo defecisset. Eiusdem verò poenae postremis temporibus exemplum dedere Bononienfes, pictâ in pariete externo publici Palatii effigie Ugolini, qui incunte Saeculo Christi XVI. ad Mutinenses transtulit Artem aedificiorum, quae *Filato da Seta* appellamus.

Ad Funera quod attinet, olim quoque ritibus nostris, hoc est, secundum mores Romanae Ecclesiae illa deducebantur. Quid heic habeat Aulicus Ticinensis Cap. 13. de Laudib. Papiæ, Tomo XI. Rer. Italicar. audi: *Consuetudo* (ita ille Anno MCCCXXX.) *omnium Funeratum talis est. Quia quicumque moriatur, pensatâ tamen conditione sui status, post Cruces, quarum aliquando multas portant, sequuntur Laici bini, illic per praeconem saepe vocati: deinde Clerici & Sacerdotes, quos tamen Religiosi praecedunt, si adsunt vocati. Postea sequitur funus in lecto cum culcitra & linseaminibus & opertorio, sub quo positum est indutum vestibus sui status*

*vel ordinis, ut ab omnibus videatur. Postremo sequuntur Mulieres, ex quibus propinquiore defuncto a duobus viris hinc inde sustentantur. Et ita procedunt ad Ecclesiam cum luminaribus & sonitu campanarum. Laici verò intrantes Ecclesiam recedunt, remanentibus cum funere in Ecclesia, & usque ad sepulcrum procedentibus solis Clericis, Sacerdotibus, & Mulieribus. Nunc audi vi ab hujusmodi processionebus Feminas interdictas. Haec ille. Occisorum verò cadavera alicubi in loca tumulari consueverunt. Ceterorum contra (quod & nunc fieri videmus) mos fuit lavare, & unguentis odoriferis perungere. Id vel ab ipsis Graecis antiquioribus usurpatum, Homero teste, uti & a Judaeis, atque Romanis. Sed praecipue Magnatum, ac Martyrum, aliorumque sanctitate florentium hominum cadavera cum unguentis, balsamo & aromatibus antiquitus sepeliebantur; quod probe animadvertendum. Secula enim rudia, quoties retegendi erant Sanctorum tumuli, sacraque eorum ossa transferenda, miraculi loco interdum acceperunt manantem e sepulcris & ex ipsis pignoribus suavem odorem, quum tamen tribuendum id foret primis aut praecedentibus corporum conditoribus. Olim quoque *pretiosis vestibus* divitum defunctorum corpora vestiebantur: quem luxum in funere non unus Sanctorum Patrum improbavit. Episcopi, Sacerdotes, & reliquus Clerus, sui Ordinis indumenta ad sepulcrum deferebant: qui ritus adhuc perdurat. Sed & priscis temporibus, postquam rogo & ustrinâ sublati, humare integra corpora unusquisque coepit (quod Christi sectatores praesertim curarunt) praeter pretiosa vestimenta, anuli etiam, armillae, aliaque ex auro aut argento ornamenta*

com

cum ipsis ditiorum cadaveribus interdum tumulabantur. Vide Legem ultimam ff. *de Auro & Argento*, ubi mulier in postremis tabulis haec statuit: *Funerari me arbitrio viri mei volo: & inferri mihi quaecumque sepulturae meae causa feram ex ornamentis, lineas duas ex margaritis, & viridulas ex smaragdis.*

Neque enim locus amplius erat Legi duodecim Tabularum, interdicti inferre aurum in sepulcra. Haec autem causa subinde fuit, cur per tot Saecula & Principum Leges, & meliorum investivae contra Sepulcrorum violatores & effractores intomuerint. Hosce Graeci *τρυφάρχοι* appellarunt. Scilicet ii rapti cupiditate avari, ac spe venandi auri in mortuorum tumulis, impias manus iis inferre consueverunt. Adversus istud perditissimum hominum genus complura Nazianzeni Carmina ego publici juris feci in Anecdosis meis Graecis. Disertis autem verbis ibi sanctus Poëta prodit, effossa fuisse sepulcra *ἵνα χρυσῷ, auri causa*, atque Sepulcrorum vastationes esse *φραδολέντι αὐρι. opera*, hoc est, Avaritiae: *χρυσὸν ἱρρύματα τῷ δολῷ*. Et Carmine 150. quaerens, cur tumultum improbus everterit, subdit: *χρυσὸν ἔχον σκωτίον, aut aurum tenebrionem haberet*. Illud certum, non Ethnicos tantum, sed & Christi fideles antiquis temporibus pretiosa ornamenta secum tulisse ad tumulum; neque Barbaris tantum, sed & Graecis ac Romanis id in usu fuisse: ita ut quum Anno 1717. Discus argenteus, fibula aurea, inanes ac anuli pariter auri, effossa in Perusino quodam Sepulcro fuerint, ac inde translata in celebre Museum amplissimi Cardinalis Alexandri Albani, frustra contenderit Fontaninus Archiepiscopus Ancyranus in Com-

Tom. IV.

mentario, quo Discum illum illustravit, non alium quam hominem Gothum ibi fuisse sepultum, quod Gothis ceterisque Germaniae Populis mos esset, cum thesauris & opibus suis cadavera humare. Verum, ut dixi, communis olim hic ritus fuit etiam Romanis, & Graecis, uti ex Quintiliano, Phedro, Sancto Fenone, Synesio, Gregorio Magno, aliisque constat. Suo autem tempore idem Sanctus Gregorius innuere videtur, jam desuisse insanam istam consuetudinem. Attamen teste Gregorio Turonensi Lib. 8. Cap. 21. Histor. Franc. circiter Annum Christi DXC. atque adeo Romanam Cathedram implente Gregorio Magno eodem, Brunichildis Reginae propinqua, mortua sine filiis, in Basilica Urbis Metensis sepulta est cum grandibus ornamentis, & multo auro: quae post paucos dies praedonum manus sensere. Ad haec quia fama diu vixit, in Veterum Sepulcris thesauros fuisse reconditos, diu etiam tumulorum effossores numerati sunt, contra quos & ipsi Reges Langobardorum non unam tulere Legem. Neque huiusmodi criminum exemplis caruere Secula subsequuta: nam vis illata est Principum praecipue atque Episcoporum Sepulcris, o quibus latrones plus lucri se capturos sperabant. At vulgus suis indutum vestibus efferebatur: quem usum pauperes in Italia adhuc servant, immo fortassis & reliqui servabant Durandi tempore, qui in Rationali Lib. 7. Cap. 33. num. 40. scripsit: *Nec debent indui vestibus communibus, prout in Italia fit*. Hoc ait Durandus, quia tunc apud quosdam Galliae Populos mos erat, & adhuc esse intelligo, ut defunctorum corpora Sindone involverentur secundum veterum Iudaeorum morem, & Christi

Q 1

Do-

Domini exemplum. Immo idem Durandus addit: *Es, ut quidam dicunt, debent habere caligas circa tibias, & seculares in pedibus, ut per hoc ipsos esse paratos ad iudicium repraesentetur.* Attamen ex quo Fratres Mendicantes, & piorum hominum Confraternitates invaluerunt, eorum vestes a nonnullis adhiberi coeptae sunt in funere, reliqui vero Cives oblonga, modestaque veste induti ad tumulum deferuntur. Animadvertit etiam Ducangius in Glossar. Latin. Pallas, sive Pallia, seu Stragula, tumbis ac monumentis non minus *Sanctorum*, quam *Nobilium & honoratiorum* fuisse imposita. Rei testem profert ille Titul. 17. Cap. 4. Legis Salicae, ubi legitur: *Si quis Aristatonem super hominem mortuum capulaverit, sexcentis Denariis culpabilis iudicetur.* Eadem sententia fuit Pitoei, Lindenbrogii, Bignonii. Et sane hujus moris exempla minime desiderantur. Verum & Salica Lege palpando tantum in tenebris, hoc exculpas. Eccardus novissimus ejusdem Legis interpret, rectius subodoratus est, *Aristatonem* fuisse *ex ligno fabricatum*, hoc est, *lignum aedificium*, tumulis mortuorum impositum. Sententiam Eccardi confirmare potest Codex MStus Salicae Legis in Estensi Bibliotheca adservatus, ubi lex illa hisce verbis concepta est: *Si quis Aristatonem, (idest Banculas) super hominem mortuum capulaverit &c.* Nomine *Bancularum* a *Banco* designantur Cancelli lignei tumulis impositi. Vide Titul. 57. Cap. 3. ejusdem Legis, ubi secundum editionem Baluzii legimus: *Si quis Aristatonem, hoc est, Scapulum, qui super mortuum missus est, capulaverit; aut Mundualem, quod est ed structura, sive Selave, qui est ponticulus, sicut more antiquorum faciendum*

*fuit.* In Estensi Codice ejusdem Legis habetur: *hoc est Scapulum &c. Mundualem, quod est structura, sive Selave, qui est ponticulus, sicut mos antiquorum fuit faciendi.* Quae omnia, licet obscura, indicant tamen, structuram, sive aediculam quampiam ligneam, & cancellos ad Sepulcra mortuorum condita fuisse. In editione Eccardi non eadem sunt verba, sed idem sensus est, aut inde eruitur.

Ceterum quod officii & nos praestamus, scilicet claudendi morientibus oculos, prisca quoque gens tam Graecorum, quam Romanorum praestitit. Componebantur autem ab ipsis Graecis & Latinis cadavera divitum super Lecto in vestibulo domus, pedibus ad ostium conversis, atque hora debita in eodem Lecto efferebantur; quem morem, a nobis adhuc servatum accepisse ab antiquioribus majores nostri censendi sunt. Persius Satyrâ 3. Vers. 103.

----- tandemque beatulus alto  
Compositus Lecto, crassisque lutatus  
anomis,  
In portam rigidos calces ascendit.

Atque ab iis lectis defluxisse ego censui vocem nostram *Cataletto*, ut monebo in Differtatione XXXIII. de Orig. Voc. Italic. Ad funus Magnatum, quos ordo Militaris decorabat, & Principum in primis, ingens pululatorum hominum turba, & equi phalerati, sive cooperti, nullo effore, Vexilla & Clypei cum Insignibus, honoris causa procedebant. Inter Vergerii Epistolas Tom. XVI. Rer. Ital. pag. 190. & seqq. graphice depictum habes magnificum funus Francisci Carrariensis senioris, Patavii domini. Sed quoniam prae ceteris apud Italos omnium animos in  
admi-

admirationem rapuit pompa funeris Johannis Galeatii Vicecomitis, primi Mediolanensium Ducis Anno MCCCCII. peracti, cujus descriptionem evulgavi Tomo XVI. Rer. Italicar. pag. 1029. & seqq. heic ultra immorari nolo: habet enim Lector illic, undè sibi fiat satis, ac unde a tanto exemplo reliqua metiri possit. Verùm quia aemulatio ac ambitio minorum gentium Patriciis, ipsique etiam vulgo sensim suasit, ut suis vitâ functis laudationem quoque funebrem conquirerent, sublata multis in locis penitus eadem consuetudo fuit, poenâ indictâ secus facientibus. In Statuto MSto Mutinensis Respublica Anno MCCCXXVII. Lib. 2. Rubricam 46. inscribit *de non concionando pro Mortuis*, & Legis hujusce verba addit: *Nullus debeat respondere concionando ad Mortuos, sive ad domum, sive ad Ecclesiam*. Ibique etiam statuitur, *ut nullus debeat ire ad Septimas* (hoc est, Officia septimo ab obitu die celebrata) *nec de sua parentela, nec de aliena*. Neque enim hominibus ad luxum proclivibus sat erat, ipso die sepulturae funus, quanto poterant, familiarium & amicorum comitatu prosequi, ingentemque cerae copiam in eo apparatu insumere, sed etiam septimo, ac trigésimo, & anniversario die sacra pro defuncto curantes, lugubrem hanc pompam non sine aliorum incommodo & impensâ repetebant. Quod etiam rideas, defuncti hominis heredes eodem exequiarum & humationis die, ut amicorum & affinium laborem aliqua ex parte levarent, eos ad lautum convivium adhibebant, cyathisque intercurrentibus, tum suum aliorum moestitiam temperabant. Modum aliquem statuerunt hujusmodi prodigalitatis conditores Legum mu-

nicipalium Mediolani. Habes Part. II. Cap. 471. hoc Decretum: *Post mortem alicujus ad exequias, vel septimum, vel trigésimum, in Civitate nec Ducatu Mediolani, non sit licitum alicui stare ad comedendum cum familia defuncti vel defunctae in domo defuncti, vel defunctae, nisi fuerit agnatus vel cognatus usque ad quartum gradum inclusive*. Cereorum quoque ad fere- trum deferendorum, & Crucium, si- ve Ordinum Religiosorum numerum ad exequias advocandorum, in ple- risque Statutis praescriptum videas. Praeterea in eisdem Mediolanensium Statutis Part. 2. Cap. 447. haec le- guntur: *Nullum cadaver induatur tali- ter, quod discooperitum deferatur, nec discooperitum portetur, nec in Ecclesia discooperitum teneatur, sub poenâ &c.* Idem quoque in Statuto MSto Fer- rariensi Lib. 6. cautum invenio. Quod sane aliis Populis minime probatum est. Poenam quippe indixere efferen- tibus cadavera, quorum aspectus o- culis circumstantium eriperetur; ni- mirum ut multis fraudibus, quas enumerare superfluum puto, praeclu- deretur aditus.

Porro notissimum est, apud vete- res Romanos in usu fuisse *Praeficas*, hoc est, Mulieres, quae pretio con- ductae, ejulatibus, fictis lacrymis, laceratis crinibus, & lamentabili ad tibiam cantu, aut ad lectum mor- tuorum, aut dum cadavera effereban- tur, lugubre spectaculum praebebant. Unum Lucilium audi Satyrâ 22. a- pud Nonium Marcellum.

----- mercede quae  
Conductae stent alieno in funere Prae-  
ficae,  
Multo & capillos scindunt, & cla-  
mant magis.

Judaeos quoque ejusmodi feminis ad funera usos, indicare videtur Hieremias Cap. 9. ubi *lamentatrices* appellantur. Mihi nullo negotio persuadeatur, Italicum Populum per plurima Saecula eundem continuasse morem. Falcone Beneventano teste in Chronico, Guilielmus Apuliae Dux, Roberti Guiscardi nepos, finem vivendi fecit. Continud ejus uxor crines suos, quos pulcros & suaves nutrierat, coram omnibus, qui aderant, totondit, & lacrymis manantibus, vocibusque ad astra levatis, super Ducis defuncti pectus projecit. Populus quoque crinibus, genisque evulsis, Patrem eorum & Dominum mirabiliter invocabant. Paria Homerus quoque tradit facta in funeribus antiquorum. Cantatrices ejusmodi feminis nomen erat. Quod quum superstitioni proximum Majoribus nostris videretur, & risum saepe, ut arbitror, earum gestulationes, falsique ululatus excitarent, dignisque & indignis officium idem perolveretur: ideo Legibus cautum est, ne iis locus amplius in hominum funere palam esset. Statutorum Mutinensium collectio, Anno Christi MCCCXXVII. scripta, Lib. 4. Rubric. 172. haec statuit: *Nulla persona audeat extra domum, in qua fuerit aliquis mortuus, plorare fortiter, vel plane, nec palmas sive manus ad invicem percutere, vel discutiare, nec in Ecclesia, nec per viam, eundo ad Ecclesiam. In supra memorato Statuto Ferrariensi, quod exaratum Anno MCCLXIX. Estensis Bibliotheca adservat, eodem Lib. 6. decernitur, quod nemini de Civitate Ferrariae, seu Burgis, liceat levare corruptum (apud nos enim perdurat adhuc. fare il corrotto, sive lo scorruccio, sed ad designandum tantummodo lugubris vestis usum in luctu pro funeribus) seu*

**A** *Plangere alta voce propter aliquod corpus mortuum, postquam ipsum corpus extractum fuit de domo, & portabitur, seu portatum fuerit ad Ecclesiam, poena &c. Et quod aliquae Mulieres non possint nec debeant sequi aliquod corpus, nec ire ad Ecclesiam, quando portabitur, seu portatum fuerit ad Ecclesiam, poena &c.* Formula autem illa levare corruptum heic mihi potius creditur significare lamentabiles voces ac ejulatus, quae funerum occasione emittebantur. Ita Mediolani, Anno MCCXCII. teste Gualvaneo de la Flamma in Manipulo Florum Cap. 331. Tomo XI. Rer. Italicar. fuit ordinatum, quod Mulieres funera non sequerentur. Attamen, ut audio, in Carnia regione Fori-Julii adhuc in usu est virginum fletus ac lamentatio ad funus suorum, quod officium octavo etiam die repetunt. Educantur quoque illae ad hanc artem studio non modico, ut rite suo munere fungantur. Sed cur olim *Cantatrices* appellatae ejusmodi feminae? Quia Rhythmicis versibus memoriae commendatis mortuorum laudes multis in locis cantabant, & uno aut paucis Rhythmis sine discrimine omnium ambitioni satisfaciebant, virtutes commemorando, quas fortasse nunquam in se defuncti agnoverant, immo contrariis interdum vitiis omnino conculcarant. Egregium hujus moris documentum debemus Clariss. Du-Cangio, qui in Appendice ad Glossar. Latin. e MSto Libro Boncompagni Florentini, Bononiae humaniorum Litterarum Professoris. Anno MCCXIII. (uti jam monui Tomo VI. Rer. Italicarum) frustulum hoc antiquitatis nobis exhibet: *Ducuntur, inquit Boncompagnus, Romae quaedam feminae pretio numerario ad plangendum super corpora defunctorum, quae Compa-*

**B**

**C**

**D**

**E**

*tattr-*

*trixes vocantur, ex eo quod sub specie Rhythmica nobilitates, divitias, formas, fortunas & omnes laudabiles mortuorum actus computant seriatim. Sedet namque computatrix, aut interdum recita, vel interdum proclivis stat super genua crinibus dissolutis, & incipit praeconia laudum voce variabili juxta corpus defuncti narrare, & semper in fine clausulae, ob vel ibi! promittit more plangens. Et tunc omnes adstantes cum ipsa flebiles voces emittunt. Sed Computatrix producit lacrymas pretii, non doloris. Ex Boncompagni verbis elicio, ejusmodi feminas non Cantatrices a Cantu, sed Contatrices a Contando, sive Raccontando, idest a Narrando egregia Defunctorum facta, fuisse, saltem apud Italos, appellatas: nam Computare est Contare. Praeterea ex haecenus delibatis intelligimus, non sublatis prorsus fuisse Praeficarum veterum naenias & consuetudinem, sed illas duntaxat jussas fuisse abstinere publico, & licuisse eis ficta lamenta profundere intra aedes defuncti. Sed quum parum id videretur mortuorum heredibus, inanis gloriae cupidis, sensim in consuetudinem abiit, ita ut nullum ejus vestigium, quod norim, apud Lombardos supersit. Si qui sunt, qui retineant, sciant se nostram minime commovere invidiam. Regienses tamen in suis Statutis Lib. 7. Cap. 21. etiam interdixere, ne per aliquam personam in domo defuncti, vel in via &c. fieret plangens vel ululatus aliquis cum clamore & alta voce, vel fortiter percutere cum palmis elevatis &c. Decreverunt etiam, non licere in posterum heredibus vel propinquis defuncti fieri sacra per Civitatem aliquod praeconiameptum de cuncto ad ipsum mortuum seu ad sepulcrum ipsius mortui &c. quae indicant, antea ingenti*

A Civium commotione curata fuisse mortuorum funera. Ritus hunc tamen Turcae retinent, a quibus Mulieres conducuntur, mortuis parentaturae. Hosce illae ululatibus horrifonis, lacrymis, laudibus etiam intermixtis, ita persequuntur, ut incredibilem ac molestissimum auditoribus strepitum edant. Auctorem habeo Cornelium Bruynum in Libris suarum peregrinationum.

B Quantum per complura Secula primitivi Christiani Bigamiam, veluti intemperantiae signum, detestati fuerint, & quid Ecclesia in variis Conciliis hac de re olim statuerit, necesse non est, ut ego edifferam. Hac de re aliquid innui in Dissertatione C XX. de Mulierum Actibus. Neque heic locus est, re praesertim inter eruditos notissima, usque adeo, ut Bigamia Irregularitatem ad sacros Ordines adhuc pariat. Ac tamen nemo ignoret, secundas Nuptias inire perpetuo licuisse Christi Fidelibus, consuetudo tamen Ecclesiae abhorrentis olim ab ejusmodi nuptiis, quamquam antiquata, vestigia servat in Populis compluribus Italiae nostrae. Nam si quando Vidua plebeja cum Viduo per sacrum connubium copulatur, tunc vicini illius habitatores districtius, sibilis, vasis fractis e fenestra projectis, dirè plaudunt novis conjugatis. Hic Mutinae mos, immo & heic ab antiquo tempore multa ad rationem dotis aufertur ab iis, persolvenda famulis Principis nostri: adeo verum est, non facile tolli posse e Populo quasdam consuetudines inveteratas. Hunc etiam morem in Gallia viguisse, e nonnullis veterum actis intelligas, quae publici juris facta fuerunt a Clariss. viris Martene & Durand. Tom. IV. pag. 634. & alibi Thesaur. nov. Anecd. Charv. appellat-

ordinamentum intra confines Civitatis Mutinae, & extra per totum Episcopatum & districtum Mutinae, & propter hanc communicationem non intelligatur terra diminuta ad exstimamentum & ingroxamentum terrarum. Super fide Exstimatorum, & Tabellionum eorum hoc ordinatum fuit, ut occasione compromissi vel Laudi, vel aliqua alia occasione non accipiant ultra id, quod continetur in Statuto extra. Et quod Exstimatores Communis Mutinae non possint cambiare, ingroxare, neque drizare in vineis, & terris, quae fuerunt designatae, & datae Hominibus de Spirlamberto pro Communi, neque illis, quae fuerunt designatae illis de Finali pro Communi. Et si aliquis Exstimator fecerit aliquod cambium contra Statutum, teneatur ipse Exstimator restituere expensas illi parti, quae probaret cambium esse factum contra Statutum. In MCCXXVIII. Indictione I. additum est huic Capitulo: Sive praeter Statutum & cambium non valeat sive permutatio, sive ingroxatio. Nec possit, nec debeat Exstimator facere aliquod cambium, vel ingroxationem, nisi inter personas iurisdictioni Communis Mutinae suppositas. Quod locum habeat in terris Ecclesiarum, quae habent ad donicatum, de quibus non possit facere cambium pro omnibus personis tam subjectis. In MCCXXVIII. Indictione I. huic additum est: Contra eos, nec pro eis de aliis terris Episcopatus bene possint, quam non subjectis. Et in omnibus negotiis, quae autem eos fuerint, pro eorum officio, aequalitatem & iustitiam observabunt, & nominatim in consiliis habendis sine suspitione in cognoscendo vel determinando. Et si de cetero ingroxatio, vel divisio facta fuerit, & aliquis intra decem dies ab ingroxatione, vel divisione conquestus fuerit, se in ea ingroxatione, vel divisione facta deceptum,

usque ad sextum audiat, & deceptum emendari faciat intra XXX. dies, nisi consensu partium remanserit. In MCCXXVIII. Indictione I. additum est: In eodem loco & eisdem terris, de quibus deceptio est, si fieri potest, alioquin cambium sive cambium non valeant, & quilibet ad sua impune revertatur. Elapsis autem XXX. diebus, Exstimator debeat cognoscere, & judicare de querimonia deceptionis facta sub eo, vel de qua cognoverit, & testes recipere instante eo, qui conquestus fuerit in deceptione intra X. dies, eo salvo, quod testes recipiantur intra XXX. dies, computando a tempore ingroxationis, de qua fuit facta querimonia, & non ultra. Et praedictas ingroxationes non faciat, nisi ut supra legitur, & in Instrumentis ingroxationis poni faciat, quantum Feudi datur, & quantum nomine Feudi accipitur, & in quo loco, & cuius est Feudum, hoc cognito per confessiones Vassallorum.

#### Sacramentum Exstimatoris.

Ego Exstimator juro bona fide, cambium, sive permutationes, & drizatas, & divisiones, ad meum Officium pertinentes, facere secundum Statuta, & Ordinamenta Communis Mutinae, quae factae sunt, vel fuerint ad utilitatem provocantis & provocati, secundum quod mihi videtur posse fieri, remoto omni odio & amore & timore, praemio, precio, & precibus; & permutationes sive cambium vel divisiones vel drizatas aliter non faciam, nisi secundum Statuta, ut dictum est. Et omnem pecuniam, quae ad manus meas pervenerit occasione huius mei Officii, singulis tribus mensibus Massatio Communis dabo, & valent qualem accipiam; nec fraude vitabo, quin ad manus suas perveniat illud quod statutum est, sed illud

illud bona fide exigam & exigi faciam, scilicet Solidum unum Imperiale pro Libra. Nec de ea furtum faciam, nec fraudem, nec fieri consentiam. Nec aliquod Feudum a Communi accipiam, vel accipi faciam, etiamsi Concio vel Consilium mihi dare vellet; nec propterea dimittam, vel evitabo, quin ingroxationem & cambia terrarum faciam, secundum quod potero, salvo eo quod dictum est supra de praedictis tribus Solidis a partibus pro expensis. Quae omnia Exstimator & Notarius per medium dividant, scilicet precium Chartae Notarii, & tres Solidi solutis chartis de eo, quod lucrati fuerint, faciant expensis communiter. Et quod non accipiam aliquod servitium vel viaticum, vel vecturam: sed meis equis & meis expensis, excepto eo, quod continetur in Capitulis Exstimatorum. Nec propter hoc evitabo permutare in Montaneis. In MCCXXXVIII. Indictione I. additum est in Sacramento & Capitulo Exstimatorum: Quod ingroxationes, cambia & divisiones non fiant diebus Dominicis & feriatis, & in festivitate Apostolorum, & Beatae Virginis Mariae, & tempore messium & vindemiarum, & diebus Paschaliibus. Et si de cetero fient, minime valeant. Et in omnibus cambiis, sive drizatis, vel ingroxationibus, vel me auctore fient, in sententia diffiniam & statuam, quod de fructibus terrarum utriusque partis fieri debeant, si in ea terra fructus pendentes erant. Et illud observetur de fructibus, quod Exstimator statuerit in sententia. Item statutum est, quod in montaneis, scilicet a Castro Florani, & a Castro Spezzani, & a Castro Marani, & a Castro Gorzani, & a Castro Predoseri, & a Castro Brovetteri, & a Castro Vignolae, & Castro Savignani, & Badiani superius non fiant aliter cambia, nisi de consensu

A partium fuerit. Scilicet Casamentum tantum auferant pro Casamento, quod sit in eadem Villa, scilicet id quod datur & accipitur, & Vineam pro Vineam, dum tamen illa, quae est quartarium unum, vel plus, non removeatur, Canevarium pro Canevario, & Linariam pro Linario; & non auferatur alicui Boscum, Castagnetum, Pratum, terraculta sive inculta, quae fuerit bubulca una, vel ab inde supra, sive pro cambio, vel ingroxatione, vel aliqua alia remotione. Et intelligatur, si omnes consortes consentiant ad cambium faciendum & habendum pro eorum communicare, cassato Statuto, si quod contradicebat cambiis hinc retro factis a praedictis locis sive confinibus superius secundum formam antiqui Statuti in sua firmitate manentibus. Et pro terra, quae auferatur alicui, non debeat ei dare ultra duplum de terra alterius; & pro viatico ipse, nec Tabellio, nec Mensurator, nec aliquis eorum pro aliquo aliquid accipiant; nec propter hoc evitabit ire in montaneis ad cambiandum, si requisitus fuerit. Item Exstimatores teneantur non facere aliqua cambia sive ingroxationes a confinibus superius designatis pro facto montaneis; in quibus & pro quibus cambiis & ingroxationibus aut divisionibus dare debeant vel designare ultra triplum, nisi voluntate partium fuerit. Item ordinarunt, quod a terra de Legorzano, & a Ziliano, & a Trehanello inferius debeant fieri cambia, secundum quod in plano fuerit ab inde supra, nullo modo non obstante aliquo Statuto, quod contrarium esset, nisi de consensu fuerit factum, possit per Exstimatores firmari.

Sacramentum Notarii Exstimatorum.

Ego Notarius iuro bona fide operam dare Exstimatoribus, ut Exstimatores suum sacramentum observent, & dantiam



ciam bona fide exigere & recuperare, & eam bona fide custodire, quae ad manus meas perveneris, & dare ad utilitatem Communis Mutinae Massario Communis Mutinae singulis tribus mensibus consensu ipsarum Estimantium, vel dari facere. Et quod in scriptis redigam quantum a qualibet parte datum erit pro dacia; & quod ponam in Instrumentis ingratiationum quantum Feudi datur, & quantum nomine Feudi accipitur, & in quo loco, & cujus est Feudum, hoc cognito per confessiones Vassallorum. Idem observabo, si fuerit Precaria, vel Pignus, vel Libellus, vel Afficta, aut in perpetuum Conducta, vel aliis aliquibus gravaminibus supposita, hoc cognito per confessiones Vassallorum, Precariorum, Libellariorum, & aliorum omnium habentium terras aliquibus gravaminibus suppositas, & intra XXX dies postquam permutatio facta fuerit vel ingratatio; instrumentum bona fide faciam, & parti, si petierit, dabo; & pro instrumento ingratiationum non accipiam nisi duos Imperiales ab unaquaque parte, & homines bona fide coaequales in censibus. Et quod apponam suas terrarum permutatarum in Chartis, si mihi dictae fuerint. Et usque ad tres annos a tempore depositi Officii non ero in simili Officio Communis, sed in omnibus aliis Officiis Communis & negotiis, pro ut in aliis Statutis continetur, bene possim esse. Et teneatur instrumentum ingratiationum, quod conficiam, fuita terrarum utriusque partis ponere. Et illud, quod Estimator dixerit de fructibus pendensibus, vel statuerit, in sententia ponam bona fide, & sine fraude, & causam, quare dictum cambium fiat, in dicto instrumento ponere teneatur.

Antiqua Romanis in usu fuit, si quando tabellae victoriam nuntiantes deferrebantur, eas lauro omnibus

A spectanda ornare: si quid verò ad-  
versum, pinnae in eisdem epistolis in-  
fixae visabantur. Aut hastis laurus  
in summo, sive pinnae additae fue-  
re. Servium in Lib. 9. Aeneid. &  
Juvenalem in Satyr. 4. testes habeo.  
Ita inferiori aevo nuntii pacis oli-  
vae ramos adducebant, ut Populum  
vel tacentes docerent, quid ageretur,  
B atque primo conspectu exhilararent.  
Qui verò Nuntii a Principibus ad  
Principes, sive Urbes liberas, mit-  
tebantur, aliquid fausti denuntiaturi,  
immo & bellum indicturi, hos  
novis vestibus indutos, in quibus in-  
signia Principis, aut Urbis Nuntium  
accipientis, insuta aut acu picta ha-  
bebantur, remittere consuetudo fuit.  
C De Titulis etiam honorificis, quibus  
antiqua Secula usa fuere, esset mihi  
aliquid differendum. Verum in ejus-  
modi argumento tanta motionum co-  
pia, tantaque varietas occurrit, ut  
nolim sylvam horrentem ac spissam  
nisi e limine salutare. Itaque hoc  
unum adnotabo, videlicet post de-  
clinationem Imperii Romani, & in-  
vestos in Italiam barbaros, non se-  
cus atque in vestibus, cibis, aliis-  
que rebus, in Titulis quoque lu-  
xum delisse. Hunc saltem fructum  
in tanta morum corruptela & ini-  
quitate temporum tulere majores no-  
stri, ut tunc modeste se habere di-  
dicerint, neque adulationis antea in-  
vestae consiliis abripi diu se passi fue-  
rint. Romani quippe quandiu ope-  
ram dedere fortitudini, ceterisque  
virtutibus, temperantiam quoque &  
modestiam epixce coluere, atque ab  
ambitiosis Titulis abstinerunt. At  
ubi re in Imperatores translata, sen-  
sim affectatio crescere coepit, qui e  
Civibus non opibus tantum atque  
muneribus, sed & superbia reliquis  
praeibant, grandes titulos ab aliis  
acci-

accipere, & majoribus effuse imper-  
tiri mirum in modum amarunt. Raro  
barbaricis temporibus in oculos tuos  
incurrat Titulorum immanis pompa  
& excessus. *Domni* Titulus, simplex  
& vetustissimus, quippe usitatus Se-  
culo etiam Vulgaris Epochae Quar-  
to, apud Christianos per plura su-  
binde Secula viguit. Quae vox, quam-  
quam e *Dominus* contracto prodierit,  
observata tamen fere semper digno-  
scitur ad Homines honorandos, quam  
Deum tantummodo, ejusque Filium  
Salvatorem nostrum, appellare *Do-  
minum* solerent. Itaque passim videas  
Comites, Marchiones, & Duces, eo-  
rum scilicet temporum Principes,  
aut nullo titulo addito commemora-  
ri, aut *Domni* dumtaxat vocabulo do-  
nari: cujus loco apud nos successit  
*Signore* a Latino *Senior*. Immo &  
ipsi Imperatores, ac Reges, ipsique  
etiam Romani Pontifices, *Domni* ap-  
pellatione contenti erant. *Domnus*  
*Hugo Rex*, *Domnus Berengarius Au-  
gustus*, &c. in tabulis ipsis, quae an-  
te eos legebantur, tibi identidem oc-  
current. Ita *Domnus Apostolicus* Pa-  
pam a reliquis distinguere consuevit.  
Interdum sane inter Regum & Au-  
gustorum Titulos honorarios sese no-

A bis offerunt, *vestra Altitudo*, *vestra*  
*Celsitudo*, *vestra Eminentia*, *vestra Do-  
minatio* ( nunc *vestra Signoria*, sive  
*Vossignoria* ), *Excellentissimus* quoque,  
& *Serenissimus*; uti & Titulus *Beati-  
tudinis* & *Beatissimus*, & *Reverentissi-  
mus*, Episcopis, & praecipue Ponti-  
ficibus Romanis collatus. Plerique  
tamen uno *Domni* titulo utentes, ho-  
norem summis ipsis Viris atque Prin-  
cipibus habebant. Monachi titulum  
*Domni* retinuerunt, & alicubi Sacer-  
dotes, eoque etiam in se subscriben-  
do utantur: quod ridendum videri  
possit, quum idem sit *Domnus*, & *Si-  
gnore*. Ita Seculo XIV. Italicos Prin-  
cipes non aliis decoratos titulis ple-  
rumque invenias, nisi *Illustris*, *Ma-  
gnifici*, & *Potentis Principis*. Porro  
quantum in excessum postrema duo  
Secula hac in re declinarint, post-  
quam videlicet Hispanicae gentis fa-  
stus Italicorum mores infecit, nihil  
est, quod ego commemorem. Quod  
pejus est, caeca nostra ambitio, cui  
nunquam finis ac modus, graviora  
adhuc minatur, dum quisque minor  
ad majorum honores inhiat, tituli-  
sue ventosis singuli delectamur &  
pascimur. Sed manum e tabula tol-  
lere praestat.

1942-1943  
ATA-010121

1942-1943  
ATA-010121

# DISSERTATIO

## VIGESIMAQUARTA.



**R**udia & barbarica Secula appellavi, atque appellare pergo, quae a Barbaris in Italiam delapsis, atque heic constabilita dominatione regnantibus, deinceps effluere usque ad proxime praeterita, quibus elegantiae pristinae restituta est haec nostra regio. Heic autem investigare juvat, quo in loco Artes forent infausto eo tempore: nam & hoc pertinet ad faciem aevi illius rectius dignoscendam. Primò itaque statuo, quod est ad Artes homini ad vitam necessarias, & ad pleraque etiam ad commodam aut voluptatem compositas, eas nunquam deperiisse, vel postquam in Italicam regionem investa est barbaries. Primas praecipue, etsi heic Barbari non invenissent, secum tamen comites adduxissent: quippe ne ulla quidem tunc fuit aliquantulum culta Europae regio, cui non essent opifices, ad explendas humanae vitae necessitates opportuni; atque horum nunquam, dum tellus stabit, excidet genus. Nemo igitur in Italia iis ipsis temporibus desideravit Pistores, Textores, Fullones, Sutores, Figulos, loricarum, ensium, aliorumque armorum Artifices, Sarcitores, Fabros ferr-

Tam. IV.

**A** rios, Caementarios, Aurifices, Carpenterarios, aliosque ejusmodi non paucos. Atque inter eos hoc peculiare notandum est, Caementarios, sive Fabros, ut ajunt, Murarios, singulari vocabulo sub Langobardis appellatos fuisse *Magistros Comacinos*: quod constat e Lege 144. & sequenti Rotharis Regis. Minime audiendus Hugo Grotius, qui *Comacinum* interpretatur *Architectum*, eamque vocem ex Germanico *Gemach*, significante *Domum*, deducit. *Gemach* Teutonicum potius *Conclave*, *Penetrabile* significat, quàm *Domum*. Sed, ut ut velis, significet, *Gemachinus* non *Comacinus* inde efformatum fuisset, si haec voci illi tribuenda foret origo. **C** Lindenbergius & Du-Cangius vocem a loco effectam censent, a *Comacina* forè *insula in Romanula*, ubi *Langobardorum aevum periti architecti fuerint*. Ea profectò vox a loco desumpta, non autem a loco posito in *Romanula*, sive *Romandiola*, quam veteres *Flaminiam* dixere, sed ab Urbe & Comitatu *Novocomensi*, sive *Comensi*. **D** Veteres enim dixere *Lacum Comacinum*, *Insulam Comacinam* pro *Comensem*. Quod crebros, eosque omnium peritissimos Caementarios universae fere *Langobardiae* suppeditaret Urbs & ager *Comensis*, illi propterea *Comacini* nomine donati sunt. Adhuc inde multi id genus artifices ad nos

S s  
veniunt,

veniunt, & adhuc *Magistri*, sive Italice *Maſtri* & *Maſtri* nuncupantur. Sunt Matthaei Villani verba Lib. 8. Cap. 58. *Tutti maſchi e femmine, piccolì e grandi, vi furono per Maſtri e Manovali*. Ita & apud alios Scriptores. Eadem de cauſſa temporibus barbaricis ad victum homini quaerendum, & ad excolendos agros, nunquam defuere periti ac ſagaces Ruſtici & hortulani, instrumentaque omnia agriculturae. Eosque Ruſticos honorifico interdum titulo *Magistri* donatos invenio. Vide Chartam Anno Chriſti DCCLXXIX. ſcriptam, quam evulgavi in Chronico Vulturſenſi pag. 363. Part. II. Tomi I. Rerum Italicar. Ibi haec verba: *Nunc & Magiſtros, hoc eſt, Villanos, qui cum man- uarias ſuas ſoliſi fuerant in ſupraſcripta Curte Magiſterium facere, ideſt Lupari, &c.*

Atque heic mihi praefari liceat, accepſſe nos ab antiquis ſeculis, & adhuc apud agricolas noſtros ſervari varias annonae & leguminum ſpecies, quae antiquum retinent nomen; ſed & alias eſſe, quae aliud ſubiere vocabulum, proptereaque non tam facile cum iis comparantur, quae apud veteres rei ruſticae Scriptores occurrunt. Fortaſſis etiam aliquas habemus, quas antiqui ignorarunt, qualis certe eſt *Granum* ſive *Fruſmentum Turcicum*, appellandum potius *Indicum*, quod nos *Fruſmentone*, Mediolanenſes *Melgane*, Indi *Maiz*, aliique aliis nominibus donarunt. Sunt enim nobis duae illae *Triticì* ſpecies, *mini* & *groſſi*, quas in Diſſertatione XIV. de *Servis* invenimus. Sunt & nota nomina *Hordei*, *Milii*, *Panici*, *Fabae*, *Farris*, *Ciceris* varii generis, *Viciae*, quam *Veccia* dicimus; *Orizae*, quae nobis *Riſo* nuncupatur; *Cicertulae*, quam Mutinenſes *Ciſercia*

A vocant, *Faſcolorum* multiplicis generis; *Lentis*, *Secalis*, quae *Siligo* antiquorum creditur Mattiolo, Scaligero tamen repugnante; *Lupinorum*, *Avenae*, *Piſorum*, quae *Piſelli* Romae & alibi, a Mutinenſibus verò *Rudea* vocitantur; cujus alteram ſpeciem habemus, quae a Florentinis *Rubiglia* (fortaſſis *Eruilla* Varronis) a ruſticis verò noſtris, & ab Hiſpanis dicitur *Arveia*. Neque a *Lupino*, ut opinatur Menagius, deſcendit vox *Rubiglia*, ſed ab *Eruilla*. Bobienſis Monachus, qui circa Annum Chriſti DCCCCXXX. florebat, in Lib. Miraculor. Sancti Columbani edito curà P. Mabillonii in Saecul. 2. Benediſtin. pag. 43. *Legumen*, ait, *Pis* (fortaſſe *Piſi*) quod ruſtici *Herbilia* vocant. Ab *Herbilia* *Eruilla*, denique *Erveia*, aut *Arveia*. Nobis praeterea eſt *Spelſa*, aut *Spelta*, quam Latini appellarunt *Zeam*. Sunt & aliae ſpecies apud antiquos. Aiebam, nos non unam *Triticì*, ſive *Fruſmenti* ſpeciem numerare. At ſingulas etiam antiquis Latinis notas opinor, quum Columella, & Plinius *Triticì genera complura* fuiſſe commemorent: Sed neſcio an & ii norint *la Scandella*, *la Mellica*, *il Moca* (fortaſſis *Eruum* iis erat) & *il Sego* in Veronenſibus & Vicentinis agris uſitatum, & alias fortaſſe ſingulares locorum fruges, quas nunquam vidi, ſed audio minime deeſſe. Profeſſò occurrunt apud Latinos alia leguminum nomina, ſub quibus veri videtur ſimile, & noſtras haec ſpecies comprehendì. Sed immorari heic ultra non vacat. Illud tantummodo animadvertam, variis nominibus apud varios ipſius Italiae Populos eaſdem fruges interdum appellari, ac proinde hoſpites in rebus dignoſcendis ex ipſa vocabulorum mutatione quandoque nos eſſe.

esse. Du-Cangius vir doctissimus in Charta Alexandri III. Papae deprehendit pro *Scandela Comitum XIII. Solidos*. Alibi *Scandellae* nomen offendit. Sed quid rei esset, non satis est assequutus. Est ergo *Scandella* genus frugum non secus atque Avena, Hordeum, & Zea, sive Spelta, acuminato integumento vestitum. *Marzuola* etiam apud Mutinenses appellatur, quod Martio mense telluri tradatur. In Crescentii Libro de Agricultura, Italice reddito legebatur: *L' Orzo Marzuolo, che a Bologna si chiama Marzolla, si semina per tutto il mese di Marzo*. Arripuit Aegidius Menagius hoc vocabulum, atque in Libro, cui titulus *Le origini della Lingua Italiana*, ejus originem nobis exhibuit. Nempe *Mars, Martis, Martius, Martiolus, Mardiolus, Margiolus, Margolus, Marzola, Margolla*. At *Margolla* nunquam in rerum natura fuit. In Crescentii Italica versione scribendum est *Marzola*, sive *Marzuola*, quo nomine & nos Mutinenses contermini Bononiensibus illam Hordei speciem donamus, quod fortassis est *Hordeum Cantabrinum* ab antiquis rusticae rei Scriptoribus memoratum. Praeterea in Charta Innocentii IV. Papae Du-Cangio occurrerunt haec verba: *In frumento, bordeo, faba, milica, & alia blava* (bladi enim voce nos fruges universas designare consuevimus) & *leguminibus*. De hac lectione, scilicet de voce *Milica*, dubitavit vir eruditus, ac subjecit an *Milium*? Non *Milium*, sed *Milica* legendum: ita enim nos Itali appellamus: atque is oblitus fuit, se alibi *Milicam grani speciem, de qua passim veteres Chartae Italicae, recensuisse. Milium Indicum* idem esse ac *Milicam* censuit Mattioli. Et nomen sane, ac Plinii verba in eam opinionem confluunt. *Saggina* est *Populus*

A Etruriae. Bauhinum, aliosque hallucinosos certe novi, quum idem putant *Milicam* atque *Sorgum*. Nimirum haec tum forma, tum colore inter se differunt. *Sorgum* supra mihi memoratum, ciceris ad instar crescit, ac sua grana efformat, toto caelo a *Milicae* granis diversa. Ratherius Veronensis Episcopus ante annos paene octingentos in Opusculo de *Monachis amandatis ex Abbatiola* apud Dacherium, ejus nomen nobis servavit, scribens: *Milium modia decem: de Surico modia decem: de Vino modia duodecim*. Frumentum *Saracenicum*, ni fallor, a Mattiolo appellatur. Ita quum *Oplum* arborem idem Du-Cangius reperisset in Charta Desiderii Regis apud Margarinum, & in altera Mathildis Comitissae, ea voce *Populum* arborem designari censuit. Verum *Oplus* est Italis *Oppio*, quae arbor ad vites alendas aequae ac *Ulmus*, aptissima est, uti jamdiu monuere Mattioli, Menagius, & alii: neque *Populus*, sed *Oplus* Latinorum dicenda est, de qua praeter Columellam & Plinium Varro Lib. primo Cap. 8. scribit; ut *Mediolanenses faciunt in arboribus, quas vocant Opulos*. Quod verò Jonstons, Bauhinus, idem Menagius, ac alii *Opulum* Aceris speciem scribant, referantque inter arbores *Nuciferas*, ii nunquam aspexisse, ac plane ignorasse mihi videntur, quid sit Italica arbor *Oppio*. Sunt & alia complura, quae nominibus prorsus variatis, nunc aegre agnoscimus, quo vocabulo signarentur apud Antiquos, qui tamen iis minime caruerunt. Et quia

--- non omnis fert omnia tellus;

nos in alienae regionis rebus ac moribus describendis vix ab errore nobis cavemus.

Ad agriculturam autem aevi medii dignoscendam aliquid conferunt Chartae veterum, in quibus agri Locationis, aut Emphyteusis titulo excolendi traduntur. En tibi Chartam Ferrariensem ex Archivo Sanctimonialium Sancti Silvestri depromptam, quam tamen diligentius descriptam optassem. Ibi haec quotannis pendenda Monasterio dicuntur: *De Grano*, & *Sica*, idest Sicala, in campo Capa,

A quarta trabenda ad area, & trisolutum: Faba in area Modio quarto: Ordeata in area Modio quinto: omem alio majori mense a minuto (in aliis Chartis legi, de omni alio majorimine & minuto) atque Legumina in area Modio sexto: Lino Manna sexta: Vino Amphora quarta: duabus vicibus arbore pecto ponendo & destorcendo &c. Sed Chartam ipsam qualiscumque sit, accipe.

Bonafilia Abbatisa Asceterii Ferrariensis Sancti Silvestri, terras in emphyteusim concedit Urfae, quae vocatur Bocarolola, Anno Christi 1083.

IN nomine Patris & Filii & Spiritus Sancti. Anno Dominicae Incarnationis Millesimo Hugesimo Tercio. Regnante Domino Heinrico Heinrici Imperatoris filio, Anno Vielesimo Sexto, die IX. Mensis Marcii, Indicione Sexta, Ferrarie. Petivi ad te quidem in Dei nomine Domna Adalasia, que vocaris Bonafilia, gratia Dei Abbatisa de Monasterio Sancti Silvestri de feriori Burgo Ferrarie, unaque consensu & largetatem Monache ejusdem Cenobio conceditrice, uti mihi presente in Dei nomine Urfa, que vocor Bocarolola petitrice, seu filiis & heredibus meis Libellum nomini concedistis, atque largistis mihi de rem juris Monasterii Sancti Silvestri. Idest omnes res seu sortes, vel portiones tuas integras quantascunquo abuit atque detinuit Paulo Martozello ad jure vestra in fundo, qui dicitur Corizo maro, & in fundo qui dicitur Casalicio. Quae omnia cum terris & vineis seu edificiis, casis seu Casalibus, campis, padulibus, vel omnibus quantas ad suprascriptas res: haec omnia concedisti atque largisti mihi ipsa petitrice, meisque filiis & heredibus, ad abendum, tenendum, possedendum.

C laborandum, cultandum, passinandum, ordinandum, & disponendum, defensandum, & in omnibus meliorandum, in annis advenientibus viginti & novem ad renovandum, salva sanacione Dominica, dandum pensionis renovetur. Ita sane, ut deinde inferatis dominicae rationibus ego suprascripta petitrice, meisque filiis & heredibus, tibi suprascripta conceditrice tuisque successitricae annualiter de Grano, & Sica in campo Capa quarta traenda de area, & trisolutum per me suprascripta petitrice, & de meis filiis & heredibus, faba in area modio quarto, ordeata in area modio quinto, omem alio majori mense a minuto atque legumina in area modio sexto, lino manna sexta, vino anfora quarta, duabus vicibus arbore pecto ponendo & destorcendo; & postea sit mihi petitrice concessum, & si vineam plantaverim, da usquequo plantaverimus usque ad annis quinque, & postea rendere debeamus vinum, sicut supra legitur, deductum atque conductum ipsum verratico dominio huc in Monasterio vestro Majore quidem dominico vestro, vel vestra dominatione cum onore & obediencia suscipere debeamus.

mus hec successione ei facere sine dolo vel fraude. Et non abeamus licencia de ipsas res a nullo Placito andare, nisi ad te vel tuis successitricem. Et si quis vero pagina nostra contra os petitionis ire tentaverimus, & omnia que supra non observaverimus vel adimpleverimus, cum meis filiis & heredibus dare tibi suprascripta conceditricem, vel a tuis successitricem penam uncia una, & post maneat in sua firmitate. Quam scribere rogavi Rusticus Christi misericordia Ferrariensis Tabellio, in qua manu mea propria firmavi que supra contradidisti, sub die Mensis & Indictione suprascripta.

✠ Signum manus suprascripta Urfa, quae vocatur Bocarofola petisrice, ad omnia suprascripta, cui relectum est.

In Chartis Ravennatibus, quas Archivum Estense complectitur, ejusmodi pensiones fructuum naturalium saepenumero occurrunt. Charta Anni MCLXXXIV. Et reddere debeamus Terraticum de praedicta terra, de Grano & Segale quartam partem: Faba & Trisico quintam: Vino tertiam partem: totum redditum tritulum, & vetum per nos in Castro vestro Argenteo &c. Altera Anni MCXXXIII. habet: de Grano statium unum, & Gallinam unam, & de Lino gramulato lesineo triginta: signum & alia servicia vobis facere debeamus. In alia Charta Anni MCLXXIV. occurrunt triginta brancatae Lini gramulati. Ita in Charta Libellaria Landulfi Episcopi Ferrariensis, scripta Anno MCVI. pollicetur Emphyteuta se daturum annuatim Terraticum de Grano in campo Capam quantam: de Sicale in campo Capam quintam, trabendas ad aream, & trisuratas per vos petitores: De Faba in area modium quintum: de Mixtura ingranata, & de Trisico, Mileo, & Panico, atque Legumina in area modium

A sextum: de Lino Manna . . . . de Vino anforam terciam; duabus vicibus arbore pecto ponendo &c. Et pro vestro casale dabitur annualiter exsenium pulum unum, & ova quinque, & operas tres cum bovis, & operas tres cum manibus. Quod de Agriculis dixi, de aliis Artibus necessariis ad hominum vitam, multisque etiam ad voluptatem excogitatis, dicendum erit. Carolus Magnus in Capitulari Anni DCCC. Tomo I. pag. 337. editionis Baluzianae decernit: Ut unusquisque Judex (idest Civitati Praefectus) in suo ministerio bonos habeat Artifices, idest Fabros Ferrarios, & Aurifices, vel Argentarios, Sutores, Tornatores, Carpentarios, Scutatores, Praecatores, Accipitares, idest Aucellatores, Saponarios, Siceratores, idest qui cervisiam vel pomarium, sive piratium &c. facere sciant, Pistores, Resiatores &c. Quod solum deerat Seculis iis barbaricis, non ea elegantia & perfectione quaedam ex hujusmodi Artibus tunc exercebantur, quam nostris temporibus cernimus. Exempli causa & domus & templa concedere perpetuo in usu fuit: verum post illas in Italiam barbaricas gentes, in fabricandi quoque Artem eorum barbaries irrepsit. Dum aedes ad tegendos & continendos habitatores attollerentur, fortique muro, bene contignato tecto, ac necessariis cubiculis instructae exstruerentur, rite suo munere functus erat faber murarius. Ornamenta, commoda, venustatem, partium dispositionem rectam, aliasque hujusmodi dotes aedium, quam nunc suspicimus non in Urbibus tantum, sed & in plerisque Castellis, raro deprehendisses. Nam ad construenda aedificia firma, quantum ad hominum habitationem attinet, structor quisque in Arte hac paululum exercitatus factus



tis est; verum ad exornanda & symmetriâ eleganti conficienda aedificia, aliâ opus est Arte, Architectonicâ videlicet, quae non necessitati tantum inservit, sed voluptati. Haec autem sub Regibus barbaris debilitata nimium jacebat: non quod Artis hujus praecepta ac professio in Italia, finitimisque Regnis, unquam existerint, sed quod Graecae ac Romanae Architectonices nullam ferme curam barbarae nationes in Italiam deductae habuere, ejusque rudimenta aut in desuetudinem abiire, aut etiam contempta sunt, quod minus studii ac laboris exigeret barbaricae structurae consuetudo. Itaque investa est in Italiam aliâ Architecturae ratio, diversa ab illa, quae Graecis ac Romanis antea in usu fuerat, atque haec per plura saecula observata est cum in Italia tum in Gallia, Germania, aliisque nobilibus Europae Regnis. *Gothicam* nos appellare consuevimus: quod quo titulo fiat, equidem ignorare me fateor. Nam paucis iis annis, quibus Italia Gothis paruit Saeculo Christianae Aerae Sexto, Italianam Architecturam in pejus ruisse non constat, aut diversam ab ea fuisse, quae per Romanos antea exercebatur. Immo Romanam servatam fuisse, testis est mihi Cassiodorius, qui Lib. 4. Epist. 30. Theodericum Regem scribentem haec ad Albinum Patricium inducit: *Unde nos, qui Urbem nitore supimus fabricarum surgentium componi, facultatem concedimus postulamus; ita tamen, si res petita aut utilitati publicae non officit aut decori. Quapropter rebus speratis securus innitere, ut dignus ROMANIS fabricis habitare appareas, perfectumque opus suam laudem auctorem. Nulla enim res est, per quam melius possit agnosci & prudentis ingenium, & largitatis affectus. Sed fu-*

A. *fus in hanc rem Cassiodorius floridâ sui stili prodigalitate rapitur Lib. 7. ubi Formulam curae Palatii num. V. exerit, & in laudes ac originem Architectonices excurrit. Inter cetera ait: Quapropter quicquid ad se pertinet, ita doctenter, ita firmiter volumus explicari, ut ab opere Veterum sola distet novitas fabricarum. Et multa quidem Ravennae cum Templâ, tum opera publica admirabili structura, ut Rubeus in Histor. Ravennat. tradit, a Theoderico excitata fuere. Confirmatur idem ab Agnello in Lib. Pontificali. Ticini quoque Theodericus paria praestitit. Propterea non immerito Anonymus Valesianus cum nobis exhibet *amatorem fabricarum, & restauratorem Civitatum*, enumeratque Palatia, Thermas, Aquaeductus, Amphitheatra Ticini, Ravennae, ac Veronae ab eo constructa. Eidem hanc ipsam laudem tribuit Ennodius in Panegyrico. Quid est ergo, quod rudem Architecturam per tot subsequens Saecula in Italiâ innutritam, Gothis unis tribuamus? Si jam tunc declinare apud nos Ars ista coeperat, non id culpâ Gothorum novorum hospitum est factum, sed quod Romanorum Imperio declinante, Artes ipsae jam ad imum cum illo tendebant. Eoque minus Gothi huc trahendi, quum non multis post eorum ingressum annis dejecti fuerint, atque Italiam universam, ut liquet, Graeci receperint.*

E. *Quod ergo acquius existimandum puto, per abusionem aut errorem, Gothicum dixerunt nostri quidquid indolem barbaricam praeseferebat, sive a Langobardis, sive a Francis, sive a Germanis processisset, non a Graecis atque Romanis. Et coepit revera sub Langobardis in deterius ferri Architectonice: mores enim dominan-*  
tium

tium barbari ac rustici, quod reliquum fuit Romanae sive Italicae antiquae gentis, infecere, ita ut in cuncta fere Artium studia, quae ad oblectationem pertinent, ignorantia sese ingesserit, multumque eis eripuerit vetusti coloris atque decoris. Certe neque sub ipsis Langobardis rerum potitis, neque deinde sub Francis, fieri desierunt publica privataque magnae molis aedificia in Italia; sed in iis magnificentiam fortè atque opulentiam laudasses, nihil verò ejus elegantiae, aut in toto corpore, aut in singulis partibus invenisses, quam florente Romanorum Imperio vel ipsorum privatorum fabricae, eoque magis publicae praetulerunt. Attamen aspexissem ego lubenter, si tempus illaesa siveisset, Tempia quaedam & alia aedificia sub Regibus Langobardis & Francis constructa. Ut Paullus Warnefridi tradit Lib. 5. Cap. 34. Histor. Langobard. Rodelinda Regina Bertaridi Langobardorum Regis conjux, *Basilicam Sanctae Dei Genitricis extra muros Civitatis Ticinensis, quae ad Perticas appellatur, opere mirabili condidit, ornamentisque mirificis decoravit.* Liutprandus quoque Rex, uti narrat idem Auctor Lib. 6. Cap. 53. *in O-lonna suo probastio, miro opere in bonorem Sancti Anastasi Martyris, Christo domicilium statuit, in quo & Monasterium fecit.* Hominis Langobardi seu barbari oculis *mira opera* ea visa fuerint, inquires. Ut lubet, opinare. Paullus tamen Romae ac alibi Romanorum aedificia illustriora etiam aspexerit, ita ut judicare non ei difficile foret, num Langobardica ad illorum comparisonem deformia apparerent. Chronographus quoque Vultur-nensis, Part. II. Tomi I. Rer. Italicar. pag.

A 369. Basilicam describens a Josue Abbate constructam, haec habet: *Certe nos, qui nunc videmus, vel qui tunc illis videre temporibus, satis mirari non possumus illius Ecclesiae magnitudinem vel pulcritudinem in his regionibus.* Et longe quidem plures, quàm nunc, supererant iis temporibus in Urbe aeternâ fabricae, exquisito magisterio structae, quas prae oculis Architecti habere poterant. Quod tamen mirere, aliunde petiti videntur Architecti, aut saltem Artifices. Desiderius Casinensis Abbas, postea ad Romanum Pontificatum evedtus, quum novam insignem Basilicam in Casinensi Monte Anno MLXVI. construere decrevisset (Leone Marficano teste Lib. 3. Cap. 28. Chronic. Casinens.) *conductis protinus peritissimis. Artificibus tam Amalfitanis quàm & Lombardis, & jactis in Christi nomine fundamentis, coepit ejusdem Basilicae fabricam.* Magnifici operis descriptionem apud eundem Leonem vide. Alia quoque eodem Seculo XI. & subsequentibus structa fuere aedificia sacra atque profana incredibilibus expensis, & muris undequaque firmis, e quibus nonnulla supersunt, ingentia sane atque ornatissima opera, & injuriam temporum minime verita. Praesertim verò dignae sunt, quae inspiciantur Arces sive Rochae & Turres omnes ferme post Seculum X. immo posterius, animis Regiis conditae, in quibus murorum compagem amplissimam, affluentiam marmorum, proceritatem ac stabilitatem fabricae mireris. Verùm cuncta haec barbariem sapiunt, ita ut Romanae Architecturae studiosis vel ipsum magnificentissimum Templum maximum Civitatis Mediolanensis, & Sancti Marci Venetiarum, & Ticinensis Carthusia, atque alia amplissi-

scribit circiter Annum DLXXX. hoc est tanto ante Pippinum tempore.

*Hinc puer exiguis attemperat Organa  
cannis,*

*Inde senex largam ructat ab ore  
Tubam.*

*Cymbalicae voces calamis miscentur  
acutis,*

*Disparibusque tropis Fistula dulce  
sonat.*

*Tympana rauca senum puerilis Tibia  
mulcet*

*Atque hominum reparant verba ca-  
nora Lyram.*

Jonas quoque Italus, ac Bobienfis Monachus, qui eodem Saeculo, sed ante Fortunatum Venantium, floruit, in Praefatione ad Vitam Sancti Columbani ait: Plerosque Organi scilicet, Psalterii, Cytbarae melos aures oppletas, mollis saepe Avenae modulamini auditum accommodare. En musica instrumenta illius aevi. Attamen quum exploratum minime sit, quid Organorum voce Jonas & Fortunatus proprie & verè designent, haerere cogimur. Videntur enim Organa illo usurpata tempore, e cannis exiguis conflata, ac proinde ab ore hominis tantum inflata, cujusmodi fuere Syringae, seu Tybiae, aut Fistulae multicalami apud Antiquos; & consequenter ab Organis e Graecia in Franciam delatis nimium diversa. Porro certum est, apud unos Graecos Seculo VIII. adhuc viguisse, diligentemque custoditam fuisse artem conficiendi Organa, qualia nunc usurpamus. Illam surreptam Graecis Georgius Presbyter Venetus ad Ludovicum Pium tandem transtulit, uti Annales Francorum testantur ad Annum DCCCXVI. Sed longe ante ea tempora in pullandis Organis nunc Tom. IV.

vulgaribus peritissimi fuisse Romani: quod adnotavit ad Annum DCC-LXXXVII. Monachus Engolismensis in Vita Caroli Magni Tom. 2. Du Chesnii. Dignus est locus, qui integer sistatur Lectori, quum inde elucere possit, quantum in cantu tunc excelleret Ecclesia Romana. Versabatur eo Anno Romae Carolus Magnus, illaque occasione orta est contentio inter Cantores Romanorum & Gallorum. Dicebant se Galli melius cantare & pulcrius quam Romani. Dicebant se Romani doctissime cantilenas Ecclesiasticas proferre &c. Galli Romanis exprobrabant: hi contra appellabant eos stultos, rusticos & indoctos: velut bruta animalia affirmabant; & doctrinam Sancti Gregorii praeferebant rusticitati eorum. Infra haec addit: Omnes Franciae Cantores didicerunt notam Romanam, quam nunc vocant notam Franciscam: excepto quod tremulas (quo nomine fortasse significantur, qui nunc Italice Trilli appellantur) vel tinnulas, sive collisibiles, vel secabiles voces (fortasse Diaesim & B. molle) in cantu non poterant perfecte exprimere. Franci naturali voce barbarica, frangentes in gutture voces potius quam exprimentes &c. Denique adjicit: Similiter erudierunt Romani Cantores supradicti Cantores Francorum in arte Organandi. Haec attuli, ex quibus hucane mihi videtur Mabillonii eximii viri opinio in Annal. Bened. ad Annum DCCLVII. ubi scribit: Organorum usum sub finem Saeculi IX. apud Italos ex Germania primum acceptum fuisse colligimus ex Epistola Johannis Papae VIII. ad Annonem Episcopum Frisingensem, rogantis, ut optimum Organum cum Artifice, qui hoc moderari, & facere ad omnem modulationis efficaciam possit, sibi aut deferat, aut mittat. Verba Johannis Papae haec sunt Lib. 5.

pag. 490. Miscellaneor. Baluzii: *Pre-*  
*camur autem, ut optimum Organum cum*  
*Artifice, qui hoc moderari & facere ad*  
*omnem modulationis efficaciam possit, ad*  
*instructionem Musicae disciplinae nobis*  
*aut deferat, aut mittat.*

Verum inter Romanos & Graecos  
tandiu Romae dominatos ea fami-  
liaritas & consuetudo intercesserat,  
ut vix credi possit tam serò investus  
in Romanorum Tempia usus Orga-  
norum. Quod ejusmodi machinae  
Seculo IX. uti & nunc, in Germa-  
nia exquisito artificio fabricarentur,  
ibique essent *ad omnem modulationem*  
periti Organorum pulsatore, ideo  
illinc Johannes VIII. & Organum &  
Artificem petiisse videtur. Quod  
etiam animadverti, sub Constantino  
Magno Augusto, circiter Annum  
Christi CCCXXII. Publius Optatia-  
nus Porphyrius in Panegyrico me-  
trico, edito inter Opera Velferi,  
disertam mentionem facit *Organorum*,  
quae per folles ventum concipiebant.  
Neque reticendum, censuisse Clariss.  
Du-Cangium in Glossar. Latin. Or-  
gana fuisse Veronensi etiam Ecclesiae  
tempore Caroli Magni, quum apud  
Ughellium Tom. V. Ital. Sacr. in  
duabus Chartis circiter ea tempora  
scriptis occurrat *Porta Organi*. Sed  
quodd una ex Portis Veronae nomen  
hoc praetulerit, ibique prope etiam  
conditum fuerit antiquissimum Coe-  
nobium appellatum *Sanctae Mariae*  
*ad Organum*, non continuo inferre  
possumus, Organa pneumatica in usu  
Veronensibus tunc Templis fuisse.  
Nil rei habet Porta cum Templis.  
Praeterea vocabulo *Organi* veteres  
complectebantur quaecumque Musi-  
corum Instrumenta. Immo etiam  
Machinae quaedam *Organa* nuncupa-  
ta fuere, Vitruvius scribente Lib. 10.  
Cap. primo. *Inter Machinas & Orga-*

A *na id videtur esse discrimen, quod Ma-*  
*chinae pluribus operibus, aut vi majore*  
*coguntur esse. Ius habere, ut balistae &c.*  
*Organa verò unius ope, uti scorpionis,*  
*aut anisocyclorum versationes. Denique*  
*Organa appellata fuere instrumenta*  
*quaedam ad metiendum, Columella*  
*teste Lib. 3. Cap. 13. Quae omnia*  
*dubium faciunt, cur ab Organo no-*  
B *men Veronensi Portae accesserit. An*  
*verò Musica multarum vocum in ipsa*  
*discordia consonantium, quam Contra-*  
*ponto \* (Contrappunto) appellamus,*  
*aetate nostra usitata, magnoque studio*  
*exculta, nota usurpataque fuerit anti-*  
*quis temporibus, disputandum relin-*  
*quam Meibomio, Zarlino, Angelino,*  
C *aliisque majore otio utentibus. Si Kir-*  
*chero doctissimo viro e Societate Jesu*  
*acquiescendum est in Musurgia Lib.*  
*5. Tom. prim. pag. 215. Guido Arre-*  
*tinus, de quo supra egimus, auctor etiam*  
*fuit Instrumentorum polyphectorum, uti*  
*sunt clavicymbala, clavicordia, simila-*  
*que: quod & ipsa jam citata Dedicat-*  
*oria innuit, dum ad cantum addibuit*  
*monochordum quoddam harmonice constru-*  
D *ctum. Ex quibus concludo, Guidonem*  
*existisse Inventorem polyphoniae Musicae,*  
*quum ante ejus tempora ex nullis Vete-*  
*rum monumentis possit colligi, id genus*  
*Musicae apud Veteres fuisse in usu.*  
*Eandem sententiam Angelinus Pe-*  
*rufinus tuetur. Apud illos sit fides.*  
*Hoc unum ego adjiciam, Johannem*  
*Sarisberienssem circiter Annum MC-*  
E *LXX. Lib. Primo. Cap. 6. Policrat.*  
*de Musica loqui, ac dolere, quod*  
*mollis & luxurians modulatio adi-*  
*tum in sacra invenerit. Ipsum, in-*  
*quit, cultum Religionis incestas, quod*  
*ante conspectum Domini in ipsis pene-*  
*tralibus Sanctuarii, lascivientis vocis*  
*luxu, quadam ostentatione fuit; multo-*  
*bribus modis, notarum, articulorumque*  
*caesuris stupentes animulas emollire ni-*  
*tuntur.*

duntur. Quum praecinientium & succinientium, canentium, & decinientium, intercinientium, & occinientium praemolles modulationes audieris: Sirenarum concentus credas esse &c. Ea siquidem est ascendendi, descendendique facilitas, ea sectio, vel geminatio notularum, ea replicatio articulorum, singularumque consolidatio, sic acuta vel acutissima, gravibus & subgravibus temperantur, ut auribus sui iudicii fere subtrahatur austeritas &c. An haec Musicam figuratam, ut appellant, sive nostri aevi, designent, perpenderent, qui hisce studiis oblectantur, & cum eis eruditionem conjungunt. Nulla autem dubitatio est, quin aliquot etiam post Guidonem Arretinum Saeculis longe Musica abfuerit a scientia & perfectione illa, quam hodie tenemus, tum in Musica Humana, tum in Organica, sive Instrumentorum. Seculo tantum XV. haec affurgere coepit, diligenterque excoli a doctissimis viris. Sed potissimum subsequenti Saeculo XVI. amplificata est illius scientia, conspirantibus Italis ad eam exornandam, inter quos Horatius Vecchius Mutinensis *Harmoniam primus Comicae facultati conjunxit, totumque terrarum orbem in sui admirationem traxit*, ut in ejus Epiraphio habetur, quod evulgavi Lib. 3. Cap. 4. Tomi 2. Perfect. Poëtic. Italicae. Nunc certè stuporem ingerat Musicae nostrae in tanta varietate vocum ac instrumentorum consonantia atque consensus. Liceat tamen dicere, nobis tantum non esse plaudendum ex hujusmodi inventis, hoc est, ex admirabili, ut putamus, Musicae Artis progressu, quin simul illius pravos effectus agnoscamus, dum pro virili Musicā mollem ac effeminatam regnare cernimus, quam Graeci & Romani omnes cordati olim averfa-

bantur: neque nos, si sapimus, unquam laudabimus, quum inde molities, & occulta corruptela morum in Populos exsurgat.

Ad Picturam venio. Insignem in ea peritiam Graecorum, unde ad Romanos nobilis haec Ars profluxit, antiqui extollunt, & admiranda narrant: qua de re in primis consulendus Junius de *Pictura Veterum*. Nulla, aut exigua illius vestigia ad nos usque pervenere, ut tot laudes factis confirmatas intueamur. Verum supersunt tot Statuae, tot Nummi, tot Anaglypta, aliaque antiquitatis rudera, adeo comite, artificiose, exquisiteque fabricata, ut illinc etiam qualis esset veterum vis, ac virtus in pingendo, argumentari facile liceat; magna enim inter Picturam ac Statuariam affinitas intercedit. Ubi verò irruptiones barbarorum sentire, tum eorum dominatione premi Italia coepit, delectabili quidem, sed minime necessariae Arti ingentia illata sunt vulnera, plerisque eam negligentibus, aut eam infelicititer exercentibus, qui ad ipsam excolendam se se conferebant. Ceterum nulla tempora fuere, quibus Pictores desiderati fuerint: Sed qui, qualesve Pictores, bone Deus! inquit aliquis. At neque ego, neque illi hujusmodi picturas conspiciati sumus, ut rectum de illis iudicium ferre liceat. Theodelinda Langobardorum Regina circiter Annum Christi DXCII. Modestiae suum Palatium condidit, in quo aliquid & de Langobardorum gestis depingi fecit. Ermoldus Nigellus de Gest. Ludovici Pii Lib. 4. pag. 65. Part. II. Tomi II. Rer. Italicar. describens Palatium ac Templum Ingelheimense a Carolo Magno conditum, singillatim recenset, quae ibi picta fuere, & quidem, ut is ait,

*pieturâ insigni*, quod profectò præstare ego nolim:

*Inclita gesta Dei, series memoranda  
Virorum,*

*Pieturâ insigni quo relegenda patent.*

Sic Johannes VII. Papa circiter Annum DCCVI. fecit Imagines per diversas Ecclesias, quas quicumque nosse desiderat, in eis ejus vultum depictum reperiet. Basilicam itemque Sanctae Dei Genitricis, quae antiqua vocatur, pieturâ decoravit. Haec Anastasius. Neque secus Gregorius III. Papa, ut est in ejus Vita, Basilicam Sanctae Dei Genitricis, quae in Aquiro dicitur, a fundamentis longiorem & latiore construxit, atque depinxit. Zacharias quoque Primus in Lateranensi Patriarchio fecit triclinium, quod diversis marmoribus &c., & pietura ornavit. Nicolaus etiam Primus circiter Annum DCCCLX. Ecclesiam novam Dei Genitricis pulcris & variis fecit depingi coloribus. Reliqua mitto, omnium loco illud commemorans, sacras Imagines per ea semper Secula servatas fuisse in sacris Templis, Aedibusque privatis; & quum Graeci Augusti in eas debaccharentur, summi Pontifices, & Regna Occidentis ad earum usum & cultum conservandum acrius exarserunt. Constantinus quoque Papa ea occasione fecit pieturas in Porticu Sancti Petri, quae gesta sex Sanctarum Synodorum universalium retinent, ut auctor est Paullus Diaconus Lib. 6. Cap. 34. quocum consentit Anastasius. Neque prorsus excidisse videtur ante Annum a Christo nato Millesimum Graphice, quo nomine fas mihi nunc sit significare Artem delineandi, sive l' *Arte del Disegno*, quum Nummi in Italia temporibus iis percussi, & Sigilla Di-

A plomatis apposita, in quibus capita occurrunt Imperatorum aut Regum vestigium aliquod retineant veteris elegantiae. Neque Sculpturae & Anaglyphorum Ars iis Seculis desiderata est. Nunc Anaglypha, sive Caelaturas appellamus *basfi Rilievi*, sive marmore, sive argento & auro imagines, aliaque ornamenta insculpantur. De hisce mentio est non semel apud Anastasium Bibliothecarium, Leonem Ostiensem, & alios. *Interrabile* etiam opus memoratum videas ab antiquis, ac potissimum ab eodem Anastasio: quo nomine opinor, non omnem caelaturam designari, sed eam tantum, quae incidendo figuras efformabat, ut est in Sigillis. *Calligraphia* quoque usque ad Annum Christi Millesimum usurpata non solum in Diplomatis & Bullis, sed & multis Codicibus, venuste, & Romanis literis manu exaratis, spectandam se praebet. Post Seculum X. plerosque e Codicibus rudi scripturâ, & compendiis innumeris horrentes cernimus, uti & in multis lapidibus adhibitos characteres Germanicae scripturae propiores, quos Gothicos perperam nuncupamus. Statuae verò & Anaglypta, ut ut in paucis Urbibus, ac praecipue Romae, opere tolerando exculpta fuere, saepius tamen aevi illius barbariem exhibent, risumque facile a spectantibus exprimunt. Illud ergo statuentum, Seculo tantum XIV. Pieturam, Statuariam, Calligraphiam, aliasque Artes iis affines una cum Literis exsurgere coepisse: quo eodem Seculo floruit Jottus Florentinus Pictor, vir magni nominis, alique succedere praestantes bonarum Artium restitutores in Italia; unde quod elegantiae in hisce Artibus habent alia Occidentis Regna, acceperunt.

Non

Non est tamen rudibus iis Saeculis neganda laus, quod nempe *Musivis* conficiendis, ac tessellato & vermiculato op̄ri diligentissime se se addixerunt. Diu est quod effluxit ejusmodi Ars ex Italicis officinis, ita ut aliam ego Urbem (si Romam excipias & Venetias, quae nostris temporibus ipsam Artem antea neglectam revocarunt, immo superatā veterum diligentia, ad culmen venustatis perduxerunt) minime in Italia agnoscam, cui studium nunc sit & usus Musivorum. At olim Romae, Ravennae, Mediolani, Casini, aliisque in locis periti in ea Arte Magistri non pauci numerabantur, qui etiam reliquere eximia ejusmodi picturae, e minutissimis vitreis lapillis varii coloris conflatae, monumenta. *Diversis coloribus, minutisque vitreis lapillis, fulvo auro supertectis opere Mausoleo* (lege Museo, aut Musileo) ornata dicitur Ecclesia Sipontina S. Johannis Baptistae a Sancto Laurentio Episcopo illius Urbis in ejus Vita ad diem 7. Februarii apud Bollandum. Et ea quidem Ars a Romanis olim rerum dominis diligenter exculta. Apud Gorium Virum Clariss. Lib. prim. Cap. 8. Inscriptio Florentina occurrit, in qua legitur *Camera OPERE MVSEO exornata*. Est & ejus mentio apud Scriptores Historiae Augustae; sed frequentior Seculis subsequutis. Ita Seculo VI. Symmachus Papa *Cantuarum beati Petri cum quadriportiu marmoribus ornavit, & ex Musivo agnos & cruces & palmas ornavit*. Seculo VII. Honorius Primus fecit *absidam Basilicae beatae Agnesis ex Musibo*. Severinus ejus successor *renovavit absidam beati Petri Apostoli ex Musivo*. Sergius Primus *Musivum, quod ex parte in fronte Atrii Basilicae Salvato-*

*ris fuerat dirutum, innovavit*. Johannes Septimus Saeculo VIII. fecit *Oratorium, cujus parietes Musivo depinxit*. Nam sub *Picturae* nomine Musiva quoque venere: neque injuria. At heic me Leo Marficanus interpellat ac sistit, dum gloriam Musivorum Seculis iis negare videtur. Ipso teste in *Chronic. Casinens. Lib. 3. Cap. 29.* non ex Romanis officinis, sed ex Constantinopolitana Urbe Musivarios artifices accivit Desiderius Abbas Casinensis, quum novae Basilicae a se excitatae circiter Annum MLXX. ornamenta addere constituisset. En Ejusdem Ostiensis verba de insigni illo Abbate: *Legatos interea Constantinopolim ad locandos* (ideest conducendos, ut e Varronis exemplo discimus) *artifices destinat, peritos utique in Arte Musivaria & Quadrataria. Ex quibus videlicet alii absidam & arcum, atque vestibulum majoris Basilicae Musivo comerent &c.* Addit infra: *Quarum Artium tunc ei destinati Magistri, cujus perfectionis existerint, in eorum est operibus estimari; quum & in Musivo animatas fere autumet esse quisque figuratas, & quaque virentia cernere, & in marmoribus omnigenum colorum flores pulcrā putet diversitate vernare. Habes veterum opera nostris quoque laudibus digna. Habeto etiam curam eximiam Desiderii Abbatis, qui quoniam Artium istarum ingenium a Quingentis & ultra jam annis magistra Latinitas intermiserat, & studio hujus, inspirante & cooperante Deo nostro, hoc tempore recuperare promeruit, ne sane id ultra Italiae deperiret, studuit vir totius prudentiae, plerosque de Monasterii pueris diligenter eisdem Artibus erudiri. Eja bone Leo, a Quingentis & amplius annis intermissam ais Musivorum & Lithostroterum Artem? Turbam te-*

teste Tangmaro Scriptore synchrono in ejus Vita Cap. 5. *Musivum in pavimentis ornandis studium propria industria, nullo monstrante, composuerit. Attamen omittere nolo Anonymum Salernitanum, qui in Paralipomen. Part. II. Tomi II. Rer. Italicar. de Bernardo Salernitano Episcopo agens (vixit ille circiter Annum DCCCLV.) haec habet: Ecclesiam inibi mirae pulchritudinis construi fecit, & pavimentum parvulis Tessellis in vario colore componi jussit. Aulicus etiam Ticinensis (vide Tomum XI. Rer. Italicarum) Cap. XI. de Laudib. Papiæ haec habet: Plures Ecclesiae pavimentum habent minutis Lapillis stratum,*

A ex quibus per diversos colores Historiales imagines & literae sunt formatae. Ex quo igitur revocata est in Italiam (si tamen unquam excidit) Lithostratoria Ars, subsequen- tibus Seculis eadem in usu multo fuit, immo eo evecta est, ut nobis dederit hominum atque animalium figuras, affabre, & alicubi ad instar elegantis picturae efformatas. Anno 1739. quum Chorus Cathedralis Tarvisianae reficeretur, cujus pavementum variegato marmore constat, emerfit Inscriptio haec literis cubitalibus, quam debeo nobili, doctissimo, meique amantissimo Viro Antonio Scotto, Canonico Tarvisiano.

CRISTI MILLENVS CENTESIMVS ATQ. TRICENVVS

VNDECIMVSQ. SVPER POSITVS DVM CVRRERET ANNVS

PRESVLE GREGORIO SVB WALPERTO VICEDOMNO

PLANA PAVIMENTI SIC ARS VARIAVIT VBERTI

IMPENSAS (Cives) REDDEBANT TARVISIANI.

Ex hisce Lithostratis multa videas Romæ ac Venetiis; mireris autem, quæ Templum maximum Senensis Urbis spectanda praebeat. Sed postrema haec posteriorum Saeculorum industria peperit. *Sarforium opus* Veteres appellarunt varias ita marmorum crustas committere, ut inde figurae veluti pictae exurgerent. Castiodorius, Gregorius Turonensis, aliique meminerunt. Ennodium audi Lib. 2. Carmin. 91.

*Unam de varis speciebus componere frustis*

*Qui potuit, saxum duxit in obscurum.*

Nunc ergo redeat Leo Maritanus nobis persuasurus, Musivariae & Quadratarum Artis ingenium & quingentis

C & ultra jam annis usque ad Annum MLXX. fuisse in Occidente intermissum: ego dicenti fidem, bonâ illius veniâ, minime adjungam. En quot Musivaria Saeculis iis ipsis fabricata vidimus. Ex his etiam multa supersunt. Plura alia nulli memorata, jamque injuriâ temporum sublata, nobis profecto mente concipere licet. Itaque hoc unum libens Ostiensi debo, videlicet Seculo X., quo mirum in modum, una cum Literis Artes depressae jacuere, Musivariam quoque languorem in Italia contrahere potuisse, ita ut facile coactus fuerit, subsequenti Seculo Desiderius Casinensis Abbas, qui postea Romanus Pontifex renunciatus est, hujus Artis peritos Anno eodem MLXX. e Constantinopoli in usum suum evoca-



vocare. Summa fane fuit Graecis in Musivis conficiendis, vel ab ipsa remota antiquitate peritia. Constantinopoli quoque vix ulla erant Tempia aut Opera publica, in quibus Musivi aliqui non occurreret. Repugnare etiam nolim Manuelli Chrysolorae, qui circiter Annum MCCCC. in Epistola de comparatione Veteris & Novae Romae scripsit, a Graecis Byzantinis Musivariam Artem in reliquas Europae provincias emanasse. Nam, ut vidimus, Desiderius Abbas Seculo Christi XI. Artem hanc in Italia vel depressam, vel paene antiquatam, revocavit e Graecia. At Seculis praecedentibus fuit haec ista Latinis etiam familiaris, & passim ab Italis usurpata: quod exempla producta confirmant.

Verum nos (jam aperte dicam, quod sentio) nos inquam ex Artibus nostra aetate mirabiliter amplificatis, & tot ornamentis praediti, quibus omnibus Majores nostri caruisse creduntur, superbiâ elati, paene est ut Secula illa, veluti omni humanitate ac ingenio destituta reputemus, & flocci faciamus. Sed non erat ne tunc quidem tanta morum & ingeniorum infelicitas. Et ne quis dubitet, an Musivorum Artem gens olim Italica, veluti rem suam tenuerit, monumentum proferam, cui similia bene pau-

A ca veterum membranae fervant. In Bibliotheca insignis Capituli Canonorum Lucensium Arm. I. Cod. L. adservatur antiquissimus Codex, ante annos fere nongentos manu exaratus, quem prae manibus habui; habuit & ante me Clariss. Mabillonius, qui aetatem ejus, neque immeritò, retulit ad tempora Caroli Magni. Ibi inter cetera habetur *Eusebii Chronicon & Historia: Isidori Chronicon, & Liber Officiorum: Hieronymus & Gennadius de Scripturis Ecclesiasticis: Liber de gestis summorum Pontificum*, desinens in Hadriano I. Sunt illic & alia. Sed unum ego decerpsi, nempe *Compositiones* varias ad tingenda Musiva, ad conficiendam *Chrysographiam*, sive ad scribendum cum auro liquido, aliaque hujusmodi fragmenta Artium & secretorum, ut vocant, Seculi VIII. e quibus recte conjicias, tempora illa non tot tenebris involuta fuisse, quot nos liberalissime opinamur. Ante tamen Lectorem monitum volo, tum propter characterum implexas formas, tum etiam ob peregrinas voces illic occurrentes, sed praecipue ob incuriam ac incitiam antiquissimi Librarii, multa esse vitiata in ipso Lucensi Codice, ac propterea mendis non carere exemplum, quod nunc profero.

Compositiones ad tingenda Musiva, Pelles, & alia, ad deaurandum ferrum, ad Mineralia, ad Chrysographiam, ad glutina quaedam conficienda, aliaque artium documenta, ante Annos nongentos scripta.

De tinctio omnium Musivorum.

**T**inctio omnium Musivorum Prasini  
Vitri de mundo de Massa Libras  
V. limatura aeramenti absque plumbum  
Tom. IV.

E ÷ II. Et mitte in vaso nobis recte, sufferens ignem, & decoquens inferiora fornace Vitriari, die VI. Et post haec eice, & confrangis minutatim, & iterum conflas; Prasino tingues.

V v

De

## De inoratione Musiborum.

De inoratione Musiborum facis pecula plus crofa quejussans. Post haec facis illa alia: & pones peculum heramentinum, ut incensum non berebit. Post hec pone petalum aureum super petalum vitri. Et supra ponis petala, super alia multum supra petalum auri. Et mittis utraque in fornace, donec inchoat solvi petalum vitri; & postea ejcis, ut refridet. Et tolle: frigas faciem in tabulam plumbinam ismironienam, donec adtenuas faciam; & coloras illud.

## De Mosibum de Argento.

Mosibum de Argento, secundum quod superius exposuimus, ita omnia facies.

## De Smurettas tabulas.

Quomodo smiruttas tabulas plumbinas facis tabulam ex plumbum; & tolles miram vibam, & teres bene munditer: aspargis tabulam, & defricas semen vitrum, donec confringantur pulberas mire ad tabulam. Et post hec operaris cum aquam decolorationem; tolles tabulam, & scaraxas spisse crucatim.

## De coloribus.

Metteres cretam argenti utiliter: aspargis tabula, & defrigas ibi ipsum vitrum, donec colari dietur.

## Decoctia plumbi terra est fusca.

Nascitur in omni loco in solanis & calidis locis. Signum autem loci herbae omnes infimae & debiles: similiter & arbores, terra fosca & petra, quae ex ea nascatur, & ipsa fusca: cabatur autem in altitudinem propter estuantem So-

lis. Et post haec tolles metallum solidas, & ipsa superlitter mittis in fornace. Ista terra mutuosus est Invenitur in montuosis locis in solanis & calidis. Et non dimiste, sicut principalis lapis, quia motuosus & infirmus est. Frigida enim terram semper metalla debiles facit. Calida enim principale metallum redet fuscum & mundum, & quod virtutem habeat fuscum metallum invenietur. Lapis enim, qui in ea invenietur, subviridis est, eo quod virtutem habeat solarem & calidam, per quod metallus ardens sintillas dimittit. In humidis enim locis plusquam alius metallus nascitur.

## Decoctio Plumbi.

Concoctio Plumbi. Metallum Plumbi fuscum est: & lapis, qui in ea invenietur. Praxinus desuper exalbinum propter virtutem floris terrae metalli: & quod femininum sit, sintilla autem in probationem ali solbe: & lapis Praxinus nascitur, sed subalbidus, & pondus plus modicum metallus gravior. Masculinum autem plusquam gravior invenietur.

## Decoctio Plumbi.

Coctio Plumbi. Metallus fuscus nascitur in omnibus loci: plus autem in calidis; & lapis, qui in ea nascitur, viridis est, sed non subalbidus. Metallus vero gravis. Probatio autem metalli; tollis, mittis in ignem. Quod ubi illi erit, & solum fuerint, sintillas dimittis. Lapis, qui in ea nascitur, humidus est, & herba, quae in ea nascitur, semper marcescit prae calitudinem metalli. Colligitur autem sic: pro venerationem Solis cabas terra usque ad cubitos tres altitudinem. Debilis est ipsa terra, & dum cabatur, desiccat. Ipsa vero in fornace excoquitur, quemadmodum

dum & ferrum. Plus autem incenditur Plumbum.

### De alia plumbi coctio.

Alia plumbi coctio ex ipso metallo. Ipsum metallum non siccatur, sed continuè dum lebatum fuerit, mittitur in fornace ferri cum carbonibus, & lento igni non succedens usque ad noctem. Nocte autem succendit usque ad diei horam quartam. Recoquitur autem, ut mundus fiat: & sic mittitur in fornacem iterum, & ex carbonibus pini aut de habetem. Et decoques per horas tres: & operaris.

### Decoctio Vetri.

Coctio Vetri. Arena est, quae nascitur in diversis locis. Nascitur autem & in partibus Italiae in Montibus. Ista arena est autem & petra: habet colorem vitri, subnigra. Ista autem est probatio. Tolle ex ipsa arena. Mittis in calicula utiliter. Incendis cum carbonibus; & decurret de sub manum Vitrum, sed inutilis. Tolle & eandem arenam, & delubas propter pulverem, & dimittis decolare. Facies fornacem de Vitriarium. Et facies duos folles, & ipsa operatione priori Vetri decoque, veluti picis coctionem. Et tolles illud priore Vitrum, quod inutile est. Et comminues, & recoques in ipsa fornacem, sicut picem.

### De Pelle alithina extinguere.

Qualiter debeatur Pelles tingui alithina. Tolles pellem depelaram & labatam utiliter: & tolles gallam. Mittis per unamquamque pellem Libras V; aqua verò Lt. ras XV. Et mittis pellem, & exagita una die. Et post haec labas bene, & desiccas. Tollis alu-

men Asianum, mittes calidam aquam in ipsum alumen, & dum residerit, conde ex illo ipsam aquam, & mitte iterum repentem aquam, & exagita: & mitte in ipsam unam, aut duas, aut quantas volueris pelles, & tolles. Labas illas semel, & mittis bermiculum per unamquamque pellem dimidium Libr..... Haec est prima tinctio Pellium. Tolles bermiculum, & teres in mortario. Mittis orinam expumatam in cacabum calidum, & ipsum bermiculum tritum mittis in linteolo raro; & mittis in cacabo calente, & exagita, quousque exeat, quod exierit de linteolo: & relicum, quod remanet, mittis iterum in mortario, & teres. Et similiter mittis, & exagita, donec non remaneat in linteolo aliquid de ipso bermiculo. Et tolle ex ipsa coctionum, & conficis ipsas pelles, ut utrem. Et mittis ex ipsa jotta per unamquamque pellem Librae dimidia. Et defrica bene, & dimittis tota nocte manere in ipso, & manet. Confice, ut sufficiat, & fundes. Labas, & desiccas labora.

### De secunda Tinctio.

Secunda tinctio in eodem. Itaque extende priore pellem Tinguatur pelle pecurinam in ipsa meditationem, in qua pelles caprinae tinctae sunt.

### De tinctio Pellis Prasini.

Tinctio Pellis Prasini. Tolles pellem depelaram, & mitte sterces caminus & columbinus & gallinacium. Et solbes ea in jotta. Et mittis in ipsa pelles, & conficis eas ibi per tres dies. Et post haec eice illas exinde, & labas utiliter. Demitte desiccare. Et post haec tolles alumen Asianum, & secundum quod superius docuimus de alithina; & tolle post egluxa. Et ipsas decoques utili-

tiliter cum urina. Dimittis refrigerare. Et cuse ipsas pelles, sicut utres, quomodo diximus de alibina. Et coctione mittis in ipsos utres, & confrica bene, & insufflas modicum, ut habeant ventum. Et confice bene, donec combibat ipsum medicamen. Et post haec refundis ex ipsis. Et tolles ipsas pelles. Labas semel. Et postea tolle de Lulacim  $\div$  IV. per pellem, & urinam despumata Libras VI. Et commisce ipsum ut Lulacim. Mittis in ipsos utrem sicut jotta luze, & conficis bene, donec sumatur ipse humore coctionis. Et refundis, quod superat, in pecorina jotta luza & lulacin, sicut prediximus in alibina. Et exiet pecorinas secundo Prasinum.

#### Tertia tinctio.

Tertia tinctio vener pelle. Sicut superius diximus, confices. Et postquam labantur, mittuntur in alumen, sicut diximus, & post ei cedestipterea. Et post tolle Lulacin dimidia Libra, burinam spumatam Libras X. Et commisce in unum. Mittis in duos folles: & mittis modicum ventum. Confice, sicut superius diximus. Ista autem per dies quattuor assidue confices. Similiter & post quattuor dies mittis in pecorinam. Similiter & ipsas confices per dies quinque, & labas. Dimittis siccare.

#### Quarta tinctio.

Quarta tinctio melini. Confices similiter ipsas Pelles alumina eodem modo. Et post haec labas: de post alumen. Et tolle Luza, pisa, & decoques bene cum burina dispumata. Et postquam refrigeraberis, mittis ipsa jotta in ipsos folles. Et conficis, sicut prediximus per dies quinque vel sex. Et post hec refundis; & tinguis pecorinas, sicut superius diximus, & labas: desiccas.

#### De prima pandii tinctio.

Prima pandii tinctio. Confice eodem modo pelles. Et mittis similiter in alumen. Et post hec labas. Tinguis ipsas pelles in Vitriolo, & labas bene. Et compones bermiculum, sicut supra. Et deinde ex ipsa jotta coctionis mittis in ipso folles, & conficis, ut docuimus, & refundis operari pecorinas. Et labas: desiccas.

#### De secunda pandii tinctio.

Secunda pandii tinctio operaris. Tingue, sicut prediximus, cum Vitriolo. Et labas utiliter. Miste ex jotta Luze in ipsos folles. Et confices per tres dies.

#### De tertiis pandiis.

Tertius pandius. Tingues, ad modum diximus, melino. Et post haec tolle jotta concina, & mitte. Confice, sicut prediximus: corallus tenuis boni coloris, rubeis, marinis; tritis Libra una Lacca; conquitium Libra una; & calcitarin  $\div$  duas: galla  $\div$  duas. Trisa omnia, & commisce. Et decoques cum burina adsolet, & volueris ipsas pelles, sicut prediximus; & dum volueris tingueri, mittis ex ipsa jotta, & de urina dispumata, & mittis in ipsos follem. Sed confices per dies tres. Post haec labas bene, & desiccas.

#### De Porfiro melino.

Porfiro melino. Confices ipsas Pelles, ut supra. Et mitte in alumen; & deinde labas, & tingue melino. Post hec temperas coccum, & ipsa temperatione mittis in ipsa pelles tinctas. Et confices.

Ter-

## Tertius Pandius.

Tolle rubiam, & pisa bene. Mittis in caccabum, & burina decoques utiliter. Et post mittis modicum alumen, & commisce. Et ponis, ut refricdet. Et post hec colas ipsas. Jotta mittis in ipsos folles: & conficis bene die una. Et labas: desiccas. Et post hec tolle jotta Luze ÷ unam, & lulacin ÷ unam: & commisce, & tingué faciem de pelle.

Tinctio offuorum, & omnium cornorum, & omnium lignorum.

Tinctio Prasinorum de quodvis ex omnibus supradictis. Offa autem mittis in alumen Asiana dies duodecim. Cornum autem aluminas diebus octo. Lignum verò quattuor. Et post haec decoques Luza bene. Deponis quodvis, donec serveat, & dimittis, ut refricdet. Et deinde tolle ipsud, quod mittis, & facis lulacerin; mittis & dimittis illud diebus quinque. Et post eice: & labas.

## De tinctio Veniti.

Secunda tinctio veniti. Aluminas, sicut supra diximus, & facies lulacerin. Mitte, & quodvis & dimitte dies decem, cornum decem, & lignum tres.

## De conpositio cathmiae.

Conpositio cathmiae: nitrum partem unam: sulphur partem unam: Alia cathmia: alumen partem unam: sulphur vibum partem unam: nitrum partem unam.

## De tinctio Vitri Prasini.

Tinctio vitri Prasini. Tere vitram bene. Limas beramen mundum, & mit-

A tes in Libras de biturum beramen ÷ III. & coques per dies III. Alia Tinctio. Teres bitrum bene. Mitte per . . . . . beramen ÷ I. balumbi Hieptii ÷ I. & quoques per dies III.

## De alia Lactis coloris.

B Alia lactis coloris. In Libr. mittes seagnum ÷ III. & quoques per dies II.

## De Tinctio sanguinea.

Tinctio sanguinea in Libr. mittes cinnabarim ÷ III. & coques per dies II.

## De Tinctio rubea.

C In Libras vitris trita simitin ÷ II. & quoques & dies II.

## De tinctio Alithini.

D Tinctio Alithini absque ignem . . . . . ungues subtiles vitrice, & ungues dracontea . . . . . sanguineus. Et fiet sicut rubea de minus tincta melini colore minus tincta melini coloris in Libr. theuspiis . . . ÷ II. & quoques dies III. Rubeo in Lib. . . . . ÷ II. . . . . ista omnia commisce. Et teres bene. Quoques unam ora fiet ignis, sed secundum priorem virtutem, sed & medice . . . . .

## De Tinctio melina.

E Tinctio melina: alumina, sicut supra diximus, & coque Luza utiliter cum burina expumata, & mittis dum bulliet.

## De colores simili cinnabarim.

Colores similiter cinnabarim senopidem decocta partes duas, siricum partem unam. Commisce in unum, & temperas cum aqua, & fac cod volueris.

## De Pargamina.

*Pargamina quomodo fieri debet. Mitte illam in calcem, & jaceat ibi per dies tres. Et tende illam in cantiro. Et rade illam cum noacula de ambas partes; & laxas desiccare. Deinde quod volueris scapilatura facere facere, fac, & post lingue cum coloribus.*

## De Compositio Psimitthin.

*Compositio Psimitthin. Tolle acetum acerrimum: funde in ansum, ut facias quasi dimidium. Deinde plumbum delatum & extenuatum super acetum suspenditur, sicut acetum remissum: ipsa in ansum beluti fex subsedit, que facit elimpidatum acetum lebicam, & in Sole siccata terimus, & in aqua diu labamus, ut nihil habeat asperum, & lebicatam aquam in Sole siccamus.*

## De Calecetis.

*Calecetis. Glebae naturalis, que in Cipro Insulam invenitur, metalli cis colorem sub auro sum . . . . . intus benas habet defissas, asper ut alumen scissus, & in modum stellarum fulgensis.*

## De Cebellino.

*Cebellino fiet sic. Tolle lignum cerinum, aut de . . . . & munda ramus ejus ex corcite, & faciem ejus lebiter dola. Et post hec mitte illud in aqua, & obries in loco ubi est cenosum an . . . . . XX. Et post hec mitte, cice, & demitte ad umbra desiccare annum unum. Et dum volueris, labora quod vis.*

## De Memoriam.

*Memoriam universarum herbarum, lignorum, lapidum, terras, metallorum, amorum, aquae, fungi, salisnitria, frontitrio, resine, terre, sulfuris, eleacosi, de metallo. R. quidem metallorum quidem species hec prima. Metallum ex quo fiet auro terra rufa a modis subrubicunda propter adju. . . . . tant. . . . . illi terra est enim & alia similis. Et dum incenditur, perdet colorem. Et non est arenosa, sicut illa prior. Nascitur autem in solanis locis ea terra, & sic metallum auri. Metallum vero argenti umidis est. Metallum autem heramenti, petra est viridis, colore autem petre similis heramenti. Dum percutis cum petre bolo, ingnem emittit. Auricalci autem petra est melina: eodem modo ingnem etmittit.*

## De Metallum, lapis-est.

*Metallum lapis est colore ipso gargon.*

## De Plumbum.

*Plumbum autem terra est fusca. Lapis vero, que in ea invenitur, viridis est.*

## De Vitri arena.

*Arena, unde Vitrum etallizatur, est enim & lapis, & ipsi Visri coloris.*

## De Vitriolum.

*Vitriolum, unde fiet terra ogrizos . . . . . crete ubiherno tempore gutta, que ipsa colligent, & dequoquet: ex ipsa terra fiet calciatarin; que autem arida, Vitriolo.*

De

## De Alumen.

*Alumen autem metallum, est terra floriens de eritatin. Eritatin terra est alba, facilis ad pisandum.*

## De Sulfor.

*Sulfor ex terra nascitur, & ipse incenditur locus. Coctum autem commixtum oleo, & coquitur.*

## De Nitro.

*Nitro sal est, quod nascitur in va. . . & in limnas. In zelipo cavatur.*

## De Salsciftis.

*Salsciftis nascitur similiter.*

## De Afronitro.

*Afronitro verd nascitur in loco Nitri prius quam vel . . . & componitur autem & alium ex Nitro principale autem spumam a . . . alba ut nix. Compositum autem plus fuscum: abet autem eandem virtute.*

## De Terra sulforiton.

*Terra fulfuri tantum nascitur in eodem loco, ubi sulfur nascitur. Ipsa autem terra generat sulfur.*

## De Lapis etmathitis.

*Lapis etmathitis nascitur juxta locum, ubi sulphur nascitur.*

## De Argentum Vibum.

*Argentum vibum nascitur ex terra. Nascitur & alium ex metallum argenti in constationem.*

A

## De Auripimentum.

*Auripimentum metallum est terre.*

## De Lapis gagatis.

*Lapis gagatis invenitur in universis locis.*

B

## De Prasinus terra.

*Prasinus terra est metall. . . . . zatur.*

## Lulax.

*Lulax componitur ex terra & erbis.*

C

## De Lazuri.

*Lazuri compositum. Cianus compositus, ficarim compositus, jarin beramen, flos psimittim, plumbi flos. Ogrea terra est pandia omnia colores omnes. Compositio Calcuca Caume numet. . . . . eramen fiet. Cinnabarim ex argento vibro fiet. Siricum ex ipsimittim fiet enim, & ex plumbum berbarum autem terra & lignorum. Chrisocollon arbor est non alta, melinum habens interiorem lignum nucis cortices est frutices oligine, cortice mela, cortice bulmi, cortice celta cortice. Hec omnia tinctioni sunt. Rubia silvatica, Luza est monoclosus, Galla glande est Tamusaticar pustris est. Anticalbus Tutimallin herba est. Dantralasis dissobogauto herba est resina, omnes specie ex pino, & sappino: quoquitur pice recofa: pecolas semel bedrea ex ligno cedrino coquitur. Resina ex a pino nascitur. Resina abietiam ex abiete. Nascitur mastice ex lentis: connasitur Zigea ex Zigeo. Gumma ex Atrinia. Secunda gumma ex Acmicdala. Oleo ex Oliba. Linelcon ex semine lini fiet. Corallum ex mare.*  
Oleo

D

E

I I

Oleo lentissimo ex lentis. Co fiet conquili-  
 um ex mare. Sal ex mare. Hec om-  
 nia presignavimus tinctionum coctionum,  
 quorum Rec. . . . . lapides predixi-  
 mus, metalla, baluminationes, herbas,  
 quas inveniatur, qu. . . . . ex resinas  
 colea, resinas terras; quid est sulfur,  
 olea, aqua negra, aquas asmaginas, vi-  
 scum, & omnia plantationum agralia,  
 & omnia, que germinantur & domesti-  
 cis & marinis. Cera Apium, axungia:  
 aquarum autem dulcia omniaciem: ligno-  
 rum verò pinus, salsapinus, giniperum,  
 Ciparissus, cinere autem, glande & fi-  
 cus: omnium istorum requisitorum ne  
 aque recipit, qu. . . . . ex urina expu-  
 mata acetum cum aqua pluviabile aquam  
 ante primus omnia ista prediximus.  
 Modo autem plena mensura . . . . .  
 Lib. X. Sextarius Lib. III. Cont. . . .  
 autem Lib. XII. Cal. . . . IV. idest  
 Lib. XL. Temperatio autem aceti cum  
 aqua pro inluminatione ad hoc . . . .

#### De Petalo auri.

Quomodo Petalum auri fiet. Aurum  
 Bizantium ÷ I. Argentum mundum si-  
 cut . . . . . ÷ I. commisce in unum, &  
 purgat illum per plumbum. Et post  
 funde: exinde commisce, & batte lacmi-  
 na; & post illa battuta subtiliter reci-  
 de illam per pensum usquecumque tremis-  
 ses Bizantii. Et postquam perfecti &  
 qualiter: & si una longa fuerit aut  
 curta, per martellum adequetur. tam de  
 latum quàm de longum, si qua fuerit.  
 De ille ÷ duas, octo petiae fieri debent.  
 Scaldato illo in foco, batte, & tene  
 illud cum tenalea ferrea, & cumque  
 battis, sed tornatur de intro in foras  
 ut curtae in medio ad paris eat; &  
 quando crescens emisce unum, recide il-  
 las super cultellum per pensum tertias  
 vices, & in quarta vices. ubi equale  
 penset super totum, & plicatum illud

A caput ad caput, & pensat equale, &  
 dextende, & a forfice recide; & super  
 ipsas capillatorias capud ad capud ponat-  
 ur & battatur manu una lebiter, &  
 mittatur in oleo. Et postquam sunt de  
 ille octo petie sexaginta quatuor, &  
 postea facis casa eramentea, & semper  
 eum scalda, & aliud eramen pone ad  
 battere una petia desuper & una de-  
 subtus. Et quomodo battis ex martello  
 plano tantae manus de illo capite, quan-  
 tae de illo. Et quomodo crescit semise  
 prima recide illud: & pone unum su-  
 per unum usque in tertia vice. Post in  
 oleo mittatur: & semper eramen pla-  
 cantur & aliud jungantur, & tandium  
 battatur, ut de ille octo petiae mille  
 XXVIII. Et circinetur illud a forfici,  
 C & ipse circinant restringe in pannum  
 lineum, ut debat ardere in ipsa fornace,  
 ubi petalum mittitur. Et ipsa fornace  
 debet fieri pedes duos alta a terra  
 & ponatur tegula pertusa super  
 murum de uno latere, tres pertusa, &  
 de alio tres, & in medio unum, &  
 alia tegula ponatur super semisse unum  
 altum a terra, & pertundat ipsa in  
 medio loco & a terra pertusa unde mis-  
 tantur ligna, & denante unde mittatur  
 aurum: & ipsum aurum debeas come-  
 mere de femur bovinum munditer fieri  
 & de sale, & quale arsa trita sicut  
 cinere commisce in prima vetere cinere  
 mittatur, & in secunda nova, & in  
 tertia a simili setacciantur. Et postquam  
 petalum coloratum fuerit, quidquid la-  
 borare volueris deaurationem petali cum  
 bluta de obum gallinacium. Et si deau-  
 ratione vitri fuerit, sic similiter, & si  
 deauratione lignum fuerit, cum gipso  
 bluta faciat. Corium taurinum crudum  
 capellatur, & bulliat in cacabum no-  
 vum cum aqua, & deserbeat dies duos,  
 & tres dies temperas cum gipso, &  
 in ligno, aut ubi volueris, faciet: tol-  
 let pellem de squattu quadriga cum  
 ipsum.



ipsum gipsum, & post illum siccum rade cum cultellum acutum, & deaura postea. Et si plumbum deaurare volueris, funde illud subtiliter, & rade munditer, & pone petalum super, & cum ematite lixas, & stagnio opera si deaurare volueris similiter.

#### De ferrum deaurare.

Si autem ferrum deaurare volueris, tolle calcitarum & alumen Asianum, & equis ponderibus, & sal similiter, & dracantum, tantum pensum, quantum tota tria, & commisce cum aqua ista tota, & in cacabo eramento mittere. Et per horam unam bolliant. Et ungue ipsum ferrum, ubi deaurare volueris, & modicum laxa stare, & terge illud, & fiet color eramentum. Et tolle lapidem onicinum, & lixa illud; & si exierit & color eramenti, & retinques eum, & si ipsa deauratura non volueris, prinde, remisce cum medicamen equaliter, & unguet.

#### De deuratione Pallii.

Ad deurationem Pallii, sicut superius diximus de bluta taurotica in qualemvis pannum facere volueris, & si lixare volueris, cum onicino lixas.

#### De Millii cum rubride aurare.

Si Millum cum rubride aurare volueris cum petalum cum blutam obi galinacium, & si ipsum millum facere volueris, tolle masticem libanum ÷ unam, pisa in mortario, & commisce in unum, & fac millum.

#### De confectio Lucidae.

Confectio Lucidae quando fieri debeat petalum aureum lineleon ÷ V. galbanum. IV.

A num ÷ II. terbensina ÷ I. picespina ÷ I. Ista tres species solbe in unum semel cum modico lineleon, & post ea Crocum orientale ÷ I. libanum ÷ IV. murra ÷ II. mastice ÷ II. resina sapphini ÷ II. flore puppla primotica ÷ II. veronicae ÷ II. lineleon e tauricella commisce eat mastrana, colas post tota ferja misce ibi cum maceras ÷ II. crocum, libanum, murra, gumma, cerasim, resina sapphini, flore puppli, veronicae. Pisa ista tota, & cribellata bulliat cum uncias quatuor lineleon. Et post totae bullite per linteum colatae, sic debeas miscere istae in species, quod est galbanum & terbensina, & picespina. Et si aliquid vitium postea habuerit, ut se desiccare non poteat, junge mastice quantum volueris, aut unciam unam, aut media.

#### De Petalo argenti.

Petali argenti in modum auri battatur de petalum stagnum, quomodo petalum stagnum fieri debeat ÷ II. batte lamina longa & gracile, & recide ea per pensum usque at quinque vices & juvenium eum divide.

#### De fila aurea facere.

Quomodo petalum fieri ad fila aurea auro bonum sicut metrum, batte lamina longa, & gracile; quando per longum battis, plica eam in unum super unum, & sic eas battes sed plectaturas non battis. Et postea aperis aurum per modium, & amba capita non battuta in medio veniant; & batte, & cum ala eum divide. Et post debeas adplanare cum matula ligata, & de solum aurum debeas facere tres petalas. Et post tolles forfices bonas subtilissimas longas & graciles; & circina illum usque ad sanum, & plica unum cata unum petalum.

nitro, donec non pareat: deinde mittis aquam & effundis. Et iterum mittis sal, & ablues similiter. Et ubi par aurum remanseris, adicies aëries flos modicum, & fel taurinum. Et conteris simul, & scribes, & literas polis. Si verd vis, ut diffusum sit, & ambundantis vis scribere, teris separatim auripigmenti quatuor partes scisciles, & electri parte una: & crivella; & misces inde tantum, quantum equalis sit auro; & conteris pariter, & scribes. Cum siccaberis, polis. Ex hoc autem & sinuitur eo & in marmore pinges, ita ut simili modo quasi cum auro scribas.

### Scriptio similis auri.

Scriptio: elirium & tres, rexine frixe lucidissime & tres, gumen auricolores & tres, auripigmentum clarum & tres, fel testudinis & tres, alumen oborum & quinque. Sint autem omnia & XX. Adicies autem croci Cilicenis & septem. Scribes autem non solum in membranam, aut carta, sed etiam in vitro, vel marmoreo vase.

### Inauratio pellis.

Tollas pellem rubeam, & pumicas eam diligenter, & temperas aquam tepidam, & labas ea diligenter, quoadusque limpidam aqua egrediatur. Deinde tendis in cantario, & laminizas usque tres vices. Post hec tendis in axe mundam. Sic facies desuper, & cum ligno mundo cuoequas diligenter. Postquam autem exsiccata fuerit, tollis al-

A bumen obi, & sungia munda, & intinguis in ipsum lacrimem: & inducis semel per ordinem. Si autem non sufficit, inducis iterum. Et cum siccatum fuerit, ponis petalum. Deinde intinguis spungiam in aquam, & premis, & cum siccatum fuit, polis. Deinde super cum pelle munda fricas. Iterum polis similiter, & dracanto inauratur, ita tamen, ut mittas in aquas sub nocte, quoadusque sobatur.

### Quomodo eramen in colore auri transmutetur.

C Tollis eramen mundum limatum partes duas, & alumen Affianum in mortarium pisatum diligenter & cribellatum partem unam, & comisce. Et mittis in caliclo, & ponis in prunis, donec confletur, & comisceatur heramen cum alumen. Et desine succendere. Nam ex multo incendio incendet alumen ipsius eramen. Et postea infundet ex urinam ipsam formam vasorum, que vis facere. Et sic funde ipsum eramen: in secunda cumflatura non perdet colorem; in tertia perdet. Cum limas, non perdet colorem, & cum battis non perdet colorem. Cum verd frangitur, inutilis erit. . . . . omnia alumen Hegypria fresca solid. tres, nitrus ÷ unam.

### Operatio Cinnabarim.

E Componitur sic. Tolles ydroargiris mundus partes II. fulfuris vibri partem I. Et mitte ampulla sine fumo, & leniter igni decoques: facies cinnabari. Et laba utiliter. Post hec tolles petala mundissimas de eramen. Et suspende super acetum acerrimum. Pones ad solem immobilem. Post dies aperies, & tolles ipsa petala. Colliges storem, & facies jarim mundissimum. Post tolles plumbum. Facies petala. Suspende sicut primum  
X x 2  
su-

super acetum; & collige ipsum flore. Et labas bene, donec mundum fiat: & facies fini . . . . . Tolles de cinnabarum partem unam, & de jarum partem dimidia, & dimipsim partem dimidia. Et mittis in mortario marmoreo, & teres bene. Post tritionem mitte ex aqua, ubi coquitur hic visio-colon, & fiet.

#### Picmentum pandium.

Pandius porfirus: jotta decoctionis coquilii Lib. I. Cinnabrim ÷ I. siricum d . . . . . ÷ I. Omnia trita, & cum modica burina commisce. Mitte in vaso vitreo, & reponis ad Solem, donec desiccetur.

#### Quianus noscitur sic.

Propter pensum ante commixtionem specierum marmorem tritum bene commiscis secunda mensuram coctionis. Pandius viridis quianus: Lib. I. ipsimitim ÷ Itu mitte: commisce cum burina expumata. Pandius quianus Lib. I. cinnabarum ÷ I. Trita cum burina expumata. Hec omnia exposuimus. Q . . . . . ex terrenis maritimis floribus vel herbis exposuimus virtutes vel operationes earum in parietibus, & lignis, linteolis, pellibus, & omnium Pistorum. Ita memoramus omnium operationes, quae in parietibus simplice in ligno, cere commixtis coloribus in pellibus ischiocollem commixtum.

#### Compositio Pis:

Primo pice urida ÷ I. dragmas duas fulser vibus. Sol. III. Resine & III. Scyra: balii dicunt aqueoleum, balii flore, atque baluquedonia: Alexandrini autem amoraque. Nascitur autem in a-

A qua, ubi alba terra, terra ruffea, terra nigra: & inde autem de aqua fiet melinus super aqua in circuito exitus aquarum. Est autem qua gravis & egrota pro terra, qua flore generas. Si autem colligitur, Martius, Aprilis, si calidos locos usque ad Octobri mense: colligitur autem sic. Tolles ante lana mollissima labata, & imponis super aqua, & exprimis in vaso vitreo, abentem pertuso modicis sicera: aperies ipsum pertusum, & subpone lana munda, donec deliquetur ipsa aqua & remaneat amoraque. Itaque amorem aque mittis & I. balsamum mundum ÷ I.

aurias VI. oleum s . . . . . licum. Alii oleum ricinum dicunt: alii laucidis, a-

C lii verd viscum soli & I. picis cypressini Sol. I. aureas XII. picispinis Sol. I. Rapone exoleos Sol. II. nitro Sol. I. relinisteo, alii sodica, alii pandii ruspcant, alii guggam, alii manticam, alii timon, alii tricas, alii trico velmon, quo modo appii nascitur in aqua, in parietibus. Ubi calce qui dicitur erba cappillacia arida: serita ÷ I. aulocias, alii sticis, alii galmidam, alii gaddian, alii gevopha, alii Marci Anini. Alexandrini autem scara mundianis, auri papati, herba subtilis ramosa spina involuta albidians: multo exinde accedent candelas. Nascitur autem in locis petrosis & asperis. Folia sicut murta, & ipsa, arida & trita Sol. III. & I. robasticis, alii cocu-

E dera. Nascitur sicut rubus fortiores ramos & spissus: frustum verd exmitem Zizi Feblus rotandus, pro quo vocaverunt gentiles Zizifa acressis, habet intus grana triangula pilosa: ipsa grana siccata & trita Sol. I. omnia arida trita simos . . . . . Post hec commisce omnia: adezizza Sol. duo, & commisce & a-  
terres

terres butiliter. Repones in vasa testeo vituminato. Et dum bullieris lento ignis semel, fiet compositio picis.

### De extinguendum ignis.

Dicamus nunc ad extinguendum, qualem oportet abere remedium; si exardet ignis, necesse est cum furvere extinguere. Si plus arserit, arena infusa ne trina.

### De Lazuri.

Lazuri: principale folia floris viole collige bene, & in mortario mundo teres bene, & mitte saponem: ex aur... ungia sine calcem mundus facies cum aqua tepidum; & solbe saponem in Lib. aque ÷ I. & fricas butiliter ipsum saponem cum aqua, & dimittis refringere. Et post hec mittis ipsam commixtionem in ipsos flores tritos tritura flores. Et mittes illum in vasa vitreo, ubi possis manum mittere. Et reponis illud ibi; & post tempus ibi commiscere. Semper commiscis eodem modo, & permovis, comiscis, aut non comiscis, cotidie nobis semel in die usque ad unam ebdomadam. Post hec tres dimittis, & duos permovis, donec decoquas. Post hec tolle ÷ Liliū fuscum maiorem, qui est porfir..... qui habet foliam veluti coltellus, simul & ipsum defricas in mortario butiliter, & dimittis sine sapone, mittens aquam. Et post hec tolles ex viole compositionem Lib. II. alumen Egyptii. Spuma si forte est sapone spumatum alumen mittis; si debile, crudus, mittis ÷ II. burina spumata Lib. I. & lento igni decoques per oras sex & simul ..... est, mittis urinam sive romultum Venetum. Mittis plus alumen. Si autem Lazurium visci..... ex albo liliū domesticum mittis, quas sufficiat, & decoques.

Castum autem coctionis tollis lignum concabum. Eice Lazurium; erba papaveris cocta cum folia florum reponis in piniatu novum una die, & aperies, & pones ad una die, & dum marcescit, tolles aquam inctio collon butiliter cum modicum cinabarim: commisce, & exies color pandius.

### Compositio Lulacin.

Flore caucalide, flore lini immundi magna mole duarum supradictarum, debiolam ÷ I. no..... partes duas, de maiore partem unam, magma autem talem nos secundum compositionem Lazuri, sed tantum cum aqua: de Lilio autem Veneto maiore partem una ista magmata fient, ambas in lignum detritum butiliter. Reponentur in vasa vitreum magmata duo: viole autem minore simutim facies magma, & de lilio Veneto maiore simutim facies magna. Deinde mittis de labo, idest de cuo callida & de tenio partes duas, & de viola minorem partem I. & maiorem partem I. alumen Egyptius spuma in Libras de magma quattuor specierum alumen Sol. V. sapone ex axungia sine calce ÷ I. Ista decoques. Modicum teres unguatum, exnerbiatum uvatum Lib. I. Post hec commisce magma decocta cum ipso uvatum, & comisce cum coctione magme, & butiliter teres, donec pulvis fiat. Tolles post hec & pones ad Solem. Istud est Lulacin. Zebelazuri zonta & ex floribus compositum est. Flores neulacis, quod gregetapsia dicitur, alii camaleonta; collige flore & repones; & post hec ungue manus tuas ex sapone deuncto sine calce & deinde fricas inter manus flores, & repones in vasa. Post hec ungue manus tuas sapone & ipsos flores. Iterum defricas div..... & reponis. Facies, donec ipsi flores consummantur. Et repositum in vasa

vaso cooperis utiliter in locum calidum. Et aperies. Cognosce, donec fiat veniti colores. Et post hec dimittes eum discopertum: tantum cum panno cooperis; tantumunde & tollas de uvatum viride, & decoques ex nerbiata, decoques cum burina expumata, donec solbantur folia, & tamdiu quoquis, quoadusque consummatur ipsa urina, & fiat pinguis ipsa coctio. Et demitte, ut refricdet. Et tolles de flore neulacis Lib. III. ipsud autem uvatum Lib. II. & cinabarim dimidia ÷, & commisce: tere munditer. Cooperies ipsum mortarium, & demitte illum requiescere. Et tolles op.... & mundas intus & foris butiliter, & delabas, ut nec sordes dimitta nec linum. Et tolles ipsa ostria, & pones in cacabo nobo, & decoques in fornace, donec ardeat & fiat pulvis, & refricdas. Teres simutim butiliter. Tolles ex ipso pulverem Lib. I. & tolles jarim mundum, & mittes in alia urina dispumata; & teres diutius, donec turbuletur ipsa urina, & fiat viridis. Et post hec ex ipsa burina turbula comiscis in ipsum mortarium, & defricas bene. Et repones in vaso nobo. Et pone ad solem diem una; & post cooperies, & linies. Et pone in fornace de Vitriario superius die una. Et omnes Lazuri.

### De Rufseo.

Rufseum verò de tribus speciebus componitur: hec coquitur sic. Tolle lacca. Teres utiliter, & comisce cum burina expumata, & decoques bene lento igni. Et ipsa coctione mittis ÷ I. Lulacim Sol. I. & trita butiliter. Demitte residere ad Solem.

### Alia compositio vermiculi.

Mittis vermiculum. Lib. I. coccarin Lib. I. Coccarin nascitur, sicut superius

A dictum est in folia cedrin non iritae. De post fornacem..... Lazurim primum ÷ comisce. Teres butiliter in mortario, & mittes burinas dispumatas Lib. XV. Et mittis in cacabo novo. Decoques donec ad dimidiam veniat partem ipsa burina, & ateres ipsa crana. Com.... cinnabarim in linteolo. Delabas sicut superius continet, donec consumatur. Et post hec reponis ad Solem.

### Alia compositio vermiculi.

Vermiculum Lib. dimidia: alii vermiculi I. ÷ VI. psimiti VI. Lulacim ÷ VI. trita utiliter. Ponis in cacabo. Addis burinam expumata Lib. X. & mittis in linteolo raro. Pisas ipsum. Coccum delabas in urina, & iterum pissas. Delabas burina, donec expendatur ipsud coccum. Sed decoque donec beniat ipsa burina ad dimidiam partem, & reponis ad Solem.

Pandius purpurei colorem compositus ex IV. speciebus Lulacim, Quianus, Cinnabarim, Lacca & quibus ponderibus trita, & componis in vaso vitreo; & ponis ad solem, donec desiccetur.

### De Metallo.

De Metallo ad auro coquendo indicamus vobis, comodo coctam fieri possit de pinguitudinem; & dum ipsum metallum inventu fuerit: facies vasum, quod de ipsum metallum recipere debeat Libras XX. Et postea mitte cum ipso vaso in fornace, & sufflare ad ignem ad ora prima usque ad hora sexta. Postea vero pinguitudine metalli mittendum est corallum Lib. II. Amomacos fundatum caucuar... Libram sable Lib. II. cera alba ad sufficientem, quantum opus fuerit, unctum Lib. II. tartarum Lib. I. coctam de omnem pigmentum per semetipsum singulis intratum.

tratem, quod vos legitis, nos amam  
probatam habens si isto delectabile, quia  
tres metalla ad auro coquendo continet,  
& alium metallum indicamus vobis co-  
cendum; sed plus verò discolueris, qua  
metallum auri, quod ipsum cocere vo-  
lueris; sicut nos odore erit, & in ipso  
vaso, ubi coctum fuerit mittentem: pri-  
ma vero coctura pice ardastra medietate  
Lib., alia vero persusa vetrum mastalo.  
Tertia verò coctura stagnum Lib. II.  
qui ipsum metallum ad opera salvam per-  
ducit. Et dum coctum fuerit, & sic  
istud quid in ipsum metallum mixtum  
fuerit, ad pulberem vertitur, quia pro-  
batum est.

#### De Prasinus tera.

De Prasinus terrea est viridis & ipse  
lapis terrea viridis, ex quo metalla ma-  
natur; argentum nascitur autem ex ipsa  
terra in locis petrosi, ubi inveniuntur  
multa metalla, & diversis coloribus:  
ista petra trita albas venas habet, &  
decocta exeunt nigra. Sic enim proba-  
tur; comminuta post coctionem, intus ut  
argenti colores ostendit iste lapis, quod  
exiet argentum. Tolle ex ipso metallo;  
fornace enim superius prime cathmite  
mittis ipsum metallum in catia camini,  
& imple carbonibus, & decoques, ut  
superius diximus, iosu ligna, & sus  
carbones: & decoques & fundis in die  
una: & dimittis refridare in ipso lo-  
co. Et post hec tollis ipsa massa, &  
comminues minutatim. Remittis in ipso  
caminum sicut primum: & cum illud  
plumbum remanens in C. Lib. masse  
plumbi XV. Et coquis sicut prius per  
dies III. Post hec iacice ipsam massa.  
Et committis in calice, & conflas per  
duas oras.

#### De Lapis Adaman.

Lapis adaman nascitur ex cathmia  
& auri coctione in prima contritione  
massa, & post prima coctura, dum  
confringis massa omnis massa & con-  
fringitur leviser ista au . . . . . re-  
manet alia magna, alia minima; qui-  
bus ferrum non dominatur, nec aliud  
quid aliorum lapidum: ipsa autem po-  
tes . . . . . qui omnibus prevalet, so-  
lum plumbum potest; & hec plumbi  
potentia. Tollis plumbum femininum fa-  
cilem & mollem, & solbis in loco &  
jactas ibi ipsum adamantem parem,  
quum volueris subtiliare. Et lento igni  
succendis plumbum: & dum ceperis sub-  
tiliare, continuo cum mordace tolle,  
& in sapone ex oleo operies. Et post hec  
tolle leniter mundissime, eo quod sit de-  
bilis. Est enim fragilis, plusquam plum-  
bum, eo quod salbatur in ipsa plumbum.  
Et deinde tolle illud de ipsos saponem,  
quantum volueris subtiliare. Et post  
mitte in igne diligenter, & candet per  
horas duas vel tres, donec candet uti-  
liter. Deinde tolle, dealbas, & exiet  
adamans, cui ignis non dominatur, nec  
ferrum dissipatur. Laboras, non corda-  
tur, per quod omni . . . immitare quod  
volueris operare.

#### De Conquiliium.

Conquiliium nascitur in omni mare,  
plusquam in insola, in his lacis, con-  
culam habet in se locum sanguinis, &  
sanguis rubeus porfiri rontas, ex quo  
porfira tinguitur. Collicitur autem sic.  
Tolle conquiliium, & quoquet ipsum san-  
guinem cum carnibus; & tolle moriam  
de mare aut salis morie, & componis  
in vas, & dimittis.

De

## De tictio porfire.

Tictio porfire. Tolle alumen Alexandrinum, & terres utiliter, & pones in gabata, & mittis supra caldam bullientem, & permove diutius, & dimitte residere. Et post hec cola ipsam caldam, & exaginat. Mitte ibi quod habes singere, & quod periet. Dimitte duos dies. Et post dies duos commode, & fac quod iosu susu.

## De difirentia exaurationis.

Difirentia exaurationis; si in ligno agnigdale in infusa una die, deinde teres utiliter ipsam gummam cum aqua, & addito crocum, quod sufficit. Tingue ipsam aquam cum gumma, & tepesacta omnia lento igni, ut necesse fuerit; operavit in ligno in primis, vel in parietibus. Tollis albumen obi subtile, & addito gracum, quod sufficit, singue, & commixta, & terrarum panis in vaso vitreo lineleo ÷ I. gummam infusa ÷ I. grogum, quod sufficit. Commisceet cum aqua. Dequoque ista tria capitula; ubi necesse est in exauratione petalarum operare.

## De compositio linei.

Compositio Lineileum Lib. II., gumma ÷ resina supini ÷ I. Omnia trita dequoquantur in vaso terre.

## De Lineleo.

Lineleon exauratione. Lineleon Liber II. gumma ÷ resina ÷ crocu Solidus II. Ista trita & commisce, quemadmodum superius.

A

## De operatio externiture.

Operatio externiture exaurationis; si super pelle cruda immobilem tinctam, aut ex psimistbin mittis, aut ex aliquo quolor externitum ista crisopetala reponuntur. Et post desiccationem desuper lineleon perunge expositione, quod superius docuimus, ubi crocum componi diximus.

B

## De inductio exorationis.

Inductio exorationis. Petala fiant, de stagno fiant, aut, si solbe bene, ipsud stagnum effundes paulatim marmore. Et facies petala subtilia sicut ex auro. Et ponis sicut crisapetala, ut supra docuimus. Et quoque erba celestia, & ex ipsa coctionem colatam missi ÷ III. crocum Solidus III. anripigmentum Solidum I.

C

## De Crisocollon.

Crisocollon in omnia: Calcuececammon ÷ I. sapone olei Sol. III. calcitarum Sol. I. Ista commisce. Primum teres calcuececammon utiliter pulber & castarium simatim, & commisce cum saponem. Et quantum necesse fuerit aqua ipsam crisocollon.

D

## De alia crisocollon.

Alia crisocollon. Calcuececammon Lib. I. alumen Sol. II.

E

## De Crisocollon aurum.

Crisocollan aurum commixtum cum argento viho: & post hec intra in caliclo, donec ardetur ipsud argentum vihum. Et post tolle aurum, & teres in mortario munditer, donec fiant pulvis.

Ei

Ei commisceat illud cum saponem ex oleo quam sufficit octio crisocolli.

### De argenti gluten.

Argenti gluten partes duas, & bramen partem unam.

### De alia argenti gluten.

Alia argenti gluten. Argento mixto cum argento viro, & ponis in ignem donec desiccetur ipsud argento viro. Et post hac teres utiliter, donec fiat pulvis. Commisce cum saponem, & aquas, quod sufficit.

### De aeramenti gluten.

Aeramenti gluten. Aeramenti Liber una, plumbi Liber duas. Commisce. Salbis primum aeramentum. Deinde mittes plumbum, & commisce in unum.

### De Stagni gluten.

Stagni gluten. Stagni partes duas, & plumbi unam.

### De petre gluten.

Petre gluten. marmoris albe aridum pulber; & roller bitocolon. I. Taurocolon. I. & mittis cum aqua commixta. Coquis dum bullieris. Mittis pulber marmoris, & facis gluten marmoris.

### De petre gluten.

Petre gluten. Bitocollo. II. casci gluten. I. duas. Et mixto in ipso pulbere marmoris, sicut superius.

### De Ligni gluten.

Ligni autem gluten. Taurocolon simam, ittiocolon simam, gluten aurum autem & argentum, sicut superius docuimus in exaurato.

### De Glutinatio.

Glutinatio: lingua in aquam ittiocolon. I. Taurocolon. I. latifacit. I. itimalli lac. I. Ista misce in aqua. Decoque. Est gluten ad scalpbita ligna. Si lignum in lignum, autem ex tribus supradictis. Si autem ossa in lignis casci gluten. I. commixtum cum ittiocolon. II. Et mittis. Decoque in unum, & gluten calidum calofacis modicum ipsa ossa, & inglutinas.

### De Lapis orebus.

Lapis orebus, quem vocant Alexandri cathmia, nascitur in umidis locis. Est autem facilis ad pisandum. Est enim niger. Ingreditur in solidatura argenti.

### De Lapis aerietis.

Lapis aerietis, quem vocant Edecom pandum: est enim terra prasina, in qua nascitur, crescentem autem terra & efflorescens florescentes flores album rotundum. quadragatum. Post hoc sgringit, & fiet lapis florentem flore constringit terra ipsa prasina, & sicut petre alie aut colores melini, alie pandi, alie candidi, que dum per percussis fuerint, exies ignis, ac ipsi ingreditur argentum vibum. Aprile Mense & Maggio exalifcente terra habundanter flore cabas humidum lucam usque ad genucatum, & dissipet de terram. Interdum flores de res duratur & aderantes terre fultos lapides. Alie enim floriant & indurata.



verunt, & terrenum adferunt; sed remanserunt ut margaritas, eo quod non conjunxerunt tempus. Alia flore competentis tempore sicut nibe alba, quam cum invenerit istam, allebat cum banga terra cum floribus. Et mittis in pila marmorea. Et dum impleveris, mittis aquam. Et commisce bene; & terra, que in ea est, jacta foris, & remanere argentum vivum. Exiet autem & de metallo argenti quando in quo ad incendere precurrit. Et colligent illud artifices.

#### De Lapis fumice.

Lapis fumice nascitur in universis locis. Testis ingreditur in capponovo, & mittitur in fornace figuli, & coquitur bene, coopertum utiliter, ut non ingrediatur aliqua immunditia. Post hec eicitur, & teritur subtiliter, & in compositione auri per gemmam ingreditur in temperatio . . . decalama.

#### De compositione auripicmenti.

Compositio auripicmenti: triti mundi argenti vibri ÷ I. auro crenisse ÷ I. aurum autem battis, & facies petalum, & mittis ipsa petalum & ipsum argentum vibum in erulla ferrea; & incendis donec solbatur aurum, & commiscuatur cum argentum vibum. Et post mittis auripicmentum in ipsa erulla modicum, & commixtione argenti vibri. Et decoques bene. Et exaginta, donec fiat pandius.

#### De calcoce caumenum.

Calcoce caumenum fit ex cramen mundissimum Petala munda: mittis in caccabum inustitatum ipsa petala, & sulfor vibum tritum; sterni primum ipsa petala in caccabum, quantum capet. Et post hoc aspargis sulfor, & post super-

A pone petala, & deinde aspargis sulfor, & post superpone petala; & ita facis, donec impleas ipsum caccabum. Et post pone ipsum caccabum in fornace Vitriari. Coque per dies quatuor. Et dum refricdaveris, confringes comminuto alumen Asianum secundam compositionem sulfuris simul. Cooperietur ipse caccabum, & letatur cum argilla secundam operationem prioris, & coquitur per dies sex. Ipse autem dum confringatur solbe calcoce caumenu.

#### Ad cluttan auream de Letarum.

Eletarum comodo fiet? Pones duas partes argenti, & cramenti tres, & auri tres. Aurum & cramen equibus.

#### De glute Auri.

Glutem auri: ad fistulas de crisoclabum, & taridi ÷ I. calcucetaumenum ÷ II. afronitron ÷ I. sapone ex oleo smecalce ÷ I. vitriolum Sol. II. acetu dimidio ÷ I. aqua ÷ I. & commisce. Pone modicum tepidis &c.

#### De Littargirium.

Littargiri compositio. Aliud quidem ex plumbum, aliud ex argento. Compositionem quem ex plumbo fiet, sic componis. Plumbum imponis in caccabo potius femininum & molle, & solvis illud bene. Deinde cum solutus fueris, cum pistillo ligneo frica plumbum, & incensetur. Mittis cinus cum carbonibus vivis, hac teres, & iterum mittis cinus. Et non desinas terendo quodadusque facias cum ut pulverem. Et post labas cum ex aqua. Si autem volueris cum, ut stringant & fiant spissus, mittis in caliclo cum oleo, & calefactum adunatur. Et dum refricdaveris, frangis caliclus, & exiet ut pisus.

De

## De alia compositione Litargii.

Alia compositio Litbargiri ex argento fiet sic: conflatum argento ex illa sortis, quae ex eo existit, trita cum oleo intra, secundum superiori compositione. Plus autem incendit propter fortitudinem argenti. Plumbi autem Litargiron, antequam solidetur, intrat cum aqua in vituminatione testea. Dum autem atrinzerit, ubi voluerit, necessarium erit.

## De Cemcausis.

Cemcausi: prima argenti & eramenti aspri calci battis aurum & facis petalos subtile tenues. Et post mittis argentum vibum. Et ipsa petala solbes, donec solbatur ipsius aurum. Si autem minuetur argentum vibum addis, donec coquatur aurum. Deinde mittis in testum, & cum alio testum testu teres, usque quod adtenuetur & commiscatur aurum cum argenteo vibu. Et vadebas, quod habes inaurare. Perungues madicum: excalescias, & exprimis cum lincolo mundo. Sic totum exterges. Quod aurum remanet, mittis in ignem probas. Similiter & una & duas inaurationes in vas novum mittis. Si autem lebiter semel unctum est, & defricas cum ferro, candens illum, & colatur. Deinde micas panis defricas illud, donec limpida colorem. Similis est & inauratio ferri. Sed primum alumina- tur. Tolles partem bitrioluni, & modicum sal, & acetum tam . . . . in calicem calescat, & exinde unguis fer- rum, & ubi habes inaurare. Hec est inauratio prima. Que autem vitum inaurat, tolle partem de cluta piscis, & partem de gomma amigdale, & mit- tis, infunde, & coque, & unguis ipsum vas, & concide subtiliter petala . . . . pone secundum similitudinem,

A quodvis facere similiter, & lapidem la- bas cum aqua, similiter & lignum, & dum siccaberis glutinatio cum acma- tita lapide aut cum ferro defricas.

## De Crisografia.

Crisografia & petalis: croco vetrif- simo tolles radices de ipso flores & ter- res diutius. Tolles obum & aperies. Proice primam, sequenti quod existit al- bumen suscipe in ipso crocum; & teres utiliter. Ungue, & suppone petala.

## De tertia Crisografia.

Tertia crisografia. Tolle argenteum vi- lum. Cummisce cum aurum, sit inter- rationem, & teres bene. Mittis in ca- licro, & pones in prunis, donec difi- cetur ipsum argentum, & remaneat au- rum invalidum. Et deinde mittis in Mortario marmoreo, & cum pistillo ferro. teres ipsud auro, & mittes in aqua. Decoquatur similiter. Mittis in compositionem ipsam aquam de sumam, teres utiliter, & pones in ampullam, & suspende ad Sole, ubi volueris cum ipso calamo cum quo scribere quod vo- lueris: similiter argentum & eramen- tum cumppnis.

## De tinctio petalorum.

Tinctio petalorum stagnu. Tolle cro- cum mundum: I. auripigmenti boni fessi: II. Et tere, & mitte cum gum- mo dimidia, & tincteon: dimidia, & aqua plubiale aut dulces comisce. Et bulliantur. Et post commisce confectiones. Teres bene, & tolle; cum spugia unge ipsa petala. Et dum desiccaveris secundo unge, & defricas tolle unci- num, & deinde frica, ut splendeat.

## De Sulfor.

Quomodo Sulfor quoque. Coquent lardum & ex ipso oleo tolle Liber II. & sulforis terra Liber IV. Mittis in cacabo. Trita ipsam terram, & bullies secundo vel tertio fundis latere.

## De Catmia.

Catmia compositio sic. Eramen mundum Lib. I. calcitarin  $\div$  II. afronito  $\div$  I. Sulfor  $\div$  I. Hec mittis in calico, & solventur in unum, & coquentur, donec comburatur ipsut eramen & calcitarin. Et lavantur ea, quae remanent. Catmia quignus eramen partem unam, & plumbi parte I. tripsis nitri  $\div$  I. calcitarin  $\div$  I. afronitrum  $\div$  I. commixtam & combusta: commiscet cum aceto, & reponis ad Solem, & siccates: amfons fiet sic. Tolles plumbum molle, & solbet in vaso testo forte & maiorem, ut sufferat tritura: tolles pistillum, & mittis carbones cum cinos supra plumbum; priusquam recfride, permoves illud cum pestillo lenter & bene, donec adtenuet subtilis, ipsum plumbum. Immittis cinos cum carbonibus & teres. Post hec mittis in gahata lignea & delabas. Post hec componis in cacabo nobis cum sulfur & decoques per III.

## De compositio afronitari.

Compositio afronitari secunda que & queritur a glute auri & argenti vel eramenti. Nitro Egiptium Lib. I. Sapone de axungia sine calce Lib. I. Teres busiliter, & commisce. Deinde autem ad Solem ponis, que in calido loco, buile est a glute auri; ad argentum autem propter mollitiam argenti componitur, molliat, duas partes de Sapone, & una de nitro.

## De compositio brandisii.

Compositio brandisii: eramen partes II. plumbi parte I. stagni parte I.

## De alia compositio brandisii.

Alia compositio brandisii: eramen partes II. plumbi partem I. Vitri dimidium, & stagni dimidium. Commisces & confas; fundis. Secundum mensuram vasorum facis, & agluten eramenti cum afrinitru.

## De Compositio Cinnabarim.

Compositio Cinnabarim: al..... inus mundispume ex argenti vibri & sulforis vibri partem I. argenti vibri partes II. & ipsa mundissimam tolle ampullam for..... & sine fumum, quia & colorem sulfori tritum & amixtum argenti vibum mittis in ampullam non plena minus abentem  $\div$  II. Quod si maior est, & III.  $\div$  minus habeat; & mixta exaginta. Et facies fornacem minorem vitriari, ut ampulla larga & capiat, & dimittis locum, unde ampullam ingreditur. Et divides cannas, & inde incendis fornacem. Dimittis & aliam fenestrellam minorem, unde exaltet flammam in circuitu. Signum autem coctionis hoc est: dum videris sibi ampulla minus habet porfirizontam, fumum & colore facientem, ut cinnabarim, desinis succedere. Nam ex multo incendio ampulla crepat. Et dum percussum fueris, dimittes eam refrigerare.

## De Jarim quomodo debeat facere.

Quomodo debeat jarim facere. Tolles lanuus eramenti, & derade bene, & suspende super acetum, & collectionem, quam facis, rades & collige.

De

## De Lulax.

Lulax ideo Indicum: compositio jarim ÷ II. vitrioli mundi ÷ III. alumen Egyptium ÷ II. uvato ÷ II. Ipsum autem uvato smoti pisa munditer, jarim verd & vitriolo & alumen in unum. Et tolle saponem ex oleas II. & sale dimidia ÷, & commisce in ipsas tres species: post quod pisas; commisce diligenter secundo cum sapone, & deinde tolle uvatu: pisa eum, ut..... & commisce ipsum cum supradictis speciebus, & defricas diligenter, & dimittis diem unum requiescere. Confectio ejus hec est. Hurinam mundam Libram I. requiescere, & ipsam dispumata & commisce cum ipsas species, & terres diutius, & si est caccabus ferreus, si non in eo mittis & decoques. Signum coctionis donec veniat ad tertiam partem. Et tolle gypsum coctum bene pisatum. Mittis: & tolle coctionem: commisce gypsum, & defrica diutius, & mittis in vaso, & ponis ad Solem, & dum extraxeris frangi spectis, & ponis illa siccare.

## De confectio Ficarim.

Confectio ficarim. Tolles lacca mundissima Libram I. & decoque cum urina expumata Libris V. & decoque munditer. Non dimittas supra modum bullire. Et tolle ossa cranci munda, & incende munditer; & terres quod sufficit, commisce in lacca, & tolle similia infusa in aqua, deliqua bene; pinguis autem sit illa deliquatio; & pisa in unum bene, ideo ossa granci & lacca, & ipsa deliquatio simile, & commisce. Mittis in vaso, & desiccas ad Solem bulliter ficarim.

A

..... & dimitte alios III. dies. Et post hec exaginta. Similiter & dimitte alios VIII. dies, & exagita de infra diem. Et post hec tolle inde, & mitte aliud alumen. Et facis exinde aliam tinctionem. Et mitte ibi. Et post tolle ipsam urina expumam semel. Et post hec mitte in caccabo creto. Et tolle ipsum coquillum, & laba leviter semel in aqua. Et post hec teres bulliter. Pone in panno raro, & delaba in ipsa urina caccabi. Et post hec de sanguine porcino, & inde frica, & ipsum bene similiter lava. Sanguinem aut..... porcinum, griavidum Libra, Conquillus ÷ III. de sanguinem porci; & post hec labas semel modicum, & desicca. Mitte in caccabo, & fac bullire. Et..... terre caccabi sub eodem modo Liber coquilli cum sanguine, ideo IX. ÷ coquilli, & III. sanguini porcini.

B

C

## De hoxi portiones.

D

Oxi portiones: & mitte innunum: mitte in eadem tinctionem quodquod volueris tantum ex alumen. Si autem volueris plus munditer tingere, mitte annum caccabum sicut primum. Fiet enim & tertia tinctio eodem modo.

## De porfiro citrino.

E

Porfiro citrino. Prius autem tingit citrino, & post hec intrat in tinctionem, ubi tingitur perfircur.

## De Crisorantista,

Crisorantista: crisorcatarios sana, migminos, metaydos argiros & cbetes, cinion cbetis, cbete, yspureorum, ipstion, ydrosargyros, cbemattha, aut abaletis, sceugnastus, dauffira, becnamixan,

*mizan, chisimon, per dieti terea pulea sibuli.*

### De Arisparfio.

*Arisparfio crisopandio: puluer auri triti, sicut superius diximus, cum desiccatione argenti vibri, idest puluer auri partes duas, & jarim partem unam commisce. Tum compositionem daufra, & dispone exinde quod volueris.*

### Argirolautista.

*Argirolautista: argentum mundum commisce cum argento vibro, & deinde tolle ipsum argentum, & teres donec fiat pulvis, & commisce tum compositione daufra, & dispone ubi volueris.*

### De alia argenti parfio.

*Alia argenti parfio paridio. Tolle argentum mundum, & commisce cum argento vibro, sicut prediximus. Et deinde mitte in caliclo, & depone in igne donec dectur argento vibum. Et post tolle argenti partes duas & jarim partem unam, & commisce ex compositione de aufra & dispone.*

### De petra qui dicitur Smira.

*Petra qui dicitur Smira incende omnem vitrum.*

### De terra que vocatur Limnia.

*Terra qui vocatur Limnia, que est alba subporfira, nascitur in petrossis locis, & bis signis cognoscis eam. Cum infusa fuerit sonum da stridoris, alumen vero viridem & porfirum. Omne zingue, & eraberillium & ..... terra nigra non ..... eo quod est fusta. Nascitur autem in Gyptum & Africa &*

*in Ebilat & in Italia. Nascitur in humidis locis, in vallibus. Ex ea tinguitur russeum commixta cum aceto, cocta rede colorem, & post bec reberatur in coctum.*

### De Lapis focaria.

*Lapis, que dicitur focaria, ex qua eramen coquoquitur. Nascitur enim & alius similis unum dum percutitur mitti sintillas varas. Et est rubeus. & igneus colorem habens eramenti: & dum igne missus fuerit ut probetur, incenditur, & colorem non mutatur: collectum autem & contritum minutatim, & collecta massa, & cum letamen vobinum aut caprinum & palea coopertum incendis per dies duos & noctes duas, donec consumetur ipsum letamen, in fornace autem ipsud possis coquere, & eramen & plumbum. Et post quod refricdaberis, colligitur ipse lapis qui jam coctus est, & prima pensionem Libras CCC. in prima coctum, in qua minutis carbonem cofinos decem; & toto fascis de tela. Et dum ingressi pueris magistri in opera & in cera omnia dimittis stare & refricdare, ut non curvat sicut plumbum aut ferrum aut cera metallata, eo quod piger fiat. Et dum se refricdaberis, comminues minutatim, & in fornacem conflatum operaris ex eo.*

### De Lapis fissos.

*Lapis fissus nascitur in Cappadocia, Asia, Iberia, & in Italia. Est enim fuscus & furtis. Et dum comminutus fueri inueniens in eum venas albas. Dum vero incensus fuerit, fiet rubeus, quem Alexandrini vocat catbmia, eo quod confla vitr.... Nascitur autem in altis locis & ventosis. Est enim ipse lapis crepidinosus.*

**D:**

## De Lapis gagatis.

*Lapis gagatis similis coloris auripic-  
menti: non enim sic multum viridis,  
qui dum rumpitur, ignem etmitti, &  
finditur lamiminas lamnas, per quod  
Alexandrini vocant eum petram plana,  
ex qua fit ceramarmor, qui pisatur sub-  
tiliter. Mittis Lib. I. de ipso lapide  
& duas taurocollo, & aque Lib. V.  
& bis, & tertio bulliens assidue com-  
miscens & fiet ceramarmor.*

## De Lapis trachias.

*Lapistrachias nascitur in universis lo-  
cis viridis, fissus, fuscus. Combustus  
fiet albus. Mittitur in caalimia in mun-  
datione argenti.*

Habes heic, si recte attendisti,  
quo in loco Latina Lingua foret Se-  
culo VIII. apud minus doctos, &  
quot verba ac formae dicendi e vul-  
gi loquutione in Latinam irreperent:  
exempli causâ: *ejicis, ut refridet:  
secundò quod pro secondochè: cuse ipsas  
pelles, pro cuci le stesse pelli: laxas  
desiccare, pro lasci seccare: batte lami-  
na, & post illa battuta: per martel-  
lum adaequetur tam de latum quam de  
longum: scaldato illo in foco, batte &  
tene illud cum tenalea ferrea: sed tor-  
natur de intro in foras: dextende: eum  
ibi scalda: pone ad battere: & denan-  
te: setacciantur: modicùm laxa stare:  
lixa illud: & si lixare volueris: prin-  
de remisce: flore puppli pista ista tota  
(sed fortassis ibi scriptum ut alibi  
pisa Latinum verbum) & crihellata:  
adplunare, seu adplanare cum matiola  
lignea: divide eum & adsucca: ossa  
granci &c. Nusquam memini me vi-  
dere monumentum serae antiquitatis  
Italicæ vulgaris Linguae frustulis tam  
saepè immixtum. Scilicet quoties*

A Linguâ Latinâ, quae sola tunc in  
scripturis usurpabatur, quisquam mi-  
nus peritus sensa sua exponere sta-  
tuebat, si eum deficiebant Latina  
verba, verbis, ac formulis Vulgaris  
Linguae utebatur in subsidium insci-  
tiae suae, agebatque coactus, quod  
postea consulto egit Merlinus Cocca-  
jus, sive Theophilus Folengus in lu-  
dicro Poëmate suo. Vide & Capitu-  
lum de Crisorantista, e Graeco qui-  
dem desumptum, literisque Latinis  
redditum ac expressum, sed aspectu  
omnino deformi, ac postmodum in  
altero subsequenti Capitulo de Argi-  
rosantista Latinâ rudi versione tran-  
slatum. Quod tamen interim ad rem  
nostram facit, hinc habemus, vel  
Seculis barbaris fuisse plura quàm cre-  
dimus Artium documenta ac artifi-  
cia. Plura non noscimus, quia illo-  
rum memoriam literae nullae serva-  
runt. Sed veri videtur simile, mul-  
ta opificia iis etiam temporibus tum  
ad necessitatem hominum, tum ad  
commodum atque oblectationem pe-  
racta fuisse: quae si superessent, lau-  
dem saepe, interdum quoque admi-  
rationem a nobis exigerent, atque  
impetrarent. Desiderius Casinensis Ab-  
bas, de quo nuper fuit sermo, non  
de Musivorum arte restituenda tan-  
tummodo sollicitus fuit, uti Ostien-  
sis scribit Lib. 3. Cap. 29. Chronic.  
Casinensis: *sed & de omnibus artifi-  
ciis quaecumque ex auro vel argento,  
aere, ferro, vitro, ebore, ligno, gi-  
pso, vel lapide patrari possunt, studio-  
sissimos prorsus artifices de suis sibi pa-  
ravit.* Ex hiis aliisque Artibus, qua-  
rum etiam nonnullae defecerunt, nul-  
la erat, quae studiosissimos ac inge-  
niosos admodum artifices non nume-  
raret, ita ut eo tempore mira perfe-  
cisse crederentur. Leo III. Papa, ut  
habet saepe laudatus Anastasius in il-  
lius

lius Vita, circiter Annum Christi DCCCII. juxta Ecclesiam Beati Petri Apostoli fecit in triclinio majori Mirae Pulcritudinis decoratam Absidam de Mustro ornatam; & Absidas duas dextrâ laevâque super marmore & picturâ splendentes. Idem Pontifex fenestras Ecclesiae beati Pauli Apostoli Mirae Pulcritudinis ex metallo cyprino decoravit. Praeterea in eâdem Basilicâ Pauli fecit Cyborium cum columnis suis super Altare Mirae Magnitudinis & Pulcritudinis decoratum, ex argento purissimo, pensans Libras duo millia & quindecim.

Atque heic minime omittendum est, praesertim videri floruisse Saeculis iis Aurifices, sive fabros, qui ex auro & argento diversa ingentis pretii & laboris opera conficiebant. Lupus Ferrariensis in Gallia Abbas Seculo Christi Nono ejusmodi Artificum mentionem habet, ita scribens Epistolâ 22. *Vestram opinatissimam flagito liberalitatem, ut duos nostros famulos a vestris Fabris, quos Peritissimos vos habere longe lateque Fama divulgavit, Auri & Argenti operibus erudi jubeatis. Et sane Romanorum Pontificum Viras adi apud eundem Anastasium. Ibi recensita videas ex his innumera, atque eam copiam, ut excedere fidem quisquam, sed immerito, suspicetur. Nam praeter alia vasa miri artificii, Imagines Sanctorum, Lampades, Coronas, Calices &c. ex auro argentoque singulari industriâ passim struebant. Idem Leo III. fecit Imaginem beati Petri Apostolorum Principis in porta Virorum, ex auro purissimo, & gemmis pretiosissimis Mirae Magnitudinis & Pulcritudinis, pensantem Libras decem & novem, & uncias tres. Pariter in Basilica Salvatoris, quae appellatur Constantiniana, fecit Cyborium cum columnellis suis quatuor ex argento purissimo, di-*

*versis depictum Historiis, cum cancellis & columnellis suis Mirae Magnitudinis & Pulcritudinis decoratum, quae pensabant simul Libras Mille ducentas viginti septem. Neque aliter Paschalis I. Papa in beati Petri Apostoli Ecclesia Oratorium summae magnitudinis atque pulcritudinis decoranter construxit: & super columnas in quadrifacio camerantes Mustro, pulcrisque metallis decoravit, & imaginem pulcherrimam de argento exauratam cum diversis historiis inter marmorum constructiones ordinatis infixit, quae pensant Libras sexaginta duas & semis. A pluribus recensendis abstineo. Sed certe omittendum non est, quod habet Eginhartus in calce Vitae Caroli Magni, dam scribit: Inter ceteros thesauros atque pecuniam tres Mensas argentas, & auream unam praecipuae Magnitudinis & ponderis esse constat. De quibus statuit atque decrevit, ut una ex iis, quae forma quadrangulâ descriptionem Urbis Constantinopolitanae continet, inter cetera donaria, quae ad hoc deputata sunt, Romam ad Basilicam beati Petri Apostoli deferatur. Et altera, quae forma rotundâ, Romanae Urbis effigie insignita est, Episcopo Ravennatis Ecclesiae conferatur. Terciam, quae ceteris & operis Pulcritudine & ponderis gravitate multum excellit, quae ex tribus orbibus connexa, totius Mundi descriptionem subtili ac minutâ figuratone complectitur; & auream illam, quae quarta esse dicta est, in tertiae illius, & inter heredes suos, atque in elemosynam dividendae partis esse constituit. Ejusmodi opificiis pretiositas materiei bellum intulit, eaque superesse diu non sivit. Verum si per summum rarumque prodigium ad nostra usque tempora servata fuissent, fortassis etiam miraremur artificum illorum industriam: haberetque eruditio nobili-*

lissimum antiquitatis fragmentum in Topographicis & Geographicis iis descriptionibus. In usu quoque fuit eisdem temporibus Ars ducendi auri in fila, ut vela auro texta satis produnt, de quibus in subsequenti Dissertatione XXV. sermo erit. Equidem novi, quid heic se interferat dubitationis: nempe mira haec & pulcherrima visa fuisse oculis eorum temporum, quibus vel distorta recta apparebant. Neque is ego sum, qui contendere velim, accessisse ad Romanæ & Graecæ elegantiae venustatem artificia Saeculorum rudium: quippe quæ Artem recte delineandi parum aut nihil excoluisse videntur; & quamvis ornamentis abundarent, ea tamen aut minutiora quàm par esset in magnificis operibus collocabant, aut sine ordine ac proportionem effundebant. Verùm ne tu quidem contendere contra possis, nil recti & eximii excidere potuisse e manibus ac ingenio Italicorum, aliorumque mortalium temporis illius, ac praesertim Romæ. Urbem hanc a ceteris, aut a plerisque distinguere mihi liceat. Quum illie ante Seculū XL Christianæ salutis longe plura, quàm nunc, superfuerint monumenta pretiosa seræ antiquitatis in Templis, in domibus, in tumulis, in vasis, in statuis, in columnis, in anaglyptis, in picturis, in musivis, in vitris, in marmoribus, atque in aliis ejusmodi operibus, elegantissimo olim artificio elaboratis: propterea facile etiam acciderit, ut post declinationem Romani Imperii, inter tot exempla summe commendanda emerferint interdum Artifices,

A qui sua efformarint ad veterum normam. In reliquis ferme Urbibus neque adeo illustria, neque tam crebra erant perfectarum Artium rudera & exemplaria; ac propterea nil mirum, si in earum Artificibus desiderata est plerumque veræ pulcritudinis ac majestatis idea. Illud quoque animadvertendum, fuisse quasdam Artes, B quæ postquam cum honore usque ad Seculū Christi X. perseverassent, exinde deficere, & in deterius ruere coeperunt, sive quod barbari mores in Italia ulterius quàm antea invaluerint, sive quod intestinis bellis & factionibus concussa & lacerata nobilis haec Provincia, barbaram quoque ac horrentem faciem induerit in Artibus suis. Nemo certe neget, quin post Annum Vulgaris Aerae Millesimum, marmora sculpta, & nummi percussi, aliaque id genus opera Artificum, nimiam recedere a liberalibus veterum Romanorum studiis, & rusticitatem quamdam ubique prodere coeperint.

C Ad texendi Artem, atque ad Lanificium, & ad Serici opera quod attinet, erit de iis sermo in subsequenti XXV. Dissertatione. Mihi nunc minime praetereundum est, fuisse etiam Seculis rudibus, qui novis inventis publicam rem auxere. Ego pauca delibabo, opinari tamen non desinens, plura intercuisse, aut eorum memoriam minime ad nos pervenisse ob Scriptorum inopiam. Referam in Dissertatione XLIII. de Literar. statu Epitaphium Pacifici Archidiaconi Veronensis, qui Anno DCCCXLVI. vivere desiit. Inter alia ejus merita legitur: D

E



HOROLOGIVM NOCTVRNVN NVLLVS ANTE VIDERAT.  
 EN INVENIT ARGVMENTVM, ET PRIMVS FVNDAVERAT.  
 HOROLOGIOQVE CARMEN SPERAE COELI OPTIMVM,  
 PLVRA ALIA GRAFIAQVE PRVDENS INVENIET.

Mirari subit, cur Epitaphii istius Auctor scripserit: *Horologium nocturnum nullus ante viderat*. Ante unum Saeculum, & circiter Annum Christi DCCLVIII. Paulus Romanus Pontifex (uti habetur in calce Epistolae 25. Codicis Carolini) ad Pippinum Francorum Regem miserat *Horologium nocturnum*. Fuerit quidem alterius & perfectioris formae Horologium Veronense; at certe *Horologii nocturni* inventum appellandum non erat novum plane atque antea ignotum. Porro quid hujus *Horologii* nomine veteres significarint, decernere ego in praesentia non ausim. Si enim Horologia heic indicari censem, quae ferreis rotis & ponderibus mota per campanulae pulsus horas nocte indicarent, cur haec *Nocturna* nuncupantur, quum & interdiu idem officium praestent? Quamquam ejusmodi Horologiis, ut olim Romani caruere, ita & plurima post eos Saecula caruisse videntur. Tomo XVIII. Rer. Italicar. in Annalib. Bononiensibus ad Annum MCCCCLVI. traditur positum Horologium in Turri publica Bononiae, cujus campana horas pulsabat: *e questo fu il Primo Orologio, che cominciò mai a sonare per lo Comune di Bologna*. Apud singulares personas erat antea usus ejusmodi Horologiorum. Et Dantes Cap. 24. Paradisi, Horologia nostra per rotas mota commemorat. Sed si antiquissimus eorum usus fuisset, mirarer cur tam serò ad publica com-

A moda translatus fuisset. Horologium ad Lunae aut Siderum radios tunc excogitatum, vix est ut ego suspicer. Fortasse clepsidra fuerit, aut aqua aut pulvere cadente instructa, a quibus horae nocturnae aut ad lucernam ibi constanter appositam, aut ad pulsus alicujus aeris, indicarentur. Attamen si pulsationem ei tribuamus, iterum peto, cur non & diurnum Horologium illud fuerit. In Annal. Francorum ad Annum DCCCVII. Aaron Persarum Rex misit Carolo Magno inter cetera dona *Horologium ex auricalcho arte mechanica confectum, in quo duodecim horarum cursus ad clepsidram vertebatur, cum totidem aereis pilulis, quae ad completionem horarum decidebant, & casu suo subiectum sibi cymbalum tinnire faciebant*. Si clepsidra fuit, ergo aquarium Horologium fuerit. Verum ego ab hujusmodi voce fucum mihi timens, id tantum ajo, potuisse Persicum illud Horologium aquae unius, aut pulvisculi lapsu, pilas emittere, novamque horam novo sonitu nuntiare; sed nil rei esse ejusmodi Horologiis cum iis, quibus nunc utimur. Doctissimo tamen Mabillonio teste, ante Annum a Christo nato Septingentesimum Anonymus Auctor Regulae Magistri floruit. Ibi verò Cap. 54. legitur: *Cum advenisset divinum horam percussus in Oratorio Index monstraverit*. Cap. 55. *Cum sonuerit Index*. Et Cap. 95. *Cum ad opus divinum Oratorii Index sonaverit*.

Haec

Haec perpendenda : videntur enim indicare Horologium campanae sonitu horas tunc nuntians. Nauticae quoque acus nobile inventum, & mirabilis ad navigationem Magnetis usum, potius quàm Britannis & Belgis, deberi Johanni Gojae seu Girae Amalphitano, Auctores fide digni tradunt, scilicet Flavius Blondus, Panormitanus, Ortellius, & alii. Quod tamen accidisse quum nonnulli putent circiter Annum MCCCII. non bene cum calculis Chronologicis consonat : sunt enim quae indicare videntur, medio Seculo XIII. atque etiam antea, notum fuisse admirandum atque hoc utilissimum Naturae arcanum. Neque est, quod ego commemorem celeberrimum inventum Typographiae ; uti & alterum exitiosissimum simul & mirificum Pulveris pyrii. Haec enim Secula quidem posteriora detexere, sed nequaquam in Italia.

Quod est ad Artem Vitri conficiendi, non eam Itali tantummodo, sed & Galli seu Franci antiquitus usurparunt. Bedà teste in Vita Benedicti Biscopi Abbatis, sanctus ille vir circiter Annum DCLXXX. misit legatarios Galliam, qui Vitri factores, artifices, videlicet Britannis eatenus incognitos, ad cancellandas Ecclesias, porticumque & coenaculorum ejus fenestras adducerent. Factumque est, & venerunt. Nec solum postulatam opus compleverunt, sed & Anglorum ex eo gentem hujusmodi artificium nosse ac discere fecerunt. Petrus Damiani in Vita Sancti Odilonis auctor est, ei dono datum fuisse ab Heinricho I. Imperatore vas holovitreum valde pretiosum, & Alexandrini operis arte compositum. Is idem infra commemorat vitrea vascula anaglypha fusilitate caelata. An verò tingendi variis colo-

ribus Vitri, illudque picturâ ornamdi, praeterquam in Graecia ac Italia, Ars excoleretur olim, notave foret, minime mihi compertum est. Eam certe Romanorum industria diu fovit, ac Leo Papa III. circiter Annum Christi DCCCII. *fenestras de absida Basilicae Constantinianae ex Vitro diversis coloribus conclusit, atque decoravit*, ut in ejus Vita apud Anastasium habetur. Delectati autem sunt picturatis etiam Vitris veteres Romani cum Ethnici tum Christiani : quod argumentum si quis egregie pertractatum intueri cupit, adeat Librum Clarissimi olim Viri Philippi Bonarotae Senatoris Florentini, qui multa antiquitatis rudera in hanc rem collegit. Ceterum praeter *Vitreas* fenestras, duplex alia ratio lucis admittendae per fenestras, simulque venti ac frigoris arcendi antiquis fuit. Altera, vela seu telas obtendendo fenestris ; altera *Speculari* lapide eas obstruendo, uti nunc fit vitreis orbiculis, aut laminis. Lapis iste, ut Plinius Lib. 36. Cap. 22. scribit, *faciliore multo naturâ finditur in quamlibet tenuem crustam, & lucem transmittit*. Idem verò est atque *Gypsum*, cujus fodinae ne in nostris quidem regionibus desiderantur. Propterea quae *Gypseae fenestrae* apud Scriptores rudium Seculorum occurrunt, istis *Specularibus* munitae erant, de quibus multa habet Salmasius in Solinum. Leo Ostiensis Lib. 3. Cap. 33. commemorat *Fenestras vitro, tam gipso, quàm plumbo insigniter laboratas*. Et Cap. 34. *Fenestras, quae in porticibus sunt, gipseas quidem, pari verò decore, construxit*. Apud Patres Cappuccinos, quibus sollicitum inest studium paupertatis, fenestras ejusmodi non semel vidi. Seræ autem antiquitati novimus fuisse *Specula*, quorum

rum usus nunquam desit; sed eorum fabricam apud Italos uni fortasse Veneti per tempora multa servarunt, & adhuc servant; quae tamen aliò translata, nunc in aliis quoque Regnis floret. At nos civi etiam Veneto, hoc est, Marco Paulo acceptum referimus, quòd primus vastum ac felicissimum Sinarum (ut appellare consuevimus) Imperium Saeculis posterioribus detexerit, uti & Columbo, & Americo Vesputio, quòd Indiarum Occidentalium notitiam & aditum reliquis Europaeis aperuerint.

Quae postea ducentis ab hinc annis mirabilia sane inventa fuere, aequiori titulo omitta velim. Sed non praeteribo nonnulla a Gualvaneo de la Flamma ante quadringentos ferme annos scripta in hanc rem. Floruit ille, ut alibi non semel monui, in Ordine Praedicatorum Mediolani iis ipsis temporibus, quibus haec ab ipso narrata contingere. Leguntur autem in ejus Opusculo, quod evulgatum a me fuit Tomo XII. Rer. Italicar. Anno MCCCXLI. (en ejus verba pag. 1037.) Pontificatus Benedicti XII. Anno VI. vacante Imperio, & Sede Archiepiscopali Mediolanensi: Vicariatus Roberti Regis Siciliae Imperii Anno XXVIII. sub dominio duorum fratrum ex Vicecomitibus venerabilis Johannis Episcopi Novariensis, & nobilis Militis Lucini de Vicecomitibus. In Civitate per Dominos Civitatis duae novitates sunt inchoatae. Prima est, quod adinvenerunt facere Molendina; quae non aqua, aut vento circumferuntur, sed per pondera contra pondera, sicut solet fieri in Horologiis; (& heic animadvertendum tunc ibi familiarem ferre Horologii.) Et sunt ibi rotae multae & artificia subtilia multum. Et non est opus, nisi auius quiri. Et mo-

A liunt continue quatuor modios tritici molitura optima nimis. Nec unquam in Italia tale opus fuit adinventum, licet per multos annos exquisitum. Secunda novitas fuit, quod adinvenerunt facere in Ticinello navigium. Et fuerunt istae naves dictae Ganzerrae. Et portat una navis quingentos vel sexcentos homines armatos. Et sunt nimis utiles pro Communitate Mediolani, quia possunt ire usque Venetias, & visitare Civitates & Castra posita super Ticinum & Padum, & in Lacu Majori. Possunt etiam hostibus inferre damna plurima, & vicualia deferre amicis. Sunt istae Ganzerrae naves magnae, habentes pro qualibet quinquaginta remos vel circiter. Et sunt communitae offeribus in circuitu cum bathfredis & machinis, cum maximis velis. Nec potuit Ticinellus ipsas transducere quantumcumque ingurgitatus, sed cum camelis (ita ibi scriptum) & aliis instrumentis oportuit ipsas conduci usque ad Lacum Majorem. Praeter haec idem Gualvaneus in altero Capitulo nova quaedam inventa recenset, ita scribens: Item alias nobiles & laudabiles consuetudines adinvenerunt praedicti Domini Civitatis: & aliquas jam inchoatas per suos praedecessores reppererunt. Videlicet quod equos emissarios equabus magnis commiserunt; & procreati sunt in nostro territorio Debrarii nobiles, qui in magno pretio habentur. Item canes Alanos aliae statuae, & mirabilis fortitudinis nutrire studuerunt. Et cuniculis Castra & Civitates repleverunt. Item vacem vernacini truncis inserti pinum vernacinum inferum producant. Panni de ferice & de auro subtili artificio texuntur. Et plura alia mirabilia opera & novitates laudabiles introductae esse dignoscuntur.

Ut etiam justae conjecturae fua-  
dent, Saeculis barbaricis atque Italiae  
debemus originem Perspicillorum, sive  
Specil-

*Specillorum vitreorum*: nos *Occhiali* appellamus. Profectò non defuere, qui sibi visi sunt reperisse apud antiquos usum instrumenti hujus ad oculorum vim adjuvandam. Sed incertis levibusque rationibus eorum sententia nititur. Samueli Pitisco, atque aliis, ex antiqua Inscriptione Romana laudatur *Faber Oculariarius* (potius *Ocularius*) quasi is esse potuerit ejusmodi vitrorum fabricator, quod & Reinseus facile credidit Clafs. XI. num. 66. Inscription. Antiquarum. Tenebrosam vocem nemo non videt: atque omnino latet, quid per eam significatum fuerit, etiamsi statuamus recte ab Aldo descriptam fuisse Inscriptionem illam, a Grutero subinde recusam. Fortassis artifex effingebat oculos in Deorum templis, suspendendos pro receptâ, uti stulte arbitrabantur, oculorum incolumitate. Aegyptii quoque, teste Clemente Alexandrino Lib. 5. Stromat. oculos ex auro & argento confectos in Templis exponebant, significaturi, *Deum omnia videre*. Ad haec Florentiae Inscriptio legitur, ab accuratissimo Gorio producta Tomo prim. Inscriptio. Florentin. pag. 406. ubi

M. RAPILIVS OCVLOS  
REPOSVIT STATVIS

Erant enim antiquis statuae Deorum, oculos habentes ex auro aut gemmis confectos, uti idem Gorius auctoritate Caecilii Balbi ex Johanne Sarisberienfi desumptâ animadvertit. Quare nihil his insistendum. Alii *Conspicillum* apud Plautum nacti, instrumentum idem opinati sunt adhibendum oculis, ut res majores appareant. Falluntur. Plautus ipse in Fragmentis ait:

*In conspicillo adservabam;*

A Idest in *Specula*. Alterum verum ex eodem Plauto adfert Robertus Stephani, nempe:

*Vitrum cedo: necesse est conspicillo uti.*

B At nusquam apud Plautum verum hunc reperio neque in Comoediis, neque in Fragmentis, ita ut fidere heic non possimus: praeterquamquod veteres adhibuere Vitrum ad accipiendam lucem in aedibus. *Specularia* nomen iis fuit. Ad hanc vocem legenda sunt, quae habet Du-Cangius in Glossar. Latin. & Salmasius ad Solinum. Fureterius quoque in Vocabular. Gallic. Linguae, tradit, se ab eodem Du-Cangio accepisse, adservari in Regia Bibliotheca Poëma Graecum, ex quo hauriatur, *Perspicillos* in usu fuisse Anno Christi MCL. Paria scribit Menagius in Origin. Linguae Italicae. En versiculum illum, ubi de Medicis agitur:

*Θυρίαι καὶ τὰ ἐνθάδε ποτὶ τῷ ὀφθαλμῷ.*

D Idest: *Intuentur autem excrementa per Vitrum*. Verum dubitat ipse Menagius, an hoc ad Ocularia spectet, quum vitro potuerint uti Medici illi, ne tetro foetore laederentur. Praeterea is minime animadvertit, dubitationem omnem ab ipso Du-Cangio auferri, qui rursus eundem versum in Glossario Graeco ad vocem *ὀφθαλμῷ* laudat, eumque ita Latine reddit: *Idest, inspicimus excrementa cum urinis*: neque haec ad Specilla spectant. Scilicet *ὀφθαλμῷ* *Urinam* significat, non *Vitrum*. Quum ergo nullum apertum locum aut testem ex universa antiquitate habeamus, tunc in usu fuisse *Perspicilla*, seu *Specilla*; & contra vix fieri potuerit, quin apud antiquos aliqua eorum mentio facta fuisset,

---

# E L E N C H U S T O M I Q U A R T I.

## DISSERTATIO DECIMANONA.

**D**E *Tributis, Vectigalibus, aliisque oneribus publicis Medii Aevi.* Pag. 1.

## DISSERTATIO VIGESIMA.

*De Artibus Mulierum.* Pag. 189.

## DISSERTATIO VIGESIMAPRIMA.

*De Italiae Statu, Habitatorum affluentia, Agrorum cultu, mutatione Civitatum, felicitate, ac infelicitate temporibus Barbaricis.* Pag. 257.

## DISSERTATIO VIGESIMASECUNDA.

*De Legibus Italicorum, & Statutorum origine.* Pag. 417.

## DISSERTATIO VIGESIMATERTIA.

*De moribus Italicorum post arreptam a Barbaris Italiae dominationem.* Pag. 529.

## DISSERTATIO VIGESIMAQUARTA.

*De Artibus Italicorum post inclinationem Romani Imperii.* Pag. 637.

THE NATIONAL ARCHIVES  
COLLECTIONS

RECORDS OF THE  
DEPARTMENT OF THE INTERIOR

LAND OFFICE  
WASHINGTON, D. C.

GENERAL LAND OFFICE

LAND OFFICE  
WASHINGTON, D. C.

LAND OFFICE  
WASHINGTON, D. C.

LAND OFFICE  
WASHINGTON, D. C.

